



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

WYLLIE RESEARCH LIBRARIES



3 3433 08161067 1

NTRE
(Jouvancy)
Horace
collected
Latin

HORATII

CARMINA.

NTIP
(Jouvan)

On trouve à la même librairie :

PUBLII VIRGILII MARONIS OPERA accuratissimis et selectissimis notis *Abrami, Schrevelii, Juvencii et Variorum*; édition spéciale pour l'usage des collèges ecclésiastiques; 1 vol. in-12.

JUVENALIS ET PERSII SATIRÆ expurgatæ, cum annotationibus *Juvencii*; 1 vol. in-12.

TERENCII COMOEDIÆ expurgatæ, cum notis et interpretatione latina *Juvencii*; 1 vol. in-12.

QUINTI HORATII FLACCI

CARMINA EXPURGATA

ACCURATISSIMIS NOTIS ILLUSTRAVIT

de
JOSEPHUS JUVENCIUS

SOCIETATIS JESU.

NOVISSIMA EDITIO.



PARIS.


**IMPRIMERIE ET LIBRAIRIE CLASSIQUES
DE JULES DELALAIN**

IMPRIMEUR DE L'UNIVERSITÉ

Rues de Sorbonne et des Mathurins-Saint-Jacques.

M DCCC LIV.

12



*Tout contrefacteur ou délinquant de contrefaçons de cet
Ouvrage sera poursuivi conformément aux lois.*

Toutes mes Éditions sont revêtues de ma griffe.

Jules Delalain

HORATII VITA.

Natus est Horatius, anno ab urbe condita 689, Venusiæ in Apulia, patre libertino, at locuplete, a quo Romam ductus, et inter senatorum equitumque pueros liberaliter est educatus. Annos natus admodum 19, Athenas petiit. Ibi philosophiæ operam dabat, quum Brutus, Cæsare percusso, fugiens in Macedoniam, illum Athenis abstraxit, et militum tribunum in suo exercitu esse iussit. Commisso ad Philippos prælio, in quo cæsus est Brutus, fugam arripuit Horatius; ac Romam, facto ad Palinurum Italiæ promontorium naufragio, vix appulit. Mox, inopia cogente, versus factitare cœpit, quos legerunt Virgilius et Varius, poetarum in urbe tum principes, ac Mæcenati, viro nobili, summa apud Augustum gratia, et eruditorum patrono, laudavere. Is Horatium vocat, probat, ac paucis post mensibus in suorum numero esse jubet: simulque ipsi veniam ab Octavio Cæsare, qui postea Augustus dictus est, impetrat, quod Bruti et Cassii partes secutus esset. Fuit ipsi quoque Augusto carissimus et acceptissimus. Obiit anno ætatis 57, U. C. 746, eodem quo Mæcenas, juxta quem in Esquiliis conditus est. Quod ingenium, qui mores, quæ religio viri fuerit, e scriptis patet. Corpore obesum, brevem, lippum, præcanum, ipse se fuisse commemorat.

TESTIMONIA VETERUM DE HORATIO.

**Et tenuit nostras numerosus Horatius aures ,
Dum ferit ausonia carmina culta lyra.
OVIDIUS, *Trist.* lib. iv, eleg. 10.**

**Omne vafer vitium ridenti Flaccus amico
Tangit, et admissus circum præcordia ludit,
Callidus excusso populum suspendere naso.
PERSIUS, Sat. i.**

**Lyricorum Horatius fere solus legi dignus. Nam et in-
surgit aliquando, et plenus est jucunditatis et gratiæ, et
variis figuris, et verbis felicissime audax.
QUINTILIANUS, lib. x, c. i.**

DE METRIS HORATIANIS

SEU VARIIS CARMINUM GENERIBUS

QUIBUS CONSTANT ODÆ HORATII.

I. Primum genus est earum, in quibus sunt omnes versus choriambici asclepiadei tetrametri : qualis est ode 1, lib. 1, *Mæcenas atavis*, etc. Vocantur choriambici, quia in illis præcipuum locum obtinet pes choriambus, qui componitur ex choræo, sive trochæo, et iambo, id est, ex longa et brevi, brevi et longa. Asclepiadei vocantur ab auctore : inventus enim fertur iste versus ab quodam Asclepiade. Tetrametri denique, quia pedes 4 habent quorum 1 est spondeus, 2 et 3 choriambus, 4 pyrrichius, constans e duabus brevibus.

Mæcē | nās ātāvis | ēdītē rē | gībūs |

Potest etiam aliquis eundem versum metiri aliter, si nempe interponatur cæsura in medio.

Mæcē | nās ātā | vis | ēdītē | rēgībūs |

Porro quum ode uniusmodi versibus constat, vocatur monocolos : quæ vox græca μονόκωλος significat esse partes omnes unius formæ ac speciei. Quando duplicis generis sunt versus in ode, vocatur illa dicolos; quando triplicis, tricolos; quadruplicis, tetracolos, etc.

Rursum, quando versus iidem et ejusdem generis recurrunt; si alternis id fiat, id est, si post alterum quemque versum, vocatur ode distrophos (quæ vox græca δίστροφος id significat); si post tertium quemque versum, tristrophos; si post quartum, tetrastrophos; quia ille ordo versuum, qui indentidem revertitur, Græcis est στροφή, Gallis, *stance*, *couplet*.

Denique, si pes nullus, nulla syllaba desit, aut abundet, versus vocatur acatalectus : si desit una syllaba, vocatur catalectus; si pes totus desit, brachycatalectus; si abundet unus pes, hypercatalectus, vel hypermeter.

II. Genus odarum, est earum, in quibus primi quique tres versus sunt hendecasyllabi (hoc est, undecim syllabarum) sapphici (a sappho inventi) acatalecti, sive quibus nihil deest; pentametri, sive quinque pedibus constantes, quorum 1 est trochæus, 2 spondeus, 3 dactylus, 4 et 5 trochæi. Quartus autem quisque versus est adonius (ab Adone inventus) dimeter, hoc est, 2 constans pedibus, nempe dactylo et spondeo. Talis est od. 2 libri 1.

Jām sā | tis tēr | ris nīvis | atquē | dīræ |

Similes sunt duo sequentes : quartus ;

Tērrūlt | ūrbēm |

Tota ode est dicolos tetrastrophos.

III. Ode dicolos distrophos, in qua primus quisque versus est choriambicus glyconius (ab Glycone inventore) acatelectus, trimeter, id est pedes ternos habens, quorum primus est spondeus, 2 choriambus, 3 pyrrichius. Secundus vero quisque versus est asclepiadeus, de quo dictum est in primo genere odarum. Talis est ode 3 lib. 1.

Sic tē | Dīvā pō | tēns Cypri |

Sic frā | trēs Hēlē | næ | lūcidā | sidērā |

IV. Ode dicolos distrophos, in qua primus quisque versus est dactylicus, archilochius, heptameter. Dactylicus dicitur, quia in eo maxime regnat pes dactylus : archilochius, quia inventus, et usurpatus ab Archilochio, poeta græco lyrico : heptameter, quia 7 constat pedibus, quorum 4 primi sunt dactyli, mixtis tamen ad arbitrium, ut in versu heroico fit, spondeis; tres postremi semper sunt trochæi. Secundus vero quisque versus iambicus, hexameter, catalectus, constans sex pedibus, dempta una syllaba. Primus est spondeus, vel iambus, 2 iambus, 3 spondeus, 4, 5 et 6 iambi. Talis est ode 4 lib. 1.

Sōlvitūr | ācris hī | ēms grā | tā vicē | vēris |

ēt Fā | vōnī |

Trāhūnt | quē sic | cās mächī | næ cā | rinās |

Secundus versus aliter dividi potest, nempe interposita in medio versu cæsura; et sic tres pedes ultimi erunt trochæi.

Trăhūnt | quē sīc | cās | măchī | nă că | rīnās |

V. Ode tricolos tetrastrophos, in qua primi quinque duo versus sunt asclepiadei, qualis est in primo genere explicatus. Tertius autem quisque, pherecratius, ab auctore Pherecrate sic dictus; heroicus, quia videtur esse pars versus heroici, seu hexametri; trimeter, quia tres pedes habet, spondeum, dactylum, spondeum. Quartus quisque est glyconius, de quo dictum in 3 genere. Talis est ode 12 lib. 1.

O nă | vīs rēfē | rēnt | în mărē | tē nōvī |
 Flūctūs | ō quīd ā | gīs | fortītēr | ōccūpă
 Părtūm | nōnnē vī | dēs ūt |
 Nădūm | rēmīgī | ō lătūs.

VI. Ode dicolos tetrastrophos. Primi quique tres versus sunt asclepiadei; quartus glyconius. Talis est ode 5 lib. 1.

Scriberis Vario, etc.

VII. Ode dicolos distrophos. Primus versus est hexameter heroicus; secundus est dactylicus alcmanius tetrameter. Dicitur dactylicus, quia frequentiores in eo sunt dactyli; alcmanius, quia inventus ab Alcmane, græco poeta; tetrameter, quia 4 habet pedes, nempe similes 4 ultimis versus heroici hexametri. Talis est ode 6 lib. 1.

Laūdă | būnt ālī | ī clă | rām Rhōdōn | aūt Mītŷ | lēnēn |
 Aūt Ephē | sūm bīmă | rīsvē Cō | rīnthī |

VIII. Ode dicolos distrophos. Primus quisque versus est aristophanius dimeter, constans e duobus pedibus, nempe choriambo, et bacchio. Pes autem bacchius ita dicitur, quia in hymnis Bacchi sæpe adhibebatur: constat ex una brevi et 2 longis. Talis est versus ode 7 lib. 1.

Lydīă dīc | pēr ōmnēs |

Aristophanius appellatur ab auctore illius Aristophane, poeta comico, apud Græcos celeberrimo. Secundus quisque versus est

alcaicus (ab Alcæo inventus) tetrameter, quia 4 pedes habet. Primus est epitritus, 2 et 3 choriambus, 4 bacchius.

Tē dēōs ō | rō sŷbārīm | cūr prōpērēs | āmāndō |

Porro pes epitritus ita vocatur, quia supra 3 syllabas, unam habet. Quadruplex est; 1 ex iambo et spondeo compositus, ut *vōlūptātēs*, 2 ex trochæo, et spondeo ut *cōncitātās*, 4 e spondeo, et iambo, ut *cōmmūncānt*, 3 e spondeo, et trochæo, ut *ēxspēctārē*. Potest hujus odæ primus versus aliter secari; nempe,

Lydiā | dic pēr | ōmnēs |

IX. Ode alcaica tricolos tetrastrophos. Dicitur alcaica: quia inventa fuit ab Alcæo, lyrico poeta clarissimo. Primi quique duo versus sunt iambici senarii brachycatalecti; qui appellari quoque possunt dactylici pentametri catalecti. Constant illi ex iambo, vel spondeo, deinde iambo, postea spondeo, tum anapæsto, denique iambo. Si aliter metiaris, ac esse dactylicos velis, constabunt ex iambo, vel spondeo, tum iambo, cæsura, et duobus dactylis. Talis est ode 8 lib. 1.

Vidēs | ūt āl | tā stēt | nīvē cān | dīdūm |

Vidēs | ūt āl | tā | stēt | nīvē | cāndīdūm |

Tertius quisque versus est iambicus dimeter, sive 4 pedibus constans (nam in versibus iambicis una mensura 2 pedes complectitur): hypercatalectus, sive abundans una syllaba, post 4 pedes.

Sīlvæ | lābō | rāntēs | gēlū | quē |

Quartus quisque versus est dactylicus alcaicus, constans pedibus quatuor, duobus dactylis, duobus trochæis.

Flūmīnā | cōnstītē | rīnt ā | cūtō |

X. Ode monocolos, in qua sunt omnes versus choriambici alcaici pentametri, qui constant e spondeo, tribus choriambis, et pyrrichio. Talis est ode 10 lib. 1.

Tū nē | quæsīerīs | scīrē nēfās | quēm mīhī quēm | tībī |

Possis etiam metiri versum istum aliter, cæsuris interpositis.

Tū nē | quæsīē | ris | scīrē nē | fās | quēm mīhī | quēm tībī |

XI. Ode dicolos distrophos, in qua primus quisque versus est iambicus dimeter catalectus: constat enim 4 pedibus; sed una syllaba deest, nempe prima. Talis est ode 15 lib. 2.

Nōn | ēbūr | nēqu' aū | rēūm |

Si velis pendulam et abundantem syllabam in finem versus rejicere, facies ex iambico trochaicum, et sic metiere:

Nōn ē | būr nē | qu' aūrē | ūm |

Secundus versus est iambicus trimeter catalectus, constans sex pedibus, dempta una syllaba.

Mēā | rēnī | dēt īn | dōmō | lăcū | nār |

XII. Ode dicolos distrophos, in qua primus quisque versus est heroicus hexameter; secundus quisque est dactylicus dimeter hypercatalectus, constans 2 dactylis, et syllaba. Talis est ode 6 lib. 1.

Dīffū | gērē nī | vēs rēdē | ūnt jām | grāmină | cāmpīs |
Arbōrī | būsquē cō | mæ |

XIII. Ode dicolos distrophos, in qua primus versus est iambicus trimeter, sive sex pedibus constans; secundus iambicus dimeter, duabus constans mensuris, sive pedibus 4. Ejus generis est ode 1 lib. Epod.

Ibīs | Lībūr | nīs īn | tēr āl | tă nā | vīūm |
Amī | cē prō | pūgnă | cŭlă |

Aliud quoddam genus est huic simile, in quo, pro versu primo iambico, ponitur heroicus hexameter.

Mōllīs īn | ērtiă | cūr tăn | tām dīf | fūdērīt | imīs | ōblī |
vlō | nēm sēn | sībūs |

XIV. Ode dicolos distrophos, in qua primus quisque versus heroicus hexameter, secundus vero archilochius hexameter hypercatalectus, constans 4 iambis, 2 dactylis, et una syllaba. Talis est od. 10 lib. Epod.

Hôrridâ | tēmpēs | tās cœ | lūm cōn | trāxīt ēt | īmbrēs |
Nīvēs | quē dē | dūcūnt | Jōvēm | nūnc mārē | nūnc slūæ |

Quidam hanc oden faciunt tricolon tristrophon, et secundum versum in duos secant, quorum primus est iambicus dimeter.

Nīvēs | quē dē | dūcūnt | Jōvēm |

Alter est dactylicus archilochius, de quo dictum in duodecimo genere.

Nūnc mārē | nūnc slū | æ |

Huic affine est generis aliud, in quo dactylicus archilochius præponitur iambico dimetro, et in primo loco, pro heroico hexametro, ponitur iambicus trimeter.

Pētīt | nīhīl | mē sic | ūt ān | tēā | jūvāt |
Scribērē | vērsicū | lōs |
Amō | rē pēr | cūlsūm | grāvī |

In quo genere, quidam duos illos versus in unum conflant, hoc modo :

Scribērē | vērsicū | lōs | āmō | rē pēr | cūlsūm | grāvī |

XV. Ode dicolos distrophos, cujus primus quisque versus est heroicus, secundus vero iambicus. Talis est ode 11 lib. Epod.

Altērā | jān tērī | tūr bēl | līs cī | vīlībūs | ætās : |
Sūs | ēt īp | sā Rō mā vī | rībūs | rūit |

Ultimum genus est earum in quibus sunt omnes versus iambici trimetri. Talis est ode 17 lib. Epod. *Jamjam efficaci, etc.*



APPENDIX DE DIIS ET HEROIBUS POETICIS.

I. DE MAJORIBUS ET MINORIBUS ETHNICORUM DIIS.

CAPUT I. SATURNUS.

Deorum antiquissimus habebatur Cœlum. Duo ejus filii celebrantur a poetis, Tempus, sive Saturnus et Titanus. Hic, etsi priore loco genitus foret, eique proinde imperium orbis deberetur, jus tamen suum remisit, concessitque Saturno, rogante Vesta matre, sed ea tamen lege, ut Saturnus masculam prolem educaret nullam. His ita constitutis, Saturnus mares statim editos devorabat, invita vehementer uxore, quæ uno partu Jovem et Junonem enixa, solam Junonem ostendit Saturno, Jovem occultavit. Sensit dolum Titanus, ac Saturnum acie victum in vincula conjecit. Is liberatus postea fuit per Jovem filium suum, a quo Titanes, bellum pro Titano patre redintegrantes, fuere profligati. Saturnus vinculis liberatus, quum in fatis esse cognovisset futurum, ut ab eodem Jove regno spoliaretur, illi struxit insidias, ac bellum etiam indixit. (Ovid. *Metam.*, lib. 1.) Jupiter debellatum patrem cœlo expulit. Saturnus, amisso cœlo, in eam Italiæ partem, ubi Roma condita postmodum est, venit, quæ Latium fuit appellata, quod ibi latuisset. Extorrem deum Janus, Latii rex, benigne accepit, ac vicissim a Saturno donatus est insigni prudentia, cujus ope meminerat præterita, futura prospiciebat : unde biceps, seu bifrons, appellatur. Eo regnante, mores optimi artesque viguerunt, quæ illi ætati nomen aureæ fecerunt. Saturni festa dicebantur Saturnalia, et decembri mense celebrata sunt per dies primo tres, deinde quatuor, tum quinque, ac plures. Per eos dies senatus non habebatur, vacabant scholæ; munera ultro citroque mittebantur ab amicis; de sontibus supplicium sumere, ac bellum indicere, nefas; servis mensæ accumbentibus ministrabant domini, et servorum vicem implebant, ad refricandam videlicet memoriam pristinæ, quæ florebat Saturno regnante, libertatis, quum nemo serviret.

Janus, de quo proxime facta mentio est, pingebatur cum clavi et virga. Virgam gerebat, quasi viarum præses; clavim, quia domorum januas et seras invenisse credebatur; ab eo januarii mensis invenit nomen; aræ duodecim eidem ponebantur, pro numero mensium; utque sunt anni tempestates quatuor, ita quatuor ipsi frontes aliquando datæ. In omnibus sacrificiis appellabatur primo loco, quippe qui primus aras et sacrorum ritus instituisset. Ejus templum Romæ claudebatur pace composita; patebat flagrante bello.

CAPUT II. CYBELE ET CERES.

Cybele, Saturni uxor, varia sortitur apud poetas nomina. Dyndimene vocabatur, Berecynthia, et Idæa, a montibus Phrygiæ Dyndimo, et Berecyntho Ida, ubi præcipue colebatur. Magna mater, quia dii plurimi, maximique, ex ea nati : Ops, et Tellus, quia, ut Saturnus cœlo, sic illa terræ præerat, opemque mortalibus ferebat : Rhea, quia e terra fluunt omnia, et gignuntur. Dicta quoque Vesta reperitur : vulgo tamen Vesta Saturni mater, non conjux, ponitur. Itaque duas aliqui Vestas constituunt, unam Cœli conjugem et matrem Saturni : alteram juniorem, et Saturni filiam. Seniores eandem esse cum Cybele, ac Tellure, censent. Pingebatur illa sedens, quia terra stat, suis librata ponderibus ; tympanum gerebat manu, quia terra ventos sinu continet, qui erumpunt inde cum fragore ; aderant circum belluæ ; curru vehebatur, quem trahebant leones ; caput floribus plantisque, sæpius corona e turribus et murorum pinnis conflata, cingebatur. Junior Vesta igni præerat, eique aram Numa Pompilius consecravit, et ignem in ara perpetuum foveri jussit, cujus alendi curam virginibus Vestalibus demandavit. Si casu exstingeretur, indicebatur justitium ; et publica, privataque negotia intermittebantur, donec prodigium illud infaustum expiatum fuisset : si Vestalium incuria, graviter in eas animadvertebatur. Quotannis renovabatur ignis ille, kalendis martiis, petita non ab igne alio, sed a sole, flamma. Cybeles festa, Megalesia vocabantur : sacerdotes dicebantur Galli, a Gallo, Phrygiæ fluvio, cujus aqua epota, in rabiem versi lacerabant se cultris, caput rotabant, et adversis frontibus inter se velut arietabant : unde illis etiam Corybantes nomen fuit. Tondebant iidem comam in priori capitis parte, stola muliebri erant induti ; Jovem in Creta insula aluerant : quas ob causas Curetes pariter dictos volunt. Denique reperiuntur appellati sæpe Dactyli idæi ; Dactyli quidem (quæ vox Græca *digitos* significat) quia decem, quot in manibus digiti, erant ; vel quod, instar digitorum, quibus manus ambæ utuntur, divæ præsto essent ad omne sacrorum obsequium. Idæi vero, quia Idam, Phrygiæ montem, incolebant. Sacra Cybeles celebrabant inconditis clamoribus, fistulis, tibiis ac tympanis percrepantibus. Romæ a feminis fiebant eadem in templo ac loco secreto, quod Opertum nuncupabant, exclusis viris.

Saturni et Opis, seu Cybeles, filia Ceres fuit, dea frugum, et inventrix frumenti. Quamobrem cum spicea corona pingitur, et plenis uberibus, ex quo mammosæ et almæ nomen est adepta, quod omnes alat. Facem gestabat, quia filiam Proserpinam a Plutone raptam diu quæsit (Metam., lib. 5), quumque somnum præ mœrore capere non posset, ei papaver edendum præbuisse Jupiter dicitur, cujus ea vis est ut somnum concillet. Hinc papavera manu tenebat. Usa est Triptolemo adjutore ad monstrandam hominibus serendi artem (Metam., lib. 5). Erat hic eleusini regis, apud quem Proserpinam quærens Ceres diverterat, filius.

a.

In eodem oppido Eleusi cœpta sunt primum peragi Cereris sacra, Eleusina dicta : in iis incredibile servabatur silentium , ac summum nefas putabatur ex illis aliquid evulgare. Alia duo Cereris festa memorantur in scriptoribus antiquis : Thesmophoria , quia Ceres Atheniensibus leges descripserat ; et Ambarvalia , instituta ad fertilitatem et ubertatem impetrandam arvis , quæ tunc ambiebantur a supplicantibus , unde festo nomen. Vinum ab aris Cereris amovebatur : immolabatur illi porcus , quia fruges et sata rostro eruit. Agrorum limitibus præerat deus Terminus : ejus festa , Terminalia dicebantur. Cererem in Græcia regnasse narratur , artemque agros colendi tradidisse : ac per eam factum ut Græcia suis frugibus uteretur , quum antea frumento aliunde importato vixisset.

CAPUT III. JUPITER.

Jupiter, Saturni et Cybeles filius, postquam patrem egisset in fugam, regnum mundi cum fratribus ita divisit, ut cœlum sibi vindicaret; aquas Neptuno, inferos Plutoni regendos permetteret. Non diu tranquillum regnum habuit. Tellus enim, Titani uxor, dolens filios suos Titanas a Jove interfectos, Gigantes procreavit, mole viribusque spectandos; qui, congestis in cumulum montibus, Jovem cœlo detrudere aggressi sunt (*Metam.*, lib. 1 et 14). Sed fulminibus dejecti, et suis obriti montibus, pœnas Jovi dedere. Vocati ab illo in belli et periculi partem dii, quum se imparem unum tot hostibus crederet, sic Gigantum conspectu perterriti facti sunt, ut omnes in Ægyptum fugerint, ibique sub variis animantium formis latuerint (*Metam.*, lib. 5). Hinc factum ut belluas Ægyptii colerent pro numinibus. Bacchus tamen specie leonis indutus rem strenue aliquantisper gessit, hortante Jove, et Evohe, εὐ ὤέ, id est, *Euge fili*, ingeminante. Jupiter, pacatum adeptus regnum, curam ad formandos homines contulit. Eum imitatus Prometheus, finxit statuas quasdam hominum ex argilla, illasque raptò e curru Solis igne animavit (*Metam.*, lib. 1). Promethei temeritatem indigne ferens Jupiter, negotium Vulcano dedit, ut eum in Caucasò monte religaret : addidit vulturem, qui laniaret viscera, in novos cruciatus semper renascentia. Severitatem Jovis inique tulerunt ceteri dii, ac doluerunt quod sibi uni formandorum hominum jus arrogaret. Quare, collatis studiis et muneribus, mulierem effinxere, quam Pandoram appellarunt, quasi ex omnium donis conflata. Jupiter, superum arrogantiam ulturus, illi capsulam dedit, infelix munus; in eam quippe congesta erant omnia naturæ mala. Hanc Pandora quum detulisset ad Epimetheum, Promethei fratrem, ille, impulsus curiositate prava, sive, ut alii narrant, ejus uxor, capsulam aperuit, ex eaque pestes omnis generis in orbem terrarum evolarent, sola spe in fundo capsulæ relicta. Hinc ætas ferrea et scelerum colluvies nata est. Jovem non unum in Creta regnasse doctorum opinio est : omnium celeberrimum Abrahamo supparem Eusebius facit. Patrem spoliavit regno, quod ita cum su-

fratribus Neptuno et Plutone divisit, ut ipsi regiones ad ortum sitæ, Plutoni occidua pars insulæ, Neptuno maritimi tractus obtigerint. Hinc Jupiter cœli, Neptunus maris, Pluto inferorum rex numenque dictus est. Jovis nomine apud poetas aer ut plurimum significatur, sive cœlum : ut nomine Junonis, quæ Jovis conjux, terra, quia e cœlo terraque omnia gignuntur. Ejusdem Jovis varia sunt apud scriptores profanos nomina : hæc frequentiora. *Diespiter* vocatur, quasi diei pater : *Feretrius*, vel quod hostes feriret, vel quod in ejus templum ferrentur opina spolia. *Stator* (ita est a Romulo dictus), quod Romanorum contra Sabinos pugnantium fugam stiterat : *Xenius* sive *Hospitalis*, quia gerebat hospitum curam. *Vejovis* et *Vedius* tunc appellabatur, quum rogabatur ne quid inferret mali, et inter sinistra noxiæque numina ceusebatur : factæ voces istæ sunt et interjectione *væ*, quæ mali ominis est, et duplici genitivo, altero græco, altero latino : *Jovis* scilicet et *Διός*.

CAPUT IV. JUNO.

Juno, Jovis soror et conjux, matrimoniis præerat, ac partibus feliciter edendis : tumque Pronuba, Lucina, et Ilithyia, nominabatur (*Metam.*, lib. 9). Ejus filia Hebe, juventutis dea, nectar Jovi tamdiu miscuit, dum ejus locum Ganymedes, a Jove in aquilam mutato raptus, occupavit (*Metam.*, lib. 9 et 10). Edidit etiam Juno Martem, belli armorumque præsidem, cujus soror Bellona, sive Enyo : denique Vulcanum, sed distortum et infirmum. Horruit partum degenerem Jupiter, et calce in terras dejecit. Vulcanus, crure inter cadendum fracto, claudus remansit. Jupiter, ut infortunium hoc solaretur, illum præfecit fabricandis fulminibus. Officinæ Vulcani Lemnos, Lipara, Ætna : adjutores et administri fuere Cyclopes, ita dicti, quod unum in fronte media oculum haberent. Ceterum offensus Jupiter et arrogantia Junonis, et postremo partu, eam fastidire cœpit. Palladem, e secundo capite productam, bello pariter præesse litterisque voluit. Vulgo tamen, quum litterarum est præses, Minerva nuncupatur. Olea ipsi dicata erat, pacis insigne : nam et pace gaudent litteræ, et belli finis præmiumque pax esse debet (*Metam.*, lib. 6). Ab Atheniensibus præcipue culta fuit. Interim Juno, ira invidiaque flagrans, quum maritum infidum observare vellet, illi custodem apposuit centum oculis præditum, Argum nomine. Molestum observatorem Jupiter opera Mercurii obtruncavit (*Metam.*, lib. 1) : ejus oculos Juno indidit pavonis caudæ. Argum ipsum, ut alii volunt, in pavonem mutavit. Junonis famula et nuncia Iris fuit, quamvis operam aliquando Jovi ceterisque diis navaret. De Marte, addo, illum Gradvum appellari solitum, quando sæviebat : *gradior* enim proprie de militibus in aciem procurrentibus dicitur : Quirinum vero, cum tranquillus et mitis erat : sumpto nomine a Sabino vocabulo *curis*, seu *quiris*, quod hastam significabat. Id nominis Romulo quoque, Martis filio, tributum est. Salii, Martis sacerdotes, urbem obibant saltando, et ancilia (clypeolos sacros) circumferendo.

CAPUT V. APOLLO.

Jupiter, sprete Junone, Latonam adamavit, ex eaque suscepit Apollinem et Dianam. Priusquam in lucem ederentur, Juno Terram obsecravit, ut nullum Latonæ, ubi consistere posset ac parere, locum relinqueret (*Metam.*, lib. 6). Promisit Terra excludendam omnibus locis Latonam, præterquam ab insula Delo, quæ tunc fluitabat incerto mari, ac fere semper fluctibus erat obruta. Sed Neptunus, Latonam miseratus, Delum stabilem reddidit, ac jussit emergere. Hinc Apollo Delii cognomen est nactus ab insula natali. Ejus filius Æsculapius, quum artem medicam a patre et a Chirone Centauro didicisset, tantum in ea profecit, ut Hippolytum, Thesei filium, a monstris marinis discerptum, ad vitam revocaret (*Metam.*, lib. 2 et 15). Quo facto Jupiter auctoritatem suam lædi ratus, Æsculapium fulmine percussit. Apollo vicissim Cyclopes, fulminis fabricatores, quoniam sævire in Jovem ipsum non poterat, interemit. Exarsit iracundia gravi Jupiter, et Apollinem, cœlo pulsum, divinitate per aliquot annos spoliavit. Redactus in ordinem Apollo multis incommodis afflictatus est; ac, ne periret fame, operam suam locavit Admeto, Thessaliæ regi, cujus greges pascebat acceperat (*Metam.*, lib. 2). Hinc deus pastorum habitus fuit, eique immolabatur lupo, ovium pestis. Armenta sic pascentem aliquando vidit Mercurius, eique vaccam dolo surripuit: mox ipsam ejusdem humeris furtim pharetram detraxit. Daphne in laurum ab eo mutata fuit (*Metam.*, lib. 1). Hyacinthus, quem disco imprudens colludentem interemerat, in florem cognominem mutatus est (*Metam.*, lib. 10). At Hyacinthi parentes Apollinem, ut pœnas expetere, insecuti, fugere coegerunt in Troadem, ubi incidit in Neptunum, cœlo pariter exsulantem, irato Jove, in quem cum diis aliquot conjuraverat. Ambo ad Laomedontem, qui Trojam tunc ædificabat, confugunt, ac pacto pretio navant operam construendis Trojæ mœnibus (*Metam.*, lib. 11). Quum promissam mercedem negaret Laomedon, conspirarunt in perjurum regem, ejusque civitatem Neptunus, immisissis aquis, evertit magna ex parte; Apollo pestilentia regionem devastavit. Tot malis remedium quæsit Laomedon, oraculo consulto. Responsum est placandos Apollinem ac Neptunum, objecta monstris marinis trojana quotannis virgine: sors Hesionem, regis ipsius filiam, neci addixerat. Hercules ita se liberaturum illam sponndit, si Laomedon quosdam insignes equos sibi daret (*Metam.*, lib. 11). Promisit rex; at, liberata filia, monstris abactis et interfectis, Herculem indonatum irrisumque valere jussit. Hercules, justo furore percitus, obsedit urbem, cepit, ac regem interfecit. Interea mitigatus Jupiter cœlum Apollini ac divinitatem reddidit. Apollo pristinum decus non modo recuperavit, sed magna etiam accessione cumulavit. Nam in cœlo lucis orbi dividendæ munus recepit, quod antea gerebat, etsi provinciam hanc aliqui poetæ tribuant uni e Titanibus, quem Titanem, et Hyperionem dixerunt. Huuc alii Solis ipsius patrem

faciunt. Solem Ægyptii Horum appellabant : Persæ, Mithram. In terris vero edere cœpit oracula, præsertim Delphis, ubi sacerdos responsa dabat insidens cortinæ, sive tripodi, tecto pelle serpentis Pythonis, olim ab Apolline interfecti (*Metam.*, lib. 4). Præterea invenit artem canendi, et Marsyam satyrum, a quo fuerat provocatus, victum cantando, exuit pelle (*Metam.*, lib. 6). Eamdem canendi artem et poesim docuit Musas, Jovis et Mnemosynes filias. Novem recensentur : Calliope, Clio, Erato, Thalia, Polyhymnia, Urania, Melpomene, Terpsichore, Euterpe. Parnassum una cum Apolline incolebant (*Metam.*, lib. 5). Inter Apollinis filios celebratur Phaethon, qui paternum currum, temere expetitur, quum male regeret, a Jove percussus, et in Eridanum deturbatus est. Ejus sorores Heliades in populos mutatae (*Metam.*, lib. 2).

Inter Apollinis liberos nonnulli numerant Auroram. Hæc Tithonum, Laomedontis filium, habuit in matrimonio, eique immortalitatem a Jove impetravit; nec tamen obtinere potuit, ne senesceret. Itaque senio fractus, in cicadam ut mutaretur, exoravit. E Tithono genuit Aurora Memnonem, qui Priamo suppetias, in trojano bello, tulit. Ab Achille interfectus, a matre diuturnis lacrimis, quæ rorem efficere, deploratus est, et ex ejus rogo natæ aves Memnonides (*Metam.*, lib. 13). Illi statuam Ægyptii posuerant, quæ, solis orientis primoribus radiis icta, sonum canoræ voci similem edere jactabatur.

CAPUT VI. DIANA.

Diana, soror Apollinis, eadem in cœlo Luna, in terris Diana, in inferis Hecate, dicebatur. Hinc triformis diva, triceps Hecate, a poetis nuncupatur. Venationi præsertim addicta venatoribus præfuit. Eadem virginitatem perpetuo coluit, et Actæonem venatorem, quod in eum, ubi se cum nymphis lavabat, locum imprudens venisset, mutavit in cervum (*Metam.*, lib. 3). Insigne templum habuit Ephesi, et inter septem orbis miracula numeratum : aram quoque in Taurica Chersoneso, ad Pontum Euxinum, in qua ipsi homines immolabantur, præsertim si qui naufragio ad istas oras ejecti fuissent.

CAPUT VII. BACCHUS.

Jupiter e Semele suscepit Bacchum, quem narrant, quum ante tempus in lucem exiisset, insertum fuisse Jovis femori, donec menses legitimi partus impleverentur (*Metam.*, lib. 4). Ætate provecior peragravit orbem terrarum, deque India triumphavit. Invenisse vinum fertur, eique caper immolabatur, quia vitium gemmas arrodit. Primus etiam aratro boves subjunxisse memoratur : quam ob causam ejus capiti affiguntur cornua, quæ pariter indicant robur et audaciam ebriosis familiarem. Sacra illi quoque hedera, quia vini fumos nativo frigore discutere creditur. Ea involutum et pampinis jaculum gestabat, quem thyrsus voca-

bant. Eodem instructæ feminæ, sparsis comis ululantes, sacra Bacchi celebrabant: Trieterica illis nomen, quia tertio quoque anno recurrebant: et Orgia, ob furorem, quo istæ Bacchantes, pellibus tigridum et pantherarum indutæ, nonnunquam armatæ facibus, per invios montes vagabantur, præsertim in Thracia (*Metam.*, lib. 4 et 11). Præter illius nomina, quæ exposuimus lib. 4 *Metam.*, vocabatur etiam Dionysius, sive Dionysus, a Jove, ipsius patre, et ab urbe Nysa, ubi regnavit; vel a nysæis nymphis, a quibus educatus. Apud Latinos vulgo Liber dicebatur, quia ebrio liberius nihil, nihil ab omni cura solutius. Huic nomini respondet græcum *Lyæus*. Hinc ejus festa vocabantur apud Græcos Dionysia; apud Latinos vero Liberalia, sive Bacchanalia. Peculiaria quædam celebrabantur in Atticæ pagis, Ascolia nuncupata, a voce græca, quæ utrem significat. Statuebant itaque utres hircinos in prato, inflatos, et oleo inunctos. Saltabant per hos rustici unico tantum pede: nam alterum erectum, et in aere libratum, habebant. Qui cadebant (quod proprio vocabulo *cernuare* dictum est a Romanis, eadem subinde festa imitatis), risu agrestis coronæ et cachinnis excipiebantur. (Consule Lacerdam, lib. II *Georg.*, versu 384.) Sunt qui adumbratum in Baccho fuisse velint Nemrod, qui hebræa voce Bar-Chus, id est, Chusi filius, appellatur. Sunt qui Moysem in eo expressum pugnent, ac multa proferunt a poetis attributa Baccho, quæ plane in Moysem quadrant. Plerique omnes Noemum in eo depictum censent, satorem vitis, ac vini sive monstratorem, sive reparatorem. In eam sententiam explicant quæ poetæ de Baccho tradunt: nempe a Naiadibus fontium nymphis præsidibus educatum fuisse, ut vinum aqua temperandum docerent. Pingunt eundem puerili semper vultu: ebrii puerorum simillimi sunt: nudum, quia nullum ebrio arcanum est. Furiosos comites illi addunt, tigres ejus currui subjungunt: quia vinum, excusso rationis imperio, intemperantes ira et furore incendit, ac belluis simillimos reddit.

CAPUT VIII. MERCURIUS.

Mercurius, Maia genitus, Atlantis filia, Jovis et deorum interpres fuit ac nuncius. Itaque alas in capite et pedibus habebat, quo expeditior esset ad mandata superum perferenda: caduceum vero in manu (*Metam.*, lib. 2). Mercurium narrant incidisse aliquando in duos angues inter se dimicantes, utrumque diremissee interposita virga, quam tenebat manu. Inde factum, ut virgam gemino angue circumfuso insignem gestaret, caduceusque pacis esset ac foederis symbolum. Quia deorum minister et nuncius erat Mercurius, inditum illi quoque fuit Camilli nomen, quo nomine pueros, ac sacrificiorum præsertim ministros, antiqui vocare consueverant. Mercurii nomen invenit a mercibus, et mercatura, cui præerat. Alterum Mercurii munus erat, animas mortuorum ad inferos deducere, ex iisque, quum res ferebat, revocare. Tertium, fures adjuvare. Idem palæstræ et eloquentiæ

laude florebat : ac sæpe pingebatur cum aureis catenis ex ore defluentibus, quibus audientes vinciebat. Hinc Hermes apud Græcos appellatus est. Ejus statuæ apud Romanos in triviis et compitis, ut iter ostenderent, locabantur, erantque manibus captæ ac pedibus et Hermæ vocabantur. Iidem Romani solebant Mercurii ac Minervæ statuas jungere, et eidem quasi trunco imponere : Hermathenas vocitabant : item Cupidinis ac Mercurii, et Hermerotes dicebantur.

CAPUT IX. VENUS.

Veneris mater Dione fuit ; filius, Cupido ; item Priapus, hortorum, et Hymenæus, nuptiarum, præses ; denique Æneas ; filia vero, Charites, sive Gratia tres : Aglaia, Thalia, Euphrosyne. Colebatur præsertim Amathunte, Cytheris, Paphi. Astarte, Sidoniorum dea, non alia fuisse quam Venus, ab eruditis creditur. Additur aliquando Veneri comes Pytho, sive Suada, eloquentiæ dea. Currum Veneris trahebant columbæ, cycni, aut passerres. Libidinum magistra Venus ferebatur, nec puduit homines deos ad omnia flagitia duces hortatoresque sibi facere.

CAPUT X. NEPTUNUS.

Neptunus, Jovis frater, maris imperium sortitus est. Illi pro sceptro, tridens ; pro curru, ingens concha ; pro equis, hippocampi, sive equi marini, bipedes tantum, postrema corporis parte in piscium caudam desinente : pro satellitibus, Tritones erant. Uxor ejus Amphitrite : filia, Harpyia (*Metam.*, lib. 7). Oceanus, Neptuni filius, pater fluviorum, Tethyn uxorem duxit, ex qua Nereum et Doridem suscepit. E Nereo et Doride prognatae sunt nymphae, quarum alia vocabantur Nereides, quæ mari ; Naiades, quæ fontibus et fluviis ; Napeæ, Dryades, et Hamadryades, quæ silvis pratisque præerant. Inter Nereides insignis fuit Thetis, Pelei conjux (*Metam.*, lib. 11). Oceani pariter filius erat Protheus, Neptuni pastor, qui phocas ejus regebat, a Latinis dictus Vertumnus, quia in omnes formas sese vertebat (*Metam.*, lib. 2, 8 et 14). Inter maris umina censebantur etiam Glaucus, Ino, ejusque filius Melicerta. Glaucus quo pacto deus evaserit, explicat Ovidius (*Metam.*, lib. 7 et 13). Ino conjux erat Athamantis, Thebarum regis. Hunc irata Juno egit in furias, quibus ille agitat, necem uxori machinatus est. Furentem Ino fugiens in mare se dejecit, cum filio Melicerta. Utrumque miseratus Neptunus deos maris esse jussit, et Inonem Leucotheam, Melicertam vero Palæmonem dixit (*Metam.*, lib. 4). Nec prætereundus inter deos maris Æolus est, ventorum arbiter. Ejus regia et ventorum carcer prope Siciliam, in æoliis insulis, collocatur. In angusto freto, quod Siciliam ab Italia separat, monstra duo marina ponuntur a poetis, Scylla nempe et Charybdis. In eodem freto siculo degebant Sirenes, quæ suavitate cantus pellectos vectores in brevia syrtesque perducebant (*Metam.*, lib. 5).

CAPUT XI. PLUTO.

Plutonis conjux Proserpina, Cereris filia, quam rapere coactus est, quia dearum nullam, quæ tam deformis regni domilio vellet nubere, inveniebat (*Metam.*, lib. 5). Inferorum fluvii, Acheron, Cocytus, Phlegethon; palus, Styx (*Metam.*, lib. 2). Custos inferorum, Cerberus, canis triceps; portitor, Charon, senex inexorabilis: carnifices, Furie tres, Alecto, Megæra, Tisiphone, flagellis et facibus armatæ (*Metam.*, lib. 4). Plutonis administræ, Parcæ tres: Clotho, Lachesis, Atropos. Illæ fatalem tenebant colum, modo nigra involutam lana, modo alba, ex eaque filum ducebant, quo reciso, pereundum erat. Mortuorum animæ, opera Charontis transvectæ, deducebantur a Mercurio ad iudices Æacum, Minoem, et Rhadamanthum: qui, expensa singulorum vita, probos mittebant in Elysium, sceleratos in Tartarum detrucebant. Eorum poenas et insignium facinorosorum nomina describit Ovidius, (*Metam.*, lib. 4).

Porro animæ in Elysios campos missæ, post certum annorum numerum, ex iis educebantur, et in alia migrabant corpora, novam ut vitam instituerent. Sed antequam felicibus exirent campis, hauriebant aquas fluvii Lethes, quarum ea vis erat, ut rerum omnium præteritarum oblivionem afferrent. Mortui, quorum insepulta jacerent cadavera, centum annos in ripa Stygis errabant, quibus exactis, a Charonte transmittabantur. Plutonis nomina tria præ ceteris erant illustria: Orcus dicebatur, quasi Urgus, vel Uragus, quod omnes urgeret in interitum; Februus, ab antiquo verbo *februo*, quod significat purgo, lustrum; quia in funebribus cærimoniis multæ lustrationes et purgationes adhibebantur: præcipua quædam sacra Plutoni fiebant, dicta ob eandem causam Februa, unde etiam fluxit nomen februarii mensis, quo hæc sacrificia peragebantur. Plutonis vocabulum a græca voce divitias significante, ducitur, quia aurum et alia metalla in imam tellurem naturæ provida benignitas, ut laterent, retrusit, ipsisque admovit inferis, ac Plutonis arbitrio subjecit, ut fingeant poetæ: qui tamen peculiarem deum, Plutonis administrum, divitiis præfecerunt, Plutum nomine; claudum faciunt, quia tarde comparantur opes; cæcum, quia sæpe immeritis contingunt.

CAPUT XII. PAN, FAUNUS, SATYRI, ETC.

Ut cœli et inferorum, sic terræ propria quædam erant numina. Principem inter agrestes deos locum obtinebant Pan et Pales. Pan, Mercurii filius, capri caput ac pedes, necnon barbam et cornua gerebat: illum comitabantur Satyri, non dissimiles; itemque Silvanus, silvarum præses. In Arcadia præcipue colebatur Pan: ejus in honorem Romani mense februario celebrabant Lupercalia, quibus in festis Luperci, Panos sacerdotes, nudi per urbem discurrebant. Pan, ut ipsa vox græca innuit, ac testatur Servius, symbolum erat universi orbis, in quo homines

belluis mixti sunt : itaque superne hominis, inferne pecudis speciem gerebat. Fistulam gestabat ad significandum partium mundi, junctarum inter sese ordine pulcherrimo, concentum. Narrat Pausanias, quum Galli, Brenno duce, Græciam percursantes, templum delphicum pararent spoliare, injectum illis a Pane improvisum terrorem, quo percussi omnes fugam arripuerint. Inde natum, ut terror sine causa susceptus panicus appelletur. Pales invocabatur a pastoribus : eamdem ac Cybele esse putabatur. Ejus festa Palilia celebrabantur aprili exeunte. Faunus quoque Pici, Latinorum regis, filius, in agrestium deorum numerum veniebat, quia multa docuerat homines ad agriculturæ usum spectantia.

Pomona fructuum ; Flora, seu Chloris, florum gerebat curam. Ludi ejus in honorem celebrati vocabantur Floralia, et tuba indicebantur. Præterea suum singulis fontibus, fluviis, domibus, hominibus, deum assignabant. Domestici dii Lares, sive Penates, appellabantur. Lares vicorum etiam, itinerumque præsides erant : itaque in vicis et compitis colebantur, et ludis, in eorum honorem celebratis, Compitalitiis nomen erat. Tunc hominum effigies e lana, tanquam victimæ piaculares, suspendebantur in compitis, rogabanturque Lares, ut in hæc simulacra iram et poenas effunderent, si quas ipsimet homines commeruissent. Quum bullas pueri deponebant, eas Laribus consecrabant. Canes illis erant dicati, animal domesticum et fidele : ipsique canina pelle vestiebantur. Locus Laribus domi sacer, vocabatur larium. Iidem præstitēs nominabantur, quasi qui multa familiis comoda præstarent. Proprium cujusque hominis numen, genium vocabant, eumque simul cum unoquoque nasci et mori arbitrabantur. Duplicem statuebant genium, alterum candidum et felicem ; alterum nigrum et sinistrum, qui si albo esset fortior, omnibus infortuniis miserum hominem male mulctabat. Feminarum genios appellabant Junones. Serpens genio dicatus erat. Rerum humanarum veluti clavum moderabatur Fortuna, dea cæca, rotæ insidens volubili, et in sola inconstantia constans. Huic maxime supplicabant, eique varia diversis nominibus templa posita reperiuntur. Si quis fortuna secunda et favente abuteretur, hunc plectebat Nemesis, et indignos ingratosque ulciscēbatur. Inditum id illi nomen a voce græca, quæ significat distribuere, quia poenas et præmia unicuique veluti dividebat. Dicta quoque legitur Adrastæa ; vel ab Adrasto ; rege Argivorum, qui primus aram illi condidit ; vel quod nemo illam posset effugere, ut vox græca sonat : Rhamnunte (pagus Atticæ fuit) præcipue colebatur. Hinc Rhamnusia vocatur a poetis. Alatam exhibebant, ad significandam celeritatem poenarum, quæ impios non tardo pede consequuntur : insidentem rotæ, ut indicarent eam vicissitudinem, qua delictis poenæ respondent, iisque succedunt. In deorum etiam numerum referebantur Nox et Somnus, sive Morpheus. Ex utroque genitus Momus ludo jocisque præsidebat.

Posita quoque templa visebantur variis scelerum monstris, et

morbis; ut Invidiæ, Fraudis, Calumniæ, Discordiæ, Furori, Febri, Pavori, Paupertati, Necessitati, Tempestati. Illud paulo rectius, quod eosdem honores tribuerent virtutibus Fidei, Justitiæ sive Astrææ, Pietati, Pudicitiae, Concordiæ, Veritati, Saluti, Libertati, Paci: demum Silentio, cujus præses apud Ægyptios erat Harpocrates, apud Græcos, Sigalion: uterque pingebatur cum digito indice labris admoto, quasi silentium indicens. Harpocrati sacra erat arbor perseæ, quod ejus folia, linguæ, fructus autem cordis speciem præ se ferant. Ab iisdem Ægyptiis Angeronia, silentii dea præses, habebatur, ejusque simulacrum ore obligato et obsignato prostabat.

II. DE SEMIDEIS ET HEROIBUS.

CAPUT XIII. ORIGO IDOLOLATRIÆ.

Quum primum homines, abrepti cupiditatum æstu, in graviora flagitia prolapsi sunt, tunc originis suæ et conditoris obliti, nova sibi numina fabricarunt. Ac primo quidem solem et lunam adorare, quia nihil formosius objiciebatur sensibus, quorum iudicio fere omnia metiebantur: deinde hominibus ipsis cultum uni Deo debitum adhibuerunt. Id primus omnium tentasse Ninus fertur, circa mundi annum 1945, qui, collocata publice patris sui Beli statua, jussit ad eam preces et vota concipi. Exemplum secutæ gentes vicinæ, divinos honores suis principibus, aut heroibus de genere humano bene meritis, decreverunt. Sic inter superos relati Saturnus, Jupiter, Neptunus, Hercules, aliique, et pro numinibus deinde habiti sunt, communi gentium omnium suffragio, præcipue Græcorum, qui ceteris eruditione ac sapientia præstare credebantur.

Ordinem nihilominus aliquem statuebant inter deos. Quosdam enim censebant omni exceptione majores, ut Jovem, Junonem, Neptunum, etc., quosdam minores, ut Panem, Faunos, Satyros, nymphas, etc. Nonnullos dimidiatos quasi deos, sive semideos appellabant, qui maternum duntaxat, paternumve genus ab aliquo deo ducerent, ut Æsculapium, Pollucem, et similes. Denique heroibus ob res præclare gestas, et magna quædam in mortales collata beneficia, cælum ac divinitatem indulserunt. De duobus primis deorum generibus dictum est parte prima, nunc de semideis et heroibus disserendum.

CAPUT XIV. PERSEUS, BELLEROPHON.

Acrisius, Argivorum rex, quum oraculo didicisset futurum, ut periret a puero quem Danae filia sua pareret, hanc ærea turri inclusit, appositis custodibus, ne quis ad illam vir adspiraret. Eo tamen penetravit Jupiter in imbrem aureum mutatus, hoc est, auro corruptis puellæ custodibus. Genitum sic furto Perseum Acrisius in arcam abdidit, et in medios fluctus projecit

sed a piscatoribus servatus, quum ætate processisset, ac ludicro interesset certamini, patrem imprudens interfecit. Res ejus præclare gestas describit Ovidius (*Metam.*, lib. 4, ad finem, et initio lib. 5).

Pegasus, de quo meminit idem Ovidius (*Metam.*, lib. 4), egregiam Perseo primum navavit operam; deinde Bellerophonti, Glauci, regis Corinthiorum, filio. Ille quum Prætum, Argivorum regem, inviseret, ejusque uxori Sthenobææ assentiri nollet, ab ea fuit accusatus apud Prætum, qui, ne datam hospiti dextram fidemque violaret, misit ipsum cum litteris, quasi commendatitiis, quarum similes Bellerophontis epistolæ postea sunt appellatæ, ad Iobatem regem Lyciæ, socerum suum. Rogabatur istis litteris Iobates, ut Bellerophontem insidiis et astu perderet. Statim variis periculis fuit objectus ab Iobate, ut periret, præsertim Chimææ, horribili monstro, in Lycia, quod Pegasi tamen ope domuit. Sed dum equi alati tergo insidens evolare in cælum conatur, a Jove dejectus et oculis orbatus est. Commodius actum fuit cum Perseo et ipso Pegaso; nam ambo in sidera sunt relati. Sthenobæa necem sibi conscivit.

CAPUT XV. HERCULES.

Heroum, quos vetustas celebravit, clarissimus exstitit Hercules, Alcmena genitus, conjuge Amphitryonis, thebani principis, et Jove. Regnabat per idem tempus Mycenis, in Græcia, Sthenelus, et regnum Herculi fata destinabant. Sensit Juno, effecitque ut Eurystheus, Stheneli filius, prior nasceretur, quam Hercules, quum antea impetrasset a Jove, ut qui amborum prior foret in lucem editus alteri imperitaret. Imperium inclementer in Herculem Eurystheus postea exercuit (*Metam.*, lib. 9). Longum tamen Junoni visum est, dum uterque adolesceret: Herculem in cunis perdere tentavit, immissis anguibus geminis, quos infans, jam doctus vincere, qui vivere vix cœperat, tenellis manibus elisit. Palladis tamen ope Juno Herculi conciliata paulisper est; dumque pueri labris ubera admovet, decidit aliqua particula candidi liquoris, et in eam cœli partem defluxit, quæ via Lactea postmodum est appellata (*Metam.*, lib.). Hæc Junonis benevolentia minime fuit diuturna. Eurystheum, Mycenarum solio potitum, impulit, ut Herculem variis objiceret laboribus, quibus denique oppressus periret. Duodecim vulgo numerantur. 1° Jussu est leonem Nemææ silvæ, a quo toti regioni perniciēs creabatur, interficere. Adortus feram Hercules in antrum compulit, unde nullum patebat effugium, faucibusque constrictis interemit (*Metam.*, lib. 9). Ejus pellem deinceps, primæ scilicet victoriæ monumentum, semper gessit. 2° Erat Hydra leone isto tetrior, serpens immanis in Lerna palude, prope Argos, cui septem capita sic uni collo inserebantur, ut, quum unum excinderetur, alia multa repullularent; omnia simul eodem ictu Hercules abscidit, aut igne, ut alii tradunt, exussit (*Metam.*, lib. 9). 3° Dirus aper in Erimantho monte vastitatem agris afferebat: vivum cepit, Eury-

stheoque obtulit. 4° Neque nihil nocebat in Mænalo monte cerva, æreis pedibus aureisque cornibus prædita; hanc anno toto insecutus denique assecutus est, jaculisque confixit. 5° Damni plus afferebant volucres quædam in lacu Stymphalo, inusitatæ magnitudinis et roboris, ita ut prætereuntes unguibus lauiarent: iis fugatis, magnam est adeptus gloriam: 6° et 7° maiorem de bellatis Amazonibus, ad fluvium Thermodonta (*Metam.*, lib. 9), et tyranniss duobus, Diomede et Busiride interfectis, quorum hic in Ægypto peregrinos atque hospites immolabat Jovi; ille, in Thracia, eosdem ferocibus equis conculcandos ac devorandos præbebat. 8° Illis par immanitate ferebatur Geryon, Hispaniæ rex, tricorpor, quem simili affecit poena. 9° Magnam quoque industriæ laudem tulit in repurgando Augiæ, regis Elidis, stabulo, in quo collectæ multis ab annis sordes, aerem pestilenti odore inficiebant (*Metam.*, lib. 9). 10° et 11° Parem adhibuit solertiam tum in domando tauro ferocissimo, quem iratus Neptunus in Græciæ cladem creaverat: tum in auferendis aureis Hesperidum pomis, et sopiendo pervigili dracone, illorum custode; hoc in labore adiutorem Atlantem habuit, qui, dum poma colligebat Hercules, cælum humeris tulit. 12° Sed maximum omnium periculorum adiit in educendo ab inferis Cerbero (*Metam.*, lib. 9), cum quo Theseum amicum suum, ibi vinctum, pariter eduxit.

His laboribus feliciter perfunctus, orbem terrarum, ad levandos mortales variis calamitatibus conflictatos, peragravit. Italiam Caco, Vulcani filio, latrone insigni, liberavit. Prometheum, in Caucasio religatum, vinculis exemit. Antæum, Terræ filium, singulari certamine profligavit (*Metam.*, lib. 9). Lycum, qui, Thebis captis, Creontem, earum regem, socerum Herculis, tunc ad inferos profecti, interfecerat, merita morte mulctavit. Oceanum in medias terras induxit, aperto freto gaditano, duobusque montibus, Calpe et Abyla, diductis: quibus, tanquam columnis triumphalibus, elogium illud inscripsit: *Non plus ultra*. Herculis gloriam iniquissime ferens Juno, tam diro furore illum concussit, ut Megaram uxorem liberosque occiderit; nec sibi violentas ipse non attulisset manus, postquam se ab illo furore collegit, nisi eum amici attinuissent. Victorem tot monstrorum Amor imbellis vicit, ac servire turpiter Omphalæ, Lydorum reginæ, coegit, clavamque colo, leonis exuvias muliebri cultu, mutare. Pro Dejanira quoque pugnavit contra Acheloum, Thetidis filium (*Metam.*, lib. 9). Eo superato, quum puellam pugnae præmium domum duceret, centaurum Nessum, Dejaniram obducere tentantem, sagittis interemit. Nessus moriens et ultionem spirans vestem, suo cruore, quod præsentissimum erat venenum, tinctam, Dejaniræ dedit, affirmans, si eam Hercules indueret, futurum ut nunquam aliam amaret (*Metam.*, lib. 9). Dejanira vestem sacrificanti in Ceta monte Herculi misit. Vix induerat, quum intestino correptus igne, in pyram se coniecit, eaque conflavit (*Metam.*, lib. 9). Antea tamen sagittas suas, Hydræ lernææ sanguine imbutas, sine quibus Trojam capi non posse in fa-

erat, donavit Philoctetæ, Pæantis filio. Philoctetes illas Trojam attulit, ab Ulysse perductus (*Metam.*, lib. 13). Censent eruditi tot res præclare gestas nequaquam esse unius Herculis, sed multorum, qui eodem nomine, non eodem loco ac tempore, vixerint: ac duos præsertim statuunt, alterum Libycum, cui adscribunt pugnam cum Antæo, cum Geryone, cum dracone Heperio; diductam Africam ab Hispania, immisso freto gaditano; et, si qua sunt alia gesta per Africam et Hispaniam: alterum Thebanum, cui reliqua facinora tribuunt per Arcadiam, Peloponnesum et Phrygiam, sparsa.

CAPUT XVI. THESEUS.

Theseus, Ægei, regis Atheniensium, filius, Herculi propinquus tempore et consanguinitate fuit. Ejus fortitudo eluxit, præsertim in domandis tyrannis, ac dynastis, qui potentiam suam vexandis hominibus, et publica infelicitate metiebantur (*Metam.*, lib. 7). Talis erat Sciron, qui prætereuntes in mare præcipitabat: talis Procustes, qui hospites in suo ipsius lecto sternebat, iisque pedum partem, quæ modum lecti excederet, amputabat; aut actis in diversa equis miseros distrahebat. Istis aliisque id genus profligatis, ad monstra quoque debellanda curas animumque vertit. Tria præcipue sustulit: taurum immanem, qui marathonium agrum fœda populatione deformabat; aprum calydonium, ab irata Diana immisum in Ætoliam (*Metam.*, lib. 8); et Minotaurum, monstrum ex homine tauroque conflatum, cui devorandos mittere quotannis septem pueros, sorte lectos, cogebantur Athenienses; hac eos pœna victor Minos, rex Cretæ, cujus filium Androgeum interfecerant, multaverat (*Metam.*, lib. 8).

Incessit Theseus cupido Minotauri occidendi: venit in Cretam, et, monstro perempto, Minois filiam Ariadnen, cujus ope labyrinthi ambages explicuerat, secum abstulit: eam tamen, immemor beneficii, deseruit in insula Naxo: destitutam Bacchus duxit (*Metam.*, lib. 8). Navis, qua vehebatur in Cretam Theseus, nigris instructa velis erat, mutandis in alba, si rem bene gessisset. Mutare non meminit, elatus lætitia victoriæ. At Ægeus, nigris velis eminus adspectis, periisse filium ratus, in mare se dedit præcipitem, et Ægæo mari nomen fecit. Pirithous, Thessaliæ in eadem Græcia rex, accensus invidia, ob res præclare a Theseo gestas, ejus regionem infestis armis incursum, ut ad singulare certamen illum eliceret. Nec recusavit Theseus. Sed ubi primum est conspectus, Pirithoum oris dignitate, comitate indolis, ita devinxit sibi, ut amor invidiæ locum occupaverit, et animos, atque arma, æterno fœdere ambo junxerint. Nec diu exspectata fuit occasio amicitiaë sancienda. Centauri cum vicinis Lapithis invitati ad nuptias Pirithoi et Hippodamiæ, moverant rixam temulenti, et ingentem Lapitharum cædem ediderunt (*Metam.*, lib. 12). Erant Centauri equites adeo strenui, ut sedentes in equo, unum cum eo corpus conflare viderentur. Illorum proterviam ac libidinem Pirithous, Theseo adjuvante, ultus est, ut par

erat. Ambo deinde, annis ante excidium Trojæ quatuor et viginti, Helenam rapuerunt, quæ a Castore postea et Polluce fuit recuperata. Iidem ad rapiendam Proserpinam, regis Molossorum filiam, profecti sunt. Eam canis ferocissimus custodiebat, quem Cerberum vocabant; ab eo laceratus est Pirithous: Theseus, a rege datus in custodiam, Herculis precibus concessus est. Inde nata de inferis fabula, quos Theseus, ut narrat poetæ, adiit cum Pirithoo, ut Proserpinam abduceret. Pluto, re cognita, utrumque comprehendit, et vinculis oneravit: in iis hæsit Pirithous, sive, ut alii narrant, a Cerbero devoratus est. Theseum Hercules, quum adiret inferos, liberavit, et adiutorem habuit in suscepto contra Amazones bello, quarum reginam Hippolyten ipsi uxorem dedit. Ex ea Theseus genuit Hippolytum, quem Phædra, Minois filia, secundis nuptiis Theseo juncta, quum aliter amaret ac par et honestum erat, accusavit injuste apud Theseum. Theseus Hippolytum Diris devovit, ac Neptunum filio ultorem invocavit, a quo immissæ phocæ Hippolytum, in maris littore spatiantem, curru excusserunt. Mortuum Æsculapius revocavit in vitam; Diana traustulit in Italiam, et Virbium appellavit (*Metam.*, liv. 2 et 15). Phædra, crimen confessa, necem sibi attulit.

CAPUT XVII. CASTOR ET POLLUX.

Castor, Pollux, Helena et Clytemnestra, Ledam habuere matrem, uxorem Tyndari, Œbaliæ regis in Græcia: sed Pollux et Helena, Jovem; Castor et Clytemnestra Tyndarum patrem sortiti sunt. Castor tamen et Pollux vulgo Tyndaridæ a poetis vocantur; et amborum celebratur amicitia, quæ tanta exstitit, ut Pollux, Jove scilicet natus immortalis, suam immortalitatem impertiri fratri non dubitaverit. Annuit Jupiter ut alternis diebus alter viveret, alter moreretur: imo Castorem adoptavit in Pollucis gratiam, ita ut ambo appellarentur promiscue *Dioscuri*, hoc est, Jovis filii, et inter sidera collocarentur, ubi tertium in Zodiaco locum obtinent, Geminique nuncupantur.

Honorem hunc tamen, nisi magnis in mortales promeritis consecuti non sunt, ac potissimum depellendis mari prædonibus; quam ob causam vota ipsis facere nautæ consueverant, et agnos immolare candidos, quum nigras oves Tempestatibus sacrificarent. A Romanis quoque impensius culti sunt: apud quos viri per ædem Pollucis jurabant vulgo; feminæ per ædem Castoris.

CAPUT XVIII. JASON ET ARGONAUTÆ.

Athamas, Thebarum rex, arietem aureo insignem vellere donatum a superis servabat domi, familiæ Palladium (*Metam.*, lib. 6 et 7). Hunc Phryxus, Athamantis filius, novercam Nephelen fugiens, asportavit, et ad Colchos delatum immolavit Jovi; aureum autem vellus dedit Ætæ, regi Colchorum, a quo repositum in luco Marti sacro fuit, additis, custodiæ causa, tauris ignem

spirantibus, et pervigili dracone. Hunc thesaurum eripere Colchis Jason decrevit, filius Æsonis, Thessaliæ regis, hortante patruo Pelia, qui, fratris senio confecti loco regnum administrans, donec ei regendo per ætatem Jason par foret, eum in ista expeditione perituum sperabat. Jason, vocatis in periculi et gloriæ societatem ducibus Græciæ fortissimis, Hercule, Theseo, Castore, Polluce, Orpheo, Lynceo, Tiphy, et aliis, navim Argo fabricavit, trabibus e Pelio monte sumptis, sive, ut alii tradunt, e dodonæa silva, cujus arbores, voce præditæ, edebant oracula. Tiphys clavum regebat; Lynceus, oculis acutissimis valens, brevia et scopulos detegebat; Orpheus navigationis tædia levabat cantu; ceteri heroes, qui vulgo dicuntur Argonautæ, remos agitabant. Solus Hercules cursum parumper retardabat, tum quia pondere corporis deprimebat navim, tum quia ingentem stomachum nulli satis implebant cibi; quumque omnem, quæ condita in cadis ferebatur, aquam hausisset, misit Hylam; adolescentem sibi carum, ad petendas e vicino fonte lymphas. Lapsus in fontem Hylas, sive a nymphis, ut poetis placet, raptus (sunt illæ fontium deæ), quum non rediret, excendit Hercules, eum quæsiturus, ac socio molesto vectores liberavit.

Navis, hoc onere levata, petras Cyaneas, quæ Symplegades vocantur, prætervecta (*Metam.*, lib. 7 et 15), et Pontum Euxinum feliciter emensa, Colchidem attingit. Jason aureum vellus abstulit; adjuvante Medea (*Metam.*, lib. 7), quæ una cum illo fugiens in Thessaliam, ut patrem Æetam persequentem moraretur, Absyrtum fratrem interfecit, ejusque membra, qua pater instabat, dissipavit; quæ colligens Æeta, illi spatium fugiendi dedit. Ut Medea venit Jasonis domum, Æsonem ejus patrem, annis et morbis gravem, in pristinum robur ac juventutem arte magica restituit (*Metam.*, lib. 7). At Peliam, deceptis ejus filiabus, jugulavit (*Metam.*, lib. 7). Jason interea Corinthum profectus ad Creontem regem ejus filiam Creusam adamavit. Medea, se spreтам furens, arculam gemmis incantatis plenam Creusæ misit, quæ, igne concepto, ipsam et Creontem absumpserunt (*Metam.*, lib. 7). Medea, post exprobratam Jasoni perfidiam, susceptos ex eo duos filios, in ipsius conspectu, mactavit, alatisque vecta draconibus, Athenas evasit ad Ægeum regem, cui quum nupsisset, ac Medium filium genuisset, conata est Theseum, Ægei filium, e medio tollere, veneno dato; sed deprehensus scelere, fugit in eam Asiæ partem, quæ ab ejus filio Media est nominata (*Metam.*, lib. 7). Argonautarum expeditionem chronologi assignant anno post conditum Ilium sexagesimo quarto, ante ejus ruinam septuagesimo nono.

CAPUT XIX. CADMUS.

Jupiter, in taurum conversus, Europen, Agenoris Phœnicum regis filiam, abduxerat in Cretam (*Metam.*, lib. 2). Agenor ejus investigandæ negotium Cadmo filio dedit, eumque, nisi reperta sorore, domum redire vetuit. Cadmus, pererratis frustra variis

orbis terrarum partibus, oraculo delphico jussus est in eo Græciæ loco consistere, ubi obvium haberet bovem, ibique urbem condere (*Metam.*, lib. 3). Regionem, Bœotiam; urbem, Thebas appellavit.

In ea plures regnavit annos, domesticis tamen calamitatibus graviter conflictatus. Ex ejus quippe liberis Semele, quum Jovem, ex quo Bacchum edidit, videre fulminantem exoptasset, ambusta fulmine periit. Ino, furentem virum suum Athamantem fugiens, in mare se præcipitem dedit (*Metam.*, lib. 4). Agave, Penthei mater, filium discerpsit (*Metam.*, lib. 3). Cadmus ipse, Thebis pulsus ab Amphione, concessit ad Illyrios, cum conjuge, ubi tædio calamitatum affecti, diis miserantibus, in serpentes ambo mutati sunt (*Metam.*, lib. 4).

Amphion thebanæ civitatis muros condidit, convenientibus ad sonitum lyræ saxis, septemque in ea portas aperuit. Hanc Alexander delevit, Pindari tamen familiæ ac domicilio parcitum uni voluit. Alia fuit urbs ejusdem nominis in Ægypto, centum portis patens, a qua regio vicina cognomen Thebaidis habuit: alia in Cilicia, Andromaches patria, quam Græci, trojanum ad bellum proficiscentes, vastarunt.

CAPUT XX. ŒDIPUS.

Laius, Thebarum rex, quum audivisset se periturum a filio, Jocastæ uxori præcepit, ut natum infantem jugularet. Aversata facinus mater occidendum puerum tradidit militi: miles pueruli lacrimis et liberali forma motus, eum ex arbore suspendit pedibus, quos fune, seu vimine in calces indito, trajecerat. Suspensum vidit magister armentorum Polybii, Corinthiorum regis, et reginæ, liberis carenti, obtulit, quæ puerum aluit pro suo, Œdipumque dixit a pedum tumore, quos inflatos et tumentes retinebat.

Ætate proventus comperit nequaquam Polybii se esse filium; oraculum consulit, ab eoque didicit futurum ut patrem in Phocide reperiret. Illuc profectus Laium, in seditione populari sedanda laborantem, imprudens peremit, ac Thebas rediit. Erat non procul ab urbe Sphinx, monstrum ingeniosum, virgineo capite, corpore canino, alis draconis et cauda, pedibus leonis et unguibus, insigne. Prætereuntibus ænigma proponebat, eosque, nisi objectum nodum solverent, devorabat. Hinc regionis vastitas, et urbis solitudo, ad quam nemo poterat adspirare. Creon, Jocastæ frater, qui Laio mortuo regnum thebanum occupaverat, præconis voce per universam Græciam edixit fore ut regnum et Jocastam, Laii uxorem, illi traderet, quicumque propositum ænigma posset explicare. *Quoddam animal est, inquit, Sphinx, mane quadrupes, sub meridiem bipes, et vespere tripes?* Œdipus, tanto præmio invitatus, respondit animal istud hominem ipsum esse, qui pedibus manibusque reptat in infantia; binis pedibus nititur vir; senex, baculo, quasi tertio pede, fulcitur (*Metam.*, lib. 7). Hoc responso victa Sphinx præcipi

se in mare projecit, et regnum metu liberatum ac Jocastam Œdipo reliquit. Ex ea Eteoclem et Polynicem, itemque Antigonen et Ismenam tulit; nec prius matrem esse suam cognovit, quam, orta pestilentia, vates pronuntiassent immissam pestem a superis Laii necem vindicantibus, nec desituram, nisi exsularet is, a quo Laius cæsus fuisset. Compertum denique fuit cædis auctorem Œdipum esse, eundemque matrem habere in matrimonio. His attonitus infelix oculos eruit sibi, et in voluntarium exsilium discedens regnum Eteocli et Polynici administrandum reliquit.

CAPUT XXI. ETEOCLES ET POLYNICES.

Eteocles et Polynices, Œdipi filii, ne paternum regum dividendo debilitarent, satius duxerunt illud integrum, sed alternis annis, possidere. Eteocles, ut major natus, primus regnavit anno suo: sed, eo elapso, fratrem, contra quam convenerat, solio exclusit (*Metam.*, lib. 9). Hæc belli thebani, a poetis, præsertim a Statio, decantati, causa. Polynices enim omnem Græciam in arma excivit, adscito in fœdus Adrasto, Argivorum rege. Tiresias fausta omnia Thebanis promittebat, si Menœceus, Creontis filius, ultimus Cadmi posterorum, se pro patria devoveret. Nec dubitavit fortis adolescens, invito patre, procurrere in conspectum hostium, et cruore suo, voluntaria victima, litare.

Hinc secunda omnia Thebanis cesserunt. Multi hostium duces, et potissimum Tydeus, Parthænopus, Capaneus, Amphiaræus, maximis jactati periculis, periire. Ad extremum ambo fratres, crudeli bello finem imponere singulari certamine aggressi, alter alterius manu ceciderunt. Nec ipsa mors odium illorum interneccinum extinxit. In eundem quippe rogem conjunctis cadaveribus, flamma, sponte divisa, vivere in ipsis mortuorum fratrum cineribus inimicitias demonstravit. Creon, extinctis Œdipo ejusque filiis, regnum, quod ipsi sponte concesserat, recepit. Ereptum rogo Polynicis corpus et inhumatum projecit. Antigonem, fratris ossa conatam sepelire, vivam humo jussit infodi: sed ipsa supplicium, elisis faucibus, antevertit. At Hæmon, Creontis filius, qui Antigonem sponsam optaverat, ense sibi adegit in pectus; Eurydice, Creontis uxor, tantum filii obitu luctum hausit, ut mortem sibi consciverit. Hanc regiæ familiæ cladem Sophocles in scenam quum protulisset, tam suavi commiseratione affecit spectatores, ut insulæ Sami præfectura donatus fuerit.

CAPUT XXII. TANTALUS.

Non levioribus infortuniis familia Tantalî, regis Phrygiæ, concidit. Prima calamitatum origo, impietas ipsius Tantalî fuit. Jovem, a quo genus ducebat, cum ceteris diis domi suæ acceperat. Eorum divinitatem ut probaret, Pelopem suum filium, in frustra concisum, et elixum, illis apposuit (*Metam.*, lib. 6). Ceres, paulo reliquis avidior, humerum Pelopis absumpsit; alii, ferales

epulas detestati, Tantalum in Tartara detruserunt, ubi mediis in undis sitiit, et, alludentibus ori pomis, fame cruciatur (*Metam.*, lib. 4). Pelopem deinde in vitam revocarunt, educta ex inferis per Mercurium ejus anima, et membris ita reparatis, ut humerus eburneus, in ejus locum, qui a Cerere comesus fuerat, substitueretur (*Metam.*, lib. 6). Niobe, Tantali filia, paternam impietatem imitata, dum Latonam contemnit, numerosam amisit sobolem, telis Apollinis ac Dianæ confixam, et ipsa, dolore amens, in saxum dirigit (*Metam.*, lib. 6). Pelops, Phrygiam tot cladibus suorum funestam deserens, venit in Elidem, et Hippodamiam, Œnomaï regis filiam, uxorem ab ejus patre postulavit. Œnomaus, mortem sibi a genero afferendam admonitus, eam filię procis conditionem proposuerat, ut curuli certamine secum decertarent, ea potituri, si vincerent; perituri, si vincerentur.

Accepit conditionem Pelops, et regem vinci aliter, quam dolo, non posse intelligens, egit cum Myrtilo, ejus auriga, ut ferrum tolleret, quod axi extremo, rotarum modiolis inserto, infligitur, easque, ne effluant, continet. Excussus hunc in modum curru Œnomaus, fractis cervicibus, cum vita victoriam et regnum amisit. Pelops, regno totali potitus, Peloponneso nomen dedit, felix si concordēs habere filios, Atreum et Thyesten, potuisset! Sed fratrum discordia tanto solet esse gravior, quanto sanctior amicitia esse debet. Thyestes uxorem fratris temeravit: Atreus Thyestæ filios, inscio patre interfectos, eidem epulandos præbuit. Supererat Thyestæ filius nothus, qui, perire statim ab ortu jussus, a pastoribus tamen servatus et lacte caprino nutritus fuerat, unde illi nomen Ægisthus factum. Hic Atreum obtruncavit: Agamemnonem, Atrei filium, e trojano reversum bello, sustulit, conscia et adjuvante, quam sibi male devinxerat, Clytemnestra, conjuge Agamemnonis. Hinc fecunda tragœdiarum seges.

CAPUT XXIII. TROJANI REGES.

In ea Phrygiæ parte, quæ Bosphorum thracium respicit, Trojam Dardanus, Jovis et Electræ filius, condidit, e Tuscia fugiens, occiso fratre, quicum in hac Italiæ parte regnabat. Rerum in Troade tunc potiebatur Teucer, qui Dardanum generum adscivit, cumque illo Trojæ fundamenta jecit, annis ante natam Romam fere septingentis. Dardano successit Erichthonius filius, Erichthonio Tros, qui Trojam de suo appellavit nomine. Tros filius fuit Ganymedes, a Jove raptus (*Metam.*, lib. 10). Item Assaracus, ex quo genitus est Capys, Anchisæ pater: demum Ilius, qui, paternum adeptus regnum, Trojam Ilium vocari jussit.

Ilo successit filius Laomedon, quem Hercules vita regnoque spoliavit, abducto ejus filio (*Metam.*, lib. 11), qui, a Trojanis redemptus, inde Priami nomen consecutus est, quum Antea Podarces diceretur. Priamus, patri suffectus, turribus arcibusque munivit urbem, quæ tunc Pergama vocabatur, unde ipsa Troi

nomen quoque sumpsit. Priami uxor, Hecuba ; filii præcipui, Deiphobus, Helenus, et Paris, sive Alexander, funesta patriæ fax. Talem sibi visa fuerat parere mater, ejusque somnio cognito, Priamus necari puerum jusserat. Hecuba clam inter pastores educandum curavit; ubi quum regias dotes ostenderet in conditionis humilitate, originem probavit, ipsisque superis dignus est visus, qui ortam inter Junonem, Palladem, et Venerem controversiam dirimeret. Intererant epulo geniali, quum Thetis Peleo nuberet. Discordia in medium jecit fatale pomum, cum hac inscriptione : *Detur pulchriori*. Paris, arbiter duræ litis sumptus, eam Veneri adjudicavit, et sibi suisque Junonis ac Minervæ conflavit odia.

Interim Priamus certamen ludicrum nobilitati trojanæ proposuit. Adfuit Paris adhuc incognitus, et, ceteris, qui congressi fuerant, victis, ipsum Hectorem superavit. Hector, quum pugilem ignotum ferro persequeretur, ut ignominiam ejus sanguine elueret, agnovit fratrem, conspectis certis insignibus et gemmis, quæ Hecuba pastori, ejus educatori, tradiderat. Priamus, factorum immemor, filium lætus amplectitur, et in regiæ partem accipit.

CAPUT XXIV. TROJANI BELLII CAUSA.

Quum Hercules Trojam vastaret, Hesionem, Laomedontis filiam, Telamoni, græco duci, conjugem dederat (*Metam.*, lib. 11). Paris, amitam suam repetiturus, classem instruxit, Priamo non invito, qui opibus et gloria pollens, imminebat in omnem injurias a Græcis toties acceptas vindicandi occasionem. Paris recta Spartam contendit ad Menelaum, Spartæ regem, filium Atrei et Agamemnonis fratrem. Exceptus humanitate summa, et domi relictus est a Menelao, cui erat iter in Cretam necessarium.

Helenam, uxorem Menelai, Venus ita Paridi conciliavit, ut cum eo Trojam profugerit, probante Priamo, qui Hesionem, sororem suam, ita redditum iri facile sperabat, si cum Helena permutaretur. Contra ac speraverat, accidit. Nam Græci Hesionem reddere negarunt, Helenamque junctis viribus et armis repetentes, Trojam, per annos decem obsessam, solo demum æquarunt. Quo pacto Ulysses et Achilles ad hoc bellum perducti fuerint exponit Ovidius (*Metam.*, lib. 3).

Idem explicat, quemadmodum Græcorum exercitus Aulidem convenerit, ibique ventis adversis tandiu retentus fuerit, dum Agamemnon filiam Iphigeniam Dianæ immolare constitueret. Cervam tamen ejus in locum Diana substituit, eamque in Tauricam Chersonesum deportavit (*Metam.*, lib. 12 et 13). Diana placata, solvit Græcorum classis, mille ducentarum nonaginta navium, sub ducibus quinque et nonaginta, et ad Trojam castra posuit. Diuturnam bello moram attulit Asia fere universa, ad urbis unius auxilium concurrrens, tum Hectoris fortitudo, denique discordia Achillem inter et Agamemnonem coorta. Hic puellam quamdam, sacerdoti Apollinis ereptam, penes se habebat.

Apollo, a virginis patre oratus, immissa peste Græcorum exercitum populabatur, quam ut Achilles averteret, Agamemnonem coegit puellam parenti reddere. Agamemnon, iracundia elatus, Briseidem vicissim Achilli eripuit. Achilles, injuriam non ferens, inclusit se tentorio, Græcosque Trojanis profligandos permisit: arma sua duntaxat concessit Patroclo, quibus ille indutus, et Hectorem ausus lacessere, ab illo sternitur (*Metam.*, lib. 13). Tum vero Achilles ulciscendi amici causa bellum repetiit, Hectoremque cæsum ter circa muros urbis raptavit.

CAPUT XXV. TROJÆ EXCIDIUM.

Hectoris necem clades fortissimorum e Trojanis ducum est consecuta. Priamo et Hecubæ in desperationem actis, promisit Paris necem Achillis, quo uno maxime Græci stabant. Comperit eum Polyxenæ, Priami filiæ, amore captum: adduxit in spem conjugii, et, pactis paucorum dierum induciis, in templum Apollinis invitat, colloqui uberioris causa. Venit Achilles, nihil a Paridis perfidia metuens, a quo sagitta percussus interiit. Cæsum in acie canit Ovidius (*Metam.*, lib. 12). De illius armis certatum Ajacem inter et Ulyssem (*Metam.*, lib. 13). At Græci, dolo pariter et proditiōe ulciscendos proditores arbitrati, reditum in patriam, velut fessi bello, simulant, et equum ingentem fabricantur, quasi donum placandæ Minervæ, cujus numen a se violatum dictitabant, raptō ex arce trojana Palladio, seu Minervæ sacra statua, qua Trojæ fatum et felicitas contineri putabatur. Equum in littore relictum, Græcis ad insulam Tenedum profectis, Trojani in urbem inducunt, diruta murorum parte, per quam Græci, noctu e vicina insula Tenedo reversi, subierunt, et civitatem somno ac vino sepultam incenderunt. Hanc illis ab Ænea et Antenore proditam fuisse fama est. Pyrrhus, Achillis filius, Priamum ad Jovis aram jugulavit; immolavit Polyxenam ad Achillis, qui ejus nuptias ambierat, tumultum (*Metam.*, lib. 13). Andromacham, Hectoris conjugem, abduxit in Græciam. Paris sagitta Herculis a Philoctete confossus est. Menelaus Helenam a Deiphobo, cui post Paridem occisum nupserat, recepit. Ulysses Astyanactem, Hectoris filium, e summa turri dejiciendum curavit (*Metam.*, lib. 13). Ajax, Oilei filius, Cassandra, Priami filia, temerata, Palladis, cujus ad statuam veluti ad asylum illa confugerat, iram in se concitavit: quare, facto naufragio, fulmine conflagravit. Classis Græcorum ad Caphareos scopulos, insulæ Eubœæ, allisa (*Metam.*, lib. 14), magnam partem periit. Nauplii scelere, qui, dolens filium suum Palamedem ab Ulysse falso crimine accusatum, et a Græcis damnatum, ignes nocturnos e cautibus extulit, ad quas classis, portum rata, per tenebras temere appulit. Contigit Trojæ excidium anno mundi bis millesimo octingentesimo septuagesimo, quum Ailon Hebræis jus diceret. Cæsa esse perhibentur in eo bello Græcorum octingenta octoginta sex millia: Trojanorum vero, ante captam urbem, sexcenta septuaginta sex millia.

CAPUT XXVI. AGAMEMNON ET ORESTES.

Agamemnon, domum redux, Clytemnestræ et Ægisthi, ejus adulteri, ferro cecidit. Orestes ultus est patris mortem, perempta matre : quam quum obversari sibi semper crederet tædis et serpentibus armatam, oraculum consuluit. Eo jubente, in Tauricam Chersonesum contendit, comite Pylade, regis Strophii filio ; cujus amicitiam quum in maximis antea periculis, tum in hoc præcipue loco est expertus. Mos erat ut hospites ac peregrini comprehenderentur, Dianæ, quæ ibi colebatur, immolandi. Capti Pylades et Orestes adducuntur ad Thoantem, summum sacerdotem. Is, novorum hospitem nobilitate permotus, et indole liberali, quum utrumque servare, salvis patriæ legibus, non posset, alterum, ducta sorte, incolumem fore pronunciat. Hic vero celebris orta est inter Pyladen et Oresten contentio, dum alter alterius perire loco certat. Sors Oresten addixit neci. Præerat Dianæ sacris Iphigenia, Orestæ soror, illuc per Dianam ex Aulide translata, quum cervam in illius mactandæ locum supposuit, ut Ovidius narrat (*Metam.*, lib. 12). Iphigenia, quum ferum libraret in fratris caput, eum agnovit. Occiso Thoante, Orestes cum sorore, Pylade, et Dianæ statua, rediit in Græciam ubi expiatus, et Furiarum tetro adspectu liberatus, paternum regnum feliciter administravit. Eadem statua Dianæ in Italiam postremo delata est, et in Aricino collocata nemore. Templi æditiuus, et sacerdos istius Dianæ Aricinæ, rex nemorum vocabatur, ac vulgo servus erat fugitivus, qui tandiu regnum oblinebat, dum ab alio fugitivo commissa pugna victus necaretur.

CAPUT XXVII. ULYSSES.

Decem annos Ulysses erravit post excisam Trojam, prius quam paternos lares reviseret. Vix ingressus navim in Thraciam tempestate delatus est. Ibi regnabat Polymnestor, cujus fidei ac tutelæ Priamus filium Polydorum et regales thesauros, ne venirent in Græcorum manus, tradiderat custodiendos. Polydorum rex avarus, ut auro potiretur, trucidaverat. Hecuba, id quum rescivisset (nam Ulyssi in trojana præda dividenda obvenerat), Polymnestorem adiit, velut ignara, ostentansque spem thesauri alterius, eum seduxit a regio comitatu ; mox involans in vultum, oculos illi unguibus eruit. Quo facto lapidibus a populo superveniente appetita, in canem rabidam mutata fuit (*Metam.*, lib. 13). Ulysses, repetita navigatione, abripitur in Africam ad Lotophagos, ita vocatos a loto arbore, cujus fructus tam suaves habebat illecebras, ut advenis oblivionem patriæ afferret, ejusque suavitate captos e sociis suis nonnullos Ulysses amisit. Alii, redintegrato cursu, Siciliam cum eo tenuerunt. Sex eorum Polyphemus, Cyclopus terribissimus, devoravit (*Metam.*, lib. 14). Ulysses vino gravem invasit, eique unum, quem in fronte media gerebat, oculum exsculpsit. Inde ad Æolum propere fugit, qui ventos adversos utribus inclusos in ejus navim congestit, ne

nocerent. Utres tumidos socii male curiosi reclusere. Ventis solutis, novæ tempestates excitatæ, nova pericula. Iis jactatum Ulyssem, et a Læstrygonibus, formianum littus iucolentibus atque humana carne vesci solitis, pæne oppressum, insidiosa benignitate excepit Circe, famosa venefica. Hæc socios Ulyssis in ferarum varia monstra transformavit: ipse artes magicas elusit, instructus herba Moly, sapientiæ symbolo, a Mercurio sibi donata (*Metam.*, lib. 14). Eadem Circe adjuvante, adiit inferos, ubi a Tiresia vate multa de rebus aliquando sibi eventuris cognovit. Pari felicitate ac prudentia Sirenum dolosos cantus in eodem tyrrheno littore effugit, sociorum auribus cera obturatis, ipse ad malum alligatus. Inde Siciliam rursum tenuit. Solis boves Phaethusa nympha pascebat. Præceperat enixe sociis Ulysses, ut sacris armentis temperarent. Auditus non est: itaque Sole irato, naves cum sociis amisit, vixque in fractæ ratis tabula enatavit ad Ogygiam insulam, ubi, recenti navigio instructus a nympha Calypso, mari se commisit. Facto iterum naufragio, cujus auctor Neptunus, Polyphemum filium ab Ulysse excæcatum ægre ferens, evasit ope Leucothoæ in insulam Corcyram, et, acceptis ab Alcino, Phæacum rege, navibus, Ithacam attigit. Domum suam rustici cultu ingressus cognoscendum se Telemacho filio et fidis aliquot famulis dedit, quorum opera procis deletis, fortunas uxoremque Penelopem recuperavit. Re bene gesta, lætum tacitus angebat metus, ne a filio interficeretur; id enim Tiresias prædixerat; ac, ne tristi vaticinio fidem faceret, cogitabat secedere in aliquam solitudinem, quum Telegonus, quem e Circe genuerat, audito felici patris in Ithacam adventu, accessit gratulaturus. Dum ut ignotus repellitur, nonnihil tumultus ortum est ad fores. Procurrit Ulysses, ut rem cognosceret, interque confusos tumultuantium clamores sagitta vulneratur a Telegono. Fieri medicina plagæ non potuit, quia jaculum veneno infectum erat.

CAPUT XXVIII. ÆNEAS.

Æneas, Veneris et Anchisæ filius, Creusam, Priami natarum unam, duxerat. E patriæ incendio elapsus ope matris septem annos erravit incerto mari, ob iram Junonis, nomini trojano semper infensæ. His transactis, Carthaginem venit, ubi, quemadmodum canunt Virgilius et Ovidius, Dido novam condebat urbem, ab eaque mensibus aliquot retardatus, monente demum Jove, perrexit in Italiam, ac, victo Rutulorum rege Turno, Laviniam, regis Latini filiam, cum dotali regno accepit, et romani imperii fundamenta jecit (*Metam.*, lib. 13 et 14).

CAPUT XXIX. UTILITAS E FABULIS CAPIENDA.

Quum poetæ ac doctores profanæ antiquitatis plurima, quæ ad explicandam rerum naturam, aut instruendos mores pertinent, simulacris deorum et fabularum tegumine involverint, dispiciendum est quid veri bonive sub istis integumentis lateat. Ita Cælum finxerunt Saturni sive Temporis patrem, quia Cælum

diurna et annua conversione tempus efficit. Quum vero temporis par vetustati sit velocitas, idemque finem rebus quas produxit, afferat, describere Saturnum habitu senis alati et falce armati, qui liberos suos devoraret. Saturnum excepit Janus, Latii rex prudentissimus, qui prospiceret futura, præterita meminisset : eum bifrontem idcirco pinxerunt. Rudes et incultos homines Prometheus a ferino victu abductos excoluit, ac mentem veluti corporibus brutis addidit : hæc fuit causa cur homines dictus sit e luto finxisse. Idem usum ignis edocuit, ac reperit quo pacto e solis radiis, puta concavo speculo exceptis, eliceretur. Hinc nata multa vitæ commoda, et e commodis incommoda, nimirum morbi, febres. Deucalion urbes condidit, invenit artes, vitam moribus ornavit : hinc saxa in homines mutasse prædicatur. Amphion devinctos concordia Thebanos ad urbem ædificandam adduxit : lapides lyra sono movisse narratur. Atlas vero in montem conversus cælum humeris ferre, quia ut astra specularetur, in editiorem ascendebat locum, et cœlestem excogitavit sphaeram, quam fere semper præ manibus habebat. Alæ Dædalo dederunt, ut e labyrintho evolveret, quia navigandi et utendi velis artem reperit. Icarum audaci volatu sublimia captantem in mare dejecerunt, ut juvenilem notarent imprudentiam, quæ medium iter ac tutum tenere nescit. In Tanta avaros, in Lycaone crudeles, in Gigantibus superbos, in alia flagitia descripserunt. In Medusa, muliere libidinosa, indolem malæ libidinis adumbratam, voluere, cujus ea vis labesque est, ut homines omni rationis, pietatis et humanitatis sensu spoliatos, in saxa transformare videatur. Quis in Narcisso non agnoscit hominem sui amantiorem? Quis in Marsya, quem Apollo cute spoliavit, arrogantem; in Persei Pegaso celeritatem rebus gerendis necessariam; in ejusdem speculo polito, quod instar clypei gestabat, sapientiam non intelligit?

CAPUT XXX. QUOMODO EXPLICANDÆ FABULÆ.

Erit igitur christiani præceptoris videre quid lateat sub illo cortice fabuloso, et veritatem istis involutam umbris evolvere. Sic impiæ vetustatis venena vertentur in antidota, et suus virtuti honor, improborum errore ad vitia traductus, jure merito restituetur. Quamvis autem hæc una caperetur utilitas ex historia fabulosa; quamvis hæc una legeretur e tot flagitiorum, quibus religio profana sordet, sterquilinio gemma, nimirum commendatio christianæ religionis, quæ Deum moresque, tanto veteribus illis dissimiles, tradit, satis magnus pateret ad juventutem non pie solum, sed festive ac eleganter instituendam, campus.



Q. HORATII FLACCI

CARMINA.

ODARUM

LIBER PRIMUS.

ODE I.

Ad Mæcenatem.

Alios aliis rebus delectari; Horatium lyrici vatis gloriam ambire, unius Mæcenatis iudicio obtinendam.

5 Mæcenas, atavis edite regibus,
O et præsidium, et dulce decus meum!
Sunt quos curriculo pulverem olympicum
Collegisse, juvat; metaque fervidis
Evitata rotis, palmaque nobilis,
Terrarum dominos evehit ad deos:

Ode. Vox hæc est græca: ᾠδή significat *cantilenam* quamdam, qualis ple-ramque ad lyram cani solebat. Unde lyrica poesis appellatur.

1. *Atavis.* Atavus proprie avi non pater, sed proavus est. Peculare autem est auctoribus, ut avos atavosque pro majoribus ponant. — *Edite regibus.* Ab etruscis regibus oriunde. Mæcenas enim fuit ortus e gente Cilnia, cujus atavi fuerunt inter Etruriæ reges.

3. *Sunt quos, etc.* Reperias quosdam quos delectat excitare pulverem olympicum, hoc est, qui alia re nulla magis oblectantur, quam certaminibus olympicis, in quibus per campum pulverulentum currus agitantur. — *Pulverem olympicum.* Est autem Olympia Græciæ civitas, quem Pisam quoque vocatam fuisse aliqui tradunt in vicinis huic urbi

campis, prope Alpheum fluvium, certamina curulia incredibili totius Græciæ concursu celebrabantur, quinto quoque anno ineunte, seu post annos quatuor exactos. — *Curriculo.* Curriculum accipe pro spatio ad currendum apto, id est, stadio in quo currus incitantur.

4. *Metaque.* Terminus ad quem dirigitur cursus.

5. *Fervidis rotis.* Rotæ enim currendo fervent. — *Evitata.* Hoc enim aurigarum artis summum erat, ut currus, quam rapidissime invecus, circa metam flecteret, nec tamen eam vel levissime tangeret.

6. *Evehit, etc.* Dicuntur ad deos evehi, cælum tangere, in cælo esse, quibus aliquid bene ac feliciter evenit, qui honorem eximium aliquem consequuntur. — *Terrarum dominos.* Ad deos referendum est.

Horace.

1

- Hunc, si mobilium turba Quiritium**
Certat tergeminis tollere honoribus;
Illum, si proprio condidit horreo
 10 **Quidquid de libycis verritur areis.**
Gaudentem patrios findere sarculo
Agros, attalicis conditionibus
 + **Nunquam dimoveas, ut trabe cypria**
Myrtoum pavidus nauta secet mare.
 15 **Luctantem icariis fluctibus Africum**
Mercator metuens, otium et oppidi
Laudat rura sui; mox reficit rates
Quassas, indocilis pauperiem pati.
Est qui nec veteris pocula massici,
 20 **Nec partem solido demere de die**
 # 2. **Spernit, nunc viridi membra sub arbuto**
Stratus, nunc ad aquæ lene caput sacrae.
Multos castra juvant, et lituo tubæ
Permixtus sonitus, bellaque matribus
 25 **Detestata. Manet sub jove frigido**

7. *Hunc.* Scilicet juvat. — *Mobilium.* Mobiles Quirites appellat Horatius, propter comitiorum inconstantiam et varietatem, populi que romani in suffragiis ferendis levitatem.

8. *Tergeminis.* Tergeminus idem est ac triplex. Triplices autem honores vel sunt honores maximi (numerus enim ternarius perfectionem rei alicujus sæpe significat), vel tres maxime insignes, nempe ædilitas major, prætura, et consulatus.

9. *Illum.* Scilicet juvat. — *Condidit.* Conditum servat, possidet.

10. *Libycis areis.* Africa dicta quoque est Libya: frumenti ferax erat. *Area* est locus ubi teritur et verritur frumentum.

11. *Sarculo.* Sarculum est rusticum instrumentum, genus rastri, quo segetes novellæ purgantur, atque herbæ inutiles scalpendo eliduntur.

12. *Attalicis conditionibus.* Promissis opibus attalicis, scilicet maximis. Fuit Attalus rex Pergami ditissimus, qui populum romanum fecit heredem.

13. *Dimoveas.* Abducas ab agro patrio. — *Trabe cypria.* Navi e trabibus, in insula Cypro sectis, facta; id est, solida ac tutissima.

14. *Myrtoum.* Est pars Ægæi maris: nomen ei factum ab insula Myrto: alii volunt a Myrtoo, Oenomani, regis Arcadiæ, auriga, quem ille in hoc mare præcipitem dejecit.

15. *Icariis.* Mare Icarium est pars

Ægæi maris, inter Cretam et Icariam insulas, ab hac sic dicta; alii volunt ab Icaro, Dædali filio, qui, solutis a sole pennis, in eam decidisse fertur. — *Africum.* Vehementior est ac procellosus ventus flans ab Africa et occasu hiberno.

18. *Indocilis pati.* Qui nullis periculis ac tempestatibus doceri potest, ut patiat pauperiem, et careat lucro licet periculoso.

19. *Est qui nec spernit, etc.* Hoc est non recusat partem aliquam de solido, id est, integro die resecare, quam scilicet epulis tribuat. — *Massici.* Massicus mons est in Campania, ubi vites optimæ.

21. *Viridi sub arbuto.* Sub arbuto amœna et convivialis idonea. — *Membra stratus.* Phrasis græca: habens membra strata.

22. *Caput.* Aquæ caput et origo, est ipse fons: sacri autem erant fontes apud antiquos, et humen aliquod his inesse putabatur.

23. *Multos, etc.* Multis bellum placet. — *Lituo.* Lituus, buccina longior et incurva, sonum acutiores edens, fuit equitum; tuba autem directa et sono gravi, peditum.

25. *Detestata.* Passive: quæ matres detestantur. — *Manet.* Pernocat. — *Sub jove.* Sub aere frigido: sub dio. Jupiter apud poetas sumitur pro cælo, aere, et vento.

Venator, teneræ conjugis immemor ;
Seu visa est catulis cerva fidelibus,
Seu rupit teretes marsus aper plagas. †
Me doctarum hederæ præmia frontium
Dis miscent superis ; me gelidum nemus,
Nympharumque leves cum Satyris chori,
Secernunt populo ; si neque tibia
Euterpe cohibet, nec Polyhymnia
Lesbom refugit tendere barbiton.
Quod si me lyricis vatibus inseres,
Sublimi feriam sidera vertice.

27. *Seu visa, etc.* Si ve canes fideles viderint cervam; seu aper in plagas et rolia incidere, e quibus ruptis se extraxerit.

28. *Teretes*. Levi et rotundo filo contextas. — *Marsus*. Propter saltuosam Marsorum regionem.

29. *Hederæ*. *Hedera* coronabantur
poetæ, quia erant in tutela Bacchi, cui
sacra hedera.

31. *Satyris*. Satyri sunt agrestes dli, capris pedibus, saltationi chorisque dediti. Chorus autem est canentium et saltantium multitudo.

32. *Secernunt.* Separant a plebe; supra vulgus profanum me attollunt; reliquis hominibus præstantiorem faciunt et excelsiorem. — *Si neque, etc.* Si quidem Euterpe libenter patiatür me tibiis, quarum est inventrix, uti; modo eas

**mihī non prohibeat; modo Polyhymnia
(una etiam e Musis odarum et hymnorum
auctor), non vetet, me barbiti fila con-
tendere, eaque pulsare, id est si mihī
faveant Musæ.**

33. *Euterpe, Polyhymnia*. Pro omnibus Musis. — *Cohibet*. Denegat.

34. *Lesbouni*. Lesbos est insula maris
Ægæi, ex qua oriundi Alcæus et Sappho,
insignes lyrico carmine. — *Tendere*.
Temperare. — *Barbiton*. Est barbitos,
seu barbitus, lyre quoddam genus mul-
tarum chordarum.

85. *Inseres.* Adnumeres, adscribas.

36. *Sublimi, etc.* Ero similis superis. beatissimum esse me arbitror. Hanc metaphoram frequenter poetæ usurparunt, ut summum gloriæ fastigium significarent.

ODE II.

Ad Augustum.

**Deos Romanis fratres esse ob Cæsaris eadem; omnem reipublicæ spem in Augusto
sitam esse.**

**Jam satis terris nivis atque diræ
Grandinis misit pater, et, rubente
Dextera sacrâs jaculatus arces,
Terruit urbem.
Terruit gentes, grave ne rediret**

2. *Pater*. Jupiter, hominum deumque pater a poetis vocatus. — *Rubente dextera*. Corusca ob fulmen.

3. *Sacras arces*. Tempia in locis

editis collocata, et praesertim Capito-
lium. — *Jaculatus*. Conjecto fulmine
demolitus.

5. Terruit gentes, etc. Facit ut gen-

Sæculum Pyrrhæ, nova monstra questæ,
Omne quum Proteus pecus egit altos
Visere montes;

10 Piscium et summa genus hæsit ulmo,
Nota quæ sedes fuerat columbis,
Et superjecto pavida natarunt
Æquore damæ.

15 Vidimus flavum Tiberim, retortis
Littore etrusco violenter undis,
Ire dejectum monumenta regis,
Templaque Vestæ :

16 Illic dum se nimium querenti
Jactat ultorem, vagus et sinistra
Labitur ripa, Jove non probante,
20 Uxorius amnis.

Audiet cives acuisse ferrum,
Quo graves Persæ melius perirent ;
Audiet pugnas, vitio parentum
Rara juvenus.

25 Quem vocet divum populus ruentis
Imperi rebus? prece qua fatigent
Virgines sanctæ minus audientem

tes timerent ne rediret diluvium, quo tempore Pyrrha, Deucalionis uxor, con-questa est de prodigiis et monstris antea inauditis, quæ tum continebant.

7. *Proteus*. Marinus deus, Neptuni filius, qui belluas marinas, quas phocas poetæ vocant, pascit. — *Egit visere*. Græca locutio; id est, duxit ad visendos montes.

11. *Superjecto*. Super terras effuso; vel ipsi natantibus superinjecto.

13. *Flavum*. Propter arenas turbidas quasolvebat. — *Retortis*, etc. Undas suas retorquentem ab etrusco littore, seu mari Tyrrheno in quod defluebat, et eas retro in suum fontem, Romam versus, adverso flumine referentem, ut Romam deiceret, auctus et intumescens undis resurgentibus.

15. *Ire dejectum*. *Dejectum*, est hic in supino, ut, *irsusum*. — *Monumenta regis*. Sepulcrum Numæ Pompili, Romanorum regis secundi.

16. *Templaque Vestæ*. Eodem Vestæ conditam et consecratam ab eodem Pompilio. Vestæ dea igni præsidebat; perpetuus in ejus templo servabatur et alebatur a Vestalibus virginibus.

17. *Illic*. Illa, Romuli mater, ex qua Julius Cæsar ortus, eadem Rhea quoque et Silvia nuncupata, Tiberis uxor fuisse

dicitur, quia in Tiberi, Amulli jussu, submersa est; alii projectam in Anienem volunt. — *Querenti*. Scilicet necem Cæsaris. — *Nimium*. Alii jungunt *nimium querenti*, alii *nimium ultorem*: melius est jungere *nimium se jactat*.

18. *Vagus*. Errans extra alveum. *Sinistra*. Proprie; nam in sinistra Tiberis ripa Roma sita fuit.

19. *Non probante*. Volente Romam plecti, non perire, et scelus hoc ab Augusto tandem explari; vel, non probante templa averti.

20. *Uxorius*. Uxori nimium obsequens.
22. *Graves*. Bellicosi, infensi Romanis. — *Persæ*. Id est, Parthi, qui Crassi exercitum deleverant. — *Melius perirent*. Rectius, justius.

23. *Audiet pugnas*, etc. Bellum civile describit, quasi præcipuam pœnam, quæ ob Cæsarem interfectum divinitus imposita fuerit; et ingeniose Octavio adulatur, qui Cæsaris nepos et heres. — *Vitio parentum*. Culpa parentum qui furore civilium bellorum correpti sese mutuis cædibus interfecerunt.

25. *Quem*, etc. Quem e superis populus implorabit, ad fulciendam rempublicam ruentem?

27. *Virgines sanctæ*. Vestales. — *Minus audientem*. Quia dolebat Iulium

Carmina Vestam ?

- 30 Cui dabit partes scelus expiandi
Jupiter? Tandem venias, precamur,
Nube candentes humeros amictus,
Augur Apollo :
Sive tu mavis, Erycina ridens,
Quam Jocus circumvolat, et Cupido;
35 Sive neglectum genus et nepotes
Respicis auctor,
Heu! nimis longo satiate ludo,
Quem juvat clamor, galeæque læves,
Acer et marsi peditis oruentum
40 Vultus in hostem;
Sive mutata juvenem figura
Ales in terris imitatis, almæ
Filius) Maiæ, patiens vocari
Cæsaris ultor.
Serus in cœlum redeas, diuque
Lætus intersis populo Quirini;
Neve te nostris vitiis iniquum
Ocior aura
Tollat : hic magnos potius triumphos,

Cæsarem, suum sacerdotem, indigna peremptum neco.

29. *Cui dabit, etc.* Cui nam Jupiter dabit munus et provinciam expiandi scelus a Romanis susceptum in Cæsaris neco? Expiare autem scelus, est delere illud ac purgare: porro expiavit necem Cæsaris Octavius, interfectis ejus percussoribus, etc.

31. *Candentes, etc.* Nube tectos habens humeros candidos. Locutio græca.

32. *Augur.* Augur ab avium garritu dictus est; ex quo Augurium. Augures proprie ex avium cantu, interdum etiam e pastu et volatu futura prædicebant, ac voluntatem deorum scrutabantur.

33. *Erycina.* Venus, sic dicta ab Eryce, monte Siciliæ, ubi præcipue colebatur. — *Mavis.* Scilicet venire ad nostra scelera expianda.

35. *Sive neglectum, etc.* Seu tu, o Mars, auctor et parens Romanorum, quia pater es Romuli, unde illi orti sunt, respicis et curas gentem tuam, quam videris neglexisse, quippe qui tam diuturno bello civili eam vexasti, ut cruento isto ludo possis esse jam satiatius.

38. *Quem juvat, etc.* Qui delectatur clamoribus bellicis, etc. — *Læves.* Pollicæ, teræ.

39. *Marsi.* Marsi enim Romanorum

milites fuerunt longe fortissimi. — *Acer.* Virilis, interritus.

41. *Sive mutata, etc.* Sive tu, o Mercuri, qui Mæas filius es, exuta dei figura quam in Olympo geris, imitatis in terris juvenem Octavius, hoc est, ejus humanam figuram induis, et sub ejus vultu nobis appares.

42. *Ales.* Alatus. Dantur ales sive talaria Mercurio, quia deorum nuncius est ac interpres.

43. *Patiens.* Volens, probans. Dederat operam Octavius ut lex ferretur de Cæsaris neco vindicanda, eamque in se provinciam præcipue susceperat, ab eo videlicet in familiam et nomen adoptatus.

45. *Redeas.* Mercurium alloquitur, quem e cœlo delapsus sub Augusti apparere vultu fingit ingeniose et more poetico.

46. *Intersis.* Diu verseris in populo romano. Quirinus nomen est Romuli.

47. *Iniquum.* Inimicum, ægre nostra vitia ferentem.

48. *Ocior aura.* Ne citius avoles; nec te repentinus aliquis turbo e terris in cœlum revehat.

49. *Hic magnos, etc.* Adia potius hic triumphare, quam in cœlo feriari.

Hic ames dici pater atque princeps;
Neu sinas Medos equitare inultos,
Te duce, Cæsar.

†

50. *Pater.* Augustus postea senatus-consulto pater patriæ appellatus est.

51. *Inultos.* Non vindictam nostram expertos. Parthos intelligit, qui Medi hic vocantur, quia hæc regio primum a Medis, deinde a Persis, postremo ab ipsis Parthis occupata fuit. — *Equi-*

tare. Parthi maxime ex equis pugnabant.

52. *Te duce.* Te rempublicam administrante. Ex illis facile potest intelligi quo anno scripta fuerit hæc ode : nimis paulo post pugnam philippensem, in qua, cæsis Bruto et Cassio, rerum summa Octavium spectare videbatur.

ODE III.

Virgilio faustam navigationem Horatius precatur : artem nauticam et hominum audaciam detestatur.

Sic te diva potens Cypri,
Sic fratres Helenæ, lucida sidera,
Ventorumque regat pater,
Obstrictis aliis, præter Iapyga,
5 *Navis, quæ tibi creditum*
Debes Virgilium; finibus atticis
Reddas incolumem, precor,
Et serves animæ dimidium meæ,
Illi robur, et æs triplex
10 Circa pectus erat, qui fragilem truci
Commisit pelago ratem
Primus, nec timuit præcipitem Africum

1. *Sic te, etc.* Navim, qua Virgilius vehitur, alloquitur. — *Sic.* Ut hoc ex animo opto : solenne in obtestationibus verbum. — *Diva potens Cypri.* Venus Cypri domina. Cyprus est insula maris Mediterranei, e regione Siciliæ; in ea maxime Venus colebatur.

2. *Fratres Helenæ.* Castor et Pollux, navigantibus propitii. Apparent sæpe in locis palustribus, et in mari, quidam ignes erratici et fatul, quorum alii sursum feruntur, alii deorsum : eos Castorem et Pollucem appellabant, et credebant esse navitis salutare, si gemini simul apparent.

3. *Ventorum pater.* Æolus.

4. *Obstrictis.* Inclusis et alligatis. — *Aliis.* Hoc est, ceteris. — *Iapyga.* Iapyx est ventus ex Apulia flans, opportunus navibus ex Italia in Græciam solventibus, ab incolis Apuliæ, qui Iapyges vocantur, ita dictus.

5. *Quæ tibi creditum.* Tanquam pignus vel depositum aliquod.

7. *Reddas incolumem.* Animadvertat lector quam significantibus et ad rem accommodatis verbis utatur Horatius. Antecedit vox *creditum* : sequitur deinceps *debes*. Postremo, *reddas*. Neque vox ipsa *incolumem* otiosa est. Nam quæ nobis *credita* sunt, ea sacra et integra *reddere* debemus.

8. *Dimidium, etc.* Ad vim amoris significantiam, dicuntur amici unam et eandem habere animam, quæ in duobus corporibus veluti dimidia versetur.

9. *Robur.* Dura quercus. Habebat ille pectus conflatum e ligno durissimo, aut ærea lorica munitum, id est, erat audacissimus et fortissimus.

12. *Præcipitem, etc.* Africus ventus est procellosus, flans ab occasu hiberno : Aquilo est vehemens Item ventus flans a

Decertantem Aquilonibus,
Nec tristes Hyadas, nec rabiem Noti,

15 Quo non arbiter Adriæ
Major, tollere seu ponere vult freta.

Quem mortis timuit gradum,
Qui siccis oculis monstra natantia,
20 Qui vidit mare turgidum, et
Infames scopulos Acroceraunia ? *

Nequidquam deus abscidit
Prudens oceano dissociabili
Terras, si tamen impiæ
Non tangenda rates transiliunt vada.

25 Audax omnia perpeti
Gens humana ruit per vetitum nefas.

Audax Iapeti genus
Ignem fraude mala gentibus intulit.
Post ignem ætherea domo

30 Subductum, macies et nova febrium
Terris incubuit cohors :

Semotique prius tarda necessitas
Leti corripuit gradum.

Expertus vacuum Dædalus aera
35 Pennis non homini datis.

septentrione; Illi duo venti oppositi decertant ac tempestates movent.

14. *Hyadas*. Hyades sunt stellæ in fronte Tauri, quarum ortus et occasus pluvias ac tempestatem prædicere credebatur. — *Noti*. Notus est ventus flans a meridie; Auster etiam dicitur.

15. *Quo non, etc.* Quo nullus potentior arbiter et dominus Adriæ, seu fluctus et procellas attollere velit, seu componere et sedare; interdum enim est lenis et placidus hic ventus. — *Adriæ*. Adriaticum mare, quod inter Illyriam et Italiam continebatur, sic dictum ab Adria, Venetorum urbe.

17. *Gradum*. Genus mortis, quod aliud alio quasi gradatim acerbius et gravius est; vel, incursionem et impetum mortis.

18. *Siccis oculis*. Absque lacrimis. — *Monstra natantia*. Cete; pisces monstrosos.

20. *Acroceraunia*. Montes in Epiro ita dictos, quod ea altitudine sint, ut sæpe numero fulmine petantur. — *Infames*. Propter naufragia.

22. *Dissociabili*. Activo sensu; qui dissociaret, separaret.

23. *Impiæ*. Impias dicit hominum naves, quia dei consilium negligere et aspernari videantur.

24. *Vada*. Loca in mari periculosisima.

25. *Omnia perpeti*. Adire pericula omnia et perferre. — *Audax perpeti*. Ex græca loquendi ratione pro : ad omnia perpetienda.

26. *Nefas*. Propria id est, quod non licet facere, vel quod fieri non potest. Præceps fertur ad omnia scelerala et difficilia.

27. *Iapeti genus*. Prometheus, Iapeti filius, qui, quum ope Minervæ cælum conscendisset, affixa tæda rotis currus solaris, ignem furatus, eum hominibus impertivit.

30. *Subductum*. Furto sublatum. — *Nova*. Antea inaudita, nondum visa.

31. *Terris incubuit cohors*. Terras occupavit, obsedit atque oppressit.

32. *Semoti*. Tardius et quasi ex longinquo venientis. — *Necessitas leti*. Fatum, necessitas quæ nos leto subiecit.

33. *Corripuit gradum*. Acceleravit : citius homines, quam antea, mortem obiere.

34. *Vacuum*. Vastum et desertum, vel hominibus infrequentem. — *Dædalus*. Insignis faber qui e labyrintho cretensi evolvit.

Perrupit Acheronta herculeus labor.

Nil mortalibus arduum est :

Cælum ipsum petimus stultitia; neque

Per nostrum patimur scelus

40

Iracunda Jovem ponere fulmina.

36. *Acheronta*. Acheron est inferorum fluvius. Sensus est : Hercules ad ipsos usque inferos penetravit, non sine labore, ut inde Cerberum extraheret.

38. *Petimus, etc.* Cælum oppugnaverunt olim Gigantes, et superos impli omnes lacessunt peccando, ac provo-

cant. — *Stultitia*. Propter nostram amentiam : tanta est hominum insania.

39. *Per nostrum, etc.* Impedimus nostris sceleribus, quominus iratus nobis Jupiter deponat fulmina, in nostrum caput vibranda.

ODE IV.

Ad Sextium.

Adventu veris, et vitæ brevitate proposita, Sextium hortatur ut genio indulgeat.

Solvitur acris hiems grata vice veris et Favoni,

Trahuntque siccas machinæ carinas :

Ac neque jam stabulis gaudet pecus, aut arator igni,

Nec prata canis albicant pruinis.

5 Jam Cythærea choros ducit Venus, imminente luna;

Junctæque nymphis Gratiae decentes

Alterno terram quatiant pede, dum graves Cyclopum

Vulcanus ardens urit officinas.

Nunc decet aut viridi nitidum caput impedire myrto :

10

Aut flore, terræ quem ferunt solutæ.

1. *Solvitur*. Relaxatur, mtescit. — *Acris hiems*. Hiems mordax et aspera. — *Grata vice veris*. Vere in vicem redeunte, quæ vicissitudo post asperam hiemem grata est. — *Vice*. Successione, reditu. — *Favoni*. Favonius, idem est ac Zephyrus: flat ab occasu.

2. *Trahunt*. Naves per hiemem in portu quiescunt, vel etiam in sicco littore sedent : exacta hieme, machinis et funibus e littore in aquam trahuntur, ut navigatio repetatur. Carina, pars navis infima.

3. *Gaudet, etc.* Non amplius pecora in stabulis continentur, ut sit hieme.

4. *Albicant pruinis*. Albescunt.

5. *Cythærea*. Venus : ita vocatur ab insula, quæ adjacet Peloponneso, contra

Cretam : ea nunc *Cerigo* dicitur, olim Cythera ibi Venus colebatur. — *Choros*. Nymphas in orbem saltantes ducit. — *Imminente luna*. Incumbente ipsarum capiti, supra caput lucente : noctu.

6. *Gratiae*. Tres numerantur, Aglaja, Euphrosyna, et Thalia. — *Junctæ nymphis*. Per manus, nempe in saltatione.

7. *Alterno*. Nunc hoc, nunc illo ; ut sit a saltantibus. — *Graves*. Ob graves Cyclopibus obeundos labores.

9. *Nitidum*. Unguentis et aromatibus delibutum. — *Impedire*. Implicare, coronare.

10. *Solutæ*. Laxatæ ob vernum calorem : frigus terram constringit; calor contra solvit, atque aperit.

Nunc et in umbrosis Fauno decet immolare lucis,
 Seu poscat agna, sive malit hædo.
 Pallida Mors æquo pulsat pede pauperum tabernas,
 Regumque turres. O beate Sexti,
 15 Vitæ summa brevis spem nos vetat inchoare longam.
 Jam te premet nox, fabulæquæ Manes,
 Et domus exilis plutonia : quo simul mearis,
 Non regna vini sortiëre talis.

11. *Fauno*. Faunus fuit rusticorum deus; idem sorte ac Pan.

12. *Agna, hædo*. Scilicet sibi immolari.

13. *Pallida mors*. Redeunt in mentem percelebres lyrici nostratis versus, quibus locum hunc tam feliciter æmulatus est Malherbius.

14. *Regumque turres*. Excelsa nobilium et beatorum ædificia. — *Tabernas*. Humiles casas.

15. *Summa*. Spatium, mora vitæ : numerus brevis dierum et annorum, quibus vivimus, prohibet nos ea suscipere, et sperare, quæ nisi longo tempore perfici non possunt, ampla et vasta moliri consilia.

16. *Jam te, etc.* Brevi te mors, quæ tota tenebrosa et nocti similis est, opprimet, ac inferi, qui meræ sunt fabulæ, vel, de quibus tam multæ fabulæ nar-

rantur. Manes autem sunt proprie hominum animæ, quas ad inferos descendere putabant, ibique vel detrudi in Tartarum (erat is infimus ac teterrimus inferorum locus) cruciandas; vel in Elysium (qui locus erat in hisdem inferis amœnissimus), beandas abduci; aliquas etiam inde ad cælum transferri, deorum in numerum reponendas.

17. *Domus exilis plutonia*. Arcta et angusta, frequenti animarum concursu; vel sic dicta ob exilem levium umbrarum formam.

18. *Non regna, etc.* Non sorte et talorum jactu, eligeris in convivio rex vini. Romani aliquem in convivio statuebant velut regem et arbitrum convivii, qui præciperet quoties et quantum quisque biberet. Hunc autem regem sortiebantur alea missa. — *Talis*. Talorum jactu.

ODE V.

Ad Agrippam.

Bella ab Agrippa gesta a Vario celebratum iri; sibi argumentum jam grave minus convenire.

Scriberis Vario fortis et hostium.
 Victor, mæonii carminis alitæ.
 Quam rem cumque ferox, navibus aut equis,

1. *Scriberis, etc.* Varius (erat ille poeta nobilis ea tempestate, Horatii et Virgillii amicus) te fortem scribet, hoc est, laudabit res a te fortiter gestas. — *Vario*. Pro scriberis a Vario. Locutio est Græcorum propria, qui dandi casum usurpant pro casu auferendi cum præpositione, post verbum passivum. — *Hostium*. Sexti Pompeii; erat ille Pompeii Magni filius, quem Octavius in freto Siculô vicit, anno U. C. 718, ope maxime et consiliis Agrippæ.

2. *Mæonii carminis*. Mæonium carmen idem ac homericum, ob patrem Mæonem seu patriam Mæoniam. — *Alitæ*. Qui Varius est ales, id est, cygnus homerici carminis, sen, qui instar cygni est inter poetas heroicos, quorum princeps Homerus.

3. *Quam rem cumque*. Quamcumque rem. Ista vox, quicumque, solet a poetis dividi. Vocatur hæc figura Τμήσις, *Tmesis*, id est sectio. — *Navibus aut equis*. Aut mari aut terra.

Miles te duce gesserit.

- 5 Nos, Agrippa, neque hæc dicere, nec gravem
Pelidæ stomachum cedere nescii, *qui nati sunt eodem.*
Nec cursus duplicis per mare Ulyssæi,
Nec sævam Pelopis domum
10 Conamur, *tenuis* grandia: dum pudor, ⁺
Imbellisque lyræ Musa potens vetat *prohibet*
Laudes egregii Cæsaris, et tuas,
Culpa deterere ingeni.
Quis Martem tunica tectum adamantina
Digne scripserit? aut pulvere troico
15 Nigrum Merionem? aut ope Palladis
Tydiden superis parem?

5. *Agrippa*. Fuit amicus Augusti, et ejus gener; vir bello strenuus, et ob modestiam Augusto percarus.

6. *Pelidæ*. Achillis, qui Pelet et Thetidis filius. — *Stomachum*. Iram.

7. *Cursus*. Navigationem, errores. — *Duplicis*. Callidi, subdoli, aliud dicentis, aliud sentientis. — *Ulyssæi*. A nominativo Ulyssæus, qui derivatus est a græca voce Ὀδυσσεύς, tertiarum declinationis contractorum. *Ulyssæi* est hic trissyllabum.

8. *Sævam*. Cædibus et parricidiis infamem.

9. *Conamur, etc.* Non conamur hæc dicere, quæ sunt a te præclare gesta, ut neque alia grandia carminum argumenta; quum adeo tenues poetæ simus.

— *Pudor*. Verecundia, et mæx tennitatis conscientia.

10. *Potens*. Musa domina et moderator mæx imbellis lyræ.

12. *Deterere*. Corruptere et imminuere. — *Culpa*. Propter imbecillitatem et imperitiam meam.

13. *Martem*. Id est, viros bellicosos. — *Adamantina*. Dura, solida, impenetrabili, instar adamantis, quod est genus ferri durissimum.

15. *Merionem*. Meriones fuit Idomenei, Cretensium regis, socius, dux fortissimus, et in bello trojano clarissimus.

— *Nigrum*. Conspersum.

16. *Tydiden*. Diomedem, Tydei filium, qui Martem ipsum in eodem bello vulnerasse ab Homero scribitur, et Venerem, Palladis ope in primis fretus.

ODE VI.

Ad Plancum.

Alii alios laudent civitates: Horatius vero reliquis anteponit Tibur, et Plancum hortatur ad diluendas vino curas.

Laudabunt alii claram Rhodon, aut Mitylenen,
Aut Ephesum, bimarise Corinthi

1. *Rhodon*. Rhodus, *Rhodes*, insula, et civitas maris Mediterranei, vicina Cypro, e regione Siciliæ. — *Claram*. Clara certe pridem, tum ob Colossium, sive statuam solis, inter orbis miracula repositam; tum propter mercataram,

luxum et artes. — *Mitylenen*. Urbs primariæ insulæ Lesbii, nunc *Metelin*.

2. *Ephesum*. Urbs est minoris Asiæ, Dianæ templo celebris. *Ephèse*. — *Corinthi*. Corinthus est urbs Achaiæ in Græcia, posita fere in medio isthmi pe-

- Moenia, vel Baccho Thebas, vel Apolline Delphos
 Insignes, aut thessala Tempe.
 5 Sunt, quibus unum opus est intactæ Palladis urbem
 Carmine perpetuo celebrare, et
 Undique decerptam fronti præponere olivam.
 Plurimus, in Junonis honorem,
 Aptum dicit equis Argos, ditiesque Mycenæ.
 10 Me nec tam patiens Lacedæmon,
 Nec tam Larissæ percussit campus optimæ,
 Quam domus Albunæ resonantis,
 Et præceps Anio, et Tiburni lucus, et uda
 Mobilibus pomaria rivis.
 15 Albus ut obscuro deterget nubila cœlo
 Sæpe Notus, neque parturit imbres
 Perpetuos; sic tu sapiens finire memento
 Tristitiam, vitæque labores,
 Molli, Plance, mero: seu te fulgentia signis
 20 — Castra tenent, seu densa tenebit
 Tiburis umbra tui. Teucer Salamina patremque

loponnesiæ, hinc Ionium, inde Egæum mare prospiciens; unde *bimaris* appellatur, quasi utrinque mari cincta.

3. *Thebas*. Thebæ, nunc *Stives*, urbs Bæotiarum in Græcia (illa enim est ejusdem nominis in Ægypto), Bacchi patria. — *Delphos*. Delphi, nunc *Delpho*, urbs Phocidis prope Parnassum: in ea celeberrimum Apollinis templum fuit.

4. *Tempe*. Neutro genere, et plurali numero hæc vox dicitur: locum in Thessalia significat, vallibus, silvis, et hortis amoenissimis inclitum.

5. *Urbem*. Athenas, cujus urbis præses Pallas.

6. *Carmine perpetuo*. Cyclico quidem, quod perpetua serie Athenarum laudes complectatur.

7. *Undique, etc.* Coronare semper suam frontem oliva vulgo a poetis decerpta; id est argumento undequaque exhausto poeticam laudem quærere. Nonnulli legunt *decerptæ frondi*, hoc est antepnere olivam ceteris frondibus.

8. *Plurimus, etc.* Multi poetæ.

9. *Argos*. Neutrius generis est in singulari; masculini vero in plurali. Urbs clarissima Peloponnesi, ubi Juno maxime colebatur. — *Mycenæ*. Mycenæ urbs est Peloponnesi, prope Argos, ubi regnavit Agamemnon.

10. *Lacedæmon*. Civitas in Peloponneso amplissima, alio nomine Sparta nuncupata, ubi regnavit Menelaus, Lycurgus floruit, et olives severissimis legibus instituit, ad omnem laborum in ci-

vili pariter ac militari vita patientiam.

11. *Larissæ*. Civitatis in Thessalia, unde Achilles oriendus. — *Percussit*. Movit, affect; non tam mihi placuit.

12. *Albunæ*. Nomen est fontis et silvæ, in Italia, prope fluvium Anienem: Tiburtinum agrum transit fluvius Albula, qui ex fonte Albunea oritur.

13. *Anio*. Flumen Italiæ: in agro Tiburtino, qui præceps ex edito loco defluit in subjectam vallem: ab indigenis *Teverone* dicitur. — *Tiburni*. Viri nomen est, qui Tibur (*Tivoli*) civitatem Italiæ condidit in amoenissimo loco, ubi luci, et pomaria rivis errantibus rigata. Porro lucus Tiburni, est lucus ab ipso Tiburno constitus, et in Tiburni herois memoriam de more consecratus.

15. *Albus*. Cælum serenum et candidum efficiens.

19. *Plance*. Plancus iste ab Antonio, quem secutus fuerat, rediit ad Augustum, circa ann. U. C. 722; a quo quum negligenter, et a rebus gerendis amoveretur, eum Horatius in Tiburtina sua villa degentem consolatur. — *Molli*. Miti: vinum vetustum dicitur molle.

21. *Teucer*. Telamonis filius, Ajaxis frater, quum, Troja capta, rediret in patriam Salamina, indignatus Telamon quod Teucer, Ajaxis fratris sui, qui inimicorum injuriis exagitatus, et in furorem versus sibi violentas manus attulerat, necem non ultus esset, eum Salamine expulit; unde in Cyprum navigans ibi conседit, urbemque condidit, quam Sa-

Quum fugeret, tamen uda lyæo
Tempora populea fertur vinxisse corona,
Sic tristes affatus amicos :

- 25 • Quo nos cumque feret melior fortuna parente,
Ibimus. O socii comitesque,
Nil desperandum Teucro duce et auspice Teucro ;
Certus enim promisit Apollo,
Ambiguam tellure nova Salamina futuram.
30 O fortes, pejoraque passi
Mecum sæpe viri, nunc vino pellite curas :
Cras ingens iterabimus æquor. •

lamina etiam appellavit. — *Salamina*. Salamin, sive Salamina, est insula et urbs maris Egæi, e regione Atticæ, Telamonis regia.

22. *Lyæo*. Bacchus dictus est Lyæus, quia solvit curas, a verbo Græco λύω, quod *solvere* significat. Hic pro vino ponitur.

23. *Tempora*. Caput. — *Populea*. E frondibus populi (*peuplier*) arboris contexta; quæ arbor Herculi sacra.

25. *Quo nos. Me*. — *Melior*. Mihi amior, et æquior, quam ipse pater, a quo pellor patria. — *Ibimus*. Ibo.

27. *Auspice*. Auspex ille dicebatur a Romanis, qui sumebat auspicia, vel cuius ductu, nomine, auspiciis, aliquid gerebatur.

28. *Certus*. Verax, qui certa et eventura promittit.

29. *Ambiguam, etc*. Ambigua, quia nomen idem habebit, atque illa, ubi pater meus regnat. — *Tellure*. In Cypro.

30. *Pejora*. Graviora pericula.

32. *Iterabimus, etc*. Iterum nos æquori commitemus; navigationem repetemus.

ODE VII.

Ad Lydiam.

Lydiæ exprobrat quod juvenem quemdam, quem Sybarin nominat, ab honestis exercitationibus avocet.

Lydia, dic, per omnes
Te deos oro, Sybarin cur properes amando
Perdere? cur apricum
Oderit campum, patiens pulveris atque solis?
5 Cur neque militaris
Inter æquales equitat; gallica nec lupatis
Temperat ora frenis?

3. *Perdere*. Ab honestis occupationibus avertere. — *Apricum, etc*. Soll expositum. — *Campum*. Significatur campus Martius, ubi juvenus se exercebat.

4. *Oderit*. Non vacet exercitationibus usitatis in isto campo. — *Patiens, etc*. Qui pati potest solem et pulverem, vel, qui deberet pati, ob ætatem et robur.

5. *Militaris, etc*. Militum in morem, ut hominem militarem decet.

6. *Æquales*. Eiusdem ætatis adolescentescens. — *Gallica, etc*. Nec equorum gallicorum (erant illi præstantissimi) ora habentis flectit ac regit. — *Lupatis*. Lupatum, vel lupatus, est frenum asperrium, ab lupinorum dentium similitudine dictum, qui acuti sunt et inæquales.

Cur timet flavum Tiberim tangere? cur olivum
Sanguine viperino

10 Cautius vitat? neque jam livida gestat armis

Brachia, sæpe disco,

Sæpe trans finem jaculo nobilis expedito?

Quid latet, ut marinæ

Filium dicunt Thetidis sub lacrimosa Trojæ

15 Funera, ne virilis

Cultus in cædem et lycias proriperet catervas?

8. *Flavum Tiberim tangere.* Cur se ad natationem non exercet? Hoc fuit in moribus Romanorum, ut, post Campi Martii exercitationes, in Tiberim adhuc sudantes se immitterent. — *Olivum.* Luctaturi nuda corpora oleo tingeabant, vel unguento quodam ex oleo et cera facto, ut essent robustiores, nitidiores, et minus idonei captantibus.

10. *Livida, etc.* Livor est color pallidum inter et sanguineum; sensus est: cur non gestas arma, id est discum et jaculum, quorum pondere brachia essent illi trita et livida?

11. *Disco.* Discus (un disque, un palet) erat circulus quidam solidus e

plumbo, ære, ferro; quem juvenes in exercitationibus ad certam metam projiciebant.

13. *Quid latet, etc.* Cur abditus domi sedet, ut Achilles, qui sub, id est, paulo ante bellum trojanum, delituit muliebri veste occultatus, in aula Lycomedis, regis insulæ Scyri, ne virilis vestis eum proderet, atque ita protraheretur ad bellum trojanum. Detexit autem Achillem Ulysses.

16. *Lycias.* Lycia est regio Asiæ minoris; cujus populi opem tulere Trojanis contra Achillem et Græcos. Lyciorum duces erant Sarpedon et Glaucus, ab Homero celebrati.

ODE VIII.

Ad Thaliarchum.

Thaliarchum hortatur ad hiemem hilare transigendam.

Vides ut alta stet nive candidum
Soracte, nec jam sustineant onus
Silvæ laborantes, geluque
Flumina constiterint acuto.

5 Dissolve frigus, ligna super foco
Large reponens; atque benignius
Deprome quadrimum sabinæ,
O Thaliarche, merum diota.

1. *Stet, etc.* Totum sit candidum multa nive, vel, totum sit opertum nive, et quasi rigescat.

2. *Soracte.* Mons est non procul Roma, in agro Faliscorum: nunc monte *San Silvestro*. — *Onus, etc.* Nivis, pruinae: ut arborum rami præ nive deprimauntur ac frangantur.

4. *Constiterint.* Immota sint, gelu constricta non fluant.

5. *Dissolve frigus.* Mitiga, repelle et

quasi laxa multo igne frigus, quod quasi contractum et constrictum est: calor laxat omnia; frigus adstringit.

6. *Benignius.* Largius, liberalius. Large apponi ligna jubet, largius vina; facete pro suo more.

7. *Quadrimum.* Quatuor annos natum, ideoque jam satis vetustum. — *Sabinæ.* Vasa fictilia maxime fabricabantur apud Sabinos.

8. *O Thaliarche.* Quis iste Thaliarchus

- 10 Permite divis cetera; qui simul
Stravere ventos æquore fervido
Depræliantes, nec cupressi,
Nec veteres agitantur orni.
Quid sit futurum cras, fuge quærere; et
Quem fors dierum cumque dabit, lucro
- 15 Appone: nec dulces Camenas
Sperne puer, neque tu choreas,
Donec virenti canities abest
Morosa. Nunc et campus, et aræ,
Lenesque sub noctem susurri
- 20 Composita repetantur hora.

fuerit, et quare amicus Horatii, obscurum est. — *Diota*. Vas duabus ansis, quasi duabus auribus instructum.

9. *Permite, etc.* Relinque alia negotia superum curæ: tu id unum cura, quomodo beatus et hilaris vivas. — *Qui simul, etc.* Qui statim atque comprehendere, composuere ventos antea decertantes inter se in mari turbido; alta quoque pax terras tenet, et silvarum arbores agitari desinunt: ita providentiam notat.

13. *Fuge quærere*. Noli sciscitari.

14. *Quem fors, etc.* Quicumque dies dabitur tibi a fortuna, hunc numera in

lucro, et ad summam aliorum vitæ dierum appone, adde.

15. *Camenas*. Musæ et studia litterarum poni possunt inter oblectationes honestæ juventutis.

17. *Virenti*. Tibi adhuc juveni, et viridem ætatem agentis.

18. *Campus*. Martius. — *Aræ*. Urbis plateæ: aprica loca et patentia.

19. *Susurri*. Intellige confabulationes vespertinas cum amicis.

20. *Composita*. Præfinita, conducta, et constituta. — *Repetantur*. Iterentur, frequententur.

ODE IX.

Ad Mercurium.

Mercurii laudes celebrat.

Mercuri, facunde nepos Atlantis,
Qui feros cultus hominum recentum
Voce formasti catus, et decoræ
More palæstræ:

- 5 Te canam, magni Jovis et deorum
Nuncium, curvæque lyræ parentem,

1. *Mercuri*. Erat Mercurius filius Jovis et Maia, Atlantis filix; eloquentiæ, commercii, et furum præses.

2. *Cultus*. Mores barbaros hominum recens natorum, in mundi primordiis.

3. *Voce*. Eloquentiæ arte, quæ est ars vocis et sermonis. — *Catus*. Ingeniosus, vaser, cantus.

4. *More palæstræ*. Inducendo con-

suetudinem palæstræ, quæ fingit corpora ad motus decoros et habiles. — *Palæstræ*. Est palæstra exercitatio quolibet corporis, in cursu, luctatione, etc.; vel locus, ejusmodi exercitationi addictus.

5. *Deorum nuncium*. Reliquorum deorum interpretem.

6. *Curvæque, etc.* Qui lyram primò confecit Mercurius ex incurvo testudinis

Callidum, quidquid placuit, jocosum

Condere furto.

- 10 Te, boves olim nisi reddidisses
Per dolum amotas, puerum minaci
Voce dum terret, viduus pharetra,

Risit Apollo.

Quin et Atridas, duce te, superbos,

Ilio, dives Priamus, relicto,

- 15 Thessalosque ignes, et iniqua Trojæ
Castra fefellit.

Tu pias lætis animas reponis

Sedibus, virgaque levem coerces

Aurea turbam, superis deorum

- 20 Gratus et imis.

torgo et testa. — *Parentem*. Auctorem, inventorem.

7. *Callidum condere*. Græca locutio: qui callidus es ad abscondendum quidquid libuit furari per jocum. — *Jocosum*. Non quia indiges rebus quas furaris; sed quia sic ingenium et calliditatem ostendis.

9. *Te, etc.* Apollo, quum olim te puerum asperioribus verbis terrere conaretur, minitans aliquid mali, nisi sibi redderes vaccas quas ipsi furto abdideras, non potuit risum continere, quum se quoque vidit exutum sagittis et pharetra sua, quam ipsi clam surripueras. — *Boves*. Apollo iratum Jovem fugiens in terras venit, ubi quum premeretur inopia, coactus est boves Admeti, regis Thessaliæ, mercede pascere.

10. *Amotas*. Abactas et furtim ademptas. — *Puerum*. Quum adhuc puerulus esses.

11. *Viduus*. Privatus pharetra.

13. *Atridas*. Menelaum et Agamemnonem, Atræi filios. — *Duce te, etc.* Priamus, ut Hectoris filii sui, ab Achille cæsi, corpus prelio redimeret, duce

Mercurio, qui eum obscura nebula sepsit, profectus est in Græcorum castra, et per medias excubias ad Achilli tentorium penetrans, eum precibus inflexit, eodemque duce quo venerat, Trojam incolumis se recepit: Vide Homerum, lib. *Iliad.* ultimo.

14. *Ilio*. Troja. — *Dives*. Curram auro et muneribus onustum agens.

15. *Thessalos, etc.* Græcos excubitores. — *Iniqua*. Intimica Trojanis.

16. *Fefellit*. Latuit; græco more, *fallere*, sumitur pro *ignorari*.

17. *Pias*. Animas plorum corpore solutas, morte obita. — *Lætis, etc.* In Elysiis campis collocas; huc eas deductis.

18. *Virga*. Caduceo: est bacillus quidam, medius inter duos angues hinc inde implexos, et sibi obversos: Insigne est pacis. — *Levem*. Scilicet umbrarum. — *Coerces*. Cogis et compellis in eundem quasi gregem; ut oves pastor pedo congregat.

19. *Superis, etc.* Id est diis superis et inferis gratus: superis, ut Jovi; imis, ut Plutoni, etc.

ODE X.

Ad Leuconoem.

Missa futurorum cura, hodie vivendum.

Tu ne quæsieris (scire nefas) quem mihi, quem tibi
Finem di dederint, Leuconoe; nec babylonios

1. *Tu ne quæsieris*. Cave ne curiose inquiras. — *Scire nefas*. Legendæ sunt hæc duæ voces intra parenthesim: hoc

enim, inquit, nefas est scire, sciri nequit.

2. *Finem*. Vitæ metam. — *Babyloni-*

- Tentaris numeros. Ut melius, quidquid erit, pati!
 Seu plures hiemes, seu tribuit Jupiter ultimam,
 5 Quæ nunc oppositis debilitat pumicibus mare
 Tyrrhenum. Sapias, vina liques, et spatio brevi
 Spem longam reseces. Dum loquimur, fugerit invida
 Etas; carpe diem, quam minimum credula postero.

nios numeros. Chaldæi, seu Babylonii, erant astrologiæ peritissimi; porro scientia illa divinandi maxime continetur numeris, sive computationibus, quibus astrorum cursus et motus numerat, etc.

3. *Ut melius, etc.* Ut melius patiaris quidquid eveniet. Quidam sic explicant eas voces: ut melius pati, id est, quandoquidem est melius et consultius pati quidquid erit, id est, ferre animo æquo quidquid eveniat.

4. *Hiemes, etc.* Plures annos ad vivendum dederit.

5. *Quæ nunc, etc.* Id est, hanc hiemem quæ nunc frangit, repercutit maris fluctus, oppositis pumicibus. Per pumices intellige scopulos marinis fluctibus exesos, instar pumicis, et excavatos.

6. *Sapias. Sapere* vocat, quod et vivere vulgo dicimus. — *Liques.* Percoles. Percolare vina, est ea per colum,

hoc est sacculum, seu tenue linum, transmittere, ut quidquid est crassius secernatur; ita fiebant vina leniora et delicatiora. — *Et spatio, etc.* Cogitatione tam brevis spatii ad vivendum nobis concessi, amputa spem longioris vitæ et felicitatis: vel, in tam brevi spatio vitæ noli sperare quæ ob hanc vitæ brevitate assequi nequis.

7. *Dum loquimur.* Eandem sententiam sic expressit Persius: *fugit hora; hoc, quod loquor, inde est.* Egregie hanc temporis fugam ante oculos ponit Bolæus, et quasi motu ipso versus depingit.

8. *Carpe.* Hoc die præsentî, nulla interposita mora, frui; parum fidens diei crastinæ, quæ incerta. Metaphora ducitur a floribus, aut fructibus, qui non omnes simul, sed paulatim singuli leguntur.

ODE XI.

Ad Augustum.

Deos et heroes clarosque viros primum, de la Augustum laudat.

- Quem virum aut heroa lyra vel acri
 Tibia sumes celebrare, Clio?
 Quem deum, cujus recinēt jocosa
 Nomen imago,
 5 Aut in umbrosis Hælicōnis oris,
 Aut super Pindo, gelidove in Hæmo:
 Unde vocalem temere insecutæ
 Orpheæ silvæ,

1. *Quem virum, etc.* Ordo est: o Clio, quem virum, quem heroa, quem deum, tibi celebrandum sumes lyra, vel tibia, etc. — *Virum.* Rerum præclare gestarum gloria nempe conspicuum. — *Acri.* Cujus sonus est acutior.

2. *Celebrare.* Græce, pro celebrandum. — *Clio.* Una e musis, quæ gravioris argumenti carminibus præest.

3. *Recinēt.* Canendo iterabit.

4. *Imago.* Echo, quæ imago quædam vocis est. — *Jocosa.* Quia quasi ludentis more voci respondet.

5. *Hæliconis.* Helicon est mons Bœotiæ in Græcia, Musis sacer, ut Pindus et Hæmus, ille in Thessalia, hic in Thracia.

7. *Unde vocalem, etc.* Quo ex Hæmo voce suavissima canentem Orpheum

- 10 Arte materna rapidos morantem
 Fluminum lapsus, celeresque ventos,
 Blandum et auritas fidibus canoris
 Ducere quercus?
 Quid prius dicam solitis parentis
 Laudibus, qui res hominum ac deorum,
 15 Qui mare et terras, variisque mundum
 Temperat horis?
 Unde nil majus generatur ipso,
 Nec viget quidquam simile, aut secundum:
 Proximos illi tamen occupavit
 20 Pallas honores,
 Præliis audax. Neque te silebo,
 Liber, et sævis inimica virgo
 Belluis; nec te, metuende, certa
 Phœbe sagitta.
 25 Dicam et Alciden, puerosque Ledaë,
 Hunc equis, illum superare pugnis
 Nobilem: quorum simul alba nautis
 Stella refulsit,
 Defluit saxis agitatus humor;
 30 Concidunt venti, fugiuntque nubes;
 Et minax (quod sic voluere) ponto

silvæ certatim et ordine nullo sunt secutæ.

9. *Arte materna.* Musica. Erat filius Calliopes, unius e musis quæ canendi peritissima. — *Morantem.* Sistentem.

11. *Blandum ducere.* — Græcum *Idioma*; id est, potentem ducere blanda voce, et canoræ citharæ nervis, quercus auritas, hoc est, sentientes vocis suavitatem, quasi fuissent auribus præditæ.

13. *Parentis.* Jovis, qui deum hominumque pater vocabatur. *Solitis*, id est, notis et pervulgatis.

16. *Temperat.* Moderatur. — *Horis.* Horæ sæpe significant quatuor anni tempestates.

17. *Unde.* Ex quo Jove: nullus ipsius liberorum est patri æqualis.

18. *Viget.* Existit, vivit. — *Secundum.* Prope par.

19. *Occupavit, etc.* Et si omnia infinito prope intervallo distent a Jove, tamen post illum proxime et maxime laudatur Pallas. Nonnulli legunt *occupabit*.

21. *Præliis audax.* Hæ voces melius conveniunt Palladi quam Baccho: plerique ad Bacchum referunt, non bene.

22. *Liber.* Sic vocatur Bacchus, quod animum curis liberet. — *Virgo.* Diana, quæ venatione ferarum delectatur.

23. *Certa.* Quæ semper scopum ferit.

25. *Alciden.* Herculem, Alcæi nepotem. — *Pueros Ledaë.* Castorem et Pollucem, Ledaë Tyndari uxoris filios. — *Hunc.* Castorem. — *Illum.* Pollucem. — *Superare.* Superando. — *Equis.* In certamine equestri. — *Pugnis.* In certamine castuum.

27. *Quorum, etc.* Castor et Pollux inter astra relati a Jove fuerunt, et nuno Gemini dicuntur ab astrologis, estque illud signum e duodecim zodiaci signis tertium. Nautis favere, et præesse mari putabantur, ideoque apparere sub figura stellarum duarum, seu potius erraticorum ignium, qui e marinis vaporibus concreti, apparent aliquando navigantibus, et serenitatem portendere creduntur. — *Simul.* Simul atque. — *Alba.* Serenitatis index: prospera et felix.

29. *Defluit, etc.* Aqua, vi tempestatis agitata, et scopulis injecta, ex illis defluit.

31. *Minax.* Intumescens, ac tempestatem, naufragiumque veluti minitans unda residet, sternitur, ac in mare recedit. — *Voluere.* Id est Gemini. — *Ponto.* Pro in pontum.

Unda recumbit.

Romulum post hos prius, an quietum
 35 Pompili regnum memorem, an superbos
 Tarquini fasces, dubito, an Catonis
 Nobile letum.

Regulum, et Scauros, animæque magnæ
 Prodigum Paulum, superante Pæno,
 40 Gratus insigni referam camena,
 Fabriciumque.

Hunc, et incompitis Curium capillis
 Utilem bello tulit, et Camillum
 Sæva paupertas, et avitus apto
 Cum lare fundus.

45 Crescit occulto, velut arbor, ævo
 Fama Marcelli; micat inter omnes
 Julium sidus, velut inter ignes
 Luna minores.

Gentis humanæ pater atque custos,
 50 Orte Saturno, tibi cura magni

34. *Pompili*. Numa Pompilius rex secundus Romanorum fuit, pacis et religionis amans.

35. *Tarquini*. Duo fuerunt Tarquini, reges romani, alter Priscus, sive senior dictus: alter Superbus et regum romanorum ultimus. De Prisco igitur hic sermo est — *Superbos*. Splendidos. — *Fasces*. Sunt collecti in fasciculum bacilli, in quibus medulla exstat securis (*des faisceaux*). Romanis regibus, ac postea consulibus, prætoribusque præferebantur a lictore. — *Catonis*. Catonem Uticensem intelligit, M. Porcii Catonis nepotem, ita dictum ab Utica, urbe Africæ; ubi manus ipsi sibi violentas attulit, ne veniret in manus Cæsaris, postquam audivit Pompelianos ab eo profligatos.

37. *Regulum*. Dux fuit Romanorum, qui, captus a Carthaginiensibus, et Romanam de captivis permutandis missus, suavit ne id fieret, ipseque, ut promiserat, rediit ad Pænos, qui eum crudelissimis suppliciis necaverunt. — *Scauros*. Illustres illi fuerunt ob magna in rempublicam merita. Præ ceteris eminet M. Æmilius Scaurus.

38. *Paulum*. Æmilius Paulus, consul romanus, ad Cannas cum Hannibale pugnavit, et vitam pro patria deponendam magno animo contemnens profudit. — *Pæno*. Hannibale victore.

39. *Gratus*. Memor illorum virtutis.

40. *Fabriciumque*. Ille ter consul

fuit; insigni frugalitate, et abstinence, bella gravia cum Pyrrho gessit.

41. *Hunc*. Fabricium. — *Incompitis*. Neglectis et impexis, ut viros militares decet. — *Curium*. Unus e prisca Romanis fuit, insigni abstinence et frugalitate: aurum a Samnitibus oblatum repudiavit, quum diceret malle se divitibus imperare, quam divitem esse.

42. *Tulit*. Protulit, eduxit ad republicæ gloriam, educavit. — *Camillum*. Is Gallos, incensa Roma, Capitellum obsidentes, fugavit, eosdem Romanos redeantes magna strage ad fluvium Anienem recidit; quintum dictator fuit.

43. *Sæva*. Aspera; fortis et laboriosa. — *Avitus*. Ab avis et majoribus relictus. — *Apto*. Qui conveniret exiguo fundo, avis frugalibus et parvis, minime sumptuosa domo.

44. *Lare*. Domo: Lar proprie est deus domesticus, custos domus. — *Fundus*. Prædium, villa.

45. *Ævo*. Temporis progressu: nomine sentiente crescit arbor.

46. *Marcelli*. Hic agitur de Claudio Marcello qui adversus Annibalem pugnavit; quinque consul fuit.

47. *Julium sidus*. Splendide dictum pro gente Julia. — *Inter omnes*. Scilicet ignes, hoc est, familias, gentes romanas. — *Ignes*. Stellas.

49. *Pater*. Jovem intelligit, Saturni filium, etc.

Cæsaris fatis data; tu, secundo

Cæsare, regnes.

Ille, seu Parthos Latio imminentes

Egerit justo domitos triumpho,

55 Sive subjectos Orientis oræ

Seras et Indos,

Te minor latum reget æquus orbem:

Tu grâvi curru quaties Olympum;

Tu parum castis inimica mittes

60 Fulmina lucis.

51. *Fatis data.* A fatis commissa. — *Secundo.* Secundum a te locum obtinente: ita ut tu primus orbis moderator sis, ille sit subjectus uni tibi et secundus, te solo minor, major ceteris regibus, etc.

53. *Latio.* Romano imperio, cujus prima sedes Roma, in Latio. Parthi autem diuturna cum Romanis bella gessere.

54. *Egerit.* In triumpho duxerit. —

Iusto. Quo vindicentur injuriæ romano imperio a Parthis illatæ.

56. *Seras et Indos.* Extremos Asiae populos. — *Subjectos Orientis oræ.* Habitantes sub plaga orientali.

57. *Equus.* Mitis, propitius; vel sorte sua contentus, non tibi invidens.

58. *Quaties.* Fulminabis et tonabis.

60. *Lucis.* Silvis sacris, quas impii profanas fecerint.

ODE XII.

Sub allegoria navis, rempublicam alloquitur, et eam a bello civili renovando opterret.

O navis, referent in mare te novi

Fluctus! O quid agis? fortiter occupa

Portum: Nonne vides ut.

Nudum remigio latus;

5 Et malus celeri saucius Africa,

Antennæque gemant, ac sine funibus

Vix durare carinæ

Possint imperiosius.

Æquor? Non tibi sunt integra lintea;

10 Non di, quos iterum pressa voces malo;

2. *Novi fluctus.* Nova bella civilia. *Ergone,* o Romani, de instaurando bello cogitatis? Cæsis Bruto et Cassio in Macedonia, nondum penitus extinctum fuit civile bellum.

3. *Portum.* Pacem, concordiam; Augusti clementiam.

4. *Nudum, etc.* Destituti eatis militibus, ut navis remigibus.

6. *Gemant.* Laborent ac fatiscant, venti vim non ferentes.

7. *Durare.* Perferre diutius. — *Ca-*

rinæ. Trabes, e quibus ima pars navis conficitur, pro ipsis navibus sumuntur.

8. *Imperiosius.* Impotentius, gravius agitato, et navim pro arbitrio huc illuc trahens jactansque.

9. *Integra lintea.* Integra vela, id est, integri exercitus.

10. *Non di, etc.* Non tibi sunt dii, seu integri dii, qui in puppi vulgo picti, navis tutela erant. Alii intelligunt deos tutelares quorum simulacra in puppi cum ara collocari solebant.

Quamvis pontica pinus,
Silvæ filia nobilis,

Jactes et genus, et nomen inutile:

Nil pictis timidus navita puppibus

15

Fidit tu, nisi ventis

Debes ludibrium, cave;

Nuper sollicitum quæ mihi tædium;

Nunc desiderium, curaque non levis;

Interfusa nitentes

20

Vites æquora Cycladas:

11. *Pontica*. Pontus est regio Asiæ minoris, in qua optimæ arbores ad naves construendas nascebantur.

12. *Silvæ filia nobilis*. Arbor in silva mobili prognata.

14. *Nihil pictis, etc.* Nihil juvat in tempestate navis nobilitas, nihil exterius navis splendor, nihil, inquam, securitatis hæc inania ornamenta afferunt timidis nautis. — *Pictis*. Ad externum enim navium splendorem pertinebant picturæ, quibus puppes inprimis decorari solebant.

16. *Debes ludibrium*. Locutio est græca: nisi vells esse veptis ludibrio.

17. *Nuper sollicitum*. O navis, quæ eras nuper mihi sollicitudini atque tædio quum priore tempestate deprensa es, priore civili bello. — *Nunc desiderium*. Nunc voluptati et magnæ curæ es, et te cupio quietam in portu manere, pacem sub Augusto fovere: fuge, quæso, arma et civiles motus, ut scopulos maris et Cycladas nautæ fugiunt.

19. *Interfusa, etc.* Æquora fusa et currentia inter nitentes Cycladas. Cyclades insulæ sunt maris Ægæi. — *Nitentes*. Ob scopulos.

20. *Vites, etc.* Suadeo ut fugias periculorum angustias, quibus te facile extricare non possis.

ODE XIII.

Nerei vaticinium de Trojæ excidio.

Pastor quum traheret per freta navibus

Idæis Helenam perfidus hospitam,

Ingrato celeres obruit otio

Ventos, ut caneret fera

5

Nereus fata: « Mala ducis avi domum,

1. *Pastor*. Paris: ita vocatus, quia Priamus eum in silvis exponi jusserat, quum admonitus fuisset ipsum aliquando patriæ exitialem fore: tamen Hecuba, ejus mater, illum clam inter pastores educari et servari jussit. — *Traheret*. Trojam abduceret.

2. *Idæis*. Fabricatis in Ida, monte prope Trojam. — *Helenam*. Tyndari et Ledæ filia fuit, Menelai Græcorum regis uxor, a Paride rapta, et Trojam abducta. — *Perfidus*. Violata hospitil fide et sanctitate. — *Hospitam*. Paris, in Græ-

ciam Spartam missus ut Hesionem sororem suam repeteret, Menelai hospes fuit.

3. *Ingrato otio*. Id est, otio molesto ipsis ventis, qui gaudent perpetuo motu. — *Obruit otio*. Silere invito jussit et quiescere.

4. *Fera*. Luctuosa, feralia.

5. *Nereus*. Deus maris præses, Oceani et Tethyos filius, Doridis maritus, pater nympharum maris, quæ ab eo Nereides vocantur. — *Mala avi*. Malis auspiciis.

7. *Conjurata, etc.* Solenni sacramento se obligatura ad Helenam a te

Quam multo repetet Græcia milite,
Conjurata tuas rumpere nuptias,
Et regnum Priami vetus.

10 Eheu, quantus equis, quantus adest viris
Sudor! quanta moves funera dardanæ
Genti! Jam galeam Pallas et ægida

Currusque et rabiem parat.

15 Nequidquam, Veneris præsidio ferox,
Pectes cæsariem, grataque feminis
Imbelli cithara carmina divides :

Nequidquam thalamo graves

Hastas, et calami spicula gnossii
Vitabis, strepitumque, et celerem sequi
Ajacem : tamen, heu! serus adulteros
20 Crines pulvere collines.

Non Laertiaden, exitium tuæ
Gentis, non Pylum Nestora respicis?
Urgent impavidi te Salaminii

Teucer, te Sthenelus sciens /

25 Pugnæ, sive opus est imperitare equis,
Non auriga piger. Merionem quoque
Nosces : ecce furit te reperire atrox

divellendam, et evertendam Trojam (ubi Priamus jamdiu regnat), nisi eam reddas.

9. *Adest, etc.* Instat, imminet.

10. *Moves.* Paras, machinaris. — *Dardanæ.* Trojanæ, a rege Dardano sic appellatæ.

11. *Pallas.* Minerva eadem et scien-
tiarum et belli præses. Græcis præcipue
sacabat, ut Venus Trojanis. — *Ægida.*
Ægis erat scutum, caprinis pellibus
tectum : cujus in medio videbatur Me-
dusæ caput horridum anguibus. Diis
vulgo tribuitur, maxime Jovi, et Pal-
ladi.

12. *Rabiem parat.* Concipit bellicum
furorem.

13. *Veneris præsidio.* Orta inter deas
Junonem, Palladem, et Venerem, con-
troversia de præstantia formæ, Paris, ad-
huc inter pastores degens, judex adhi-
bitus, causam Veneri adjudicavit. Hinc
odium Junonis et Palladis in Trojam, et
Veneris favor. — *Ferox.* Audax, audens.

14. *Divides.* Aliud carmen uni fe-
minæ, aliud canes alteri : vel, nunc
voce, nunc lyra canes.

16. *Thalamo.* Cubiculo inclusus. —
Graves. Timendas, funestas.

17. *Calami.* Arundinis, sagittæ. —
Gnossii. Cretensis. Gnossus est urbs in
Creta (*Candia*) insula : erant autem
Cretenses poriti jaculandi.

18. *Strepitum.* Belli tumultum. —
Sequi. In te persequendo.

19. *Ajacem.* Duplex Ajax fuit : alter
a patre Telamone, dictus Telamonius ;
alter, ob Oileo patre, Oileus cognomi-
natus est. — *Heu!* Hæc exclamatio ad
verbum *serus*, non autem ad verbum
collines referenda est.

20. *Collines.* Fœdabis. — *Adulteros*
crines vocat, nempe comptos cultosque
studiosius, ut parum casti solent : vel,
tuos adulteri. Paris a Pyrrho Achillis filio
interfectus est.

21. *Laertiaden.* Ulyssem, Laertæ fi-
lium, qui ad expugnandam Trojam mo-
menti plurimum attulit suis consiliis et
dolis ; ut Nestor, sapientia.

22. *Pylum.* Oriundum ex Pylo, urbe
Peloponnesi.

23. *Salaminii.* Oriundus e Salamine,
insula et urbe prope Athenas.

24. *Sthenelus.* Capanei filius, dux
unus Græcorum, Diomedis socius, vir
fortissimus. — *Sciens pugnæ, etc.* Pu-
gnabant Græci vulgo e curribus, alter in
curru stans, alter equos flectens ac re-
gens : utrumque a Sthenelo egregie fieri
Nereus dicit, sive pugnandum e curru
sit, sive equis imperitandum.

27. *Furit, etc.* Ardet, vehementer cu-
pit.

- Tydides, melior patre;
 Quem tu, cervus uti vallis in altera
 30 Visum parte lupum, graminis immemor,
 Sublimi fugies mollis anhelitu,
 Non hoc pollicitus tuæ.
 Iracunda diem proferet Ilio
 Matronisque Phrygum classis Achillei.
 35 Post certas hiemes uret achaicus
 Ignis iliacas domos.

28. *Tydides, etc.* Diomedes, Tydeo patre fortior.

30. *Immemor.* Omittens gramen, lupum fugit.

31. *Sublimi, etc.* Anhelitum ex alto pectore vix trahens, præ metu, et identidem caput, ut sit, attollens.

32. *Hoc.* Hanc animi molliem et ignaviam. — *Tuæ.* Helenæ.

33. *Iracunda, etc.* Achillis classis, quæ ob iram sui duois ab Agamemnone dissidentis, recusabit pugnare contra Trojanos, in causa erit cur illi ruina, et illudum differatur. — *Diem.* Fatalem excidii diem. — *Proferet.* Differet.

35. *Post certas.* Post certum annorum numerum. — *Achaicus.* Græcus, a Græcis immissus; Achaia pars est Græciæ.

ODE XIV.

Palinodia.

Tyndaridem quam maledictis versibus laceraverat Horatius, lenire aggreditur, iracundiæ impotentiam causando.

- O matre pulchra filia pulchrior,
 Quem crimosus cumque voles modum
 Pones iambis, sive flamma,
 Sive mari libet adriano.
 5 Non Dindymene, non adytis quatit
 Mentem sacerdotum incola pythius,
 Non Liber æque, non acuta
 Sic geminant Corybantes æra,
 Tristes ut iræ: quas neque noricus

2. *Quem, etc.* Abolebis, quacumque voles pœna, scriptos in te iambos; eos tolles e medio quocumque modo libuerit; statues de illis ut libebit. — *Criminosus.* Maledictis (*satiriques, médisants*). — *Modum pones.* Finem, exitum.

4. *Libet, etc.* Subaudi, eos punire et mulctare: seu in ignem, seu in aquam libet conijcere.

5. *Non, etc.* Excusat se, quia elatus iracundia scripsit istos versus; offensus forte ab ipsa Tyndaride. Sententia est: non ita suos sacerdotes Cybele, Apollo,

Bacchus, agitant, ut iracundia homines quatit. — *Dindymene.* Cybele; sic dicta a Dindymo, Phrygiæ monte, ubi colebatur a Corybantibus. — *Adytis.* In Adytis. Adyta, *ādōra*, sunt templi penetralia, quo profanis hominibus adire non licet. — *Apollo,* Pythius dictus, a serpente Pythonem quem interemerat. — *Quatit.* In furorem agit.

7. *Liber.* Bacchus. — *Æque.* Similiter, tanto furore.

8. *Geminant.* Ictu repetito quatiant.

9. *Noricus.* Noricum regio est Germa-

- 10 Deterret ensis, nec mare naufragum,
Nec sævus ignis, nec tremendo
Jupiter ipse ruens tumultu.
Fertur Prometheus addere principi
Limo coactus, particulam undique
- 15 Desectam, et insani leonis
Vim stomacho apposuisse nostro.
Iræ Thyesten exitio gravi
Stravere; et altis urbibus ultimæ
Stetere causæ cur perirent
- 20 Funditus, imprimeretque muris
Hostile aratrum exercitus insolens.
Compesce mentem : me quoque pectoris
Tentavit in dulci juvena
Fervor, et in celeres iambos
- 25 Misit furentem. Nunc ego mitibus
Mutare quæro tristia; dum mihi
Fias recantatis amica
Opprobriis, animumque reddas.

næ, ubi nunc fere Bavaria; in ea regione procidebantur enses optimi, ob præstantis ferri venas uberes.

10. *Deterret.* Exterret : sistit ac retinet.

12. *Tumultu.* Quem tonitru excitat.

13. *Fertur, etc.* Dicitur Prometheus, quum homines e limo fingeret, coactus fuisse addere ad lutum illud princeps, sive primigenium, unde illorum corpora compegerat, particulam ab omnibus animalibus desectam et decisam, et a leone sumpsisse vim, hoc est, iracundiam et rabiem, eamque in hominis stomacho posuisse. — *Principi limo.* Vel nobiliori, vel meliori et exquisitiori.

14. *Coactus.* Quia dotes omnes naturæ in fingendis animalibus consumpserat : itaque coactus est ab iisdem animalibus aliquid veluti resicare, quod homini tribueret.

15. *Insani.* Furiosi, præter modum iracundi.

16. *Stomacho, etc.* Hinc dicunt Latini, stomachum movere, pro iratum facere, et stomachari, pro irasci.

17. *Iræ Thyesten, etc.* Ira fratris Atrei exitio fuit Thyestæ, cui filius epulandus appositus est.

18. *Et altis, etc.* Eadem iracundia fuit causa postrema et gravissima, cur celeberrimæ urbes penitus everterentur. Ita eversæ sunt Troja, Numantia, Carthago, etc. Idcirco autem urbis eversæ solum jubebant arari, ut intelligeretur ibi non amplius fore urbem, sed agrum; ut spes omnis restituendæ urbis tolleretur.

22. *Compesce, etc.* Iram mitiga. — *Me quoque, etc.* Æstus iracundiæ me, utpote juvenem, impulit, etc.

24. *In celeres iambos.* Celeres vocat, quia iambus ex brevi et longa constat, atque ideo celeriter pronunciatior.

26. *Mutare, etc.* Loco tristem verbum et maledicorum, placidos et mites cupio scribere.

27. *Recantatis.* Retractatis, revocatis. *Recantare* interdum est contraria cantare, et prius dicta condemnare. — *Amica.* Benevola, placata.

28. *Animum reddas.* Spem scilicet, in gratiam me tecum esse rediturum.

ODE XV.

Ad Tyndaridem.

Tyndaridem invitat in suam villam, in Lucretilli monte sitam.

- Velox amœnum sæpe Lucretilem
 Mutat Lycæo Fœunus, et igneam
 Defendit æstatem capellis
 Usque meis, pluviosque ventos.
 5 Impune tutum per nemus arbutos
 Quærunt latentes, et thyma devixæ
 Olentis uxores mariti:
 Nec virides metuunt colubros,
 Nec martiales hæduleæ lupos;
 10 Utcumque dulci, Tyndari, fistula
 Valles, et Usticæ cubantis
 Lævia personuere saxa.
 Di me tuentur: dis pietas mea,
 Et musa cordi est. Hic tibi copia
 15 Manabit ad plenum benigno
 Ruris honorum opulenta cornu.
 Hic in reducta valle, caniculæ
 Vitabis æstus; et fide teia
 Dices laborantes in uno

1. *Velox, etc.* Faunus sæpe, relicto monte Arcadiæ Lycæo, venit in Lucretillum, Sabinorum in Italia montem.

2. *Fœunus.* Idem ac Pan, Satyrorum ac deorum rusticorum princeps.

3. *Defendit.* Arcet, prohibet ne æstas immodico æstu meas capellas vexet.

4. *Usque.* Semper.

5. *Impune.* Sine luporum, aut rei alterius noxiæ metu.

6. *Devixæ.* Huc illuc temere vagantes.

7. *Olentis mariti.* Capri, qui vir gregis a Virgilio vocatur. — *Uxores.* Capellæ.

9. *Martiales.* Audaces, crudeles, ideoque in Martis fide ac tutela. — *Hæduleæ.* Teneræ ac recentes capellæ.

10. *Utcumque.* Quotiescumque, ubicumque. — *Fistula.* Fauli.

11. *Usticæ.* Mons, seu collis Lucretilli vicinus: cubans dicitur, hoc est, leniter declivis, et fere jacens. Altissimi enim montes videntur stare; humiles et demissi jacere.

12. *Lævia.* Polita, atque ideo ad vocem fistulæ geminandam idonea.

13. *Pietas.* Quia colit deos.

14. *Hic, etc.* In hoc loco fluet tibi ad plenum, id est, ad satietatem, copia et abundantia omnium frugum et fructuum (qui sunt honores opulenti ruris et ornamenta), veluti ex uberrimo Amaltheæ cornu.

16. *Cornu.* Capræ scilicet Amaltheæ.

17. *Reducta.* Separata tantisper a reliqua villa, secretiori, et solitaria. — *Canicula.* Canicula, seu canis minor, est sidus quo oriente graviore æstas æviunt: appellatur etiam Sirius.

18. *Fide, etc.* Fides aliquando significat citharæ chordam et nervum; estque tunc declinationis tertiam. — *Teia.* Id est, anacreontica. Nam Anacreon oriundus Teo, insula Ionis.

19. *Laborantes in uno.* Viri unius, nempe Ulyssis, amore implicatas, Circeen, quæ illum retinere frustra conata est, et Penelopen, ejusdem uxorem, castitatis fama notam.

20

Penelopen, vitreamque Circen.
 Hic innocentis pocula lesbii
 Duces sub umbra; nec Semeleius
 Cum Marte confundet Thyoneus
 Prælia, nec metues protervos.

20. *Vitream.* Pulchram et pellucidam, instar vitri. — *Circen.* Veneficarum crudellissimam, quæ Ulyssem tempestate jactatum excepit in Italia, ejusque socios in porcos transformavit.

21. *Innocentis.* Quod sine periculo ebrietatis largius potatur. — *Lesbii.* Vini ab insula maris ægæi Lesbo.

22. *Duces.* Hauries, ex amphora educes. — *Nec Semeleius, etc.* Bacchus vocatur Semeleius, quia ejus mater fuit Semele; Thyoneus, quia ipse furorem ebrietate provocat; græca enim ea vox est, et significat furentem ac præcipitem.

24. *Protervos.* Viros parum modestos et continentes.

ODE XVI.

Ad Varum.

Usus vini moderatum commendat.

Nullam, Vare, sacra vite prius severis arborem,
 Circa mite solum Tiburis, et mœnia Catili.
 Siccis omnia nam dura deus proposuit; neque
 Mordaces aliter diffugiunt sollicitudines.

- 5 Quis post vina gravem militiam, aut pauperiem crepat?
 Quis non te potius, Bacche pater, teque, decens Venus?
 At, ne quis modici transiliat munera Liberi,
 Centaurea monet cum Lapithis rixa super mero
 Debellata; monet Sithoniis non levis Evius,
 10 Quum fas atque nefas exiguo fine libidinum

1. *Vare.* Quintilius Varus Horatii Virgilique amicus fuit. — *Sacra.* Baccho nempe consecrata. — *Prius.* Potius plantaveris.

2. *Mœnia Catili.* Hoc est, circa Tibur (Tivoli). Catillus enim, Amphiarai Thebani filius, hanc Italiæ urbem fundavit, cum fratribus Tiburno, vel Tibure, et Corace: Tiburnus, natu maximus, nomen urbi dedit; in ea Varus habitabat, aut villam habebat non procul.

3. *Siccis.* Qui vino non utuntur: dii jusserunt omnia illis male succedere.

4. *Aliter.* Quam vino.

5. *Crepat.* Queritur; cum dolore commemorat.

6. *Quis non te, etc.* Subaudi, crepat. Crepare aliquid, est de illa re loqui cum vehementiori cupiditate et affectu, seu doloris, seu iustitiæ.

7. *At, ne, etc.* Verum admonet homines pugna Centaurorum cum Lapithis, commissæ in vino et ebrietate, ne quis transiliat modum in Liberi seu Bacchi muneribus sumendis, hoc est, in vino potando; ne quis immodice bibat et justo largius.

8. *Lapithis.* Lapithæ et Centauri erant populi Thessaliæ. — *Super mero.* Inter vina et pocula.

9. *Debellata.* Pugnata, confecta. — *Monet, etc.* Docet etiam nos modice vino utendum esse Evius, id est Bacchus. — *Non levis,* hoc est, gravis, noxius, exitialis Sithoniis, Thraciæ populis.

10. *Quum fas, etc.* Quum illi Sithonii, sive Thracæ, ebrii et avidi explendarum libidinum, discernunt exiguo fine fas et nefas, hoc est, ponunt exiguum limitem et discrimen inter fas, seu quod licitum est, et nefas, seu quod illicitum.

Horace.

2

- Discernunt avidi. Non ego te, candide Bassareu,
 Invitum quatiā, nec variis obsita frondibus
 Sub divum rapiam : sœva tene cum berecynthio
 Cornu tympana, quæ subsequitur cæcus amor sui,
 15 Et tollens vacuum plus nimio gloria verticem,
 Arcanique fides prodiga, pellucidior vitro.

11. *Non ego te, etc.* O Bacche, non movebo tuas statuas, ac deripiam e suo loco, te invito ac repugnante. — *Bassareu*. Bacchi est nomen a voce hebræa, quæ vindemiam sonat. Candidus appellatur, id est liber, sincerus, verax.

12. *Quatiā*. Quatere, movere, commovere sacra, est statuas deorum e templis proferre, et alia quibus opus erat in sacrificando. — *Obsita*. Tecta, obducta, plena; subaudi, sacra mysteria.

13. *Tene, etc.* Comprime, cohibe: noli me ad furorem et ebrietatem inclitare pulsando tua cornua et tympana: quæ tympana, quam ebrietatem, sequitur amor sui cæcus, inanis gloria sublime caput attollens, et temeritas in

prodendis arcans. — *Berecynthio*. Simili cornibus, quæ infant sacerdotes Cybeles. Cybele colebatur in monte Phrygiæ Berecynthio: in Cybeles autem sacris pulsabantur incondito strepitu gravia cornua, seu tabæ cornæ, a sacerdotibus furiosis.

14. *Vacuum*. Levem, arrogantem, prudentiæ expertem. — *Plus nimio*. Plus justo. — *Gloria*. Arrogantia — *Verticem*. Caput.

15. *Fides, etc.* Fides arcani prodiga, quæ temere arcanum effudit; id est infidelitas, quæ perspicua est magis quam vitrum, quod res ita non tegit, quin trans illud appareant.

ODE XVII.

Ad Mæcenatem.

Frugale Mæcenati spondet convivium.

- Vile potabis modicis sabinum
 Cantharis, græca quod ego ipse testa
 Conditum levi, datus in theatro
 Quum tibi plausus,
 5 Care Mæcenas eques, ut paterni
 Fluminis ripæ, simul et jocosa

1. *Sabinum*. Subaudi, vinum. Sabina regio non procul Roma erat, ubi vinum leve ac vile nascebatur: ibi villam habebat Horatius.

2. *Cantharis*. Scyphis, poculis minoribus. — *Græca testa*. Romani condere vinum solebant in vasis fictilibus, quorum præstantissima fuere græca.

3. *Levi*. Præteritum est verbi *lino*. Solebant Romani suas amphoras oblinere et inducere pice, vel cera, in eaque imprimere nomen consulis, et anni quo vinum in dolia vel amphoras fundebant. — *Datus, etc.* Eo tempore vinum meum

condidi in amphoris, quo tibi applausit populus in theatro, nempe post gravem morbum.

4. *Eques*. Gaudebat hac appellatione Mæcenas, quæ ipsius modestiam significabat: in equestri enim ordine constiterat, quum ad altiores ordinem ascendere facile potuisset. — *Ut*. Ita ut. — *Paterni fluminis*. Tiberis, qui fuit ex Etruria, Mæcenatis patria.

5. *Jocosa imago*. Echo, quæ laudes tibi a populo plaudente, quum in theatrum subires, datas reddebat ac geminabat.

Redderet laudes tibi Vaticani

Montis imago.

Cæcubum, et prælo domitam caleno

10

Tu bibes uvam: mea nec falernæ

Temperant vites, neque formiani

Pocula colles.

7. *Vaticani*. Mons Vaticanus (*le Vatican*) complectitur varios colles perpetuo jugo porrectos a Janiculo ad Milvium pontem. Theatrum Pompeii fere contra ipsum Janiculum erat; ex quo et vicinis collibus plausus resultavit.

8. *Cæcubum*. Vinum optimum, a cognomine loci dictum in Campania, prope Romam. — *Domitam*. Pressam, calcitam. — *Caleno*. Cales seu Calenum urbs.

10. *Falernæ*. Falernus ager in Campania est, ubi vites optimæ; Formiæ, ejusdem Italiae oppidum, vino suo nobile, quod in vicinis collibus erat mundatissimum. — *Tu bibes*. Scilicet domi, apud te. — *Mea nec temperant, etc.* At vinum meum sabinum ne temperatur quidem admixto vino quod dant falernæ vites vel formiani colles.

ODE XVIII.

Laudes Apollinis ac Dianæ.

Dianam teneræ dicite virgines;

Intonsum, pueri, dicite Cynthium,

Latonamque supremo

Dilectam penitus Jovi.

5

Vos lætam fluviis, et nemorum coma,

Quæcumque aut gelido prominet Algido,

Nigris aut Erymanthi

Silvis, aut viridis Cragi;

Vos Tempe totidem tollite laudibus,

10

Natalemque, mares, Delon Apollinis,

Insignemque pharetra

Fraternaque humerum lyra.

2. *Cynthium*. Sic vocatur Apollo, a monte Cyntho, in Delo insula. — *Intonsum*. Intonsus etiam semper pingebatur, imberbis, ac juveni similis.

3. *Latonam*. Matrem Dianæ et Apollinis.

4. *Penitus*. Valde, vel familiariter.

5. *Lætam*. Dianam significat, quæ gaudet silvis et amantibus.

6. *Quæcumque*, etc. Quæcumque coma, quæcumque frondes arborum prominent, germinant ex arboribus ac prodeunt, sive in Algido, sive in Crago, etc. — *Algido*. Algidus est silva, et mons, paucis leucis Roma distans, Dianæ sacer.

7. *Nigris*. Umbrosis, propter arborum densitatem. — *Erymanthi*, etc. — Erymanthus est mons Arcadiæ in Græcia: Cragus Lyciæ, in Asia minori; ambo celebres poetarum sumentis, et Dianæ sacri.

9. *Tempe*. Vallis erat amœnissima in Thessalia, Apollini sacra; quia post occisum Pythonem serpentem, eo secessit, ac sacrificia placularia fecit.

10. *Natalem*. Terram natalem: patriam. — *Mares*. Id est, vos pueri. — *Delon*. Delus est insula maris Egei: Cycladum clarissima.

12. *Humerum*, etc. Apollinis humerum laudate, insignem pharetra et lyra,

- Hic bellum lacrimosum, hic miseram famem,
 Pestemque a populo, et principe Cæsare, in
 15 Persas, atque Britannos
 Vestra motus aget prece.

son, Apollinem pharetram humero gestantem, et lyram. — *Fraterna*. Quam ipsi Mercurius frater, lyrae inventor et artifex, dedit.

13. *Hic*. Apollo a vobis rogatus. — *Lacrimosum*. Exitiosum.

15. *Persas*. Parthos, Romanis infestos. — *Britannos*. Britanniam, hodie Angliam, nondum a Romanis domitam.

16. *Aget*. A populo romano et Cæsare avertet, convertetque in hostes romani nominis, Parthos nempe, et Britannos.

ODE XIX.

Ad Aristium Fuscum.

Vir probus ubique tatus.

- Integer vitæ scelerisque purus
 Non eget Mauri jaculis, neque arcu,
 Nec venenatis gravida sagittis,
 Fusce, pharetra:
 5 Sive per Syrtes iter æstuosas,
 Sive facturus per inhospitalem
 Caucasum, vel quæ loca fabulosus
 Lambit Hydaspes.
 Namque me silva lupus in sabina,
 10 Dum sequor calles dubios, et ultra
 Terminum, curis vagor expeditus,
 Fugit inermem:
 Quale portentum neque militaris

1. *Integer vitæ*. Cujus vita et mores integri, et sine crimine sunt.

2. *Non eget*. Non opus habet. — *Mauris*. Mauri populi sunt Africæ, in militendis jaculis exercitissimi.

3. *Venenatis*. Solebant ferrum sagittæ et acumen imbuiere veneno. — *Gravida*. Plena, referta.

4. *Fusce*. Scribit hanc oden ad Aristium Fuscum, amicum suum, poetam et oratorem egregium.

5. *Syrtes*. Loca adjacentia Syrtibus, id est vadis arenosis in mari ad extremæ Africæ litus. — *Æstuosas*. Arentes, arenosas; vel procellosas, agitatae.

6. *Inhospitalem*. Nullis hospitibus habitabilem, ob frigus, et asperitatem cantium.

7. *Caucasum*. Est mons Scythiæ, ubi Prometheus religatus fuisse dicitur.

8. *Hydaspes*. Indiæ fluvius, de quo multa fabulosa narrantur. — *Lambit*. Alluit, rigat.

9. *Silva sabina*. Id est, quæ adiacebat villæ suæ sabinae.

10. *Ultra terminum*. Ultra fines mihi notos, ac vias tritas: ultra terminum solitæ deambulationis.

11. *Expeditus*. Liber ab omni cura et solutus.

13. *Quale, etc.* Qualem lupum, monstri et portenti similem, neque Daunia (pars est Apuliæ) in silvis quercuum plenius nutrire solet: nec Mauritania in qua Juba regnavit. — *Militaris*. Belli-cosa.

- 15 Daunias latis alit æsculetis,
Nec Jubæ tellus generat, leonum
Arida nutrix.
Pone me pigris ubi nulla campis
Arbor æstiva recreatur aura,
Quod latus mundi nebulæ, malusque
20 Jupiter urget;
Pone sub curru nimium propinqui
Solis, in terra domibus negata;
Sola me virtus dabit usque tutum,
Sola beatum.

14. *Daunias*. Scilicet terra. — *Æsculetis*. Locus æsculis frequens. *Æsculus* est species quercus.

15. *Jubæ*. Juba fuit rex Mauritanis, pompeianis partibus addictissimus : superato Pompelo, sibi necem conscivit : de eo Jul. Cæsar triumphavit.

16. *Arida*. Estuosa, siticulosa.

17. *Pigris*. Ubi omnia inertis frigore constringuntur, et ne levis quidem aura calidior adspirat.

19. *Latus mundi*. Zonæ enim frigide nobis extremæ partes terræ videntur, ideoque quasi latera mundi.

20. *Jupiter malus*. Aer inclemens, frigidus, nebulosus. — *Urget*. Vexat, contristat.

21. *Sub curru*, etc. Sub zona torrida.

22. *Domibus negata*. Inhabitabili, ut falso arbitrabantur veteres.

23. *Sola me virtus*. Vera vox ; ad eam totius odæ sententia collineat.

ODE XX.

Ad Virgilium.

Ut Quintilii mortem æquo ferat animo Virgilium adhortatur.

- Quis desiderio sit pudor aut modus
Tam cari capitis ? Præcipe lugubres
Cantus, Melpomene, cui liquidam pater
Vocem cum cithara dedit.
5 Ergo Quintilium perpetuus sopor
Urget ! cui Pudor, et Justitiæ soror
Incorrupta Fides, nudaque Veritas
Quando ullum inveniet parem ?
Multis ille bonis flebilis occidit,

1. *Quis desiderio*, etc. Cui dedecori sit desiderium quo tam dilectus amicus efflagiatur, vel quis modum in eo tenere valeat. Desiderium proprie est, luctus de alicujus absentia, vel morte conceptus.

2. *Præcipe*. Doce me. — *Lugubres*, etc. Querulos cantus.

3. *Melpomene*. Una Musarum. — *Liquidam*. Claram, canoram. — *Pater*. Jupiter, Musarum parens.

5. *Sopor*. Somnus æternus ; ita mortem poëtæ appellabant. — *Quintilium*. Quintilius Varo, de quo supra, od. 16.

6. *Urget*. Premitt, occupat, constructum tenet.

7. *Fides*. Fidelitas, quæ precibus et pretio corrumpi non potest. — *Nuda* sine fūco, doli experta.

8. *Quando*. Raro aut nunquam.

9. *Flebilis*. Deplorandus.

10

Nulli flebilior, quam tibi, Virgili:
Tu frustra pius, heu! non ita creditum,
 Poscis Quintilium deos.

15

Quod si Threicio blandius Orpheo
Auditam moderere arboribus fidem,
Non vanæ redeat sanguis imagini,
 Quam virga semel horrida,
Non lenis precibus fata recludere,
Nigro compulerit Mercurius gregi.
Durum! sed levius fit patientia,
 Quidquid corrigere est nefas.

20

11. *Frustra*. Quia eum non revocabis ab interitu. — *Non ita creditum*. Non ita commissum tibi a diis et veluti depositum, ut nunquam repeteretur, ut nunquam moreretur.

12. *Poscis deos*. Rogas ut eum vitæ, ac tibi reddant.

13. *Quod si, etc.* Atque licet caneres suavius Orpheo, Thraciæ vale, quem ipsam arbores canentem audierunt ac secutæ sunt, non tamen reddes vitam umbræ inani.

14. *Arboribus*. Ab arboribus. — *Fidem*. Lyræ, citharam.

15. *Sanguis*. Vita. Ponebant veteres vitam in sanguine. — *Imagini*. Umbræ, sive animæ suo corpore solutæ, quam cogitamus ut formam, et imaginem quamdam hominis viventis, sed tenuem.

et vento ac fumo similem, vitam sine corpore.

16. *Virga*. Caduceo. — *Horrida*. Horrorem incutiente.

17. *Non lenis, etc.* Non facile exorabilis ad recludenda fata, id est, ad eas solvenda et resignanda, quas fatorum lege ac decretis veluti clausa et observata sunt; vel aliter, non facile vitam rursus aperiens.

18. *Compulerit, etc.* Addiderit nigro gregi; conjecerit in turbam umbrarum et mortuorum. Mercurius umbras mortuorum ad inferos ducebat.

19. *Durum, etc.* Est certe durum quod dico, et quod pateris: sed quod mutari non potest, patientia est mitigandum. — *Patientia*. Moderate illud ferendo.

20. *Est nefas*. Non licet; quod corrigi non potest.

ODE XXI.

De Ælio Lamia.

Musas laudat, et ut Lamiæ celebrent rogat.

Musis amicus, tristitiam et metus
Tradam protervis in mare creticum
Portare ventis; quis sub Arcto
Rex gelidæ metuatur oræ,

1. *Musis, etc.* Dum ero Musis carus, deponam omnem tristitiam, et metus meos dabo ventis deportandos in mare, etc.

2. *Tradam portare, etc.* Tradere ventis, est oblivioni tradere, perinde ac si diceret, ego omnes curas ex animo rejiciam. — *Protervis*. Improbis, in-

quietis. — *Creticum*. Pro quovis alio mari. Creta (*Candia*) insula in mari Mediterraneo.

3. *Arcto*. Arctos, Ἄρκτος; vox est græca, ursam significans. Est autem Uræ sidus septentrionale.

4. *Gelidæ oræ*. Regionis Arcturæ, borealis.

- 5 Quid Tiridaten terreat, unice
 Securus. O, quæ fontibus integris
 Gaudes, apricos nocte flores,
 Nocte meo Lamix coronam,
 Pimplei dulcis: nil sine te mei
 10 Prosunt honores. Hunc fidibus novis,
 Hunc lesbio sacrare plectro,
 Teque tuasque decet sorores.

5. *Tiridaten.* Tiridates, Armeniæ rex, Parthorum regnum invaserat, expulso Phraate, qui ad Scythas confugit. Paulo post Scythiis adventantibus ut Phraatem in regnum restituerent, Tiridates novis terrebat periculis, ne ipse sollo deiceretur. — *Unice.* Maxime.

7. *Gaudes, etc.* Quæ amas fontes integros, id est, e quibus nondum quisquam libavit; vel, plenos et puros. — *Apricos.* Soli expositos: nocet umbra floribus.

8. *Lamix.* Ælius Lamia nobilis Romanus erat.

9. *Pimplei.* Voc. a Pimpleis, Idos, Græciæ seu Thraciæ, ut alii volunt, fontis, Musis consecrati.

10. *Hunc.* Lamiam. — *Fidibus novis.* Lyricis versibus latinis, quos a se primum Italici monstratos gloriatur asse Horatius.

11. *Lesbio plectro.* Carmine lyrico alcaico: ejus enim repertor fuit Alcæus, oriundus a Lesbo, sægæ maris insula. — *Sacrare.* Immortalitati consecrare.

12. *Sorores.* Musas.

ODE XXII.

Ad sodales convivas, ne inter vina rixentur et pugnent.

- Natis in usum lætitiæ scyphis
 Pugnare, Thracum est. Tollite barbarum
 Morem, verecundumque Bacchum
 Sanguineis prohibete rixis.
 5 Vino et lucernis Medus acinaces
 Immane quantum discrepat! Impium
 Lenite clamorem, sodales,
 Et cubito remanete presso.

1. *Natis, etc.* Convenit tantum barbaris, quales sunt Thracæ, uti scyphis, hoc est, cyathis et poculis, tanquam armis ad pugnam committendam: nata enim sunt pocula et insuitata ad hilaritatem, non ad bellum.

2. *Verecundum.* Modestum, alienum a rixa et tumultu; modice sumendum.

3. *Prohibete.* Defendite, vel, per hypallagen, prohibete rixas, et removere a Baccho verecundo.

4. *Vino, etc.* Mirum quantum est discrimen inter vinum et enses Medorum securæ, inter convivium et certamen:

non bene ista conveniunt inter se. — *Lucernis.* Bibeant epulabanturque feræ noctu, et accensis lucernis. — *Acinaces.* Gladius incurvus et latio: eo utebantur Persæ et Medi.

5. *Immane, etc.* Incredibile distat quantum discrepat.

6. *Presso.* Impresso vel innixto scilicet pulvillis substratis. Jacebant in lectulis Romani, quum accumberent mensæ et lævo cubito, ac sinistra manu nitabantur, caputque sustentabant; altera manu cibos orī admovebant.

ODE XXIII.

Archytas Tarentinus, cujus cadaver insepultum nauta quidam in littore deprehenderat, fingitur cum eo loqui, et illum rogare ut sibi terram injiciat.

NAUTA.

Te maris, et terræ, numeroque carentis arenæ
 Mensorem cohibent, Archyta,
 Pulveris exigui prope littus parva matinum
 Munera: nec quidquam tibi prodest
 5 Aerias tentasse domos, animoque rotundum
 Percurrisse polum, morituro.

ARCHYTAS.

Occidit et Pelopis genitor, conviva deorum,
 Tithonusque remotus in auras,
 Et Jovis arcanis Minos admissus; habentque
 10 Tartara Panthoiden, iterum Orco
 Demissum, quamvis clypeo trojana reflexo
 Tempora testatus, nihil ultra
 Nervos, atque cutem morti concesserat atræ:
 Judice te, non sordidus auctor

1. *Te maris, etc.* Sunt hæc verba nautæ quasi subsistentis ad adspæctum cadaveris Archytæ, et præ commiseratione exclamantis.

2. *Mensorem, etc.* Sic geometram vocat, cujus est terram, maria et littora metiri. — *Cohibent, etc.* Negatum sepulturæ munus prohibet ne Stygem transmittas: insepulti enim in Charontis cymbam non admittebantur. — *Archyta.* Fuit Archytas patria Tarentinus, celeberrimus philosophus et mathematicus.

3. *Matinum.* Matina est regio et ora Italiæ, ad mare; sic dicta a Matino monte, Calabriæ vicino.

4. *Aerias, etc.* Cælum quasi penetrasse mente.

5. *Morituro.* Siquidem eras moriturus.

7. *Occidit, etc.* Respondere fingitur iste Archytas. — *Pelopis genitor* Tantalus, rex Lydiæ, qui deos convivio exceperat.

8. *Tithonus, etc.* Auroræ maritus, qui uxoris arte vitam longissimam vixit, ac demum senio exsecutus, in cicadam

mutatus est, ut narrant fabulæ. — *Remotus in auras.* In cælum, in ætherias auras raptus, scilicet ab Aurora.

9. *Minos.* Cretæ rex fuit, ac Jovis filius; judex inferorum creatus, ob summam æquitatem et severitatem.

10. *Panthoiden.* Pythagoram, olim Panthoi filium, ut ipse dicebat: licet enim Mnesarchi filius esset, tamen narrabat se, annis antequam esset Pythagoras, fere 700, fuisse Euphorbum Panthoi filium, qui trojano in bello perierat: idque ut probaret, reflexerat, id est, detraxerat et templo Junonis Argivæ clypeum, quem Menelaus Euphorbo, a se interfecto, ereptum in eo fixerat ac suspenderat, et quem a se, tunc Euphorbo, gestatum trojani belli temporibus idem Pythagoras agnoscebat. — *Iterum.* Nempe primo quum esset Euphorbus, secundo quum esset Pythagoras. — *Orco demissum.* Mortuum.

12. *Nihil ultra, etc.* Corpore solo mortuus veluti erat, anima supersilite, et in aliud corpus transeunte.

14. *Judice te, etc.* Tuo quidem judi-

- 15 Naturæ verique. Sed omnes una manet nox,
Et calcanda semel via leti.
Dant alios Furiae torvo spectacula Marti;
Exitio est avidum mare nautis;
Mixta senum ac juvenum densantur funera: nullum
- 20 Sæva caput Proserpina fugit.
Me quoque devexi rapidus comes Oriouis
Illyricis Notus obruit undis.
At tu, nauta, vagæ ne parce malignus arenæ
Ossibus et capiti inhumato
- 25 Particulam dare. Sic, quodcumque minabitur Eurus,
Fluctibus hesperiis, venusinæ
Plectantur silvæ, te sospite; multaue merces,
Unde potest, tibi defluat æquo
Ab Jove, Neptunoque sacri custode Tarenti.
- 30 Negligis immeritis nocituram
Postmodo te natis fraudem committere? Fors et
Debita jura, vicesque superbæ,
Te maneant ipsum: precibus non linquar inultis,
Teque piacula nulla resolvent.
- 35 Quamquam festinas, non est mora longa, licebit
Injecto ter pulvere curras.

cio, auctor non spernendus in indagatione veri et rerum naturalium.

15. *Manet.* Expectat, omnibus imminet. — *Nox.* Mors, tenebrosa tota.

17. *Dant alios, etc.* Alii moriuntur in bello, in quo eos Furiae præbent quasi ludibrium et speculum Marti, qui cruenta ista tragœdia gaudet.

18. *Avidum.* Omnia absorbens.

19. *Densantur.* Cumulantur, coacervantur.

20. *Proserpina.* Plutonis uxor, quæ jus quoddam habet in mortuos ut pote inferorum regina, et mortuorum. — *Fugit.* Præterit; excipit.

21. *Devexi, etc.* Proni, cadentis, ad polum vergentis. — *Orion* est sidus in fronte Tauri, quod quum oritur et occidit, ventos et procellas excitat.

22. *Illyricis undis.* Fluctibus maris adriatici. Illyria est regio opposita Italiæ orientali.

23. *Vagæ.* Quæ huc et illuc volvitur. — *Parce.* Ne omitto. — *Malignus.* Avarus, parcus.

25. *Dare.* Ingerere. — *Sic, etc.* Particula ista precantis est. Ita faxint superi, inquit Archytas, ut, etc.

26. *Hesperiis.* Italia vocata est Hesperia magna, a quodam Hespero. — *Venusinæ.* Venusium est civitas Apulæ.

27. *Mercēs.* Lucrum; laboris fructus et industriæ.

28. *Unde potest.* A quo, scilicet Jove vel Neptuno. — *Potest.* Scilicet defluere. — *Æquo.* Favente.

29. *Custode.* Patrono: ibi colebatur; est autem Tarentum civitas Italiæ in Calabria.

30. *Negligis, etc.* An tu parum curas, pro nihilo habes scelus committere quod in tuos nepotes recidet, si negligis arenam meo corpori injicere?

31. *Fors et, etc.* Fortasse tu ipse solves præmia ista tuæ crudelitati jure debita. *Jura vocat debita:* quia jus est ut ita culque eveniat, uti de aliis est meritis, et suo ipse exemplo puniatur.

32. *Vices superbæ.* Pœna facinori superbo et crudeli vicissim debita.

33. *Precibus, etc.* Eveniet illud quod imprecor; me superi ulciscuntur.

34. *Piacula, etc.* Nulla sacrificia te resolvent, te liberabunt a pœna.

35. *Licebit, etc.* Poteris navigationem institutam absolvere; et quamvis festinas, id te non diu morabitur, si ter pulverem meo cadaveri injeceris. Erat autem numerus ternarius sacer, et in hac cærimonia injiciendæ mortalis terræ solitus adhiberi.

ODE XXIV.

Ad Iccium.

Iccium juvenem e philosopho militem ridet.

Icci, beatis nunc Arabum invides
 Gazis, et acrem militiam paras
 Non ante devictis Sabææ
 Regibus; horribilique Medo
 5 Nectis catenas! Quæ tibi virginum,
 Sponso necato, barbara serviet?
 Puer quis ex aula capillis
 Ad cyathum statuetur unctis,
 Doctus sagittas tendere sericas
 10 Arcu paterno? Quis neget arduis
 Pronos relabi posse rivos
 Montibus, et Tiberim reverti;
 Quum tu coemptos undique nobiles
 Libros Panæti, socraticam et domum,
 15 Mutare loricis iberis,
 Pollicitus meliora, tendis?

1. *Arabum.* Est Arabia regio Asiæ, ad mare rubrum: ejus pars remotior, quæ Sabæa vocatur, nondum domita fuerat a Romanis: itaque anno U. C. 730 eo cum exercitu profectus est Ælius Largus: Iccius illum secutus est.

2. *Gazis, etc.* Persica vox, thesauris, opibus. — *Beatis.* Quibus te beatum efficere possis.

3. *Horribili.* Feroci, bellicoso.

4. *Serviet.* Captivas mulieres sibi famulas jubebant esse.

5. *Ex aula.* Medorum, aut Arabum.

6. *Ad cyathum.* Ut vina tibi in poculum fundat. — *Unctis.* Delibutis odorato unguento.

7. *Sericas.* Seres sunt Indiæ populi, ad mittendas sagittas egregie instituti.

8. *Pronos relabi, etc.* Qui ante prœcipites decurrebant e montibus arduis, nunc mutato cursu, retro posse labi ad ipsa montium cacumina.

9. *Panæti.* Fuit Panætius stoicus philosophus celeberrimus, Scipionis et Lælii præceptor. — *Domum.* Scholam, philosophiam Socraticam.

10. *Iberis.* In Hispania fabricatis, ubi ferrum præstans.

11. *Meliora.* Qui te melioribus studiis addixeras, nempe philosophiæ. — *Tendis.* Cogitas, paras.

ODE XXV.

Ad Venerem.

Rogat Venerem ut sacrificanti Glyceræ adait.

- O Venus, regina Cnidi Paphique,
 Sperne dilectam Cypron, et vocantis
 Ture te multo Glyceræ decoram
 . Transfer in ædem.
 5 Fervidus tecum puer, et solutis
 Gratix zonis, properentque nymphæ,
 Et parum comis sine te Juventas,
 Mercuriusque.

4. *Cnidi*. Cnidus, urbs Carix, dupli-
 cæci portu, et cultu Veneris insignis. —
Paphique. Paphus, in insula Cypro.

2. *Sperne, etc.* Desere; et veni in
 sacellum elegans, seu domum Glyceræ
 te vocantis, multo ture incenso.

6. *Gratix*. Pingebantur veste dis-
 cincta.

7. *Comis*. Hilaris. — *Juventas*. Dea
 præses juventutis. Hebe quoque vocaba-
 tur.

8. *Mercurius*. Deus est eloquentiæ.

ODE XXVI.

Ad Apollinem.

Quid petat ab Apolline explicat: scilloet, corporis animique sanitatem, cum
 poseos studio conjunctam, ceteris vitæ bonis antecelleri docet.

- Quid dedicatum poscit Apollinem
 Vates? quid orat, de patera novum
 Fundens liquorem? Non opimas
 Sardinix segetes feracis;
 5 Non æstuosæ grata Calabriæ
 Armenta; non aurum, aut ebur indicum;
 Non rura, quæ Liris quieta

1. *Dedicatum Apollinem*. Nova æde
 in monte Palatino consecratam.

2. *Vates*. Horatius. — *Novum*. Re-
 cens haustum e dollo; vel, recens ex
 uvis pressum.

3. *Liquorem*. Vinum hoc effunde-
 bant, vel in aram, vel in humum, ac ve-
 luti sacrificabant.

4. *Sardinia*. Est insula prope Sic-
 liam, frumenti ferax.

5. *Calabria*. Est Italiæ regio, prope
 Siciliam.

6. *Indicum*. Ex Indis deportari solit-
 um in Europam.

7. *Liris*. Campaniæ in Italia fluvius,
 altus et quietus: nunc *Garigliano*.

- Mordet aqua, taciturnus amnis.**
Premant calenam falce, quibus dedit
 10 **Fortuna, vitem; dives et aureis**
Mercator exsiccet culullis
Vina syra reparata merce,
Dis carus ipsis: quippe ter et quater
Anno revisens æquor atlanticum
 15 **Impune. Me pascunt olivæ,**
Me cichorea, levesque malvæ.
Frui paratis, et valido mihi,
Latoe, dones, et, precor, integra
Cum mente; nec turpem senectam
 20 **Degere, nec cithara carentem.**

8. *Mordet.* Alluit, lambit.

9. *Premant.* Amputent vitis ramos inutiles. — *Calenam.* Cales oppidum est Sabinorum in Italia, cujus in agro vina erant optima.

10. *Dives, etc.* Fatior etiam ut mercator dives exhauriat aureis poculis vina quæ comparavit, sive emit, mercibus syris, e Syria ab ipso advectis. *Syria* est regio Asiæ, continens Phœniciam, Palæstinam, Judæam, Idumæam, etc., omnium rerum ferax.

11. *Culullis.* Cyathis.

12. *Reparata.* Permutata, vicissim parata; vel, quia singulis annis, quum priora vina consumpta sunt, nova emit.

13. *Carus.* Mercator; felix, ita ut appareat ipsos deos ejus curam gerere.

14. *Anno.* Per annum, in anni unius spatio. — *Revisens.* Navigando. — *Atlanticum.* Ad designandum mare remotissimum. In Africa, ubi mons Atlas; ibi ferme orbis fines Romani ponebant, versus occidentem.

15. *Impune.* Sine periculo, secunda et felici navigatione.

16. *Levesque.* Quæ gravem alvum levant ac solvunt.

17. *Paratis, etc.* Opibus et bonis quæ paravi. — *Valido.* Valenti, sano.

18. *Latoe.* Apollo, Latonæ filius. — *Integra.* Rationis compote, sana.

19. *Turpem.* Deformem, tristitia deturpatam.

20. *Nec carentem cithara.* In qua possim lyricis versibus me oblectare.

ODE XXVII.

Ad Lyram, ut sibi adsit canentis.

- Poscimus: si quid vacui sub umbra**
Lusimus tecum, quod et hunc in annum
Vivat, et plures, age, dic latinum,
Barbite, carmen,
 5 **Lesbio primum modulate civi;**

1. *Poscimus, etc.* Id est, ad canendum nunc ego evocor et impellor. Utrum Augustus, an Mæcenas, an amicus quidam poetam impulerit, haud liquet. — *Vacui.* Soluti omni cura.

2. *Lusimus.* Cecinimus.

3. *Vivat.* Duret, laudetur.

5. *Lesbio civi.* Alcæo, qui poeta lyricus fuit, e Lesbo insula oriundus. — *Modulate.* Pulsate. Tu, quem pulsavit, et modulis certis temperavit Alcæus.

Qui ferox bello, tamen inter arma,
Sive jactatam religarat udo

Littore navim,

10 Liberum et Musas, Veneremque, et illi
Semper hærentem puerum canebat,
Et Lycum nigris oculis, nigroque
Crine decorum.

O decus Phœbi, et dapibus supremi
15 Grata testudo Jovis, o laborum
Dulce lenimen, mihi cumque salve
Rite vocanti!

8. *Qui ferox, etc.* Qui, quamvis esset bello assuetus, quod homines feroces, et a musis alienos reddere solet, tamen, sive inter arma degeret, sive post longam et periculosam navigationem versaretur in otio et pace, barbilo utebatur. Omissum est ab Horatio, hic ut alias; primum sive, sive esset inter arma.

7. *Religarat.* In littore, in porta post tempestatem ligaverat.

9. *Liberum.* Bacchum.

10. *Puerum.* Cupidinem. — *Hærentem illi.* Veneri affixum, perpetuum ejus comitem.

11. *Lycum.* Alcæi amicum.

13. *Decus Phæbi.* Insigne et ornamentum Apollinis. — *Dapibus, etc.* Aptæ conviviis quæ Jupiter celebrat.

14. *Testudo.* Lyra. Primam enim lyram e squama et dorso testudinis, et chordis aliquot, compegisse fertur Mercurius.

15. *Cumque, etc.* Semper, ubicumque. Salve mihi, adsis mihi quocumque loco et tempore te invocavero: vel *mihi salve* est formula bene precantis, id est, te semper venerabor, rite vocans.

ODE XXVIII.

Suam impietatem pristinam detestatur.

Parcus deorum cultor et infrequens,
Insanientis dum sapientiæ

Consultus erro; nunc retrorsum

Vela dare, atque iterare cursus

5 Cogor relictos. Namque Diespiter,
Igni corusco nubila dividens

Plerumque, per purum tonantes

1. *Parcus, etc.* Negligens et parum assiduus in colendis superis, dum errores epicureorum philosophorum insanientium sequeretur, nunc, etc.

2. *Sapientiæ.* Philosophiæ.

3. *Consultus.* Peritus, et quasi doctor ac magister. — *Retrorsum, etc.* Mutare sententiam; aliam viam inire; deos colere. Ducta est metaphora a re nautica.

4. *Cursus.* Iter, navigationem.

5. *Relictos.* Referre me ad pristinam

pietatem, quam profitebar, quum stultos sequeretur. — *Diespiter.* Jupiter, dei pater.

6. *Igni.* Fulmine. — *Nubila dividens, etc.* Jupiter, qui plerumque dividit nubila, quum tonat, id est, qui solet tonare cælo nubilo, idem ille per serenum cælum equos tonantes aliquando egit: ex quo intellexi deum aliquem revera esse, et mihi malum, ni resipiscerem, impendere.

7. *Per purum.* Per cælum serenum.

- Egit equos, volucremque currum,
 Quo bruta tellus, et vaga flumina,
 10 Quo Styx, et invisi horrida Tænari
 Sedes, atlanteusque finis
 Concutitur. Valet ima summis
 Mutare, et insignem attenuat deus,
 Obscura promens: hinc apicem rapax
 15 Fortuna cum stridore acuto
 Sustulit; hic posuisse gaudet.

8. *Volucrem*. Rapidum, celerem.
 9. *Bruta*. Gravis, stupida, sensus et motus expers.

10. *Styx*. Inferorum palus. — *Tænari sedes*. Inferi. Est Tænarus promontorium, et antrum quoddam in Laconia.

11. *Finis*. Non totam Africam norant veteres, sed orbem siniri putabant paulo post Mauritaniā, ubi est mons Atlas.

12. *Valet*. Potest. Est omnino deus aliquis, qui humana gubernat. — *Ima*. Res et homines infimos ponere in summorum loco.

13. *Attenuat*. Abiecit: tenuem ei contemptum facit. — *Insignem*. Scilicet imperio, honoribus.

14. *Obscura*, etc. Homines obscuros et ignotos in luce honorum collocat, a tenebris educit. — *Hinc*, etc. Ex hoc regno, ex hac domo, fortuna tollit apicem, id est, opes et honores, quæ sunt quasi fastigia humanarum rerum; eaque hic ponit, id est, in hoc regnum, in aliam domum transfert.

15. *Fortuna*. Videtur hic illam Horatius cum deo confundere. — *Stridore*. Alarum agitatione gravem stridorem edens.

ODE XXIX.

Ad Fortunam.

Fortunam pro Cæsare, aperto Britannos Marte petiture, deprecatur.

- O diva, gratum quæ regis Antium,
 Præsens vel imo tollere de gradu
 Mortale corpus, vel superbos
 Vertere funeribus triumphos;
 5 Te pauper ambit sollicita prece
 Ruris colonus; te dominam æquoris,
 Quicumque bithyna lacescit

1. *Antium*. Urbs est Latii maritima, ubi templum erat Fortunæ celeberrimum.

2. *Præsens*, etc. Potens, quæ hanc vim habes, ut tollas, etc. — *Imo de gradu*. Hominem ex infimo statu attollere ad summum.

3. *Mortale corpus*. Hominem.

4. *Vertere*, etc. Mutare in funera.

5. *Ambit*. Ambire precibus, est regare blandiendo, supplicando, etc., ut solebant candidati, qui honores ambiebant.

6. *Colonus*. Agricola. — *Te dominam*. Refer ad *ambit*, vel ad *metuunt*, quod sequitur.

7. *Quicumque*, etc. Omnes nautæ. — *Bithyna navis*, est navis, vel bithyni

- 10 Carpathium pelagus carina;
Te Dacus asper, te profugi Scythæ,
Urbesque, gentesque, et Latium ferox,
Regumque matres barbarorum, et
Purpurei metuunt tyranni,
Injurioso ne pede proruas
Stantem columnam; neu populus frequens
- 15 Ad arma cessantes, ad arma
Concitet, imperiumque frangat.
Te semper anteit sæva Necessitas,
Clavos trabales et cuneos manu
Gestans athena; nec severus
- 20 Uncus abest, liquidumve plumbum.
Te Spes, et albo rara Fides colit
Velata panno, nec comitem abnegat,
Ut cumque mutata potentes
Veste domos inimica linquis.
- 25 At vulgus infidum, et meretrix retro
Perjura cedit; diffugiunt cadis
Cum fæce siccatis amici,

mercatoris, vel facta in Bithynia, regione Asiae minoris.

8. *Carpathium, etc.* Est maris mediterranei pars ad Egyptum vergens: ita dicitur ab insula Carpatho, inter Rhodum et Cretam sita.

9. *Dacus.* Gens bellicosa, ubi nunc Moldavia, Servia, et Bulgaria. — *Scythæ.* Populi septentrionales, quorum plaustro vagas rite trahunt domos, ut ait lib. 3, od. 18, in sua patria velut exsules et profugi.

11. *Matres.* Quæ liberis timere solent.

12. *Purpurei.* Vestiti purpura. — *Tyranni.* Interdum ea vox reges significat.

13. *Ne proruas, etc.* Metuunt ne evertas suum imperium et rempublicam florentem, ac instar columnæ firmæ stantem.

14. *Neu populus, etc.* Neu fiat aliqua seditio, in qua populus congregatus civis otiosos et quietos arma sumenda impellat.

17. *Sæva necessitas.* Inexorabilis. Quæ, ut Fortunæ ministra, cum instrumentis ad res maxima firmitate munitis validissimis, præcedere fingitur.

18. *Trabales.* Clavi trabales sunt, quibus trabes compinguntur, ac proinde majores et crassiores. — *Cuneos.* Cuneus est ferrum in acumen latum desinens, quo implas, lignum auditur.

19. *Athena.* Forti, dura æris instar. — *Severus.* Tenax, premens.

20. *Uncus, etc.* Uncus, plumbum, servit rebus inter se jungendis et committendis. Pertinent hic ad exprimendam necessitatis vim ac potentiam, vel potius ad significandam armitatem ac stabilitatem, quippe quæ moveri, labefactari, ac resigi nequit.

21. *Te spes, etc.* Spes additur Fortunæ, quia homines in adversa fortuna sola spe sustentantur: Fides, quia veri ac fideles amici, ne fortuna quidem flante, deserunt amicos. — *Albo, etc.* Candidis induta vestibus: fides enim pura et simplex debet esse. — *Rara.* Quia paucorum est. — *Colit.* Amat, ac sequi gaudet.

22. *Comitem abnegat.* Te comitem non aspernatur; una ire non recusat.

23. *Ut cumque.* Quandocumque. — *Mutata.* Fortuna felix, albis: adversa, nigris vestibus induitur. — *Potentes.* Florentes, opulentas.

24. *Linguis.* Per Fortunam abeuntem et avolantem, significantur adversa; per manentem, secunda.

25. *At vulgus, etc.* Id est, ceteri, qui non sunt veri amici, sed qui solem utilitatem suam spectant, discedunt.

26. *Cadis siccatis.* Ubi vident exhaustos ad imam usque fæcem cados, id est exhaustis opibus, postquam omnes opes devoraverunt.

- Ferre jugum pariter dolosi.
 30 Serves iturum Cæsarem in ultimos
 Orbis Britannos, et juvenum recens
 Examen, eoīs timendum
 Partibus, Oceanoque rubro.
 Eheu! cicatricum et sceleris pudet,
 Fratrumque. Quid nos dura refugimus
 35 Ætas? quid intactum nefasti
 Liquimus? unde manum juvenus
 Metu deorum continuit? quibus
 Pepercit aris? O utinam nova
 Incude diffingas retusum in
 40 Massagetæ Arabasque ferrum!

28. *Jugum*. Adversam fortunam prementem. — *Dolosi ferre*. Dolosi in ferendo jugo et societate bonarum rerum et malarum, quia socii et participes bonarum volunt esse, non malarum. — *Pariter*. Omnes similiter.

29. *Serves*. Serva igitur, o Fortuna, Cæsarem. — *Ultimos, etc.* Angliam, et vicinas quasdam Angliæ insulas, esse orbis finem a septentrione veteres putaverunt.

31. *Examen*. Exercitum e recentibus copiis collectum: ab apibus ducta metaphorā. — *Eoīs*. Orientalibus.

32. *Rubro*. Erythræo, Arabico.

33. *Eheu, etc.* Ex eo quod Cæsar ducat exercitum in barbaros et disjunctos populos, occasionem sumit belli

civilis defendendi, et externi belli laudandi. — *Sceleris*. Belli civilis scelerati; quod ante annos 12 ortum sub Julio Cæsare, vixdum bene sopitum erat.

34. *Fratrumque*. In civili bello a fratribus occisorum. — *Quid nos, etc.* Quid sceleris non suscepimus, nos etate hac dira et prope ferrea nati?

35. *Nefasti*. Nefarii.

36. *Juventus*. Milites; a quo scelere nostros exercitus religio deterruit?

37. *Metu deorum*. Pietate ac religione adversus deos.

39. *Diffingas*. Recudas, reformes. — *Retusum*. Hebetatos enses in bello civili, et attritos.

40. *Massagetæ*. Sunt Scythiæ populi ultra mare Caspium; Arabes vero Asiæ.

ODE XXX.

Faustum ex Hispania reditum Numidæ gratulatur.

- Et ture, et fidibus juvat
 Placare, et vituli sanguine debito
 Custodes Numidæ deos;
 Qui nunc, Hesperia sospes ab ultima,
 5 Caris multa sodalibus,

1. *Fidibus*. Carminibus lyricis.

2. *Placare*. Diis satisfacere, quibus sacrificium voti, si amicus rediret. — *Debito*. Votivo.

4. *Hesperia ultima*. Hispania, quæ appellatur ultima Hesperia, id est, in ultimo orbe posita ad occidentem versa,

ut distinguatur ab Italia, quæ vocatur etiam Hesperia. — *Sospes*. Reversus incolumis.

5. *Multa, etc.* Quamvis amicos de ejus reditu lætos amplectatur omnes suavissime ac deosculetur, nullum ex his tamen suavius quàm Lamiā, quippe

- Nulli plura tamen dividit oscula ,
 Quam dulci Lamiæ , memor
 Actæ non alio rege puertiae ,
 Mutatæque simul togæ .
- 10 Cressa ne careat pulchra dies nota ;
 Neu promptæ modus amphoræ ,
 Neu morem in salium sit requies pedum :
 Neu multi Damalis meri
 Bassum threicia vincat amystide :
 15 Neu desint epulis rosæ ,
 Neu vivax apium , neu breve lilium .

meminît se eodem rege pueritiâ egisse ,
 sub quo eam egit Lamiâ .

8. *Rege*. Moderatore , magistro gubernatore . Reges enim vocabant Romani puerorum magistros .

9. *Mutatæ*. Togam prætextam , id est , purpureo cinctam limbo , exuebant anno ætatis 17 , quo sumebant virilem togam , ac moderatores pueritiæ dimittebant .

10. *Cressa nota*. Id est albo lapillo , quia creta seu alba terra in Creta insula effodiebatur . Hunc morem fuisse apud Romanos satis notum est , felices dies albo lapillo , infelices autem nigro notare .

11. *Neu*, etc. Id est , bibatur sine modo , saltetur sine requie , large utrumque et effatim fiat . — *Promptæ*. Quæ

cito et sine mora petenti detur : vel , depromptæ et eductæ e cella vinaria .

12. *Salium in morem*. Ut solent saltare Salii , Martis sacerdotes ; qui certis diebus saltationem quamdam exercebant in honorem Martis , ter pede terram percutientes agilitate summa .

13. *Multi meri*. Ebriosa mulier .

14. *Bassum*. Potorem egregium . — *Amystide*. Poculum est capax , ita dictum a græca voce , quod sine interspiratione hauriendum erat . Sententia est , caveat Bassus , ne ipsum vincat Damalis , potans amystidem totam . — *Threiciam* vocat , vel quia revera erat threissa , vel quia Thraces ebriosi ferebantur , et ejusmodi calices uno haustu siccabant .

16. *Apium*. Herba diu virens et vivens . — *Breve*. Cito marcescens .

ODE XXXI.

Ob victoriam actiacam et Cleopatrarum mortem sodales hortatur ad cœnandum .

Nunc est bibendum , nunc pede libero
 Pulsanda tellus ; nunc saliaribus
 Ornare pulvinar deorum
 Tempus erat dapibus , sodales .

5 Antehac nefas depromere cæcubum

1. *Pede*, etc. Saltandum est libere ac temere .

2. *Saliaribus dapibus*. Exquisitis dapibus , qualibus Salii solebant vesci , qui magnifice et opipare epulabantur .

3. *Pulvinar*. Post victoriam insignem aliquam solebant Romani diis suis quasi epulum præbere . Itaque mensas in tem-

plis struebant , ac dapibus cumulabant ; circa mensas sternebant lectulos cum pulvinaribus ,isque deorum , quasi convivarum , statuas imponebant .

4. *Tempus erat*. Tempus est ; imperfectum pro præsentî , græco more .

5. *Antehac*. Antequam victa , imo extincta fuisset Cleopatra . — *Cæcubum*.

- Cellis avitis, dum Capitolio
 Regina dementes ruinas,
 Funus et imperio parabat,
 Contaminato cum grege turpium
 10 Morbo virorum, quidlibet impotens
 Sperare, fortunaque dulci
 Ebria. Sed minuit furem
 Vix una sospes navis ab ignibus :
 Mentemque lymphatam mareotico
 15 Redegit in veros timores
 Cæsar, ab Italia volantem
 Remis adurgens; accipiter velut
 Molles columbas, aut leporem citus
 Venator in campis nivalis
 20 Æmonix; daret ut catenis
 Fatale monstrum : quæ generosius
 Perire quærens, nec muliebriter
 Expavit ensem, nec latentes
 Classe cita reparavit oras.
 25 Ausa et jacentem visere regiam
 Vultu sereno, fortis et asperas
 Tractare serpentes, ut atrum
 Corpore combiberet venenum,

Vinum generosum, natum in Cæcubo, Campaniæ monte.

6. *Aritis*. In quibus illud avi majoresque nostri considerant. — *Dum, etc.* Interea dum regina Cleopatra dementi et irritò conatu pararet evertere Capitolium, et imperium Romanorum extinguere.

7. *Dementes*. Dementiam et insanum furem ejus, qui eas parat, prodentes.

8. *Funus*. Exitium.

9. *Turpium virorum*. Cum grege nautarum et militum quos turpis morbus, scilicet scabies, deturpaverat.

10. *Impotens sperare*. Adeo demens et vecors, ut auderet omnia sperare, etiam illa quæ fieri nulla ratione poterant, videlicet Romanorum imperium delere.

13. *Vix una sospes navis*. Sed ejus furor in delirium desit, quum vidit omnes naves incensas, præter unam. Cleopatræ naves, aliæ statim post actiacam victoriam, sunt a Cæsarianis incensæ, aliæ ab Arabibus, qui in erythræo sinu erant.

14. *Lymphatam*. Furiosam. — *Mareotico*. Mareotis est palus et regio Ægypti, ubi optimum vinum nascebatur.

15. *In veros timores*. Sensus est : et Augustus celeris cursu fugientem Cleopa-

tram persecutus, vanum ejus timorem, quo pugnae se subdlexerat, in verum ad Alexandram mutavit.

16. *Volantem*. Fugientem ab Græcia, quæ non longe abest ab Italia.

17. *Adurgens*. Colerrime persequens.

20. *Æmonix*. Thessaliæ; ita dicta est ab rege quodam suo Æmone.

21. *Monstrum*. Cleopatram furentem instar belluæ. — *Fatale* vocat, id est, fato quodam et ira superum exortum; exitiale. — *Generosius*. Quam in catenis, et in triumpho.

2. *Nec expavit ensem*. Voluit sibi ferro vitam adimere, neque dubitavit enses nudos suorum custodum petere, qui mortem illi tamen negarunt.

23. *Nec, etc.* Non ivit Cleopatra classe cita et propterante in oras Ægypti latentes, et ultimos regni sui fines, ut eos repararet ac muniret ad bellum instaurandum. — *Latentes oras*. Ægypti recessus, et urbes intimas.

25. *Jacentem*. Profligatam et merentem.

26. *Fortis, etc.* Impavida ad apponendos suo corpori serpentes.

27. *Atrum*. Mortiferum. — *Corpore combiberet venenum*. Inficeret corpus veneno.

30

Deliberata morte ferocior :
 Sævis Liburnis scilicet invidens
 Privata deduci superbo
 Non humilis mulier triumpho.

29. *Deliberata*. Quam sibi inferre statuerat : Ideo *ferox*, quia mori certa.

30. *Liburnis*. Navibus angustioribus in Liburnia, Illyrici regione, factis. — *Invidens, etc.* Indignata, et nolens, ob superbiam, hunc honorem navibus Liburnis, a quibus victa erat, et quæ ideo

sæva appellantur, tribuere, ut in his Romam duceretur.

31. *Deduci, etc.* Ducl ex Ægypto in Italiam, ut privata mulier, ipsa quæ non obscura, et infimo loco nata, sed nobilis et regina erat.

32. *Non humilis*. Generosæ indolis, ut reginam decebat.

ODE XXXII.

Ad puerum.

Apparatum convivii sumptuosum sibi minime placere.

Persicos odi, puer, apparatus ;
 Displicent nexæ philyra coronæ :
 Mitte sectari rosa quo locorum
 Sera moretur.

5

Simplici myrto nihil allabores
 Sedulus curæ : neque te ministrum
 Deducet myrtus, neque me sub arcta
 Vite bibentem.

1. *Persicos*. Magnificos. Persæ in conviviiis erant inprimis sumptuosi, et muliarum deliciarum. — *Puer*. Servule.

2. *Philyra*. Est cortex interior ac tenuissimus ex arbore tilia decerptus, qui ductus in ténias, nectendis floribus servit.

3. *Mitte*. Omitte, noli investigare, ubi nascantur rosæ tardiores.

5. *Simplici, etc.* Nihil nisi coronas e myrto volo. *Myrtus* erat arbuscula Veneri sacra; adhibebatur in conviviiis, boni odoris causa, et quia fumos vini discutere credebatur.

6. *Curæ*. Id est, puer cujus cura est tam sedula.

7. *Arcta*. Densa, umbrosa.

LIBER SECUNDUS.

ODE I.

Ad Asinium Pollionem.

Monet ut, omissis quas scribebat tragœdiis, inchoatam bellorum civilium historiam absolvat. Inde bellum civile deplorat.

- Motum ex Metello consule civicum,
 Bellique causas, et vitia, et modos,
 Ludumque fortunæ, gravesque
 Principum amicitias, et arma
 5 Nondum expiatis uncta cruoribus,
 Periculosæ plenum opus aleæ,
 Tractas, et incedis per ignes
 Suppositos cineri doloso.
 Paulum severæ Musa tragœdiæ
 10 Desit theatris : mox, ubi publicas
 Res ordinariæ, grande munus
 Cecropio repetes cothurno,

1. *Motum, etc.* Ordo est : Pollio, in-signis mœstis præsidium reis, etc., tractas, sive scribis motum civilem, belli civilis varios ac turbidos eventus, ex Metello consule, id est, ab eo tempore quo Q. Cæcilius Metellus Celer fuit consul, qui est annus ab U. C. 693, quo Cæsar, Crassus et Pompeius inter se de invadenda republica foedus inierunt.

2. *Vitia.* Consilia temere capta, dum errores. — *Modos.* Omnem rationem qua bellum pro cuiusque partis consilio et viribus gestum est.

3. *Ludum fortunæ.* Fortuitos rerum eventus, varios casus, quibus romanam rem, ut pilam, jactare fortuna videbatur. *Graves.* Exitiosas.

4. *Principum.* Cæsaris, Pompeii et Crassi, qui societatem junxerant reipublicæ funestam. — *Arma, etc.* Arma uncta, id est delibuta, et adhuc stillantia civium cruore, qui nondum expiatus est. — *Expiare* autem est, rem aliquam aut personam, ex impia et contaminata, piam et scelere solutam efficere, aliqua religiosa cærimonia.

5. *Plenum opus, etc.* De multorum

enim sceleribus, qui jam rerum potuntur, scribi tuto et impune vix potest. — *Alea,* est proprie ludus talorum, qui periculosus et incertus vulgo est : unde ad significandum casum quemlibet periculosum, ea vox adhibetur.

7. *Incedis, etc.* Idem facis, ac si incederes per cineres, qui tegerent ignem suppositum : quod nempe sine gravi periculo fieri nequit.

9. *Paulum, etc.* Omittit paululum res adeo tragicas theatro et scenæ committere.

10. *Publicas, etc.* Ubi res, quæ ad bella civilia spectant ex ordine conscripseris.

11. *Grande munus.* Grande opus tragœdiæ faciendæ.

12. *Cecropio cothurno.* Tragico more ac stylo. *Cothurnus* erat genus calceamentis altioris, quo actores tragœdiarum utebantur. *Cecropius* appellatur, id est, Atheniensis, a Cecrope, rege Athenarum primo ; quia tragœdia maxime Athenis vixit, ubi Sophocles, Euripides, etc. Floruerunt.

Insigne mœstis præsidium reis,
Et consulenti, Pollio, curiæ;

- 15 Cui laurus æternos honores
Dalmatico peperit triumpho.
Jam nunc minaci murmure cornuum
Perstringis aures; jam litui strepunt;
Jam fulgor armorum fugaces
20 Terret equos, equitumque vultus.
Audire magnos jam videor duces,
Non indecoro pulvere sordidos,
Et cuncta terrarum subacta,
Præter atrocem animum Catonis.
25 Juno, et deorum quisquis amicior
Afris, inulta cesserat impotens
Tellure, victorum nepotes
Reitulit inferias Jugurthæ.
Quis non, latino sanguine pinguior,
30 Campus sepulcris impia prælia
Testatur, auditumque Medis
Hesperiaë sonitum ruinæ?
Quis gurgēs, aut quæ flumina lugubris
Ignara belli? quod mare dauniaë
35 Non decoloravere cædes?

13. *Insigne præsidium reis.* Reus, flum significat, quicumque causam dicit, sive sit nocens, sive innocens.

14. *Curia.* Senatui. — *Consulenti.* De rebus gravissimis deliberanti.

15. *Cui laurus, etc.* Qui de Dalmatis triumphasti.

17. *Jam nunc, etc.* Laudat Horatius carmina Pollionis de bello civili, tam graphice et ornatè ab eo scribi cœpta, ut in illis res ipsæ geri et cerni, non narrari et audiri viderentur. — *Cornuum.* Buccinarum, quæ olim e cornu, postea ex ære facta sunt.

18. *Perstringis.* Feris, tundis.

22. *Non indecoro.* Glorioso pulvere; quem scilicet in militari campo collegerunt.

23. *Cuncta terrarum.* Cunctas terras. — *Subacta.* A Cæsare domita.

24. *Catonis.* Dictus est ille Cato Uticensis, ab Utica, urbe Africae, in quam, quum se post pugnam pharsalicam coniecisset, audiretque appropinquare Cæsarem, mortem afferre sibi maluit quam se illi dedere. — *Atrocem.* Pervicacem, invictam.

25. *Juno, etc.* Juno Carthagini et Africae impense favebat.

26. *Cesserat.* Loca vastata vel captas

urbes illi deserere putabantur. — *Impotens.* Quia fati necessitati resistere non poterat.

28. *Inferias.* Erant inferiæ sacrificia quæ stebant mortuis et inferorum umbris. — *Jugurtha.* Fuit Jugurtha rex Numidiæ in Africa. Is grave bellum gessit cum Metello primum, mox cum Mario; demum a Boccho, Mauritaniae rege, ad quem confugerat, proditus, in Maritum testatem venit, a quo Romam ductus, et ostentatus in triumpho, in carcere necatus est, anno U. C. 648.

31. *Testatur.* Ostendit, sepulcorum multitudine, quam sæva fuerint illa bella, impietatis et crudelitatis plena, nempe civilia. — *Auditumque Medis, etc.* Cladem et ruinam Italiae, quæ olim Hesperia magna dicta est, tantam, ut a Medis, remotissimis videlicet Orientis populis, et Romanorum hostibus, audita cum gaudio sit.

33. *Gurgēs.* Qui lacus, quæ freta?

34. *Daunia cædes.* Italiae, id est sanguis cæsorū civium romanorum. Daunia versus Apuliam hic ponitur pro tota Italia.

35. *Decoloravere.* Sanguine infece-

Quæ caret ora cruore nostro?
 Sed ne, relictis, musa procax, jocis,
 Cæa retractes munera nœniæ;
 Mecum dionæo sub antro
 Quære modos levioere plectro.

37. *Sed ne, etc.* Sed, o mea musa audacior, noli, relictis quæ te decent amœnioribus argumentis, canere nœnias, id est carmina lugubria, qualia olim cecinit Simonides Cæus (insula Cæa oriundus).

40. *Dionæo.* Veneri sacro.
 40. *Modos.* Carmina.—*Leviore, etc.* Jocosa nempe argumenta levioribus modis et numeris canenda: tragica, severioribus et fortioribus.

ODE II.

Ad Crispum Sallustium.

Eum qui bene divitiis utatur solum divitem, qui cupiditatibus imperet
 solum beatum esse cantat.

Nullus argento color est, avaris
 Abditæ terris inimice lamnæ,
 Crispe Sallusti, nisi temperato
 Splendeat usu.
 5 Vivet extento Procleius ævo,
 Notus in fratres animi paterni;
 Illum aget penna metutente solvi
 Fama superstes.
 Latius regnes avidum domando
 10 Spiritum, quam si Libyam remotis

1. *Nullus argento color est.* Splendore suo hoc est pretio caret argentum. — *Avaris.* Avara terra dicitur ea in qua argentum defoditur, quia illud celat, ut avari faciliant.

2. *Inimice lamnæ.* Qui nihil curas, parvi facis lamnam argenti. — *Lamnæ.* Pro *laminæ*. Est autem lamina bractea metalli: sumitur hic pro ipso argento, vel auro.

3. *Crispe Sallusti.* Fuit iste Crispi Sallustii historici ex sorore nepos. — *Nisi temperato, etc.* Nisi illi splendorem moderatus usus addat: id est, nihil juvat pecunia, nisi utaris.

5. *Extento ævo.* Longo tempore producto usque ad seram posteritatem: immortalis erit Procleii fama et memoria. — *Procleius.* Fuit eques romanus,

Augusto carus: ejus fratres, Scipio et Muræna, quum ob arma in bello civili contra Augustum gesta patrimonio suo spoliati fuissent, Procleius bona sua de integro æquis partibus cum ipsis divisit instar patris amantissimi.

6. *Notus.* Nobilis, celebris. — *Animi.* Propter animum: græca locutio.

7. *Aget.* Vehet, tollet. — *Metutente solvi.* Defatigari nescia; semper volante et vigente.

8. *Superstes.* Post illius mortem, adhuc vivens et superans.

9. *Regnes.* Regnabis, regnare possis. Rex est qui sibi imperat. — *Avidum spiritum.* Avaritiam, cupiditatem majorum opum.

10. *Libyam.* Regionem Africæ. — *Remotis.* A Libyâ dissitis.

Gadibus jungas, et uterque Pœnus
Serviat uni.

Crescit indulgens sibi dirus hydrops,
Nec sitim pellit, nisi causa morbi

15 Fugerit venis, et aquosus albo
Corpore languor.

Redditum Cyri solio Phraaten,
Dissidens plebi, numero beatorum
Eximit virtus, populumque falsis

20 Dedocet uti
Vocibus, regnum et diadema tutum
Deferens uni, propriamque laurum,
Quisquis ingentes oculo irretorto
Spectat acervos.

11. *Gadibus*. Gades insula et urbs est in ultima Hispania ad meridiem: *Cádiz*. — *Uterque Pœnus*. Tum qui est in Africa, tum qui in Hispania. Nam Carthaginenses Hispaniæ partem diu obtinuerunt, urbemque nomine Carthaginem in ea condiderunt, quæ Carthago nova dicta est: *Carthagène*.

13. *Crescit*. Morbum auget. — *Indulgens sibi*. Obsequens bibendi cupiditati. — *Hydrops*. Morbus crudelis; morbo adeo tribuit poeta quod ægroti id est hydropici proprium erat.

14. *Causa morbi*. Aqua intercus, qua corpus tam pallore quam languore afficitur.

17. *Phraaten*. Phraates, rex Parthorum, quum insolentius et crudelius se gessisset, a suis expulsus; sed idem deinde, Scytharum auxilio, in regnum

restitutus est. — *Cyri solio*. Imperio persico, quod a Cyro conditum fuit.

18. *Beatorum*. In hac dictione ultima syllaba eliditur ob vocalem positam in sequenti versu ad quem ista syllaba pertinet.

20. *Dedocet uti*. Docet non uti falsis vocibus, eum felicem vocando, qui felix revera non sit.

22. *Deferens uni*. Illa autem virtus desert, tribuit nomen regis, felicitatem et gloriam illi uni qui spectat, etc. — *Propriam*. Perpetuam, quæ auferri non possit. — *Laurum*. Coronam, laudem, victoriam.

23. *Oculo irretorto*. Qui cumulos auri atque argenti ita prætereundo adspectat, ut ne oculos quidem reflectat ac retorqueat; vel qui non avertit oculos, ne auri fulgore perstringantur, et acervo invideat.

ODE III.

Ad Dellium.

Vitæ felicitatem in mentis æquabilitate esse positam.

Æquam memento rebus in arduis
Servare mentem, non secus in bonis

Ab insolenti temperatam
Lætitiā, moriture Delli,

5 Seu mæstus omni tempore vixeris,

1. *Æquam, etc.* Ordo est: o Delli, memento servare in asperis et arduis rebus mentem æquam, id est, moderatam et æquabilem, eandemque in rebus

secundis ab insolenti lætitiā temperatam.

4. *Moriture, etc.* O Delli, qui juxta moriturus es, seu, etc. — *Delli*. Dellius fuit historicus, et orator insignis.

- Seu te in remoto gramine per dies
Festos reclinatum bearis
Interiore nota falerni.
10 Quo pinus ingens albaque populus
Umbram hospitalem consociare amant
Ramis, et obliquo laborat
Lympha fugax trepidare rivo,
Huc vina, et unguenta, et nimium brevis
Flores amœnos ferre jube rosæ,
15 Dum res, et ætas, et sororum
Fila trium patiuntur atra.
Cedes coemptis saltibus, et domo,
Villaque, flavus quam Tiberis lavit:
Cedes, et exstructis in altum
20 Divitiis potietur heres.
Divesne, prisco natus ab Inacho
Nil interest, an pauper, et infima
De gente sub dio moreris,
Victima nil miserantis Orci.
25 Omnes eodem cogimur; omnium
Versatur urna serius ocus
Sors exitura, et nos in æternum
Exsiliū impositura cymbæ.

7. *Reclinatum*. Jacentem, resupinatum. — *Te bearis*. Te exhilaraveris, genium curaveris.

8. *Nota*. De cado notam sive titulum quale vinum contineat, præ se ferente. — *Interiore*. Quia vinum præstantius continebat, ideoque in interiore cellæ vinariæ parte reconditum fuit. — *Falerni*. Falernus, mons Campaniæ Italiæ; ab eo vinum falernum nomen invenit.

9. *Quo*. In locum ubi. — *Alba*. Populi frondes, aversa parte albicant, adversa virent.

10. *Umbram, etc.* Gaudent consociatis ramis umbram efficere, quæ gratum epulantibus hospitium præbeat.

11. *Laborat trepidare*. Cum labore trepidat, propter lapillos nimirum obstantes. — *Trepidare* autem est agitare se huc illuc, et anxie commovere; festinare ægre.

14. *Flores rosæ*. Rosas, quæ nimis cito marcescunt.

15. *Res*. Opes, vel idoneum tempus, opportunitas, occasio. — *Sorum trium*. Parcarum. Dum vita tibi suppeditat.

16. *Atra*. Funesta, quibus videlicet resectis, mors obunda necessario sit.

17. *Cedes*. Discedes, demigrabis. —

Coemptis. Undique, aut simul a te emptis.

18. *Flavus*. Pulcher, vel flavas arenas volvens. — *Lavit*. Est in indicativo, a verbo, *lavere*, quod olim usurpabatur pro *lavare*.

19. *Exstructis in altum*. In cumulum congestis.

21. *Divesne, etc.* Ordo est: nihil interest an sis dives, et ortus ab Inacho, an pauper et obscuro loco natus, ne tectum quidem et domum quo te recipias, habeas: quippe futurus es perinde victima Orci nil miserantis, divites æque ac pauperes damnantis leto. — *Inacho*. Fuit Inachus rex antiquissimus Argivorum.

23. *Gente*. Stirpe, familia. — *Sub dio*. Sub auro et aperto cœlo. — *Moreris*. Habites, degas.

25. *Eodem cogimur*. Eundem in locum compellimur, ad Orcum nempe.

26. *Versatur*. Agitur. — *Versatur urna, etc.* Sors omnium, id est, moriendi fatalis hora, serius ocus exitura, versatur et movetur in urna, nempe Jovis, aut judicum trium apud inferos.

27. *Et nos in æternum, etc.* Et quæ nos impositura est cymbæ Charontis, ut in æternum exsiliū ab eo deportemur, nempe ultra Stygem, in inferos.

ODE IV.

Ad Septimum.

Septimum invitat ad reliquum vitæ ruri degendum.

Septimi, Gades aditure mecum, et
Cantabrum indoctum juga ferre nostra, et
Barbaras Syrtes, ubi maura semper

Æstuat unda :

5 Tibur, argeo positum colono,
Sit meæ sedes utinam senectæ!
Sit modus lasso maris, et viarum,
Militiæque !

— Unde si Parcæ prohibent iniquæ,
10 Dulce pellitis ovibus Galesi
Flumen, et regnata petam Laconi
Rura Phalanto.

Ille terrarum mihi præter omnes
Angulus ridet; ubi non Hymetto
15 Mella decedunt, viridique certat
Bacca Venafro ;
Ver ubi longum, tepidasque præbet
Jupiter brumas; et amicus Aulon
Fertili Baccho, minimum falernis

1. *Septimi.* Fuit ille romanus eques, idemque poeta bonus, Augusto carus, amicus Horatii. — *Aditure, etc.* Qui non dubitares adire meum, mei causa, loca remotissima et periculosissima.

2. *Cantabrum.* Cantabri sunt Hispaniæ populi, versus septentrionem. — *Indoctrum, etc.* Qui parere Romanis nondum didicit.

3. *Syrtes.* Loca sunt arenosa, et periculosa, in Africæ littore. — *Maura unda.* — Mare africanum.

5. *Tibur.* Est urbs Italiæ amœna (Tivoli), condita olim a Tibure, homine græco, qui Argis profectus in Italiam venit. — *Argæo.* Argivo. Argos est urbs primaria Peloponnesi. — *Colono positum.* A Tiburno, Catillo et Cora, fratribus, qui coloniam argivam eo deduxerunt, conditum.

7. *Lasso maris.* Fatigato maritimis itineribus.

9. *Unde, etc.* Quo ex loco, id est, a Tibure, si me Parcæ prohibent, arcent-

que, petam flumen Galesum, quod in agro tarentino est. — *Iniquæ.* Inclementes.

10. *Pellitis ovibus.* Oves tarentinæ, propter lanæ bonitatem, pellibus et quasi vestibus intuebantur, ne ipsarum lana inquinaretur.

12. *Phalanto.* Lacedæmonius dux fuit, qui, cum Spartanis Italiam petens, Tarentum occupavit.

14. *Ridet.* Placet. — *Hymetto.* Mons est Græciæ, prope Athenas, ubi mel optimum, apes lectissimæ.

15. *Decedunt. Decedere,* est locum alteri, ut nobilliori, cedere, inferiorem se fateri.

16. *Bacca, etc.* Oliva. Venafrum, Campaniæ in Italia oppidum, ubi olivæ præstantes.

18. *Aulon.* Mons est agri tarentini, ubi vinum optimum nascebatur. — *Amicus Baccho.* Quem Bacchus amat.

19. *Minimum, etc.* Id est, vras fert non deteriores his quæ nascuntur in Falerno, monte Campaniæ.

Horace.

3

Invidet uvis.

Ille te mecum locus, et beatæ
Postulant arces: ibi tu calentem
Debita sparges lacrima favillam
Vatis amici.

21. *Ille locus.* Ubi hæc omnia sunt.
22. *Arces.* Colles Tarenti. — *Beata.* Amœnitate et fertilitate sua beantes. —
23. *Calentem favillam.* Meos cineres adhuc tepidos.
Debita. Mihi, propter amicitiam. *Postulant.* Invitant.

ODE V.

Ad Pompeium Varum.

Amico in patriam reduci gratulatur.

O sæpe mecum tempus in ultimum
Deducte, Bruto militiæ duce,
Quis te redonavit Quiritem
Dis patriis, italoque cælo,
5 Pompei, meorum prime sodalium?
Cum quo morantem sæpe diem mero
Fregi, coronatus nitentes
Malobathro syrio capillos:
Tecum Philippos, et celerem fugam
10 Sensi, relicta non bene parmula;
Quum fracta virtus, et minaces
Turpe solum tetigere mento.
Sed me per hostes Mercurius celer
Denso paventem sustulit aere:

1. *Tempus in ultimum deducte.* Qui in extremum vitæ discrimen adductus es. — *Bruto militiæ duce.* — Dum uterque sub Bruto militaremus.
3. *Redonavit.* Restituit. — *Quiritem.* In jus Quiritium restitutum, id est civem.
5. *Prime.* Princeps, vel amicissime meorum sodalium.
6. *Morantem.* Qui mihi tecum epulari cupienti longus videbatur. — *Mero fregi.* Ita divisi, ut meliorem partem vino tecum et poculis darem.
7. *Coronatus capillos.* Subauditur, secundum, ut sæpe fit apud poetas, græco more: habens caput floribus coronatum et nitens, sive delibutum unguento syrio.
8. *Malobathro.* Est malobathrum folium quoddam, sive frutex, referens nardi odorem, cujus magna copia in Syria: ex eo liquor, seu oleum odoratissimum.
9. *Tecum, etc.* Interfui tecum pugnae commissæ ad Philippos, urbem Thessaliæ.
10. *Non bene.* Parum decore, turpiter.
11. *Fracta virtus.* Fracta fuit fortitudo. — *Minaces.* Qui cæsi adeo vultum torvum et minacem præ se ferebant.
12. *Solum tetigere mento.* Ad terram prostrati sunt. — *Turpe.* Sanguine turpiter pollutum.
13. *Mercurius.* Virorum doctorum patronus, poetarum custos.
14. *Denso aere.* Circumfusa nube tectum. Sic Homerus fingit servatum Ænean ab Apolline, Paridem a Venerè, etc.

- 15 Te rursus in bellum resorbens
 Unda fretis tulit æstuosus.
 Ergo obligatam redde Jovi dapem;
 Longaque fessum militia latus
 20 Depone sub lauru mea, nec
 Parce cadis tibi destinatis.
 Oblivioso lævia massico
 Ciboria exple; funde capacibus
 Unguenta de conchis. Quis udo
 Deproperare apio coronas,
 5 Curatve myrto? quem Venus arbitrum
 Dicet bibendi? Non ego sanius
 Bacchabor Edonis: recepto
 Dulce mihi furere est amico.

15. *Te rursus, etc.* Metaphora ducitur a tempestate, quæ naves in littore tranquillo et vado positas, aliquando in altum abripit. Sensus est: rursus bellum secutus es, quod Pompeii filius redintegravit.

17. *Dapem.* Epulum, Jovi, si redires in patriam, promissum: sacrificium.

18. *Latus.* Corpus: pars pro toto.

19. *Lauru mea.* Aliquam sui horti arborem indicat; vel, patrocinium Mæcenatis significat, quo protectus, ut lauru salutari, fulmen, id est, iram Augusti effugerat.

20. *Cadis destinatis.* Vasis vinaris ad tuum reditum reservatis.

21. *Lævia.* Attrita sæpe hibendo: tersa et nitida. — *Massico.* Vino Campaniæ generoso; *obliviosum* appellat, quia malorum oblivionem affert vinum.

22. *Ciboria.* Pocula capaciora. —

Exple. Exhanri; vel, imple: utrumque enim vox ea significat.

23. *Conchis.* Vasculis e concha, vel in morem conchæ factis.

24. *Deproperare, etc.* Cito contexere. Vocat *apium udum*: vel, quia nascitur commodius in paludibus, vel, quia vini fumos caloremque mitigat.

25. *Quem Venus, etc.* Quis nostrum erit, quem jactus Veneris magistrum convivii creabit, qui regna vini tesseris sortitur? Nam id moris erat, ut sortirentur tesseris, qui bibendi esset arbiter. *Venus* vocabatur tesserarum jactus felicissimus.

26. *Dicet.* Designabit, constituet. —

Sanius. Moderatius.

27. *Bacchabor. Bibam.* — *Edonis.* Thraciæ populo, pro ipsis Thracibus, effrenata in comotationibus licentia satis notis. — *Recepto, etc.* Amico præter spem mihi reddito.

28. *Furere.* Largius potare, mero insanire.

ODE VI.

Ad Valgium.

Monet amicum ut mortem filii sui desistere aliquando desinat.

Non semper imbres nubibus hispidos
 Manant in agros, aut mare caspium

1. *Nubibus manant.* E nubibus funduntur. — *Hispidos.* Squalentes, tristes, pluvis deformatos.

2. *Caspium.* Supra Persidem est, in Asia ad septentrionem.

- Vexant inæquales procellæ
 Usque; nec armeniis in oris,
 5 Amice Valgi, stat glacies iners
 Menses per omnes; aut aquilonibus
 Querceta Gargani laborant,
 Et foliis viduantur orni.
 Tu semper urges flebilibus modis
 10 Mysten ademptum; nec tibi, vespero
 Surgente, decedunt amores,
 Nec rapidum fugiente solem.
 At non, ter ævo functus, amabilem
 Ploravit omnes Antilochum senex
 15 Annos; nec impubem parentes
 Troilon, aut phrygiæ sorores
 Flevere semper. Desine mollium
 Tandem querelarum; et potius nova
 Cantemus Augusti tropæa
 20 Cæsaris, et rigidum Niphaten,
 Medumque flumen, gentibus additum
 Victis, minores volvere vortices;
 Intraque præscriptum Gelonos
 Exiguus equitare campis.

3. *Inæquales*. Inconstantes, modo atrociores, modo leniores.

4. *Usque*. Semper. — *Armeniis oris*. Armenia est regio Asiæ, circa Taurum montem.

5. *Iners*. Vel, quia glacies stat immobilis et catenata, vel, quia frigus facit inertes.

7. *Querceta*. Loca quercubus consita. — *Gargani*. Mons est Apullæ. — *Labo- rant*. Vexantur, agitantur.

8. *Viduantur*. Spoliantur, orbantur.

9. *Urges*. Prosequeris, desines lugubri carmine. Erat autem iste T. Valgius poeta insignis, de quo Tibullus ita canit: *Valgius, æterno propior non alter Homero*.

10. *Mysten*. Proprium est nomen pueri. — *Noc tibi decedunt amores*. Non ex animo Mysten tuum, quem in deliciis habebas, dimittis. — *Vespero fugiente*. Stella dicta Vesper, sive Vesperus, sole surgente obscuratur.

13. *Ter ævo*, etc. Nestor, qui tres hominum ætates vixit, id est nonaginta annos.

14. *Antilochum*. Filium suum, a Memnone interfectum, in bello trojano.

15. *Impubem*. Juvenem, imberhem. — *Parentes*. Priamus et Hecuba.

16. *Sorores*. Cassandra, Polyxena, Trojanæ, sorores Troili.

17. *Mollium*. Mollioris animi dolorem exprimentium.

18. *Nova*, etc. Augustus, circa annum U. C. 738. Armeniam a Parthis vindicavit; qui eidem signa militaria, Marco Crasso et Antonio olim adempta, reddiderunt.

19. *Tropæa*. Tropæum, erat monumentum victoriæ, collocatum in eo loco ubi hostes fugere cœperant.

20. *Niphaten*. Armeniæ fluvium, et montem: *rigidus* vocatur, id est, gelu constrictus, nivibus abundans.

21. *Medumque flumen*. Euphratem. — *Gentibus*, etc. Victum et domitum pariter cum Parthis, Scythis, Armeniis.

22. *Volvere*, etc. Refer ad vocem quæ præcessit. — *Cantemus*. Dicamus illud flumen, quasi pudore suæ cladis et dolore affectum, lenius et minorum pompa fluere, nec tantos undarum vortices volve- re.

23. *Intraque præscriptum*. Subaudi spatium. — *Gelonos*. Scythiæ populum.

ODE VII.

Ad Licinium.

Animi æquabilitas in utraque fortuna retinenda.

- Rectius vives, Licini, neque altum
Semper urgendo; neque, dum procellas
Cautus horrescis, nimium premendo
Littus iniquum.
- 5 Auream quisquis mediocritatem
Diligit, tutus caret obsoleti
Sordibus tecti, caret invidenda
Sobrius aula.
- 10 Sæpius ventis agitur ingens
Pinus; et celsæ graviore casu
Decidunt turrets; feriuntque summos
Fulmina montes.
- Sperat infestis, metuit secundis
Alteram sortem bene præparatum
- 15 Pectus: informes hiemes reducit
Jupiter, idem
Submovet. Non, si male nunc, et olim
Sic erit. Quondam cithara tacentem
Suscitat musam, neque semper arcum
- 20 Tendit Apollo.

1. *Rectius*. Prudentius adeoque tranquillius et felicius. Is fuit frater Terentii, uxoris Mæcenatis, et Proculi, de quo mentio fit ode 2 hujus libri. — *Altum urgendo*. Si navim in medium et profundum mare propellas, id est, excelsa et magnifica consectoris, honores ambias, etc.

2. *Procellas*. Id est, pericula, quibus honores obsepti sunt.

3. *Premendo*. Legendo, stringendo.

4. *Iniquum*. Asperum, periculosum, ob vada et saxa.

5. *Auream*. Pulchram, pretiosam.

6. *Tutus*. Scilicet ab egestate. — *Caret obsoleti*, etc. Ille domum non habet sordidam, et neglectam, neque altam et magnificam, cui invidere possit: sic ista sua sobrietate ac temperantia præstat, ut nec inopiam nec invidiam reformidet.

8. *Sobrius*. Sibi temperans. — *Aula*. Edibus splendidis.

12. *Fulmina*. Alii legunt *fulgura*

13. *Sperat*, etc. Pectus bene præparatum, id est, animus, sive homo, ad utramque fortunam comparatus, moderatus et sapiens, in rebus infestis et adversis sperat alteram sortem, hoc est, fortunam prosperam, et in secundis, metuit alteram sortem, nempe fortunam adversam; eoque se metu ab insolenti lætitia temperat.

17. *Submovet*. Abigit, adducit, succedente vere. — *Non, si*, etc. Si est tibi male nunc; non sic, id est, non eodem modo, non item male erit olim, id est postea, in posteram.

18. *Quondam*, etc. Apollo non semper exitialem arcum tendit, ut hominibus pestem et calamitatem immittat; sed interdum cithara canit.

19. *Tacentem musam*. Intermissa carmina.

Rebus angustis animosus atque
 Fortis appare; sapienter idem
 Contrahes vento nimium secundo
 Turgida vela.

23. *Contrahes, etc.* Collige vela, cum cundis, nec plus justo intumesces, ac vento nimium secundo turgent; id faventi fortunæ non nimis credes. est, si sapis, te comprimes in rebus se-

ODE VIII.

Ad Q. Hirpinum.

Omittendæ curæ inutiles; genio tantisper indulgendum.

Quid bellicosus Cantaber, et Scythes,
 Hirpine Quinti, cogitet, Adria
 Divisus objecto, remittas
 Quærere; nec trepides in usum
 5 Poscentis ævi pauca. Fugit retro
 Lævis juvenitas, et decor, arida
 Pellente lascivos amores
 Canitie, facilemque somnum.
 Non semper idem floribus est honos
 10 Vernis; neque uno luna rubens nitet
 Vultu. Quid æternis minorem
 Consiliis animum fatigas?
 Cur non sub alta vel platano, vel hac
 Pinu jacentes sic temere, et rosa
 15 Canos odorati capillos,
 Dum licet, assyriaque nardo

1. *Cantaber.* Hispaniæ populus, ab Agrippa domitus, anno ab U. C. 734. Octo post annis circiter, Scythæ bellum agitarunt. — *Scythes.* Scythæ sunt populi Europæ, ad septentrionem.

2. *Cogitet.* Mollatur in Romanos; quæ bella meditetur.

3. *Objecto.* Mare adriaticum, quasi vallum est objectum Scythis ne impetum faciant in Italiam. — *Remittas.* Parcas, fugias: noli quærere.

4. *Nec trepides.* Ne trepide et anxie sis sollicitus. — *In usum, etc.* Id est, ad comparandas res utiles et necessarias vitæ et naturæ, quæ pauca poscit, exiguo contenta est.

7. *Lævis.* Nitida, tenera, imberbis. Alii legunt (sed malè) *levis*, id est in-

constans, stare diu nescia. — *Arida.* Macilenta, rugosa.

8. *Canitie.* Senectute.

9. *Honos.* Pulchritudo.

11. *Quid æternis, etc.* Ordo est, quid fatigas et vexas animum tuum æternis consiliis, quibus minor et impar es.

14. *Sic temere.* Ut casus tulerit, ut cuique libuerit.

15. *Canos.* Erat enim jam senior Horatius, quum hæc scriberet. — *Odorati.* Habentes capillos rosis odoriferis coronatos.

17. *Dum licet.* Per valetudinem, per ætatem. — *Nardo.* Unguenti pretiosi genus est, confectum e nardo, planta indica, quæ in Syriam advecta, inde Romam deferabatur.

Potamus uncti ? Dissipat Evius
 Curas edaces. Quis puer ocius
 Restinguet ardentis falerni
 Pocula prætereunte lympa ?

20

17. *Evius*. Bacchus.18. *Puer*. Servus.19. *Restinguet pocula*. Vini falernicalorem restinguet, demersa in frigidam
 aquam amphora.20. *Prætereunte*. Vicina et currente.

ODE IX.

*Ad Mæcenatem.**Se celebrandis magnis rebus imparem proficitur. Ejus uxorem laudat.*

Nolis longa feræ bella Numantiæ,
 Nec durum Annibalem, nec siculum mare
 Pæno purpureum sanguine, mollibus
 Aptari citharæ modis :
 4 Nec sævos Lapithas, et nimium mero
 Hylæum ; domitosque herculea manu
 Telluris juvenes, unde periculum
 Fulgens contremuit domus
 Saturni veteris. Tuque pedestribus
 10 Dices historiis prælia Cæsaris,
 Mæcenas, melius, ductaque per vias
 Regum colla minacium.
 Me dulces dominæ Musa Licymniæ
 Cantus, me voluit dicere lucidum

1. *Nolis, etc.* Ne me jubeas aptare modis citharæ, id est, lyricis modis et versibus canere, bellum numantinum, etc. — *Longa*. Quæ annos tenere. — *Numantiæ*. Urbs erat Hispaniæ, a Scipione Africano excisa.

2. *Annibalem*. Qui causam et initium dedit bello punico secundo. — *Durum*. Reformidandum, vel laborum patientem. — *Siculum mare, etc.* Siculi a Romanis sæpe, imprimis bello primo punico, victi navalibus præliis fuere.

3. *Purpureum*. Rubens.

5. *Lapithas*. Thessaliæ populos. — *Nimium mero*. Vino largius hausto ferum et impotentem : erat *Hylæus* unus e Centauris. Alludit poeta ad Antonium, ebriosum imperatorem.

7. *Telluris juvenes*. Gigantes ; maxime vero duos, Othum et Ephialten, ceteris audaciores. Videtur Brutum et Cassium

istis verbis adumbrare. — *Unde*. A quibus Gigantibus.

8. *Domus Saturni*. Cælum. Vetus dicitur Saturnus, quia deorum antiquissimus.

9. *Pedestribus historiis*. Prosa scriptis.

11. *Per vias*. Romæ : maxime per viam sacram, per quam in Capitolium triumphantes vehebantur. — *Minacium*. Qui antea erant minaces.

13. *Me, etc.* Ordo est : Musa me voluit dicere, et omissis bellicis argumentis, celebrare potius Licymniæ canoram vocem, formam, fidelitatem. — *Dominæ*. Uxores vocari solebant dominæ. — *Licymniæ*. Fictum nomen Terentiæ, quæ fuit uxor Mæcenatis.

14. *Lucidum*. Pro lucide, neutra enim adjectivorum apud Latinos, itidem ut apud Græcos, sæpe usurpantur pro

- 15 Fulgentes oculos, et bene mutuis
Fidum pectus amoribus.
Quam nec ferre pedem dedecuit choris,
Nec certare joco, nec dare brachia
Ludentem nitidis virginibus, sacro
- 20 Dianæ celebris die.
Num tu, quæ tenuit dives Achæmenes,
Aut pinguis Phrygiæ mygdonias opes,
Permutare velis crine Licymniæ,
Plenas aut Arabum domos?

adverbis : sic, dulce ridens, pro dulciter : torva tuens, pro torve, etc.

17. *Quam, etc.* Quæ maxima cum dignitate saltat in choris, jocatur in circulis, cum virginibus movetur ad numerum, consertis in orbem brachiis, in Dianæ festis.

19. *Ludentem.* Saltantem.

21. *Num tu, etc.* An velles dare et permutare omnia, quæ Achæmenes, rex Persarum ditissimus, olim obtinuit et possedit, aut opes Mygdonis, regis Phrygiæ, aut Arabum divitias, pro uno Lycimniæ crine? Certe malles unum ejus crinem quam illa omnia. Phrygia, Arabia, regiones Asiæ.

ODE X.

In arborem, cujus casu pæne oppressus fuerat.

- Ille et nefasto te posuit die,
Quicumque primum, et sacrilega manu
Produxit, arbos, in nepotum
Perniciem, opprobriumque pagi :
- 5 Illum et parentis crediderim sui
Fregisse cervicem, et penetralia
Sparsisse nocturno cruore
Hospitis : ille venena colcha,
Et quidquid usquam concipitur nefas,
- 10 Tractavit, agro qui statuit meo
Te, triste lignum, te caducum
In domini caput immerentis.
Quid quisque vitet, nunquam homini satis
Cautum est in horas. Navita Bosphorum

1. *Ille, etc.* O arbos, quicumque te primum posuit, ille te posuit et die nefasto, et manu sacrilega produxit, etc. — *Posuit.* Plantavit. — *Nefasto die.* Infelici, funesto.

3. *Produxit.* Educavit, protulit.

5. *Illum et.* Istud et refertur ad primum et, positum in primo versu primæ strophæ.

6. *Fregisse cervicem.* Scilicet laqueo, strangulasse. — *Penetralia, etc.* Inte-

riorem partem domus noctu inquinasse sanguine hospitis a se occisi.

8. *Colcha.* Colchis est Asiæ regio, prope Pontum, ubi venena præsentissima nascuntur.

11. *Caducum.* Quod cecidisti.

14. *Cautum est.* Provisum est. — *In horas.* Horis singulis. — *Bosphorum.* Est fretum angustum et periculosum, inter mare ægæum et Propontidem; Hellespontus alio nomine.

- 15 **Pœnus perhorrescit, neque ultra**
 Cæca timet aliunde fata.
Miles sagittas et celerem fugam
Parthi; catenas Parthus et Italum
 Robur: sed improvisa leti
- 20 **Vis rapuit, rapietque gentes.**
Quam pæne furvæ regna Proserpinæ,
Et judicantem vidimus Æacum,
 Sedesque discretas piorum, et
 Æoliis fidibus querentem
- 25 **Sappho puellis de popularibus;**
Et te sonantem plenius aureo,
 Alcæe, plectro dura navis,
 Dura fugæ mala, dura belli!
Utrumque sacro digna silentio
- 30 **Mirantur umbræ dicere; sed magis**
 Pugnas, et exactos tyrannos
 Densum humeris bibit aure vulgus.
Quid mirum, ubi illis carminibus stupens
Demittit atras bellua centiceps
- 35 **Aures, et intorti capillis**
 Eumenidum recreantur angues?
Quin et Prometheus, et Pelopis parens,

15. *Pœnus*. Carthaginensis: pro quolibet ponitur navita. — *Ultra*. Præterea.

16. *Cæca*. Inexpectata, ignota.

17. *Fugam*. Simulabant fugam Parthi, et inter fugiendum arcu converso in hostem, ex humeris tela jaculabantur, quibus persequentes enecabant.

18. *Italum robur*. Vires romanas.

19. *Improvisa*. Quam nemo certe potest providere et prospicere.

21. *Quam pæne, etc.* Nihil propius factum est, quam ut istius arboris casu interirem. — *Proserpinæ*. Uxor Plutonis, Cereris filia.

22. *Æacum*. Tres erant apud inferos noti iudices: Minos, Æacus, et Rhadamanthus.

23. *Sedes piorum*. Campos Elysios. — *Discretas*. Pils assignatas.

24. *Æoliis*. Sappho fuit poetria, oriunda e Lesbo insula, in qua urbes quædam æolicæ dittonis erant; itaque idem est hic, æoliis, atque lesblis. — *Querentem de puellis*. Ob probra in se jactata.

25. *Sappho*. Est accusativus græcus: Sapphonem. — *Popularibus*. Eiusdem populi et loci.

26. *Sonantem*. Canentem. — *Ple-*

nus. Alcæus habet stylum grandiore et pleniorum quam Sappho; agit enim de rebus bellicis: et ipse gravia cum patris sue tyrannidis bella gesserat, interdum victor, coactus fugere, etc.

27. *Alcæe*. Fuit Alcæus poeta lyricus, ejusdem insulæ ac Sappho, et urbis Mitylenes civis, in eadem insula.

28. *Mala*. Quæ ipse vivus pertulerat.

29. *Utrumque*. Sapphonem, et Alcæum. — *Sacro*. Religioso, quali divinarum res et sacræ audiuntur.

31. *Exactos, etc.* Pulsos.

32. *Densum humeris*. Habens humeros densatos et pressos, ut sit in congesta multitudine. — *Bibit aure*. Audit avidè.

33. *Quid mirum, etc.* Non est mirum illos audiri tam attente ab umbris inferorum; siquidem ipse Cerberus, etc.

34. *Centiceps*. Tria vulgo capita Cerbero affingunt poetæ, interdum centena.

36. *Eumenidum*. Furiarum.

37. *Prometheus*. Japeti filius; qui quod ignem hominibus a diis iratis ereptum restituisset, admota ad currum solis tæda, detrusus est ad inferos; ubi vultur ejus jecur immortale rodit. — *Pelopis parens*. Tantalus, qui medlis in aquis sitit.

Dulci laborum decipitur sono :
Nec curat Orion leones
Aut timidos agitare lyncas.

38. *Dulci, etc.* Ordo est : laborum decipitur, id est, obliviscitur, seu nullo suarum poenarum sensu afficitur : *dulci sono*, hoc est, ob dulcia Alcæi carmina.

39. *Orion.* Venator, dum viveret, insignis, eandem artem apud inferos agi-

tare dicitur; quam tamen libenter omit- tit, ut Alcæum audiat.

40. *Lyncas.* Lynx fera est cervo si- millis, varia et maculosa pelle, oculis acutissimis.

ODE XI.

Ad Postumum.

Nec vitari mortem posse, nec retardari; divitiis, dum vivimus, liberaliter utendum.

Eheu! fugaces, Postume, Postume,
Labuntur anni; nec pietas moram
Rugis et instanti senectæ
Afferet, indomitæque morti;

5 Non, si trecentis, quotquot eunt dies,
Amice, places illacrimabilem

Plutona tauris, qui ter amplum
Geryonem Tityonque tristi

10 Compescit unda, scilicet omnibus,
Quicumque terræ munere vescimur,
Enaviganda, sive reges,

Sive inopes erimus coloni.

Frustra cruento Marte carebimus,
Fractisque rauci fluctibus Adriæ;

15 Frustra per autumnos nocentem

2. *Labuntur anni.* Fluminis instar celeriter currunt. — *Pietas.* Deorum cultus, sacrificia. — *Nec pietas, etc.* Tua virtus et pietas senectutem et mor- tem non retardabit.

4. *Indomitæ.* Morti inexorabili vel inexpugnabili.

5. *Non, si, etc.* Non effugies mortem, vel si placare coneris Plutonem sacrificio quotidiano trecentorum boum.

6. *Illacrimabilem.* Activam ista vox habet hic significationem: nempe lacri- mari nescium, indocilem flecti lacrimis.

8. *Geryonem.* Ab Hercule occisus fuit. — *Ter amplum.* Tricorporeum. — *Ti- tyon.* Fuit Tityus unus e Gigantibus; ejus præcordia semper nascentia aquila lancinare fingitur.

9. *Compescit.* Inclusos tenet, prohi- betque ne ad superos emergant. — *Unda.* Nempè Styge.

10. *Terræ munere.* Pane, frugibus.

11. *Enaviganda.* Quam undam omnes debemus enavigare. — *Reges.* Divites, potentes.

12. *Coloni.* Agricolæ.

13. *Frustra, etc.* Frustra vel hoc vel illud periculum vitabimus ad vitam diu producendam, quandoquidem ino- pinato mortis genere nobis fortasse erit moriendum. — *Marte, etc.* A bello abstinebimus, et a navigatione.

14. *Fractis.* Agitati fluctus alliduntur et franguntur ad littora; unde ingens murmur.

15. *Nocentem Austrum.* Austro flat a

Corporibus metuemus Austrum.

Visendus ater flumine languido

Cocytus errans, et Danaï genus

Infame, damnatusque longi

20 Sisyphus Æolides laboris.

Linquenda tellus, et domus, et placens

Uxor; neque harum, quas colis, arborum

Te, præter invisas cupressos,

Ulla brevem dominum sequetur.

25 Absuimet heres cæcuba dignior,

Servata centum clavibus, et mero

Tinget pavementum superbum,

Pontificum potiore cœnis.

meridie, et morbos humido calore ac febres affert.

16. *Metuemus*. Et quantum fieri potest, cavebimus ne noceat.

17. *Visendus Cocytus*. Id est, moriendum est. — *Flumine languido*. Id est, fluctu, motu lento.

18. *Cocytus*. Inferorum fluvius. — *Danaï genus*. Danaides, filiae Danaï; quæ, quod suos sponso, Ægypti patrui sui filios, interemissent, ea damnatæ poena sunt, ut aquam immittant in dolum pertusum.

20. *Sisyphus*. Æoli filius, latrocinii infamis: in Tartaro saxum in cacumen montis propellit, quod semper sua sponte devolvitur, longo labore et irritò.

21. *Placens*. Dulcis, quam diligit.

23. *Cupressos*. Cupressini rami agebantur pro foribus ejus domus, in qua quis diem obliisset. — *Invisas*. Quia mortem significant. Eodem ligno cadavera cremabantur.

24. *Brevem*. Brevi tempore viventem.

25. *Absuimet, etc.* Hercules tuus effusissime consumet quæ tu nimis parce conquisivisti. — *Cæcuba*. Vina generosa, nata in Cæcubis, agris Campaniæ. — *Dignior*. Te dignior; quippe qui utatur bonis, quibus tu male parcis.

27. *Tinget, etc.* Effundet in pavementum, et disperdet. — *Superbum*. Splendidum, magnificum. Alii legunt *superbo*, id est mero generoso.

28. *Potiore cœnis*. Præstantiore vino quam quod in cœnis pontificum apponitur.

ODE XII.

Antiquam parcimoniam recenti luxui opponit.

Jam pauca aratro jugera regiæ

Moles relinquent: undique latius

Extenta visentur Lucrino

Stagna lacu, platanusque cælebs

5 Evincet ulmos: tum violaria, et

1. *Jam pauca, etc.* Edificia superba et magnis molibus ac substructionibus, regiarum instar ædium, exstructa, relinquent brevi pauca, quæ arari possint, jugera.

2. *Undique visentur*. Ubique conspiciere licebit. — *Stagna*. Piscinæ ma-

rinæ. — *Latius extenta Lucrino*. Latiora ipso Lucrino lacu.

3. *Lucrino lacu*. Erat in sinu balano prope lacum Avernum.

4. *Cælebs*. Quæ vitibus non maritatur: sterilis.

5. *Evincet*. Removebit, loco cedere

Myrtus, et omnis copia narium,
 Spargent olivetis odorem
 Fertilibus domino priori:
 Tum spissa ramis laurea fervidos
 Excludet ictus. Non ita Romuli
 Præscriptum, et intonsi Catonis
 Auspiciis, veterumque norma.
 Privatus illis census erat brevis,
 Commune magnum: nulla, decempedis
 Metata, privatis opacam
 Porticus excipiebat Arcton;
 Nec fortuitum spernere cespitem
 Leges sinebant, oppida publico
 Sumptu jubentes et deorum
 Templa novo decorare saxo.

coget; honore ac numero superabit ulmos. — *Violaria*. Loca violis consita.

6. *Copia narium*. Opes ac divitiarum narium, nempe flores, qui nares juvant suavi odore.

7. *Olivetis*. In locis quæ prius oleis erant consita, et fertilla, ac proinde utilla domino priori.

9. *Laurea*. Laurus.

10. *Ictus*. Solis radios ardentes.

11. *Intonsi*. Impexi et inculti, alieni ab omni luxu.

12. *Auspiciis*. Exemplis, auctoritate. — *Norma*. Consuetudine veterum et moribus, qui recta nobis vivendi norma et regula esse debent.

13. *Census*. Bona quæ censu æstimantur; res familiaris.

14. *Commune*. Publica res, ædes, opes publicæ et communes. — *Magnum*. Erat splendidum et amplum. — *Decempedis*, etc. Non habebant privati, ut nunc fit, porticus oppositas septentrioni,

et decempedis metatas. Decempeda est mensura decem pedum. — *Privatis*. Apud privatos homines.

15. *Metata*. Emensa, mensurata. — *Opacam*. Id est, umbrosam: quia porticus septentrioni obversa erat, unde sol meridians illam porticum non videbat.

16. *Arcton*. Significat ea vox proprie ursam, signum septentrionale. In hoc vero loco significat ventum frigidum, a septentrione et Arcto flantem, quo æstivi calores lenirentur; et cui obversa erat porticus, ut exciperet auram frigidam.

17. *Fortuitum*. Ubique sorte obvium, vel a sorte assignatum. — *Cespitem*. Casam ex cespite factam.

18. *Oppida*. Publica oppidorum ædificia.

20. *Novo*. Aliunde quæsito et recens exciso, vel cujus non frequens usus erat.

ODE XIII.

Ad Grosphum.

Animi tranquillitatem, non opibus aut honoribus, sed eorum contemptu comparari.

Otium divos rogat in patenti
 Prensus ægæo, simul atra nubes
 Condidit lunam, neque certa fulgent
 Sidera nautis:

2. *Prensus*. Homo nauta, tempestate subita deprehensus, in vasto mari. — *Ægæo*. Mare ægæum est inter Græciam,

et minorem Asiam. — *Simul*. Simul atque, postquam.

3. *Certa*. Quæ illius cursum certo re-

- 5 Otium bello furiosa Thrace,
Otium Medi pharetra decori,
Grosphæ, non gemmis, neque purpura ve-
nale, nec auro.
Non enim gazæ, neque consularis
10 Summovet lictor miseros tumultus
Mentis, et curas laqueata circum
Tecta volantes.
Vivitur parvo bene, cui paternum
Splendet in mensa tenui salinum;
15 Nec leves somnos timor, aut cupido
Sordidus aufert.
Quid brevi fortes jaculamur ævo
Multa? quid terras alio calentes
Sole mutamus? patriæ quis exsul
20 Se quoque fugit?
Scandit æratas vitiosa naves
Cura, nec turmas equitum relinquit,
Ocior cervis, et agente nimbos
Ocior Euro.
25 Lætus in præsens animus, quod ultra est,
Oderit curare, et amara lento
Temperet risu. Nihil est ab omni
Parte beatum.

gere possint: quæ certo et constanter appareant.

5. *Otium*, etc. Subaudi, rogat deos. — *Thræce* autem idem est ac *Thracia*, Europæ regio, supra Græciam et ægæum mare sita, belli artibus clara.

6. *Medi*. Parthi.

7. *Venale*. Quod otium emi non potest gemmis, auro, etc.

9. *Gazæ*. Opes. Proprie vox ea significat Persarum thesauros.

10. *Lictor*. Erat publicus minister, qui magistratibus præibat, ac fasces præferebat, etc. Illius munus erat submovere populum, ut eunti consuli via pateret, tumultum cohibere, etc. — *Tumultus mentis*. Metus, sollicitudines.

11. *Laqueata*. Laquearibus pictis, aureis ornata, id est, domum divitum.

13. *Vivitur*, etc. Ille vivit felix, qui contentus est parvis opibus a parentibus acceptis, qui sobrius ac temperans est.

14. *Salinum*. Vasculum salis. — *Splendet*. Vel proprie ob externam munditiam, vel quia in mensis veterum præcipua quadam religione sal apponebatur, et sacer esse putabatur. Ponitur hic salinum pro cetera suppellectile.

15. *Cupido sordidus*. Avaritia.

17. *Quid brevi*, etc. Cur in tanta vitæ brevitate, multa fortiter et animose, quasi diu victuri, molimur et destinamus?

18. *Quid terras*, etc. Cur, quæstus et lucri scilicet causa, migramus in longinquas oras, calidiores, aut frigidiores, ubi sol proinde alius videtur esse, atque est in patria nostra quam relinquimus?

19. *Quis exsul*, etc. Quis patriam fugiens, et voluntarium quodam modo exsillum suscipiens, se quoque, suas cupiditates, et curas fugere potest? Nemo certe. Quum patriam quis relinquit, sequuntur eum curæ, et in eandem cum eo navim scandunt, etc.

21. *Æratas*. Rostra navium, seu proræ, et anteriores partes, ære et ferro muniebatur. — *Vitiosa*. Quæ animum vitiat, vel quæ felicitatem corrumpit.

23. *Agente*, etc. Nubes propellente. Est *Eurus* ventus flans ab oriente.

25. *Lætus*, etc. Animus sit contentus præsentibus, et lætus sua sorte, quæque obtigerit. — *Quod ultra est*. Quod futurum est.

26. *Oderis*. Fugiat, caveat. — *Lento*. Moderato, vel docili, quasi flexibili.

- 30 Abstulit clarum cita mors Achillem;
 Longa Tithonum minuit senectus;
 Et mihi forsán, tibi quod negarit,
 Porriget hora.
 Te greges centum, siculæque circum
 Mugiunt vaccæ; tibi tollit hinnitum
 35 Apta quadrigis equa; te bis afro
 Murice tinctæ
 Vestiunt lanæ: mihi parva rura, et
 Spiritum graiæ tenuem Camenæ
 Parca non mendax dedit, et malignum
 40 Spernere vulgus.

30. *Tithonum.* Fuit Tithonus Auroræ maritus: cui quum vitam longissimam, imo ipsam immortalitatem, uxor a Jove exorasset, gravi et molesta senectute confectus, rursus ab eodem Jove mortis beneficium flagitavit.

32. *Porriget hora.* Occasio, tempus.

33. *Siculæ.* Pingues: quia in Sicilia erant læta pascua: v. l., quia Grosphus ipse agros in Sicilia habebat.

34. *Tibi, etc.* In tua commoda hinniens equa: vel, equa plurima in tuis gregibus tibi hinnit: quippe quæ tua sit.

35. *Apta quadrigis.* Tam generosa ut quadrigis in certamine curuli jungi possit.

36. *Murice.* Purpureo colore; qui ut esset vividior et diuturnior, bis eo lanæ tingeantur.

37. *Rura.* Villam in agro sabino.

38. *Spiritum, etc.* Ingenium aptum ad lyricos versus, Græcorum exemplo faciendus.

39. *Non mendax.* Tenax veri, immutabilis. — *Malignum.* Invidiosum. — *Spernere.* Scilicet dedit, id est, concessit mihi hoc ut spernerem.

ODE XIV.

Ad Mæcenatem.

Mæcenatem de morborum et senectutis incommodis querentem consolatur, elique se superstitem fore negat.

- Cur me querelis exanimas tuis?
 Nec dis amicum est, nec mihi, te prius
 Obire, Mæcenas, mearum
 Grande decus columenque rerum.
 5 Ah! te mæx si partem animæ rapit
 Maturior vis, quid moror altera,

1. *Querelis.* Mæcenas, quum incommoda uteretur valetudine, queri solitus erat de morbi, vel etiam de vitæ diuturnitate, quæ molesta ægrotis, aut parum valentibus esse solet.

2. *Amicum est.* Gratum.

5. *Partem animæ.* Virgilium alibi vocat animæ dimidium suæ.

6. *Maturior vis.* Mors ante constitutum vitæ terminum accelerata. — *Moror.* Scilicet in his terris. — *Altera.* Ego animæ meæ pars altera.

- Nec carus æque, nec superstes
 Integer? ille dies utramque
 Ducet ruinam. Non ego perfidum
 10 Dixi sacramentum : ibimus, ibimus,
 Utcumque præcedes, supremum
 Carpere iter comites parati.
 Me nec Chimærae spiritus igneæ,
 Nec, si resurgat centimanus Gyas,
 15 Divellet unquam : sic potenti
 Justitiæ, placitumque Parcis.
 Seu Libra, seu me Scorpius adspicit
 Formidolosus, pars violentior
 Natalis horæ, seu tyrannus
 20 Hesperia Capricornus undæ;
 Utrumque nostrum incredibili modo
 Consentit astrum. Te Jovis impio
 Tutela Saturno refulgens
 Eripuit, volucrisque fati
 25 Tardavit alas; quum populus frequens
 Lætum theatri ter crepuit sonum;
 Me truncus illapsus cerebro
 Sustulerat, nisi Faunus ictum
 Dextra levasset, mercurialium
 30 Custos virorum. Reddere victimas

7. *Nec carus æque.* Vitam non amplius jucundam ducam. — *Nec superstes integer.* Sublata nempe altera animæ parte.

8. *Utrumque, etc.* Tuam et meam.

9. *Non ego, etc.* Non temere juravi, non animo perfido, et pejerare volens promisi, nos una ituros ad tumulum.

10. *Sacramentum.* Jusjurandum proprie est juramenti formula, quam dicunt milites, quum nomen militiæ dant.

11. *Utcumque.* Quandocumque. — *Præcedes.* Prior e vita migrabis.

13. *Chimæra.* Fuit mons in Lycia, flammam evomens : monstrum sinxerunt poetæ, capite leonino, caprino ventre, draconis cauda. — *Spiritus.* Halitus, flatus.

14. *Gyas.* Unus e Gigantibus; quem centum habuisse manus fingunt poetæ.

15. *Divellet.* A te separabit.

16. *Justitiæ.* Quasi postulare vellet æquitas ac justitia, ut duo amici conjunctissimi non nisi eodem tempore morerentur.

17. *Libra, Scorpius.* Sunt duo signa coelestia, septimum et octavum in Zodiaco. *Libra,* est boni omnis sidus. — *Adspicit.* Mihi nascenti præfuit.

18. *Formidolosus.* Metuendus, gravis. — *Pars violentior, etc.* Qui Scorpius, ex omnibus astris, quæ locum in meo habent horoscopo, est inimicissimum sidus.

20. *Capricornus.* Signum declinatum Zodiaci, mali omnis sidus.

21. *Utrumque, etc.* Certe astra, quæ nostræ nativitati præfuerunt, valde inter se consentiunt. Probat hoc a gemino eventu.

22. *Te Jovis, etc.* Sidus tutelare Jovis, contra impli Saturni infaustum sidus fulgens, periculo, quod illud tibi portendebat, eripuit. *Impius Saturnus* vocatur, quia liberos devorabat, ut poetæ canunt.

24. *Fati.* Mortis. Ereptus e gravi morbo Mæcenas fuerat. Valetudinem ejus tribuit Horatius propitio Jovi.

27. *Truncus.* Scilicet arboris.

28. *Sustulerat.* Procul dubio occidisset. — *Faunus.* Horatius suam salutem ita Fauno tribuit, ut astrorum vi benigna factum esse velit, quod servatus a Fauno fuerit.

29. *Mercurialium virorum.* Qui ingenias artes colunt, poetarum scilicet.

**Ædemque votivam memento :
Nos humilem feriemus agnam.**

31. *Ædemque votivam.* Templum fortunæ congruentem. — *Agnam.* Quæ voto, si convalesceres, promissum. hostia Fauno immolari solita erat.
32. *Humilem.* Tenuem victimam meis

— — — — —
ODE XV.

Modico contentus, Romanorum luxum et avaritiam insectatur, mortalitatis
vectigales esse, quotquot vivunt, monendo.

- Non ebur, neque aureum
Mea renidet in domo lacunar :
Non trabes hymettiae
Premunt columnas ultima recisas
5 Africa : neque Attali
Ignotus heres, regiam occupavi :
Nec laconicas mihi
Trahunt honestæ purpuras clientæ.
At fides, et ingeni
10 Benigna vena est; pauperemque dives
Me petit. Nihil supra
Deos lacesso; nec potentem amicum
Largiora flagito,
Satis beatus unicus Sabinis.
15 Truditur dies die,
Novæque pergunt interire lunæ :
Tu secunda marmora
Locas sub ipsum funus, et, sepulcri
Immemor, struis domos :
20 Marisque Baiis obstrepentis urges

2. *Renidet.* Splendet, ridet. — *Lacunar.* Idem est quod laquear.

3. *Hymettiae.* Cæsæ in silvis montis Hymetti, in Attica.

5. *Africa.* In Numidia, ubi marmor eximium.

7. *Laconicas.* Lanas tinctas apud Tænarum, Laconicæ in Peloponneso promontorium, ubi eximius capiebatur murex.

8. *Trahunt.* Nent, ducunt. — *Honestæ clientæ.* Feminae honesto loco natae, quarum ego patronus sim.

9. *Fides.* Vitæ probitas et integritas. — *Ingeni benigna vena.* Ingenium ex fonte largo affluens.

11. *Me petit.* Me amblt, consultit, co-

lit; ego pauper, ob fidem, et ingenium, divitiis in honore et pretio sum.

12. *Lacesso.* Flagito. — *Amicum.* Mæcenatem.

14. *Sabinis.* Villa mea, in agro sabino.

15. *Truditur.* Expellitur et decedit, alio die ipso succedente.

17. *Tu secunda, etc.* Tu, o quisquis es, sub ipsam mortem, paulo ante obitum qui tibi imminet, conducis homines, qui secent tibi marmora, struendis novis domibus.

20. *Baiis obstrepentis.* Balas alluentis. Ad sinum balanum, non procul Neapoli, propter amoenitatem loci, sedes multæ

- Summovere littora ,
 Parum locuples continente ripa.
 Quid , quod usque proximos
 Revellis agri terminos , et ultra
 25 Limites clientium
 Salis avarus ? Pellitur paternos
 In sinu ferens deos
 Et uxor , et vir , sordidosque natos.
 Nulla certior tamen
 30 Rapacis Orci fine destinata
 Aula divitem manet
 Herum. Quid ultra tendis ? Æqua tellus
 Pauperi recluditur ,
 Regumque pueris : nec satellites Orci
 35 Callidum Promethea
 Revexit , auro captus. Hic superbum
 Tantalum , atque Tantalī
 Genus coercet : hic levare functum
 Pauperem laboribus
 40 Vocatus atque non vocatus audit.

videbantur , a nobilibus extractæ. — *Urges. Festinas.*

21. *Summovere.* Ulterius protendere, jactis molibus, quæ mare arceant et removeant; littus vero promoveant et proferant.

22. *Parum, etc.* Non satis habes si ripam continentem possideas : occupas etiam littus excluso et emoto mari.

23. *Quid, quod.* Pro immo, adde quod.

24. *Revellis agri terminos.* Præter jus et fas vicini agri partem tibi vindicas.

26. *Salis.* Exsillis, transcendis. — *Pellitur, etc.* Pelluntur pauperes rustici, te illorum agros invadente.

28. *Sordidos.* Inopes et pannosos, quippe a te spoliatos.

29. *Nulla, etc.* Ordo est : nulla tamen aula manet divitem herum certior sine destinata rapacis Orci, id est locorum inferorum destinatis cuique finibus.

32. *Tendis.* Cur spem vanam ultra vitæ terminum prorogas ?

33. *Recluditur.* Aperitur. Tumulus reges ac pauperes perinde accipit.

34. *Satellites Orci.* Charon, inferorum custos et portitor, ac Plutonis quasi satellites.

35. *Callidum, etc.* Prometheus callidus dicitur, quia coelestem ignem astu e caelo in terras detulit, inscio Jove, a quo eam ob rem detrusus est in inferos, et vulturi traditus, secunda in pœnas viscera devoranti.

37. *Tantalum.* Is, præ superbia, deos, quos ad convivium vocaverat, falli a se posse speravit, illisque Pelopem, filium suum, epulandum apposuit. — *Tantalī genus.* Atreum, Thyestem, Agamemnonem.

38. *Coercet.* Continet, ne fugiant. — *Vocatus levare.* Id est, ut levet. — *Audit.* Præsto est.

ODE XVI.

Sibi fas esse Bacchi laudes, ut ejus numine pleno et concitato, canere.

- Bacchum in remotis carmina rupibus
 Vidi docentem (credite, posteri),
 Nymphasque discentes, et aures
 Capripedum Satyrorum acutas.
 5 Evoe! recenti mens trepidat metu,
 Plenoque Bacchi pectore turbidum
 Lætatur. Evoe! parce, Liber,
 Parce, gravi metuende thyrso.
 Fas pervicaces est mihi Thyadas,
 10 Vinique fontem, lactis et uberes
 Cantare rivos, atque truncis
 Lapsa cavis iterare mella.
 Fas et beatæ conjugis additum
 Stellis honorem, tectaque Penthei
 15 Disjecta non levi ruina,
 Thracis et exitium Lycurgi.
 Tu flectis amnes, tu mare barbarum;
 Tu separatis uvidus in jugis
 Nodo coerces viperino

1. *Remotis*. Scilicet ab hominum conspectu.

4. *Acutas*. Ad audiendum erectas.

5. *Evoe!* O Bacche! dictus est Evius, vel Evæus, a Jove, quum rem in Gigantes strenue gereret: solita bacchantium exclamatio. — *Mens*, etc. Adhuc attonitus sum, et sacro quodam horrore percitus, nempe ob visum numen.

7. *Liber*. Sic vocatur Bacchus, quia magna est in vino libertas, et licentia.

8. *Parce*. Quod mortalis deum conspexerim. — *Gravi metuendo*. Injecto enim thyrso furorem simul injicere putabatur Bacchus. — *Thyrso*. Est hasta pampinis involuta, qua Bacchus armatur.

9. *Fas est*, etc. Quoniam impune Bacchum vidi, et ejus numine sum affatus, licet mihi, tuto possum, ejus laudes canere, sacra describere. — *Pervicaces*. Protervas, petulantes. — *Thyadas*. Bacchas, Menadas.

10. *Vinique fontem*, etc. Hæc omnia Bacchus fecisse dicebatur, quum ex Indis

rediret, in triumphantis morem; nempe vini fontes in siccis agris elicuisse, et lactis rivos, etc.

12. *Iterare*. Iterum atque iterum canere, dicendo ingeminare.

13. *Conjugis*, etc. Coronam nuptialem Ariadnes, quam stellis inseruisti, quum illam a Theseo desertam duxisti.

14. *Penthei*. Pentheus, rex Thebarum, quia Bacchum spreverat, a matre, per Bacchum in furorem acta, disceptus est, et ejus regia eversa.

16. *Lycurgi*. Rex Thraciæ fuit; qui, quum vites tota regione jussisset excindi, a Baccho in furorem actus, et oculis privatus est.

17. *Flectis amnes*. Indum et Gangem, fluvios Indiæ (de qua Bacchus triumphavit), domas, et servire tibi cogis. — *Barbarum*. Indicum.

18. *Separatis*. Remotis, secretis. — *Uvidus*. Vino madidus.

19. *Nodo*, etc. Crines Baccharum (quæ Bistonides dicuntur): Bistonis mu-

20

Bistonidum sine fraude crines.
 Tu, quum parentis regna per arduum
 Cohors Gigantum scanderet impia,
 Rhæcum retorsisti leonis

25

Unguibus, horribilique mala,
 Quanquam choreis aptior et jocis,
 Ludoque dictus, non sat idoneus

Pugnæ ferebaris: sed idem
 Pacis eras mediusque belli.

30

Te vidit insons Cerberus aureo
 Cornu decorum, leniter atterens
 Caudam; et recedentis trilingui
 Ore pedes tetigitque crura.

Herem thraciam significat: Bistones sunt populi Thraciæ vino et Baccho dediti.

20. *Sine fraude.* Ita ut illi angues nihil noceant Bistonidibus.

21. *Parentis. Jovis.* — *Per arduum.* Subaudi, iter: per montes alios aliis aggestos.

22. *Rhæcum.* Unum e Gigantibus. — *Retorsisti, etc.* Tu, in leonem conversus, repulisti et deiecasti cælo, redire ac fugere coegisti Rhæcum, etc.

24. *Mala.* Maxilla, dentibus leonis, quibus eum lacerasti.

25. *Quanquam, etc.* Quanquam dicebaris aptior choreis, etc., et parum idoneus pugnæ.

27. *Sed. Tamen.* — *Pacis mediusque belli.* — Tam pacis et otii amans, quam bello strenuus.

29. *Insons.* Tibi innoxius. Bacchus inferos petivit, ut Ariadnen uxorem eriperet.

30. *Cornu decorum.* Baccho dantur cornua; quia vinum robustos et pugna-ces facit, vel, ut alii volunt, quia Bacchus primus terram junctis bobus excoluit. — *Atterens.* Humum seu corpus cauda mulcens, ut canes dominis blandientes solent.

31. *Recedentis.* Ex inferis. — *Trilingui.* Quia Cerberus est triceps.

ODE XVII.

Ad Mæcenatem.

Æternam sibi famam ex carminibus pollicetur.

Non usitata, nec tenui ferar
 Penna, biformis per liquidum æthera
 Vates; neque in terris morabor
 Longius; invidiæque major
 5 Urbes relinquam. Non ego, pauperum
 Sanguis parentum, non ego, quem vocas

1. *Non usitata.* Paucissimis concessa, quia primus lyricos cantus Romanis intulit. — *Non tenui.* Valida.

2. *Biformis vates.* Ego cui, ut poetæ, binæ formæ, tam hominis quam cœni, concessæ sunt.

4. *Invidiæque major.* Superans invdiam.

5. *Relinquam.* Æthera petens.

6. *Sanguis.* Proles, genus. — *Quem vocas.* Quem ita compellare soles, o dilecte Horati. Alii jungunt *dilecte Mæce-*

- Dilecte, Mæcenas, obibo;
 Nec stygia cohibebor unda.
 Jamjam residunt cruribus asperæ
 10 Pelles, et album mutor in alitem
 Superne, nascunturque leves
 Per digitos humerosque plumæ.
 Jam Dædaleo ocior Icaro,
 Visam gementis littora Bosphori,
 15 Syrtesque gætulas, canorus
 Ales, hyperboreosque campos.
 Me Colchus, et qui dissimulat metum
 Marsæ cohortis Dacus, et ultimi
 Noscent Geloni; me peritus
 20 Discet Iber, Rhodanique potor.
 Absint inani funere næniæ,
 Luctusque turpes, et querimonix:
 Compesce clamorem, ac sepulcri
 Mitte supervacuos honores.

nas, et sic, quem ad te vocas, o dilecte Mæcenas.

8. *Nec stygia, etc.* Non petam inferos, non moriar.

9. *Residunt.* Adhærescunt. — *Asperæ pelles.* Instar squamularum, quibus cynorum crura integuntur.

10. *Album alitem.* Cynum.

11. *Superne.* Quod ad superiorem corporis partem attinet.

12. *Dædaleo.* Filio Dædali, qui pennas sibi aptavit, etc. — *Ocior.* Alti legunt (et quidem melius) *tutior* vel *causior*; alii *notior*.

13. *Visam.* Volando petam. — *Gementis.* Ob procellas, quæ in eo frequentes excitantur.

14. *Canorus ales.* Cynus.

15. *Hyperboreosque.* Septentrionales, Boreæ subjectos.

16. *Colchus.* Populus Asiæ juxta Pontum, ad quem Jason cum Argonautis navigavit.

17. *Marsæ cohortis.* Marsi erant Ita-

liæ populi, qui pedestri pugna inprimis valebant. — *Dacus.* Europæ populus ad septentrionem. — *Dissimulat metum.* Dum revera timet, fingit tamen non timere.

18. *Geloni.* Scythiæ erant vicini, ad septentrionem. — *Peritus.* Scilicet litterarum. — *Discet.* Cantibus meis attentas aures præbebit.

19. *Iber.* Hispanus, ab fluvio Ibero, sic dictus; *l'Èbre.* — *Rhodanique potor.* Rhodanus, gallice *le Rhône*, fluvius est Galliæ lugdunensis.

20. *Absint, etc.* Noli, o Mæcenas, tristibus næniis meum funus prosequi. *Nænia* est cantus lugubris. — *Inani.* Quia mihi, mutato in cynum, inutile funus erit, ubi nullum cadaver, nullus mortuus; ero enim immortalis.

21. *Turpes.* Indigni me, qui semper victurus sum.

22. *Clamorem.* Magna voce mortuos valere extremum jubebant.

23. *Mitte.* Omitte.

LIBER TERTIUS.

ODE I.

Non in opibus aut honoribus vitam beatam esse positam.

Odi profanum vulgus et arceo.

Favete linguis : carmina non prius

Audita, Musarum sacerdos,

Virginibus puerisque canto.

5 Regum timendorum in proprios greges,

Reges in ipsos imperium est Jovis,

Clari giganteo triumpho,

Cuncta supercilio moventis.

Est, ut viro vir latius ordinet

10 Arbusta sulcis; hic generosior

Descendat in campum petitor;

Moribus hic meliorque fama

Contendat; illi turba clientium

Sit major; æqua lege necessitas

15 Sortitur insignes, et imos :

Omne capax movet urna nomen.

Districtus ensis cui super impia

1. *Profanum*. *Profanus* proprie dicitur, qui a fano et sacris arcendus est; non sacer, non religiosus, non initiatus.

2. *Favete linguis*. Porro hæc verba, *favete linguis*, usurpabantur in sacrificiis; et his homines jubebantur silere et attendere, nihil dicere obscenum, profanum, mali ominis. — *Non prius audita*. Scilicet Romanis, id est carmina lyrica.

3. *Musarum sacerdos*. Dicuntur poetæ Musarum esse sacerdotes, et ædilit.

4. *Virginibus, etc.* Vel a virginibus et pueris recitanda, ut eorum animis, adhuc teneris et mollibus, altius inhæreant; vel, ab hisdem audienda diligentius, quibus esse possunt utiliora, et quorum ætas facile ad virtutem fingi et erudiri potest.

5. *In proprios greges*. Id est, populum eorum potestati subjectam.

7. *Clari*. Qui Jupiter insignem gloriam retulit, Gigantibus debellatis.

9. *Est ut*. Contingit ut, etc. — *Viro vir*. Alius allo, hic illo. — *Latius, etc.*

Agros latiores, prædia lautiora possideat.

10. *Hic, etc.* Alius quispiam. — *Generosior*. Nobilior, clarioris generis, quam sui competitores.

11. *In campum*. Martium, prope Romam ad Tiberim. Eo populus conveniebat, ad ferenda suffragia, et creandos magistratus. — *Petitor*. Scilicet honorum : candidatus.

12. *Moribus hic, etc.* Alter quispiam contendat cum æmulis suis et rivalibus candidatis. — *Melior*. Id est præstantior, ob mores et famam.

13. *Illi, etc.* Ut alius plures allo habeat clientes.

14. *Æqua*. Æquali. — *Necessitas*. Fatum, mors omnibus obeunda.

15. *Sortitur*. Sorte quasi jacta deligit, et leto destinat : ex urna quasi adducit eorum nomina. — *Insignes*. Nobiles. — *Imos*. Ignobiles, obscuro loco et humili natos.

16. *Capax*. Ampla.

17. *Districtus, etc.* Nudatus. Respicit

- Cervice pendet, non siculæ dapes
 Dulcem elaborabunt saporem;
 20 Non avium citharæque cantus
 Somnum reducent. Somnus agrestium
 Lenis virorum non humiles domos
 Fastidit, umbrosamque ripam;
 Non Zephyris agitata Tempe.
 25 Desiderantem quod satis est, neque
 Tumultuosum sollicitat mare,
 Nec sævus Arcturi cadentis
 Impetus, aut orientis Hædi:
 Non verberatæ grandine vineæ;
 30 Fundusque mendax, arbore nunc aquas
 Culpante, nunc torrentia agros
 Sidera, nunc hiemes iniquas.
 Contracta pisces æquora sentiunt,
 Jactis in altum molibus: huc frequens
 35 Cæmenta demittit redemptor
 Cum famulis, dominusque terræ
 Fastidiosus; sed timor et minæ
 Scandunt eodem quo dominus; neque
 Decedit ærata triremi, et
 40 Post equitem sedet atra cura.

historiam Damoclis. Erat ille Dionysii, Siciliæ tyranni, aulicus et assentator; cujus quum felicitatem et conditionem præter modum laudaret, Dionysius, ut eum dedoceret, jussit hominem accumbere ad regiam mensam; sed supra illius caput ense nudum, equina seta appensum, demitti voluit: quo metu Damocles ita exanimatus est, ut ne cibos quidem attigerit.

18. *Impia cervice.* De scelesto loquitur quem turbant terrores.

19. *Elaborabunt.* Efficient, provocabunt.

21. *Reducent.* Quem metus abstulit.

24. *Tempe.* Thessaliæ vallis, pro qua-vis valle amœna.

26. *Sollicitat, etc.* Non anxium et sollicitum reddit mare procellosum, non terrent procellæ, quia non se committit periculosæ navigationi, lucris causa.

27. *Arcturi.* Est Arcturus signum Ursam consequens, et quasi ejus custos.

28. *Hædi.* Hædus gemina stella est, in sinistra manu Aurigæ sive Erichthonii. Quum Hædi oriuntur, magnas client procellas; ut Arcturus, quum occidit.

30. *Mendax.* Sterilis: qui spem agricolæ fallit. — *Arbore, etc.* Arboribus sterilitatis suæ culpam conferentibus,

modo in aquas et imbres nimios, modo in calores, ab sideribus agros torrentibus, id est, urentibus, profectos, modo in hilemes asperas.

33. *Contracta, etc.* Quæ, ob jactas in mare moles, angustiora facta sunt. Queruntur pisces, quod sua regna homines usurpent, etc. Est autem *moles* pila saxeæ.

34. *Huc.* In altum mare. — *Frequens cum famulis.* Pro cum frequente famulorum turba.

35. *Cæmenta.* Lapidum cæsorum fragmenta, rudia et imposita. — *Redemptor.* Qui opus aliquod faciendum v. g. domum, aggerem, suo periculo, certa mercede pacta conducit, et in se recipit.

36. *Dominus.* Herus aliquis, homo nobilis. — *Terræ fastidiosus.* Qui fastidit terram continentem, et in littore, in mari, ædes exstruit, terris non contentus.

37. *Minæ.* Minaces imagines.

38. *Scandunt, etc.* Eundem in locum ascendunt: in mari non minus, quam in terris adsunt.

39. *Decedit.* Demigrat, abscedit. — *Ærata.* Habente rostrum æream.

40. *Post equitem.* In eodem equo, cum equite, a tergo equitis hæret.

- Quod si dolentem nec phrygius lapis,
 Nec purpurarum sidere clarius
 Delinit usus, nec falerna
 Vitis, achæmeniumque costum
 45 Cur invidendis postibus, et novo
 Sublime ritu moliar atrium?
 Cur valle permutem sabina
 Divitias operosiores?

41. *Dolentem*. Me aliquo, vel corporis, vel animi dolore affectum. — *Phrygius lapis*. Columnæ marmoreæ, adjectæ e Phrygia.

42. *Nec purpurarum, etc.* Nec usus vestium purpurearum, sideribus micantiorum.

43. *Delinit*. Dolores et morbos levat.

44. *Achæmeniumque*. Persicum, ab rege Persarum Achæmene. — *Costum*. Aromatis genus.

45. *Invidendis*. Invidiæ obnoxiiis. *Postes* sunt januæ latera; pro tota domo accipiuntur.

46. *Atrium*. Primus erat locus ædium, et quasi aditus ad reliquam domum.

47. *Cur valle, etc.* Id est, cur vallem et agrum meum sabinum permutem divitiis molestioribus, in quibus conservandis operæ multum et curæ consumam?

ODE II.

Pueros a teneris annis ad bellicam fortitudinem, probitatem pietatemque informandos esse docet.

- Angustam, amici, pauperiem pati
 Robustus acri militia puer
 Condiscat; et Parthos feroces
 Vexet eques metuendus hasta;
 5 Vitamque sub dio et trepidis agat
 In rebus. Illum ex mœnibus hosticis
 Matrona bellantis tyranni
 Prospiciens, et adulta virgo,
 Sæspiret: Eheu! ne rudis agminum
 10 Sponsus lacestat regius asperum
 Tactu leonem, quem cruenta
 Per medias rapit ira cædes!

1. *Amici*. Alii legunt *amice* et jungunt *amice pati*, id est pati lubenter, prompto paratoque animo.

2. *Militia, etc.* In militia: vel qui fiat robustus acri militia et difficili. Vocat paupertatem *angustam*, id est, molestam, laboriosam.

3. *Sub dio, etc.* Extra domum, in campo, in castris, etc. — *Trepidus in rebus*. Inter metus, et media pericula.

7. *Matrona, etc.* Uxor alicujus regis barbari, qui bellum cum Romanis gerat.

8. *Adulta*. Ætate prorectior, nubilis.

9. *Eheu, etc.* Verba sunt illius virginis, sponso suo metuentis a Romano juvene; vel, matronæ, suo viro timentis. — *Rudis agminum*. Imperitus rei militaris.

11. *Leonem*. Militem romanum, instar leonis furem in acie.

- Dulce et decorum est pro patria mori.
Mors et fugacem persequitur virum,
15 Nec parcat imbellis iuventæ
Poplitibus, timidoque tergo.
Virtus, repulsæ nescia sordidæ,
Intaminatis fulget honoribus;
Nec sumit aut ponit secures,
20 Arbitrio popularis auræ.
Virtus, recludens immeritis mori
Cælum, negata tentat iter via;
Cœtusque vulgares, et udam
Spernit humum fugiente penna.
25 Est et fideli tuta silentio
Merces: vetabo, qui Cereris sacrum
Vulgarit arcana, sub isdem
Sit trabibus, fragilemque mecum
Solvat phaselum. Sæpe Diespiter
30 Neglectus incesto addidit integrum
Raro antecedentem scelestum
Deseruit pede pœna claud o.

14. *Et fugacem.* Non tantum quemlibet obvium, non eos tantum qui fortiter dimicant, sed illos etiam qui fugiunt.

15. *Nec parcat, etc.* Interficit etiam imbelles juvenes, qui terga et poplites vertunt hosti.

17. *Virtus, etc.* Bellica. — *Repulsæ nescia.* Quæ nunquam novit turpem repulsam pati.

18. *Intaminatis.* Puris, incorruptis.

19. *Nec sumit, etc.* Gloriam suam a populo non emendicat. — *Secures.* Insignia consulatus et præturæ. Erant illæ secures in medio virgarum fasciculo; duodecim fasces consuli, sex prætori præferebantur.

20. *Auræ.* Favoris, suffragil.

21. *Immeritis mori.* Indignis qui moriantur, merentibus non mori.

22. *Negata, etc.* Ardua, difficilis, non omnibus concessa: perumpit obices omnes, ut viam sibi faciat. — *Iter.* Ad cælum.

23. *Vulgares.* Vulgi. — *Udam.* Cœnosam, crassam.

25. *Est et fideli, etc.* Hæc tertia pars odæ est, ad religionem pertiñens. Laudat partem unam pietatis, maxime apud Græcos notam et insignem, nempe silentium; quod præsertim servabatur in sacris Cereris, quæ Eleusina vocabatur, a pago, ubi hæc sacra fiebant: quod silentium si quis rupisset, aperiendo et alteri explicando arcana sacra, capitale scelus erat.

26. *Vetabo.* Cavebo, non committam ut, etc.

28. *Trabibus.* Tecto, domo.

29. *Solvat phaselum.* Pelago mecum se committat, soluto navis fune, quo littori alligari solet. Phaselus est cymba, navicula.

30. *Neglectus.* Parum pie cultus, hominum impletate læsus. — *Incesto.* Scelerato. — *Addidit.* Pœnæ comitem. — *Integrum.* Innocentem, purum sceleris.

31. *Raro, etc.* Quamvis pœna impiorum differatur interdum, tamen raro eos abire inultis patitur.

ODE III.

*Justitia et constantia homines impavidos gravissimis in periculis reddunt : eodem
heroeas evehunt cœlo, et veteres Romanos orbis dominos effecerant.*

- Justum ac tenacem propositi virum,
Non civium ardor prava jubentium,
Non vultus instantis tyranni
Mente quatit solida, neque Auster,
5 Dux inquieti turbidus Adriæ,
Nec fulminantis magna Jovis manus:
Si fractus illabatur orbis,
Impavidum ferient ruinæ.
Hac arte Pollux, et vagus Hercules
10 Enisus, arces attingit igneas;
Quos inter Augustus recumbens
Purpureo bibit ore nectar.
Hac te merentem, Bacche pater, tuæ
Vexere tigres, indocili jugum
15 Collo trahentes; hac Quirinus
Martis equis Acheronta fugit;
Gratum elocuta consilientibus
Junone divis: « Ilion, Ilion
Fatalis incestusque judex,
20 Et mulier peregrina vertit
In pulverem, ex quo destituit deos
Mercede pacta Laomedon, mihi

1. *Tenacem propositi.* Constantem in proposito, id est in rebus justis.

2. *Ardor, etc.* Tumultus, seditio civium leges iniquas ferentium. — *Prava jubere*, est leges pravas ferre.

3. *Instantis.* Minitantis, præsentem mortem intentantis.

4. *Mente quatit solida.* A proposito consilio dimovet.

7. *Illabatur.* In ejus caput labatur.

9. *Hac arte.* Justitia et constantia fretas. — *Pollux.* Jovis et Lædæ filius, Castoris frater, qui, ob multas res præclare gestas maxime in fugandis piratis, relatus est inter sidera. — *Vagus.* Qui orbem fere totum demandis monstris peragravit.

10. *Arces igneas.* Cælum stellis ornatum.

11. *Recumbens.* Ad mensam accumbens.

12. *Purpureo, etc.* Pulchro.

13. *Merentem.* Promerentem adscribi cœlo, ob egregia tua facinora.

Horace.

14. *Tigres.* Currum Bacchi trahere dicuntur tigres, animal natura ferum et indocile, ad significandam vini vim, et impotentiam.

15. *Quirinus.* Romulus, sic dictus a *quiri*, quæ vox, lingua Sabinorum, hastam significat.

16. *Martis equis.* Romulus, ut narrant poetæ, ad cælum adscendit in curru Martis. — *Acheronta, etc.* Inferos effugiens, cælum petivit, id est, immortalitatem est adeptus.

17. *Gratum, etc.* Postquam Juno, in deorum consensu et concilio, rem ipsis gratam fuisset locuta.

19. *Judex.* Paris. — *Fatalis.* In fatum, id est in perniciem patriæ electus. — *Incestus.* Iniquus.

20. *Mulier peregrina.* Helena, quam e Græcia raptam Paris Trojam vexit.

21. *Ex quo.* Ex quo tempore. — *Destituit.* Fraudavit.

22. *Pacta.* Promissa. — *Laomedon.* Priami pater. Is, quum Trojæ muros

- Castæque damnatum Minervæ,
Cum populo et duce fraudulento.
- 25 Jam nec Lacænæ splendet adulteræ
Famosus hospes, nec Priami domus
Perjura pugnaces Achivos
Hectoreis opibus refringit;
Nostrisque ductum seditionibus
- 30 Bellum resedit. Protinus et graves
Iras, et invisum nepotem,
Troica quem peperit sacerdos,
Marti redonabo. Illum ego lucidas
Inire sedes, ducere nectaris
- 35 Succos, et adscribi quietis
Ordinibus patiar deorum. .
Dum longus inter sæviat Ilion
Romamque pontus, qualibet exsules
In parte regnanto beati :
- 40 Dum Priami Paridisque busto
Insultet armentum, et catulos feræ
Celent inultæ, stet Capitolium
Fulgens, triumphatisque possit
Roma ferox dare jura Medis;
- 45 Horrenda late nomen in ultimas
Extendat oras, qua medius liquor

exstrueret, Neptunus et Apollo suam illi operam ad eos condendos certa mercede locaverunt. Opere confecto, promissum pretium solvere Laomedon recusavit : hinc deorum ira in Trojanos.

23. *Damnatum.* Nempe illum invictum, delestatum : vel, a me et Minerva damnatum excidio.

24. *Duce.* Laomedonte perfido.

25. *Lacænæ adulteræ.* Helenæ Lacedæmonis. — *Splendet.* Vivit, opibus formaque præstans.

26. *Hospes.* Paris. — *Famosus.* Infamis. Ea vox in pejorem vulgo partem accipitur.

27. *Perjura.* Ob Laomedontem, qui promissam Neptuno et Apollini jumento pecuniam denegavit.

28. *Hectoreis opibus.* Hectoris virtute et fortitudine. — *Refringit.* Retundit, repellit.

29. *Ductum.* Productum, continuatum ad decem annos. — *Seditionibus.* Deorum inter se ac dearum dissensionibus.

30. *Resedit.* Sublatum est, confectum est — *Protinus.* Haud mora, jam porro, in posterum.

31. *Iras, etc.* In gratiam et honorem Martis, iras meas deponam.

34. *Inire.* Ingressi. — *Ducere.* Bibere.

37. *Dum, etc.* Modo, ea lege, ut Roma et Troja interposito mari longe separantur.

38. *Exsules.* Romani ab Ænea orti, qui venit *Italiam fato profugus, etc.* — Virg., *Æn.* lib. I.

39. *Regnanto.* Imperativus; regnent ubilibet, orbem obtineant.

41. *Insultet.* Greges impune premant sepulcra Priami et Paridis; adeoque Troja tota vastata sit ac deserta.

42. *Inultæ.* Illæsæ : impune, ob armorum densitatem, et solitudinem loci. — *Capitolium.* Præcipuum Romæ templum Jovi sacrum : arx Imperii.

44. *Medis.* Parthos intelligit, qui Persarum imperium invaserant, ut Persæ Medorum olim.

45. *Horrenda.* Metuenda et terribilis hostibus Roma.

46. *Qua medius, etc.* Imperet Roma, et qua mare medium, id est, Mediterraneum, in medias terras influens, separat Europam ab Africa, et qua Nilus Egy-

- Secernit Europen ab Afro,
 Qua tumidus rigat arva Nilus;
 Aurum irreperitum, et sic melius situm,
 50 Quum terra celat, spernere fortior
 Quam cogere humanos in usus,
 Omne sacrum rapiente dextra.
 Quicumque mundo terminus obstitit,
 Hunc tangat armis, visere gestiens,
 55 Qua parte debacchentur ignes,
 Qua nebulæ, pluviique rores.
 Sed bellicosus fata Quiritibus
 Hac lege dico, ne nimium pii,
 Rebusque fidentes, avitæ
 60 Tecta velint reparare Trojæ.
 Trojæ renascens alite lugubri
 Fortuna tristi clade iterabitur,
 Ducente victrices catervas
 Conjuge me Jovis et sorore.
 65 Ter si resurgat murus æbeneus
 Auctore Phœbo, ter pereat meis
 Excisus Argivis; ter uxor
 Capta virum puerosque ploret. »
 Non hæc jocosæ conveniunt lyræ:
 70 Quo, Musa, tendis? desine pervicax
 Referre sermones deorum, et
 Magna modis tenuare parvis.

ptum rigat *tumidus*, hoc est, intumescens et exundans, id est, ab uno maris Mediterranei littore, nempe occidentali et atlantico, ad alterum litus Nilo vicinum, et orientale. — *Liquor*. Aqua, mare.

50. *Spernere fortior*. In spernendo aurum quam in effodiendo e visceribus terræ ad humanos usus.

52. *Omne sacrum rapiente dextra*. Quippe quum auri cupiditas impellat hominum manus ad res sanctissimas violandas.

53. *Quicumque mundo terminus obstitit*. Quicumque terminus orbi terrarum objectus est, id est, quæcumque in extremo terrarum termino posita est regio.

55. *Qua parte, etc.* Id est ad zonam torridam.

56. *Quæ nebulæ, etc.* Ad sonam glaciæ.

57. *Sed, etc.* Hæc tamen felicia Romanis fata denuncio, et prædico ea tantum conditione, etc.

58. *Nimium pii*. Nimio erga patriam suam amore capti.

59. *Rebus*. Secundis rebus; opibus, gloria. — *Avitæ*. Roma enim Trojanorum quasi colonia fuit.

61. *Renascens, etc.* Ordo est, fortuna, seu infortunium Trojæ renascentis malis omnibus et raparæ, iterabitur tristi clade. — *Alite*. Omine.

63. *Æbeneus*. Firmissimus; quamvis ipso ex ære compactus.

66. *Auctore*. Structore, ædificante. — *Pereat*. Peribit, periret, rueret. — *Meis*. — Græcis enim præcipue savebat Jano.

69. *Jocosæ*. Lyricæ, quæ jocos et ludu gaudet.

70. *Pervicax*. Audax, proterva.

72. *Modis*. Cantibus.

ODE IV.

Ad Calliopem.

Musarum in se beneficia commemorat : hisdem acceptas refert Augusti victorias, quibus hostes reipublicæ, ut Jupiter Titanas, debellavit.

- Descende cœlo, et dic, age, tibia
 Regina longum Calliope melos,
 Seu voce nunc mavis acuta,
 Seu fidibus citharaque Phœbi.
 5 Auditis? an me ludit amabilis
 Insania? Audire, et videor pios
 Errare per lucos, amœnæ
 Quos et aquæ subeunt et auræ.
 Me fabulosæ, Vulture in appulo,
 10 Altricis extra limen Apuliæ,
 Ludo fatigatumque somno
 Fronde nova puerum palumbes
 Texere; mirum quod foret omnibus,
 Quicumque celsæ nidum Acherontię,
 15 Saltusque bantinos, et arvom
 Pingue tenent humilis Ferenti;
 Ut tuto ab atris corpore viperis
 Dormirem et ursis; ut premerer sacra
 Lauroque, collataque myrto,
 20 Non sine dis animosus infans.

1. *Descende cœlo.* De Musis dicturus, earum principem invocat.

2. *Regina.* Vel eam, honoris tantum causa, sic nominat; vel, quia Musarum primaria esse dicitur.

3. *Citharaque Phœbi.* Phœbo consecrata.

5. *Auditis, etc.* O amici, nonne eam canentem auditis? An me furor poeticus grato errore decipit, etc.

6. *Pios.* Sacros, Musis consecratos.

8. *Et aquæ, etc.* Alluunt aquæ, perficiant auræ.

9. *Me, etc.* Primum beneficium a Musis acceptum. — *Fabulosæ palumbes.* De quarum ministerio sæpe in fabulis fit mentio, vel quas fabula Veneri consecrat.

10. *Vulture.* Mons Apuliæ in Lucaniam procurrens. — *Altricis Apuliæ.* Terræ patriæ, id est Venusiæ, inter

Apullam et Lucaniam sitæ. — *Limen.* Intellige natalis soli terminos.

11. *Somno.* Somni amore; dormiendi desiderio, vexatum et oppressum.

13. *Mirum quod foret, etc.* Ita ut mirarentur omnes Acherontini, Bantini, et Ferentini, quo pacto dormirem tutus a viperis, etc.

14. *Acherontię.* Urbs exigua erat, in limite Apuliæ et Lucaniæ, in monte sita.

15. *Bantinos, etc.* Bantia, Ferentum, oppida erant in Apuliæ finibus. — *Humilis.* In valle positi.

18. *Ut premerer, etc.* Quod premerer lauro sacra, id est, lauro Apollini dicata, quæ quidem laurus præsignabat eum futurum poetam.

19. *Collataque* Comparata, comparata a columbis.

20. *Non sine dis.* Certo deorum pa-

- Vester, Camenæ, vester in arduos
Tollor Sabinos; seu mihi frigidum
Præneste, seu Tibur supinum,
Seu liquidæ placuere Baïæ.
- 25 Vestris amicum fontibus, et choris,
Non me Philippis versa acies retro,
Devota non exstinxit arbor,
Nec sicala Palinurus unda.
- 30 Utcumque mecum vos eritis, libens
Insanientem navita Bosphorum
Tentabo, et arentes arenas
Littoris assyrii viator :
- 35 Visam Britannos hospitibus feros,
Et lætum equino sanguine Concanum :
- Visam pharetratos Gelonos,
Et scythicum, inviolatus, amnem.
- Vos Cæsarem altum, militia simul
Fessas cohortes abdidit oppidis,
Finire quærentem labores,
- 40 Pierio recreatis antro.
- Vos lene consilium et datis, et dato
Gaudetis, almæ. Scimus ut impios
Titanas, immanemque turmam

trocinio, Musas intelligit. — *Animosus*. Impavidus, qui nihil a viperis et ursis timerem.

21. *Vester, etc.* Vestro patrocinio tatus.

22. *Supinum*. In declivi colle situm. — *Liquidæ*. Quas mare alluit, vel suis aquis calidis salubres.

25. *Vestris, etc.* Sententia est : me, quia eram amicis vestris fontibus et choris, non exstinxit acies Bruti et Cassii, ab Augusto fugata in campis philippicis; non arbos exsecranda, dirisque devota; non factum a me naufragium ad Palinurum, promontorium Lucaniæ, prope Siciliam.

26. *Philippis*. Philippi, urbs Thessaliæ, ad quam devicti anno U. C. 712 Brutus et Cassius.

27. *Devota*. Diris devota, exsecranda.

29. *Utcumque*. Ubicumque.

31. *Tentabo*. Visam, adibo — *Arenas arenas*. Campos arenosos et æstuan-tes, circa litus positos, arenosa deserta.

32. *Assyrii littoris*. Pro syrii.

33. *Britannos*. Anglos, qui tunc hos-tes suos immolabant superis.

34. *Lætum, etc. Concani*, gens quæ-
dam scythica; equorum sanguinem,

lacti mixtum, adhibebant in potum, instar vini suavissimi.

35. *Gelonos*. Erant Concanis et Scy-
this affines, boni jaculatores.

36. *Scythicum amnem*. Tanais (le
Don), quo Europa ab Asia distinguitur,
versus Scythas et septentrionem. — *In-
violatus*. Incolumis, salvus.

37. *Altum*. Ingentem, invictum. —
Simul. Simul atque, postquam.

38. *Abdidit*. In hiberna misit.

40. *Pierio antro*. Pieria fuit Atticæ
regio, Musis sacra : significat Cæsarem
musis et versibus delectari.

41. *Lene consilium, etc.* Vos afflatis
Cæsari clementiam et lenitatem; mitia illi
consilia suggeritis et suggestisse gaudetis.

42. *Almæ*. Beneficæ, faciles, amicæ.
— *Scimus*. Sententia videtur hæc esse :
injecta est a Musis ea mens Cæsari, ut
lenitate summa utatur adversus hostes :
nam scimus et vidimus quam facile ar-
matus eos vicerit, et vincere adhuc pos-
sit; ut scimus quam facile Jupiter Gi-
gantes profligaverit. Comparat Brutum
et Cassium, ceterosque conjuratos, cum
Gigantibus; Augustum, cum Jove. —
Ut impios, etc. Ordo est: scimus ut,
id est, quemadmodum, qui terram et
mare temperat et gubernat, divosque;

- Fulmine sustulerit caduco,
 45 Qui terram inertem, quæ mare temperat
 Ventosum, et urbes, regnaque tristitia,
 Divesque, mortalesque turbas
 Imperio regit unus æquo.
 Magnum illa terrorem intulerat Jovi
 50 Fidens juvenus horrida brachiis,
 Fratresque tendentes opaco
 Pelion imposuisse Olympo.
 Sed quid Typhoeus et validus Mimas,
 Aut quid minaci Pophyrion statu,
 55 Quid Rhœcus, evulsisque truncis
 Enceladus jaculator audax,
 Contra sonantem Palladis ægida
 Possent ruentes? Hinc avidus stetit
 Vulcanus; hinc matrona Juno, et
 60 Nunquam humeris positurus arcum,
 Qui rore puro Castaliæ lavit
 Crines solutes, qui Lyciæ tenet
 Dumeta, natalemque silvam,
 Delius et Patareus Apollo.
 65 Vis consilii expers mole ruit sua:
 Vim temperatam di quoque provehunt
 In majus: idem odere vires
 Omne nefas animo moventes.
 Testis mearum centimanus Gyges

mortalesque regit (nempe Jupiter, quem istis quatuor totis versibus describit) sustulerit fulmine impios Titanas.

44. *Caduco*. In Titanas cadente.

45. *Inertem*. Brutam, infirmam.

46. *Regna tristitia*. Inferos.

48. *Unus*. Solus Jupiter.

50. *Juventus*. Titanum: quos pro Gigantibus, eorum fratribus, ponit. — *Brachiis*. Erant enim centimani.

51. *Fratres*. Titanes, vel Gigantes. — *Tendentes, etc.* Contententes, laborantes. — *Opaco*. Umbroso.

52. *Imposuisse*. Pro imponere, id est, molitos imponere. — *Pelion Olympo*. Montes sunt Thessalici.

53. *Typhoeus, etc.* Typhoeus, Mimas, Porphyrion, Rhœcus, Enceladus, Gigantum sunt nomina.

54. *Statu*. Statura, habitu corporis.

55. *Evulsis truncis*. Arboribus eradicatis.

57. *Ægida*. Clypeum: de quo vide oden 12, lib. I.

58. *Hinc*. Ex parte Jovis. — *Avidus*. Epithetum ignis proprium.

60. *Nunquam, etc.* Qui semper arcum gestat; vel, certus arcum non deponere, donec profligati Gigantes perirent.

61. *Qui rore, etc.* Apollo. *Castalia* fons est Parnassi, Musis sacer. — *Lavit*. Ab antiquo lavere, tertii conjugationis, pro lavare.

62. *Solutos*. Crines humeris sparsos. — *Lycis*. Est in Asia minori; ejus urbs præcipua Patara, ubi Apollo colebatur: hinc *Patareus* dicitur, quæ vox, in ultimo versu hujus strophæ posita, est trissyllaba.

63. *Natalemque silvam*. Bœtiam: natus est Apollo in Deto, insula maris ægei.

65. *Vis, etc.* Vires prudentia destituta per se, nullo impellente, ruunt.

66. *Temperatam*. Clementia, et consilio. — *Provehunt in majus*. Augent.

68. *Omne nefas, etc.* Vires, quæ ad perficienda scelera conferantur.

69. *Testis, etc.* Vera esse, quæ dixi, probant exempla eorum, qui jam olim impiæ temeritatis poenas dederunt, ut Gyges, Orion, etc.

- 70 Sententiarum, notus et integræ
Tentator Orion Dianæ,
Virginea domitus sagitta.
Injecta monstris Terra dolet suis,
Mœretque partus fulmine luridum
- 75 Missos ad Orcum; nec peredit
Impositam celer ignis Ætnam:
Incontinentis nec Tityi jecur
Relinquit ales, nequitiae additus
Custos; amatorem trecentæ
Pirithoum cohibent catenæ.

70. *Integræ.* Castæ, intactæ.

73. *Injecta.* Imposita. Jupiter enim montes, a Gigantibus vibratos, in eisdem retorsit, eosque illis obruit. — *Monstris* suis. Gigantibus ex se genitis. Erant enim Terræ filii.

75. *Nec peredit, etc.* Quamvis Ætna, injecta Enceladæ, ignes assidue vomat, non tamen illis ipsa consumitur, nec miserum Enceladum isto pondere levat.

77. *Incontinentis.* Scilicet in Latonam.

78. *Ales.* Vultur. — *Nequitia, etc.* Impuditiæ: hominis impuri custos et tortor.

80. *Pirithoum.* Thesei amicum, qui cum eo adortus est rapere ex inferis Proserpinam; sed Plato admonitus eos in vincula coniecit. Theseum tamen postea Hercules solvisse dicitur, manente in inferis Pirithoo.

ODE V.

Augustum laudat quod a Parthis Romanorum vexilla receperit. Invehitur in Romanos milites, qui se Parthis olim dederant: hinc sumit occasionem Reguli celebrandi.

Cœlo tonantem credidimus Jovem
Regnare: præsens divus habebitur
Augustus, adjectis Britannis
Imperio, gravibusque Persis.

- 5 Milesne Crassi conjuge barbara
Turpis maritus vixit? et hostium

1. *Cœlo, etc.* Quemadmodum, quando tonantem audimus Jovem, eum credimus regnare cœlo: ita, quum Augustum videmus Persas et Britannos adjectis Imperio romano, nemo dubitare poterit, quin revera deus sit, etiam præsens et vivens. Potest etiam ea vox, *præsens*, significare idem quod favens, propitius.

2. *Habebitur.* Id est, habendus erit, est censendus.

3. *Adjectis, etc.* Nec Persas Augustus, sive Parthos, nec Anglos per sese debellaverat; sed utrosque tantum nominis sui fama pacem petere coegerat: quum in utrosque tamen bellum apparaverit.

Quam Augusti victoriam ineventam Horatius amplificat, exponendo gravitatem et ignominiam cladis olim a Parthis acceptæ.

5. *Milesne Crassi, etc.* Quis credat Crassi milites duxisse barbaras conjuges, et cum illis vivere potuisse? Crassus a Parthis cæsus fuit anno U. C. 702. Ejus milites, magnam partem capti, in Perside manserunt, ubi duxere persicas uxores. — *Conjuge.* Cum conjuge: vel, turpis maritus, ob barbaram conjugem.

6. *Turpis.* Erat enim turpe Romano barbaram, et captivæ hostis filiam conjugem accipere. — *Et hostium, etc.* — Stipendia fecit in castris ipsorum Par-

- (Proh curia, inversique mores!)
 Consenuit socerorum in arvis,
 Sub rege medo, Marsus et Appulus,
 10 Ancilliorum, et nominis, et togæ
 Oblitus, æternæque Vestæ,
 Incolumi Jove, et urbe Roma?
 Hoc caverat mens provida Reguli,
 Dissidentis conditionibus
 15 Fœdis, et exemplo trahentis
 Perniciem veniens in ævum,
 Si non periret immiserabilis
 Captiva pubes. « Signa ego punicis
 Affixa delubris, et arma
 20 Militibus sine cæde, dixit,
 Derepta vidi: vidi ego civium
 Retorta tergo brachia libero,
 Portasque non clausas, et arva

thorum, usque ad senectutem. Est autem ordo: et Marsus, atque Apulus, oblitus ancilliorum, nominis, et togæ, Jove incolumi et Roma, consenuit, sub rege Medo, in arvis hostium, socerorum suorum, nempe Parthorum, quorum filias duxerat.

7. *Proh curia, etc.* O dignitas et prudentia senatus romani! o morum antiquorum sanctitas! quantum eo tempore detrimentum accepistis! quam ab illis priscis mutati tunc eratis!

9. *Medo. Partho.* — *Marsus et Appulus.* Italix populi ac milites inprimis fortes et insignes ea tempestate.

10. *Ancilliorum.* Erant ancilla clypeoli duodecim sacri. Eorum unus e cœlo decidisse ferebatur: editumque fuisse oraculum, fore ut tandiu Roma staret, quandiu ille servaretur. Is igitur ne facile surripi posset, ad ejus formam et modum alii undecim facti erant, qui in templo Martis servabantur. — *Nominis. Romani.* — *Togæ.* Toga Romanorum erat propria: unde illos *gentem togatam* Virgilius vocat, lib. I. *Æn.*

11. *Æternæ Vestæ.* Eterni ignis, qui in templo Vestæ servabatur, et nutriebatur a Vestalibus.

12. *Jove, etc.* Capitolio, ubi templum Jovis. Sententia est: sterne potuit ut Marsi et Appuli, egregii milites, oblitus sint tam facile sui nominis, vestis, urbis, idque stante et flore Roma et Capitolio? Itane se turpiter hosti dedidisse?

13. *Hoc caverat, etc.* Id prospexerat Regulus, ac impedire conatus erat, ne scilicet reperirentur tam ignavi milites,

qui idem facerent aliquando, quod isti Crassiani; nempe dum auctor fuit ne redimerentur captivi, sed perirent potius apud Carthaginienses; ceterique, eo exemplo territi, fortiter mori in acie, quam capi turpiter mallent. — *Reguli.* M. Attilius Regulus floruit circa an. U. C. 500. Is, captus a Carthaginiensibus, ne milites romani in pugna capti redimerentur vetuit.

14. *Dissidentis, etc.* Repudiantis fœdas conditiones. Ea conditio proponebatur a Pœnis, ut redderent Romanos captivos, ac suos vicissim ipsi, facta permutatione, reciperent.

15. *Et exemplo, etc.* Aversantis rem fœdam et pessimi exempli quod traheret perniciem, id est quod in posterum tempus exitiale futurum esset reipublicæ, occasionem dando militibus pugnandi segnius, ea spe, fore ut redimerentur.

17. *Immiserabilis.* Cujus nemo miseresceret.

18. *Captiva, etc.* Juvenes Romani, a Pœnis capti. — *Signa.* Vexilla nostra. — *Ego, etc.* Oratio Reguli in senatu.

20. *Sine cæde.* Nostris militibus erepta, sine vulnere, et pugna.

22. *Retorta, etc.* Vidi cives nostros et milites, qui antea erant liberi, quorum præcipua laus et gloria libertas esse debuit, retortis in tergum manibus ligatos, instar servorum.

23. *Non clausas.* Quæ res indicat quam securi sint Pœni, qui portas urbium suarum aperias et patentes habeant, qui colant arva, prius a nobis populata bello et vastata.

- Marte coli populata nostro.**
- 25 **Auro repensus scilicet acrior**
Miles redibit! flagitio additis
Damnum: neque amissos colores
Lana refert medicata fuco;
 30 **Nec vera virtus, quum semel excidit,**
Curat reponi deterioribus.
Si pugnat extricata densis
Cerva plagis, erit ille fortis,
Qui perfidis se credidit hostibus;
Et marte Pœnos proteret altero,
 35 **Qui lora restrictis lacertis**
Sensit iners, timuitque mortem.
Hic, unde vitam sumeret inscius,
Pacem duello miscuit. O pudor!
O magna Carthago, probrosis
 40 **Altior Italiæ ruinis! ***
Fertur pudicæ conjugis osculum,
Parvosque natos, ut capitis minor,
Ab se removisse, et virilem
Torvus humi posuisse vultum;
 45 **Donec labantes consilio patres**

25. *Repensus, etc.* Redemptus. An creditis militem redemptum pugnaturum acrius? generosiores ad bellum rediturum? Non ita est, erit ille segnior, et additis flagitio quod admisit, dum se capi passus est turpiter, damnum quod ignave pugnando asseret rei publicæ: vel, damnum pecuniæ, quæ peribit ignavum redimendo.

27. *Neque amissos, etc.* Ut lana candidum et nativum colorem, quem amisit fuco medicata, id est tineta, nunquam refert postea, hoc est, repræsentat, resumit, sed semper illum posteriorem retinet; sic animus iners et timidus, ignavia semel imbutus, amissam fortitudinem (quam veram virtutem vates hic appellat) non recipit, semper ignavus restat.

28. *Fuco.* Est fucus herba marina, cujus succo lana, purpura tingenda, primum imbuti solebat, ut sic tam accipiendo quam firmiter tenendo color purpureo præpararetur.

30. *Curat.* Solet, amat. — *Reponi.* Restitui, redire. — *Deterioribus.* Ignavis, victis: est in dandi casu.

31. *Si pugnat, etc.* Ironice hæc omnia dicuntur; estque hic sensus: ut cerva, retibus semel extricata, non pugnat; sic emissus e servitutis vinculis

captivus non potest rem strenue in bello gerere. — *Extricata.* Expedita, liberata.

32. *Plagis.* Retibus arctioribus.

33. *Credidit.* Permisit, dedit.

34. *Marte.* Prælio.

35. *Lora.* Vincula.

36. *Iners.* Ignavus.

37. *Hic, etc.* Captivus ille ignavus, nesciens vitam ac salutem non esse precibus aut fuga quærendam, sed manu et victoria retinendam in ipsa acie, quum pugnandum foret, pacem ac vitam ab hoste petere maluit; resque disjunctissimas ita confudit ac miscuit, pacem et duellum, id est, bellum.

40. *Altior.* Nobilior turpibus Italiæ ruinis.

41. *Fertur.* Dicitur Regulus.

42. *Capitis minor.* Caput apud Romanos statum significabat, qui perfectus erat, quum quis et liber et civis esset: si alterutrum, id est, aut libertatem, aut jus civitatis amitteret, minus capite, minor esse capite, vel capitis, dicebatur.

43. *Virilem, etc.* Immobilem suorum lacrimis, civium precibus, etc.

44. *Posuisse.* Fixisse.

45. *Labantes.* Dubitantes. — *Consilio.* Ut nullus captivorum, ac ne ipse quidem, redimeretur.

- Firmaret auctor nunquam alias dato,
 Interque mœrentes amicos
 Egregius properaret exsul.
 Atqui sciebat, quæ sibi barbarus
 50 Tortor pararet : non aliter tamen
 Dimovit obstantes propinquos,
 Et populum redivit morantem,
 Quam si clientum longa negotia,
 Dijudicata lite, relinqueret,
 55 Tendens venafranos in agros,
 Aut lacedæmonium Tarentum.

46. *Firmaret.* Persuaderet; a dubitatione in certam, et suam sententiam adduceret. — *Auctor.* Auctor appellatur is qui aliquid suadet, consultat, præstat, et in se recipit.

49. *Atqui.* Attamen.

50. *Tortor.* Pœni crudeles, qui eum, ut traditur, maximis suppliciis et tormentis affecerunt et necaverunt.

51. *Dimovit.* Repulit : viam sibi per

obstantes aperuit. — *Obstantes.* Obstantes, ne ad hostes rediret.

54. *Dijudicata.* Causa tandem, quam non sine magna molestia pro suis clientibus defendendam patronus susceperat, dijudicata.

55. *Tendens, etc.* Ad oblectationem et rusticationem scilicet. — *Venafranos in agros.* In Campania sitos, pro quaque alla amœniore regione.

ODE VI.

Romanorum sui temporis vitia detestatur : priscorum mores celebrat.

- Delicta majorum immeritus lues,
 Romane, donec templa refeceris,
 Ædesque labentes deorum, et
 Fœda nigro simulacra fumo.
 5 Dis te minorem quod geris, imperas :
 Hinc omne principium, huc refer exitum.
 Di multa neglecti dederunt
 Hesperiae mala luctuosæ.
 Jam bis Monæses, et Pæcori manus,
 10 Non auspicatos contudit impetus
 Nostros, et adjecisse prædam
 Torquibus exiguis renidet.

1. *Delicta majorum, etc.* Ob majorum flagitia, dabis pœnas, licet eorum scelera non admiseric.

4. *Fumo.* Quo templa olim incensa fuere et deformata.

5. *Imperas.* Orbis imperium obtines, quia deos ple collis, iis inferiorem te fateris.

6. *Hino, etc.* A diis, et eorum cultu, saltim ducito rerum omnium agenda- rum; huc, id est, ad eosdem, refer.

7. *Di neglecti.* Diu negligentem culti.

9. *Monæses.* Parthorum dux, qui regi

suo Phraati insensus, contulit se ad M. Antonium, etque auctor fuit belli contra Parthos suscipiendi; sed postea, Phraati reconciliatus, diras clades Romanis intulit. — *Pæcori manus.* Exercitus Pacori, qui Orodis, regis Parthorum, filius fuit.

10. *Non auspicatos.* Auspiciis neglectis, aut vitiose sumptis, factos.

11. *Adjecisse, etc.* Gestit, triumphat, quod suos torques ampliores et ornati- ores fecerit, adjecto auro, gemmisque et cetera, quam nobis eripuerunt, præda.

- Pæne occupatam seditionibus
Delevit urbem Dacus et Æthiops;
15 Hic classe formidatus, ille
Missilibus mellor sagittis.
Fecunda culpæ sæcula nuptias
Primum inquinavere, et genus et domos:
Hoc fonte derivata clades
20 In patriam populumque fluxit.
Motus doceri gaudet ionicos
Matura virgo, et fingitur artibus:
Jam nunc et incestos amores
De tenero meditatur ungui.
25 Non his juvenus orta parentibus
Infecit æquor sanguine punico,
Pyrrhumque, et ingentem cecidit
Antiochum, Annibalemque dirum;
Sed rusticorum mascula militum
30 Proles, sabellis docta ligonibus
Versare glebas, et severæ
Matris ad arbitrium recisos
Portare fustes, sol ubi montium
Mutaret umbras, et juga demeret
35 Bobus fatigatis, amicum
Tempus agens abeunte curru.
Damnosa quid non imminuit dies?
Ætas parentum, pejor avis, tulit
Nos nequiores, mox daturos
Progeniem vitiosiore.

13. *Seditionibus.* Bellis civilibus, et privatis dissidiis.

14. *Dacus.* Populus Europæ septentrionalis. — *Æthiops.* Populus Africæ, qui Antonio contra Augustum pugnantem favit, ut ipsi etiam Daci.

15. *Hic.* Æthiopes, sive Egyptii, qui Antonio classem et maritimum exercitum paraverant. — *Ille.* Dacus.

17. *Fecunda culpæ.* Ætas vitiorum ferax. — *Nuptias.* Matrimoniorum jura et sanctitatem.

18. *Genus.* Liberos. — *Domos.* Familiarum propaginem, nepotes.

19. *Hoc fonte, etc.* Ex hac nequitia ortæ sunt clades publicæ.

21. *Motus.* Moveri, pro saltare, Latini dicunt. — *Ionicos.* Lascivos.

22. *Matura.* Nubilis, adulta. — *Artibus.* Fingit pedes ad istos motus, et componit. Alii legunt *artibus*, id est, per has artes quæ molliunt animum.

24. *De tenero ungui.* A puero, ab ipsa jam pueritia.

25. *Non his, etc.* Impiis, moribus et effeminatis.

27. *Pyrrhum.* Regem Epirotarum, victum a Fabricio et Curio.

28. *Antiochum.* Regem Syriæ, quem vicit Lucius Scipio, anno U. C. 567.

30. *Sabellis.* Sabinis.

31. *Versare glebas.* Arare. — *Severæ.* Quam verebantur.

33. *Portare.* Domum ex agro. — *Fustes.* Ligna. — *Sol ubi, etc.* Vesperti, cadente sole, qui umbras montium projicit in altam partem, atque illam, in quam oriens eas projiciebat.

35. *Amicum.* Gratum agricolis, ob noctem et quietem.

37. *Damnosa.* Quæ omnia consumit. — *Imminuit.* Deterit, corrumpit. — *Dies.* Temporis diuturnitas.

38. *Ætas, etc.* Gradatio pulcherrima: nostri parentes erant avis nequiores, nos parentibus sumus, nostri liberi nobis erunt.

39. *Mox.* Id est, paulo post.

ODE VII.

Ad Mæcenatem.

Eum ad sacrificium et epulas, data occasione, invitat.

Martiis cælebs quid agam kalendis,
Quid velint flores, et acerra turis
Plena, miraris, positusque carbo in
Cespite vivo,

5 Docte sermones utriusque linguæ.
Voveram dulces epulas, et album
Libero caprum, prope funeratus
Arboris ictu.

10 Hic dies, anno redeunte, festus,
Corticem adstrictum pice dimovebit
Amphoræ, fumum bibere institutæ
Consule Tullo.

15 Sume, Mæcenas, cyathos amici
Sospitis centum; et vigiles lucernas
Perfer in lucem: procul omnis esto
Clamor et ira.

Mitte civiles super urbe curas:
Occidit Daci Cotisonis agmen;
Medus, infestus sibi, luctuosis

1. *Martiis, etc.* Martiis kalendis solebant matronæ sacrificia Junoni eximio apparatu facere, iparum vero mariti Jano, qui suis etiam uxoribus munera tunc floresque missitabant. — *Docte sermones, etc.* O Mæcenas, qui latinam et græcam linguam egregie doctus es, qui utramque præclare calles, miraris quid agam, quid mihi velim cum isto sacrificio, etc.

2. *Acerra.* Turis vasculum.

3. *Cespite.* Ara graminea, id est, facta e congesto cespite viridi.

6. *Voveram.* En causa sacrificii quod Horatius faciebat, istis martiis kalendis. — *Album.* Hostiæ candidæ diis superis immolabantur, atræ inferis.

7. *Libero.* Baccho, cujus in tutela sunt poetæ. — *Caprum.* Vites arrodere caper solet: hinc Baccho immolabatur. — *Prope funeratus.* Prope mortui datus, casu arboris in suum caput procumbentis.

9. *Anno redeunte.* Anno vertente, id est, singulis annis. — *Festus.* Ob memo-

riam accepti a Baccho, qui me servavit, beneficii.

10. *Corticem.* Quo obstructa est et clausa vini amphora: suber adhibebatur vulgo. — *Dimovebit.* Relinet, tollet.

11. *Fumum, etc.* Quæ amphora mea instituta est, id est, cœpit fumum bibere; in horreo, seu camino, posita est, ut crudus austerioris vini succus fumo mitesceret, ab eo tempore quo Tullius consul est factus. Volcatius Tullus gessit consulatum annis U. C. 688 et 721.

13. *Sume, etc.* Invitat illum ad epulas.

14. *Sospitis, etc.* In gratiam amici gravissimo periculo liberati.

15. *Perfer.* Protrahere, producito.

16. *Clamor.* Quo sæpe compotiores debacchantur.

17. *Mitte.* Omittite. — *Civiles.* Quas sumis pro civium incolumitate.

18. *Cotisonis.* Dux erat Dacorum, sive Getarum, partes Antonii contra Augustum secutus.

19. *Infestus, etc.* Sibi exitiales ipsis, sibi ipsis invicem infensi.

20

Dissidet armis :

Servit hispanæ vetus hostis oræ,
 Cantaber, sera domitus catena :
 Jam Scythæ laxo meditantur arcu
 Cedere campis.

25

Negligens, ne qua populus labore,
 Parce privatus nimium cavere ;
 Dona præsentis rape lætus horæ, et
 Linque severa.

22. *Cantaber*. Domiti fuerunt penitus Cantabri anno U. C. 736, quum per annos ferme ducentos bella cum Romanis gessissent.

23. *Laxo*. Laxato, et inutili.

24. *Cedere campis*. Ex Armenia discedere.

25. *Negligens, etc.* Quum jam securus sis, ne nimium caveas ne quid detrimenti respublica capiat, factus hodie privatus et meus conviva.

27. *Dona, etc.* Vitam, valetudinem, epulas.

28. *Severa*. Seria, curas.

ODE VIII.

Ad Mercurium.

Mercurium, ac suam testudinem rogat, ut Lyden sibi placatam reddant. Danaïdum apud inferos supplicium, et causam ejus narrat.

Mercuri (nam te docilis magistro
 Movit Amphion lapides canendo),
 Tuque, testudo, resonare septem
 Callida nervis,

5

(Nec loquax olim, neque grata, nunc et
 Divitum mensis et amica templis),
 Dic modos, Lyde quibus obstinatas
 Applicet aures.

10

Tu potes tigres, comitesque silvas
 Ducere, et rivos celeres morari :
 Cessit immanis tibi blandienti
 Janitor aulæ,

1. *Te docilis magistro*. Eductus a te magistro.

2. *Amphion*. Jovis et Antiope filius, urbis thebanæ muros, saxis ad lyræ sonum sua sponte se componentibus, extruxit.

3. *Testudo*. Lyræ invenit Mercurius, eamque primo compegit, e testudinis tergo et tegmine, quod cavum est, additis septem chordis, etc.

4. *Callida*. Perita.

5. *Nec loquax, etc.* Quæ non eras apta ad canendum, prius quam te Mercurius sîdibus instruxisset.

6. *Templis*. Ubi deorum laudes canuntur.

7. *Dic modos, etc.* O Mercuri, o testudo, seu lyra mea, doce me carmina, quæ Lyde libenter audiat.

9. *Tu potes, etc.* Suam lyram alloquitur.

10. *Ducere*. Ut fecit Orpheus. — *Morari*. Moram injicere, tardare.

11. *Blandienti*. Tibi blande sonanti; tuorum modulorum blanditis.

12. *Aulæ immanis*. Inferorum : quum idem Orpheus descendisset ad inferos, Eurydicen repetiturus.

- Cerberus, quamvis furiale centum
 Muniant angues caput ejus, atque
 15 Spiritus teter saniesque manet
 Ore trilingui.
 Quin et Ixion Tityosque vultu
 Risit invito; stetit urna paulum
 Sicca, dum grato Danaï puellas
 20 Carmine mulces.
 Audiat Lyde scelus atque notas
 Virginum pœnas, et inane lymphæ
 Dolium fundo pereuntis imo,
 Seraque fata,
 25 Quæ manent culpas etiam sub Orco.
 Impiæ (nam quid potuere majus?),
 Impiæ sponso potuere duro
 Perdere ferro!
 Una de multis, face nuptiali
 30 Digna, perjurum fuit in parentem
 Splendide mendax, et in omne virgo
 Nobilis ævum:
 Surge, quæ dixit juveni marito,
 Surge, ne longus tibi somnus, unde
 35 Non times, detur; socerum et scelestas
 Falle sorores;
 Quæ, velut nactæ vitulos lænæ,
 Singulos, eheu! lacerant; ego, illis

13. *Furiale*. Anguibus hirsutum, ut caput Furiarum.

15. *Spiritus*. Anhelitus. — *Sanies*. Tabum, venenum.

17. *Ixion*. Is, ob suam impletatem, defectus in inferos fuit, et rotæ, quæ perpetuo circumagitur, affixus.

18. *Risit*. Propter lyræ cantusque dulcedinem. — *Invito*. Propter pœnarum, quibus interim cruciabatur, acerbitem. — *Urna, etc.* Urnæ Danaïdum, quibus aquam haustam in dolium pertusum et rimosum infundunt, siccæ aliquandiu manserunt, illis te audientibus et laborem omittentibus.

20. *Mulces*. Orpheo canente.

22. *Virginum*. Danaïdum: sic vocantur a patre Danao, Argivorum rege: appellantur etiam Bellides, ab avo suo Belo. — *Et inane, etc.* Ordo est: et audiat dolium inane lymphæ pereuntis, seu effluentis in imo ejusdem dolii fundo, pertuso scilicet. — *Inane lymphæ*. Pro, vacuum aqua, nonquam aqua plenum.

24. *Fata*. Pœnas a fati destinatas. *Sera* vocat, quia nullo exitu terminanda sunt.

25. *Manent culpas*. Quæ fata, quæ pœnæ reos expectant, sceleribus destinatæ sunt.

26. *Majus*. Crudelius; subaudi facere.

27. *Duro*. Crudeli.

29. *Una de multis*. Hypermnestra, ex quinquaginta sororibus sola. — *Fæce, etc.* Digna honore matrimonii.

30. *Perjurum*. Quia Danaus, Danaïdum parens, promiserat suarum filiarum sponsis omnia læta et fortunata.

31. *Splendide*. Glorioso, pulchre. — *Mendax*. Pollicita erat suo parenti se sponsum necaturam.

33. *Marito*. Lynceus vocabatur.

34. *Longus somnus*. Mors.

35. *Unde non times*. Ab ea manu, quæ tibi suspecta non est. — *Socerum*. Danaum.

36. *Falle*. Effuge, late. — *Sorores*. Meas.

37. *Velut, etc.* Tanquam lænæ vitulos, quos invenere, contrucidant.

38. *Singulos*. Suos singulæ maritos, suum unaquæque.

- 40 Mollior, nec te feriam, neque intra
Claustra tenebo.
Me pater sævis oneret catenis,
Quod viro clemens misero peperci:
Me vel extremos Numidarum in agros
Classe releget:
45 I, pedes quo te rapiunt et auræ,
Dum favet nox et Venus: i, secundo
Omne, et nostri memorem sepulcro
Sculpe querelam. »

39. *Mollior.* Clementior, humanior.

40. *Intra claustra tenebo.* Intra thalamum retinebo: nam mox tibi mortem sorores inferent.

43. *Numidarum.* In Africa.

44. *Classe.* Navi. — *Releget.* In exilium mittat.

45. *Et auræ.* Et venti; id est, ad navem festina.

46. *Venus.* Ob meum in te amorem, et pietatem. — *Secundo.* Fausto.

47. *Et nostri, etc.* Quum ego mortua fuero, tu meo sepulcro insculpe carmen lugubre, quo significes te nostri, te mei amoris, et vitæ meo beneficio acceptæ, meminisse.

ODE IX.

Ad fontem Bandusium.

Fonti Bandusiæ sacrificium, et a versibus hæc nobilitatem promittit.

- O fons Bandusiæ, splendidior vitro,
Dulci digne mero, non sine floribus,
Cras donaberis hædo,
Cui frons turgida cornibus
5 Primis et Venerem et prælia destinat
Frustra; nam gelidos inficiet tibi
Rubro sanguine rivos,
Lascivi soboles gregis.
Te flagrantis atrox hora Caniculæ
10 Nescit tangere; tu frigus amabile
Fessis vomere tauris

1. *Bandusiæ.* Erat ille fons, prope villam Horatii in agro sabino. — *Vitro.* Crystallo pellucidior.

2. *Digne mero, etc.* Qui dignus es, cui fiat sacrificium, fontium numini fieri solitum, sparsis floribus, et mero.

3. *Hædo.* Qui tibi immolabitur, seu numini, quod tibi præsidet. Sua enim esse singulis fontibus credebant numina: unde sacri sæpe fontes appellantur.

5. *Primis.* Recentibus, primum emergentibus. — *Prælia.* Solent hædi adversis cornibus inter se pugnare. — *Destinat.*

Frons illi destinat, id est, qui hædus, sentiens erumpere sibi cornua, jam se accingit ad prælia, sed frustra, nam, etc.

6. *Tibi.* In honorem tuum, tibi immolatus. — *Inficiet.* Tinget.

8. *Soboles gregis lascivi.* Hædus ille. Capra est animal lascivum.

9. *Atrox hora.* Calida tempestas, æstivum tempus, quo sævire Canicula solet. *Canicula* est sidus, quo circa medium Julium exoriente, maximæ calores excitantur.

10. *Nescit.* Nequit.

Præbes, et pecori vago.
Fies nobilium tu quoque fontium,
Me dicente cavis impositam ilicem
Saxis, unde loquaces
Lymphæ desiliunt tuæ.

15

12. *Præbes, etc.* Tu frigus suppeditas pecori sitibundo delectabile, propter aquæ potum. — *Vago.* Erranti, pascenti.
13. *Fontium.* Subaudi, unus: græca locutio.

14. *Me dicente, etc.* Quum ego laudabo quercum, quæ imminet rupi, e qua fluit.

15. *Unde.* Quibus e saxis.

16. *Desiliunt.* Desluunt, decurrunt.

ODE X.

Ad Romanos.

Augusti reditum ex Hispania, post cantabricum bellum, celebrat.

Herculis ritu, modo dictus, o plebs,
Morte venalem petiisse laurum,
Cæsar hispana repetit penates
Victor ab ora.

5

Unico gaudens mulier marito
Prodeat, justis operata divis;
Et soror clari ducis, et decoræ
Supplice vitta

10

Virginum matres, juvenumque nuper
Sospitum. Vos, o pueri, et puellæ
Jam virum expertæ, male ominatis
Parcite verbis.

Hic dies, vere mihi festus, atras
Eximet curas: ego nec tumultum,

1. *Herculis, etc.* Ordo est: o plebs, o Quirites, Cæsar Augustus, qui nuper vobis dictus est laurum et victoriam de Cantabris morte venalem petiisse, instar Herculis, repetit victor domum ab Hispania. — *Ritu.* More et exemplo Herculis: quia Hercules olim, in eadem Hispania versatus, multos labores et vitæ pericula adierat.

2. *Morte, etc.* Victoriam sanguine, et periculo sui capitis emendam.

3. *Penates.* Erant dii domestici; pro ipsa domo ponuntur.

4. *Victor.* De Cantabris.

5. *Unico, etc.* Livia, quæ marito unice gaudet.

6. *Operata.* Vota pro salute mariti suscepta nunc sacro faciendo exsolvat. —

Justis. Quod reditum Augusto merenti annuerint.

7. *Soror.* Octavia, soror Augusti. — *Decoræ, etc.* Solebant, in publicis supplicationibus, caput et manus tæniolis quibusdam sacris adoperire.

9. *Juvenum.* Redux exercitus una cum Augusto.

10. *Vos, o pueri, etc.* Vos ipsi, o juvenes mariti, et nuptæ puellæ, ne amplius jacite male ominata ista verba, quibus raptum tri tristi bello vestrum conjugium augurabamini.

13. *Atras curas.* Tristes curas, quæ atram bilem excitare valeant.

14. *Tumultum.* Civile bellum hoc nomine proprie intelligitur.

- 15 Nec mori per vim metuam, tenente
Cæsare terras.
I, pete unguentum, puer, et coronas,
Et cadum marsi memorem duelli,
Spartacum si qua potuit vagantem
- 20 Fallere testa.
Dic et argutæ properet Neæræ
Myrrheum nodo cohibere crinem:
Si per inuisum mora janitorem
Fiet, abito.
- 25 Lenit albescens animos capillus
Litium et rixæ cupidos protervæ:
Non ego hoc ferrem, calidus iuventa,
Consule Planco.

15. *Per vim.* Per externum, et hostile bellum. — *Tenente.* Regente.

17. *Pete.* Para, affer. — *Puer.* Seruum alloquitur. — *Coronas.* Coronati floribus, et unguentis delibuti, accumbebant.

18. *Cadum, etc.* Cujus vinum conditum sit, bello marso, seu marsico. Porro bellum illud vocatum etiam fuit sociale; quia fuerat confiatum a sociis Italix populis et foederatis, qui, quum jus civitatis sibi promissum obtinere non possent, arma ceperunt. Hos inter quia præcipui Marsi erant, marsicum est vocatum. Incidit in annum U. C. 663. — *Duelli.* Belli. — *Memorem.* Quia mos erat Romanis cado inscribere quo anno vinum fuerat infusum.

19. *Spartacum, etc.* Si qua ratione testa potuit fallere, id est, latere Spartacum vagantem tota Italia, et eam devastantem. Fuit Spartacus gladiator, qui servos et gladiatores in rempublicam

armavit, bellumque servile conflagit, anno U. C. 681.

20. *Testa.* Amphora, cadus fictilis.

21. *Argutæ.* Scite et eleganter canentis. Erat fidicina, quales sæpe in convivis adhibebant: eam Horatius per servulum accersiri jubet.

Myrrheum. Myrtheo unguento nitem. — *Cohibere.* Religare, colligere.

23. *Si per janitorem, etc.* Si non statim a janitore admittaris. — *Invisum.* Difficilem nempe.

25. *Lenit, etc.* Ordo et sensus est: *capillus albescens*, id est ætas jam in senectutem vergens, lenit, temperat animos meos, hoc est, iracundiam rixæ amantem.

27. *Non ego, etc.* Repulsam a janitore non tulissem. — *Calidus iuventa.* Ob juventutem calidior, atque iracundiæ minus potens.

28. *Planco.* Consul fuit anno U. C. 711, quo anno Horatius natus erat annos admodum 24.

ODE XI.

Ad Mæcenatem.

Aurum vincit ac perrumpit omnia. Nihil cupere, parvo contentum esse, summa felicitatis est.

Inclusam Danaen turris ahenea, Robustæque fores, et vigilum canum

1. *Danaen.* Erat Acrisii filia, regis Argivorum. Audierat Acrisius se a nepote vita et sollo privatum iri: quare filiam, ne quis ex ea nasceretur, ahenea turri incluserat. Jupiter, in pluviam au-

ream conversus, Perseum ex ea suscepit, a quo Acrisius inconsulto et temere disci jactu occisus esse traditur.

2. *Robustæ.* E trabibus roboreis constructæ, id est, firmæ.

- Tristes excubiæ munierant satis
 Nocturnis ab adulteris :
- 5 Si non Acrisium, virginis abditæ
 Custodem pavidum, Jupiter et Venus
 Risissent : fore enim tutum iter et patens,
 Converso in pretium deo.
- 10 Aurum per medios ire satellites,
 Et perrumpere amat saxa, potentius
 Ictu fulmineo. Concidit auguris
 Argivi domus, ob lucrum
 Demersa exitio : diffidit urbium
 Portas vir macedo, et subruit æmulos
- 15 Reges muneribus : munera navium
 Sævos illaqueant duces.
 Crescentem sequitur cura pecuniam,
 Majorumque fames. Jure perhorruì
 Late conspicuum tollere verticem,
- 20 Mæcenas, equitum decus.
 Quanto quisque sibi plura negaverit,
 Ab dis plura feret. Nil cupientium
 Nudus castra peto, et transfuga divitum
 Partes linquere gestio,
- 25 Contemptæ dominus splendidior rei,

3. *Tristes. Metuendæ.* — *Munierant satis.* Satis munissent, tutam præstatura faissent, nisi, etc.

7. *Fore enim, etc.* Subaudi, sciebant, et aiebant.

8. *In pretium.* In aurum. — *Deo. Jovi.*

10. *Amat. Solet.* — *Saxa.* Arces, opida munitissima.

11. *Auguris, etc.* Amphiarai familia : qui, quum (ut erat augur optimus) intellexisset periturum se in bello thebano, quod agitant Polynices, et Adrastus, ejus sororem Eriphylen Amphiaras duxerat, adduci non poterat, ut ad illud proficisceretur, donec Adrastus molle auro et gemmis præstans Eriphyliæ dedit; quo illecta, persuasit viro ut bellum peteret: in quo ipse, terra discendente, haustus est. Eriphyle subinde fuit ab Alcmaëone filio interempta, Alcmaëon ab Adraeto et Polynice; Amphiloehus etiam, Alcmaëonis frater, in bello thebano perlit. Ita ob unius mulieris avaritiam tota domus Amphiarai exitio demersa est, id est, extincta, eversa.

13. *Diffidit.* Perfregit, expugnavit. Arietis et tormenti muralis loco ei muna fuere.

14. *Vir macedo.* Philippus, Alexandri pater, Macedoniæ rex.

15. *Navium duces.* Gubernatores.

16. *Illaqueant.* Corrumpunt.

17. *Cura. Servandæ pecuniæ, metas amittendæ.*

18. *Majorumque fames.* Majorum opum, majoris pecuniæ cupiditas. — *Jure, etc.* O Mæcenas, qui equitum et equestris ordinis (in eo enim ille constitutus præ modestia) decus es, ego jure pertinui magnas opes possidere, et honores; ceteris eminere nolui.

21. *Plura negaverit.* Cupiditati sum, et avaritiæ detraxerit.

22. *Feret.* Obtinebit, a diis scilicet.

23. *Castra peto.* Metaphora ducitur a re bellica: ego partes relinquo avarorum, et amplector partes illorum, qui nihil desiderant, pauper, et nihil ipse possidens aut cupiens, præter id quod satis est. — *Transfuga.* Tanquam transfuga et fugitivus.

25. *Contemptus dominus, etc.* Multo majori mihi cedit honori, quod rem tenuem et ab aliis contemptam meo imperio subjicere didici, quam si res ampla me suo subjiceret imperio; id est, tenuitate mea contentus longe beator sum divite, qui magnas inter opes multa adhuc desiderat et suis abstinet.

Quam si, quidquid arat non piger Appulus,
Occultare meis dicerer horreis,

Magnas inter opes inops.

30 Puræ rivus aquæ, silvaque jugerum
Paucorum, et segetis certa fides meæ,
Fulgentem imperio fertilis Africæ

Fallit, sorte beator.

35 Quanquam nec Calabræ mella ferunt apes,
Nec læstrygonia Bacchus in amphora
Languescit mihi, nec pinguis gallicis

Crescunt vellera pascuis;

Importuna tamen pauperies abest;
Nec, si plura velim, tu dare deneges.

40 Contracto melius parva cupidine
Vectigalia porrigam,

Quam si mygdoniis regnum Alyattici
Campis continuem. Multa petentibus
Desunt multa: bene est, cui deus obtulit
Parca, quod satis est, manu.

26. *Appulus*. Apulæ solum ferax, et agricolæ laboriosi erant.

27. *Occultare*. Habere reconditum.

30. *Certa fides*. Fundus fidelis, red-dens semper cum fenore sementem com-missam.

31. *Fulgentem, etc.* Phrasis græca est: ita est ordinanda: rivus aquæ puræ, silva paucis constans jugeribus, et præ-dium non mendax, *fallit*, id est, latet, eum qui fulget Africæ imperio, hoc est, imperatorem, regem Africæ; latet, in-quam, illum, ab eo ignoratur esse hic rivus, hæc silva mea, beator sorte ac opibus suis, et regum omnium. Nescit Africæ rex exiguas meas opes, rivum et silvulam, esse felicior sorte sua, re-gis opibus suis.

33. *Calabræ*. Calabria pars est ex-trema Italiæ, prope Siciliam, ubi mel optimum. — *Ferunt*. Scilicet mihi.

34. *Læstrygonia*. Formiana. For-miæ, oppidum est Campaniæ Italiæ, ad quod olim Læstrygones, Siciliæ populi, commigrarunt: in ejus agro vitæ op-

timæ, ut flores et mel in Calabria.

35. *Languescit*. Senescit, mitescit. — *Pinguis*. Fecunda. — *Gallicis*. Næmpe in Gallia cisalpina, ad Padum, ubi læta pascua.

37. *Importuna*. Pauperies molesta, aspera, et extrema, in qua nulla est requies.

39. *Contracto, etc.* Imminuto, re-frenato amore divitiarum.

40. *Vectigalia, etc.* Extendam pro-ventus meos latius, et agros, si nihil cupiam, quam si, etc. Nam qui nihil cupit ditior est, quam qui, multa quæcum habeat, plura cupit. Vectigal porro sæpe sumitur pro fundo et prædio. Vel, vecti-galia facillius pendam.

41. *Mygdoniis*. Phrygiis. Mygdon fuit rex Phrygiæ, in Asia. — *Alyattici*. Croesi, qui filius fuit Alyattis, et rex Lydiæ ditissimus.

42. *Continuem*. Continuum, et aliis adjectum, possideam.

43. *Bene est, etc.* Illi bene est, cum illo præclare agitur, cui, etc.

ODE XII.

Ad Ælium Lamiam.

Ilum hortatur ad diem crastinum, qui ater procellosusque fore videbatur, hilare, porcello veru tosto, transigendum.

- Æli, vetusto nobilis ab Lamo,
 Quando et priores hinc Lamias ferunt
 Denominatos, et nepotum
 Per memores genus omne fastos:
 5 Auctore ab illo ducis originem,
 Qui Formiarum mœnia dicitur
 Princeps, et innantem Maricæ
 Littoribus tenuisse Lirim,
 Late tyrannus: cras foliis nemus
 10 Multis, et alga littus inutili,
 Demissa tempestas ab Euro
 Sternet; aquæ nisi fallit augur
 Annosa cornix. Dum potes, aridum
 Compone lignum: cras genium mero
 15 Curabis, et porco bimestri,
 Cum famulis operum solutis.

2. *Quando*. Siquidem. — *Hinc*. Ab isto vetusto Lamo, Læstrygonum rege, Formiarum conditore.

4. *Fastos*. Fasti erant libri et tabulæ publicæ, in quas referebatur quid quoque die gestum esset ad rempublicam spectans, virorum principum nomina, res gestæ, etc.

5. *Auctore*. Familiæ principe.

7. *Princeps*. Primus. — *Innantem*, etc. Qui dicitur tenuisse, id est, obtinuisse, possedisse Formias, et Lirim fluvium, qui innatat Maricæ littoribus, id est, qui agrum minturnensem transit, ubi nympha Marica, Fauni uxor, ut dea tutelaris colitur.

9. *Late tyrannus*. Late rex, amplam ditionem obtinens. — *Cras foliis*, etc. Cras, si fides habenda est cornicis au-

gurio, tam in silvis quam in mari tempestas sævlet.

10. *Inutili*. Hinc proverbium, *alga vilis*, de re inutili.

13. *Annosa*. Plures enim hominum ætates cornicem vivere traditur. — *Cornix*. Virg. l. *Georg.* *Cornix rauca pluviam vocat improba voce*. — *Dum potes*. Nempe antequam imbre et tempestate madefiat lignum.

14. *Compone* Collige. — *Genium curabis*. Genio et epulis indulgebis.

15. *Porco*. Immolabatur porcus Lari et genio.

16. *Operum*. Genitivus, græco more, pro ablativo. — *Solutis*. Qui propter tempestatem, labore et opere soluti erunt, vacabant ab opere rustico.

ODE XIII.

Ad Faunum.

Hunc deum precatur, ut agro pecorique sit innoxius.

- Faune, nympharum fugientum amator,
 Per meos fines, et aprica rura
 Lenis incedas, abeasque parvis
 Æquus alumnis:
 5 Si tener pleno cadit hædus anno,
 Larga nec desunt Veneris sodali
 Vina crateræ, vetus ara multo
 Fumat odore.
 Ludit herboso pecus omne campo,
 10 Quum tibi nonæ redeunt decembres;
 Festus in pratis vocat otioso
 Cum bove pagus.
 Inter audaces lupo errat agnos:
 Spargit agrestes tibi silva frondes:
 15 Gaudet invisam pepulisse fossor
 Ter pede terram.

2. *Meos.* In agro sabino villam habebat.

3. *Abeasque.* Faunus, idem qui Pan, partem anni degere dicebatur in Arcadia sua, partem in Italia.

4. *Æquus.* Miles, innoxius. — *Alumnis.* Orium, et aliis id genus fetibus, qui aluntur in villa: ruris vernulis.

5. *Cad' t.* Tibi a me sacrificatur. — *Pleno.* Exacto, absoluto.

7. *Crateræ.* Cratera sodalis, id est, socia et amica Veneris. — *Vetus.* Ara per multos jam annos tibi instituta.

8. *Odore.* Ture.

10. *Nonæ.* Die 5 decembris fiebat sacrificium istud Fauno.

11. *Festus, etc.* Pagus tua festa celebrans vacat ab opere.

13. *Inter, etc.* Ita fressi sunt præsidio tuo agni, ut lupos non curent, interque ipsos lupi errent sine fraude.

14. *Spargit, etc.* Silvæ spoliant se frondibus, ut tibi humum sternant foliis suis, et sic abeuntem cohonestent et colant.

15. *Invisam.* Invisam vocat, quia in ea colenda et exercenda sudat. — *Fossor.* Vinitor, colonus. — *Pepulisse.* Saltando ad numerum.

ODE XIV.

Ad Telephum.

Ilum hortatur ut, omissis litteris et historiis, de vita jucunda cogitet.

Quantum distet ab Inacho
 Codrus, pro patria non timidus mori,

1. *Distet* Quanto post tempore vixerit. *Inachus* Argivorum regno initium dedit, circa annum mundi 2197. *Codrus*, Atheniensium rex ultimus, circa 2960. Is pro patria se devovit in bello quod inter Dorienses et Athenienses

- Narras, et genus Æaci,
 Et pugnata sacro bella sub Ilio:
 5 Quo chium pretio cadum
 Mercemur; quis aquam temperet ignibus,
 Quo præbente domum, et quota,
 Pelignis caream frigoribus, taces.
 Da lunæ propere novæ,
 10 Da noctis mediæ, da, puer, auguris
 Murenæ: tribus aut novem
 Miscentur cyathis pocula commodis.
 Qui Musas amat impares,
 Ternos ter cyathos attonitus petet
 15 Vates: tres prohibet supra,
 Rixarum metuens, tangere Gratia,
 Nudis juncta sororibus.
 Insanire juvat. Cur berecynthiæ
 Cessant flamina tibiæ?
 20 Cur pendet tacita fistula cum lyra?
 Parcentes ego dexteras
 Odi: sparge rosas; audiat invidus
 Dementem strepitum Lycus,
 Et vicina, seni non habilis Lyco.

3. *Æaci.* Fuit Æacus Jovis filius, Pelei pater, Achillis avus.

4. *Ilio.* Troja, sic dicta ab Ilo, trojano rege. *Sacrum* dicitur ob templorum in ea urbe celebritatem ac multitudinem; vel quia Neptunus et Apollo ejus mœnia condiderant.

5. *Chium.* Chios insula est maris ægæi, inter Samum et Lesbum, vino suo inclita.

6. *Aquam.* Balnei, quo utebantur ante cœnam. — *Temperet.* Tepidam faciat.

8. *Quo præbente, etc.* Cujus in domo, quota hora, mensæ accumbam, ad focum, et propetsem hibernum frigus: quod *Pelignum* vocat, ab regione Pelignorum, nota Horatio, quia Peligni erant vicini Sabinis; eorum regio, propter montes, frigida. — *Taces.* Non me doces.

9. *Da.* Vocat servum, et quasi arrepto calice, infundi sibi jubet. — *Lunæ novæ.* Per lunam novam, quidam suspicantur lunam vesperiurgentem indicari; ut ver novum dicitur, quod incipit, et sol novus, sol oriens. Alii per lunam novam, intelligunt crescentem, nondum plenam.

10. *Auguria Murenæ.* Ille Mæcenatis sororis frater fuit. Augures ex avium

cantu, pastu, volatu, futura prædicebant, ac deorum voluntatem renuntiabant.

11. *Tribus aut, etc.* Id est, commode, convenienter Musis, aut Gratiis bibitur, quum tria pocula exhibuntur, vel quum novem. *Pocula* erant vasa majora, e quibus vinum propinabatur, et cum aqua miscebatur in cyathis, qui erant minora vasa, seu patens.

13. *Impares.* Novem.

14. *Ternos ter, etc.* Novies bibet. — *Attonitus.* Non jam sui compos, furor percussus.

17. *Nudis.* Nudæ idcirco finguntur Gratiæ, quia sine fuce esse debent.

18. *Insanire juvat.* Citra modum et liberalius bibere certum est. — *Berecynthiæ.* Phrygiæ, a monte Berecynthio in Phrygia, ubi præcipue in Cybeles sacris tibiæ usus fuit.

20. *Pendet.* E pariete.

21. *Parcentes, etc.* Avaras, parcas.

23. *Dementem.* Inconditum, vehementem, ut ab ebriosis tollitur. — *Lycus.* Vicinus aliquis, Horatio insensus.

24. *Vicina.* Uxor Lyci; cujus mores discrepant a mariti moribus, quæ cum marito non conveniunt.

ODE XV.

Ad amphoram.

Eam hortatur, ut, in Corvini gratiam, vinum vetustum, cujus laudes
prosequitur, depromat.

- O nata mecum, consule Manlio,
Seu tu querelas, sive geris jocos,
Seu rixam et insanos amores,
Seu facilem, pia testa, somnum :
5 Quocumque lectum nomine massicum
Servas, moveri digna bono die,
Descende, Corvino jubente
Promere languidiora vina.
Non ille, quanquam socraticis madet
10 Sermonibus, te negliget horridus :
Narratur et prisci Catonis
Sæpe mero caluisse virtus.
Tu lene tormentum ingenio admoves
Plerumque duro : tu sapientium
15 Curas et arcanum jocoso
Consilium retegis lyæo :
Tu spem reducis mentibus anxiis
Viresque; et addis cornua pauperi,
Post te neque iratos trementi

1. *O nata, etc.* Nata dicitur amphora, quo tempore impleta vino fuit; nempe eodem anno, et consule, quo natus erat Horatius, urbis 689, L. Manlio Torquato et L. Aurelio Cotta consulibus.

2. *Geris.* Quasi gravida esset amphora querellis, jocis, somno; quia hæc omnia parturire vinum solet.

4. *Pia.* Vox amorem et venerationem sonans.

5. *Quocumque; etc.* Quacumque de causa, in quemcumque usum, servas vinum lectum, electum, eximium. — *Massicum.* Est mons in Campania, unde vinum optimum.

6. *Moveri.* Ut res sacra; ex apotheca deripi et proferri. — *Bono die.* Quo vel Corvinus consul creatus erat, anno U. C. 722, aut triumphum de Gallis idem retulerat, anno 736.

7. *Descende.* Ex apotheca. — *Corvino.* M. Valerio Messala Corvino, qui et consulatum gessit, et de Galli triumphavit. — *Jubente.* Quia forte se ad

convivium ipso invitaverat apud Horatium.

8. *Promere.* Scilicet me. — *Languidiora.* Vetusta, et proinde mitiora.

9. *Socraticis, etc.* Etsi Corvinus austeriori philosophia totus imbutus sit, non erit ille tamen adeo tetricus et austerus, ut te negligat ac respuat. — *Madet.* Imbutus est ad plenum delibutus.

11. *Catonis.* Censorii, qui, Plutarcho teste, moderatas epulas non spernebat. *Priscus* vocatur, sive senior; nam Cato Uticensis erat illius nepos: Catonis virtus, pro Catone virtute prædico.

13. *Tu lene, etc.* Tu expugnas severitatem ac duritiam ingenii asperioris.

14. *Tu curas, etc.* Tu graviores sapientium cogitationes evellis, et altis latentia mentibus consilia aperis, et in lucem profers.

18. *Cornua.* Vires, audaciam.

19. *Post te.* Scilicet, post te hauftam; munere tuo recreatus.

20

Regum apices, neque militum arma.
 Te Liber, et si læta aderit Venus,
 Segnesque nodum solvere Gratiae,
 Vivæque producent lucernæ,
 Dum rediens fugat astra Phœbus.

20. *Apices*. Diademata, potestatem et iram.

22. *Segnes, etc.* Quæ non facile, quo invicem inter se nexæ sunt, solvunt vinculum.

23. *Vivæque*. Tandiu lucerna vivere censetur, quamdiu ardet. — *Producent*. Proferent, protrahent.

24. *Dum, etc.* In lucem : tu continuabis epulas per totam noctem.

ODE XVI.

Ad Dianam.

Et pinum consecrat; verrem pro victima pollicetur.

Montium custos nemorumque, virgo,
 Quæ laborantes utero puellas
 Ter vocata audis, adimisque leto,
 Diva triformis;
 5 Imminens villæ tua pinus esto,
 Quam per exactos ego lætus annos,
 Verris, obliquum meditantis ictum,
 Sanguine douem.

1. *Montium custos, etc.* Diana, sive Luna : partibus eadem dicebatur præesse, tumque Lucina et Ilithya vocabatur.

3. *Ter*. Numerus ternarius religioni servit; ac vulgo in sacris adhibebatur. — *Adimis leto*. Neci eripis.

4. *Triformis*. Quia luna tres maxime phases, ut vocant, seu species et formas habet, crescens, plena, decrescens : item tria nomina ; in cœlo vo-

catur Luna ; in terris, Diana ; in inferis, Hecate sive Proserpina.

5 *Imminens*. Incumbens. — *Tua*. Tibi sacra ; cuius in tutela sunt silvæ et arbores.

6. *Exactos*. Absolutos : vertente anno quolibet, quotannis.

7. *Verris*. Porcelli. — *Obliquum*. Majores dentes, quibus porci utuntur, quum aliquem petunt, ita sunt dispositi ad malæ latus, ut ictum nisi obliquum inferre non possint. — *Meditantis*. Infigere parantis.

ODE XVII.

Ad Phidylum.

Eam monet, deos rusticis et minime sumptuosis muneribus recte colli posse.

Cœlo supinas si tuleris manus,
 Nascente luna, rustica Phidyle;

1. *Supinas*. Porrectas cœlum versas. Manibus enim sursum expansis antiquitus precari solebant.

2. *Nascente luna*. In novilunio ma-

xime sacrificia fiebant pro terræ frugibus, quibus augendis aut minuendis præcipua lunæ vis habebatur.

- Si ture placaris et horna
 Fruge Lares, avidaque porca;
 5 Nec pestilentem sentiet Africum
 Fecunda vitis, nec sterilem seges
 Rubiginem, aut dulces alumni
 Pomifero grave tempus anno.
 Nam, quæ nivali pascitur Algido
 10 Devota, quercus inter et ilices,
 Aut crescit albanis in herbis,
 Victima, pontificum secures
 Cervice tinget. Te nihil attinet
 Tentare multa cæde bidentium
 15 Parvos coronantem marino
 Rore deos, fragilique myrto.
 Immunis aram si tetigit manus,
 Non sumptuosa blandior hostia,
 Mollivit aversos Penates
 20 Farre pio et saliente mica.

3. *Horna*. Præsentis anni : ab adjectivo, *hornus*.

4. *Frugè*. Frumento. — *Avidaque porca*. Edaci et inexplibili. — *Lares*. Deos domesticos : Penates etiam dicuntur.

5. *Pestilentem*. Ob calorem humidum. Est autem *Africus* ventus meridionalis.

6. *Sterilem*. Qui steriles agros facit. *Rubigo* est vitium segetis, quum aristæ contabescunt.

7. *Alumni*. Fetus pecudum.

8. *Grave tempus*, etc. Subaudi, sentient.

9. *Nam, quæ*, etc. Lautiores enim, vel porcos, vel boves, pontificibus pro publica salute convenit mactare victimas. — *Algido*. Monte Etruriæ.

10. *Devota*. Aris destinata.

13. *Te nihil attinet*, etc. Tu vero non opus habes multis victimis deorum tibi conciliare gratiam, dummodo corollam et rore marino et myrto nexam exiguis Larum simulacris imposueris.

15. *Parvos deos*. Tuos deos Penates, quorum statuæ parvæ sunt. — *Marino rore*. Rosmarinum, vel rosmarinus, herba nota est. *Romarin*.

17. *Immunis*, etc. Sine muneribus, vacua magnis muneribus. — *Aram tetigit*. Solebant aras manu tangere, quum diis supplicabant.

19. *Mollivit*. Mollire solet; molliet, placabit. — *Aversos*. Iratos.

20. *Farre*. Hordeo molito, cui sal mixtus. — *Mica*. Salis particula. — *Saliente*. Quæ subllit ac crepitat quum in ignem conjicitur.

ODE XVIII. ♦

In divites avaros.

Sæculi sui vitia insectatur, et eorum remedia proponit.

Intactis opulentior
 Thesauris Arabum, et divitis Indiæ,

2. *Arabum*. Arabia Felix, Asiæ regio, thesauris et rerum pretiosarum coplis nota. *Intacti* appellantur hic, quia nondum in eos arma Romani verterant.

Horace.

— *Indiæ*. Regio orientalis est, prope Sinam, quam medius Ganges secat, gemmis et auro locuples.

- Cæmentis licet occupes
 Tyrrhenum omne tuis, et mare apulicum;
 5 Si figit adamantinos
 Summis verticibus dira Necessitas
 Clavos, non animum metu,
 Non mortis laqueis expedit caput.
 Campestres melius Scythæ,
 10 Quorum plaustra vagas rite trahunt domos,
 Vivunt, et rigidi Getæ,
 Immetata quibus jugera liberas
 Fruges et cererem ferunt,
 Nec cultura placet longior annua;
 15 Defunctumque laboribus
 Æquali recreat sorte vicarius.
 Illic matre carentibus
 Privignis, mulier temperat innocens;
 Nec dotata regit virum
 20 Conjux, nec nitido fidit adultero.
 Dos est magna parentium
 Virtus, et metuens alterius viri
 Certo fœdere castitas;
 Et peccare nefas, aut pretium est mori.
 25 O quisquis volet impias
 Cædes, et rabiem tollere civicam;
 Si quæret Pater urbium
 Subscribi statuis, indomitam audeat
 Refrenare licentiam,

3. *Cæmentis*. Mollibus, cæmento fartis, quibus in maris littore domos imponebant.

4. *Apulicum*. Adriaticum, in quo est Apulia, oppositum tyrrheno.

5. *Si figit, etc.* Si te mors, si fati necessitas invadit; si clavos summo vertici, id est capiti tuo, figit quibus te attrahat, sibi que vindicet. — *Adamantinos*. Duros instar adamantis; quod est genus ferri durissimum.

6. *Dira Necessitas*. Triste fatum.

8. *Expedit*. Exsolves, extricabis.

9. *Campestres*. Qui medilis in campis, ac identidem mutatis, degunt. — *Scythæ, Getæ*. Populi septentrionales.

12. *Immetata*. Non distincta metis et limitibus. — *Liberas*. Nullius proprias, omnibus communes.

14. *Nec cultura, etc.* Colendæ terræ labor.

17. *Illic, etc.* Apud illos noverca non nocet privignis, id est, sui viri filijs, ex altera conjuge susceptis.

5.

19. *Dotata*. Quæ dotem amplam viro attulit. — *Regit*. Illi imperat, viri est domina.

20. *Fidit*. Credit, gaudet.

21. *Dos est, etc.* Apud Scythas et Getas, hæc est dos virginum præcipua, quod probis ortæ sint parentibus, quod castæ et servantes certi, id est, conjugalis fœderis.

24. *Peccare*. Fidem conjugalem violare. — *Nefas*. Nefas est, non licet. — *Pretium*. Poena est. Nefas sibi esse putant peccare; aut si peccant, merces peccati mors est.

25. *O quisquis, etc.* Hactenus de vitis dixit: jam agit de remedijs.

26. *Rabiem civicam*. Seditiones, bella civilia, quorum causæ sunt vitia civium.

27. *Quæret, etc.* Optabit, ambiet ut statuis suis istud elogium subscribatur, *Pater urbis, patriæ*.

29. *Licentiam*. Auri et voluptatam cupiditatem, cædes, flagitia.

- 30 Clarus postgenitis; quatenus (heu nefas!)
Virtutem incolumem odimus,
Sublatam ex oculis quærimus invidi.
Quid tristes querimonîæ,
Si non supplicio culpa reciditur?
35 Quid leges sine moribus
Vanæ proficiunt, si neque fervidis
Pars inclusa caloribus,
Mundi nec Boreæ finitimum latus,
Duratæque solo nives,
40 Mercatorem abigunt? Horrida callidi
Vincunt æquora navitæ?
Magnum pauperies opprobrium jubet
Quidvis et facere et pati,
Virtutisque viam deserit arduæ?
45 Vel nos in Capitolium,
Quo clamor vocat, et turba faventium;
Vel nos in mare proximum
Gemmas, et lapides, aurum et inutile,
Summi materiam mali,
50 Mittamus. Scelerum si bene pœnitet,
Eradenda cupidinis
Pravi sunt elementa, et teneræ nimis
Mentes asperioribus
Formandæ studiis. Nescit equo rudis
55 Hærere ingenuus puer,
Venarique timet, ludere doctior,
Seu græco jubeas trocho,

30. *Clarus, etc.* Celebris futurus apud posteros. — *Quatenus.* Quandoquidem. — *Virtutem incolumem.* Viros egregios, dum vivunt.

33. *Quid? Quo valent? quid juvant?*

34. *Reciditur.* Amputatur.

35. *Moribus.* Non satis est hominum peccata legibus et metu pœnæ coercere, sed etiam oportet cives ab ineunte ætate bene institui, atque ad virtutem informari.

37. *Pars, etc.* Zona torrida.

38. *Mundi latus finitimum Boreæ.* Zona glacialis, hyperborea.

39. *Duratæque solo.* In solo. E nive enim, quam frigus in solo jacentem durat, fit glacies.

40. *Abigunt.* Deterrent a navigando. — *Horrida.* Procellosa.

42. *Opprobrium.* Quam probrosam et turpem falso avari putant.

43. *In Capitolium.* Subaudi vocem infra positam, *mittamus.*

47. *Quo clamor, etc.* Quia cum turbæ plausu dona diis offerebantur

48. *Gemmas, etc.* Tanquam dona.

49. *Materiam.* Omnium criminum occasionem et irritamentum.

50. *Si bene, etc.* Si nostrorum scelerum vero dolore tangimur.

51. *Cupidinis pravi.* Amoris divitiarum.

52. *Elementa.* Primordia, radices, fibræ ipsæ extirpandæ. — *Teneræ.* Delicatæ.

54. *Studiis.* Exercitationibus.

57. *Græco.* A Græcis invento. — *Trocho.* Trochus, rota quædam erat, sive circulus ferreus, insertis annulis refertus, quem vicitum pueri non sine arte quadam et venustate cum sonoro annulorum tinnitu, agitabant.

Seu malis vetita legibus alea :

Quum perjura patris fides

60 Consortem socium fallat et hospitem,

Indignoque pecuniam

Heredi properet. Scilicet improbæ

Crescunt divitiæ; tamen

Curtæ nescio quid semper abest rei.

58. *Seu malis.* Seu malueris, a verbo *mallo*.

60. *Consortem.* Cum quo inlit lucri et damni societatem.

62. *Properet.* Propere ac sedulo quærat, augere festinet. — *Improbæ.*

Vel, quæ improbos efficiunt : vel, quæ malis artibus comparantur.

64. *Curtæ rei.* Ejusmodi divitiis, quæ, ut amplæ, curtæ tamen et parvæ insatiabilibus earum possessoribus videntur.

ODE XIX.

Ad Bacchum.

Se, ejus numine afflatum, laudes Augusti non humili modo cantaturum.

Quo me, Bacche, rapis tui

Plenum? Quæ in nemora, aut quos agor in specus,

Velox mente nova? Quibus

Antris egregii Cæsaris audiar

5 Æternum meditans decus

Stellis inserere et concilio Jovis?

Dicam insigne, recens, adhuc

Indictum ore alio. Non secus in jugis

Exsomnia stupet Evias,

10 Hebrum prospiciens, et nive candidam

Thracen, ac pede barbaro

Lustratam Rhodopen. Ut mihi devio

1. *Bacche.* Bacchum appellat, utpote vatium præsidem et sacri furoris præcipuum auctorem. — *Tui plenum.* Tuo afflatum numine.

2. *Agor.* Ducor, rapi mihi videor.

3. *Mente nova.* Novo afflatu, quasi pennis sublatu, et velox factus.

4. *Meditans.* Canens.

6. *Stellis inserere.* Ordo et sententia sunt : quibusnam in antris cantabo, et audiar canere decus æternum, laudes immortales, facinora præclara Cæsaris, eaque *inserere stellis*, hoc est, ad cælum tollere, et ipsum Cæsarem cœli deorum, e quibus concillium Jovis constat, adscribere? Augustus, adhuc superstes, inter divos relatus, et deus appellatus est.

7. *Dicam insigne.* Aliquid eximium de Cæsare cantabo, res novas, nulli antea dictas.

8. *Non secus.* Non alio furore Menades corripiuntur, quam quo me percussus nunc sentio. — *In jugis.* In montibus Baccho sacris, qualis est Parnassus, Rhodope.

9. *Exsomnia.* Sine somno, vigil. — *Evias.* Bacchi sacerdos, mulier et comes, ab orgiorum voce *Evoe*.

10. *Hebrum.* Thracis fluvium, *l'Èbre*.

11. *Thracem.* Thraciam. — *Rhodopen.* Montem Thraciæ.

12. *Ut mihi, etc.* Quam ego libens et lætus aspicio mirorque illas rupes, illud solitarium et vacuum hominibus nemus!

- Rupes et vacuum nemus
 Mirari libet! O Naiadum potens,
 15 Baccharumque valentium
 Proceras manibus vertere fraxinos!
 Nil parvum, aut humili modo,
 Nil mortale loquar. Dulce periculum est,
 O Lenæe, sequi deum
 20 Cingentem viridi tempora pampino.

quam libenter devius huc illud aberro et spatior!

14. *O Naiadum potens, etc.* O Bacche, in cujus potestate Naiades et Bacchæ sunt.

15. *Valentium proceras manibus, etc.* Dicitur enim Pantheum, insequente Agave et Mænadibus, in fraxinum ascen-

disse, eamque arborem statim à Bacchis eradicatam, et dejectam cum Pentheo fuisse.

18. *Dulce periculum, etc.* Periculosum quidem est tam grandia tentare; hoc autem periculum dulce est, duce Baccho, cui frons semper viridi pampino cingitur. *Pampinus* est vitis folium.

ODE XX.

Ad Venerem.

Se rebus ludicris valedicere.

- Vixi choreis nuper idoneus,
 Et militavi non sine gloria;
 Nunc arma defunctumque bello
 Barbiton hic paries habebit,
 5 Lævum marinæ qui Veneris latus
 Custodit. Hic, hic ponite lucida
 Funalia, et vectes, et arcus
 Oppositis foribus minaces.
 O, quæ beatam, diva, tenes Cyprum, et
 10 Memphin carentem sithonia nive,
 Regina, sublimi flagello
 Tange Chloen semel arrogantem.

1. *Nuper.* Dum essem junior.

2. *Militavi.* Lusi, genio indulsi.

3. *Arma.* Versus, lyram. — *Defunctumque bello.* Cessantem a bello, nempe a ludicris carminibus.

5. *Lævum.* Læva, seu sinistra pars minus est honorata: itaque, in Veneris honorem, ad ejus sinistrum latus lyram ponit. — *Custodire.* Lateri adstare. — *Marinæ.* Venus e mari nata dicitur a poetis: unde illam Græci Pontiam, et Pelagiam vocant.

7. *Funaliq, etc.* Jvenes protervi et petulantes solebant urbem noctu circum-

cursare cum lampadibus, vectibus, arcibus, etc., illisque armis fores evertere minabantur: unde illos arcus vocat *minaces* foribus oppositis, seu clausis.

9. *Divæ.* Venus. — *Tenes.* Obtines, regis. — *Cyprum.* Vide oden 1, lib. I.

10. *Memphin.* Urbem Egypti primariam, ubi calores sunt maximi. — *Sithonia.* Id est, frigore aspero, quale est in Thracia, quæ olim dicta est Sithonia.

11. *Sublimi.* In altum sublato, ut lectus sit vehementior.

12. *Semel.* Saltem semel tange; sed ita, ut plagam probe sentiat.

ODE XXI.

Ad Galateam.

Eam navigatorum conatur detertere, proposito Europæ exemplo

Impios parræ recinentis omen
Ducat, et prægnans canis, aut ab agro
Rava decurrens lupa lanuvino,

Fetaque vulpes :

5 Rumpat et serpens iter institutum,
Si per obliquum, similis sagittæ,
Terruit mannos. Ego, cui timebo,
Providus auspex,

10 Antequam stantes repetat paludes
Imbrium divina avis imminuentum,
Oscinem corvum prece suscitabo

Solis ab ortu.

Sis licet felix, ubicumque mavis,
Et memor nostri, Galatea, vivas :

15 Teque nec lævus vetet ire picus,
Nec vaga cornix.

1. *Impios, etc.* Homines impios, iter aggressuros, ducant sane ac prosequantur mala omnia, quale est, vox *parræ* (est avis sinistra) *recinentis*, id est, iterum atque iterum canentis, occursum canis feræ, aut *lupæ rava*, hoc est, rufæ, descendentis ab agro lanuvino, etc., vel serpentis transversæ, et instar jaculi jacentis humi, et equos territantis. — *Omen.* Proprie vox est hominum ore prolata, divino tamen nutu, quæ aliquid faciendum significat.

3. *Rava.* Ravus color est inter flavum et cassum; subrufus. — *Lanuvino.* Lanuvium est vicus in via Appia, per quam iter factura erat Galatea, Brundisium versus.

4. *Feta.* Vel gravida, vel partu levata.

5. *Institutum.* Inceptum.

6. *Per obliquum.* Corpore obliquo.

7. *Mannos.* Manni sunt equi exigui. — *Ego cui timebo, etc.* Ego, providus

auspex, prece suscitabo illi cui timebo de quo sollicitus ero, corvum, etc.

9. *Stantes.* Pigras, desides, stagnantes.

10. *Divina.* Prænuntia, præsaga.

11. *Oscinem.* Illæ aves oscines dicebantur, quæ augurium præbebant cantu, quasi oricines; præpetes, quæ volatu.

12. *Ab ortu.* Corvus ab ortu volans erat felix ominis. Qui captabant auguria, orientem solem spectabant, ut cœli partem auspiciatissimam.

13. *Sis licet, etc.* Per me licet, sis felix; cupio tibi omnia bene evenire: sed tamen vide, quæso, quid agas, etc. — *Mavis.* Subaudi esse: ubicumque, ubi sis, felix esto.

15. *Lævus.* A sinistra volans, quæ pars mali ominis censebatur. — *Picus Martius* avis quædam est arborum corticem tundens rostro: *un piver*.

- Sed vides quanto trepidet tumultu
 Pronus Orion. Ego quid sit ater
 Adriæ novi sinus, et quid albus
 20 Peccet Iapyx.
 Hostium uxores, puerique cæcos
 Sentiant motus orientis Hædi, et
 Equoris nigri fremitum, et trementes
 Verbere ripas.
 25 Sic et Europe niveum doloso
 Credidit tauro latus, et scatentem
 Belluis pontum, mediasque fraudes
 Palluit audax.
 30 Nuper in pratis studiosa florum, et
 Debitæ nymphis opifex coronæ,
 Nocte sublustri, nihil astra præter
 Vidit et undas.
 Quæ simul centum tetigit potentem
 Oppidis Creten : « Pater, o relictum
 35 Filiæ nomen, pietasque, dixit,
 Victa furore!
 Impudens liqui patrios penates :
 Impudens Orcum moror! O deorum
 Si quis hæc audis, utinam inter errem
 40 Nuda leones!

17. *Trepidet*. Agitet omnia, et perturbare incipiat. — *Tumultu*. Mugitus ventorum et maris motu.

18. *Pronus*. Vergens in occasum, devexus : tunc enim tempestates excitat gravissimas. — *Quid sit*. Quam periculosis tempestatibus scateat.

19. *Albus*. Cælum serenum reddens, nunc quidem favens. — *Quid peccet*. Quam infidus sit, in quantam fraudem inducat.

20. *Iapyx*. Ventus ex Apulia flans, commodus Græciam petentibus.

21. *Hostium, etc.* Hostibus imprecari solebant mala, quæ ab amicis vellet amoliri: — *Cæcos*. Improvisos, ignotos.

24. *Verbere*. Fluctuum ripas tundendum in tempestate.

25. *Europe*. Nota fabula de Jove in taurum mutato, et Europam vehente. — *Doloso*. Qui deum tegebat.

26. *Credidit*. Commisit, imposuit se tauri tergo, a quo est abrepta medias in undas. — *Scatentem, etc.* Plenum portentosis piscibus.

27. *Mediasque, etc.* Media pericula

expalluit, quamvis esset audax. *Fraus* sæpe pro periculo sumitur.

29. *Nuper, etc.* Ordo est : quæ nuper, quæ paulo ante in pratis erat opifex studiosa florum, quæ flores legebat, ut ex his texeret coronam nymphis debitam, id est, promissam, eadem Europa nocte sublustri, hoc est subobscura, nihil vidit præter astra et undas ; subauditur nempe a tauro rapta per medium mare.

30. *Nymphis*. Sunt deæ pratorum præsides agrorum, quibus proinde flores offerri mos erat.

33. *Simul, etc.* Simul atque pervenit in Cretam, in qua olim urbes centum fuisse ferunt.

34. *Pater, o, etc.* Ordo est : dixit hæc amens et furore victa, furenti similis : O pater, quod nomen rejectam et violatum est a me tua filia ! o pietas, quam sprevi, patrem ac patriam descendendo !

38. *Orcum moror*. Maneo in vita, superstes sum, quum me Orcus vocet.

39. *Inter, etc.* Errem inter leones, ut ab his discerpam.

Villis Europe, pater urget absens;
 Quid mori cessas? Potes hac ab orno
 Pendulum zona bene te secuta
 Lædere collum.

45 Sive te rupes, et acuta leto
 Saxa delectant, age, te procellæ
 Crede veloci; nisi herile mavis
 Carpere pensum,
 50 Regius sanguis, dominæque tradi
 Barbaræ pellex. » Aderat querenti
 Perfidum ridens Venus, et remisso
 Filius arcu.

Mox ubi lusit satis : « Abstineto,
 Dixit, irarum, calidæque rixæ,
 55 Quum tibi invisus laceranda reddet
 Cornua taurus.

Uxor invicti Jovis esse nescis?
 Mitte singultus; bene ferre magnam
 Disce fortunam : tua sectus orbis
 60 Nomina ducet.

41. *Villis Europe.* Se ipsam compellat; O villis, id est, infelix, et perditâ Europa, etc.

42. *Hac orno.* Vicinam arborem adspicit.

43. *Bene secuta.* Commode, ad hoc munus, in hunc usum.

45. *Acuta leto.* Prærupta et opportuna ad mortem oppetendam facillius.

46. *Procellæ, etc.* Mari procelloso. Projice te in atros fluctus, qui te confestim hauriant.

48. *Herile pensum.* Lanæ portionem quamdam, tibi ab hera barbara datam.

51. *Perfidum.* Perfide, improbe. — *Remisso.* Soluto.

52. *Filius.* Scilicet Veneris; Cupido.

53. *Ubi lusit, etc.* Ubi Venus satis risit Europam gementem. — *Nescis uxorem esse Jovis.* Græca locutio, pro, nescis te esse uxorem Jovis.

58. *Mitte.* Omitte. — *Bene ferre, etc.* Disce secundam fortunam ferre moderate et composite.

59. *Tua sectus orbis, etc.* Pars una ex illis, in quas divisus est orbis, tuum nomen accipiet, a tuo nomine Europa vocabitur.



ODE XXII.

Ad Lyden.

Mortatur eam, ut festum Neptuni diem bibendo et canendo transigat.

- Festo quid potius die**
Neptuni faciam? Prome reconditum,
Lyde strenua, cæcubum,
Munitæque adhibe vim sapientiæ.
Inclinare meridiem
Sentis; ac, veluti stet volucris dies,
Parcis deripere horreo
Cessantem Bibuli consulis amphoram.
Nos cantabimus invicem
Neptunum, et virides Nereidum comas :
Tu curva recines lyra
Latonam, et celeris spicula Cynthiæ :
Summo carmine, quæ Cnïdon
Fulgentesque tenet Cycladas, et Paphon
Junctis visit oloribus :
Dicetur merita Nox quoque nænia.

1. *Festo.* Istud Neptuni festum celebrabatur, kalendis septemb. — *Quid, etc.* Quid potius faciam, et melius quam bibam.

2. *Prome.* Profer ex apotheca.

3. *Strenua.* Confestum, propere.

4. *Munitæque, etc.* Expugna tuam illam sapientiam et modestiam, quæ contra jocos et hilaritatem videtur munita esse.

5. *Inclinare.* In occasum vergere.

6. *Ac veluti stet.* Ac quasi dies non celeriter abeat.

7. *Parcis?* Cessas, moraris? — *Deripere.* Cito detrudere: e superiori loco deducere.

8. *Cessantem.* Jam diu otiosam. — *Bibuli consulis.* Abditam anno U. C. 494 in borreum, sive cellam vinariam, nomine Bibuli inscriptam in operculo, pro more.

9. *Invicem.* Alternis.

10. *Neptunum.* Deum marinum, Sa-

turni filium. — *Nereidum.* Sunt Nerei filiæ, deæ maris. *Virides* eorum pinguntur *comæ*, qui marinus est color.

11. *Curva.* Cava, e curvo ligno et excavato facta. — *Recines.* Iterum atque iterum canes.

12. *Cynthiæ.* Dianæ, sic dictæ a Cyntho, monte Deli.

13. *Summo.* Extremo, post cetera carmina. — *Quæ Cnïdon, etc.* Recines Venerem quæ, etc. Cnïdus est urbs Caris: Paphus, Cypri: quibus in locis præcipue Venus colebatur.

14. *Cycladas.* Insules ægæi maris. *Fulgentes* vocat, quia emineant apparent, ob scopulos quibus abundant, et spumam quam efficit mare ad ipsas alitum.

15. *Junctis.* Suo currui. — *Oloribus.* Cynis, quibus ad currum suum trahendum utebatur Venus.

16. *Merita.* Quia per noctem computaturi erant. — *Nænia.* Carmine jocoso.

ODE XXIII.

Ad Mæcenatem.

Eum invitât ad frugalem cœnam, et, ut anxias de rebus futuris curas omitât, sapienter admonet.

- Tyrrhena regum progenies, tibi
 Non ante verso lene merum cado,
 Cum flore, Mæcenas, rosarum, et
 Pressa tuis balanus capillis
 5 Jamdudum apud me est. Eripe te moræ:
 Ne semper udum Tibur, et Æsulæ
 Declive contempleris arvum, et
 Telegoni juga parricidæ.
 Fastidiosam desere copiam, et
 10 Molem propinquam nubibus arduis:
 Omitte mirari beatæ
 Fumum, et opes strepitumque Romæ.
 Plerumque gratæ divitibus vices;
 Mundæque parvo sub lare pauperum
 15 Cœnæ, sine aulæis et ostro,
 Sollicitam explicuere frontem.
 Jam clarus occultum Andromedæ pater
 Ostendit ignem; jam Procyon furit,

1. *Tyrrhena*. Tyrrhenorum: ab etruscis regibus oriunde. — *Tibi*. In tuum honorem.

2. *Non ante verso*. Dollo non antea inverso ad vinum effundendum, id est intacto.

4. *Balanus*. Glans quædam odorifera, ex qua exprimebatur oleum, sive unguentum primæ notæ.

5. *Eripe te moræ*. Eripe te ac subducito his rebus, quæ te morantur, et impediunt quominus ad nos venias, et genium cures.

6. *Ne semper, etc.* Desere aliquando tuam domum, magna mole usque ad nubes eductam, ex qua soles contemplari Tibur, Æsulam et Tusculum, vicinas Romæ urbes. — *Udum*. Propter aquarum copiam.

7. *Declive*. In colle positum.

8. *Telegoni*. Telegonus, filius Ulyssis et Circe, patrem imprudens interfecit: Tusculum condidit, hodie *Frascati*.

9. *Fastidiosam*. Quæ fastidium et

satiætatem parit. — *Copiam*. Luxum, lautitias mensarum, etc.

10. *Molem*. Domum tuam.

11. *Beatæ*. Opulentæ, omni rerum copia affluentis.

12. *Fumum*. Pompam, spectacula, gloriam.

13. *Plerumque, etc.* Gratæ sunt sæpe divitibus *vices*, id est, vicissitudo et mutatio, quum dapes opiparas, ac mensas, mutant frugalibus et parvis.

14. *Mundæ*. Nec sordidæ, nec sumptuosæ.

15. *Aulæis*. Aulæa sunt vela, quibus lacunar desuper integitur, ne quid in mensam suppositam decidat. — *Ostro*. Vestibus purpureis quibus lectuli internebantur.

16. *Sollicitam, etc.* Curas divitibus ademere, eos exhilararunt.

17. *Jam clarus, etc.* Jam signum cœleste, Cepheus, oritur, et suas stellas antea occultas ostendit.

18. *Procyon*. Signum cœleste. Canis minor; sive canicula, ut quidam volunt.

- 20 Et stella vesani Leonis,
Sole dies referente siccos.
Jam pastor umbras cum grege languido,
Rivumque fessus quærit, et horridi
Dumeta Silvani, caretque
Ripa vagis taciturna ventis.
- 25 Tu, civitatem quis deceat status,
Curas, et urbi sollicitus times
Quid Seres, et regnata Cyro
Bactra parent, Tagaisque discors.
Prudens futuri temporis exitum
Caliginosa nocte premit deus;
Ridetque, si mortalis ultra
Fas trepidat. Quod adest, memento
Componere æquus : cetera fluminis
Ritū feruntur, nunc medio alveo
- 35 Cum pace delabentis etruscum
In mare, nunc lapides adesos,
Stirpesque raptas, et pecus, et domos
Volventis una, non sine montium
Clamore, vicinæque silvæ,
40 Quum fera diluvies quietos
Irritat amnes. Ille potens sui,
Lætusque deget, cui licet in diem
Dixisse : Vixi. Cras vel atra
Nube polum Pater occupato,

19. *Vesani*. Rabidi; æstuoſi, ob calorem quem excitat. — *Leonis stella*. Signum Leonis, quod ingreditur sol exeunte julio.

20. *Siccos*. Æstuosos.

21. *Languido*. Ob æstum.

22. *Silvani*. Silvanus, deus silvarum, e Satyrorum erat gente, caprinis pedibus, promissa et hirsuta barba : unde hic vocatur horridus. — *Caretque*, etc. Significatur æstus maximus, qui nullo vento leniatur; ne in ipso quidem litore, ubi sunt frequentiores venti.

23. *Urbi sollicitus*, etc. Anxius ne quid Roma detrimenti capiat.

27. *Seres*. Asiæ populi, prope Indos.

28. *Bactra*. Pluralis numeri, et neutrius generis ea vox est. Urbem primariam regionis asiaticæ, prope Scythiam, quam Cyrus, Persarum rex, olim domuit. — *Tanais*. Fluvius est, in finibus minoris Tartariæ, Europam ab Asia dividens, olim Scytharum regionem alluens; *le Don*. — *Discors*. Quia Scythæ, Parthi, et alii circa fluvium hunc positi Orientis populi, sibi dissidebant, domesticis bellis agitati.

29. *Prudens*, etc. Certo consilio.

31. *Ultra fas*. De rebus futuris, quas scire velle nefas est. — *Trepidat*. Sollicite laborat.

33. *Quod adest*, etc. Da operam ut componas, id est, recte ordines et æquo animo constituas ea quæ præsentia sunt.

35. *Etruscum mare*. Alluit Italiam, ab occidente et meridie.

36. *Lapides adesos*. Vetustate, vel aquis corrosos et comminutos.

37. *Stirpesque*, etc. Arbores a radicibus evulsas.

38. *Una*. Simul.

40. *Diluvies*. Aquarum subita vis et inundatio.

41. *Irritat*. Quasi provocat ad stragem agris inferendam, et in furorem agit. — *Potens sui*. Sui compos et dominus.

42. *Deget*. Vivet. — *Cui licet*, etc. Qui hoc poterit vere pronuntiare. Ego vixi in diem, id est, præsentem tantum diem curo, de crastino non laboro : præsentibus rebus acquiesco, et contentus sum.

44. *Pater*, etc. Deus, Jupiter. — *Occupato*. Occupet.

45

Vel sole puro; non tamen irritum
Quodcumque retro est, efficiet; neque
Diffinget, infectumque reddet,
Quod fugiens semel hora vexit.

50

Fortuna, sævo læta negotio, et
Ludum insolentem ludere pertinax,
Transmutat incertos honores,
Nunc mihi, nunc aliis benigna.

55

Laudo manentem: si celeres quatit
Pennas, resigno quæ dedit, et mea
Virtute me involvo, probamque
Pauperiem sine dote quæro.

60

Non est meum, si mugiat africanis
Malus procellis, ad miseræ preces
Decurrere, et votis pacisci,
Ne cypriæ tyriæque merces
Addant avaro divitias mari.
Tunc me, biremis præsidio scaphæ,
Tutum per ægæos tumultus
Aura feret geminusque Pollux.

47. *Diffinget.* Destruet, mutabit.

48. *Quod fugiens, etc.* Quod tempus
secum abstulit, quod semel præterit.

49. *Fortuna, etc.* Quæ sævire gaudet, hominesque ut pilas exercere ac
jactare adversis rebus.

50. *Insolentem.* Inexpectatum; vel,
odiosum et superbum.

51. *Transmutat.* Huc illuc crebra
mutatione transfert.

52. *Manentem.* Apud me constanter
habitantem; mihi faventem. — *Si quatit pennas.* Si avolat, si me deserit. Solent enim aves volantes pennas concutere.

54. *Resigno.* Reddo illi et restituo.

55. *Me involvo.* Ut veste, quæ nos a

frigore defendit, ita mea me virtute contra fortunæ vim et injuriam munio.

56. *Sine dote.* Sine fortunæ muneribus. Contentus sum probitate paupere, et illam tanquam uxorem indotatam non respuo.

57. *Non est meum.* Non is sum qui, etc.

59. *Votis pacisci.* Sub ea conditione vota suscipere et promittere, ne, etc.

61. *Avaro.* Insatiabilis.

62. *Biremis.* Quæ duobus remis tantum agatur. — *Scaphæ.* Solent ejusmodi scaphæ adjungi majoribus navibus, ut, si periculum ingruat, in eas vectores possint se recipere.

64. *Geminusque, etc.* Coniunctus cum suo fratre Castore.

ODE XXIV.

Immortalem sibi ab lyricis versibus gloriam promittit.

Exegi monumentum ære perennius,
Regalique situ pyramidum altius;

1. *Exegi.* Perfecti, vel erexi, in altum eduxi. — *Monumentum.* Carmina, quæ mei ingenii monumentum erunt. — *Ære perennius.* Durabilius omni-

bus ex ære monumentis et operibus. 2. *Regalique situ, etc.* Pro: pyramidibus regio sumptu exstructis. — *Situ.* Structura, constructione.

- Quod non imber edax, non aquilo impotens,
Possit diruere, aut innumerabilis
5 Annorum series, et fuga temporum.
Non omnis moriar, multaque pars mei
Vitabit Libitinam. Usque ego postera
Crescam laude recens, dum Capitolium
Scandet cum tacita virgine pontifex.
10 Dicar, qua violens obstrepit Aufidus,
Et qua pauper aquæ Daunus agrestium
Regnavit populorum, ex humili potens,
Princeps æolium carmen ad italos
Deduxisse modos. Sume superbiam,
15 Quæsitam meritis, et mihi delphica
Lauro cinge volens, Melpomene, comam.

3. *Impotens*. Vehementer sæviens.

5. *Annorum series*. Consequentium amorum innumera multitudo.

6. *Omnis*. Totus. — *Multaque pars mei*. Ingenium, mens, fama.

7. *Vitabit, etc.* Mortem effugiet. — *Libitinam*. Erat Libitina dea funerum. — *Usque ego, etc.* Semper ego nova et recenti, id est non senescenti, laude apud posteros vigebo; et in dies magis magisque celebrabor.

8. *Dum, etc.* Donec, tandiu.

10. *Dicar, etc.* Omnes in Italia dicent ac prædicabunt me, ex *humili potentem*, id est, clarum ex obscuro et ignobili factum, æolium carmen, nempe lyricum deduxisse ad Italos modos, id est, Latium, in latinam linguam in-
vexisse, principem primum omnium. — *Violens*. Antiquæ, pro violentus. — *Aufidus*. Fluvius Apuliæ.

11. *Daunus*. In Apulia regnavit. Dici-

tur *aquæ pauper*, quia totus Apuliæ tractus maxime siccus est, et aquarum inopia laborat.

12. *Populorum*. Verbum *regno*, apud Græcos, cum gignendi casu ponitur: quod hic Horatius est imitatus, ut alia pleraque. *Agrestes* dicuntur Apuli, quia incultiores ceteris Italiæ populis erant. — *Ex humili*. Qui prius eram humilis et ignotus, nempe libertini patris filius, etc.

13. *Princeps*. Omnium primus. — *Æolium*. Lyricum, quo usi sunt Alcæus et Sappho, ex insula Lesbos, præcipua gentis æoliæ sede, oriundi.

14. *Modos*. Cantus, numeros. — *Sume, etc.* O musa mea, superbias ut par est.

15. *Delphica*. Apollinea; Delphis (quæ civitas est Bæotiæ, juxta Parnasum) Apollo in primis colebatur, ac edebat oracula.

16. *Volens*. Propitia.

LIBER QUARTUS.

ODE I.

Ad Julium Antonium.

Invitatus ab Antonio Horatius ad Augusti victorias carmine celebrandas diramo, respondet summis laudibus offerens Pindarum, atque illum, qui eum sibi proponeret ad imitandum, idem, quod Icarus, monens passuram.

- Pindarum quisquis studet æmulari,
 Jule, ceratis ope dædalea
 Nititur pennis; vitreo daturus
 Nomina ponto.
 5 Monte decurrens velut amnis, imbres
 Quem super notas aluere ripas,
 Fervet, immensusque ruit profundo
 Pindarus ore:
 10 Laurea donandus apollinari,
 Seu per audaces nova dithyrambos
 Verba devolvit, numerisque fertur
 Lege solutis;
 Seu deos, regesque canit, deorum
 Sanguinem, per quos cecidere justa
 15 Morte Centauri, cecidit tremendæ

1. *Pindarum.* Fuit Pindarus poeta thebanus, lyricorum apud Græcos princeps: floruit olympiade 75, ante Christum annis 440.

2. *Jule.* Julius Antonius, filius Marci Antonii triumviri, post necem patris, veniam ab Augusto et eximios honores adeptus, quum nihilominus in eum conjurasset, ejusdem jussu est interfectus.

3. *Nititur pennis, etc.* Idem facit atque Icarus, id est, temeritatis suæ, ut olim Icarus, penas dabit. — *Ceratis ope dædalea.* Alis per artem dædaleam cera inter se connexis. — *Vitreo.* Cæruleo. — *Nomina.* Nomen: mare icarium, ita ab Icaro nominatum.

6. *Aluere.* Auxere, ita ut supra ripas exundet.

7. *Fervet.* Stylus Pindari est incitatus, uberrimus, et sententiarum gravitate præstans; itaque recte cum fluvio æstuante, immenso ac profundo comparatur.

8. *Ore profundo.* Carmine, stylo amplo, vasto, sublimi, copioso.

9. *Laurea.* Corona e lauro, qua solet Apollo coronari, et vates suos coronare.

10. *Nova.* Novata, a Pindaro facta, non ante usitata. — *Dithyrambos.* Versus erant liberiores: primo in Bacchi, deinde in heroum honorem facti.

11. *Devolvit.* Vox a fluvio sumpta, qui magna vi e superiore loco delabitur ac præcipitat. — *Numeris.* Numeri, sive modi in versibus, proprie pertinent ad cantum, cujus mensuræ sunt: pedes, ad syllabarum quantitatem et mensuram. Sæpe inter se ista duo confunduntur.

12. *Lege solutis.* Dithyrambi sunt versus liberiores.

14. *Sanguinem.* Reges deorum filios appellabant. — *Per quos.* Pirithoum et Theseum significat, qui Centauros, inter Pirithoi nuptias, occidisse feruntur.

Flamma Chimæra :

Sive, quos elea domum reducit
 Palma cœlestes, pugilemve equumve
 Dicit, et centum potiore signis

20

Munere donat ;

Flebili sponsæ juvenemve raptum
 Plorat, et vires, animumque, moresque
 Aureos educit in astra, nigroque

Invidet Orco.

25

Multa dircaëum levat aura cycnum,
 Tendit, Antoni, quoties in altos
 Nubium tractus; ego, apis matinae
 More modoque

30

Grata carpentis thyma per laborem
 Plurimum, circa nemus, uvidique
 Tiburis ripas, operosa parvus
 Carmina fingo.

Concines majore poeta plectro
 Cæsarem, quandoque trahet feroces

35

Per sacrum clivum, merita decorus

Fronde, Sicambros;

Quo nihil majus meliusve terris

Fata donavere, bonique divi,

Nec dabunt, quamvis redeant in aurum

16. *Chimæra*. Chimæram ignivomam, monstrum fabulosum, Bellerophon domuit.

17. *Elea palma*. Id est, corona relata in ludis Olympicis, apud Elidem, Græciæ civitatem, celebrari solitis. — *Cœlestes*. Superis æquales; cœlestibus, ob relatum cum victoria gloriam, comparandos.

18. *Pugilemve, etc.* Sive dicit, sive laudat pugilem, id est, aliquem qui pugno vicerit. — *Equumve*. Aut aliquem laudat, qui curuli vicit certamine. Imo equi victorum coronabantur et laudabantur.

19. *Signis*. Statuis.

20. *Munere, etc.* Versibus; qui potiores et pluris æstimandi sunt, quam centum statuas.

21. *Flebili*. Dignæ fletu ac lacrimis.

22. *Mores aureos*. Aurea ætate dignos; egregias animi dotes.

23. *Educit in astra*. Laudibus in cœlum tollit.

24. *Invidet*. Vindicat ab Orco; morti quasi et oblivioni ereptum, immortalitate donat.

25. *Multa, etc.* Pindarus, cycnus

ille dircaus, id est, vates thebanus, (a Dirce, fonte vicino Thebis, quæ urbs est Græciæ in Boeotia.) — *Cycnum*. Poetæ cum cycnis, qui suavissime canere feruntur, comparari solent.

27. *Nubium tractus*. Aeris vasta spatia, ubi nubes pendent ac trahuntur. — *Matinae*. Matinas est mons Italiæ, in Calabria.

29. *Per laborem plurimum*. Apum instar, quæ indesinenter laborant. Se multo labore deficienti ingenio supplere innuere videtur poeta.

30. *Uvidi*. Humidi. Tiburis autem ripas dicit, pro ripis fluminum, quibus Tibur alluitur.

31. *Operosa*. Elaborata, laboriosa.32. *Fingo*. Elaboro.

33. *Concines*. Canes Cæsarem stylo grandiore. — *Poeta*. Tu, o Antoni, poeta præstantissime.

34. *Quandoque*. Quando.

35. *Clivum*. Viam sacram, per quam triumphantes Capitolium petebant.

36. *Sicambros*. Germaniæ populos.37. *Quo*. Quo Cæsare.

39. *Quamvis*. Quamvis redeant aurea secula, vel aureis ætatis mores.

40

Tempora priscum.

Concines lætosque dies, et urbis
Publicum ludum, super impetrato
Fortis Augusti reditu, forumque
Litibus orbum.

45

Tum meæ (si quid loquar audiendum)
Vocis accedet bonâ pars; et : « O sol
Pulcher! o laudande! » canam, recepto
Cæsare felix.

50

Tuque, dum procedis, Io triumphè!
Non semel dicemus, Io triumphè!
Civitas omnis; dabimusque divīs
Tura benignis.

55

Te decem taurū totidemque vaccæ,
Me tener solvet vitulus, relicta
Matre, qui largis juvenescit herbis
In mea vota;

60

Fronte curvatos imitatus ignes
Tertium lunæ referentis ortum,
Qua notam duxit, niveus videri,
Cetera fulvus.

42. *Super. Propter.*

43. *Reditu.* E Germania, quo se contulerat, bello sicambrico; ex quo quum in Gallias esset profectus, inde rediit Romam anno U. C. 741, ubi tunc Julius Antonius præturam gerebat.

44. *Litibus orbum.* In publica lætitia, vel luctu, siebat forum, id est, lites nullæ agebantur: idque appellabant *jusstitium*.

45. *Tum meæ, etc.* Tum addam vocis meæ bonam partem, ad augendam publicam gratulationem: contendam vocem, et exclamabo: O sol, o dies pulcher, etc. — *Audiendum.* Audiri dignum, quod tanti sit.

47. *Recepto.* Recuperato, qui videbatur amissus.

49. *Felix.* Ego, felix ob Cæsarem reducem, canam, etc.

49. *Tuque, etc.* Ipsum triumphum,

pro more, tanquam si esset persona, compellat.

50. *Io.* Vox lætitiæ index; alias doloris et fletus.

51. *Dabimusque divīs, etc.* In aris nempe, hinc illinc per vias die triumphali exstructis.

54. *Solvat.* Voto. Damnari dicuntur voto, quibus id quod optaverunt, quod voverunt, contigit; et ita obligantur: solvuntur isto quasi vinculo, quum id, quod superis promiserant, reddunt. — *Relicta matre.* A lacte depulsus.

55. *Juvenescit.* Crescit, adolescit.

57. *Fronte, etc.* Habens cornua in fronte curvata, instar lunæ crescentis et tertio die apparentis.

59. *Qua notam, etc.* Certa corporis parte nota candida insignis, cetero corpore, quod spectat reliquas partes corporis, fulvus. *Niveus videri.* — Hellenismus, pro niveus visu.

ODE II.

Ad Melpomenen.

Gratias agit Melpomenæ, pro beneficio lyricæ poesos, sibi ab ea concesso.

- Quem tu, Melpomene, semel
 Nascentem placido lumine videris,
 Illum non labor isthmius
 Clarabit pugilem; non equus impiger
 5 Curru ducet achaico
 Victorem, neque res bellica deliis
 Ornatum foliis ducem,
 Quod regum tumidas contuderit minas,
 Ostendet Capitolio:
 10 Sed, quæ Tibur aquæ fertile præfluunt,
 Et spissæ nemorum comæ,
 Fingent æolio carmine nobilem.
 Romæ, principis urbium,
 Dignatur soboles inter amabiles
 15 Vatum ponere me choros;
 Et jam dente minus mordeor invido.
 O, testudinis aureæ
 Dulcem quæ strepitum, Pieri, temperas!
 O, mutis quoque piscibus
 20 Donatura cycni, si libeat, sonum!
 Totum muneris hoc tui est,

1. *Quem tu, etc.* Cui nascenti favere dignata sis. — *Melpomene.* Una e Musis.

3. *Labor Isthmius.* Certamina Isthmica, in honorem Neptuni instituta.

4. *Clarabit.* Clarum efficiet.

5. *Curru, etc.* Id est, non sedebit in curru achaico victor, ob equorum suorum pernecitatem: achaicum vocat currum, quia Corinthus, et Isthmus, in quo fiebant certamina Isthmica, de quibus agit, sunt in Achaia, Peloponnesi parte.

6. *Neque res, etc.* Ordo est: Neque res bellica, res præclare in bello gesta, eum ostendet Capitolio ducem et imperatorem triumphantem, ornatumque foliis deliis, id est, laurea apollinari (a Delo insula, Apollini sacra), quod reges superbos minacesque contuderit, profligaverit. Non ibit Romam, post hostes victos, gratias acturus Jovi in Capitolio.

10. *Præfluunt.* Præterfluunt, alluunt, magna ubertate et copia: nam sæpe auget verbi, cui jungitur, significationem vocula ista, *præ*.

12. *Fingent, etc.* Reddent idoneum ut æolia carmina conficiat, quibus nobilitetur, et famam insignem sibi comparet. — *Æolio carmine.* Lyrico: quia Alcæus et Sappho, erant oriundi ex urbe Mitylene, quæ ditlonis æolicæ erat.

13. *Romæ soboles.* Romani.

16. *Et jam, etc.* Et jam minus multi laudibus meis obtreclant.

18. *Strepitum.* Testudinis cantum. — *O Pieri.* Vocativus, a recto, Pieris. O Musa, o Melpomene. Musæ vocatæ sunt Pierides, a Pierio, fonte Macedoniæ, ipsi sacro. — *Temperas.* Moderaris; quæ lyram meam regis.

20. *Cycni sonum.* Cycneam vocem.

21. *Totum, etc.* Hoc munus est mihi a te datum, hoc tibi uni debeo, quod...

Quod monstror digito prætereuntium,
 Romanæ fidicen lyræ;
 Quod spiro, et placeo, si placeo, tuum est.

23. *Fidicen*, etc. Poeta latinus lyricus. *Fidicen* is est, qui fidibus et lyra canit.

24. *Quod spiro*. Vitam se acceptam

referre Musis, non semel testatus est. Alii intelligunt *quod spiro* quodcumque poetici spiritus mihi est, quæ sententia paulo durior videtur.

ODE III.

Drusi laudes.

Reportatam ab illo insignem de Rhætis et Vindeliciis victoriam celebrat.

Qualem ministrum fulminis alitem,
 Cui rex deorum regnum in aves vagas
 Permisit, expertus fidelem
 Jupiter in Ganymede flavo,
 5 Olim juvenas, et patrius vigor,
 Nido laborum propulit inscium;
 Vernique, jam nimbis remotis,
 Insolitos docuere nisus
 Venti paventem; mox in ovilia
 10 Demisit hostem vividus impetus;
 Nunc in reluctantes dracones
 Egit amor dapis, atque pugnæ:
 Qualemve lætis caprea pascuis
 Intenta, fulvæ matris ab ubere
 15 Jam lacte depulsum leonem,
 Dente novo peritura, vidit:

1. *Qualem*, etc. Qualem aquilam (quæ ministrat Jovi fulmina, et cui ille regnum in alias volucres dedit, postquam expertus est fidelem in Ganymede rapiendo) juvenile robur et innatus vigor exire nido cogit, *insciam laborum*, id est, adhuc imperitam volandi, pugnandi, etc., talem Drusum hostes sentire. — *Ministrum fulminis*. Jovis fulmina gestare aquila dicitur: vel, quod, ut Plinius aucter est, nunquam fulmine feriatur: vel, quod in altissimos nubium tractus evolet, ubi fulmina procedantur, et unde in terras decidunt.

4. *Ganymede*, etc. Fuit Ganymedes filius Trois, Trojanorum regis: raptus a Jove in aquilam mutato dicitur, ut superis in cælo nectar misceret.

5. *Olim*. Aliquando: vulgo. — *Patrius*. A patre acceptus.

8. *Nisus*. Per *nisus*, intellige conatum et laborem junioris aquilæ, in volando, in librandis pennis; in quouitur ope ventorum, a quibus deferitur, et veluti docetur volare.

9. *In ovilia*. Ad agnos rapiendos.

10. *Hostem*. Ruentem, hostili more et impetu.

11. *Reluctantes*. Pugnaces, et contra aquilam se acriter defendentes. Mutuum enim inter se odium exercent, a natura insitum.

13. *Qualemve*, etc. Qualis est leo, quum in capream, occupatam in herbis depascendis, et nihil de hoste ac periculo cogitantem, fertur, etc.

14. *Fulvæ matris*. Læonæ.

16. *Dente novo*. Nondum ad prædam et cædem exercitato, assuefacto.

- Videre rhætis bella sub Alpibus
 Drusum gerentem Vindelici : quibus
 Mos unde deductus per omne
 20 Tempus amazonia securi
 Dextras obarmet, quærere distuli;
 Nec scire fas est omnia. Sed diu
 Lateque victrices catervæ,
 Consiliis juvenis revictæ,
 25 Sensere quid mens rite, quid indoles,
 Nutrita faustis sub penetralibus,
 Posset, quid Augusti paternus
 In pueros animus Neronēs.
 Fortes creantur fortibus et bonis:
 30 Est in juvenis, est in equis patrum
 Virtus; nec imbellem feroces
 Progenerant aquilæ columbam.
 Doctrina sed vim promovet insitam,
 Rectique cultus pectora roborant:
 35 Utcumque defecere mores,
 Dedecorant bene nata culpæ.
 Quid debeas, o Roma, Neronibus,
 Testis Metaurum flumen, et Asdrubal
 Devictus, et pulcher fugatis

17. *Rhætis*. Pro rhætiis.

18. *Drusum*. Cl. Drusum, Tiberii Neronis et Livie filium, Augusti privignum. — *Vindelici*. Germaniæ populi. — *Quibus*, etc. Qui Vindelici cur hunc morem habeant, et unde deductum, id est, derivatum, ut arment dextras securi, quali Amazones olim usæ sunt, neglexi et in aliud tempus distuli diligenter investigare. Feruntur Amazones primis securim in bello adhibuisse: erant illæ bellicose feminae, quæ magnam partem Scythiæ, circa Tanaim, et Asiam, circa Thermodontem fluvium, occupaverant.

23. *Victrices*. Vindelicorum, qui impune certe primum Italiæ, et deinde Galliæ fines late et satis diu vastaverant.

24. *Juvenis*. Drusi. — *Revictæ*. Vindelici victi, quæ antea Romanos vicebant.

25. *Mens.. indoles*. Mens, consilium et prudentiam indicat; indoles, virtutem et mores. — *Rite nutrita*. Bona institutione exulta.

26. *Penetralibus*. In Augusti domo.

28. *In pueros*, etc. Tiberium Neronem, et Cl. Drusum privignos suos, filios Tiberii Neronis, et Livie: quorum tutor Augustus, ipsi a parente Tiberio

moriente dictus, et animo et benevolentia pater fuit.

29. *Creantur*. Gignantur. — *Fortibus et bonis*. Neronēs laudat poeta quod a Nerone orti sint, sed magis quod ab Augusto educati.

33. *Doctrina*. Institutio, educatio. — *Vim*, etc. Indolem, virtutes a natura acceptas.

34. *Rectique cultus*, etc. Rectæ educationes, disciplina, cura fingendæ ætatis teneræ, corroborant, augentque mentes bene natas.

35. *Utcumque*, etc. Ubi cumque, quotiescumque mores, id est, bona illa institutio ac disciplina, defecit, negligitur, non adhibetur, ibi multa committuntur vitia, quæ dedecorant et corrumpunt bene nata, hoc est, indolem bonam a natura acceptam, naturæ præstantiam ac nobilitatem.

37. *Neronibus*. Priscos intelligit Neronēs; unde orti Tiberius et Drusus.

38. *Metaurum*, etc. Flavius est Umbrinus, apud quem cæsus est, anno U. C. 546, Asdrubal, frater Annibalis, cum valida manu, quam, fratri supplicias ferens, in Italiam duxerat.

39. *Et pulcher*, etc. Et fortunatissimus ille dies fuit, Carthaginiensibus et Afris, ex Latio, id est, Italia pulsatis.

40

Ille dies Latio tenebris,
Qui primus alma risit adorea,
Dirus per urbes Afer ut italas,
Ceu flamma per tædas, vel Euris
Per sículas equitavit undas.

45

Post hoc secundis usque laboribus
Romana pubes crevit, et impio
Vastata Pœnorum tumultu

50

Fana deos habuere rectos;
Dixitque tandem perfidus Annibal:
• Cervi, luporum præda rapacium,
Sectamur ultro, quos opimus
Fallere et effigere est triumphus.

55

Gens, quæ cremato fortis ab Illo,
Jactata tuscis æquoribus sacra,
Natosque, maturosque patres,
Pertulit ausonias ad urbes,

60

Duris ut ilex tonsa bipennibus,
Nigræ feraci frondis in Algido,
Per damna, per cædes, ab ipso
Ducit opes animumque ferro.

— *Fugatis tenebris.* Depulso metu et periculo, quod ab Annibale victore certissimum imminabat, si suas copias cum Asdrubalis exercitu junxisset.

41. *Qui primus, etc.* Qui dies primus insigni gloria et felicitate clarus fuit. Asdrubale quippe cæso, Annibal de receptu et fuga cogitavit. — *Adorea.* Est proprie adoris copia vel frumenti, quod post partam victoriam præmii loco militibus distribui solebat: unde *adorea* pro ipsa victoria ponitur.

42. *Afer ut, etc.* Primus dies ille fuit auspicatus et felix, posteaquam, ex quo dirus Afer, id est, Annibal, Italiam populabundus peragravit.

43. *Per tædas.* Tæda hic est arbor quædam, igni concipiendo aptissima, ex qua fieri solebant facies, quæ idcirco diæte quoque sunt tædæ.

44. *Equitavit.* Omnia vastando peragravit, instar flammæ silvæ pervolantis, aut venti per mare siculum properantis.

45. *Post hoc.* Post victoriam Cl. Neronis. — *Secundis, etc.* Fortunatis præliis. — *Usque.* Semper.

46. *Romana pubes.* Romani.

47. *Tumultu.* Sic fere vocabant bella civilia et domestica; item ea quæ in ipsa Italia gererentur.

48. *Rectos.* Quorum antea defectæ jacebant statumæ.

49. *Perfidus.* Vel, quia Pœni erant insignes ob perfidiam, vel, quia primus Annibal fœdus violavit, quod, post primum bellum punicum, Romanos inter et Afros initum fuerat.

50. *Cervi, etc.* Est oratio Annibalis, ad suos milites. Non stulti ultro sectamur Romanos, ut sicut cervi fere istis tanquam lupis rapacibus prædæ simus.

51. *Ultro.* Quia tertium bellum punicum Carthaginienses moverunt, non iacessiti a Romanis. — *Opimus.* Amplius, magnificus. Opima proprie spolia dicebantur, quæ dux ducl hostium detrahebat.

52. *Fallere, etc.* Latere: in triumphali loco ducere debemus, si eos salvi effugiamus.

53. *Gens, etc.* Romani, a Trojanis oriundi.

54. *Jactata.* Variis tempestatibus agitata, in mari tyrrheno. — *Sacra.* Penates.

55. *Maturos patres.* Senes.

56. *Ausonias.* Italas. Auson rex Italiam fuit a quo nomen illi regioni factum.

57. *Ut ilex tonsa, etc.* Amputata.

58. *Feraci frondis.* Densæ arboribus secundo. — *Algido.* Monte Romæ vicino.

60. *Ducit opes.* Viros acquirit, comparat.

Non hydra, secto corpore firmior,
 Vinci dolentem crevit in Herculem;
 Monstrumve summisere Colchi
 Majus, echioniæve Thebæ.

- 65 Merses profundo, pulchrior evenit :
 Luctere, multa prouet integrum
 Cum laude victorem, geretque
 Prælia conjugibus loquenda.
 Carthagini jam non ego nuntios
 70 Mittam superbos : occidit, occidit
 Spes omnis, et fortuna nostri
 Nominis, Asdrubale interempto. •
 Nil claudix non perficient manus;
 Quas et benigno numine Jupiter
 75 Defendit, et curæ sagaces
 Expediunt per acuta belli.

61. *Hydra*. Serpens fuit in Lerna palude, prope Argos. Eam Hercules dentique, licet ægre, perdomuit, admoto igne, quo secunda capita exstinxit.

62. *Creuit*. Multiplicatis capitibus.

63. *Monstrumve*. Draconem pervigilem, tauros ignivomos significat, armatos etiam homines, ex anguineis dentibus natos, etc., quos Jason ope Medæe profligavit ac domuit. — *Summisere*. Quasi ex insidiis immisere : e terra eduxere. — *Colchi*. Populi, prope mare caspium.

64. *Thebæ*. Cadmus, antequam Thebas conderet, jussus est ab oraculo dentes serpentis serere : ex illis dentibus armati milites nati sunt, et inter illos Echion, qui deinde Cadmi gener fuit, et ejus adjutor in Thebis extruendis; unde vocat eas Horatius echionias. Sententia igitur est : non majora fuisse monstra in Colchide, aut Thebis olim nata, et mirabiliora quam ipsa Roma sit.

65. *Merses*, etc. Si coneris Romanos

mersare in profundum mare; hinc evenient, id est, emergent fortiores : si lucteris cum eis et pugnes, te, integrum hostem et recentibus instructum copiis, antea victorem, prouent, delebunt. *Luctari* proprie dicuntur qui inter se manibus pedibusque certant uter utrum prouat ac deiciat.

68. *Loquenda*. Cæsorum maritorum conjugibus cum luctu memoranda, deploranda.

69. *Nuntios*. De meis in Italia victoriis; quales post cannensem victoriam miserat.

73. *Nil Claudix*, etc. Jam poeta loquitur, et est odæ totius clausula. — *Manus*. Vires, consilia Neronum; quorum vulgo prænomen erat, Claudius.

75. *Sagaces*. Cum prudentia, consilioque junctæ.

76. *Expediunt*. Liberant, tutos præstant ac victores. — *Per acuta belli*. Per bella periculosa.

ODE IV.

Ad Augustum.

Eum hortatur ut suum in urbem reditum acceleret.

Divis orte bonis, optime romulæ
 Custos gentis, abes jam nimium diu :

1. *Divis orte bonis*. Propitiis : — *Romulæ*. Pro romuleæ, romanæ. qui natus es singulari deorum beneficio : vel, qui originem ducis a diis.

2. *Abes*. Profectus erat in Gallias, anno 738; rediit anno 741.

- Maturum reditum pollicitus patrum
 Sancto concilio, redi.
- 5 Lucem redde tuæ, dux bone, patriæ:
 Instar veris enim vultus ubi tuus
 Affulsit populo, gratior it dies,
 Et soles melius nitent.
- 10 Ut mater juvenem, quem Notus invido
 Flatu carpathii trans maris æquora
 Cunctantem spatio longius annuo
 Dulci distinet a domo,
 Votis ominibusque et precibus vocat,
 Curvo nec faciem littore demovet;
- 15 Sic, desiderii icta fidelibus,
 Quærit patria Cæsarem.
 Tutus bos etenim rura perambulat:
 Nutrit rura Ceres, almaque Faustitas:
 Pacatum volitant per mare navitæ:
- 20 Culpam metuit fides:
 Nullis polluitur casta domus stupris;
 Mos et lex maculosum edomuit nefas;
 Laudantur simili prole puerperæ;
 Culpam pœna premit comes.
- 25 Quis Parthum paveat? quis gelidum Scythæ?
 Quis, Germania quos horrida parturit
 Fetus, incolumi Cæsare? quis feræ
 Bellum curet Iberiæ?
 Condit quisque diem collibus in suis,

3. *Patrum*. Senatorum.

4. *Concilio*. Senatui, ordini.

5. *Instar*, etc. Postquam tuus vultus, verno tempore similis, nobis affulsit, dies amceniores sunt, et sol nova luce redimitus videtur.

9. *Juvenem*. Filium. — *Invido*. Adverso; quasi reditum filii invideret parenti.

10. *Carpathii*. Carpathus insula est inter Rhodum et Cretam. — *Æquora*. Vasta et æqua spatia.

11. *Cunctantem*, etc. Anno diutius morantem.

13. *Ominibusque*. Capiendo identidem auguria et omnia, quæ illi filii reditum promittant. Sumebantur autem omnia interdum ab avibus, interdum a pecudibus, etc.

14. *Curvo*. Prono, devexo. — *Demoveo*. Detrahit, deiecit.

15. *Icta*. Percussa, commota.

16. *Quærit*. Absentem requirit.

17. *Etenim*. Sensus est: nec mirum patriam tanto tui desiderio teneri; nam sub tuo imperio rediit securitas.

18. *Nutrit*. Saturat frumento et implet. — *Faustitas*. Felicitas, frugum copia.

20. *Culpam*, etc. Fides cavet ne culpetur, ne accusetur perfidus: omnes fidem alii datam servant.

22. *Mos et lex*, etc. Turpia flagitia domantur, comprimuntur bonis moribus, id est disciplina et studio virtutis, ac legibus.

23. *Laudantur*, etc. Matres pariunt liberos patri suo similes.

24. *Culpam*, etc. Pœnæ sceleratos cito consequuntur et plectunt.

25. *Parthum*, *Scythæ*. Parthi sunt in Asia: Persidem occuparunt. Scythæ sunt septentrionalis Asiæ populi.

26. *Horrida*. Barbara, inculta.

27. *Fetus*. Homines: olim Germani erant procera et immensi statura.

28. *Iberiæ*. Hispaniæ, ab Ibero flumine, r'Èbre.

29. *Condit*. Sepelit, id est, totum transigit.

- 30 Et vitem viduas ducit ad arbores :
Hinc ad vina redit lætus, et alteris
Te mensis adhibet deum;
Te multa prece, te prosequitur mero
Defuso pateris, et Laribus tuum
- 35 Miscet nomen, uti Græcia Castoris
Et magni memor Herculis.
« Longas o utinam, dux bone, ferias
Præstes Hesperiae! » dicimus integro
Sicci mane die, dicimus uvidi,
Quum sol Oceano subest.

30. *Et vitem, etc.* Jungit et maritat vitem quibusdam arboribus sterilibus, et sine illa quasi viduis: tales sunt ulmus, populus, etc.

31. *Alteris, etc.* In secundis mensis, te cum ceteris divis jungit, invocatque. Sublata mensa prima, et majoribus ferulis, altera ponebatur; in eaque vulgo poma, uvæ, ac præsertim vinum generosius: quo diis libabant, et agebant gratias.

34. *Defuso pateris.* De pateris fuso: de cyatho enim fundebant in terram aliquid vini, antequam biberent, illudque diis offerebant. — *Laribus.* Privatis cujusque domus et familiæ diis.

35. *Uti Græcia.* Ut Græcia, memor et grata pro acceptis beneficiis, miscet diis nomen Castoris et Herculis; id est, laudibus deorum et humanis admiscet laudes Castoris.

36. *Herculis.* Jovis et Alcmenæ filii.

37. *Ferias.* Otium, pacem: feriarum dies festi, seu vacui ab opere dicuntur; per quos inferantur epulæ, victimæ feriuntur.

38. *Hesperiae.* Italix. — *Integro.* Recent, novo.

39. *Sicci.* Jejuni. — *Uvidi.* Humidi; id est, potu, cœnati: vino madidi.

40. *Quum sol, etc.* Vespere; quam sol Oceano mergitur.

ODE V.

Ad Apollinem.

Precatur eum ut sæculare carmen a se compositum probet ac tueatur. Virgines ac pueros ut rite illud recitent, monet.

Dive, quem proles niobeæ magnæ
Vindicem linguæ, Tityosque raptor
Sensit, et Trojæ prope victor altæ
Phthius Achilles,

1. *Dive, etc.* O Apollo, quem filii Niobes sensere vindicem linguæ magnæ, id est arrogantis, ac superbæ. Niobe, Tantali filia, Thebarum regis, septem filiorum et totidem filiarum mater, quum Latonam sprevisset, quod Apollinem tantum Dianamque illa peperisset, suos tellis confixos a deæ liberis vidit, et ipsa dolore confecta in saxum mutata est.

2. *Tityosque.* Nominativus est græcus, pro Tityus. Vocatur raptor, quia Latonam rapere voluerat: inter Gigantes numeratur.

3. *Prope victor.* Hectore nimirum interfecto.

4. *Phthius.* Oriundus Phthia, urbe Thessaliæ. Paris, juvante Apolline, Achillem in ejus templo sagitta interfecit.

- 5 Ceteris major, tibi miles impar;
Filius quamvis Thetidis marinæ
Dardanas turres quateret tremenda
Cuspide pugnax.
Ille, mordaci velut icta ferro
- 10 Pinus, aut impulsa cupressus Euro,
Procidit late, posuitque collum in
Pulvere teucro.
Ille non inclusus equo, Minervæ
Sacra mentito, male feriatos
- 15 Troas, et lætam Priami choreis
Falleret aulam :
Sed palam captis gravis, heu nefas! heu!
Nescios fari pueros achivis
Ureret flammis, etiam latentes
- 20 Matris in alvo :
Ni, tuis victus Venerisque gratæ
Vocibus, divum pater annuisset
Rebus Æneæ potiore ductos
Alite muros.
- 25 Doctor Argivæ fidicen Thaliæ,
Phœbe, qui Xantho lavis amne crines,
Dauniæ defende decus camænæ,
Lævis Agyieu !

5. *Tibi impar.* Quia a te sub figura
Paridis Achilles fuit occisus.

6. *Thetidis.* Thetis, dea marina,
Nerei filia.

7. *Dardanas.* Pro dardaniis, troja-
nas; et postea *teucro*, pro teucro, id
est trojano.

8. *Cuspide.* Hasta immani.

9. *Ille.* Achilles. — *Mordaci ferro.*
Securi, vel serra.

11. *Procidit late.* Procidit in latum;
unde denotatur violentus casus Achillis.

13. *Equo, etc.* Equo ligneo, qui su-
gebatur Minervæ dicatus a Græcis, pro
reditu in patriam, equum hunc illi a se
promissum, quippe pugnaci et bellatrici
deæ, simulantibus. Hinc dicitur ab Ho-
ratio, *equus mentitus sacra Minervæ.*

14. *Male feriatos.* Male cessantes,
otio intempestivo, choreis et epulis in-
dulgentes.

16. *Falleret.* Fefellisset, latulisset,
non se in equi latebras abdidisset, ut
Priami aulam et proceres noctu inva-
deret.

17. *Sed, etc.* Ordo est: *sed* captis et
expugnatis palam ac luce, subaudi,
Trojanis, ureret eorum infantes flammis
achivis, id est, græcis a se accensis. —
Gravis. Durus, crudelis.

18. *Nescios fari.* Nondum per ætatem
loqui valentes.

22. *Annuisset, etc.* Concessisset fati
et fortunæ Æneæ, ut conderet muros
Romæ non evertendos olim, ut Trojani
cediderant. *Ales* sumitur pro auspicio;
quia auspicia proprie ex avium cantu et
volatu petebantur, ut sæpe antea di-
ctum.

25. *Doctor, etc.* O Phœbe, qui, fidi-
cen peritissimus, doces Thalam Argi-
vam id est Græcam. *Thalia* una e Musis,
quæ jocosus et ludicris versibus præser-
tim gaudet.

26. *Xantho amne.* Duo fluvii sic vo-
cati sunt; alter in Troade, alter in Lycia:
utraq; regio nota fuit Apollini, et
amica. — *Lavis crines.* Solebant veteres
in amnibus crines lavare, ut melius ni-
terent crescerentque.

27. *Camænæ dauniæ.* Id est, musæ
italæ, sive, meorum versuum: erat
enim ortus ex Apulia, in qua regnavit
olim Daunus, Turni pater.

28. *Lævis.* Imberbis, qui malas habet
læves. — *Agyieu.* Ἀγυῖε, vocativus est
græcus, significans eum qui vils præest:
id muneris dabant Apollini; statuasque
illi in vils, pro foribus ædium, ponebant.

- 30 Spiritum Phœbus mihi, Phœbus artem
Carminis, nomenque dedit poetæ.
Virginum primæ, puerique claris
Patribus orti,
Deliæ tutela deæ, fugaces
Lyncas et cervos cohibentis arcu ,
35 Lesbium servate pedem, meique
Pollicis ictum ,
Rite Latonæ puerum canentes ,
Rite crescentem face noctilucam ,
Prosperam frugum, celeremque pronos
40 Volvere menses.
Nupta jam dices : « Ego dis amicum ,
Seculo festas referente luces ,
Reddidi carmen, docilis modorum
Vatis Horati. »

29. *Spiritum*. Ingenium ad poesim factum : impetum poeticum.

31. *Primæ*. Primariæ, nobiliores.

33. *Tutela, etc.* Id est, vos, qui estis in fide ac tutela Dianæ, natæ in Delo. Pueri, et puellæ, antequam in matrimonium collocarentur, erant in Dianæ fide. *Delos* porro est insula maris ægæi, patria Dianæ et Apollinis.

34. *Lyncas*. Lynx, fera est, e cervino genere : un lynx. — *Cohibentis*. Sistens et interficientis.

35. *Lesbium, etc.* Numeros et modos odæ lyricæ secularis quam vobis recitandam dabo, observate, etc.

37. *Rite*. Sancte, religiose. — *Puerum*. Filium, Apollinem.

38. *Crescentem face*. Cujus fax seu lumen crescit. — *Noctilucam*. Dia-

nam, quæ noctu lucet : quia eadem est ac luna.

39. *Prosperam frugum*. Quæ facit ut lætæ sint fruges, quæ harum copiam et proventum impertit. — *Celeremque, etc.* Celerem in volvendis mensibus : Hellenismus, seu græca locutio. — *Pronos*. Quasi cito et sponte sua cadentes ac desinentes.

41. *Nupta, etc.* Unam alloquitur, omnium nomine. Quom olim eris nupta, hunc diem memineris, et dices, etc.

42. *Seculo, etc.* Exacto seculo et revehente dies festos ac solennes, etc. — *Luces*. Per sex enim dies noctesque agebantur seculares illæ feriæ.

43. *Reddidi*. Fideliter recitari, cecini. — *Docilis modorum, etc.* Postquam ab eodem Horatio didici et memoris mandavi ejus modos, seu oden.

ODE VI.

Ad Torquatum.

Eum admonet de vitæ brevitate.

Diffugere nives, redeunt jam gramina campis,
Arboribusque comæ;
Mutat terra vices, et decrescentia ripas
Flumina prætereunt.

2. *Vices*. Mutatur terra grata vicissitudine, pro hieme ver jam habet : antea iners et frigida, nunc læta et aperta est.

Horace.

4. *Prætereunt*. Infra ripas solitæ eunt ac descendunt; arctiori utuntur alveo.

- 5 Gratia cum nymphis geminisque sororibus audet
Ducere nuda choros.
Immortalia ne speres, monet annus, et alnum
Quæ rapit hora diem.
10 Frigora mitescunt zephyris; ver proterit æstas
Interitura, simul
Pomifer autumnus fruges effuderit; et mox
Bruma recurret iners.
Damna tamen celeres reparant cœlestia lunæ:
Nos, ubi decidimus
15 Quo pius Æneas, quo Tullus dives et Ancus,
Pulvis et umbra sumus.
Quis scit, an adjiciant hodiernæ crastina summæ
Tempora di superi?
20 Cuncta manus avidas fugient heredis, amico
Quæ dederis animo.
Quum semel occideris, et de te splendida Minos
Fecerit arbitria,
Non, Torquate, genus, non te facundia, non te
Restituet pietas.
25 Infernis neque enim tenebris Diana pudicum
Liberat Hippolytum;
Nec lethæa valet Theseus abrumperé caro
Vincula Pirithoo.

5. *Gratia*. Tres sunt Gratiæ, seu Charites; Aglaja, Thalia, Euphrosine. — *Audet*. Quæ hinc prodiere non audebat.

7. *Immortalia*, etc. Ne rem ullam æternam putes: ne vitam semper duratam confidas.

8. *Rapit*, etc. Finitis enim horis, quæque præterit, absolvitur.

9. *Mitescunt*. Frigora mitigantur a vere, cujus nuntii sunt zephyri. — *Proterit*. Protrudit, abigit.

10. *Simul*. Statim atque.

12. *Bruma iners*. Hiems, quæ facit pigros et inertes.

13. *Damna*, etc. Cito reparat damnum luminis sui cœlestis, quod patitur quum decrescit: brevi enim sit plena, et integram suam lucem recipit.

15. *Quo pius*, etc. Nempe ad inferos. Tullus Hostilius fuit rex Romanorum tertius: Ancus vero quartus. — *Dives* dicitur Tullus, quod Albæ opes Romam transtulit.

17. *Hodiernæ summæ*. Ad numerum et summam annorum, quos hæcenus viximus, quos hodie numeramus.

18. *Tempora crastina*. Diem crastinum. — *Di superi*. Illi vivorum gerant curam, ut inferi mortuorum.

19. *Cuncta*, etc. Quæ animo et genio

two dederis, ea subtrahes prudenter heredi avaro.

22. *Arbitria*. Judicia: vocat splendida, id est, publica, superba: quum de te pro arbitrio statuerit.

23. *Torquate*. L. Manlius Torquatus, ad quem Horatius hæc scribit, consulatum gessit eodem anno quo natus est Horatius. — *Genus*. Nobilitas: originem enim ducebat iste Manlius ab illo Manlio, qui, quod Gallum interemptum torque spoliasset, Torquati cognomen est adeptus.

24. *Restituet*. Subandi vitæ, amicis.

25. *Infernis*. Ipsi dii non possunt eos, quos habebant carissimos, ab inferis revocare: quis mortuorum id moliri aut sperare ausit? — *Diana*. Quam Hippolytus per totam vitam pio animo coluit. — *Pudicum*. Quod Phædræ suæ novæcæ implum amorem respuit.

26. *Hippolytum*. Thesei filium.

27. *Lethæa*. Inferorum vincula. Lethæ est inferorum fluvius.

28. *Pirithoo*. Fabulantur poëtæ descendisse Theseum ad inferos cum Pirithoo, ut Proserpinam raperet; utrumque a Dite, seu Plutone, captum; mansisse in vinculis Pyriithoam; soluto, Herculis ope, Theseo.

ODE VII.

Ad Censorinum.

Amico mittit carmina, et muneris pretium declarat.

- Donarem pateras, grataque commodus,
 Censorine, meis æra sodalibus;
 Donarem tripodas, præmia fortium
 Graiorum; neque tu pessima munerum
 5 Ferres, divite me scilicet artium,
 Quas aut Parrhasius protulit, aut Scopas,
 Hic saxo, liquidis ille coloribus
 Solers nunc hominem ponere, nunc deum.
 Sed non hæc mihi vis; nec tibi talium
 10 Res est aut animus deliciarum egens.
 Gaudes carminibus; carmina possumus
 Donare, et pretium dicere muneris.
 Non incisa notis marmora publicis,
 Per quæ spiritus et vita redit bonis
 15 Post mortem ducibus; non celeres fugæ,
 Rejectæque retrorsum Annibalis minæ,
 Non incendia Carthaginis impiæ,

1. *Pateras*. Sont capaciora pocula, vel phialæ, præmia victorum, quibus sæpe donabantur duces. — *Commodus*. Liberalis, benignus.

2. *Censorine*. Caius Marcius Censorinus consulatum gessit anno U. C. 746. — *Æra*. Lebetes, vasa.

3. *Tripodas*. Varia vasorum tribus pedibus innitentium genera, quæ athletic in victoriæ præmium data fuisse testantur poetæ.

4. *Graiorum*. Homerus maxime istis muneribus suos heroes donat passim in Iliade. — *Pessima munerum*. Pessima munera: si ejusmodi munera donarem amicis, tibi omnium carissimo largirer optima.

5. *Ferres*. Auferres, id est, obtine- res, acciperes. — *Divite me*, etc. Si haberem artes, id est, opera, signa, vasa arte facta, quæ protulit, id est, in lucem edidit, elaboravit, Parrhasius (pictor celebris ephesinus, æqualis Zeuxi- dis), aut Scopas, statuaris.

7. *Hic*. Scopas. — *Ille*. Parrhasius

8. *Solers ponere*. Pro solers ad pe- nendum vel effingendum, more græco.

9. *Vis*. Facultas, copia, opes.

10. *Res*, etc. Sententia est: nec tu egres istis delictis, id est, vasis, signis, tabellis delicatis, ad ornatum et delicias comparatis; neque porro eas res concu- pisces: abundat domus tua ejusmodi re- bus; et animus tuus eas non nimis amat.

12. *Dicere*. Imponere, statuere.

13. *Notis* Elogiis, inscriptionibus.

14. *Per quæ*, etc. Quæ efficiunt, ut egregii duces post mortem quasi reviviscant.

16. *Rejectæque*, etc. Et Annibal a Scipione fugatus, et ab Italia rejectus, id est, in Africam retro cedere coactus, qui prius Romam se capturum minaba- tur.

17. *Incendia*. Scipio Africanus, mi- nor dictus, Carthaginem cepit, et in- cendit. *Impia* dicitur Carthago, quia con- tra fidem promissam sœdus frøgerat, quod, bello punico secundo confecto, compositum fuerat.

- Ejus, qui domita nomen ab Africa
 Lucratus rediit, clarius indicant
 20 Laudes, quam calabræ Pierides : neque,
 Si chartæ sileant, quod bene feceris,
 Mercedem tuleris. Quid foret Iliæ
 Mavortisque puer, si taciturnitas
 25 Obstaret meritis invida Romuli ?
 Ereptum stygiis fluctibus Æacum
 Virtus, et favor, et lingua potentium
 Vatum divitibus consecrat insulis.
 Dignum laude virum Musa vetat mori ;
 Cælo Musa beat. Sic Jovis interest
 30 Optatis epulis impiger Hercules ;
 Clarum Tyndaridæ sidus ab infimis
 Quassas eripiunt æquoribus rates ;
 Ornatus viridi tempora pampino
 Liber vota bonos ducit ad exitus.

18. *Ejus, qui, etc.* Scipionis Africani majoris, qui Carthaginem et Africam domuit; unde ipsi nomen.

20. *Calabræ Pierides.* Ennii versus; Ennius, poeta latinus antiquus, Rudis in oppidulo Calabriæ natus, Scipioni Africano majori carus fuit, ejusque res gestas scripsit. — *Neque si, etc.* Ordo est: neque tu mercedem tuleris, si, etc., id est, nullum fructum, nullam mercedem quiscquam e rebus præclare gestis consequetur, si libri sileant quod recte ab illo factum fuerit.

21. *Puer.* Romulus, filius Iliæ et Martis: Iliæ erat filia Numitoris. — *Si taciturnitas, etc.* Si de illo scriptores tacerent: quod silentium ejus gloriæ inimicum et invidum foret.

25. *Ereptum.* Morti et oblivioni ereptum. — *Æacum.* Jovis filium.

26. *Virtus.* Potestas, facundia. — *Potentium.* Præstantium: qui possunt hæc edere miracula, id est, suis carminibus immortalitatem conciliare.

27. *Divitibus insulis.* Campis Elysiis, quos multi ponebant in insulis Fortunatis, in mari atlantico. — *Consecrat.* Immortalitate donat.

29. *Beat.* Facit beatos homines, eos ad cælum evehendo. *Beare cælo,* ut, beare munere. — *Sic.* Per carmina: Musarum beneficio. — *Interest.* Præsens adest.

31. *Tyndaridæ.* Castor et Pollux, filii Leda, cujus maritus Tyndarus. — *Clarum sidus.* Est appositio: Tyndaridæ, qui sunt clarum sidus.

33. *Pampinus.* Est folium vitis, quo Bacchus coronatur. — *Vota, etc.* Præsto est invocantibus: reos votorum facit.

ODE VIII.

Ad Lollium.

Suos primum versus, deinde poemata universæ, postremo Lollium, ad quem scribit, commendat.

Ne forte credas interitura, quæ
 Longe sonantem natus ad Aufidum,
 Non ante vulgatas par artes,

1. *Ne credas, etc.* Noli credere meos versus morituros.

2. *Natus ad Aufidum.* Ego Horatius.

Aufidus est fluvius Apuliæ, quæ Horatii patria fuit.

3. *Per artes, etc.* Per lyricos versus

Verba loquor socianda chordis.

- 5 Non, si priores Mæonius tenet
Sedes Homerus, pindaricæ latent
Cæque, et Alcæi minaces,
Stesichorique graves camenæ:
Nec, si quid olim lusit Anacreon,
10 Delevit ætas: spirat adhuc amor,
Vivuntque commissi calores
Æoliæ fidibus puellæ.
Non sola comptos arsit adulteri
Crines, et aurum vestibus illitum
15 Mirata, regalesque cultus,
Et comites, Helene Lacæna:
Primusve Teucer tela cydonio
Direxit arcu; non semel Ilios
Vexata: non pugnavit ingens
20 Idomeneus, Sthenelusve solus,
Dicenda Musis prælia; non ferox
Hector, vel acer Deiphobus graves
Excepit ictus pro pudicis
Conjugibus puerisque primus.
25 Vixere fortes ante Agamemnona
Multi; sed omnes illacrimabiles

latinos, Romanis ante me ignotos, quorum primus artifex ego sum.

4. *Socianda chordis*. Ad lyrica canenda. Hinc isti versus lyrici vocantur.

5. *Non, si, etc.* Ordo est: et si Homerus primas sedes, id est primus inter poetas locum obtinet, non ideo tamen Pindarus latet, etc. — *Mæonius*. Ita dictus est Homerus, vel a patre Mæone, vel a patria Mæonia, seu Lycia, minoris Asiæ regione.

7. *Cæque*. Simonidis, e Cea insula, qui Persarum bella, et Græcorum calamitates, lugubri carmine prosecutus est. — *Alcæi minaces camenæ*. Alcæi carmina, iræ et acerbitalis in tyrannos, a quibus et patria expulsus fuerat, plenissima.

8. *Stesichorique*. Fuit oriundus Himera, urbe Siciliæ: multa scripsit epico carmine.

9. *Lusit, etc.* Scriptitavit Anacreon, poeta lyricus, natus in Ionis urbe Teo; usus est carmine admodum terso et eleganti: floruit Polycratis, Samiorum tyranni, temporibus, circa olympiadem 62.

10. *Delevit ætas*. Neodum elegantes Anacreontis versus vetustas consumpsit. — *Spirat, etc.* Amor æoliæ puellæ, id est Sapphus, adhuc spirat et quasi vivus existat in ejus versibus.

11. *Calores*. Amores Sapphus, sive amatoris querelæ, quas illa commisit, et quasi credidit suis carminibus.

13. *Non sola, etc.* Non sola Helena Paridem amavit. — *Arsit crines*. Pro amavit, deperilit.

14. *Aurum, etc.* Aurum intextum opere phrygio, vestes acuta pictas et auro illusas.

16. *Lacæna*. Lacedæmonia.

17. *Teucer*. Hunc Homerus ait in torquendis arcu sagittis peritissimum fuisse. Non ille solus talis fuit, inquit Horatius. — *Cydonio*. Cretensi. Cydon urbs Cretæ fuit; ad quam optimæ sagittis faciendis nascebantur arundines.

19. *Vexata*. Obsessa, oppugnata. Trojam primo Hercules obsedit, deinde Amazones, demum Græci.

20. *Idomeneus, Sthenelusve*. Duces Græcorum fortissimi; de quibus sæpe Homerus meminit.

21. *Dicenda Musis*. A vatibus celebranda.

22. *Deiphobus*. Frater Hectoris, Priami filius.

23. *Pro pudicis, etc.* Pro civibus suis, pro conjuge, et filiis.

25. *Agamemnona*. Dux fuit præcl-

- Urgentur, ignotique longa
Nocte, carent quia vate sacro.
Paulum sepultæ distat inertiae
30 Celata virtus. Non ego te meis
Chartis inornatum silebo,
Totve tuos patiar labores
Impune, Lolli, carpere lividas
Obliviones. Est animus tibi
35 Rerumque prudens, et secundis
Temporibus dubiisque rectus;
Vindex avaræ fraudis, et abstinens
Ducentis ad se cuncta pecuniæ;
Consulque non unius anni,
40 Sed quoties bonus atque fidus
Judex honestum prætulit utili, et
Rejecit alto dona nocentium
Vultu, et per obstantes catervas
Explicuit sua victor arma.
45 Non possidentem multa vocaveris
Recte beatum : rectius occupat
Nomen beati, qui deorum
Muneribus sapienter uti,
Duramque callet pauperiem pati,

pæus Græcorum ad Trojam, rex Mycenarum.

26. *Illacrimabiles*. Indefecti.

27. *Urgentur*. Obruuntur æterna morte, sepeliuntur oblivionis tenebris.

28. *Quia carent*. Quia res eorum gestas nullas poeta litteris ac memoriæ prodidit.

29. *Sepultæ*. Ignoratæ et latenti. — *Inertia*, etc. Pro ab inertia. Sensus est : parum discriminis est inter fortes et ignavos, si pariter ignorentur.

31. *Inornatum*. Te non illaudatam et illustratam præteream.

32. *Labores*. Lollius maxima bella gesserat in Thracia et Galatia.

33. *Impune*. Me non prohibente.

35. *Rerum prudens*. In rebus prospiciendis, in tractandis negotiis.

36. *Dubitiis*. Adversis, duris. — *Rectus*. Equabilis in utraque fortuna.

37. *Vindex*. Solitus eos graviter punire, qui fraudes molluntur, ut avaritiæ suæ sitim expleant. — *Et abstinens*, etc. Qui potest se abstinere a pecunia, quæ omnia ad se ducit trahitque.

39. *Consulque*, etc. Tuus non est unius anni consulatus, id est, tu non tantum consulatum unius anni spatio de-

finitum geris, ut ceteri, sed toties es consul, et istius magistratus officium ac munus geris, quoties tuus animus, bonus et fidus judex, id est, instar æqui iudicis, honestum bonum præfert utili, alto vultu, etc. Fuit autem Lollius consul anno U. C. 733.

41. *Judex*. Consularem dignitatem servare dicitur quoties in iudiciis fidem ac probitatem suam explicat.

42. *Alto vultu*. Erecto vultu, oculo irretorto. — *Nocentium*. Reorum, qui tuam integritatem student muneribus corrumpere.

43. *Per obstantes*, etc. Adulationes, munera, largitiones; qui sunt iudicum hostes.

44. *Arma*. Equitatem, constantiam, fidem : his enim pugnat judex, his vincit. — *Explicuit arma*. Id est, viam sibi armatus aperuit, sine clade.

45. *Non recte*. Non recte vocaveris beatum, qui multa possidet.

46. *Rectius*. Equius. — *Occupat*. Primum meretur.

49. *Callet*, etc. Sensus est, qui novit uti sapienter superum donis, nec non ferre sapienter paupertatis incommoda.

50 *Pejusque leto flagitium timet:*
Non ille pro caris amicis
Aut patria timidus perire.

50. *Pejus leto.* Magis quam mortem: mori mavult quam peccare.

talis non dubitat mortem oppetere pro amicis aut patria.

51. *Non ille, etc.* Ille, id est, vir

ODE IX.

Ad Ligurinum.

Eum admonet ejus pulchritudinem brevi esse perituram.

O formosus adhuc, et Veneris muneribus potens,
 Insperata tuæ quum veniet pluma superbiæ,
 Et, quæ nunc humeris involitant, deciderint comæ,
 Nunc et qui color est puniceæ flore prior rosæ,
 5 Mutatus Ligurinum in faciem verterit hispidam;
 Dices heu! quoties te in speculo videris alterum:
 « Quæ mens est hodie, cur eadem non puero fuit?
 Vel cur his animis incolumes non redeunt genæ? »

1. *O formosus, etc.* O Ligurine, qui adhuc formosus es, et serox ob Veneris munera, nempe pulchritudinem, gratiam, etc.

2. *Quum veniet, etc.* Quum tibi, qui nunc superbus es, veniet barba vel canities.

3. *Deciderint.* Senio avulsæ: senes vulgo sunt calvi.

4. *Nunc, etc.* Ordo est: quando color tui vultus, qui est nunc prior, id est, potior, pulchrior flore puniceæ, hoc est, purpureæ rosæ, mutatus, te in aliam faciem, nempe hispidam e pulchra, mutaverit.

6. *Alterum.* Ita mutatum ab illo qui fueras olim, ut alterum te pæne esse credas.

7. *Quæ mens, etc.* Dices: Cur eadem non fuit mihi puero mens, quæ est hodie mihi seni? cur voluptates et cetera ludicra non fugiebam tunc, ut modo fugio?

8. *Vel cur, etc.* Vel quare non redit mihi forma pristina, et integer florensque vultus, mihi, inquam, his animis prædito, nempe longe aliter ac olim sentienti, id est nunc mihi sapientiori.

ODE X.

Ad Phyllida.

Eam invitat ad natalem Mæcenatis, domui suæ, festis epulis celebrandum.

Est mihi nonum superantis annum
 Plenus albanî cadus; est in horto,
 Phylli, nectendis apium coronis,
 Est hederæ vis
 5 Multa, qua crines religata fulges;
 Ridet argento domus; ara castis

1. *Albanî.* Vini generosi, quod in montibus prope Albam nascebatur.

4. *Hederæ vis.* Copia multa.

6. *Ridet, etc.* Vasis argenteis ornata.

- Vincta verbenis avet immolato
 Spargier agno;
 Cuncta festinat manus, hunc et illuc
 10 Cursitant mixtæ pueris puellæ;
 Sordidum flammæ trepidant rotantes
 Vertice fumum.
 Ut tamen noris quibus advoceris
 Gaudiis, idus tibi sunt agendæ,
 15 Qui dies mensem Veneris marinæ
 Findit aprilem;
 Jure solennis mihi, sanctiorque
 Pæne natali proprio, quod ex hac
 Luce Mæcenas meus affluentes
 20 Ordinat annos.

splendet. — *Castis*. Puris, religiosis, ex more sacrorum positis.

7. *Verbenis*. Verbena est herba, quam circum aras spargebant sacrificaturi; qua coronabant aras ipsas: *de la verveine*. — *Avet, etc.* Imbul et respergi sanguine agni immolati cupit, gestit.

9. *Manus*. Famulorum turba.

10. *Puellæ*. Ancillæ.

11. *Sordidum, etc.* Flammæ cum impetu evolant in caminum, rotantes sordidum et pinguem fumum in tecti vertice. Indicat lautam culinam.

13. *Quibus, etc.* Quod festum tanto gaudio celebratura sis.

14. *Idus*. Dies decima quinta in mensibus maio, octobri, julio, ac martio; in aliis autem mensibus, decima tertia.

Idus erant sic dictæ ab etrusca voce *idware*, hoc est, dividere, quia mensem in duas partes dividebant.

15. *Mensem Veneris*. Mensem Veneri sacrum. Est autem aprilis Veneri sacer; quia verna tempestas terræ solum aperit: ac frugibus rebusque ceteris gignendis favet.

16. *Findit*. In duas partes prope æquales dividit; idus enim incidunt in diem mensis cujuslibet 13 vel 15.

17. *Jure*, etc. Est ille dies mihi merito solennis, et prope sanctior meo die natali; quia ex illo die Mæcenas ordinat, numerat ordine suos annos *affluentes*, id est, alios aliis accedentes; quia nimirum est dies ejus natalis, a quo anni inchoantur. — *Natali*. Dies natalis in maximo honore apud Romanos erat.

ODE XI.

Ad Virgilium.

Eum ad cœnam vocat.

Jam veris comites, quæ mare temperant,
 Impellunt animæ lintea thraciæ:
 Jam nec prata rigent, nec fluvii strepunt
 Hiberna nive turgidi.

1. *Mare temperant*. Mitius et aptum navigationi, fugatis cum frigore procellis, reddunt.

2. *Animæ Thraciæ*. Venti molliores, qui ab oriente flant, ubi est Thracia, ut

Italiam opponitur. — *Lintea*. Navium vela.

3. *Rigent*. Gelu et frigore obsita.

4. *Turgidi, etc.* Non sunt amplius hibernis nivibus turgidi, quare non strepunt.

- 5 **Nidum** ponit, Ityn flebiliter gemens,
 Infelix avis, et cecropiæ domus
 Æternum opprobrium, quod male barbaras
 Regum est ulta libidines.
 Dicunt, in tenero gramine, pinguium
 10 Custodes ovium carmina fistula;
 Delectantque deum cui pecus et nigri
 Colles Arcadiæ placent.
 Adduxere sitim tempora, Virgili:
 Sed pressum Calibus ducere liberum
 15 Si gestis, juvenum nobilium cliens,
 Nardo vina merebere;
 Nardi parvus onyx eliciet cadum,
 Qui nunc sulpiciis accubat horreis,
 Spes donare novas largus, amaraque
 20 Curarum eluere efficax.
 Ad quæ si properas gaudia, cum tua
 Velox merce veni: non ego te meis
 Immunem meditor tingere poculis,
 Plena dives ut in domo.
 25 Verum pone moras, et studium lucri;

6. *Infelix avis.* Hirundo. — *Cecropiæ domus.* Athenienstum regis familiaris: quia Cecrops fuit rex Athenienstum primus.

7. *Male ulta.* Tam crudeliter, per scelus. Nam Proce, filia Pandionis, regis Athenarum, uxorque Tereti, regis Thraciæ, mactatum parvum filiolum Ityn isti epulandum apposuisse dicitur. Inde in hirundinem conversa est.

8. *Regum.* Tereti.

9. *Dicunt, etc.* Pastores in herba molliter fusi modulantur carmina in honorem Panos.

11. *Deum cui, etc.* Pana, Faunum. *Arcadia* regio est Græciæ, in Peloponneso; ex qua in Italiam venire Pan, februario mense, dicebatur.

12. *Nigri colles.* Umbrosi.

13. *Tempora.* Tempestas jam calidior.

14. *Pressum.* Torculari expressum ac sublatum. — *Calibus.* Cales, urbs Campaniæ; cujus ager vitibus felix: hinc vinum calenum. — *Ducere.* E patra haurire.

15. *Juvenum, etc.* Drusi, et Tiberii, Livii filiorum, et Marcelli, ex Augusti sorore geniti. — *Cliens.* Qui te illis dediti, quos observas, collis, etc.

16. *Nardo, etc.* Id est, dabo vinum, si tu nardum, hoc est, unguentum o nardo confectum afferas. — *Merebere.* Emes, obtinebis a me.

17. *Onyx.* Vasculum ex onyche, lapide pretioso, factum. — *Eliciet.* Adducet: persuadebit mihi, ut adduci jubeam cadum integrum, etc.

18. *Sulpiciis horreis.* Apothecis, quas Sulpicius Galba extruxerat, et locabat publice: ubi mercatores condebant vina, merces, etc. — *Accubat.* Quiescit, servatur.

19. *Spes, etc.* Qui potest prolixè dare spes novas, et curas eluere. — *Amara curarum.* Pro amaras curas.

21. *Ad quæ, etc.* Si te cupiditas vini mei et epularum tangit.

22. *Tua merce.* Onyche tuo et nardo, quo vinum meum quasi emere debes.

23. *Immunem.* Nihil afferentem, nil contribuentem. — *Tingere.* Madefacere, proluere.

24. *Plena.* Locuplete, lautissima.

25. *Lucri.* Virgilius non contemnendas opes suis versibus collegerat: quæ res illum ad scribendum acuebat. Alii per *lucri studium* diligentioram, quam Virgilius in rebus suis gerendis collocabat, operam et curas designari existimant.

26. *Dum licet.* Dum vita manet, dum fert ætas, misce seriis ludicra. — *Ignium.* Rogi, mortis. *Nigros* vocat ignes, id est, funestos, tristes.

Nigrorumque memor, dum licet, ignium,
 Misce stultitiam consiliis brevem :
 Dulce est desipere in loco.

27. *Stultitiam*. Hilaritatem solutio-
 rem, et liberiores jocos. — *Consiliis*.
 Prudentiæ : rebus seriis, gravioribus
 occupationibus.

28. *Desipere*. Paulo liberalius genio
 indulgere. — *In loco*. Tempestive, op-
 portune.

ODE XII.

Ad Augustum.

Tiberii de Rhætis victoriam celebrat, et Augusti auspiciis ac felicitati acceptam refert.

Quæ cura patrum, quæve Quiritium,
 Plenis honorum muneribus tuas,
 Auguste, virtutes in ævum
 Per titulos memoresque fastos
 5 Æternæ? O, qua sol habitabiles
 Illustrat oras, maxime principum,
 Quem, legis expertes latinæ,
 Vindelici didicere nuper
 Quid Marte posses! Milite nam tuo
 10 Drusus Genaunos, implacidum genus,
 Brennosque veloces, et arces
 Alpibus impositas tremendis,
 Dejecit acer plus vice simplici.
 Major Neronum mox grave prælium
 15 Commisit, immanesque Rhætos
 Auspiciis pepulit secundis,
 Spectandus in certamine martio,

1. *Quæ cura, etc.* Sententia est,
 senatum populumque romanum, quan-
 tumvis curæ studique conferat, ad
 meritos honores Augusto decernendos,
 id præstare tamen pro dignitate nun-
 quam posse. — *Patrum*. Senatorum.
 — *Quiritium*. Ceterorum civium.

2. *Muneribus plenis honorum*. Sci-
 licet statuis, triumphis, titulis, et
 fastis; quæ omnia plena sunt honoris ac
 dignitatis.

3. *Titulos*. Elogia, inscriptiones sub-
 scriptas statuis, pilis lapideis, etc.
 — *Fastos*. Sunt commentarii, seu co-
 dices qui memoriam rerum singulis
 annis gestarum continent.

4. *Æternæ*. Æternitate donet. — *Qua
 sol, etc.* O princeps, cujus potentiam
 omnes per totum terrarum orbem suspi-
 ciant!

7. *Quem, etc.* Cujus fortitudinem
 in bello, et felicitatem sensere Vindelici.
 — *Legis*. Imperii, dominationis.

10. *Genaunos, Brennos*. Vicini erant
 Vindelici, sub Alpibus. — *Drusus*.
 Augusti privignus.

12. *Tremendis*. Vel propter hos-
 tium, qui arces illas obtinebant, fer-
 tatem : vel propter montium altitudi-
 nem.

13. *Plus vice simplici*. Plus quam
 semel, sæpius, multis præliis.

14. *Major Neronum*. Cl. Tiberius
 Nero, qui Druso fratre major erat annis
 fere quatuor.

15. *Rhætos*. Scilicet cum Vindeliciis
 et ceteris, qui fœdere illis juncti fue-
 rant.

16. *Auspiciis secundis*. Felicibus.
 Res prosperæ dicuntur secundæ, quasi

- Devota morti pectora liberæ
 Quantis fatigaret ruinis ,
 20 Indomitas prope qualis undas
 Exercet Auster, Pleiadum choro
 Scindente nubes, impiger hostium
 Vexare turmas, et frementem
 Mittere equum medios per ignes.
 25 Sic tauriformis volvitur Aufidus,
 Quis regna Dauni præfuit Appuli,
 Quum sævit, horrendamque cultis
 Diluviem meditatur agris :
 Ut barbarorum Claudius agmina
 30 Ferrata vasto diruit impetu,
 Primosque et extremos metendo
 Stravit humum, sine clade victor;
 Te copias, te consilium, et tuos
 Præbente divos. Nam tibi, quo die
 35 Portus Alexandria supplex
 Et vacuam patefecit aulam,
 Fortuna lustrò prospera tertio
 Belli secundos reddidit exitus ,

quæ sequantur conatus nostros, quæ nobis obsequantur.

17. *Spectandus*, etc. Dignus qui spectaretur.

18. *Liberæ*. Ne servirent, id est, liberam mortem servitio preferentes.

21. *Exercet*. Vexat, agitat. — *Auster*. Ventus meridionalis, et sævus. — *Pleiadum*, etc. Pleiades sunt stellæ septem inter Arietem, et Taurum: alia voce Vergiliæ dicuntur, et Atlantides. Ita dispositæ sunt in orbem, ut choream agitare videantur. Procellas autem et imbres terris important, quum oriuntur, et occidunt: hinc nubes ab illis dicuntur scindi, et rumpi, quum nempe in pluvias solvantur.

22. *Impiger vexare*. Est Hellenismus, pro, impiger, strenuus in vexandis hostium turmis. De Cl. Tiberio Nerone loquitur.

24. *Per ignes*. Ubi pugnantis vita in summum discrimen adducitur.

25. *Tauriformis*. Comparantur tauris flumina, ob impetum et quasi mugitum fluctuum: itaque cum taurinis cornibus pinguntur. — *Aufidus*. Fluvius Apuliæ.

26. *Regna Dauni*. Apuliæ partem unam, in qua regnavit Daunus: altera pars Peucetia dicitur. — *Præfuit*. Id est, præterfuit.

29. *Ut barbarorum*, etc. Est altera

pars comparationis: sic volvitur Aufidus, ut Claudius Tiberius Nero barbaros diruit, etc.

30. *Ferrata*. Quibus erat lorica, et galea e ferro.

31. *Primos et extremos*. Totam aciem. — *Metendo*. Trucidando. Sic Virg. *Proxima quæque metit gladio*.

32. *Stravit*. Hostium cadaveribus textit. — *Sine clade*. Suorum militum, impune.

33. *Tuos*, etc. Auxillium decorum tibi faventium præbente.

34. *Nam tibi*, etc. Probat rem a Tiberio bene gestam auspiciis Augusti, et numine decorum illi faventium; quia eodem die, quo ante annos 15 ingressas erat Augustus Alexandriam, victis Antonio et Cleopatra, eodem Tiberius felici bello Rhætos profligavit; adeo ut iidem dii huic duplici victoriæ præfuisse merito viderentur. — *Quo die*. Anno U. C. 723, pridie kal. sept.

36. *Vacuam*. Mortuo Antonio, victa Cleopatra.

37. *Lustrò tertio*. Lustrum est spatium annorum quinque; quo spatio exacto, censores lustrabant, et recensabant urbem.

38. *Reddidit*. Quasi eadem et condicta die repræsentavit Tiberio, atque adeo tibi, victoriam de Rhætis.

- Laudemque et optatum peractis
 Imperiis decus arrogavit.
 40 Te Cantaber non ante domabilis,
 Medusque, et Indus, te profugus Scythes
 Miratur, o tutela præsens
 Italiæ, dominæque Romæ.
 45 Te, fontium qui celat origines
 Nilusque, et Ister, te rapidus Tigris,
 Te belluosus qui remotis
 Obstrepat Oceanus Britannis;
 Te non paventis funera Galliæ,
 50 Duræque tellus audit Iberiæ;
 Te cæde gaudentes Sicambri
 Compositis venerantur armis.

39. *Laudemque, etc.* Et arrogavit, id est, attribuit, adscripsit, concessit laudem et optatum decus, hoc est, victoriam, triumphum. — *Peractis imperiis.* Peracto imperio tuo, quum dux esse desisset. Alii sic intelligunt: pristinis rebus præclare sub tuo imperio peractis adjecit splendorem.

41. *Cantaber.* Hispaniæ populus. — *Non ante, etc.* Qui a nullo, ante Cæsarem, vinci potuerat.

42. *Medusque.* Parthi. — *Indus.* Porus, Indorum rex, Augusti et Romanorum amicitiam, pacemque per legatos expetierat, anno U. C. 734. — *Scythes.* Populus Europæ septentrionalis incola. *Profugos* vocat Scythas, id est, errabundos.

43. *Tutela præsens.* Certa, efficax; præsidium certum.

44. *Dominæque.* Romæ, principis urbium.

46. *Nilus.* Fontes Nili diu ignoti fuerunt, et adhuc forte latent. — *Ister.* Alio nomine Danubius (*le Danube*)

maximus est Germaniæ fluvius, ab occidente in ortum fluens: erat Augusti tempestate, septentrionalis limes romani imperii. — *Tigris.* Armeniæ fluvius, a celeritate sic dictus: *le Tigre*.

47. *Belluosus.* Belluis, id est, bellicis, et aliis id genus monstris, scatens.

48. *Obstrepat.* Alluit cum strepitu. — *Britannia.* Angli ultro ad Augustum legatos misere, qui ejus in fide et potestate futuram Britanniam promitterent. *Remoti* appellantur, quia orbem oceano Britannico finiri a septentrione veteres putabant.

49. *Galliæ.* Galli ab omni ævo periculi e. neclis contemptores fuere.

50. *Audit.* Veneratur, paret. — *Iberiæ.* Hispaniæ, sic dictæ ab Ibero flumine. *Duram* vocat, id est, patientem laboris, vinci difficilem.

51. *Sicambri.* Germaniæ populi, ad Rheni ostia.

52. *Compositis.* Simul et uno consensu abjectis: vel, uno in loco positis, tranquillis et seriatim.

ODE XIII.

Augusti pacifici laudes.

Phœbus volentem prælia me loqui,
 Victas et urbes, increpuit lyra,
 Ne parva tyrrenum per æquor
 Vela darem. Tua, Cæsar, ætas

2. *Increpuit, etc.* Leviter percutiendo me lyra, monuit ne, etc.

3. *Ne parva, etc.* Ne res meis viribus impares aggrederer.

- 5 **Fruges et agris rettulit uberes,**
Et signa nostro restituit Jovi,
Derepta Parthorum superbis
Postibus, et vacuum duellis
Janum Quirini clausit, et ordinem
10 **Rectum et vaganti frena licentiæ**
Injecit, amovitque culpas,
Et veteres revocavit artes,
Per quas latinum nomen, et italæ
Crevere vires, famaue et imperi
15 **Porrecta majestas ad ortum**
Solis, ab hesperio cubili.
Custode rerum Cæsare, non furor
Civilis, aut vis exigit otium;
Non ira, quæ procudit enses,
20 **Et miseras inimicat urbes.**
Non, qui profundum Danubium bibunt,
Edicta rumpent julia; non Getæ,
Non Seres, infidive Persæ,
Non Tanaim prope flumen orti.
25 **Nosque et profestis lucibus et sacris,**
Inter jocos munera Liberi,
Cum prole, matronisque nostris,
Rite deos prius apprecati,

6. *Signa.* Quæ Crassus amiserat a Parthis interfectus. — *Nostro Jovi.* Capitolino; cujus in templo vexilla hæc reposuit Cæsar.

7. *Derepta.* Detracta.

8. *Postibus.* Templis. — *Duellis.* Bellis: quasi bella in eo templo haberent, quibus pulsus pax succederet.

9. *Janum, etc.* Erant multa Jani templa Romæ; unum in primis, quod Janum Quirini, seu Romuli, vocabant a Romulo ædificatum; quod flagrante bello, apertum erat; confecto, clausum. — *Et ordinem, etc.* Mores in deterius lapsos, et ab recta virtutis via velut aberrantes emendavit.

11. *Amovit.* Expulit.

12. *Artes.* Frugalitatem, justitiam, fidem.

14. *Imperi.* Pro imperii.

15. *Porrecta.* Producta, amplificata. — *Ad ortum, etc.* Ab occidente, usque ad orientem; orbe toto.

16. *Hesperio cubili.* Sol enim occidens videtur dormitum concedere in oceanum Hesperium, id est, Hispanum, sive Atlanticum, ab Hespero, stella serotina, aut ab Hespero, Atlantis fratre, sic appellatum.

17. *Rerum.* Orbis terrarum. — *Furor civilis.* Bellum civile.

18. *Exiget.* Expellet. Alii legunt *eximet*, id est tollet, perturbabit.

19. *Procudit.* Fabricatur.

20. *Inimicat.* Reddit invicem inimicas.

21. *Non, qui, etc.* Germani, Daci, etc. Istri fluminis vel Danubii accolæ.

22. *Edicta.* Leges ab Augusto latas. Alii intelligunt edicta quæ Augustus in pacis conditionibus observanda præscripsit victis populis. — *Getæ.* Populi feroces in Scythia europæa, prope Thraciam, Daci etiam dicti.

23. *Seres.* Populus orientalis, prope Indiam. — *Infidi.* Quia Crassum per simulationem pacis et colloqui decipium peremerant.

24. *Tanaim.* Tanais, *le Don*, dividit Europam et Asiam: circa illum habitant Scythæ.

25. *Profestis, etc.* Diebus non sacris, qui festos præcedunt.

26. *Inter, etc.* Inter vina.

27. *Cum prole, etc.* Cum liberis et conjugibus nostris.

28. *Prius, etc.* In secundis mensis

Virtute functos, more patrum, duces,
 Lydis remixto carmine tibiis,
 Trojamque, et Anchisen, et almæ
 Progeniem Veneris canemus.

deos precabantur, libabant vina, etc.
 Vide od. 4 hujus libri.

29. *Virtute functos*. Virtutis officio probe functos; qui virtutem exerceverunt. — *More patrum*. Canemus. Convivas enim in epulis apud veteres Romanos solitos fuisse canere ad tibicinem

de clarorum virorum virtutibus.

30. *Lydis, etc.* Alternis canentes, nunc voce, nunc tibia,

32. *Progeniem Veneris*. Iulium Cæsarem Augustum, Tiberium Neronem, Drusum, etc., qui omnes, per Eneam, a Venere originem ducebant.



EPODON LIBER.

ODE I.

Ad Mæcenatem.

illi ad bellum actiacum profecturo se offert comitem.

- Ibis liburnis inter alta navium,
Amice, propugnacula,
Paratus omne Cæsaris periculum
Subire, Mæcenas, tuo.
- 5 Quid nos, quibus te vita sit superstitute
Jucunda; si contra, gravis?
Utrumne jussi persequemur otium,
Non dulce, ni tecum simul?
An hunc laborem mente laturo, decet
- 10 Qua ferre non molles viros?
Feremus; et te, vel per Alpium juga,
Inhospitalem et Caucasum,
Vel occidentis usque ad ultimum sinum,
Forti sequemur pectore.
- 15 Roges tuum labore quid juvem meo,
Imbellis, ac firmus parum?

Epodon. Est genitivus pluralis, a voce, epode, sive epodus: sic vocatur versus minor, qui majori subjungitur, et quasi supercanitur.

1. *Ibis, etc.* O Mæcenas, iturus es ad bellum, et exiguis navibus cum vastis illis Antonii navibus pugnaturus? — *Liburnis.* Subaudi navibus. — *Navium propugnacula.* Tales vocat Antonii naves, quæ, ut ait Florus, lib. 4, c. 11, turribus et tabulatis allectæ, castellorum et urbium specie, non sine gemitu maris, et labore ventorum, ferebantur.

5. *Quid nos?* Subaudi faciemus: vel refer ad ea quæ sequuntur: quid nos? utrumne otium persequemur.

6. *Si contra.* Si tu superstes non sis.

7. *Utrumne, etc.* An lentus hic et otiosus manebo, ut jubes?

9. *An hunc, etc.* Ordo est: an laturos hunc belli laborem, ea mente, qua ferre illum debet vir minime timidus? Statim respondet: Nos vero illum feremus, etc. Proficitur scilicet Horatius se cum Mæcenate vel longinquiora ac vel maxime periculosa loca petiturum.

11. *Alpium.* Alpes Galliam ab Italia dirimunt.

12. *Caucasum.* Est mons Scythiæ. vocatur *inhospitatis*, id est, non habitabilis, nempe ob glaciem et nives, etc.

13. *Vel occidentis usque, etc.* Id est, ad extremos usque occidentem versus Oceani terminos.

15. *Roges, etc.* Forsan a me petes, cui tibi sim usui futurus, etc. Respondet: Equidem te parum jurobo præsens; at minus tibi timebo.

- Comes minore sum futurus in metu,
 Qui major absentes habet.
 20 Ut, assidens implumibus pullis, avis
 Serpentium allapsus timet,
 Magis relictis; non, ut adsit, auxili
 Latura plus præsentibus.
 Libenter hoc et omne militabitur
 Bellum, in tuæ spem gratiæ;
 25 Non ut juvencis illigata pluribus
 Aratra nitantur meis;
 Pecusve calabris, ante sidus fervidum,
 Lucana mutet pascua;
 Nec ut superni villa candens Tusculi
 30 Circæa tangat mœnia.
 Satis superque me benignitas tua
 Ditavit: haud paravero,
 Quod aut avarus, ut Chremes, terra premam,
 Discinctus aut perdam nepos.

17. *Comes.* Si te comiter, minus tibi metuam præsens quam absens.

18. *Qui.* Qui metus.

20. *Allapsus.* Impetum.

21. *Relictis.* Si forte eos rellquerit. — *Ut adsit.* Quanquam sit præsens; licet incubet nido.

23. *Militabitur.* A me.

24. *In tuæ, etc.* Tuæ erga me benevolentiae retinendæ et augendæ studio; non præmil aut mercedis consequendæ spe ductus.

27. *Pecusve calabris, etc.* Non ut pecus meum relinquat ante caniculam Calabriæ æstuosæ pascua, et in Lucaniam frigidiorē transmittatur. Quod facere solebant divites. Calabria est

Italiæ regio, magis vergens in orientem et meridiem, quam Lucania.

29. *Nec ut villa, etc.* Nec ut villa mea candens, id est candido et nitenti lapide structa, ut villæ ditiorum, tangat, id est, tam longe extendatur ut attingat circæa mœnia Tusculi, hoc est, Tusculum, cujus conditor Telegonus, Circes filius, fuisse traditur.

32. *Haud paravero.* Non eas opes mihi quæram anxie et parabo.

33. *Chremes.* Senex avarus ab Terentio sæpe inductus in scenam. — *Premam.* Defodiam, abdam.

34. *Discinctus.* Dissolutus. — *Nepos.* Significat ea vox aliquando libidinosum hominem et prodigum.

ODE II.

Alphius fœnerator, quasi artis suæ pertæsus, laudat vitam rusticam; sed mox ad ingenium et institutum redit.

« Beatus ille qui procul negotiis,
 Ut prisca gens mortalium,

1. *Procul negotiis.* Molesta negotiorum cura liberatus.

2. *Ut prisca gens.* Quo more antiquissimi homines vivebant.

- Paterna rura bobus exercet suis,
Solutus omni fœnore.
- 5 Neque excitatur classico miles truci ;
Neque horret iratum mare ;
Forumque vitat , et superba civium
Potentiorum limina.
- 10 Ergo aut adulta vitium propagine
Altas maritat populos ;
Inutilesque falce ramos amputans,
Feliciores inserit ;
Aut in reducta valle mugientium
Prospectat errantes greges ;
- 15 Aut pressa puris mella condit amphoris ;
Aut tondet infirmas oves.
Vel , quum decorum mitibus pomis caput
Autumnus arvis extulit ,
Ut gaudet insitiva decerpens pyra ,
20 Certantem et uvam purpuræ ,
Qua muneretur te , Priape , et te , pater
Silvane , tutor finium !
Libet jacere modo sub antiqua ilice ,
Modo in tenaci gramine.
- 25 Labuntur altis interim ripis aquæ ;
Queruntur in silvis aves ;
Fontesque lymphis obstrepunt manantibus ,

3. *Paterna*. Avita , non pretio conducta , etc.

4. *Solutus* , etc. Qui nec usuram pro mutua pecunia exigit ab alio ; nec eam cuiquam debet.

5. *Neque excitatur* , etc. Neque militat , neque navigat. — *Classico*. Buccinarum ad arma vocantium sono , et signo. — *Miles*. Ipse militans.

7. *Forumque vitat*. Et litibus caret.

8. *Limina*. Quæ a parasitis , et adulteribus teri solent. Non captat favorem divitum et nobilium , eos adeundo , salutando , etc.

9. *Adulta* , etc. Ramos vitium jam grandiores adjungit , et sociat arboribus altis , a quibus sustineantur.

10. *Maritat*. Ulmi , populi , et aliæ arbores , quum vitem juvant et sustinent , fiunt quasi secundæ illius fructibus , quæ per se sunt steriles.

11. *Inutiles*. Steriles et supervacaneos.

12. *Feliciores*. Fertiliores , ex arbore mellori decisos.

13. *Reducta*. Semota , secreta.

14. *Prospectat*. Procul spectat. — *Errantes*. Pascentes.

15. *Pressa*. E favis expressa. — *Puris*. Purgatis , sinceris.

16. *Infirmas*. Natura enim sua imbecilles sunt oves.

17. *Decorum* , etc. Maturis fructibus quasi coronatum ; sic enim plangebatur.

19. *Ut gaudet* ! Quanta voluptate afficitur ! — *Insitiva*. Ex insitione nata , ipsius manu inserta.

20. *Purpuræ*. Est in dandi casu : uvam de colore contendentem cum purpura.

21. *Qua muneretur*. Quam tibi , pro munere , offerat. — *Priape*. Erat Priapus hortorum deus : Silvanus vero , agrorum et silvarum.

22. *Finium*. Limitum , quibus agri finiuntur , et ab aliis separantur.

23. *Antiqua*. Annosa adeoque patula , umbrosa.

24. *Tenaci*. Quia multis fibris et radicibus terræ firmiter adhæret.

25. *Interim*. Dum ipse jacet sub arbore , aut in gramine.

26. *Queruntur*. Canunt.

27. *Obstrepunt* , etc. Strepitum edunt : qui strepitus somnos molles et lenes inducit , affert.

- Somnos quod invitet leves.
 At, quum tonantis annus hibernus Jovis
 30 Imbres nivesque comparat,
 Aut trudit acres hinc et hinc multa cane
 Apros in obstantes plagas,
 Aut amite levi rara tendit retia,
 Turdis edacibus dolos;
 35 Pavidumque leporem, et advenam laqueo gruem,
 Jucunda captat præmia.
 Quis non malarum, quas amor curas habet,
 Hæc inter obliviscitur?
 Quod si pudica mulier in partem juvet
 40 Domum atque dulces liberos,
 Sabina qualis, aut perusta solibus
 Pernicis uxor Appuli;
 Sacrum vetustis extruat lignis focum,
 Lassi sub adventum viri;
 45 Claudensque textis cratibus lætum pecus,
 Distenta siccet ubera;
 Et horna dulci vina promens dolio,
 Dapes inemptas apparet:
 Non me lucrina juverint conchyliæ,
 50 Magisve rhombus, aut scari,
 Si quos eo is intonata fluctibus

29. *Tonantis*. Procellosi. — *Annus hibernus*. Hiems, tempestas hiberna. — *Jovis*. Aeris.

30. *Comparat*. Adducit, colligit.

31. *Multa cane*. Plurimis canibus.

32. *Plagas*. Retia densiora, maculis arctioribus distincta.

33. *Amite*. Est ames farca quædam, bacillum teres et politum, quo retia sustentantur. — *Rara*. Laxioribus foraminibus texta.

34. *Turdis edacibus dolos*. Dolus nempe turdis paratur esca vel illecebris appositus, cujus cupiditate allecti in insidiis incidunt.

35. *Advenam*. Peregrinam, transmarinam.

36. *Jucunda præmia*. Appositio, qui tardi, lepores, grues, sunt dulcia laboris et aucupii præmia.

37. *Quis non, etc.* Quis inter istas occupationes non obliviscatur facile malarum curarum, quas amor habet?

38. *In partem*. Pro sua parte.

41. *Perusta solibus*. Nigra, ob sudorem collectum ruri, dum opus facit sub dio.

42. *Pernicis*. Velocis, agilis, strenui.

43. *Sacrum*. Vestis sacrum, vel diis

Penatibus, quorum statum circa focum erant positæ.

44. *Sub adventum*. Paulo antequam vir domum fatigatus redeat.

45. *Textis cratibus*. E vimine: septis vimineis. — *Lætum*. Bene pastum, luxurians saliensque ob bonam corporis habitudinem.

46. *Distenta*. Plena. — *Siccet*. Melleat.

47. *Horna vina*. Ejusdem anni.

48. *Inemptas*. Natas domi; non comparatas pecunia.

49. *Non me, etc.* Ordo est: non magis me juverint, me delectaverint, non mihi profecto erunt gratiora conchyliæ; id est, pisces conchis inclusi, ut ostrea, etc. — *Lucrina*. Id est, capta in lacu Lucrino, qui est in sinu Balano, contra Puteolos, prope lacum Avernum.

50. *Rhombus*. Piscis latus, et magni tunc pretii, un turbot: ut et soarus, un sarget.

51. *Si quos, etc.* Piscees enim illi non nisi ex Asia Græciæque oris usque ad Sicillam reperiebantur; nec ullus in Tuscum mare descendeat, nisi tempestate aliqua totum mare vertetur.

- Hiems ad hoc vertat mare ;
 Non afra avis descendat in ventrem meum ,
 Non attagen ionicus
 55 Jucundior, quam lecta de pinguiissimis
 Oliva ramis arborum ,
 Aut herba lapathi prata amantis, et gravi
 Malvæ salubres corpori ,
 60 Vel agna festis cæsa Terminalibus ,
 Vel hædus ereptus lupo.
 Has inter epulas, ut juvat pastas oves
 Videre properantes domum !
 Videre fessos vomerem inversum boves
 Collo trahentes languido ;
 65 Positosque vernas, ditis examen domus ,
 Circum renidentes Lares ! •

- Hæc ubi locutus fenerator Alphius ,
 Jam jam futurus rusticus ,
 Omnem relegit idibus pecuniam ;
 70 Quærit kalendis ponere.

53. *Afra avis.* Gallina numidica. *Une poule de Numidie, une pintade.*

54. *Attagen.* Quidam gallinam silvestrem asiaticam, *une gélinote de bois*: alii perdicem esse volunt, *une perdrix*. — *Ionicus.* Ex Ionia, Asiæ provincia, advectus.

57. *Lapathi.* Lapathum, sive rumex, salubris herba, *de l'oseille*. — *Gravi.* Distento; alvo pigræ et moranti.

59. *Terminalibus.* Erant Terminalia festa dei Termini, *la fête des bornes ou du dieu Terme*.

61. *Ut juvat.* Quam suave est, quantum delectat.

63. *Vomerem.* Vomer, *le coutre, le fer de la charrue*, est ferrum in imo aratro positum, quo scinditur humus. — *Inversum.* Supinum. Aratrum, quum

reportatur, ita invertitur, ut quæ pars ima erat, nempe vomer, fiat summa et exstet: stiva autem, seu manubrium aratri, terram verrat.

65. *Vernas.* Servos domi natos. — *Positos.* Accumbentes ad mensam, vel assidentes foco. — *Examen.* Turbam.

66. *Circum, etc.* Circa domumulentem et mundam: vel, circa focum ubi erant Lares.

69. *Relegit.* Collegit a debitoribus, apud quos eam magno fenore collocaverat; ut scilicet agros et rusticam suppellectilem compararet.

70. *Quærit, etc.* Mutato consilio, quærit ponere, hoc est, rursum locare fœnori, redactam ante dies quindecim, nempe idibus, pecuniam.

ODE III.

Ad Mæcenatem.

Allium detestatur, quod imprudens, quum apud Mæcenatem cœnaret, gustaverat.

- Parentis olim si quis impia manu
 Senile guttur fregerit,
 Edat cicutis allium nocentius.
 O dura messorum ilia!
 5 Quid hoc veneni sævit in præcordiis?
 Num viperinus his cruor
 Incoctus herbis me fefellit? an malas
 Canidia tractavit dapes?
 Ut Argonautas præter omnes candidum
 10 Medea mirata est ducem,
 Ignota tauris illigaturum juga,
 Perunxit hoc Jasonem:
 Hoc delibutis ulta donis pellicem,
 Serpente fugit alite.
 15 Nec tantus unquam siderum insedit vapor
 Siticulosæ Apuliæ;
 Nec munus humeris efficacis Herculis
 Inarsit æstuosius.

1. *Si quis, etc.* Si quisquam patris sui jam senis fauces per summam impletatem eliserit.

3. *Edat.* Legunt aliqui, *edit*, ex antiqua subjunctivi forma *edim*, *is*, *it*, pro *edat*, antiquæ, ut *duim*, pro *dem*. — *Cicutis.* Cicutæ, de la ciguë, est herba frigidissimi succi, ideoque pestiferi.

4. *Messorum.* Qui tali cibo, id est allio, vescantur impune. — *Ilia.* Viscera.

5. *Quid hoc, etc.* Quid hoc veneni est, quod genus veneni, quod male me habet, et mea torquet viscera? Quasi allium venenum esset.

7. *Fefellit.* Latuit, fugit.

8. *Canidia.* Mulier venefica. — *Tractavit.* Ut illis aspergeret virus.

9. *Ut.* Postquam. — *Argonautas.* Erant illi viri fortissimi, Jason, Hercules, Theseus, etc., qui, ut velius aureum exportarent e Colchide, navim Argo, a qua nomen traxere, conscenderunt.

10. *Mirata est, etc.* Unum præ ceteris Argonautis amavit.

11. *Tauris, etc.* Aureum vellus a

tauris duobus ignivomis servabatur: quos ut Jason domaret, illum Medea certis herbis ac venenis perunxit. — *Ignota juga.* Aratrum, quod nunquam passi fuerant.

12. *Perunxit hoc.* Scilicet allio.

13. *Hoc, etc.* Eadem Medea, Creonem, sive, ut alii volunt, Glaucam, Creontis regis Corinthi filiam, novam Jasonis conjugem ulta *donis delibutis*, id est imbutis, tinctis hoc allio, fugit in curru tracto ab alatis serpentibus, et avolavit. — *Donis.* Veste, corona, monilibus, quæ Creontis filiæ deferri Medea jusserat.

15. *Siderum vapor.* Æstus creatus a vaporibus, quos sol et alia sidera colligunt e terra.

17. *Nec munus humeris, etc.* Nec tanto æstu fortis olim Hercules per vestem a Dejanira acceptam correptus est, quanto ego nunc per pestiferum, quod sumpsi, corripior allium. — *Munus.* Palla, vestis Centauri Nessi sanguine imbuta. — *Efficacis.* Laboriosi.

18. *Inarsit humeris.* In humeris arsit.

ODE IV.

In Mænam.

Mænam, Pompeii magni libertum, insectatur.

- Lupis et agnis quanta sortito obtigit,
 Tecum mihi discordia est,
 Ibericis peruste funibus latus,
 Et crura dura compede.
 5 Licet superbus ambules pecunia,
 Fortuna non mutat genus.
 Videsne, Sacram metiente te viam,
 Cum bis ter ulnarum toga,
 Ut ora vertat huc et huc euntium
 10 Liberrima indignatio?
 « Sectus flagellis hic triumviralibus,
 Præconis ad fastidium,
 Arat falerni mille fundi jugera,
 Et Appiam mannis terit;
 15 Sedilibusque magnus in primis eques,
 Othone contempto, sedet!
 Quid attinet tot æra navium gravi

1. *Sortito.* Fatali necessitate; natura.

2. *Tecum mihi.* Tanta mihi tecum discordia est.

3. *Ibericis funibus.* Quia spartum optimum, ex quo fiebant funes, ab Hispania petebatur. — *Peruste, etc.* Qui latus habes perustum, concisum foris.

6. *Fortuna, etc.* Non facit fortuna felix, et potentium gratia, ut servus non fueris.

7. *Metiente, etc.* Ironice: incedente composito gradu per viam Sacram, cum toga, cujus syrma (id est cauda), sex ulnas longum est. *Sacra via*, ita dicta est a maximo Romæ templo, nempe Jovis Capitolini, quo ducebat. — *Toga.* Homines luxuriosi et divites togam laxam et amplam, tanquam opulentis insignis, gestabant.

9. *Ora vertat, etc.* Ut clives huc et huc euntes, ultro citroque commeantes, in te ora convertant.

10. *Indignatio.* Excitatur hic animi affectus in eos, quibus bene est immentibus et indignis.

11. *Sectus flagellis, etc.* Sunt verba

transeuntium in vanum nostrum hominem. — *Triumviralibus.* Triumviri capitales, tres erant iudices, qui iudicia de servis et libertis exercebant.

12. *Præconis, etc.* Quum aliquis publice poenam flagitii luebat, addebatur præco, un crieur public, qui supplioli causam ediceret, ceteros admoneret.

13. *Falerni.* Ubi vites, et segetes optimæ, in Campania.

14. *Appiam.* Subaudi viam, per quam in suum prædium falernum itabat. — *Mannis.* Equis parvulis, et velocibus.

15. *Sedilibusque, etc.* Amphitheatrum locus erat, in quo spectabantur ludi: ejus pars teatro proxima, orchestra dicebatur, et addicta senatoribus erat: ordines quatuordecim, sive gradus inde retro, sepositi erant equitibus, eorumque duo primi tribunis, quos inter Mænas numerabatur.

16. *Othone contempto.* Quia L. Roscius Otho lege sanxerat, ne quis libertus, aut libertinus, sederet in quatuordecim primis ordinibus.

17. *Quid attinet, etc.* Quid expedit tanto apparatu classem instruere contra

Rostrata duci pondere
Contra latrones, atque servilem manum,
Hoc, hoc tribuno militum ? »

latrones, id est piratas (quos Sextus Pompeius in Sicilia armaverat) et servos, si apud nos Mœnas, servus ipse, ad tribuni

militum honores evehitur. — *Ora navium gravi.* Id est rostra navium gravis æris pondere munita. Alii legunt *œra*.

ODE V.

In Canidiam veneficam.

Puer a Canidia dire interfectus.

« At, o deorum quidquid in cœlo regit
Terras et humanum genus!
Quid iste fert tumultus ? et quid omnium
Vultus in unum me truces ?
5 Per liberos te, si vocata partubus
Lucina veris adfuit,
Per hoc inane purpuræ decus precor,
Per improbaturum hæc Jovem,
Quid ut noverca me intueris, aut uti
10 Petita ferro bellua ? »
Ut hæc trementi questus ore, constitit
Insignibus raptis puer,
Impube corpus, quale posset impia
Mollire Thracum pectora ;
15 Canidia, brevibus implicata viperis
Crines et incomptum caput,
Jubet sepulcris caprificos erutas ,

1. *At, o, etc.* Pueri voces. *At*, servit iracundiæ, et perturbationi significandæ.

3. *Quid iste, etc.* Quid sibi vult tumultus iste ? Videbat enim puer in rebus magicis apparandis huc et illuc discurrens veneficæ.

5. *Te precor.* Canidiam alloquitur, ut principem ceterarum. — *Si vocata, etc.* Si vere mater es ; si quos filios allquando peperisti. Juno Lucina invocabatur a parturientibus.

6. *Veris partubus.* Nam veneficæ partum simulabant, quum alienos pueros raperent.

7. *Purpuræ decus.* Togam prætextam purpura significat, hoc est, limbo purpureo insignem.

8. *Per improbaturum, etc.* Te rogo

per ipsam Jovem, qui tuam in me crudelitatem ægre feret.

10. *Petita ferro.* Percussa : feræ a venatoribus locis sæviunt.

11. *Constitit.* In medio posita est.

12. *Insignibus raptis.* Toga prætexta et bulla detractis.

13. *Impube corpus.* Qui puer erat corpus impube, id est, qui nondum annos pubertatis, nempe quatuordecim attigerat.

14. *Thracum.* Thraces feritatis nomine male audiebant.

15. *Implicata, etc.* Habens crines implicatos viperis, ut Furia.

17. *Caprificos.* Caprificus est ficus silvestris et sterilis, un *figuier sauvage*, nunquam florens, nunquam fructu maturoscens, adeoque merito inter infelices arbores numerata. Hæc ad veneficia et

- Juhet cupressus funebres,
 Et uncta turpis ova ranæ sanguine,
 20 Plumamque nocturnæ strigis,
 Herbasque quas Iolcos, atque Iberia
 Mittit venenorum ferax,
 Et ossa ab ore rapta jejunæ canis,
 25 Flammis aduri colchicis.
 At expedita Sagana, per totam domum
 Spargens avernales aquas,
 Horret capillis ut marinus asperis
 Echinus, aut currens aper.
 Abacta nulla Veia conscientia
 30 Ligonibus duris humum
 Exhaustiebat, ingemens laboribus,
 Quo posset infossus puer
 Longo die bis terve mutata dapis
 Inemori spectaculo;
 35 Quum promineret ore, quantum exstant aqua
 Suspensa mento corpora;
 Exsucta uti medulla, et aridum jecur
 Amoris esset poculum;
 Interminato quum semel fixæ cibo
 40 Intabuissent pupulæ.
 Non defuisse masculæ libidinis

incantationes ut valeret, eruenda manu erat, non secunda ferro, item e sepulcretis erat petenda.

20. *Strigis*. Strix est avis nocturna et mali ominis, sic dicta quod per tenebras strideat: une chouette.

21. *Iolcos*. Civitas Thessaliæ. Erat autem omnis Thessalia sagis, et veneficis infamis. — *Iberia*. Regio prope Pontum Euxinum, in Asia.

22. *Jejunæ canis*. Salivæ animalium jejunorum, maxime canum, aiunt inesse virus quoddam, quo imbuatur, si quid ore tum attraxerint.

23. *Flammis, etc.* Flammis eo rita paratis quo Medea solita olim erat apud Cholchos calefieri, et simul concoqui.

24. *Expedita*. Agilis, accincta. — *Sagana*. Nomen sagæ et veneficæ, comitis Canidiæ.

25. *Avernales aquas*. Petitas ex Averno, lacu Italiæ, in Campania, per quem iter ad inferos patere credebant.

27. *Horret*. Horrida est adpectu. — *Asperis*. Subrectis; ut echinus marinus, un hérisson.

28. *Currens*. Furens.

29. *Abacta, etc.* Veia, alia venefica, nulla sceleris tanti diritate percussa, et

ab incepto abacta, id est, deterrita.

31. *Exhaustiebat*. Ut scrobem faceret, in quam puer mento tenus immitteretur. — *Ingemens, etc.* Anhelans graviter, ob laborem quem capiebat in humo egerenda.

32. *Quo*. In eum finem, ut puer, etc.

33. *Longo die*. Toto die; qui sane longus famelico videbatur.

34. *Inemori, etc.* Emori in spectaculo, in spectanda dape, quæ bis, terque mutata, apponeretur illi ob oculos: ita tamen ut ea vesci, eam attingere non posset.

35. *Promineret, etc.* Exstaret e fossa, quantum natantes ex aqua, qui mento tenus sub ea sunt, seque sic suspensos, et mento tenus exstantes sustinent.

37. *Exsucta*. Fame exsiccata.

38. *Esset poculum*. Serviret conficiendo poculo, et veneficio ad amorem excitandum.

39. *Interminato, etc.* Vetito, prohibito: ab verbo *interminari*, id est, vetare, interdicere.

40. *Intabuissent pupulæ*. Oculi ejus contabuissent, id est, quum perlisset.

41. *Non defuisse*. Cum Canidia, sa-

- Ariminensem Foliam,
Et otiosa credidit Neapolis,
Et omne vicinum oppidum;
45 Quæ sidera excantata voce thessala,
Lunamque cœlo deripit.
Hic irresectum sæva dente livido
Canidia rodens pollicem,
Quid dixit? aut quid tacuit? « O rebus meis
50 Non infideles arbitræ,
Nox, et Diana, quæ silentium regis,
Arcana quum fiunt sacra,
Nunc, nunc adeste! nunc in hostiles domos
Iram atque numen vertite!
55 Formidosæ dum latent silvis feræ,
Dulci sopore languidæ,
Senem (quod omnes rideant) adulterum
Latrent suburrane canes,
Nardo perunctum, quale non perfectius
60 Mæ laborarint manus....
Quid accidit? cur dira barbaræ minus
Venena Medæ valent?
Quibus superbam fugit ulta pellicem,
Magni Creontis filiam,
65 Quum palla, tabo munus imbutum, novam
Incendio nuptam abstulit?

gana, et Vela adfuisse. — *Masculæ, etc.*
Supra morem seminarum libidinosam,
ad flagitia audaciorem ipsis viris.

42. *Foliam.* Nomen est veneficæ. —
Ariminensem. Oriundam Arimino, urbe
Italiæ, ad sinum Adriaticum. *Rimini.*

43. *Otiosa.* Neapolitani otio delectari
jactabantur. — *Neapolis.* Urbs Italiæ
pulcherrima, *Naples*, ad mare Tyrrhe-
num, paulo infra Romam.

45. *Excantata.* Certis incantationi-
bus vexata et labefactata. — *Voce thes-
sala.* Magica, quali Thessali utebantur.

46. *Deripit.* Detrahit.

47. *Hic. Tunc.* — *Irresectum.* A
longo tempore non sectum.

48. *Pollicem.* Unguem pollicis.

49. *Quid tacuit, etc.* Quid non dixit?
— *Rebus.* Consillis, veneficiis.

50. *Arbitræ.* Testes, conscie. Oratio
Canidiæ.

51. *Diana, etc.* Luna, quæ silentii
nocti præsidet.

52. *Arcana, etc.* Sacra magica signi-
ficat, quæ noctu fiunt.

53. *In hostiles domos.* In Varum qui

mea veneficia et maleficia ridet securus
et potentiori venefica fretus.

55. *Formidosæ.* Formidandæ.

57. *Senem, etc.* Sententia est: Facile
ut Varum, senem libidinosum, quod
merito omnes ridere debent, latrent can-
es suburrane, quum ad me properabit.
Erat *Suburra* vicus Romæ, in quo me-
retrices vulgo degebant.

59. *Nardo, etc.* Unguento odorato
delibutum confecto e nardi succo.

61. *Quid accidit, etc.* Quid in causa
est cur veneficia quæ hactenus in Varum
adhibui fuerint irrita? — *Cur dira, etc.*
Cur mea venena, similia venenis et suc-
cis magicis quibus olim usa est Medea,
minus valent quam sperabam? — *Bar-
baræ.* Externæ.

63. *Quibus superbam.* Creusam po-
tentem et superbi regis filiam. Vide
oden 3 hujus libri.

65. *Palla.* Vestis, longo symmate. —
Tabo. Veneno, succo magico. Tabum
proprie est sanguis corruptus. — *Novam
nuptam.* Creusam; quæ, ubi vestem in-
duit dono sibi a Medea datam, subito
et extingui necis ignibus deflagavit.

- Atqui nec herba, nec latens in asperis
 Radix fefellit me locis.
 Indormit unctis omnium cubilibus
 70 Oblivione pellicum.
 Ah! ah! solutus ambulat veneficæ
 Scientioris carmine.
 Non usitatis, Vare, potionibus
 (O multa fleturum caput!)
 75 Ad me recurre: nec vocata mens tua
 Marsis redibit vocibus.
 Majus parabo, majus infundam tibi
 Fastidienti poculum;
 Priusque cœlum sidet inferius mari,
 80 Tellure porrecta super,
 Quam non amore sic meo flagres, uti
 Bitumen atris ignibus. »
- Sub hæc puer, jam non, ut ante, mollibus
 Lenire verbis impias;
 85 Sed, dubius unde rumperet silentium,
 Misit thyesteas preces:
 « Venena, magnum fas nefasque, non valent
 Convertere humanam vicem.
 Diris agam vos: dira detestatio
 90 Nulla expiatur victima.
 Quin, ubi perire jussus exspiravero,
 Nocturnus occurram Furor,

67. *Asperis locis.* Montibus inaccessis.
 68. *Fefellit me.* Latuit, præterita et neglecta est.

71. *Solutus.* Expeditus vinculis amoris: nullam amans, me spernens.

72. *Potionibus.* Nempe confectis e medulla et jecore hujus pueri.

74. *O multa fleturum!* Quam graves mihi poenas dabis!

75. *Nec vocata, etc.* Neque ad mentem saniozem recipere te poteris, ac meum amorem exentere, ullo carmine magico. — *Marsis.* Pro quibusque carminibus magicis. *Marsi* ut serpentium venenatorum domitores præcipue celebrantur.

78. *Fastidienti.* Tibi, qui me aspernaris.

79. *Sidet.* Subsides, descendet infra terras ac mare.

80. *Tellure, etc.* Ita ut terra super cœlum et mare porrigatur, attollatur, et ita omnia confundantur.

82. *Bitumen.* Est limus quidam te-

nax, odoris sulphurei, ad ignem concipiendum et alendum peridoneus.

83. *Sub hæc, etc.* Post hanc orationem Canidiæ, quum jam esset defossus puer, coepit ille non jam lenibus verbis eas mollire, etc.

85. *Sed dubius, etc.* Adeo erat perturbatus et inops animi.

86. *Thyesteas.* Diras, plenas imprecationis et fororis, qualibus Thyestes fratrem suum Atreum insectatus est.

87. *Venena, etc.* Venena, id est, magicæ artes, valent quidem pervertere et confundere magnum fas et nefas, id est, æquum et iniquum, jus et injuriam; sed non valent efficere, ut id quod debetur hominibus, et his pro virtutis et vitii præmio et vice rependendum est, ipsis non eveniat, etc.

89. *Diris, etc.* Persequar vos nunc diris imprecationibus.

92. *Furor.* Instar Furis nocturnæ, vobis occurram, vos vexabo.

Horace.

7

93. *Petamque vultus umbra curvis unguibus,*
 Quæ vis deorum est Manium;
 95. *Et inquietis assidens præcordiis,*
 Pavore somnos auferam.
Vos turba, vicitim hinc et hinc saxis petens,
 Contundet obscenas anus.
 100. *Post insepulta membra different lupi,*
 Et esquilinæ alites;
Neque hoc parentes, heu! mihi superstites,
 Effugerit spectaculum.

93. *Petam vultus.* Involabo in ora vestra.

94. *Quæ vis, etc.* Quod facere dii Manes possunt, nempe excitare et immittre ultrices umbras, ut illas sceleratos persequantur. Vel, quod facere mortui possunt. *Manes* sæpe sumuntur pro animabus mortuorum, et vim quamdam divinam habere credebantur, maxime ut eos exagitarent, a quibus interfecti forent.

95. *Et inquietis, etc.* Et vestra præcordia vellicans, non secus ac ille additus Prometheo vultur.

97. *Turba. Populus.* — *Vicitim.* Per singulos vicos.

98. *Contundet.* Occidet. — *Obscenas* Squalidas, turpes.

99. *Post.* Postea, ad extremum, quam exspiraveritis. — *Different.* Dissipabunt, huc illuc spargent membra vestra: insepultæ jacebitis; quæ poena censebatur apud veteres esse maxima.

100. *Alites.* Corvi, vultures; quæ aves convenire solebant in Esquillas, *les Esquilles*, unum e septem Romæ montibus.

101. *Neque hoc parentes, etc.* Parentes autem mei, tristi meo fato superstites, de hac gratia scelestis veneficiis relata gaudebant.

ODE VI.

In Cassium Severum.

Cassium Severum, oratorem maledicum, vehementer increpat.

- Quid immerentes hospites vexas, canis,
 Ignavus adversum lupos?
 Quin huc inanes, si potes, vertis minas,
 Et me remorsurum petis?
 5. Nam, qualis aut molossus, aut fulvus lacon,
 Amica vis pastoribus,
 Agam per altas, aure sublata, nives,
 Quæcumque præcedet fera.
 Tu, quum timenda voce complesti nemus,

1. *Quid immerentes, etc.* Cur hospites insectaris, nihil mali meritis?

2. *Ignavus.* Imbecillis et nullius animi contra eos, qui te mordere possunt.

3. *Quin huc, etc.* Quin me, ut ceteros, accusas, aut insectaris?

5. *Molossus, etc.* Molossia regio est Epiri; Laconia, Peloponnesi: utraque bonis canibus abundans.

6. *Amica vis, etc.* Qui canes amici et optati sunt pastoribus.

7. *Agam, etc.* Quæcumque fera præcedet, illam agam et sectabor, etc.

9. *Tu quum, etc.* Tu, quum conviciis et carmine maledico aliquem es insectatus, pretio tibi oblato, latrare desinas.

- 10 Projectum odoraris cibum.
Cave, cave! namque in malos asperrimus
Parata tollo cornua:
Qualis Lycambæ spretus infido gener,
Aut acer hostis Bupalò.
15 An, si quis atro dente me petiverit,
Inultus ut flebo puer?

10. *Cilum*. Munera significat, quibus Cassius corruptus sæpe fuerat.

12. *Tollo cornua*. Sumitur a tauris metaphora. Erecto sum capite, et ad pugnam semper instructo.

13. *Qualis, etc.* Ordo est: sum talis in maledictos, qualis Archilochus in socerum suum Lycambem, qui suam illi filiam sponponderat, nec dedit. Archilochus autem iamborum acerbitate socerum in-

fidum adegit ut se laqueo suspenderet.

14. *Aut acer, etc.* Hipponax poeta, quum a Bupalò plectore pictus ridiculum in morem fuisset, in eum distinxit stylum, et hominem eo adegit, ut sibi manus violentas asserret.

15. *Atro dente*. Maledictis versibus.

16. *Inultus ut*. Transpositio: an flebo ut inultus puer.

ODE VII.

Ad Romanos.

Civile bellum, a Sexto Pompelo, Magni filio, instauratum, destitatur.

- Quo, quo scelesti ruitis? aut cur dexteris
Aptantur enses conditi?
Parumne campis atque neptuno super
Fusum est latini sanguinis?
5 Non ut superbas invidæ Carthaginis
Romanus arces ureret,
Intactus aut Britannus ut descenderet
Sacra catenatus via;
Sed ut, secundum vota Parthorum, sua
10 Urbs hæc periret dextera.
Neque hic lupis mos, nec fuit leonibus,
Nunquam, nisi in dispar, feris.
Furorne cæcus, an rapit vis acrior,
An culpa? responsum date.
15 Tacent, et ora pallor albus inficit,

1. *Quo scelesti ruitis?* Quo rapti vos patimini vestris sceleribus, o cives?

2. *Conditi*. In vaginas jam abdit.

3. *Campis atque neptuno*. Terta marique.

5. *Invidæ*. Quia Romæ erat æmula.

7. *Intactus*. Nondum Romanorum armis domitus.

9. *Secundum, etc.* Ut maxime Parthi, Romanis semper infensi, cupiunt.

10. *Sua dextera*. Suis manibus, id est bellis civilibus.

11. *Neque hic, etc.* Ordo et sensus sunt: neque lupis, neque leonibus feris fuit usquam iste mos, nempe sæviendi, nisi in dispar, subaudi genus: nunquam sæviunt lupi in lupos, etc.

13. *Vis acrior*. Fatalis quædam necessitas.

14. *An culpa?* Cujus poena sit isto civilis furor.

Mentesque percussæ stupent.
 Sic est : acerba fata Romanos agunt,
 Scelusque fraternæ necis ;
 Ut immerentis fluxit in terram Remi
 Sacer nepotibus cruor.

17. *Sic est, etc.* Causam rejicit et in fata, et in cædem Remi, cujus sceleris poenas Romani luant. — *Agunt.* Vexant, ad civile bellum instaurandum impellunt.
 19. *Ut.* Postquam.
 20. *Sacer.* Exitialis, funestus.

ODE VIII.

Ad Mæcenatem.

Victoriam Augusti de Antonio et Cleopatra celebrat.

Quando repostum cæcubum ad festas dapes,
 Victore lætus Cæsare,
 Tecum sub alta, sic Jovi gratum, domo,
 Beate Mæcnas, bibam,
 5 Sonante mixtum tibiis carmen lyra,
 Hac dorium, illis barbarum ;
 Ut nuper, actus quum freto neptunius
 Dux fugit, ustis navibus,
 10 Minatus urbi vincla, quæ detraxerat
 Servis amicus perfidis?
 Romanus (eheu! posteri negabitis!),
 Emancipatus feminae,
 Fert vallum et arma miles, et spadonibus
 Servire rugosis potest;
 15 Interque signa turpe militaria
 Sol adspicit conopeum!

1. *Repostum, etc.* Servatum in secretiore loco, et sepositum ad celebrandum diem aliquem festum genalibus epulis.

2. *Victore Cæsare.* In prælio navali apud Actium.

3. *Jovi gratum.* Auctori nimirum hujus victoriæ.

5. *Sonante, etc.* Mixtis ad canendum cum lyra tibiis.

6. *Hac. Lyra.* — *Illis. Tibiis.* — *Dorium, barbarum.* Dorius modus erat gravior et lentior: phrygius ex acuto et gravi mixtus, ac proinde lætior paulo, et sonantior, temperatus tamen; ita ut dum quæ hic adhibentur ab Horatio tibiis, non obruant lyram, sed cum ea gravior lentiusque pulsata belle concinant.

7. *Ut nuper.* Sabaudi tecum bibi,

tecum epulatus sum. — *Actus freto.* Pulsus mari siculo.

8. *Dux neptunius.* Sextus Pompeius, qui, quum mari feliciter uteretur, Neptuni filius appellari volebat: ab Augusto navali pugna victus et oppressus est in freto siculo.

10. *Servis.* Pompeius filius exercitum e servis confilaverat.

11. *Romanus, etc.* Romanus miles, qui sequitur Antonium, Cleopatras obnoxius et isti feminae instar mancipii inserviens.

13. *Vallum.* Vallus est palus, seu stipes, quo utuntur ad munienda castra; vallum est ipsa munitio. — *Spadonibus.* Cleopatras comitibus et ministris.

16. *Conopeum.* Velum quo molles Egyptii utebantur ad arcendos culices.

- Ad hunc frementes verterunt bis mille equos
 Galli, canentes Cæsarem:
 Hostiliumque navium in portu latent
 20 Puppes sinistrorsum citæ.
 Io triumphhe! tu moraris aureos
 Currus, et intactas boves?
 Io triumphhe! nec jugurthino parem
 Bello reportasti ducem;
 25 Neque Africanum, cui super Carthaginem
 Virtus sepulcrum condidit.
 Terra marique victus hostis punico
 Lugubre mutavit sagum;
 Aut ille centum nobilem Cretam urbibus,
 30 Ventis iturus non suis,
 Exercitatus aut petit Syrtes Noto,
 Aut fertur incerto mari.
 Capaciores affer huc, puer, scyphos,
 Et chia vina, aut lesbia,
 35 Vel, quod fluentem nauseam coerceat,
 Metire nobis cæcubum.
 Curam metumque Cæsaris rerum juvat
 Dulci lyæo solvere.

17. *Ad hunc.* Contra Antonium. Alii legunt *ad hoc*, id est propter hoc indignantes. — *Vertunt.* Converterunt frementes equos, nempe ab eo ad Cæsarem transfugientes.

18. *Canentes Cæsarem.* Cæsaris nomen iterantes festis vocibus; ut solent qui regem adenant: *Vivat Cæsar!*

19. *Hostiliumque, etc.* Et in actiaco portu latent puppes hostilium navium, citæ ad sinistram, id est, respicientes Egyptum, quæ est ad sinistram portus actiaci, ut Italia ad dexteram.

20. *Citæ.* Veloces et expeditæ ad fugam sinistro mari capiendam.

21. *Io triumphhe!* Triumphum quasi personam alloquitur. Propera, triumphhe, expedi currus aureos, profer victimas.

22. *Intactas boves.* Nondum aratro subditas juvenecas.

23. *Ducem.* Nempe Marium, qui de Jugurtha triumphavit. Vide od. I, lib. 2.

24. *Neque, etc.* Neque Scipionem Africanum ducem parem Augusto reportasti. Intelligit Africanum minorem, qui, eversa Carthagine, videtur in ejus ruinis

sepulcrum omni monumento gloriosius invenisse.

27. *Terra.* Terrestrem Antonii exercitum ducebat Canidius; is ad Cæsarem, septimo post fugam Antonii die, deficit. — *Punico, etc.* Est hypallage: hostis victus mutavit puniceum, seu purpureum et coccineum sagum, lugubri, nigro, etc.

29. *Cretam.* Insulam e regione maris ægæi, *Candie.*

30. *Non suis.* Non faventibus, inimicis.

31. *Exercitatus.* Vexatus. — *Syrtes.* Littoris libyci vada.

32. *Fertur.* Errabundus.

33. *Capaciores.* Affer huc grandiores et ampliores pateras.

34. *Chia, lesbia.* Ex insulis Chio et Lesbo, in ægæo mari.

35. *Vel, quod, etc.* Vel affer cæcubum, quod impediatur nauseam; quia nempe cæcubum erat acre vinum et austerius.

37. *Curam, etc.* Quæ nos antea sollicitos habuit, quum in metu essemus, ob incertum belli exitum, et Cæsaris salutem fortunamque periculoso loco positam.

ODE IX.

In Mævium poetam.

Et tempestatem ac naufragium imprecatur.

- Mala soluta navis exit alite,
 Ferens olentem Mævium.
 Ut horridis utrumque verberes latus,
 Auster, memento fluctibus.
 5 Niger rudentes Euris, inverso mari,
 Fractosque remos differat.
 Insurgat Aquilo, quantus altis montibus
 Frangit trementes illices;
 Nec sidus atra nocte amicum appareat,
 10 Qua tristis Orion cadit;
 Quietiore nec feratur æquore,
 Quam graia victorum manus,
 Quum Pallas usto vertit iram ab Ilïo
 In impiam Ajacis ratem.
 15 O quantus instat navitis sudor tuis,
 Tibique pallor luteus,
 Et illa non virilis ejulatio,
 Preces et aversum ad Jovem,
 Ionius udo quum remugiens sinus
 20 Noto carinam ruperit!
 Opima quod-si præda, curvo littore
 Porrecta, mergos juveris,
 Libidinosus immolabitur caper,
 Et agna Tempestatibus.

1. *Mala alite.* Malis omnibus. — *Exit.* E porta, solutis rudentibus.

2. *Olentem.* Felidum, grave olentem. — *Mævium.* Poetam insulsum et ineptum.

3. *Latus.* Navis.

4. *Inverso.* Susque deque verso et agitato.

5. *Differat.* Dissipet, jactet.

6. *Quantus.* Tam vehemens, quam esse solet, quum frangit illices.

7. *Atra.* Tenebrosa, opaca, sine lunæ lumine.

8. *Orion.* Signum procellosum, de quo sæpe antea.

9. *Quam graia, etc.* Græci, quum e bello trojano victores patriam repeterent, sæva tempestate jactati sunt prope Eubosam insulam, ac præter ceteros, Ajax, Oïlæ filius; quem Pallas fulmine percussit, irata quod suum templum ille impius temerasset.

10. *Usto ab Ilïo, etc.* Irata erat Trojanis, ob judicium Paridis.

11. *Impiam ratem.* Pro, impli Ajacis ratem.

12. *Luteus.* Flavus, flavos efficiens.

13. *Non virilis.* Feminea: Ignavi gemitus, quos media in tempestate mittes.

14. *Aversum.* Tibi infensum, non auditurum.

15. *Ionius sinus.* Mare ionium aëlit Græciam ab occasu, inter Siciliam et Cretam. — *Sinus Noto remugiens.* Id est, mare procellosum, et a ventis agitatum.

16. *Opima, etc.* Quod si eveniat ut naufragio pereas. *Mergi* sunt aves quædam marinæ: *des plongeons.*

17. *Juveris.* Paveris.

18. *Agna.* Hæc nigra vulgo erat, quum sacrificabatur Tempestat, aut Hiemi. Virg. *Æn.* lib. 3. *Nigram Hiemi pecudem, Zephyris felicibus albam.*

ODE X.

Ad amicos.

Illos, ut per hlemem genio indulgeant, invitat.

- Horrida tempestas cœlum contraxit, et imbres
 Nivesque deducunt Jovem : nunc mare, nunc silvæ
 Threicio Aquilone sonant. Rapiamus, amici,
 Occasionem de die; dumque virent genua,
 5 Et decet, obducta solvatur fronte senectus.
 Tu vina Torquato move consule pressa meo.
 Cetera mitte loqui : deus hæc fortasse benigna
 Reducet in sedem vice. Nunc et achæmenia
 Perfundi nardo juvat, et fide cyllenea
 10 Levare diris pectora sollicitudinibus;
 Nobilis ut grandi cecinit Centaurus alumno:
 « Invicte, mortalis dea nate, puer, Thetide,
 Te manet Assaraci tellus, quam frigida parvi
 Findunt Scamandri flumina, lubricus et Simois;
 15 Unde tibi reditum certo subtemine Parcæ
 Rupere; nec mater domum cærula te revehet.
 Illic omne malum vino cantuque levato,
 Deformis ægrimoniæ dulcibus alloquiis. »

1. *Cœlum contraxit.* Nubes in cœlo contraxit, coegit.

2. *Deducunt.* In terram trahunt. — *Jovem.* Aerem. — *Silvæ.* Sic legendum, non silvæ, ad metri mensuram. Trisyllabum est hoc in versu.

3. *Threicio.* Aquilone vento frigidissimo, e Thracia flante, quæ est ad septentrionem Italiæ.

4. *Occasionem.* Comessandi. — *De die.* Hoc ipso die oblatam : luce palam rapiamus, et ipsi diei extorqueamus. — *Virent genua.* Dum valetudo, et ætas juvenilis favet.

5. *Senectus.* Pro mœrore et tristitia hic sumitur, ut sæpe.

6. *Tu.* Unum aliquem ex amicis compellat. — *Move, etc.* Deripe ex horreo, vel apotheca. — *Pressa.* Expressa ex uvis, fusa in amphoras. — *Torquato consule meo.* Sub quo nempe sum natus, anno U. C. 699.

7. *Mitte.* Omitte sermones molestos de ceteris rebus. — *Deus hæc fortasse, etc.* Ea, quæ nunc animum tuum cruciant, grata fortasse deus vicissitudine seu mutatione in pristinum statum revocabit

8. *Achæmenia.* Persica : Achæmenes rex Persarum fuit.

9. *Nardo.* Unguento pretiosissimo. — *Fide.* Lyra. *Fides, Adis,* proprie est nervus, seu chorda lyra. — *Cyllenea.* Sic dicta ab ejus inventore Mercurio, in Arcadiæ monte Cyllene nato.

11. *Grandi alumno.* Achilli. — *Centaurus.* Chiron, ejus præceptor et moderator.

13. *Te manet, etc.* Iturus es allquando Trojam, in qua regnavit olim Assaracus, Trois alter filius, avus Anchisæ : alter autem Trois filius fuit filius, a quo trojani reges propagati, Laomedon, Priamus.

14. *Scamander, Simois.* Troadis flumina.

15. *Certo subtemine.* Certo filo, quod secare decreverunt, priusquam redeas.

16. *Mater Cærula.* Thetis.

17. *Illic.* Ad Trojam in castris.

18. *Dulcibus, etc.* Est appositio : quod vinum, qui cantus, sunt dubia alloquia, id est solatia deformis ægrimoniæ, hoc est, tristem curarum. *Alloquitio* pro consolatione apud Latinos interdum sumitur : *alloqui*, pro consolari.

ODE XI.

Ad populum romanum.

Eum hortatur ut Romam, bellis civilibus semper æstuantem, relinquat,
et in insulas Fortunatas commigret.

- Altera jam teritur bellis civilibus ætas,
Suis et ipsa Roma viribus ruit.
Quam neque finitimi valuerunt perdere Marsi,
Minacis aut etrusca Porsenæ manus,
5 Æmula nec virtus Capuæ, nec Spartacus acer,
Novisque rebus infidelis Allobrox;
Nec fera cærulea domuit Germania pube,
Parentibusque abominatus Annibal,
Impia perdemus devoti sanguinis ætas,
10 Ferisque rursus occupabitur solum.
Barbarus, heu! cineres insistet victor, et urbem
Eques sonante verberabit ungula:
Quæque carent ventis et solibus, ossa Quirini
(Nefas videre!) dissipabit insolens.
15 Forte, quid expediat, communiter, aut melior pars,
Malis carere quæritis laboribus.
Nulla sit hac potior sententia: Phocæorum

1. *Altera ætas.* Prima civilium bellorum ætas dici potest ea quæ Marium, Syllam, etc., tulit: altera quæ Pompeium, ejus filios, et Antonium, etc. — *Teritur.* Consumitur, traducitur.

3. *Quam neque, etc.* Pendet hoc a versu 9. Nos perdemus Romam, quam neque Marsi, etc. — *Marsi.* Italici populi fuere: qui, quum jus civitatis sibi promissum obtinere non possent, adjunctis sibi finitimis Romæ populis, bellum sociale, sive marsicum, conflagraverunt.

4. *Porsenæ.* Porsena, rex Etruscorum, conabatur Tarquinium Superbum, ejectum Roma, restituere.

5. *Æmula, etc.* Capua urbs erat nobilissima in Campania romana, Romæ prope par (*Capoue*). — *Spartacus.* Servile bellum movit.

6. *Allobrox.* Allobroges, populi Galliæ, rebus novis et Catillinæ favebant: itaque merito inter hostes gravissimos romanæ reipublicæ numerantur.

17. *Germania.* Pæne Romam deleverunt Cimbrî et Teutones; eos Marius profligavit. — *Cærulea.* Cæruleis oculis. — *Pube.* Juventute, militibus.

8. *Parentibus.* Quorum liberos tam

multos interemit. — *Abominatus.* Invisus, detestabilis.

9. *Impia ætas.* Nos impli, et impio sæculo nati.

10. *Rursus, etc.* Tellurem hanc, ut ante Romam conditam, ferè habitabant.

11. *Barbarus, etc.* Barbari, post victoriam de nobis partam, incensæ urbis cineres calcabant.

12. *Quæque, etc.* Et Romuli tumulum tectum et clausum aperiet: cineres ejus in ventos dividet.

14. *Nefas videre.* Religio erat, apud veteres, tumulos effodere, ossa scrutari et dissipare.

15. *Forte quid, etc.* Forte quæritis, o cives, communiter, id est, omnes universæ, aut mellor, seu, major pars vestri, quid expediat, quid opus factum sit, carere, id est, ad carendum malis laboribus, ut careatis bellis civilibus.

17. *Phocæorum.* Phocæa civitas Ionici fuit; quam quum obsiderent Persæ, Græcis infestis, cives navibus deos et conjuges imposuere, ac nunquam redituri, profugerunt in eam Galliæ partem, ubi nunc est Massilia.

- Velut profugit exsecrata civitas
 Agros, atque lares patrios, habitandaque fana
 20 Apris reliquit, et rapacibus lupis,
 Ire, pedes quocumque ferent, quocumque per undas
 Notus vocabit, aut protervus Africus.
 Sic placet? an melius quis habet suadere? Secunda
 Ratem occupare quid moramur alite?
 25 Sed juremus in hæc: simul imis saxa renarint
 Vadis levata, ne redire sit nefas;
 Neu conversa domum pigeat dare lintea, quando
 Padus matina laverit cacumina;
 30 In mare seu celsus procurrerit Apenninus,
 Novaque monstra junxerit libidine
 Mirus amor; juvet ut tigres subsidere cervis,
 Adulteretur et columba milvio;
 Credula nec fulvos timeant armenta leones;
 Ametque salsa lævis hircus æquora.
 35 Hæc, et quæ poterunt reditus abscindere dulces,
 Eamus omnis exsecrata civitas,
 Aut pars indocili melior grege: mollis et exspes
 Inominata perprimat cubilia.
 Vos, quibus est virtus, muliebrem tollite luctum,
 40 Etrusca præter et volate littora.
 Nos manet Oceanus circumvagus; arva, beata

18. *Exsecrata*. Diris exsecrationibus et imprecationibus usa; vel, lares et agros suos detestata, diris devovens, profugit.

19. *Fana*. Tempia: ea deseruit a feris incolenda.

21. *Ire, pedes, etc.* Prævaleat hæc sententia, nempe ire, etc.

23. *Suadere*. Quod suadeat. — *Secunda alite*. Bonis ominibus.

25. *In hæc, etc.* In hæc verba. Ita juramentum concipiamus: nimirum ne sit nefas redire, hoc est, vela facere ad in patriam reverti, simul ac saxa, quæ sunt imo in mari, renaverint, emergerint, imis vadis, id est, fluctibus.

28. *Padus*. Italiæ fluvius: *le Pô*. *Matinus* est mons Calabriae. Fieri autem nequit, ut Padus supra illum montem attollatur.

29. *Apenninus*. Mons per Italiam mediam a septentrione in meridiem porrectus; atque adeo hinc inde a mari disjunctissimus.

30. *Novaque, etc.* Et amor mirus junxerit nova et inaudita libidine monstra, id est, feras disparis generis, tigres cervis, columbas milvis.

33. *Credula*. Quando armenta adeo fuerint credula, ut non timeant leones.

34. *Lævis, etc.* Sine pilis sit hircus, qui natura pilosus et hirsutus est.

35. *Hæc, et quæ, etc.* Eamus, omnis civitas, omnes cives, postquam adhibuimus istas jurandi, et exsecrandi reditum, formulas, aliasque consimiles, quæ nos a redeundo deterreant.

37. *Aut pars, etc.* Omnis civitas, aut pars ejus saltem sanior et melior, consultiorque indocili grege, id est, vulgo et plebecula, quæ, instar stupidi gregis, ratione ducl nequit. — *Mollis, etc.* At quæ pars est mollis, delicata, quæ non tangitur spe fortunæ melioris, maneat in urbe, ubi otiose in cubilibus jaceat.

38. *Inominata*. Infausta, inauspicata. — *Perprimat*. Id est, valde premat.

40. *Etrusca*. Etruria est pars Italiæ, in medio, ad mare tyrrhenum. — *Præter et volate littora*. Celeri cursu mare tyrrhenum transvecl Oceanum versus navigate. *Volare* de celeri navium cursu dicitur.

41. *Manet*. Expectat.

- Petamus arva, divites et insulas,
 Reddit ubi cererem tellus inarata quotannis,
 Et imputata floret usque vinea;
 45 Germinat et nunquam fallentis termes olivæ;
 Suamque pulla ficus ornat arborem;
 Mella cava manant ex ilice; montibus altis
 Levis crepante lymphæ desilit pede.
 Illic injussæ veniunt ad mulctra capellæ,
 50 Refertque tenta grex amicus ubera;
 Nec vespertinus circumgemit ursus ovile,
 Nec intumescit alta viperis humus.
 Nulla nocent pecori contagia; nullius astri
 Gregem æstuosa torret impotentia.
 55 Pluraque felices mirabimur; ut neque largis
 Aquosus Eurus arva radat imbribus,
 Pingua nee siccis urantur semina glebis;
 Utrumque rege temperante cœlitum.
 Non huc argoo contendit remige pinus,
 60 Neque impudica Colchis intulit pedem;
 Non huc sidonii torserunt cornua nautæ,
 Laboriosa nec cohors Ulyssei.
 Jupiter illa piæ secrevit littora genti,
 Ut inquinavit ære tempus aureum,
 65 Ære; dehinc ferro duravit sæcula, quorum
 Piis secunda, vate me, datur fuga.

42. *Arva beata.* Fortunatas insulas. Sunt illæ in mari Atlantico, non procul ab Hispania. In iis insulis videtur Homerus campos Elysios collocare: nunc vocantur, *les Canaries*.

43. *Cererem.* Fruges, segetes.

44. *Imputata.* Non amputata. — *Floret usque.* Semper.

45. *Termes.* Ramus semper feracis olivæ.

46. *Suamque.* Non insitam, naturalem. — *Pulla.* Nigricans; matura.

48. *Crepante pede.* Leniter, id est, cum leni murmure.

49. *Mulctra.* Vasa in quibus excipitur lac e pressis uberibus.

50. *Tenta.* Distenta, plena.

51. *Intumescit.* Ob latebras serpentium, sub terra delitescentium.

54. *Impotentia.* Vis immodica, et potentia exitialis.

56. *Arva radat.* Nimbi, et largiores pluvie terram radunt et verrunt; non rigant, non insinuant ac influunt.

57. *Pingua, etc.* Mirabimur quemadmodum calor et siccitas nimia non

urat pingua semina in sulcis arentibus, inter glebas siccas.

58. *Utrumque.* Aquas, et siccitatem.

59. *Non huc, etc.* Non huc venerunt Argonautæ, etc. — *Pinus.* Arbor, ex qua vulgo naves fabricantur, hic pro ipsa navi sumitur.

60. *Impudica Colchis.* Medea, cujus pater Ætæa rex Colchidis fuit, quem per libidinem prodidit.

61. *Sidonii.* Sidon, urbs Phœniciæ, ad mare, commercio celeberrima. — *Cornua.* Scilicet antennarum, id est vela.

62. *Laboriosa.* Quæ multos labores pertulit.

64. *Ut.* Ex quo. — *Inquinavit ære.* Postquam ætatem auream mutavit ærea deteriore.

65. *Duravit.* Dura fecit, et æri ferroque similia.

66. *Piis.* Hominibus probis. — *Secunda.* Felix et auspiciata. — *Vate me.* Me prædicente, ac spondente secuturam felicitatem.

ODE XII.

Ad Canidiam.

Veniam petit a Canidia venefica, cujus artem speraverat.

- Jam jam efficaci do manus scientiæ,
 Supplex et oro regna per Proserpinæ,
 Per et Dianæ non movenda numina,
 Per atque libros carminum valentium
 5 Refixa cœlo devocare sidera,
 Canidia, parce vocibus tandem sacris,
 Citumque retro solve, solve turbinem.
 Movit nepotem Telephus Nereium,
 In quem superbus ordinarat agmina
 10 Mysorum, et in quem tela acuta torserat
 Unxere matres iliæ addictum feris
 Alitibus atque canibus homicidam Hectorem;
 Postquam, relictis mœnibus, rex procidit,
 Heu! pervicacis ad pedes Achillei.
 15 Setosa duris exuere pellibus
 Laboriosi remiges Ulyssei,
 Volente Circe, membra; tunc mens et sonus
 Relatus, atque notus in vultus honor.
 Dedi satis superque pœnarum tibi,

1. *Do manus.* Victum me fateor.
 — *Scientiæ.* Arti magicæ.

3. *Non movenda.* Non irritanda, non movenda ad iracundiam: erat enim Diana, et iracundior, et in peccantes acerba. Alii intelligunt, non ante oculos promovenda, secreto gaudentia.

4. *Valentium.* Quæ possunt.

5. *Refixa.* Detracta. His verbis, libros magicos et incantationes indicat.
 — *Devocare.* E cœlo in terras vocare et trahere.

6. *Parce, etc.* Noli me persequi et vexare carminibus tuis sacris, id est, magicis et diris.

7. *Retro solve, etc.* Retro age turbine sive rhombum magicum, id est vi magica, qua nunc vincior, me solve. Incantatores frequentissime utebantur turbine sive rhombo, quem vitulis involutum circumagebant.

8. *Nepotem Nereium, etc.* Achillem, genitum Thetide, filia Nerei. — *Telephus.* Mysorum rex; qui, quum Trojam petentes Græcos arceret Myla,

negaretque transitum, ab Achille vulneratus est: oraculo consulto, responsum fuit, eum ab eodem sanari tantum posse a quò vulnus acceperat: supplex igitur Achillem adit, qui, decussa in vulnus Telephi hastæ suæ rubigine, hominem persanavit.

9. *Ordinarat.* In quem instruxerat exercitum.

11. *Unxere, etc.* Matres, id est, matronæ illæ, trojanæ, unxerunt balsamo, et aromatis delibutum tumularunt cadaverem Hectoris, *addictum*, id est, destinatum ab Achille vulturibus, feris.

13. *Rez.* Priamus: is corpus Hectoris ab Achille petiit et exoravit.

15. *Setosa, etc.* Porcina membra exuerunt.

17. *Sonus relatus.* Vox ipsis fuit reddita.

18. *Notus honor.* Humana facies et dignitas.

19. *Dedi, etc.* Satis me vexasti tuis magicis carminibus.

- 20 Amata nautis multum et institoribus.
Fugit juvenas, et verecundus color
Reliquit ora pelle amicta lurida.
Tuis capillus albus est odoribus:
Nullum a labore me reclinat otium;
25 Urget diem nox, et dies noctem; neque est
Levare tenta spiritu prœcordia.
Ergo negatum vincor ut credam miser,
Sabella pectus increpare carmina,
Caputque marsa dissilire nœnia.
30 Quid amplius vis? O mare, et terra! ardeo
Quantum neque atro delibutus Hercules
Nessi cruore, nec sicana fervida
Virens in Ætna flamma. Tu, donec cinis
Injuriis aridus ventis ferar,
35 Cales venenis officina colchicis.
Quæ finis? aut quod me manet stipendium?
Effare: jussas cum fide pœnas luam,
Paratus expiare, seu poposceris
Centum juvencos, sive mendaci lyra
40 Voles sonari. « Tu pudica, tu proba
Perambulabis astra, sidus aureum. »
Infamis Helenæ Castor offensus vice,
Fraterque n.gni Castoris, victi prece,
Adempta vati reddidere lumina.

21. *Verecundus color*, etc. Rubicundus: rubor enim est verecundiæ et pudicitie color. Color vividus deseruit ora mea, quæ nunc sunt amicta lurida pelle et pallida.

22. *Amicta*. Vestita.

23. *Tuis odoribus*. Sic vocat ironice pharmaca et venena Canidiæ, a qua immissam sibi ante tempus senectutem queritur.

24. *Reclinat*. Solvit, liberat: quiescere enim solemus reclinati.

25. *Urget*, etc. Diem, molestiæ laborisque plenum, excipit laboriosa graviorque nox. — *Neque est*, etc. Neque licet spiritum ducere, libere respirare non possum, et pulmones fessos distentosque liberiori anhelitu relaxare.

27. *Ergo*, etc. Ordo est: ergo nunc miser vincor, id est, adducor ut credam negatum, hoc est, quod antea negabam: nempe carmina magica pectus increpare, id est, animos hominum perturbare, quatero, agitare.

29. *Dissilire*. Flindi, frangi. — *Marsa nœnia*. Magica incantatione.

33. *Nec sicana*, etc. Ordo est: ardeo, quantum non ardet sicana, id est,

sicana flamma, virens in Ætna fervida. *Virentem* flammam appellat, quæ nunquam exstinguitur, et senescit. Alii legunt *vivens vel furens*.

35. *Tu donec*, etc. Tu, o Canidiæ (tanquam officina in qua sunt igne multo venena colchica), nova et efficaciora in dies adhibes, quibus urere me miserum non cessas, donec in cineres solvar, et in ventos dissipar.

36. *Quæ finis?* Quem terminum statuis istis meis malis? — *Stipendium*. Pœna, redemptionis pretium.

37. *Jussas*. A te constitutas. — *Cum Ade*. Fideliter.

38. *Expiare*. Subaudi crimen: te placare.

39. *Centum juvencos*. Sacrificium quod hecatomben Græci vocant. — *Mendaci lyra*. Falsis carminibus.

40. *Sonari*. Laudari.

41. *Perambulabis astra*. In caelo a me collocaberis instar eximii sideris.

42. *Infamis*, etc. Sensus est: Castor, ejusque frater Pollux, offensi vice, id est, ignominiosa calamitate et sorte adversa Helenæ, sororis suæ, quam poeta Stesichorus infamem reddiderat, victi ta-

- 45 Et tu, potes nam, solve me dementia,
O nec paternis obsoleta sordibus,
Nec in sepulcris pauperum prudens anus
Novendiales dissipare pulveres.
Tibi hospitale pectus, et puræ manus.

men et placati precibus ejusdem poetæ ac palinodia, illi reddiderunt visum, quo eum privaverant.

45. *Potes nam.* Nam id potes facile. — *Dementia.* Quam magicis tuis carminibus mihi attulisti.

46. *O nec, etc.* O Canidia, quæ neque ob parentum ignobilitatem infamises, etc. — *Obsoletum.* Id proprie dicitur, quod vetus ac vitium est, atque adeo detritum et putridum.

47. *Nec in, etc.* Hæc omnia contrarium in sensum sunt accipienda, seu ironice dicta.

48. *Novendiales.* Significabit cineres per dies novem servatos: proprie enim novendiale est, quod novem diebus durat.

49. *Hospitale.* Mite in hospites, pium et humanum. — *Puræ.* Innoxie, puræ sceleris, nullius imbutæ sanguine.

ODE XIII.

Respondet Horatio Canidia se nunquam illi placatam fore.

- Quid obseratis auribus fundis preces?
Non saxa nudis surdiora navitis
Neptunus alto tundit hibernus salo.
Inultus ut tu riseris Cotyttia
5 Vulgata, sacrum liberi Cupidinis?
Et esquilini pontifex venefici,
Impune ut urbem nomine impleris meo?
Quid proderit ditasse pelignas anus,
Velociusve miscuisse toxicum,
10 Si tardiora fata te votis manent?

1. *Obseratis.* Clausis, surdis.

2. *Non saxa, etc.* Scopuli, qui a fluctibus iratis verberantur alto in mari, non sunt surdiores nautis nudis, id est naufragis, quam ego sum tibi.

3. *Salo.* Mari.

4. *Inultus, etc.* Tunc riseris impune nocturna, quæ sunt Cotyttioni, sacra; in quibus liber Cupido dominatur? tunc postquam ea vulgavisti, inultus id feceris? — *Cotyttia.* Subaudi mysteria, sacrificia. Cotytto, sive Cotys, dea quædam fuit, impudicitiae præses, apud Thraces et Græcos.

5. *Sacrum liberi, etc.* Nocturna quædam sacra, quæ magi et venefici omnium licentiae genere celebrabant. — *Liberi.* Effrenis.

6. *Et esquilini, etc.* Et quasi esset censor ac iudex veneficiorum, quæ tra-

ctare soleo et peragere in Esquilino monte, et nocturnorum sacrificiorum, me tanquam infamem urbe tota cantaveris ac traduxeris? — *Pontifex.* Cura sacrorum et cognitio pertinebat ad maximum pontificem: quo nomine Canidia Horatium hic vocat, quia ausus erat sacra magica insectari, et exquirere. — *Venefico.* Extra portam Esquilinam multa erant sepulera: quamobrem eo convenire plurimum solebant veneficæ.

8. *Quid proderit, etc.* Locus obscurior. Fingitur Horatius, ut se dementia solveret, sibi per Canidiæ incantationes immissa, aditisse et consuluisse alias veneficas, et velocius, id est præsentius, aliquid ab his toxicum seu venenum petitisse, quo emori statim, et vita simul ac dementia solvi posset. — *Pelignas.* Peligni, Marsis et Sabellis vicini, ob veneficia infames erant.

- Ingrata misero vita ducenda est, in hoc
 Novis ut usque suppetas doloribus.
 Optat quietem Pelopis infidus pater,
 15 Egens benignæ Tantalus semper dapis;
 Optat Prometheus obligatus aliti;
 Optat supremo collocare Sisyphus
 In monte saxum: sed vetant leges Jovis.
 Voles modo altis desilire turribus,
 Modo ense pectus norico recludere;
 20 Frustraque vincla gutturi nectes tuo,
 Fastidiosa tristis ægrimonia.
 Vectabor humeris tunc ego inimicis eques,
 Mæque terra cedit insolentiæ.
 An, quæ movere cereas imagines,
 25 Ut ipse nosti curiosus, et polo
 Deripere lunam vocibus possim meis,
 Possim crematos excitare mortuos,
 Desiderique temperare poculum,
 Plorem artis, in te nil agentis, exitum?

11. *Ducenda*. Producentia.— *In hoc*.
 Eam ob rem.

12. *Suppetas*. Sufficias: ut duces in
 nova supplicia.

13. *Pelopis pater*. Tantalus.

14. *Benignæ*, etc. Affluentis, co-
 piosæ: alii, utilis, optatæ.

15. *Obligatus*. Destinatus et devotus
 vulturi.

16. *Desilire*. Præceps ruere.

17. *Norico*. Noricum est regio Ger-
 manicæ, ferax optimi ferri.—*Recludere*.
 Aperire.

18. *Fastidiosa*. Quæ facit ut omnia
 fastidiamus

19. *Vectabor*, etc. Tunc tibi inequi-

tabo, id est insultabo; te irridebo, im-
 micum meum.

20. *Mæque*, etc. Alii sic explicant:
 et mihi insolentius in altum entendi,
 ut tuis humeris insideam, terra cedit,
 recedet. Alii vero: et tota terra insolentem potentiam meam agnoscat.

21. *Cereas*, etc. Imaginibus homi-
 num e cera fictis utebantur magicæ artis
 periti, easque movebant, feriebant, lan-
 ciabant, ut vivos homines agitados et
 percussos volebant.

22. *Polo*. Cælo.

23. *Vocibus*. Carminibus.

24. *Desiderique*, etc. Poculum, po-
 tionem aptam ad amorem excitandum.

25. *Nil agentis*, etc. Nihil valentis.

ODE XIV.

CARMEN SÆCULARE.

Chorus puerorum nobilium ac puellarum deos, ac præsertim Apollinem et
 Dianam, orat pro imperii romani felicitate.

CHORUS PUERORUM ET PUELLARUM.

Phœbe, silvarumque potens Diana,
 Lucidum cœli decus, o colendi

SÆCULARE. Ita dictum est, quod ludis
 Sæcularibus caneretur. Jussus est Hora-
 tius ab Augusto istam oden ea de causa
 scribere, anno U. C. 787.

1. *Potens*. Domina, præses.

2. *Lucidum*, etc. In ambos, Apollin-
 em et Dianam, ea vox lausque cadit.

Semper et culti, date quæ precamur
 Tempore sacro,
 5 Quo sibyllini monuere versus,
 Virgines lectas puerosque castos,
 Dis, quibus septem placuere colles,
 Dicere carmen.

PUERORUM.

Alme sol, curru nitido diem qui
 10 Promis et celas, aliusque et idem
 Nasceris, possis nihil urbe Roma
 Visere majus!

PUELLARUM.

Rite maturos aperire partus
 Lenis Ilithyia, tuere matres;
 15 Sive tu Lucina probas vocari,
 Seu Genitalis:
 Diva, producas sobolem, patrumque
 Prosperes decreta super jugandis
 Feminis, prolisque novæ feraci.
 20 Lege marita.

UTERQUE CHORUS.

Certus undenos decies per annos
 Orbis ut cantus referatque ludos,
 Ter die claro, totiesque grata
 Nocte frequentes.
 25 Vosque veraces cecinisse, Parcæ,

8. *Precamur.* Pueri, et puellæ.

9. *Sacro.* Festis debus, qui vertente sæculo, summa religione peragi solebant.

5. *Sibyllini.* Sibyllinorum librorum versus præcipiebant ut puerorum puellarumque chorus deos gentis romanæ tutelares hymno celebraret.

7. *Septem colles.* Aventinus, Capitolinus, Cælius, Esquillinus, Palatinus, Quirinalis, Viminalis Additi postea duo Vaticanus, et Janiculus.

10. *Promis et celas.* Profers, et condis. — *Aliusque et idem.* Qui alius sol ab hesterno videris esse, licet unus idemque sis.

11. *Possis.* Utinam, dum orbem universum lustras, nullam urbem possis videre Roma pulchriorem et majorem; id est, fac ut nulla urbs in toto terrarum orbe Roma sit potentior.

13. *Rite, etc.* Ordo est: o Ilithyia, quæ lenis es, facilis et propitia; aperire, id est, in lucem proferre maturos partus.

14. *Ilithyia.* Est nomen Dianæ quate-

nus parientes jurat. — *Genitalis.* A gignendo, quasi ad gignendum juvens.

15. *Probas.* Mavis.

17. *Producas.* Amplifices. — *Patrum.* Senatorum.

18. *Prosperes.* Fortunes; felicia et fortunata esse jubens. — *Super, etc.* De feminarum matrimonio, et de maritali lege. — *Jugandis, etc.* In matrimonio rite collocandis.

21. *Certus, etc.* Ordo est: precamur, vel, facite, ut certus orbis, id est, certa annorum conversio, per annos decies undenos facta, referat cantus et ludos frequentes, per tres dies claros, totidemque gratas noctes. — *Undenos, etc.* Sæculares ludi non centesimo quoque, ut multi putant, anno, sed centesimo decimo celebrabantur, quod patet ex ipsis sibyllinorum versuum vocibus, et romana historia.

25. *Vosque, etc.* Et vos, o Parcæ, quæ veraci ore cecinistis id quod semel dictum est quodque certus rerum eventus confirmabit, addite nova fata felicia præteritis Romanorum fati. *Vernæque*

Quod semel dictum est, stabilisque rerum
Terminus servet, bona jam peractis
Jungite fata.

- 30 Fertilis frugum pecorisque tellus
Spicea donet Cererem corona :
Nutrient fetus et aquæ salubres,
Et Jovis auræ.

PUERORUM.

Condito mitis placidusque telo,
Supplices audi pueros, Apollo.

PUELLARUM.

- 35 Siderum regina bicornis, audi,
Luna, puellas.

UTERQUE CHORUS.

- Roma si vestrum est opus, iliæque
Littus etruscum tenere turmæ,
Jussa pars mutare lares, et urbem
40 Sospite cursu ;
Cui per ardentem sine fraude Trojam
Castus Æneas, patriæ superstes,
Liberum munivit iter, daturus
Plura relictis :
45 Di, probos mores docili juventæ,
Di, senectuti placidæ quietem,
Romulæ genti date remque, prolemque,
Et decus omne.
Quique vos bobus veneratur albis,
50 Clarus Anchisæ Venerisque sanguis,
Imperet bellante prior, jacentem

cecinnisse, more græco, pro, quæ deæ
estis veraces in canendo.

30. *Spicea*, etc. Spicæ offerebantur
Cererî post messem.

31. *Fetus*. Pecudum alumnos.

32. *Jovis*. Pro aere sumitur.

33. *Condito*, etc. Conjectis enim in
terras tellis, pestem et morbos putabatur
immittere.

35. *Bicornis*. Quia primis novæ lunæ
diebus isti ludî celebrabantur. Luna porro
et Diana pro eodem numine sumuntur.

37. *Roma si*, etc. Apollo præcipue
Trojanis favebat ac Æneæ. — *Iliæque*.
Trojanæ.

39. *Etruscum*. Tyrrhenum.

39. *Jussa pars*, etc. Quæ turmæ fuere
pars Trojanorum exigua, quos dii jussē-
rant solum vertere, et Trojam relin-
quere. Vide *Æneid.* lib. 3.

40. *Cursu*, etc. Navigatione salva et
secunda.

41. *Cui*, etc. Cui turmæ, cui Troja-
norum parti plus Æneas, superstes pa-
triæ, per medios Trojæ ignes iter ape-
ruit in Italiam. — *Fraude*. Periculo,
damno.

42. *Castus*. Plus, sceleris purus.

44. *Plura relictis*. Ampliora quam
quæ relicta essent, id est, urbem relicta
majorem et potentiorē.

47. *Remque*. Ope. — *Et decus
omne*. Quidquid gloriæ ac majestatem
imperiî promoverē possit.

49. *Quique*, etc. Et Augustus, qui,
albis bobus mactatis, nunc splendidum
in vestrum honorem instituit sacrificium,
summum porro teneat imperium, et
hostium victor victis se mitem et lenem
præbeat.

51. *Manus potentes*. Romanorum po-
tentiam; vel, Augusti victrices manus.

Lenis in hostem.

Jam mari terraque manus potentes

Medus, albanasque timet secures :

55 Jam Scythæ responsa petunt, superbi

Nuper et Indi;

Jam Fides, et Pax, et Honos, Pudorque

Priscus, et neglecta redire Virtus

Audet; apparetque beata pleno

60 Copia cornu.

PUERORUM.

Augur, et fulgente decorus arcu

Phœbus, acceptusque novem Camenis,

Qui salutari levat arte fessos

Corporis artus;

65 Si palatinas videt æquas arces,

Remque romanam, Latiumque felix,

Alterum in lustrum meliusque semper

Proroget ævum.

PUELLARUM.

Quæque Aventinum tenet, Algidumque,

70 Quindecim Diana preces virorum

Curet, et votis puerorum amicas

Applicet aures.

UTERQUE CHORUS.

Hæc Jovem sentire, deosque cunctos,

Spem bonam certamque domum reporto,

75 Doctus et Phœbi chorus et Dianæ

Dicere laudes.

54. *Albanas. Romanas* : Alba enim quasi Romæ mater fuit. — *Secures*. Securis, in medio virgarum fasce posita, erat insigne romanorum magistratum, consulum, ac prætorum, quod ab Etruscis, sive Albanis, Romani sumpserant.

55. *Responsa*. Proprie oraculorum responsa.

58. *Neglecta*. Virtus superiori tempore ab hominibus despecta.

61. *Augur*. Commemorat Apollinis munia : primum, divinandi artem; 2º jaculandi, 3º canendi; 4º medendi; tot enim illi tribuebantur.

62. *Acceptus*. Gratus propter musicam.

63. *Salutari*. Arte medicinali. — *Fessos*. Morbo defatigatos.

65. *Palatinas. Romanas*. In monte Palatino templum Apollini Augustus dedicaverat. — *Æquus*. Propitius.

66. *Remque romanam, etc.* Rem romanam et Latium felix, id est, reipublicæ romanæ et Latii felicitatem in lustrum alterum et in ævum semper melius propaget et extendat.

68. *Proroget. Propaget, producat. — Ævum*. Sæculum.

69. *Aventinum, Algidum*. Duo montes, ille, Romæ; hic, non procul, in quibus ædiculæ duæ Dianæ sacræ visebantur.

70. *Quindecim virorum*. Libris sibyllinis custodiendis præsectorum.

71. *Curet*. Exaudiat.

72. *Applicet aures*. Benignis auribus audiat.

74. *Reporto*. Loquitur chorus puorum et puellarum. Nos pueri puellæque, qui carmen in Apollinis et Dianæ laudem dicere edocti sumus, etc. — *Sentire*. Velle et probare.

SATIRARUM

SIVE SERMONUM

LIBER PRIMUS.

SATIRA I.

Ad Mæcenatem.

Neminem sua sorte esse contentum prædicat.

- Qui sit, Mæcenas, ut nemo, quam sibi sortem
Seu ratio dederit, seu fors objecerit, illa
Contentus vivat, laudet diversa sequentes?
« O fortunati mercatores! » gravis annis
5 Miles ait, multo jam fractus membra labore.
Contra mercator, navim jactantibus austris,
« Militia est potior. Quid enim? concurritur; horæ
Momento cita mors venit, aut victoria læta. »
Agricolam laudat juris legumque peritus,
10 Sub galli cantum consultor ubi ostia pulsat.
Ille, datis vadibus, qui rure extractus in urbem est,
Solos felices viventes clamat in urbe.
Cetera de genere hoc, adeo sunt multa, loquacem
Delassare valent Fabium. Ne te morer, audi

SATIRARUM. Satira est carmen quoddam dicax, et salsum, carpendis hominum vitis institutum: ita dictum a Satyris veterum dila petulantibus ac protervis.

SERMONUM. Satiræ Horatii Sermones vocantur; quia carmina sunt, ut ipse vocat, sermoni et prosæ propiora.

1. *Qui sit?* Quid esse causæ dicam ut, etc., quonam tandem pacto sit? — *Nemo.* Omnis homo non vivat contentus, etc., omnis homo vero laudet, etc.

2. *Seu ratio, etc.* Sive consilio et ratione certa, certum vitæ genus et institutum amplexus fuerit; sive casu et temere. — *Dederit.* Dat ratio et prudentia; objicit casus et fortuna.

3. *Diversa sequentes.* Diversa vitæ genera et suo dissimilia profitentes.

5. *Fractus membra.* Græca locutio: habens membra labore fracta.

6. *Contra.* Subaudi dicit.

7. *Potior.* Quam mercatura. — *Quid enim?* Quidni? cur non? quid enim tantum in ea laboris et periculi est? — *Concurritur.* Pugna committitur.

10. *Sub.* Paulo post, circa. — *Consultor.* Qui causidicum super lite sua consultit, consilium ab eo petit.

11. *Datis vadibus.* Vas, vadis, est qui spondet alterum in jure adfuturum ad diem conductam, ut obeat vadimonium, ac, nisi compareat, jubetur ipse de suo satisfacere, illius loco, pro quo vadem se dedit.

13. *Adeo, etc.* Tam multa sunt ejusmodi exempla.

14. *Delassare.* Defatigare. — *Fabium.* Fabius Narbonensis, equestris

- 15 Quo rem deducam. Si quis deus, « En ego, dicat,
Jam faciam quod vultis : eris tu, qui modo miles,
Mercator; tu, consultus modo, rusticus; hinc vos,
Vos hinc mutatis discedite partibus. Eia,
Quid statis? » Nolint. Atqui licet esse beatis.
- 20 Quid causæ est merito quin illis Jupiter ambas
Iratus buccas inflet, neque se fore posthac
Tam facilem dicat, votis ut præbeat aurem?
Præterea, ne sic, ut qui jocularia, ridens
Percurram, (quanquam ridentem dicere verum
- 25 Quid vetat? ut pueris olim dant crustula blandi
Doctores, elementa velint ut discere prima);
Sed tamen amoto quæramus seria ludo.
Ille gravem duro terram qui vertit aratro,
Perfidus hic caupo, miles, nautæque per omne
- 30 Audaces mare qui currunt, hac mente laborem
Sese ferre, senes ut in otia tuta recedant,
Aiunt, quum sibi sint congesta cibaria; sicut
Parvula (nam exemplo est) magni formica laboris
Ore trahit quodcumque potest, atque addit acervo
- 35 Quem struit, haud ignara ac non incauta futuri.
Quæ, simul inversum contristat Aquarius annum,
Non usquam prorepat, et illis utitur ante
Quæsitis sapiens : quum te neque fervidus æstus
Dimoveat lucro, neque hiems, ignis, mare, ferrum,
- 40 Nil obstat tibi, dum ne sit te ditior alter.
Quid juvat immensum te argenti pondus et auri

ordinis, scripsit aliquot libros de philosophia stoica, satis verbosæ, et cum Horatio delitigavit.

15. *Quo rem deducam?* Quod mihi sit consilium, quousque progrediar, quo tendam?

17. *Tu consultus, etc.* Tu, qui modo eras consultus, id est, causidicus, eris rusticus.

18. *Mutatis partibus.* Conditionibus vitæ mutatis.

19. *Nolint.* Non mutabunt suam sortem alterius conditione. — *Licet esse beatis.* Græce pro, licet eos esse beatos.

20. *Illis.* Illis iratus.

21. *Buccas inflet.* Succenseat, exardescat. Qui ira exardescunt, buccas inflare solent.

23. *Ne sic, etc.* Ne rem tantam delibem leviter, ut solent facere qui narrant res jocularæ, qui joci et voluptatis causa scribunt.

25. *Ut.* Sicut. — *Olim.* Interdum, nonnunquam.

27. *Quæramus seria.* Causam hujus inconstantie serio investigemus.

28. *Ille gravem, etc.* Agricola.

29. *Perfidus.* Caupo pejerare et fidem fallere solitus.

30. *Hac mente, etc.* Ordo est : aiunt eo consilio se laborem ferre, ut, quum senes erunt, habeant perfugium suæ senectati et paratam quietem, nempe collectis per laborem opibus, et provisibilibus : sicut formica, quæ, licet parvula, est tamen animal magni laboris (nam hoc utantur exemplo), ore trahit, etc.

36. *Quæ, simul.* Simul atque, ubi primum. Ibi incipit Horatii responsio. — *Inversum.* Inclinatam hiemem; mutatum. Annus, quum denuo redit et incipit, dicitur verti, sive reverti. — *Aquarius.* Signum celeste hiemale, in quod sol intrat sub fine januarii.

37. *Non usquam, etc.* Foras non exit; domi se continet. — *Ante quasi-tis.* Estivo tempore acquisitis.

40. *Dum.* Modo.

Furtim defossa timidum deponere terra?

— Quod si comminuas, vilem redigatur ad assem. —

At, ni id fit, quid habet pulchri constructus acervus?

45 Millia frumenti tua triverit area centum,

Non tuus hoc capiet venter plus, quam meus: ut si

Reticulum panis, venales inter, onusto

Forte vehas humero, nihilo plus accipias, quam

Qui nil portarit. Vel dic, quid referat, intra

50 Naturæ fines viventi, jugera centum, an

Mille aret? — At suave est ex magno tollere acervo.

— Dum ex parvo nobis tantumdem haurire relinquo,

Cur tua plus laudes cumeris granaria nostris?

Ut, tibi si sit opus liquidi non amplius urna,

55 Vel cyatho, et dicas. « Magno de flumine mallet,

Quam ex hoc fonticulo tantumdem sumere. » Eo fit,

Plenior ut si quos delectet copia justo,

Cum ripa simul avulsos ferat Aufidus acer.

At qui tantuli eget, quanto est opus, is neque limo

60 Turbatam haurit aquam, neque vitam amittit in undis.

At bona pars hominum decepta cupidine falso,

« Nil satis est, inquit, quia tanti, quantum habeas, sis. »

Quid facias illi? jubeas miserum esse, libenter

Quatenus id facit: ut quidam memoratur Athenis

65 Sordidus ac dives, populi contemnere voces

Sic solitus: « Populus me sibilat; at mihi plaudo

43. *Quod si, etc.* Responsio est avari.

44. *At, ni id fit.* At, respondet Horatius: nisi id facis, nisi quaesita pecunia uteris.

45. *Millia, etc.* Quamvis area tua triverit centum millia modiorum frumenti, non tamen hoc, id est, propter hoc, idcirco, tuus venter, etc. — *Area.* Locus patens, ubi tunduntur spicae, ut ex his triticum excutiat.

47. *Reticulum.* Sacculum ad panem gerendum, retis in modum factum. — *Venales inter.* Inter servos.

49. *Quid referat, etc.* Quid intersit illius, qui paucis contentus est, et naturae necessitate, non avaritiae libidine, sua vota definit, utrum aret centum, an mille jugera?

51. *At suave est.* Id objicit avarus. — *Tollere.* Sumere.

52. *Dum, etc.* Horatii responsio. — *Haurire relinquo.* Sumere concedas.

53. *Cumeris.* Camera dicitur vas ingens vimineum, in quo frumenta con-

duntur. — *Granaria.* Sunt vasta horrea, ubi grana servantur.

54. *Liquidi.* Liquidum in neutro posuit, pro substantivo, liquor, aqua.

56. *Eo fit, etc.* Hinc accidit, ut qui amant copiam superfluum, qui a flumine aliquo copioso et uberiore malunt bibere, v. g. ex Aufido (est Apuliae fluvius praecipue ac rapidus, l'Ofanto), eos, cum parte ripae avulsa cadentes, flumen saepe auferat, hauriatque.

61. *Bona.* Magna. — *Falso.* Quia suam avaritiam excusant gloriae cupiditate; quum revera non gloriam, sed opes ipsi quaerant.

62. *Tanti sis.* Tanti aestimeris, quantas opes habeas.

63. *Quid facias, etc.* Quid agas cum homine, ita sentiente? Sane omittas illum, et sinas esse miserum, sua miseria frui: *quatenus*, id est, siquidem libenter id facit, ipse sua miseria delectatur, se ipse miserum facit.

64. *Athenis.* Athenae, urbs Graeciae princeps, in Attica.

65. *Sordidus.* Avarus.

66. *Sibilat.* Explodit, irridet.

- Ipse domi, simul ac nummos contemplor in arca. •
 Tantalus a labris sitiens fugientia captat
 Flumina. Quid rides? mutato nomine, de te
 70 Fabula narratur. Congestis undique saccis
 Indormis inhians, et tanquam parcere sacris
 Cogaris, aut pictis tanquam gaudere tabellis.
 Nescis quo valeat nummus, quem præbeat usum?
 Panis ematur, olus, vini sextarius; adde,
 75 Queis humana sibi doleat natura negatis.
 An vigilare metu exanimem, noctesque diesque,
 Formidare malos fures, incendia, servos,
 Ne te compilent fugientes; hoc juvat? Horum
 Semper ego optarim pauperrimus esse bonorum.
 80 — At si condoluit tentatum frigore corpus,
 Aut alius casus lecto te affixit, habes qui
 Assideat, fomenta paret, medicum roget, ut te
 Suscitet, ac reddat natis carisque propinquis.
 — Non uxor salvum te vult, non filius; omnes
 85 Vicini oderunt, noti, pueri atque puellæ.
 Miraris, quum tu argento post omnia ponas,
 Si nemo præstet, quem non merearis, amorem?
 At si cognatos, nullo natura labore
 Quos tibi dat retinere velis, servareque amicos,
 90 Infelix operam perdas: ut si quis asellum
 In campo doceat parentem currere frenis.
 Denique sit finis quærendi; quumque habeas plus,
 Pauperiem metuas minus, et finire laborem
 Incipias, parto quod avebas: nec facias quod
 95 Umidius quidam (non longa est fabula) dives,

69. *Quid rides?* Inducitur avarus, ridens Horatium, quasi bonarum rationum inopia coactum ad fabulas confutgere. — *Mutato nomine, etc.* Tu es ille Tantalus, idem ac ille facis: pone tuum nomen pro illius nomine; in te res tota, et fabula ista conveniet.

71. *Inhians.* Sic solent qui mirantur, concupiscunt, etc., ore diducto et hianti. — *Sacris.* Tanquam a rebus sacris abstinere.

73. *Quo valeat, etc.* Quis nummorum esse usus fructusque debeat? Is est nempe, ut ematur panis, etc.

74. *Sextarius.* Mensura capiens cyathos, seu calices communes duodecim, sexta pars congii. — *Adde, etc.* Adde res humanæ vitæ et naturæ necessarias: quas illi si neges, merito doleat.

76. *An vigilare, etc.* An hoc te juvat, scilicet vigilare? etc. — *Vigi-*

lare. Somnum præ metu amittere.

78. *Compilent.* Spolient. — *Hoc juvat?* Hoccine te delectat? hæccine tandem est opum utilitas? — *Horum, etc.* Si res ita se habet, ego istis carere bonis, quam abundare, malim.

80. *At si, etc.* Verba sunt avari. — *Frigore.* Febri.

82. *Fomenta.* Omnia remedia.

84. *Non uxor salvum, etc.* Respondet Horatius.

88. *Nullo labore.* Scilicet tuo, id est sponte, gratuito, ut natura dare solet.

92. *Quærendi.* Opes congerendi. — *Quumque, etc.* Siquidem habes plura, quum rebus plurimis abundes: vide ut in minore paupertatis metu sis.

94. *Parto.* Si quidem comparasti.

95. *Dives, ut, etc.* Ita dives, ut

- Ut metiretur nummos, ita sordidus, ut se
 Non unquam servo melius vestiret. *Ad usque*
 Supremum tempus, ne se penuria victus
 Opprimeret, metuebat : at hunc liberta securi
 100 Divisit medium, fortissima Tyndaridarum.
 — Quid mi igitur suades? ut vivam Mævius? aut sic
 Ut Nomentanus? — Pergis pugnantia secum
 Frontibus adversis componere. Non ego, avarum
 Quum veto te fieri, vappam jubeo ac nebulonem.
 105 Est inter Tanaim quiddam socerumque Viselli.
 Est modus in rebus, sunt certi denique fines,
 Quos ultra citraque nequit consistere rectum.
 Illuc, unde abii, redeo. Nemon', ut avarus,
 Se probet, ac potius laudet diversa sequentes?
 110 Quodque aliena capella gerat distentius uber,
 Tabescat, neque se majori pauperiorum
 Turbæ comparet? hunc atque hunc superare laboret?
 Sic festinanti semper locupletior obstat :
 Ut, quum carceribus missos rapit ungula currus,
 115 Instat equis auriga suos vincentibus, illum
 Præteritum temnens extremos inter euntem.
 Inde fit, ut raro, qui se vixisse beatum
 Dicat, et exacto contentus tempore vitæ
 Cedat, uti conviva satur, reperire queamus.

nummos non, ut fit, numeraret, sed eorum acervos metiretur.

97. *Ad usque.* Usque ad extremum tempus vitæ.

98. *Victus.* Ciborum.

99. *Liberta.* Serva donata libertate : sui juris facta.

100. *Divisit.* Eum interfecti, ac secuti in duas partes. — *Fortissima, etc.* Non secus, ac si fuisset altera Clytemnestra, Tyndari filia, quæ Agamemnonem interemit, securi in caput impacta.

101. *Ut vivam, etc.* An mihi suades ut vivam instar Mævii, aut sicut Nomentanus? (Duo erant famosi nepotes ac prodigi.

102. *Pergis, etc.* Respondet Horatius : at tu pergis male ratiocinari, res omnino contrarias conjungere. — *Frontibus adversis.* Comparantur avari et prodigi cum gladiatoribus vel tauris, qui, dum inter se pugnant, adversis frontibus se invicem petunt.

104. *Vappam.* Prodigum et moribus perditam.

105. *Est inter Tanaim, etc.* Discrepant inter se duo illi, quos probe nosti, Tanals, et Viselli socer.

108. *Nemon', etc.* Mirantis est et indignantis ; qui fieri tandem potest, ut avari sua sorte contenti non sint (quod initio dicebam), et tabescant quod vicini capellæ suis sint pinguiore.

114. *Carceribus.* Carceres, locus ille dicitur, seu repagulum, ex quo in circum equi admittuntur, et currere occipiunt, *les barrières.* — *Missos.* Emissos. — *Ungula.* Equi ungula præditi.

115. *Instat.* Eos urget, a quibus vincitur ; eos antevertere nititur. — *Illum, etc.* Contemnens, et non respiciens alios, quos præterit, qui in extremo currunt pulvere ; sed illos tantum, qui antecedunt, a quibus sui equi vincuntur.

117. *Inde fit, etc.* Ordo est : inde fit, ut rare queamus reperire hominem, qui se dicat, etc.

119. *Cedat, uti, etc.* Et qui migret e vita, quemadmodum solet conviva a mensa decedere exsaturatus.

120 Jam satis est : ne me Crispini scrinia lippi
Compilasse putes, verbum non amplius addam.

120. *Jam satis est.* Finem dicendi facio. — *Crispini.* Erat stolicus philosophus, et poeta, multorum librorum exigui judicii. — *Lippi.* Lippus, proprie oculis laborans; sæpe idem valet

ac ineptus, insulsus.

121. *Compilas e.* Scrutatatum ac furatum esse. — *Scrinium.* Est cista, capsula, in quam abdundunt chartæ, etc., une cassette, un portefeuille.

SATIRA II.

Dum improbi vitia quædam fugiunt, incidunt in contraria.

- Ambubajarum collegia, pharmacopolæ,
Mendici, mimæ, balatrones, hoc genus omne
Mœstum ac sollicitum est cantoris morte Tigelli :
Quippe benignus erat. Contra hic, ne prodigus esse
5 Dicatur metuens, inopi dare nolit amico,
Frigus quo duramque famem depellere possit.
Hunc si perconteris, avi cur atque parentis
Præclaram ingrata stringat malus ingluvie rem,
Omnia conductis coemens obsonia nummis;
10 Sordidus atque animi quod parvi nolit haberi,
Respondet. Laudatur ab his, culpatur ab illis.
Fufidius vappæ famam timet ac nebulonis,
Dives agris, dives positus in fœnore nummis.
Quinas hic capiti mercedes exsecat; atque
15 Quanto perditior quisque est, tanto acrius urget.

1. *Ambubajarum.* Tibicinarum, a syra voce, *ambub*, quæ tibiam significat. — *Collegia.* Cœtus, sodalitates. — *Pharmacopola.* Unguentarii, pigmentarii, unctores, et balneatores: *des parfumeurs*.

2. *Mendici.* Quidem hoc vocabulo intel igit agyras circumforaneos; qui, objectis populo præstigiis, vel recitandis nenis, stipem colligebant, *des charlatans*. — *Mimæ.* Mimus hominem significat, qui alios scurriliter imitatur. — *Balatrones.* Scurræ, saltatores.

3. *Tigelli.* Tigellius, natione Sardus, artis musicæ peritus, et non infacetus scurra, gratus Augusto fuit magnasque collegit opes, quas male profudit.

4. *Benignus.* Liberalis, commodus. — *Contra hic, etc.* Alius quispiam, metuens ne dicatur esse prodigus, etc.

5. *Præclaram rem.* Amplas opes. — *Stringat.* Amputet, imminuat. — *In-*

grata. Patri, majoribus; quorum opes, frugalitate et artibus bonis bene partas, malis comessionibus male perdat.

9. *Conductis.* Mutuo acceptis, fœnor! sibi datis, pro quibus mercedem solvere debeat. — *Obsonia.* Cibaria, dapes.

10. *Sordidus, etc.* Respondet id se facere, quod nolit haberi sordidus, etc.

12. *Fufidius.* Avarus fœnerator.

14. *Quinas hic capiti, etc.* Hic unoquoque mense pro sorte fœnori data quinas mercedes siue usuras extorquet, id est, quinque nummos pro centum nummis per unum mensem commodatis præcipit. — *Capiti.* Summæ integræ fœnori datæ; quæ sors etiam dicitur. — *Mercedes.* Usuras; usura enim est merces pecuniæ mutuo datæ, et quasi fructus. — *Exsecat.* Adimit ab integra summa.

15. *Quanto, etc.* Quanto quisque est luxu perditior ac profligator, tanto

- Nomina sectatur, modo sumpta veste virili,
 Sub patribus duris, tironum. « Maxime, quis non,
 Jupiter, » exclamat, simul atque audit? At in se
 Pro quæstu sumptum facit. Hic vix credere possis
 20 Quam sibi non sit amicus; ita ut pater ille, Terenti
 Fabula quem miserum nato vixisse fugato
 Inducit, non se pejus cruciaverit atque hic.
 Si quis nunc quærat: « Quo res hæc pertinet? » illuc:
 Dum vitant stulti vitia, in contraria currunt.
 25 Pastillos Rufillus olet, Gorgonius hircum.
 Nil medium est...

acrius illum urget Fufidius, et graviore
 fœnore mactare properat ac perdere.

16. *Nomina sectatur, etc.* Ambit ac
 studet in primis fœnerari tironibus, amat
 debita tironum, id est adolescentium,
 qui naper sumpsere vestem virilem, qui
 nondum satis habent experientie ac
 prudentie ut sibi a malis fœneratorum
 artibus caveant, qui sunt in potestate
 patrum durorum, a quibus quum nihil
 accipiant pecunias, mutuam sumunt a
 fœneratore, magna mercede promissa.
 — *Nomina.* Vox ea sæpe sumitur pro
 ære alieno, quia debitores nomen suum
 scribunt in syngrapha, in codice argen-
 taril. — *Veste virili.* Sumebatur
 anno 17, quo deponetur prætexta.

18. *At in se, etc.* At, inquiet al-
 quis, iste Fufidius, in se, id est in suo
 victu, vestitu, etc., sumptum facit pro
 quæstu, id est accommodatum tanto

quæstu, nempe ingentem et lautum?
 Hic vero (respondet Horatius, vel qui-
 libet alius) vix credas quam parum sibi
 indulgeat.

20. *Pater ille.* Menedemus, in fa-
 bula Terentii dicta *Heautontimorume-
 nus*.

21. *Fabula quem, etc.* Qui inducitur
 in comœdia terentiana.

22. *Atque hic.* Quam hic fœnera-
 tor, etc.

23. *Quo res hæc, etc.* Quid mihi
 istis velim; quorsum hæc attulerim?

25. *Pastillos.* Pilulas unguentarias ex
 odoratis succis confectas, suaves odores
 quos assidue in ore habet. — *Hircum.*
 Est odor gravis, qualis sub alis nasci-
 tur, ob sudorem incoctum: ita dicitur
 ab hircu, animal admodum olido: un
 bouc.

SATIRA III.

Aliena pervidemus vitia, nostra ignoramus. Multa sunt amicis comiter ignoscenda,
 neque omnia, ut stoici docent, in scelorum numero ponenda.

Omnibus hoc vitium est cantoribus, inter amicos
 Ut nunquam inducant animum cantare rogati,
 Injussi nunquam desistant. Sardus habebat
 Ille Tigellius hoc. Cæsar, qui cogere posset,

1. *Omnibus, etc.* Incipit a cantorum
 et Tigellii cujusdam insectatione: mox
 velut e media audientium turba sibi op-
 ponit adversarium, quærentem, an ipse,
 qui alios tam libere insectatur, immunis
 ab omni vitio sit? Qua ex interrogatione
 totius sermonis occasio bellissima na-
 scitur.

2. *Inducant animum.* Velint, exo-
 rari se patientur ut cantent.

3. *Sardus.* Natus in Sardinia, *la Sar-
 daigne*, insula prope Italiam, ad Siciliam
 latus. — *Habebat hoc.* Hoc vitio laborabat.

4. *Tigellius.* Quis ille fuerit dictum
 satira superiori. — *Cæsar.* Augustus.
 — *Posset.* Potuisset.

- 5 Si peteret per amicitiam patris, atque suam, non
Quidquam proficeret: si collibuisset, ab ovo
Usque ad mala citaret, Io Bacche! modo summa
Voce, modo hac, resonat quæ chordis quatuor, ima.
Nil æquale homini fuit illi. Sæpe velut qui
- 10 Currebat fugiens hostem; persæpe velut qui
Junonis sacra ferret. Habebat sæpe ducentos,
Sæpe decem servos: modo reges, atque tetrarchas,
Omnia magna loquens; modo: «Sit mihi mensa tripes, et
Concha salis puri, et toga, quæ defendere frigus,
- 15 Quamvis crassa, queat.» Decies centena dedisses
Huic parco, paucis contento; quinque diebus
Nil erat in loculis. Noctes vigilabat ad ipsum
Mane, diem totum stertebat: nil fuit unquam
Sic impar sibi. Nunc aliquis dicat mihi: «Quid tu?
- 20 Nullane habes vitia?» Imo alia, haud fortasse minora.
Mænius absentem Novium quum carperet: «Heus, tu,
Quidam ait, ignoras te? an ut ignotum dare nobis
Verba putas? — Egomet mi ignosco,» Mænius inquit.
Stultus, et improbus hic amor est, dignusque notari.
- 25 Quum tua pervideas oculis mala lippus inunctis,
Cur in amicorum vitiis tam cernis acutum,
Quam aut aquila, aut serpens epidaurius? At tibi contra

5. *Patris.* Iulii Cæsaris, a quo adoptatus fuerat.

6. *Si collibuisset.* Si libido eum cantandi cepisset. — *Ab ovo, etc.* Per totam cenam, in qua ova primum, deum poma apponebantur. Hinc, ab ovo aliquid narrare, id est, a primo initio rem repetere.

7. *Citaret.* Clara et alta voce caneret. Unde, recitare, est palam et clare dicere. — *Io Bacche.* Initium est bacchicæ et potoriæ cantilenæ. — *Summa.* Acutissima.

8. *Ima.* Gravi et depressa.

9. *Nil æquale, etc.* Pergit insectari Tigellium. — *Æquale.* Constans, temperatum. — *Sæpe velut qui, etc.* Sæpe currebat velut qui hostem fugiens currebat.

11. *Junonis sacra ferret.* Qui sacra ferebant, composito et gravi passu incedebant.

12. *Tetrarchas.* Rege est minor tetrarcha, eumque sonat, qui quartam aut dittonis partem obtinet.

13. *Loquens.* Quasi regum filiorum amicus intimus foret.

14. *Concha, etc.* Salinum aliudum

ex concha, aut conchæ in morem factum: une salière.

15. *Decies, etc.* Si dedisses Tigello, qui modo parcimoniam tantopere laudabat, decies centena millia sestertiorum (circiter 100,000 fr.), post dies quinque omnia vir ille parcus decoxisset, absumpsisset.

17. *Loculis.* Crumena.

19. *Impar.* Dissimile, discrepans a seipso.

20. *Imo, etc.* Respondet Horatius: Fateor, habeo mea quoque vitia, et fortasse majora Tigelli, quem carpo, vitia.

23. *Verba dare.* Est fallere, multa polliceri, nihil præstare.

24. *Hic amor.* Quo nobis, ut Mænius, omnia ignoscimus. — *Notari.* Reprehendi. Notabant proprie censores civem, quidquid deliquisset.

25. *Inunctis.* Aliquo unguento et collyrio delibutis, quo acies oblimatur, vel lippientibus.

26. *Acutum.* Pro, acute. Neutrum pro adverbio sæpe ponitur.

27. *Aut aquila.* Aquilæ, et dracones acerrima sunt oculorum acie. — *Epidaurius.* Sacer Esculapio, medicorum deo presuli.

Horace.

Evenit, inquirant vitia ut tua rursus et illi.

Iracundior est paulo, minus aptus acutis

- 30 Naribus horum hominum; rideri possit, eo quod
Rusticius tonso toga defluit, et male laxus
In pede calceus hæret. At est bonus, ut melior vir
Non alius quisquam; at tibi amicus; at ingenium ingens
Inculto latet hoc sub corpore. Denique teipsum
- 35 Concute, num qua tibi vitiorum inseverit olim
Natura, aut etiam consuetudo mala: namque
Neglectis urenda filix innascitur agris.

Illuc prævertamur, amatorem quod amicæ

Turpia decipiunt cæcum vitia, aut etiam ipsa hæc

- 40 Delectant, veluti Balbinum polypus Hagnæ.
Vellem in amicitia sic erraremus, et isti
Errori nomen virtus posuisset honestum.
At, pater ut nati, sic nos debemus amici,
Si quod sit vitium, non fastidire. Strabonem
- 45 Appellat pætum pater; et pullum, male parvus
Si cui filius est, ut abortivus fuit olim
Sisyphus: hunc varum, distortis cruribus; illum
Balbutit scaurum, pravis fultum male talis.
Parcius hic vivit; frugi dicatur: ineptus
- 50 Et jactantior hic paulo est; concinnus amicis
Postulat ut videatur: at est truculentior, atque
Plus æquo liber; simplex fortisque habeatur.
Caldior est; acres inter numeretur. Opinor,

28. *Et illi. Ut illi, quos carpis, tua quoque vitia investigent.*

30. *Horum hominum.* Qui nunc vivunt; vel, certorum, quibuscum versatur.

35. *Concute.* Examina, expende. — *Num qua, etc.* Num aliqua vitia. — *Inseverit.* Ingeneraverit, indiderit.

36. *Consuetudo mala.* Assiduitas peccandi. — *Namque, etc.* Ferax vitiorum est natura corrupta, nisi evellantur. Sic sua sponte nascuntur in agris incultis filices et paliuri. Filix, *de la fougère*; paliurus, *ronce, chardon.*

38. *Illuc, etc.* Illud ante omnia faciamus: imitemur eos qui amant, qui que veluti cæcutiunt in earum vitis, quas amant.

40. *Polypus.* Narium morbus, dictus a polypo, pisce quodam, qui multis fibris, tanquam pedibus, nititur.

44. *Strabonem.* Qui oculos distortos habet.

48. *Pætum.* Cui oculi nictantes et semiclausi sunt. Strabo est oculis plane

8.

distortis, inquit Porphyrio; pætus, leviter declinatis. — *Pullum.* Pusillum. — *Male parvus.* Supra modum parvus.

46. *Abortivus.* Ante tempus solitum, et imperfecte natus.

47. *Sisyphus.* Puer Antonii triumviri pumilio, duos pedes altus, vaser et subdolos, atque ideo dictus Sisyphus; qui fuit Æoli quondam filius, a Theseo interceptus, vaserimus. — *Hunc varum, etc.* Est varus, is qui crura introrsum versa et arcuata habet: sicut valgis, qui crura extrorsum versa et recedentes a se invicem suras.

48. *Scaurum, etc.* Scauri vocantur qui vitio aliquo talorum laborant, quibus inflexo et inverso talo pedes distorti sunt.

49. *Frugi dicatur.* Homo frugi dicitur et temperatus.

51. *Postulat, etc.* Videri expetit, haberi vult urbanus in amicos, elegans et festivus.

52. *Simplex.* Qui candide quid sentiat eloquitur, et sine ambagibus. — *Fortis.* Qui nihil timet.

Hæc res et jungit, junctos et servat amicos.

- 55 At nos virtutes ipsas invertimus, atque
Sincerum cupimus vas incrustare. Probus quis
Nobiscum vivit? multum est demissus homo: illi
Tardo, cognomen pinguis damus. Hic fugit omnes
Insidias, nullique malo latus obdit apertum,
- 60 Quum genus hoc inter vitæ versetur, ubi acris
Invidia, atque vigent ubi crimina; pro bene sano,
Ac non incauto, fictum astutumque vocamus.
Simplicior quis et est (qualem me sæpe libenter
Obtulerim tibi, Mæcenas), ut forte legentem
- 65 Aut tacitum impellat, quovis sermone molestus;
« Communi sensu plane caret, » iniquimus. Eheu!
Quam temere in nosmet legem sancimus iniquam!
Nam vitiis nemo sine nascitur: optimus ille est
Qui minimis urgetur. Amicus dulcis, ut æquum est,
- 70 Quum mea compenset vitiis bona, pluribus hisce,
Si modo plura mihi bona sunt, inclinet. Amari
Si volet hac lege, in trutina ponetur eadem.
Qui, ne tuberibus propriis offendat amicum,
Postulat, ignoscat verrucis illius. Æquum est
- 75 Peccatis veniam poscentem reddere rursus.
Denique, quatenus excidi penitus vitium iræ,
Cetera item nequeunt stultis hærentia; cur non

55. *Incertimus*. Ipsas virtutes in vitia quasi vertimus, vitia interpretamur, vitiorum nomine donamus.

56. *Sincerum, etc.* Quum vasa erant male cocta, vel aliquid in his erat odoris mali, liniebantur intus oleo quodam et glutine; unde fiebat incrustatio quædam et tectorum in ipso vase: non vero quum erant proba et sincera, id est, pura, incorrupta.

57. *Demissus*. Abiectus, exigui animi.

58. *Pinguis, etc.* Pinguem et crassum vocamus eum, qui paulo est tardior ac segnior.

59. *Malo*. Insidiis, periculo.—*Obdit*. Offert.

60. *Quum genus, etc.* Qui cum hominibus ejusmodi versatur, est in eo vitæ genere et instituto, ubi multi sunt invidi, multi delatores, criminatores.

63. *Qualem, etc.* Qualis fieri facile potest ut ad te accesserim, o Mæcenas, importune me tibi obtrudens.—*Libenter*. In hoc loco, idem est ac parum considerate; quum voluntati plus et indoli tribuitur, quam judicio et prudentiæ.

64. *Ut forte, etc.* Adeo ut amicum: qui quid legat, qui sileat, interpellat, etque in omni sermone sit molestus, compellendo, et obstrependo.

67. *In nosmet legem, etc.* Gravissimam legem nobis imponimus.

70. *Quum mea, etc.* Quum compenset mea bona vitis meis; excuset vitia virtutibus.

71. *Inclinet, etc.* Faveat. Amet me ob bona plura, potius quam oderit, ob mala pauciora et vitia. — *Amari si volet, etc.* Par pari referam, et eadem utar in eum trutina. — *Trutina*. Trutina, sive ansa, est foramen per quod horsum et illorsum ligula sive examen vergit, quod examen, quum extra ansam non prodit, intelligitur esse æquilibrium; jugum vocatur, ferrum transversum ex quo pendent hinc inde lances.

73. *Qui, ne, etc.* Qui cupit ut amicus ignoscat suis tuberibus, id est, gravioribus peccatis; ille verrucis amici, id est, levioribus vitiis ignoscat. *Verruca* est caruncula durior, quæ interdum in digitis excrescit, vel fronte, instar tuberculi.

74. *Æquum est, etc.* Decet eum, qui poscit veniam sibi dari et suis peccatis, et alienis vitiis ignorare.

76. *Quatenus*. Quandoquidem. — *Excidi penitus*. Radicibus extirpari.

77. *Stultis*. Ita stolti vocabant omnes qui sapientes et virtute præditi non essent.

- Ponderibus modulisque suis ratio utitur, ac res
 Ut quæque est, ita suppliciis delicta coerces?
- 80 Si quis eum servum, patinam qui tollere jussus,
 Semesos pisces, tepidumque ligurierit jus,
 In cruce suffigat, Labeone insanior inter
 Sanos dicatur. Quanto hoc furiosius, atque
 Majus peccatum est! Paulum deliquit amicus,
- 85 Quod nisi concedas, habere insuavis, acerbus;
 Odisti et fugis, ut Drusonem debitor æris:
 Qui nisi, quum tristes misero venere kalendæ,
 Mercedem aut nummos unde extricat, amaras
 Porrecto jugulo historias, captivus ut, audit.
- 90 Comminxit lectum potus, mensave catillum
 Evandri manibus tritum deiecit; ob hanc rem,
 Aut positum ante mea quia pullum in parte catini
 Sustulit esuriens, minus hoc jucundus amicus
 Sit mihi? Quid faciam, si furtum fecerit, aut si
- 95 Prodiderit commissa fide, sponsumve negarit?
 Queis paria esse fere placuit peccata, laborant,
 Quum ventum ad verum est: sensus moresque repugnant,
 Atque ipsa utilitas, justi prope mater et æqui.
 Quum prorepserunt primis animalia terris,
- 100 Mutum et turpe pecus, glandem atque cubilia propter

78. *Ponderibus*. Quibus in lance trutinæ positæ res pendimus. — *Modulis*. Ad quos res metimur. — *Res ut quæque, etc.* Ut quæque culpa est; seu levis, seu gravis.

80. *Tollere*. E mensa.

81. *Ligurierit*. Digitis lingendo, aut lambendo lingua, hauserit.

82. *Labeone*. M. Antistius Labeo, jurisconsultus peritus ille quidem, at Augusto insensus, in quem multa dixerat proterve.

85. *Quod nisi concedas*. Nisi huius levissimæ culpæ ignoscas.

86. *Drusonem*. Famosum fœneratorem, cujus acerbitas nota erat.

87. *Kalendæ*. Tristes vocat, quia kalendis usuræ solvebantur.

88. *Mercedem*. Usuram. — *Nummos*. Caput, sive sortem. — *Unde, etc.* Aliunde parat, extunditque.

89. *Amaras historias*. Fabulas insulas, aut historias, quas ille Druso ipsi denarrabat; vel amaras, id est terribiles, quum narret quomodo in debitores alios sævlerit. — *Porrecto jugulo*. Quasi enecandus molesta narrationum recitatione, se occidendum quasi tradens recitanti.

90. *Comminxit, etc.* Amicus tuus,

bene pransus et potus, lotio lectum fœdavit, in quo ad mensam accumbebat.

91. *Evandri, etc.* Adeoque antiquum, et fragilem.

92. *Hoc*. Ideo, ob hoc factum.

93. *Commisæ*. Arcana. — *Fide*. Pro fidel, ut apud Virg. *dixi*, pro diei, etc. — *Sponsumve, etc.* Inficiatus sit aliquod promissum, solenni formula et stipulatione factum.

96. *Queis placuit, etc.* Stoici, qui aiunt omnia peccata esse paria, laborant, id est, difficile se expediunt, opinionem suam tueri commode nequeunt, quum ipsa rei veritas expenditur: huius enim stoicorum placito repugnat ipse communis hominum sensus, qui aliter valgo existimat: mores etiam et consuetudo adversantur; denique utilitas: quia utile est non esse paria peccata, neque pares omnibus poenas irrogari; ut homines a gravioribus flagitiis deterreantur poenarum graviorum metu.

98. *Justi mater*. Ob utilitatem enim, et ad conservandum suum cuique jus, inventæ sunt leges.

99. *Primis*. Recens creatis. Quum in terram homines primo emergerent.

100. *Mutum, etc.* Homines, instar mularum pecudum, propter glandem,

- Unguibus et pugnīs, dein fustibus, atque ita porro
 Pugnabant armīs, quæ post fabricaverat usus;
 Donec verba, quibus voces sensusque notarent,
 Nominaque invenere. Dehinc absistere bello,
 105 Oppida cœperunt munire, et ponere leges,
 Ne quis fur esset, neu latro, neu quis adulter.
 Nam fuit ante Helenam mulier teterrima belli
 Causa; sed ignotis perierunt mortibus illi,
 Quos, venerem incertam rapientes, more ferarum,
 110 Viribus editior cædebat, ut in grege taurus.
 Jura inventa metu injusti fateare necesse est,
 Tempora si fastosque velis evolvere mundi.
 Nec natura potest justo secernere iniquum,
 Dividit ut bona diversis fugienda petendis;
 115 Nec vincet ratio hoc, tantumdem ut peccet idemque
 Qui teneros caules alieni fregerit horti,
 Et qui nocturnus divum sacra legerit. Adsit
 Regula, peccatis quæ pœnas irroget æquas:
 Ne scutica dignum horribili sectere flagello;
 120 Nam, ut ferula cædas meritum majora subire
 Verbera, non vereor; quum dicas esse pares res
 Furta latroniciis, et magnis parva mineris
 Falce recisurum simili te, si tibi regnum
 Permittant homines. Si dives, qui sapiens est,
 125 Et sutor bonus, et solus formosus, et est rex;
 Cur optas quod habes? «Non nosti quid pater, inquit,
 Chrysippus dicat: sapiens crepidas sibi nunquam
 Nec soleas fecit; sutor tamen est sapiens? — quo? —
 Ut; quamvis tacet Hermogenes, cantor tamen atque

qua una tum vescebantur, pugnabant, primo pugnīs et unguibus, deinde fustibus, postremo armīs.

106. *Fur.* Hoc differt a latrone quod iste palam, et per vim rapiat; fur autem clam et astu.

107. *Mulier, etc.* Fuerunt ante Helenam aliæ mulieres, quæ belli causas præbuerant.

110. *Viribus editior.* Qui potentior erat, viribus superior.

111. *Metu injusti, etc.* Sensus est; leges ac jura idcirco reperta esse, ut hominum injustitiam vimque comprimerent.

112. *Fastos mundi.* Annales, in quibus rerum in mundo origines consignatæ sunt. Fasti libri erant in quibus Romani describebant ea quæ toto anno fierent; ponebatur initio nomen consulum.

113. *Nec natura, etc.* Natura sola per se non potest, sine legum adminiculo, justum ab injusto discernere.

115. *Vincet.* Probabit.

117. *Legerit.* Furatus sit: hinc sacrilegus.

118. *Peccatis æquas.* Aut gravioribus aut levioribus accommodatas.

119. *Scutica.* Loro leviori, quo leviora peccata puniebantur. — *Flagello.* Ita loris nodisque contexto ut ad mortem usque eo cæderentur servi et malefeci.

124. *Si dives, etc.* Arripit exagitatque postremam hanc stolici voculam, si tibi regnum permittant homines, si te regem creare velint: cur id optas, nempe rex esse, o stolice? jam rex es, siquidem qui sapiens est, solus est dives, sutor, rex.

127. *Chrysippus.* Zenonis auditor, stoicæ sectæ philosophus.

129. *Ut, quamvis, etc.* Responsio stolici: quemadmodum Hermogenes optimus et cantor, quamvis taceat: ut Alfe-

- 130 Optimus est modulator : ut Alfenus vafer, omni
Abjecto instrumento artis, clausaque taberna,
Sutor erat: sapiens operis sic optimus omnis
Est opifex solus, sic rex. » Vellunt tibi barbam
Lascivi pueri; quos tu nisi fuste coerces,
135 Urgeris turba circum te stante, miserque
Rumperis, et latras, magnorum maxime regum.
Ne longum faciam, dum tu quadrante lavatum
Rex ibis, neque te quisquam stipator, ineptum
Præter Crispinum, sectabitur; et mihi dulces
140 Ignoscent, si quid peccaro stultus, amici;
Inque vicem illorum patiar delicta libenter,
Privatusque magis vivam te rege beatus.

nus erat optimus sutor, licet non tractaret reipsa subulam, et sutrinam haberet clausam : sic, etc. — *Hermogenes*. Hermogenes Tigellius erat Augusti cantor, diversus ab Tigello Sardo, quem in satiræ limine mortuum ponit.

130. *Alfenus*. Antea sutor, postea jurisconsultus Romæ clarissimus, et consul, Catullo et Virgilio amicissimus.

133. *Vellunt, etc.* Probat non esse regem, qui hoc a pueris patitur.

134. *Lascivi*. Proturvi, procaces. Philosophi quidam, et cynici, Romæ ludibrio, etiam pueris, erant.

136. *Rumperis*. Scilicet præ ira, — *Latras*. Convicia jactis.

137. *Quadrante*. Mercēs, publicis balnearioribus dari solita, quadrans erat, id est, quarta pars assis, exigua moneta ærea.

138. *Stipator*. Comes : proprie stipatores dicuntur illi milites, qui regum latera protegent armati.

140. *Stultus*. Per imprudentiam : vel forte, quia stoici eos omnes qui quid peccarent, stultos vocabant.

142. *Magis*. Magis beatus, felicior te, qui tuo iudicio rex es.

SATIRA IV.

Se primum, deinde satiricos vates excusat.

- Eupolis, atque Cratinus, Aristophanesque poetæ,
Atque alii, quorum comœdia prisca virorum est,
Si quis erat dignus describi, quod malus, aut fur,
Quod mœchus foret, aut sicarius, aut alioqui
5 Famosus, multa cum libertate notabant.

1. *Eupolis*. Poeta comicus græcus, qui populo inprimis carus, et in carpendis vitis liberrimus fuit. — *Cratinus*. Atheniensis : floruit tempore belli peloponnesiaci, homo vinosus, et gulæ deditus. — *Aristophanes*. Haud ita multo post Cratinum floruit : exstant ejus comœdiæ facetissimæ : Socratem maxime exagitavit.

2. *Atque alii, etc.* Atque alii priscae comœdiæ scriptores. — *Comœdia prisca*. Olim comœdia nil aliud erat, quam carmen quoddam a rusticis, confecta

vindemia, in honorem Bacchi recitari solitum ; mox inventæ et additæ personæ, jactata in obvios convicia ; notati etiam amaro joco certi homines, invisī vulgo ; quæ libertas deinde vetita legibus fuit, cautumque deinceps ne quis in comœdia describeretur, et nomine appellaretur. Hinc veteri comœdiæ nova et modestior successit, in qua, fictis argumentis et personis, quotidiani mores describuntur.

4. *Sicarius*. Homicida. Sica est ensis brevior, et incurvus : genus pugionis.

5. *Famosus*. Infamis.

- Hinc omnis pendet Lucilius, hosce secutus,
 Mutatis tantum pedibus numerisque; facetus,
 Emunctæ naris, durus componere versus:
 Nam fuit hoc vitiosus; in hora sæpe ducentos,
 10 Ut magnum, versus dictabat, stans pede in uno.
 Quum flueret lutulentus, erat quod tollere velles:
 Garrulus, atque piger scribendi ferre laborem,
 Scribendi recte; nam ut multum, nil moror. Ecce
 Crispinus minimo me provocat: « Accipe, si vis,
 15 Accipe jam tabulas: detur nobis locus, hora,
 Custodes; videamus uter plus scribere possit. »
 Di bene fecerunt, inopis me quodque pusilli
 Finxerunt animi, raro et perpauca loquentis.
 At tu conclusas hircinis follibus auras
 20 Usque laborantes, dum ferrum molliat ignis,
 Ut mavis, imitare. Beatus Fannius, ultro
 Delatis capsis, et imagine, quum mea nemo
 Scripta legat, vulgo recitare timentis, ob hanc rem,
 Quod sunt, quos genus hoc minime juvat, ut pote plures
 25 Culpari dignos. Quemvis media crue turba:

6. *Hinc, etc.* Eos imitatur, et quasi vestigiis sequitur. — *Lucilius*. Primus latinæ satiræ auctor, natus Aruncus in Italia.

7. *Mutatis pedibus*. Quia scripsit hexametris, quum illi poetæ iambicis uti sint. In versibus, quæ differentia sit inter numeros et pedes, vide lib. 4. od. I.

8. *Emunctæ naris*. Prudenter salsus, urbanus. — *Durus, etc.* In aptandis versuum pedibus, concinnandisque numeris parum diligens: asperior et agrestior.

9. *Hoc*. Ob hoc, ideo.

10. *Ut magnum*. Ratus se rem magnam præstare, difficilem et egregiam. — *Stans, etc.* Brevissimo tempore; nemo enim diu pede niti uno potest.

11. *Quum flueret, etc.* Flumini similis erat ipse, quod lutulentas aquas volvit. — *Erat quod tollere, etc.* Erat aliquid dignum quod tolleretur, lecta dignum et notatu.

12. *Garrulus, etc.* Lucilius effudit multa temere, et componendi laborem sæpe ferebat.

13. *Ut multum*. Scilicet scribat. — *Nil moror*. Parum curo.

14. *Crispinus*. Poeta qui multum scribebat. — *Minimo*. Subaudi digito. Isto enim modo significat, qui contemnendum adversarium provocat, eum vel minimo digito deiciendum ac prosterendum esse.

15. *Tabulas*. In tabulis ligneis, cera obductis, scribebant Romani.

16. *Custodes*. Qui observent ne aliena utamur opera, scriptis alienis, etc.

17. *Di bene fecerunt*. Gratias ago superis. Multum illis debeo. — *Inopis* Sterilis, jejuni, infecundi.

18. *Finxerunt*. Crearunt.

19. *At tu, etc.* O Crispine, imitare, si mavis, si tibi collibet, tuis versibus turgidis et ambitiosis, folles vento distentos, qui fornacem accendant, donec illi molliatur ferrum. Arrogantiam Crispini, et ejus versuum levitatem notat. — *Hircinis*. Ex hircino corio factis.

20. *Laborantes*. Videntur folles laborare et anhelare graviter, dum ventum vehementius emittunt.

21. *Beatus Fannius, etc.* Næ Fannius (insulsus poeta) beatus est, cui, licet immerenti, ac non petenti, senatus contulit, obtulit capsas, id est, arculas et loculos, quibus libri ejus in bibliotheca, per Augustum, prope templum Apollinis Palatini extracta, reponerentur una cum sua imagine.

22. *Quum mea, etc.* Fannius, ut caperet hominum famam, recitabat ac venditabat sua carmina; quod poetis Romæ tunc solenne fuit.

24. *Genus hoc*. Satirici carminis. — *Juvat*. Delectat.

25. *Quemvis*. Sensus est: de medio populo quemvis cedo, productito.

- Aut ob avaritiam, aut misera ambitione laborat.
 Hunc capit argenti splendor : stupet Albius ære :
 Hic mutat merces surgente a sole, ad eum quo
 Vespertina tepet regio : quin per mala præceps
 30 Fertur, uti pulvis collectus turbine, ne quid
 Summa deperdat metuens, aut ampliet ut rem.
 Omnes hi metuunt versus, odere poetas.
 « Fœnum habet in cornu; longe fuge : dummodo risum
 Excutiat sibi, non hic cuiquam parcat amico ;
 35 Et, quodcumque semel chartis illeverit, omnes
 Gestiet a furno redeuntés scire lacuque,
 Et pueros, et anus. » Agedum, pauca accipe contra.
 Primum ego me illorum, dederim quibus esse poetas,
 Excerptam numero ; neque enim concludere versum
 40 Dixeris esse satis ; neque si quis scribat, uti nos,
 Sermoni propiora, putes hunc esse poetam.
 Ingenium cui sit, cui mens diviniór, atque os
 Magna sonaturum, des nominis hujus honorem.
 Idcirco quidam, comœdia necne poema
 45 Esset, quæsiwere, quod acer spiritus ac vis
 Nec verbis, nec rebus inest ; nisi quod pede certo
 Differt sermoni sermo merus. — At pater ardens
 Sævít quod, meretrice nepos insanus amica,
 Filius uxorem grandi cum dote recuset,
 50 Ebrius et (magnum quod dedecus) ambulet ante

27. *Argenti*. Signorum, vasorum ex argento factorum. — *Stupet*. Defixis oculis, animoque, miratur, et concupiscit. — *Ære*. Kreis statulu.

28. *Mutat merces*. Mercaturam exercet.

29. *Per mala*. Per naufragia, pericula.

30. *Turbine*. Vento.

31. *Summa deperdat*. De summa perdat, de opibus jam quæsitis immittit. — *Ampliet*. Amplificet. — *Rem*. Opes.

32. *Versus*. Satiram.

33. *Fœnum habet, etc.* Si cujus equus, aut bos, damnum aut malum fecisset, domino multa legibus erat indicta ; quare, ut ab ejusmodi animalibus sibi caverent homines, solebant domini aliquid signi dare ; v. g. cornibus bovis, cornu petere soliti, fœnum illigabant, etc.

34. *Excutiat*. Moveat. — *Sibi*. In suam voluptatem.

35. *Chartis illeverit*. Scriptitaverit, temere in chartam fuderit.

36. *Gestiet, etc.* Omnibus a furno et fonte redeuntibus leget. — *Lacuque*.

Fonte. Solet autem vulgus frequens esse ad furnos et fontes.

37. *Contra*. Contra illos, quibus satira displicet.

38. *Dederim quibus, etc.* Quibus poeta nomen tribuendum arbitror.

39. *Concludere*. Certis pedibus includere.

40. *Satis*. Ut quis poeta sit.

41. *Sermoni propiora*. Similliora sermoni quotidiano et orationi solutus, quam versibus.

42. *Necne*. Quæsiwere num comœdia esset poema, necne, id est, utram non esset poema.

43. *Nisi quod, etc.* Neque aliud est discrimen inter sermonem, quo utitur comœdia, et vulgarem merumque sermonem, nisi quod, nisi quantum et quatenus, unus sermo ab alio differt certis pedibus ; nisi quod sermo comicus pedes certos habet, non item vulgaris et popularis.

44. *At pater, etc.* Est alicujus objectio. — *Pater*. Demea, apud Terentium, in filium suum Æschinum vehementius invehitur.

45. *Nepos*. Flagitiosus, discinctus.

- Noctem cum facibus. — Numquid Pomponius istis
 Audiret leviora, pater si viveret? Ergo
 Non satis est puris versum perscribere verhis;
 Quem si dissolvas, quivis stomachetur eodem,
 55 Quo personatus pacto pater. His, ego quæ nunc,
 Olim quæ scripsit Lucilius, eripias si
 Tempora certa, modosque, et quod prius ordine ver-
 Posterius facias, præponens ultima primis: [bum est,
 Non, ut si solvas: • Postquam discordia tetra
 60 Belli ferratos postes portasque refregit, •
 Invenias etiam disjecti membra poetæ.
 Hactenus hæc: alias, justum sit, necne, poema,
 Nunc illud tantum quæram, meritone tibi sit
 Suspectum genus hoc scribendi. Sulcius acer
 65 Ambulat, et Caprius, rauci male, cumque libellis,
 Magnus uterque timor latronibus: at, bene si quis
 Et puris vivat manibus, contemnat utrumque.
 Ut sis tu similis Cœli, Birrhique latronum,
 Non ego sim Capri, neque Sulci. Cur metuas me?
 70 Nulla taberna meos habeat, neque pila libellos,
 Queis manus insudet vulgi, Hermogenisque Tigelli:
 Nec recito cuiquam, nisi amicis, idque coactus;
 Non ubivis, coramve quibuslibet. In medio qui
 Scripta foro recitent sunt multi, quique lavantes:
 75 Suave locus voci resonat conclusus. Inanes
 Hoc juvat, haud illud quærentes, num sine sensu,

51. *Cum facibus.* Ante mulierum, quas adibant, fores stare solebant cum facibus, et cantitare. — *Numquid, etc.* Responsio et solutio est objectionis. Atqui, inquit Horatius, pater Pomponii (erat iste dissolutus aliquis adolescens, qui, patre mortuo, perditam vitam vivebat; quem Horatius quasi aliud agens eodem modo filium alloqueretur; non levioribus eum verbis castigaret, si viveret, quam Demea Eschinum).

53. *Puris.* Propriis, bene latinis.

54. *Quem si dissolvas.* Quem versum si pedibus suis solvas.

55. *Personatus pater.* Comicus actor, qui patris personam gerit.

57. *Tempora.* Quantitatem syllabarum; quarum aliæ sunt breves, quæ breviori tempore pronuntiantur; aliæ longæ, quæ longiori. — *Modos.* Numeros ad certam mensuram compositos.

59. *Non, ut si, etc.* Non invenies membra disjecti poetæ, et quasi lacerata, ut invenies, si solvas hunc Ennii versum plenum spiritus et ardoris poetici: Postquam discordia, etc.

60. *Belli ferratos, etc.* Per belli postes intelligit portas templi Jani, quæ, indicto bello, aperiuntur, composito, clauduntur.

62. *Hactenus, etc.* Sed hæc sane de satira et comœdia dicta sint hactenus.

64. *Sulcius, Caprius.* Acerrimi et notissimi delatores.

65. *Male.* Valde. — *Libellis.* In quibus eorum crimina et nomina servabant, quos accusare vellent.

67. *Puris.* Scilicet a scelere. — *Contemnat.* Possit merito contemnere.

70. *Taberna.* Officina libraria. — *Pila.* Postis vel columna, ubi libri venales affigi solent, aut prope quas bibliopolarum suas officinas ponebant.

71. *Insudet.* Eos tenendo et legendo.

74. *Lavantes.* In balneis.

75. *Locus conclusus.* Balnea undique clausa vocem suaviter remittunt. Clauduntur autem accurate balnea, ne calor effluat. — *Inanes.* Homines parum occupatos, vacuos.

76. *Haud illud quærentes.* Non carentes.

Tempore num faciant alieno. « Lædere gaudes,
Inquis, et hoc studio pravus facis. » Unde petitem
Hoc in me jadis? est auctor quis denique eorum,

- 80 Vixi cum quibus? Absentem qui rodit amicum,
Qui non defendit, alio culpante; solutos
Qui captat risus hominum, famamque dicacis;
Fingere qui non visa potest; commissa tacere
Qui nequit, hic niger est; hunc tu, Romane, caveto.

- 85 Sæpe tribus lectis videas cœnare quaternos,
E quibus unus avel quavis aspergere cunctos,
Præter eum, qui præbet aquam; post, hunc quoque
Condita quum verax aperit præcordia Liber. [potus,
Hic tibi comis et urbanus liberque videtur

- 90 Infesto nigris: ego, si risi, quod ineptus
Pastillos Rufillus olet, Gorgonius hircum,
Lividus et mordax videor tibi? Mentio si qua
De Capitolini furtis injecta Petilli

Te coram fuerit, defendas, ut tuus est mos:

- 95 « Me Capitolinus convictore usus amicoque
A puero est, causaque mea permulta rogatus
Fecit; et incolumis lætor quod vivit in urbe:
Sed tamen admiror, quo pacto judicium illud
Fugerit. » Hic nigræ secus loliginis, hæc est

- 100 Ærugo mera; quod vitium procul abfore chartis,

78. *Studio*. Dedita opera.

79. *In me jadis?* Mihi obijcis? *Est auctor, etc.* Ordo est: quis eorum, quibuscum vixi, eorum auctor est, quæ mihi exprobras?

80. *Absentem, etc.* Ostendit quinam sint potius fugiendi, quam satirici. — *Rodit*. Carpit maledictis.

81. *Culpante*. Accusante.

82. *Captat risus*. Qui amat risum aliis movere, et dicax haberi.

83. *Fingere, etc.* Qui potest mentiri et dicere a se visa esse, quæ non visa sunt. — *Commissa*. Arcana.

84. *Niger*. Improbus, mali ominis.

85. *Sæpe tribus, etc.* Sententia est: reperitur sæpe in frequentissimo convivio, in quo non tres in singulis lectulis, pro more, sed quatuor, accumbant, unus aliquis qui avel, id est, gestiat alios in omnem partem aceto et diceris suis aspergere, præter illum tamen qui aquam ad lavandum, qui balnea convivia præbet, qui domus et convivii dominus est: illum enim excipit, illi soli parcat, ac ne parcat quidem semper; sed hunc quoque post alios carpit, suisque salibus irrorat, *potus*, id est, quando pisculum adhibet, quum factus est po-

tando hilarior, etc. — *Quaternos*. In lectulis ad mensam non cubabant, nisi terni; ad summum, ubi plures erant convivæ, quaterni.

86. *Quavis, etc.* Subaudi via, ratione.

90. *Nigris*. Dicacibus et maledictis hominibus.

91. *Pastillos*. Vide satiram 2.

92. *Lividus*. Malignus, invidus.

93. *Capitolini*. Petillius, cognomine Capitolinus, quum accusatus fuisset de peculatu, aut, ut alii malunt, quod coronam et statua Jovis auream detraxisset, tamen, corruptis iudicibus, est absolutus.

94. *Defendas*. Non dubito quin eum sis defensurus: quin dicas te cum illo communi mensa usum esse, etc.

98. *Sed tamen, etc.* His verbis Horatius indicat hominem, qui per ambages et clam de alterius fama detrahit; qui laudat eum principio, quem ad extremum accusat et carpit, ut iste Petillius amicus. *Loligo* est piscis quidam, succo atrum in aquam effundens ore, ne a piscatoribus videri et capi possit: *Calmar*.

100. *Ærugo*. Tabes quædam est æs corrodens; ut rubigo, ferrum.

- Atque animo prius, ut, si quid promittere de me
 Possum aliud, vere promitto. Liberius si
 Dixero quid, si forte jocosius, hoc mihi juris
 Cum venia dabis. Insuevit pater optimus hoc me,
 105 Ut fugerem, exemplis vitiorum quæque notando.
 Quum me hortaretur, parce, frugaliter, atque
 Viverem uti contentus eo, quod mi ipse parasset;
 « Nonne vides, Albi ut male vivat filius? utque
 Barrus inops? magnum documentum, ne patriam rem
 110 Perdere quis velit. » A turpi meretricis amore
 Quum deterreret: « Sectani dissimilis sis. »
 Ne sequerer mœchas, concessa quum venere uti
 Possem: « Deprensi non bella est fama Treboni,
 Aiebat. Sapiens, vitatu quidque petitu
 115 Sit melius, causas reddet tibi: mi satis est, si
 Traditum ab antiquis morem servare, tuamque,
 Dum custodis eges, vitam, famamque tueri
 Incolumem possim: simul ac duraverit ætas
 Membra, animumque tuum, nabis sine cortice. » Sic me
 120 Formabat puerum dictis, et sive jubebat,
 Ut facerem quid: « Habes auctorem quo facias hoc; »
 Unum ex iudicibus selectis objiciebat:
 Sive vetabat: « An hoc inhonestum, et inutile factu,
 Necne sit, addubites, flagret rumore malo quum
 125 Hic atque ille? » Avidos vicinum funus ut ægros
 Exanimat, mortisque metu sibi parcere cogit;
 Sic teneros animos aliena opprobria sæpe

101. *Prius*. Quam a chartis abfuturum. — *Ut si quid, etc.* Ut promitto, si quid possum, etc., tam bona et certa fide promitto, quam quod optima.

104. *Insuevit*. Ea re me insuevit, assuefecit. Quidam legunt, *insuevit hoc mi pro mihi*: eos mihi mores indidit, atque ingeneravit.

105. *Ut fugerem, etc.* Ordo est: ut fugerem vitiorum quæque, ea notando exemplis.

108. *Male vivat*. Vitam ægre sustinet, enecetur fame.

109. *Inops*. Subaudi sit, vel vivat; quæ vox est in priore versu. — *Patriam rem*. Patrimonium, opes a maioribus acceptas.

111. *Dissimilis*. Subaudi inquebat.

112. *Concessa venere*. Legitimis et honestis nuptiis.

113. *Deprensi*. In adulterio, in stupro.

114. *Sapiens, etc.* Philosophus aliquis causas tibi et rationes dabit cur

hæc fugienda, illa optanda sint; ego, qui philosophus non sum, exemplis id faciam, juxta morem nobis ab antiquis traditum.

117. *Eges*. Opus habes.

118. *Duraverit*. Corroboraverit.

119. *Nabis sine cortice*. Per te, sine meo adminiculo, virtutem coles. Metaphora ducitur a pueris, qui corticis ope ac suberis, *du liège*, natare discunt.

121. *Habes auctorem*. Habes aliquem, cujus auctoritate et exemplo possis hoc recte atque honeste facere, etc.

122. *Selectis*. Quotannis ab urbano prætore deligebantur viri optimi ex omnibus ordinibus, qui iudicia exercerent, ipsumque adjuvarent.

123. *Inutile*. Non utile, noxium.

124. *Rumore*. Fama.

125. *Avidos, etc.* Famelicos, et a cibo vix sibi temperantes.

126. *Exanimat*. Terrore complet. — *Sibi parcere*. Valeludinis suæ curam habere.

- Absterrent vitilis. Ex hoc ego sanus ab illis,
 Perniciem quæcumque ferunt, mediocribus, et quæ
 130 Ignoscas, vitilis teneor; fortassis et istinc
 Largiter abstulerit longa ætas, liber amicus,
 Consilium proprium. Neque enim quum lectulus, aut me
 Porticus excepit, desum mihi: « Rectius hoc est;
 Hoc faciens vivam melius: sic dulcis amicis
 135 Occurram; hoc quidam non belle: numquid ego illi
 Imprudens olim faciam simile? » Hæc ego mecum
 Compressis agito labris: ubi quid datur oti,
 Illudo chartis. Hoc est mediocribus illis
 Ex vitilis unum: cui si concedere nolis,
 140 Multa poetarum veniet manus, auxilio quæ
 Sit mihi (nam multo plures sumus), ac veluti te
 Judæi cogemus in hanc concedere turbam.

129. *Ex hoc.* Ex hac mei patris institutione prudentissima et disciplina ego sanus sum, id est, immunis ab vitilis gravioribus, quæ pestem hominibus præsentissimam afferunt.

130. *Istinc, etc.* Plurimum emendabit et detrahet ex his levioribus meis vitilis ætatis accessio, amici libera monitio, etc.

132. *Consilium, etc.* Meditatio mea et animadversio, qua me admoneo ipse, et emendo.

133. *Porticus.* Erant multæ in urbe porticus, in quibus confabulari, opacum frigus captare, spatium mos erat. — *Desum mihi.* Me ipse admoneo et erudio.

134. *Amicis occurram.* Cum amicis versabor.

135. *Non belle.* Subaudi facit.

137. *Compressis labris.* Tacitus.

138. *Illudo chartis.* Scriptito, ludo in chartis.

139. *Concedere.* Ignoscere.

140. *Manus.* Turba.

142. *Judæi, etc.* Judæi, qui erant Romæ, plurimos ad veri Numinis cultum, et religionem suam pertrahebant. — *In hanc concedere turbam.* Hujus poetarum agminis socium fieri, et ipsum carmina satirica componere.

SATIRA V.

Facile describit iter suum ab urbe Roma Brundisium usque.

- Egressum magna me excepit Aricia Roma,
 Hospitio modico: rhetor comes Heliodorus,
 Græcorum longe doctissimus. Inde Forum Appi,
 Differtum nautis, cauponibus atque malignis.
 5 Hoc iter ignavi divisimus, altius ac nos
 Præcinctis unum: minus est gravis Appia tardis.

1. *Aricia.* Oppidulum, in via Appia, per quam Roma iter est Brundisium. Nunc *la Rizza* vocatur.

2. *Rhetor.* Ita vulgo appellabantur qui eloquentiam docebant ac profitebantur. — *Comes.* Subaudi erat.

3. *Forum Appi.* Forum Appii erat oppidum, in eadem via, ad ripam Pomptinæ paludis, quo mercatores solebant

frequentes convenire. Nunc excisum, cujus in vicinia, seu ruinis, est locus *Santo Donato* dictus.

4. *Differtum.* Plenum. — *Malignis.* Perfidis.

5. *Hoc iter.* Roma ad forum Appii. — *Divisimus.* In duos dies, bido comfecimus.

6. *Unum.* Unius diei iter, quod uno

- Hic ego, propter aquam, quod erat deterrima, ventri
Indico bellum, cœnantes haud animo æquo
Exspectans comites. Jam nox inducere terris
- 10 Umbras, et cœlo diffundere signa parabat:
Tum pueri nautis, pueris convicia nautæ
Ingerere: « Huc appelle. — Trecentos inseris; ohe!
Jam satis est. » Dum æs exigitur, dum mula ligatur,
Tota abit hora. Mali culices, ranæque palustres,
- 15 Avertunt somnos. Absentem ut cantat amicam
Multa prolutus vappa nauta atque viator
Certatim: tandem fessus dormire viator
Incipit; ac missæ pastum retinacula mulæ
Nauta piger saxo religat, stertitque supinus.
- 20 Jamque dies aderat, quum nil procedere lintrem
Sentimus: donec cerebrosus prosilit unus,
Ac mulæ nautæque caput, lumbosque saligno
Fuste dolat: quarta vix demum exponitur hora.
Ora manusque tua lavimus, Feronia, lympa.
- 25 Millia tum pransi tria repimus, atque subimus
Impositum saxis late candentibus Anxur.
Huc venturus erat Mæcenus optimus, atque
Cocceius, missi magnis de rebus uterque
Legati, aversos soliti componere amicos.

die confici solet. — *Minus gravis*. Quia
via Appia, declivis asperaque, festinan-
tibus erat incommoda. — *Appia*. Ita
vocata est hæc via, ab Appio Claudio
Cæco, censore, qui eam lapide stra-
verat. — *Tardis*. Lentius ambulanti-
bus.

7. *Hic*. In Appl. Foro. — *Ventri*,
etc. Abstineo a cena.

8. *Haud animo æquo*. Egre.

9. *Comites*. Eos, quibuscum Fero-
niam cymba iturus erat; ut fieri solet
in publicis linitibus.

10. *Signa*. Stellas, signa cœlestia.

11. *Pueri*. Servi.

12. *Ingerere*. Cœperunt affatim et
large dicere. — *Huc appelle*. Huc ap-
plicam cymbam, littori admove.

13. *Jam satis est*. Jam satis multi a-
te in lintrem sunt admissi. — *Æs*. Pe-
cunia nautis dari solita: nautum. — *Li-
gatur*. Nautico fune lintri alligatur, ut
eum adversa aqua traheret.

15. *Avertunt, etc.* Nobis lintrem in-
gressis. — *Ut*. Dum.

16. *Multa, etc.* Vino malo et ace-
cente madidus, potus largiter. Sat. 1. —
Viator. Subaudi aliquis.

18. *Ac missæ, etc.* Mulam nauta
solvit, eamque in proximum pratam
dimittit pastum.

19. *Supinus*. In tergum jacens.

21. *Cerebrosus*. Iracundior. — *Pro-
silit*. E lintre.

22. *Saligno*. Salix arbor nota, ut
sauile.

23. *Dolat*. Verberat. — *Quarta hora*.
Nempe quarta post ortum solis. — *Ex-
ponitur*. In litus descendimus e
cymba.

24. *Lavimus*. Ea vox temporis est
præsentis, ab antiquo, *lavo*, *lavis*,
lavit. — *Feronia*. Nympha fuit, a liber-
tis præcipuo in honore habita; in cujus
templo pileum, libertatis insigne, raso
capite, accipiebant. Fons illi dicatus,
et silva prope Terracina erat.

25. *Millia tria*. Subaudi passuum,
spatium sunt leucæ gallicæ. — *Repimus*.
Egre ascendimus.

26. *Late candentibus*. Quæ procul
apparent, ob candorem et altitudinem.
— *Anxur*. Urbs Volscorum, dicta quo-
que Terracina, in monte posita.

28. *Cocceius*. Cocceius Nerva, Ner-
væ imperatoris avus, celeberrimus erat
jurisconsultus. — *Magnis de rebus*. De
componendis scilicet inter Augustum et
Antonium discordiis.

29. *Aversos*. Dissidentes.

- 30 Hic oculis ego nigra meis collyria lippus
 Illinere. Interea Mæcenas advenit, atque
 Cocceius, Capitoque simul Fonteius, ad unguem
 Factus homo, Antoni, non ut magis alter, amicus.
 Fundos Aufidio Lusco prætore libenter
- 35 Linquimus, insani ridentes præmia scribæ,
 Prætextam, et latum clavum, prunæque batillum.
 In Mamurrarum lassi deinde urbe manemus,
 Muræna præbente domum, Capitone culinam.
 Postera lux oritur multo gratissima: namque
- 40 Plotius et Varius Sinuessæ, Virgiliusque
 Occurrunt; animæ, quales neque candidiores
 Terra tulit, neque queis me sit devinctior alter.
 O, qui complexus, et gaudia quanta fuerunt!
 Nil ego contulerim jucundo sanus amico.
- 45 Proxima campano ponti quæ villula, tectum
 Præbuit, et parochi, quæ debent, ligna salemque.
 Hinc muli Capuæ clitellas tempore ponunt.
 Lusum it Mæcenas, dormitum ego Virgiliusque:
 Namque pila lippis inimicum et ludere crudis.

30. *Hic. Tunc.* — *Collyria.* Oculorum quædam medicamenta, quibus illinuntur, ad humorem siccandum, quo laborant lippi.

32. *Capitoque, etc.* Et una cum illis Fontelius Capito: insignis jurisconsultus, a M. Antonio missus. — *Ad unguem factus.* Homo scitus, elegans, perfectus ac politus.

33. *Non ut, etc.* Ut non alius esset magis Antonii amicus.

34. *Fundos, etc.* Præterimus urbem Fundos (est oppidum in via Appia, nunc Fondi), in qua erat prætor Aufidius Luscos. — *Prætores.* Prætor, magistratus qui jus dicebat: ita dictus, quod juri dicendo præesset, vel quod præiret.

35. *Præmia.* Insignia. — *Scribæ.* Aufidii qui scriba fuerat. Scriba est, qui res publice gestas, jubente magistrata, scribit, in concione recitat, refert in acta.

36. *Prætextam.* Togam prætoriam, cujus limbus erat prætextus purpura. — *Latum clavum, etc.* Erat latus clavus tunica, cujus dum partes ante pectus jungebantur fibulis, et erant tænia quadam purpurea assuta ornatæ.

37. *Mamurrarum urbs.* Formis, Formis; unde Mamurræ, equites romani nobilissimi, erant oriundi.

38. *Muræna, etc.* L. Licinius Varro

Muræna, frater Terentii, uxoris Mæcenatis, tectum præbebat, Capito sumptus in cenam faciebat.

40. *Sinuessæ.* In urbe Sinuessa quæ est ad fluvium Lirim.

41. *Quales, etc.* Tales homines, quales alios nullos terra candidiores tulit.

42. *Devinctior.* Amicior, obligatior.

44. *Nil ego, etc.* Si sapiam, nihil cum amico jucundo comparaverim; rebus illum omnibus anteponom.

45. *Proxima, etc.* Mansimus deinde in villula, quæ est proxima campano ponti: intellige pontem trans fluvium Savonem ad viam Appiam.

46. *Parochi.* Certi homines erant, qui legatis populi romani, et magistratibus iter facientibus, præbebant omnia quæ hospitibus necessaria sunt, ut salem, ligna, etc.

47. *Hinc.* Ex hac villula, ponti campano proxima, muli nostri Capuam usque perrexerunt: ubi clitellas tempore, id est, tempestive, ante noctem, deposuerunt. — *Capuæ.* Capua, urbs olim Italici amplissima, non procul Neapoli: *Capoue.*

49. *Namque pila, etc.* Nam est noxiū pila ludere, his qui stomachi cruditate laborant: vehemens enim exercitatio, qualis est in hoc ludo, nocet plurimum male cibos digerentibus.

- 50 Hinc nos Cocceii recipit plenissima villa,
Quæ super est Caudi cauponas. Nunc mihi paucis
Sarmenti scurræ pugnam, Messique Cicerri,
Musa, velim memores, et quo patre natus uterque
Contulerit lites. Messi clarum genus Osci;
55 Sarmenti domina exstat. Ab his majoribus orti,
Ad pugnam venere. Prior Sarmentus: « Equi te
Esse feri similem dico. » Ridemus; et ipse
Messius: « Accipio; » caput et movet. « O, tua cornu
Ni foret exsecto frons, inquit, quid faceres, quum
60 Sic mutilus minitaris? » At illi fœda cicatrix
Setosam lævi frontem turpaverat oris.
Campanum in morbum, in faciem permulta jocatus,
Pastorem saltaret uti Cyclopa, rogabat;
Nil illi larva, aut tragicis opus esse cothurnis.
65 Multa Cicerrus ad hæc: Donasset jamne catenam
Ex voto Laribus, quærebat: scriba quod esset,
Deterius nihilo dominæ jus esse: rogabat
Denique, cur unquam fugisset, cui satis una
Farris libra foret, gracili sic, tamque pusillo
70 Prorsus jucunde cœnam produximus illam.
Tendimus hinc recta Beneventum, ubi sedulus hospes

50. *Plenissima*. Locupletissima, ubi nihil desit.

51. *Quæ superest, etc.* Quæ est supra cauponas Caudi, pro Caudii. Erat autem Caudium oppidum Hirpinorum, quatuor fere leucis Benevento distans.

52. *Scurræ*. Est scurra is qui risum salibus et dictis insulsiis movet.

53. *Musa, etc.* Facete Musas, quasi rem magnam dicturus, invocant.

54. *Contulerit lites*. Digladiatus cum socio sit, rixam inierit ac pugnam. — *Messi, etc.* Ordo est: Osci sunt clarum genus Messii: Messius ortus est e regione Oscorum. Erat illa natio villissima, in Campania Italica; ejusque et sermo, et mores inquinatissimi.

55. *Domina, etc.* Hera, cujus fuit servus Sarmentus, adhuc vivit.

58. *Accipio*. Accipio provocationem, paratus sum reponere: quod ultimum gesta potius, quam verbis expressit, caput movendo, quod militantis est.

61. *Setosam*. Capillis fœde hirsutis horrentem. — *Lævi oris*. In læva oris parte.

62. *Campanum*. Ejusmodi papulis Campani vulgo laborabant, ob intemperantiam.

63. *Pastorem, etc.* Rogabat Messium ut saltaret pastorem Cyclopem, id

est, ut Polyphemum saltando imitaretur.

64. *Cothurnis*. Erant calcei altiores, quibus utebantur actores tragicæ. Polyphemi autem historia sæpe in tragœdiis acta erat.

65. *Donasset, etc.* Quærebat a Sarmento, num donasset dils Laribus catenam, qua olim victus fuisset, quum servus in agro, pro more, opus faceret: quærebat, num libertatem denique adeptus esset.

66. *Ex voto*. Quasi votiisset, se catenas appensurum Laribus, in accepti beneficii monumentum, si libertatem fuisset aliquando consecutus. — *Scriba, etc.* Etsi esset Sarmentus scriba, tamen ipsius dominam nihil idcirco de jure suo amisisse, quod in ipsum, ut in suum servum, haberet.

68. *Fugisset*. E domo suæ dominæ.

69. *Farris*. Panis. Fugebant servi durius a dominis habitū, quique contenti non erant una farris libra in dies singulos; quod erat servorum diarium.

70. *Produximus*. In longum duximus, extraximus, ob istam Messii et Sarmenti litem ridiculam.

71. *Beneventum*. Urbs ampla Italæ, in Samnitibus: nunc Benevento. — *Sedulus*. Officiosus et strenuus.

- Pæne arsit, macros dum turdos versat in igne :
 Nam vaga per veterem dilapso flamma culinam
 Vulcano summum properabat lambere tectum.
- 75 Convivas avidos cœnam, servosque timentes,
 Tum rapere, atque omnes restinguere velle videres.
 Incipit ex illo montes Appulia notos
 Ostentare mihi, quos torret Atabulus, et quos
 Nunquam erepsemus, nisi nos vicina Trivici
- 80 Villa recepisset, lacrimoso non sine fumo,
 Udos cum foliis ramos urente camino.
 Quattuor hinc rapimur viginti et millia rhedis,
 Mansuri oppidulo, quod versu dicere non est,
 Signis perfacile est. Venit vilissima rerum
- 85 Hic aqua ; sed panis longe pulcherrimus, ultro
 Callidus ut soleat humeris portare viator :
 Nam Canusi lapidosus, aquæ non ditior urna,
 Qui locus a forti Diomede est conditus olim.
 Flentibus hinc Varius discedit mœstus amicis.
- 90 Inde Rubos fessi pervenimus, utpote longum
 Carpentem iter, et factum corruptius imbri.
 Postera tempestas melior ; via pejor ad usque
 Bari mœnia piscosi. Dehinc Gnatia, lymphis
 Iratis exstructa, dedit risusque jocosque,
- 95 Dum flamma sine tura liquescere limine sacro

72. *Arsit*. Hospitem arsisse dicit, pro domum hospitii. — *Turdos*. Aves notas, des graves. — *Versat*. Id est, ad ignem assat.

73. *Veterem*. Vetustate putridam et locam.

74. *Lambere*. Contingere.

76. *Rapere*. E flamma, ut cœnam servarent. — *Videres*. Videre licebat.

77. *Ex illo*, etc. Ex urbe Benevento, ex ejus agris, apparere incipiunt montes Apuliæ. — *Notos*. Quia Horatius erat Apulus.

78. *Atabulus*. Ventus Apuliæ infestus et damnosus.

79. *Erepsemus*, etc. Erepsissemus, superassemus quasi rependo, nisi substissemus Trivici, quod oppidum est in finibus Campaniæ, *Trevico*.

80. *Lacrimoso*. Quia fumus lacrimas exprimit.

82. *Quattuor*, etc. E Trivici villa celeriter vecti sumus rhedis, confectusque quatuor et viginti millia passuum.

83. *Oppidulo*. Vocabatur Equotutium. Erat in Hirpiniis : nunc urbicula est regni neapolitani, *Ariano*. — *Non est*. Non licet.

84. *Signis*, etc. Facile est illud oppidum signis, id est indicibus quibusdam dicere et indicare.

86. *Callidus*, etc. Adeo ut viatores, qui per Equotutium iter habent, soleant inde panes auferre, et imponere humeris.

87. *Canusi*. Canusium est oppidum Apuliæ, *Canosa*. — *Lapidosus*. Durus, male coctus, et stomacho gravis est panis Canusii. — *Aqua*, etc. Non est major aquæ copia Canusii, quam Equotutii, vel, non salubrior.

88. *Qui locus*. Canusium. — *Diomede*. Tydel filio, duce Græcorum fortissimo.

90. *Rubos*. Rubi, nunc Ruvo, urbs Canusio distans decem admodum leucis.

92. *Tempestas*. Dies, et cœli facies.

93. *Bari*. Pro Barii. Est Barium, urbs Apuliæ, ad mare, nunc Bari. — *Gnatia*. Dicta quoque Egnatia, civitas maritima inter Barium et Brundisium.

95. *Dum flamma*, etc. Ordo est : dum cupit nobis persuadere tura, in sacro limine, id est, in templi aditu posita, liquescere sua sponte, et flammam concipere sine igne, nullo igne admoto.

Persuadere cupit. Credat Judæus Apella,
 Non ego : namque deos didici securum agere ævum;
 Nec, si quid miri faciat natura, deos id
 Tristes ex alto cœli demittere tecto.

100 Brundisium longæ finis chartæque viæque.

96. *Apella*. Nomen cujusdam Judæi, Romæ tunc noti.

97. *Didici*. Epicuro docente. — *Securum*. Sine cura rerum humanarum.

99. *Tristes*. Sollicitos, aut iratos hominibus.

100. *Brundisium*. Urbs ampla Calabria, et maritima, in extrema Italia, qua spectat Græciam et orientem; nunc *Brindes*.

SATIRA VI.

Vera nobilitas, non in generis splendore, sed in virtute posita.

Non, quia, Mæcenas, Lydorum quidquid etruscos
 Incoluit fines, nemo generosior est te;
 Nec, quod avus tibi maternus fuit atque paternus,
 Olim qui magnis legionibus imperitarint;

5 Ut plerique solent, naso suspendis adunco

Ignotos, ut me, libertino patre natum.

Quum referre negas, quali sit quisque parente
 Natus, dum ingenuus; persuades hoc tibi vere,
 Ante potestatem Tulli, atque ignobile regnum,

10 Multos sæpe viros nullis majoribus ortos,
 Et vixisse probos, amplis et honoribus auctos :
 Contra, Lævinum, Valeri genus, unde Superbus
 Tarquinius regno pulsus fuit, unius assis

1. *Non quia*. O Mæcenas, non ideo suspendis naso adunco, id est, irrides et contemnis ignotos, hoc est, ignobiles, quia Lydorum quicumque Etruriam incoluerunt, nemo te generosior, id est, nobilior est. — *Lydorum*. Lydi, Asiæ minoris natio, venerunt in Italiam, duce Tyrrheno, Herculis vel filio, vel nepote; ubi varias urbes aut incoluerunt, aut condiderunt. — *Etruscos*. Etruria, sive Tuscia, pars Italiæ.

4. *Legionibus*. Exercitibus. Legio proprie erat pars exercitus romani, milites complectens ad summum 6000, interdum pauciores.

5. *Naso suspendis*. Acutus et aduncus nasus fertur esse signum dicitur indolis.

6. *Libertino*. Libertinus est filius liberti. Libertus est servus donatus libertate.

7. *Quum referre*. Quia dicis nihil interesse, parvi esse momenti.

8. *Dum ingenuus*. Modo sit ingenuus. Est autem ingenuus interdum, qui patre libero, non servo natus est : in hoc loco, is qui honestis et probis moribus est. — *Persuades*. Habes hoc persuasum.

9. *Ignobile regnum*. Servius Tullius, ignobili et obscuro loco natus, ancillæ filius, Tarquini Prisci gener, rex Romanorum sextus fuit.

13. *Pulsus fuit*. A. L. Junio Bruto, et Tarquinio Collatino, pulsus quidem fuit Superbus; sed quum abrogata dignitas Collatino fuisset, suffectus est ei P. Valerius Publicola, qui, ne restitueretur Tarquinius Superbus, in primis laboravit.

- Non unquam pretio pluris licuisse, notante
 15 **Judice**, quo nosti, populo; qui stultus honores
 Sæpe dat indignis, et famæ servit ineptus;
 Qui stupet in titulis, et imaginibus. Quid oportet
 Nos facere, a vulgo longe lateque remotos?
 Namque esto; populus Lævino mallet honorem,
 20 **Quam Decio** mandare novo; censorque moveret
 Appius, ingenuo si non essem patre natus;
 Vel merito, quoniam in propria non pelle quiessem.
 Sed fulgente trahit constrictos gloria curru
 Non minus ignotos generosis. Quo tibi, Tilli,
 25 **Sumere depositum clavum**, fierique tribuno?
 Invidia accrevit, privato quæ minor esset.
 Nam ut quisque insanus nigris medium impediit crus
 Pellibus, et latum demisit pectore clavum,
 Audit continuo: « Quis homo hic est? quo patre natus? »
 30 **Ut si qui ægrotet**, quo morbo Barrus, haberi
 Et cupiat formosus, eat quacumque, puellis
 Injiciat curam quærendi singula, quali
 Sit facie, sura, quali pede, dente, capillo.

14. *Licuisse*. Proprie licere merx aliqua dicitur, quæ venditur in auctione, et pluris licitanti addicitur; hic sonat, valuisse. — *Notante*. Notare hic est, ignominie notam et labem laurere.

15. *Quo nosti*. Græce pro, quem nosti, qualis iudex sit.

16. *Famæ servit*. Majorum illustrium potius quam virtutis rationem habet.

17. *Qui stupet*. Qui veteris familie alienius titulos, et imagines cereas, quas nobiles in atrio collocatas habebant, miratur. — *Quid oportet, etc.* Si populus de Lævino tam sapienter iudicavit, nonne magis nos id facere decet, ac solam nobilitatem in virtute ponere?

18. *A vulgo*. A vulgi erroribus.

20. *Decio*. P. Decius Mus, consul factus, bello latino, circa annum U. C. 314, cum T. Manlio Posthumo, multa præclare gessit. — *Novo*. Novos homines, appellabant Romani eos, quorum majores honoribus ornati non fuerant. — *Censorque*. Si me, v. g. senatoribus adscriptum, Appius censor loco moveret, id est senatu expelleret.

21. *Appius*. P. Appius Claudius censor insigni severitate fuit: erat autem censorum munus civitatis mores emendare, etc.

22. *Vel merito, etc.* Nec immerito, quia in mea conditione manere debuissem. — *Pelle*. Ducitur metaphora ab

asino æsopico; qui, quum leonis pellem induisset, detectus, et irrisus est.

23. *Trahit*. Quasi captivos ad currum triumphalem alligatos.

24. *Non minus, etc.* Ignobiles perinde ac nobiles. — *Quo tibi, etc.* Quid tibi profuit? — *Tilli*. Vetus interpres ait Tillum quemdam a Cæsare, quod Pompeio faveret, senatu motum esse: occiso vero Cæsare, dignitati pristinae restitutum, et tribunum militum factum esse.

25. *Sumere*. Recipere dignitatem senatoriam depositam, tibi ab Cæsare olim abrogatam. — *Tribuno*. Alii erant tribuni plebis, qui magistratus urbani erant, rationibus populi consulentes; alii tribuni militum, qui jus militi dicebant.

26. *Privato*. Qua minus laborares, si privatus fores.

27. *Insanus*. Stulte ambitiosus. — *Nigris*, etc. Calcei senatorum ex aluta nigra, seu pelle hœdina, confecti erant, et ad medium usque crus loris revinciebantur.

29. *Audit*. Percontantes quoslibet e populo.

30. *Ut si qui, etc.* Quemadmodum, si quis ægrotet eodem morbo quo Barrus ægrotat, eo nempe, ut formosus et elegans haberi velit.

33. *Sura*. Pars posterior cruris est; anterior tibia dicitur.

- Sic qui promittit, cives, urbem sibi curæ,
 35 Imperium fore, et Raliā, et delubra deorum;
 Quo patre sit natus, num ignota matre inhonestus,
 Omnes mortales curare et quærere cogit.
 — Tunc Syri, Damæ, aut Dionysi filius, audes
 Dejicere e saxo cives, aut tradere Cadmo?
 40 — At Novius collega gradu post me sedet uno:
 Namque est ille, pater quod erat meus. — Hoc tibi Paulus
 Et Messala videris? At hic, si plaustra ducenta,
 Concurrantque foro tria funera, magna sonabit,
 Cornua quod vincatque tubas: saltem tenet hoc nos.
 45 Nunc ad me redeo, libertino patre natum,
 Quem rodunt omnes libertino patre natum,
 Nunc, quia, Mæcenas, tibi sum convictor; at olim,
 Quod mihi pareret legio romana tribuno.
 Dissimile hoc illi est: quia non, ut forsit honorem,
 50 Jure mihi invidet quivis, ita te quoque amicum,
 Præsertim cautum dignos assumere, prava
 Ambitione procul. Felicem dicere non hoc
 Me possum casu, quod te sortitus amicum:
 Nulla etenim mihi te fors obtulit. Optimus olim
 55 Virgilius, post hunc Varius, dixere quid essem.
 Ut veni coram, singultim pauca locutus
 (Infans namque pudor prohibebat plura profari),
 Non ego me claro natum patre, non ego circum

38. *Tunc, etc.* Voces populi sunt, indignantis hominem aliquem, obscuro loco natum, ad consulatum et honores evehi. — *Syri, etc.* Syrus, Dama, etc., nomina sunt, vel ficta, vel vera, hominum ignobilium: vulgo solebant servi his nominibus appellari.

39. *E saxo.* Tarpeio, seu Capitolino. — *Cadmo.* Nomen est carnificis, ea tempestate noti.

40. *At Novius, etc.* Respondet ille ignobilis, Syri, aut Damæ filius, se quidem esse ignobilem, at Novium tamen, collegam suum, se esse ignobiliorum uno gradu; quia nimirum libertus est, quam ipse sit libertinus.

41. *Quod erat.* Nimirum libertus, id est, servus manumissus. — *Hoc tibi, etc.* Respondet Horatius, vel quilibet alius e populo. Ideo, ob hoc tibi videris esse alter Paulus Æmilii aut Valerius Messala qui de republica optime meriti sunt?

42. *At hic, etc.* Saltem iste Novius valet voce, quæ possit superare murmur editum a ducentis, id est, multis plaustris, et tibilis tubisque trium funerum.

43. *Concurrant.* Conveniant, simul confluant variis e locis. — *Funera.* Ea per forum deducta, ubi frequenter populus erat, solebant. — *Magna sonabit.* Alte clamabit. — *Sonabit, quod vincat.* Vocem emittet, quæ vincat, etc.

44. *Tubas.* Illæ in funeribus adhibita, cum tibilis, cantu, etc. — *Tenet, etc.* Delectat, capit.

46. *Rodunt.* Carpunt, accusant.

47. *At olim.* Scilicet rodebant.

49. *Dissimile, etc.* Hoc, videlicet fuisse tribunum militarem, non est idem atque illud, scilicet tibi nunc esse familiarem et amicum. — *Forsit.* Forsitan.

52. *Ambitione.* Ambitu, favore. — *Felicem, etc.* Quia felicitas fortunæ affectus est, non iudicii, et meriti argumentum.

54. *Optimus, etc.* Virgilius, Varius olim tibi renunciarunt qualis essem, nempe, poeta non malus, etc.

56. *Ut veni coram.* Ubi tuum in conspectum prodii. — *Singultim.* Amputata, et parum coherencia.

57. *Infans.* Qui fari prohibet, qui mutos reddit.

- Me satureiano vectari rura capallo;
 60 Sed, quod eram, narro : respondes, ut tuus est mos,
 Pauca : abeo; et revocas nono post mense, jubesque
 Esse in amicorum numero. Magnum hoc ego duco,
 Quod placui tibi, qui turpi secernis honestum,
 Non patre præclaro, sed vita, et pectore puro.
 65 Atqui si vitiis mediocribus ac mea paucis
 Mendosa est natura, alioqui recta (velut si
 Egregio inspersos reprendas corpore nævos);
 Si neque avaritiam, neque sordes, aut mala lustra
 Objiciet vere quisquam mihi; purus et insons,
 70 (Ut me collaudem), si vivo carus amicis,
 Causa fuit pater his; qui macro pauper agello,
 Noluit in Flavi ludum me mittere; magni
 Quo pueri, magnis e centurionibus orti,
 Lævo suspensi loculos tabulamque lacerto,
 75 Ibant octonis referentes idibus æra;
 Sed puerum est ausus Romam portare, docendum
 Artes, quas doceat quivis eques atque senator
 Semet prognatos : vestem servosque sequentes
 In magno ut populo si quis vidisset, avita
 80 Ex re præberi sumptus mihi crederet illos.
 Ipse mihi custos incorruptissimus omnes
 Circum doctores aderat. Quid multa? pudicum
 (Qui primus virtutis honos) servavit ab omni
 Non solum facto, verum opprobrio quoque turpi :
 85 Nec timuit, sibi ne vitio quis verteret, olim

59. *Satureiano*. Satureiana pascua erant in Apuliæ et Calabriæ finibus, ad urbem Satureum : ibi equi generosi alebantur.

64. *Non patre, etc.* Qui tibi placui, non ob meum patrem nobilem, etc.

65. *Atqui, etc.* Meus tamen ille pater, quamvis tantum libertinus, præclare me educavit, etc.

67. *Nævus*. Maculas.

68. *Sordes*. Vitam et mores incultos, agrestes, vel sordidam tenacitatem. — *Lustra*. Loca latebrosa.

70. *Ut me collaudem*. Liceat hæc meam in laudem pauca dicere.

71. *His*. Istis virtutibus et moribus meis.

72. *Ludum*. Scholam. Docebat iste Flavius Vennili artem numerandi, legendi, et scribendi, etc. — *Magni*. Nobiles.

73. *Centurionibus*. Centuriones centum peditibus præerant in exercitu. Sexaginta erant in singulis legionibus.

74. *Lævo*, etc. Ferentes loculos, et

tabulam, sinistro brachio suspensam. — *Loculos*. Crumenam, ubi calculi ad numerandum. — *Tabulam*. In qua calculos ponerent.

75. *Octonis, etc.* Afferentes æra, id est parvum stipendium, quod idibus ejusque mensis ludimagistro solvere debebant. — *Octonis, etc.* Quorum octo sunt dies.

76. *Puerum*. Me videlicet adhuc puerum. — *Portare*. Deducere.

77. *Doceat*. Docendas curet.

78. *Semet prognatos*. Ex se genitos, suos liberos.

79. *Ut*. Adeo ut. — *In magno populo*. In frequenti civitate. — *Avita ex re, etc.* Avilis fortunis.

81. *Ipsæ*. Pater meus.

82. *Circum, etc.* Mihi, operam danti magistris, aderat præsens.

84. *Opprobrio, etc.* Turpi fama. Providit ut ne facerem, ut ne audirem male.

85. *Nec timuit, etc.* Non ideo me tam laute pater educavit, quod timeret me

- Si præco parvas, aut, ut fuit ipse, coactor,
Mercedes sequerer; neque ego essem questus : ob hoc
Laus illi debetur, et a me gratia major. [nunc
Nil me pœniteat sanum patris hujus; eoque
90 Non, ut magna dolo factum negat esse suo pars,
Quod non ingenuos habeat clarosque parentes,
Sic me defendam. Longe mea discrepat istis
Et vox, et ratio. Nam, si natura juberet
A certis annis ævum remeare peractum;
95 Atque alios legere ad fastum quoscumque parentes
Optaret sibi quisque; meis contentus, honestos
Fascibus et sellis nolim mihi sumere : demens
Judicio vulgi, sanus fortasse tuo, quod
Nollem onus, haud unquam solitus, portare molestum.
100 Nam mihi continuo major quærenda foret res,
Atque salutandi plures : ducendus et unus,
Et comes alter, uti ne solus rusve peregreve
Exirem; plures calones atque caballi
Pascendi; ducenda petorrita. Nunc mihi curto
105 Ire licet mulo, vel, si libet, usque Tarentum;
Mantica cui lumbos onere ulceret, atque eques armos.
Objiciet nemo sordes mihi, quas tibi, Tilli,

essem, ut ipse erat, præco, vel coactor, quod me vellet aliud insignis vitæ genus et institutum sequi; sed id spectabat unum, ut essem aliquando vir probus. — *Olim*. Aliquando.

86. *Præco*. Is erat, qui in auctione res vendendas appellabat, qui leges ferendas, aut edicta, in concione recitabat etc. — *Coactor*. Erat publicanorum administrator, qui pecunias, publice pendi solitas, colligebat.

87. *Mercedes sequerer*. Parva mercede operam meam locarem; pretia et pecunias exigere. — *Ob hoc*. Quod me tam sancte instituerit.

89. *Nil me pœniteat, etc.* Si sapiam, nihil est quod doleam talem mihi patrem obvenisse. — *Eoques*. Et ideo.

90. *Non ut, etc.* Ordo est: non sio me excusabo ac defendam, ut magna pars hominum, qui affirmant sine suo dolo, id est, culpa et vitio, factum esse, quod non ingenuos parentes et nobiles habeant.

93. *Ratio*. Judicium, sententia.

94. *Ævum remeare, etc.* Renasci; redire ad eam ætatem, in qua judicium habemus, et eligere possumus.

95. *Atque alios, etc.* Ac si juberet natura eligere parentes alios atque il-

los quos quisque nactus est: quicumque tandem illi essent, quos sibi quisque optaret ac legeret, ego meos non mutarem. — *Ad fastum*. Ambitionis causa: tam nobiles et claros, quam cujusque fastus et ambitio ferret.

96. *Honestos fascibus*. Consulari, vel prætorii dignitate præditos.

97. *Sellis*. Majoribus magistratibus licebat eburneam sellam in curru gestare, in eaque, quum senatus habebatur, consistere.

100. *Res*. Opes, supellex, apparatus.

102. *Rus*. Suburbanam in villam. — *Peregre*. Procul iter longinquum suscepturus.

103. *Calones*. Villiores servi.

104. *Petorrita*. Quædam vehicula, Gallis usitata. — *Curto*. Qui caudam habet decurtatam, vel, parvo.

105. *Tarentum*. Urbs est in extrema Italia, *Tarente*, qua Siciliam respicit; ad sinum cognominem.

106. *Mantica*. Vidulus, pera, quæ equo imponitur: *une valise*. — *Lumbos*. Tergum, humeros. — *Armos*. Costas, latus.

107. *Sordes*. Avaritiam, mores, et sumptum non parem dignitati, ut Tillio objicitur. — *Tilli*. De quo egit, initio satiræ.

- Quum tiburte via prætorem quinque sequuntur
Te pueri, lasanum portantes, œnophorumque.
- 110 Hoc ego commodius quam tu, præclare senator,
Millibus atque aliis vivo. Quacumque libido est,
Incedo solus; percontor, quanti olus, ac far:
Fallacem circum vespertinumque pererro
Sæpe forum: assisto divinis: inde domum me
- 115 Ad porri et ciceris refero, laganique catinum.
Cœna ministratur pueris tribus; et lapis albus
Pocula cum cyatho duo sustinet: adstat echinus
Vilis, cum patera guttus, campana supellex.
Deinde eo dormitum, non sollicitus, mihi quod cras
- 120 Surgendum sit mane, obeundus Marsya, qui se
Vultum ferre negat Noviorum posse minoris.
Ad quartam jaceo; post hanc vagor, aut ego lecto,
Aut scripto, quod me tacitum juvet; ungor olivo,
Non quo fraudatis immundus Natta lucernis.
- 125 Ast, ubi me fessum sol acrior ire lavatum
Admonuit, fugio rabiosi tempora signi.
Pransus non avide, quantum interpellat inani
Ventre diem durare, domesticus otior. Hæc est
Vita solutorum misera ambitione gravique.
- 130 His me consolor, victurus suavius ac si
Quæstor avus, pater atque meus patruusque fuisset

108. *Tiburte*. Quæ Tibur ducit.

109. *Pueri*. Servi. — *œnophorum*. Vas vinarium.

110. *Hoc*. Ideo; ea re.

111. *Quacumque libido*. Quocumque libet.

112. *Quanti*. Subaudi vendatur.

113. *Vespertinumque*, etc. Id est, vesperi spatior in foro, seu platea.

114. *Assisto*, etc. Divinos seu harolos audio, stans cum plebecula.

115. *Porri*, etc. Porrum, cicer, legumina sunt. — *Lagani*. Laganum, oleris vel placentæ genus est.

116. *Pueris*. A servulis tribus. — *Lapis albus*. Nuda e saxo, seu marmore, mensula, quæ abaci vicem gerat.

117. *Pocula duo*. Alterum vini, aquæ alterum. *Cyathus*, vero, erat vasculum exiguum, quo ex his poculis, quantum placeret, hauriretur. — *Echinus vilis*, etc. Vas quoddam rotundum instar echini, ad manus abluendas, aut cyathos. *Patera* utebantur, ut libarent diis in mensa.

118. *Guttus*. Vasculum, unde guttatim acetum, oleumve, defunditur. — *Campana*. Fictilis, ita dicta ob argillæ co-

plam, et bonitatem, in Campania Italica.

120. *Marsya*. Forum, in quo erat statua Marsyæ, ad quam convenire solebant cauidicii.

122. *Ad quartam*. Usque ad horam ab sole orto quartam. — *Lecto, scripto*. Lectito, scriptito: formæ sunt frequentativæ verborum *scribo*, *lego*.

123. *Juvet*. Delectet, deceat. — *Ungor*, etc. Ad vires firmandas et valetudinem, sæpe ungebantur oleo Romani.

124. *Non quo*, etc. Non villi oleo, quale est illud, quod Natta adhibet, e lucernis suis subductum.

125. *Sol acrior*. Meridianus.

126. *Fugio*. Estum Caniculæ fugio et balneis tempero.

127. *Pransus*, etc. ubi prandi moderate et parce, quantum sufficit. — *Interpellet*. Interrumpat inediam diæ inlegre.

128. *Domesticus otior*. Intra domum meam contineor otiosus.

129. *Solutorum*. Eorum qui liberi sunt.

130. *His me*, etc. Ita me de mea ignobilitate consolor.

131. *Quæstor*. Qui æraril curam habet.

SATIRA VII.

Describit rixam Rupili, cognomento Regis, cum Græculo quodam, cui nomen Persius.

Proscripti Regis Rupili pus atque venenum
Hybrida quo pacto sit Persius ultus, opinor
Omnibus et lippis notum, et tonsoribus esse.
Persius hic permagna negotia dives habebat

- 5 Clazomenis, etiam lites cum Rege molestas;
Durus homo, atque odio qui posset vincere Regem,
Confidens tumidusque, adeo sermonis amari,
Sisennas, Barros ut equis præcurreret albis.
Ad Regem redeo. Postquam nihil inter utrumque
10 Convenit (hoc etenim sunt omnes jure molesti,
Quo fortes, quibus adversum bellum incidit: inter
Hectora Priamiden, animosumque inter Achillem
Ira fuit capitalis, ut ultima divideret mors:
Non aliam ob causam, nisi quod virtus in utroque
15 Summa fuit. Duo si discordia vexet inertes,
Aut si disparibus bellum incidat, ut Diomedem
Cum Lycio Glaucio; discedet pigrior, ultro
Muneribus missis), Bruto prætore tenente
Ditem Asiam, Rupili et Persi par pugnat; uti non

1. *Proscripti*. Ab Augusto, quum olim triumvir esset, inter proscriptos relati. — *Pus atque venenum*. Convicia veneni et fellis plena, pestiferam maledicentiam.

2. *Hybrida*. Patre asiatico, et romana matre natus. — *Quo pacto, etc.* Ordo est: opinor notum esse omnibus lippis, et tonsoribus, quo pacto Persius hybrida sit ultus maledicentiam Rupili.

3. *Lippis*. Lippi sunt admodum curiosi: quanto minus oculis, tanto plus auribus utuntur; apud tonsores autem convenire homines otiosi et gerrones solent.

4. *Negotia*. Res tractandas, de quæstui qui reddit ex fœnore.

5. *Clazomenis*. Clazomenæ, urbs erat Asiæ minoris, ampla et dives, in ea parte, quæ Ionia asiatica dicebatur. — *Cum Rege*. Cum Rupilio, qui rex cognominabatur.

6. *Odio*. Sermone acerbitate, dicitate importuna, audacia.

7. *Confidens*. Audax. — *Tumidus*. Superbus.

8. *Sisennas, etc.* Homines famosos dicitate, conviciis, linguæ petulantia. — *Ut equis præcurreret albis*. Proverbiali locutione pro, superaret maledicentia. Equi albi habebantur celerissimi in ludis.

9. *Postquam, etc.* Quum lites suas componere non possent, et inter se convenire Persius et Rupilius, ad Brutum prætorem, qui tum Asiam obtinebat, venerunt, litem eo iudice suam discipiaturi.

17. *Glaucio*. Glaucus, regis Lyciæ filius, quum Trojani auxilio venisset, commisso prælio, in Diomedem incidit, virum fortissimum, Græcorum ducem; Glaucus, viribus impar, statim de pace egit, ac Diomedem arma sua aurea, sumptis illius æreis, dono dedit.

18. *Prætor*. Prætor, magistratus erat juri dicendo præpositus.

19. *Uti non, etc.* Adeo ut Blithus et Bacchius, famosi duo gladiatores, non sint mellus compositi et commisi, magis pares.

- 20 Compositus melius cum Bitho Bacchius. In jus Acres procurrunt, magnum spectaculum uterque. Persium exponit causam; ridetur ab omni Conventu; laudat Brutum, laudatque cohortem: Solem Asiæ Brutum appellat, stellasque salubres
- 25 Appellat comites, excepto Rege: canem illum, Invisum agricolis sidus, venisse. Ruebat, Flumen ut hibernum, fertur quo rara securis. Tum Prænестinus salso multumque fluenti Expressa arbusto regerit convicia, durus
- 30 Vindemiator et invictus, cui sæpe viator Cessisset, magna compellans voce cucullum. At Græcus, postquam est italo perfusus aceto, Persius exclamat: « Per magnos, Brute, deos te Oro, qui reges consueris tollere, cur non [est.]
- 35 Hunc Regem jugulas? operum hoc, mihi crede, tuorum

21. *Procurrens.* Tanquam gladiatores in arenam.

25. *Excepto Rege.* Qui proscriptus ab Octavio, se Bruto adjunxerat, et inter ejus comites ac milites versabatur. — *Canem illum.* Subaudi clamat; dicit illum Rupilius venisse, cani cœlesti, Caniculæ et Syrio, astro exitiali, et agricolis invisio, similem, ut omnia perderet.

26. *Ruebat, etc.* Tanta celeritate perorabat, tam incondito impetu ferebatur, ut flumini esset hiberno, id est, hibernis aucto imbribus alicui torrenti similis.

28. *Prænестinus.* Rupilius Præneste (quæ urbs Italici est, nunc *Palestrina*) natus. — *Salso, etc.* Rupilius regerit, id est, reponit, reddit Persio convicia, eaque salissima, et expressa arbusto, id est vile quam arboribus maritabant,

Id est convicia qualla e vinis suis viatores conjicere solent in viatores.

29. *Durus, etc.* Similis vindemiatori molesto et pertinaci, quia viatores conviciis appetitos, et alia regerentes, silere tamen victos, et abire cogit.

31. *Cucullum.* Ignavum: quia avis dicta cucullus (*coucou*) ovīs suis non incubat.

32. *At Græcus, etc.* Persius.

34. *Qui reges, etc.* Junius Brutus, Tarquinio, rege Romanorum septimo, exacto, consul primus factus. Ab eo ducebat originem iste Brutus, qui Cæsarem, regnum affectantem, in senatu peremerat.

35. *Hunc Regem.* Rupiliam, cognomento Regem. — *Operum, etc.* Hoc facinus ad te quoque pertinet: unum est ex operibus tuis.

SATIRA VIII.

Priapum inducit Canidius et Saganus veneficia describentem ac detestantem.

Olim truncus eram ficulnus, inutile lignum,
Quum faber, incertus scamnum faceretne Priapum,
Maluit esse deum. Deus inde ego, furum aviumque

1. *Ficulnus.* Stipes ex ficu arbore. — *Inutile lignum.* Lignum nullam ad rem utile ob fragilitatem

2. *Priapum.* Priapus, hortorum deus erat, ejusque statua in hortis vulgo pe-

nebatur e rudī facta ligno, falcem tenens manu, et arundinem in capite summo gestans, qua fures avesque proterreret.

3. *Maluit, etc.* Salse ridet inanes

- Maxima formido : nam fures dextra coerces ;
5 Ast importunas volucres in vertice arundo
 Terret fixa, vetatque novis considerare in hortis.
 Huc prius angustis ejecta cadavera cellis
 Conservus vili portanda locabat in arca :
 Hoc miseræ plebi stabat commune sepulcrum,
10 Pantolabo scurræ Nomentanoque nepoti.
 Mille pedes in fronte , trecentos cippus in agrum
 Hic dabat, heredes monumentum ne sequeretur.
 Nunc licet Esquiliiis habitare salubribus, atque
 Aggere in aprico spatium, quo modo tristes
15 Albis informem spectabant ossibus agrum ;
 Quum mihi non tantum furesque, feræque suetæ
 Hunc vexare locum, curæ sunt atque labori,
 Quantum, carminibus quæ versant atque venenis
 Humanos animos. Has nullo perdere possum,
20 Nec prohibere modo, simul ac vaga luna decorum
 Protulit os, quin ossa legant, herbasque nocentes.
 Vidi egomet nigra succinctam vadere palla
 Canidiam, pedibus nudis, passoque capillo,
 Cum Sagana majore ululantem : pallor utrasque
25 Fecerat horrendas adspectu. Scalpere terram
 Unguibus, et pullam divellere mordicus agnam

deos, eorumque simulacra : quo spectare tota hæc satira videtur. — *Deus.* Subaudi exstiti, sum.

4. Coerces. Falcem ligneam habebat in manibus.

5. Arundo. Ramus aliquis aut perlica longior.

6. Terret. Abigit, absterret. — *Novis.* Nuper Mæcenata facilis.

7. Huc prius, etc. In hunc, ubi jam sum, hortum olim afferebantur servorum cadavera. Pauperum corpora sepelebantur; divitum, cremabantur.

8. Locabat. Vespilionibus portanda, certo pretio dabat.

11. Mille pedes, etc. Sensus est : Cippus, id est lapis erectus cum inscriptione dabat, concedebat plebeculæ spatium agri mille pedes in fronte, id est, juxta viam, in latitudinem, et trecentos pedes in agrum, id est in longitudinem. — *Heredes monumentum, etc.* Ea adjecta conditione, ne hoc sacratum monumentum ad heredes perveniret, sive ne quid juris in hoc monumentum heredes haberent.

13. Nunc, etc. Erat ea pars montis Esquilini, in qua horti et domus Mæcenatis.

14. Quo. In quo aggere, seu monte.
Horace.

Agger est proprie, un rempart, une terrasse. — *Modo.* Paulo ante, non ita pridem.

15. Informem. Deformem. — *Spectabant.* Cives. — *Ossibus.* Vel servorum, qui ibi olim tumulati fuerant; vel reorum, qui eodem in loco supplicio olim fuerant affecti.

16. Quum mihi. Nunc mihi non tantum negotii facessunt fures ac feræ; quantum præbent veneficæ, quæ suis incantationibus homines vexant ac torquent.

19. Has. Veneficas.

20. Vaga luna. *Vagam* appellat, quia, dum cursum suum peragit, vagari et errare dicitur. Luna autem incantationibus præesse putabatur.

21. Legant. Colligant.

22. Palla. Veste longiori.

23. Passoque capillo. Soluta, diffuso.

24. Majore. Forte, quia senior, vel quia major erat duarum sororum ejusdem nominis.

25. Scalpere terram. Scilicet ut scrobem vel fossam facerent.

26. Pullam. Nigram. Dis inferis nigrae victimæ immolabantur.

- Cæperunt : cruor in fossam confusus, ut inde Manes elicerent, animas responsa daturas. Lanea et effigies erat, altera cerea : major
- 30 Lanea, quæ pœnis compesceret inferiorem ; Cerea suppliciter stabat servilibus, utque Jam peritura, modis. Hecaten vocat altera, sævam Altera Tisiphonen. Serpentes, atque videres Infernas errare canes, lunamque rubentem,
- 35 Ne foret his testis, post magna latere sepulcra. Singula quid memorem? quo pacto alterna loquentes Umbræ cum Sagana resonarent triste et acutum? Utque lupi barbam, variæ cum dente colubræ Abdiderint furtim terris; et imagine cerea,
- 40 Largior arserit ignis; et ut, non testis inultus, Horruerim voces Furiarum et facta duarum? Nam, displosa sonat quantum vesica, pepedi Diffissa nate ficus; at illæ currere in urbem: Canidiæ dentes, altum Saganæ caliendrum
- 45 Excidere, atque herbas, atque incantata lacertis Vincula, cum magno risuque jocoque videres.

27. *Confusus*. Temere injectus et raptim, cum humo ipsa mixtus.

28. *Manes*, etc. Animas mortuorum evocarent; quæ interrogantibus veneficis responderent de futuro rerum eventa.

30. *Pœnis compesceret*. Puniret, ulcisceretur, torqueret ceream imaginem, v. g. quum urunt ejusmodi imaginem, uritur homo, etc.

31. *Suppliciter*. Supplicii in morem.

32. *Hecaten*. Proserpinam. — *Alter*. Canidia.

33. *Alter*. Sagana. — *Tisiphonen*. Unam e Furis, sic appellatam, quod cædes ulciscatur. — *Serpentes*, etc. Quia Tisiphonen serpentes, Hecaten vero canes comitari dicuntur.

34. *Errare canes*. In horto evocatas ex inferis. — *Rubentem*. Lucentem. *Rubere* passim de lunæ splendore dicitur.

36. *Alterna loquentes*, etc. Interrogabat scilicet Sagana, et animæ respondabant. — *Umbræ*. Manes carminibus acciti.

37. *Triste et acutum*. Cum voce lugubri et acuta

38. *Variæ*. Maculosæ : cujus pellis varis coloribus distincta.

39. *Et imagine*, etc. Et in cerea imagine magnus ignis arserit; ut imago cerea igne subito absumpta fuerit. — *Cerea*. Duarum hic syllabarum est.

41. *Furiarum*. Canidiæ et Saganæ.

42. *Displosa*. Discussa et rupta.

43. *Ficus*. Ego e sic factus. — *Currere*. Subaudi cæperunt.

44. *Dentes*. Emptos et appositos, quibus vetulæ uti solent, ut reparent amissos. — *Caliendrum*. Comas adscititias, et alienas. *Altum* vocat, quia romanæ mulieres comas solebant post verticem rejicere, et in modum turriculæ, seu racemi desinentis in acumes, componere.

45. *Incantata*. Quibus utebantur ad suas incantationes, magicis carminibus infecta et devota. — *Lacertis*, etc. Ex earum brachiis cadere videres.

46. *Vincula*. Fila et funes, quibus imagines suas vinciebant.

SATIRA IX.

Garruli cujusdam improbam loquacitatem facete describit; et quam ægre se ab illo expedierit, narrat.

- Ibam forte via Sacra, sicut meus est mos,
 Nescio quid meditans nugarum, totus in illis.
 Occurrit quidam, notus mihi nomine tantum,
 Arreptaque manu: « Quid agis, dulcissime rerum?—
 5 Suaviter, ut nunc est, inquam, et cupio omnia quæ vis. »
 Quum assectaretur: « Num quid vis? » occupo. At ille:
 « Noris nos, inquit; docti sumus. » Hic ego: « Pluris
 Hoc, inquam, mihi eris. » Misere discedere quærens,
 Ire modo ocius, interdum consistere, in aurem
 10 Dicere nescio quid puero: quum sudor ad imos
 Manaret talos. « O te, Bolane, cerebri
 Felicem! » aiebam tacitus. Quum quidlibet ille
 Garriret, vicos, urbem laudaret; ut illi
 Nil respondebam: « Misere cupis, inquit, abire,
 15 Jamdudum video: sed nil agis; usque tenebo,
 Persequar. Hinc quo nunc iter est tibi?—Nil opus est te
 Circumagi; quemdam volo visere, non tibi notum:
 Trans Tiberim longe cubat is, prope Cæsaris hortos.—
 Nil habeo quod agam, et non sum piger; usque sequar
 20 Demitto auriculas, ut iniquæ mentis asellus, [te. »

1. *Via sacra.* Per quam ibatur in forum romanum, atque inde ad hortos Cæsaris. *Sacra* dicebatur, quia per eam ibatur in Jovis Capitolini templum. — *Sicut, etc.* Ut soleo; versus facilius: has enim suas poetæ nugas vocant.

2. *Totus, etc.* Animo toto et cogitatione defusus in illis nugis.

3. *Quid agis?* Qui vales? — *Dulcissime rerum?* Carissime; iste genitivus *rerum*, hic abundat.

4. *Suaviter.* Subaudi ago, vivo, valeo. — *Ut nunc est.* Ut quidem nunc se res habent: in præsentia. — *Cupio omnia quæ vis.* Bene tibi omnia, et ex voto evenire: formula salutandi.

5. *Occupo.* Prior illum sic alloquor.

6. *Noris, etc.* Id cupio, ut me noveras: homo sum doctus, et litterarum, ut tu, amans. — *Hic ego, etc.* Tum ego, hoc nomine, eam ob rem, pluris te faciam.

7. *Misere.* Anxie, vehementer.

8. *Ire.* Subaudi coepi.

9. *Puero.* Servo.

10. *O te, etc.* Næ tu felix es, Bolane, cujus cerebrum non obtundatur eorum loquacitate, ut meum. *Bolanus* erat civis romanus, ea tempestate notus ob insignem lenitatem et facilitatem. Illi autem intelligunt hunc Bolanum fuisse hominem cerebrosum et fervidioris ingenii.

11. *Ut illi, etc.* Quum illi nihil responderem.

12. *Misere.* Anxie.

13. *Nil agis.* Nihil proficis. — *Usque tenebo.* Semper: a tuo latere non discedam.

14. *Nil opus est te, etc.* Verba sunt Horatii: Noli, quæso, te vexare, me prosequendo, et huc illum frustra circumcursare mecum.

15. *Cæsaris hortos.* Erant illi citra Tiberim, in urbis regione decima quarta, a Julio Cæsare populo legati fuerant publice.

16. *Nil habeo, etc.* Respondet garrulus.

17. *Demitto auriculas.* Terminus lgi-

Quum gravius dorso subit onus. Incipit ille :

« Si bene me novi, non Viscum pluris amicum,
Non Varium facies; nam quis me scribere plures,
Aut citius possit versus? quis membra movere

- 25 Mollius? invideat quod et Hermogenes, ego canto. »
Interpellandi locus hic erat : « Est tibi mater,
Cognati, quois te salvo est opus? — Haud mihi quis;
Omnes composui. — Felices! nunc ego resto; [quam-
Confice; namque instat fatum mihi triste, sabella

- 30 Quod puero cecinit divina mota anus urna :
« Hunc neque dira venena, nec hosticus auferet ensis,
« Nec laterum dolor, aut tussis, nec tarda podagra;
« Garrulus hunc quando consumet cumque; loquaces,
« Si sapiat, vitet, simul atque adoleverit ætas. »

- 35 Ventum erat ad Vestæ, quarta jam parte diei
Præterita; et casu tunc respondere vadato
Debat; quod ni fecisset, perdere litem.
« Si me amas, inquit, paulum hic ades. — Inteream, si
Aut valeo stare, aut novi civilia jura;

- 40 Et propero quo scis. — Dubius sum quid faciam, inquit;
Tene relinquam, an rem? — Me, sodes. — Non faciam, »
Et præcedere cœpit. Ego, ut contendere durum est [ille,
Cum victore, sequor. « Mæcenas quomodo tecum? »
Hinc repetit. « Paucorum hominum, et mentis bene

- 45 — Nemo dexterius fortuna est usus. Haberes [sanæ;

tur hac denuntiatione garruli Horatius, et exanimatus est. — *Iniquæ, etc.* Qui sarcinam graviores mollissime conatur excutere.

22. *Viscum, etc.* Viscus et Varius, erant insignes poetæ, Horatii amici.

23. *Pluris facies.* Subaudi quam me.

24. *Movere.* Saltando.

25. *Invideat, etc.* Ordo est: tam belle cano, ut mihi jure invidere possit Hermogenes.

26. *Interpellandi, etc.* Ex his laudibus, quas arrogabat sibi garrulus, videbar, inquit Horatius, occasionem idoneam nactus esse illum interpellandi.

28. *Composui.* Sepeliri, proprie; amisi.

29. *Sabella anus.* Anus sortilega et divinandi perita. Apud Sabinos, gentem superstitiosam, vaticinandi ars exercebatur.

30. *Puero.* Mihi. — *Divina urna mota.* Postquam anus illa agitasset urnam fatidicam, in quam sortes conjecerat, quibus eductis divinaret futura, et prædiceret.

32. *Hunc.* Puerum, Horatium.

33. *Quandocumque.* Aliquando.

35. *Vestæ.* Subaudi templum: erat in foro romano. Od. 2, lib. 1. — *Quarta, etc.* Post horam a sole orto quarta.

36. *Casu.* Forte. — *Vadato.* Allicui, qui eum erat vadatus, id est, a quo admonitus fuerat, et coactus sistere se iudice, hora constituta.

38. *Si me amas.* Hæc vocula, *me*, non eliditur, et sit brevis, ob sequentem vocalem brevem. — *Ades.* Mecum in jus veni: ut meam tua saltem præsentia causam adjuves.

40. *Quo scis.* Ad hortos Cæsaris.

41. *Rem.* Litem meam. — *Sodes.* Oro te: vox rogantis quiddam, et blandientis, facta ex, *si*, et, *audes*. — *Ille.* Subaudi ait.

43. *Cum victore.* Cum pertinaci. — *Tecum.* Subaudi agit, vivit.

44. *Hinc repetit.* Ab hoc exordio sermonem intermissum repetit ac resumit. — *Paucorum hominum, etc.* Paucis familiarem se præbet; hoc Horatius dicit.

45. *Nemo, etc.* Voces garruli: nemo dexterius secunda fortuna usus est, scilicet quam Mæcenas qui plurimum apud

- Magnum adiutorem, posset qui ferre secundas,
 Hunc hominem velles si tradere; dispeream, ni
 Summosses omnes. — Non isto vivimus illic,
 Quo tu rere, modo; domus hac nec purior ulla est,
 50 Nec magis his aliena malis. Nil mi officit unquam,
 Ditiior hic, aut est quia doctior: est locus uni-
 Cuique suus. — Magnum narras, vix credibile. — Atque
 Sic habet. — Accendis quare cupiam magis illi
 Proximus esse. — Velis tantummodo; quæ tua virtus,
 55 Expugnabis; et est qui vinci possit, eoque
 Difficiles aditus primos habet. — Haud mihi deero:
 Muneribus servos corrumpam; non, hodie si
 Exclusus fuero, desistam; tempora quæram;
 Occurram in triviis, deducam: nil sine magno
 60 Vita labore dedit mortalibus. » Hæc dum agit, ecce
 Fuscus Aristius occurrit, mihi carus, et illum
 Qui pulchre nosset. Consistimus: « Unde venis? et
 Quo tendis? » rogat, et respondet. Vellere cœpi,
 Et prensare manu lentissima brachia, nutans,
 65 Distorquens oculos, ut me eriperet: male salsus
 Ridens dissimulare: meum jecur urere bilis.
 « Certe nescio quid secreto velle loqui te
 Aiebas mecum. — Memini bene; sed meliori

Augustum valebat. — *Haberes, etc.* Sententia est; si hunc hominem, id est, me (seipsum enim indicat), velles tradere; hoc est, Mæcenati offerre, haberes me magnum adiutorem, id est, juvarem te egregie.

46. *Adiutorem.* Adjutor proprie in tragœdiis dicebatur ille qui actores gestu, interdum voce, quasi præceptor et modulator, adjuvabat. — *Secundas.* Inter actores ille qui primas ferebat, id est, qui principem gerebat personam, ceteros in dicendo et agendo ita vincere consueverat, ut ceteri demissius loquerentur agerentque, quamvis illi gestu et voce plus possent; ut sic nimirum primi actoris laudi et existimationi consulerent, et ille princeps quam maxime excelleret.

48. *Illic.* Apud Mæcenatem.

50. *His malis.* Invidia, ambitione. — *Officit.* Nocet, incommodat.

52. *Magnum.* Rem miram dicis. — *Atque, etc.* Loquitur Horatius: ita res tamen se habet.

53. *Accendis quare, etc.* Facis ut magis cupiam illi esse familiaris.

54. *Velis, etc.* Eris vult compos, modo tantum velis.

55. *Eoque, etc.* Quia sentit Mæcenas se facile expugnari posse, non patitur facile homines ad se accedere, vix adire se sinat.

56. *Haud mihi deero.* Respondet garrulus; nihil, quod quidem in me situm erit, omittam, quo rem conficiam et sententia.

58. *Tempora.* Idoneas occasiones.

59. *Deducam.* Domum suam: assedat per urbem. Nobiliores a clientibus in forum deduci et reduci solebant.

61. *Illum.* Garrulum.

63. *Rogat.* Me Aristius. Grammaticus nobilis erat, Horatii amicus. — *Respondet.* Mihi eadem interroganti, ut salutando fit.

64. *Lentissima.* Quæ tractari se, pungi, velli, paterentur, quasi sensu carentia. — *Nutans.* Ego, nutu illi significans, ut me ab illo garrulo liberaret.

65. *Male salsus, etc.* Aristius, ut maligne me ludificaretur, ridere cœpit ac dissimulare, id est, ita se gerere, quasi non caperet quid vellem.

66. *Urere.* Subaudi cœpit.

68. *Aiebas.* O Aristi. — *Memini.* Inquit Aristius. — *Meliori.* Opportuniori.

- Tempore dicam : hodie tricesima sabbata : vin' tu
 70 *Curtis* Judæis oppedere? — Nulla mihi, inquam,
 Religio est. — At mi; sum paulo infirmior, unus
 Multorum : ignosces; alias loquar. » *Hunc* sine solem
 Tam nigrum surrexe mihi? Fugit improbus, ac me
 Sub cultro linquit. Casu venit obvius illi
 75 *Adversarius*; et : « Quo tu, turpissime? » magna
 Inclamat voce; et : « licet antestari? » Ego vero
 Oppono auriculam. Rapit in jus : clamor utrinque;
 Undique concursus : sic me servavit Apollo.

69. *Tricesima sabbata*. Alii intelligunt tricesimum lunaris mensis diem, ad præcepta quædam a Judæis celebratum. Alii autem volunt tricesimum illud sabbatum ipsum pascha esse, quod incidderet in medium aprilis : a septembri autem, unde suum annum Judæi ducebant, usque ad aprilis medium, numerantur triginta hebdomades.

70. *Curtis*. Circumcisio. — *Oppedere*. Contradicere; quia hac die apud Judæos negotia agere non licebat.

71. *Religio*. Mora, scrupulus. — *At mi*. At est mihi, inquit Aristus. — *Infirmior*. Religiosior, supersticiosior.

72. *Unus multorum*. Ut ceteri e vulgo. — *Loquar*. Tecum de hoc negotio. — *Hunc* sine, etc. Horatius loquitur : Siccine diem mihi tam nigram, tam infaustam, illuxisse?

73. *Surrexe*. Pro surrexisse. — *Fugit*. Aristus. — *Improbus*. Jocosus, sausus : per ludum et jocum.

74. *Sub cultro*. Ut victimam immolendam. — *Illi*. Garrulo.

75. *Adversarius*. Is qui litem illi intendebat. — *Quo tu*. Subaudi pergis?

76. *Licet antestari*? O Horati, possumne testem citare te et facere contra hunc, ut testis illum a me deprehensum et citatum esse?

77. *Oppono*. Præbeo, porrigo. Qui litem alicui intendebant solebant testium aures tenere, et ita dicere : Memento quod tu mihi in illa causa testis eris. — *In jus*. In locum ubi jus dicitur, ad prætoris tribunal.

78. *Apollo*. Is a periclitantibus invocari solebat. Adde quod Deus est poetarum præses.

SATIRA X.

Quod de Lucilio quarta superiori scripserat, in hac asserit et explicat.

- Nempe in composito dixi pede currere versus
 Lucili. Quis tam Lucili fautor inepte est,
 Ut non hoc fateatur? At idem, quod sale multo
 Urbem defricuit, charta laudatur eadem. [sic
 5 Nec tamen hoc tribuens, dederim quoque cetera; nam

1. *Nempe*, etc. Respondet his quos, reprehendendo Lucilium, offenderat. — *In composito*. Haud ad rhythum et numeros composito. — *Dixi*. Supra, sat. IV.

2. *At idem*, etc. At idem Lucilius eadem satira mea laudatur, quod urbis vitia probe insectatus sit. — *Sale multo*.

Salis acrimonia notat styli mordacitatem, et facetias.

3. *Nec tamen*, etc. Quamvis autem illum eo nomine laudandum putem, mirum quod satiricus, quod sausus sit; non tamen ceteras illi dotes concesserim, quas inesse optimis poetis oporteat.

- Et Laberi mimos, ut pulchra poemata, mirer.
 Ergo non satis est risu diducere rictum
 Auditoris; et est quædam tamen hic quoque virtus.
 Est brevitate opus, ut currat sententia, neu se
- 10 Impediat verbis lassas onerantibus aures.
 Et sermone opus est, modo tristi, sæpe jocosus,
 Defendente vicem modo rhetoris, atque poetæ,
 Interdum urbani parcentis viribus, atque
 Extenuantis eas consulto. Ridiculum acri
- 15 Fortius et melius magnas plerumque secat res.
 Illi, scripta quibus comœdia prisca viris est,
 Hoc stabant, hoc sunt imitandi: quos neque pulcher
 Hermogenes unquam legit, neque simius iste,
 Nil præter Calvum et doctus cantare Catullum.
- 20 — At magnum fecit, quod verbis græca latinis
 Miscuit. — O seri studiorum! quine putetis
 Difficile et mirum, Rhodio quod Pitholeonti
 Contigit? — At sermo lingua concinnus utraque
 Suavior, ut chio nota si commixta falerni est,
- 25 Quum versus facias. — Teipsum percontor, an et quum

6. *Laberi*. Decimus Laberius sub Julio Cæsare floruit, scriptor facetus ille quidem, at parum accuratus in scribendo. — *Mimos*. Sunt mimi poemata quædam, e comœdiarum genere, facta ad ciendum populo risum: in his multa procacita gravibus sententiis miscebantur.

7. *Rictum*. Os: risum movere auditoribus.

8. *Virtus*. Dos, gloria.

9. *Ut currat, etc.* Prima dos bonæ satiræ, brevitatis: ut paucis verbis, quod sentias, explices.

12. *Defendente vicem, etc.* Id est, sermone ita comparato, ut modo partes rhetoris et poetæ scriptor agat, modo urbani hominis personam.

13. *Urbani, etc.* Hominis urbani, comitatis et honestate præditi, qui ridere malit aliquando, et ridendo verum dicere, quam mordere acriter, et lacere.

14. *Ridiculum*. Jocosæ oratio. — *Plerumque*. Sæpe. — *Secat*. Dirimit. — *Acri*. Quam oratio aspera et mordax.

16. *Illi, scripta, etc.* Poetæ, auctores veteris comœdiæ; de quibus egit satiræ quartæ initio.

17. *Hoc stabant*. Propter eas, quas dixi virtutes, placebant.

18. *Hermogenes*. Hermogenes Tigellius, cantor (de quo supra sat. IX), fuerat Lucilli contra Horatiam factor:

homo imperitus, et comam vultumque quam versum componere doctior. — *Simius iste*. Demetrius poeta, fabularum scriptor, Lucilli Calvi et Catulli imitator.

19. *Doctus*. Solitus. — *Cantare Calvum*. Id est cantare quod jam cantavit Calvus. — *Calvum, Catullum*. Poetas tunc celebres. Hujus exstant carmina, bene latina quidem, sed parum stæpe casta.

21. *O seri, etc.* O tardi ad res præclaras condiscendas. — *Qui ne*. An li estis, qui putetis, etc.

22. *Rhodio*, etc. Pitholeon, ex insula Rhodo (*Rhodes*), poeta ineptus, epigrammata scripsisse dicitur, in quibus græca verba cum latinis mixta erant.

23. *At sermo, etc.* Objectio est: at enim suavior est oratio (si quis versus faciat) in qua concinne voces utriusque linguæ, græcæ et latinæ, misceantur. *Nota falerni* est amphora, cadus falerni, notatus anno certo, et nomine consulis. Chium vinum lenitate, falernum austeritate præstabat: itaque alterum altero bene temperabatur.

25. *Percontor*. Interrogo, consulo. — *An et quum, etc.* An etiam si prosa scribas, et causam Petillii v. g. defendas, subaudi putes concinnam esse orationem, utraque lingua mixtam? — *Petilli*. Iste Petillius (de quo supra sat. IV), futilis reus, quod coronam au-

Dura tibi peragenda rei sit causa Petilli?
 Scilicet oblitus patriæque, patrisque Latini,
 Quum Pedius causas exsudet Publicola, atque
 Corvinus, patriis intermiscere petita

- 30 Verba foris malis, Canusini more bilinguis?
 Atque ego quum græcos facerem, natus mare citra,
 Versiculos, vetuit me tali voce Quirinus.

Post mediam noctem visus, quum somnia vera :

• In silvam non ligna feras insanius, ac si

- 35 Magnas Græcorum malis implere catervas. »
 Turgidus Alpinus jugulat dum Memnona, dumque
 Diffingit Rhēni luteum caput, hæc ego ludo,
 Quæ nec in æde sonent certantia, iudice Tarpa,
 Nec redeant iterum atque iterum spectanda theatris.

- 40 Arguta meretrice potes, Davoque Chremeta
 Eludente senem, comis garrere libellos,
 Unus vivorum, Fundani; Pollio regum
 Facta canit, pede ter percusso; forte epos acer,

ream status Jovis in Capitolio abstulerat.

27. *Scilicet oblitus, etc.* Quum Pedius Publicola, et Messala Corvinus, ambo clarissimi oratores, causas suas agant, num tu malis eos, patriæ et patris Latini linguæ oblitos, verba petita foris, id est, aliunde, ex alia gente et lingua, intermiscere patriis et latinis, ut Canusini faciunt? certe nolis.

28. *Exsudet.* Magno cum sudore et labore peragat, elaboret.

30. *Canusini, etc.* Canusium (*Canosa*) erat oppidum Italiæ, a Græcis conditum in Apulia: unde in eo græca lingua et latina promiscue cives utebantur; hinc illos bilingues vocat Horatius.

31. *Atque ego, etc.* Probat non esse græcas voces latinis commiscendas: quia vetuit eum in somnis Romulus ne omnino versus græcos faceret. — *Natus mare citra.* Natus in Italia, quam ab Græciâ separat mare.

33. *Quum somnia vera.* Somnia putabant ea veriora, quæ sub auroram ovenirent, quando nimirum crassiores, et pridiana cœna fumi et vapores deferbulissent.

34. *In silvam, etc.* Si malis implere catervas Græcorum, subaudi poetarum, id est, si poetarum græcorum numerum augere mavis, græcos versiculos scribendo, quam Latinorum, latinos versus faciundo; non minus insanias, quam qui velit ligna in silvam ferre.

35. *Catervas.* Proprie caterva erat

Gallorum legio, et sena fere militum millia complectebatur, ut legio romana. Pro quavis multitudine ponitur.

36. *Turgidus, etc.* Dum Alpinus, (poeta italicus nescio quis, inflato stylo inaniter tumens) tragœdias, forte græcas totas, operose scribit, et Memnonem ab Achille jugulatum narrat. *Diffingit Rhēni luteum caput,* id est, describit ac fingit, seu potius deformat et obsecrat (id enim est, diffingere) fontem limosum fluminis Rhēni; scilicet in aliquo poemate epico. — *Memnon.* Memnon Auroræ filius, ab Achille cæsus, Æthiopis rex, ut quidam volunt.

37. *Hæc ego, etc.* Ludo, scribo hæc, id est, tenuia ista carmina, non digna quæ recitentur magna voce, ac sonent in æde Apollinis, et certent cum aliorum poetarum carminibus.

38. *Judice Tarpa.* Metius Tarpa fuit unus e quinque iudicibus ab Augusto constitutis.

39. *Nec redeant.* Id est, non scribo tragœdias. Quæ placuerunt tragœdiæ, sæpius edebantur.

40. *Arguta, etc.* O Fundani (erat poeta comicus, Augusto carus, Horatii amicus), tu unus virorum, nempe illorum, qui nunc vivunt, poetarum, potes magna urbanitate et festivitate scribere comœdias stylo familiari, vel, tam fluente ac facili, quam si garrises ac fabulareris.

42. *Pollio.* Scriptor tragœdiarum: de quo ode 1. lib. 2.

43. *Pede ter, etc.* Versibus iambicis

- Ut nemo, Varius ducit : molle atque facetum
 45 Virgilio annuerunt gaudentes rure Camenæ.
 Hoc erat, experto frustra Varrone Atacino,
 Atque quibusdam aliis, melius quod scribere possem,
 Inventore minor : neque ego illi detrahere ausim
 Hærentem capiti multa cum laude coronam.
 50 At dixi fluere hunc lutulentum, sæpe ferentem
 Plura quidem tollenda relinquendis. Age, quæso,
 Tu nihil in magno doctus reprehendis Homero?
 Nil comis tragici mutat Lucilius Acci?
 Non ridet versus Enni gravitate minores,
 55 Quum de se loquitur, non ut majore repressis?
 Quid vetat et nosmet, Lucili scripta legentes,
 Quærere, num illius, num rerum dura negarit
 Versiculos natura magis factos, et euntes
 Mollius, ac si quis pedibus quid claudere senis,
 60 Hoc tantum contentus, amet scripsisse ducentos
 Ante cibum versus, totidem cœnatus? Etrusci
 Quale fuit Cassi rapido ferventius amni
 Ingenium, capsis quem fama est esse librisque
 Ambustum propriis. Fuerit Lucilius, inquam,
 65 Comis et urbanus; fuerit limatior idem,
 Quam rudis, et Græcis intacti carminis auctor,
 Quamque poetarum seniorum turba : sed ille,

senariis, qui trimetri dicuntur. — *Fortē epos, etc.* Varius poeta ducit, id est, componit forte epos, ut alius nemo. Nondum *Enneidem* suam Virgilius ediderat. — *Epos*. ἔπος, græca vox est, significans *verbum*, seu *narrationem* : sumitur pro eo genere carminis in quo res narrantur.

45. *Molle, etc.* Virgilius *Bucolica* tunc tantum ediderat; forte etiam *Georgica*.

46. *Hoc, etc.* Satiricum carmen unum supererat, quod melius possem scribere. — *Expertus, etc.* Quod carmen frustra expertus est ac tentavit Varro Atacinus, sic dictus ab Atace, Gallie narbonensis Rege (*l'Aude*).

48. *Inventore minor.* Fateor tamen me multo inferiorem esse Lucilio, qui primus satiram invenit et scripsit.

49. *Coronam.* Imaginibus poetarum imponi solebant coronæ ex hœdera, lauro, etc.

50. *Fluere lutulentum.* Impolitos et incomptos versus condere. — *Sæpe ferentem, etc.* Dixi eum sæpe ferre, scribere plura tollenda, id est eligenda, quam relinquenda, id est abicienda.

52. *Homero.* Græcorum poetarum princeps fuit.

53. *Nil comis, etc.* Quid? ipse Lucilius nihilne mutatum vult in Accio? nihilne in Ennio reprehendit, ac alio scriptum esse modo vult? — *Acci.* Accius post Pacuvium floruit : plures tragœdias scripsit.

54. *Enni.* Ennius, poeta latinus antiquus; de quo sæpe antea. — *Gravitate minores.* Id est, gravitate carentes.

55. *Loquitur.* Lucilius de seipso. — *Non ut, etc.* Non ita tamen ut se Lucilius putet majorem et præstantiorem esse Ennio, et aliis quos reprehendit.

57. *Num illius, etc.* Num ipsius Lucilii natura durius, non rerum, quas tractavit, natura siccius et sterilius, negarit illi versus meliores, id est, in causa fuerit, cur versus non ediderit politiores et molliores quam si quis, contentus tantum hexametris facere, amet scribere, etc.

63. *Capsis, etc.* Qui tam multos ediderat versus et libros, ut ejus libri et arcules exstruendo rogo sufficerent.

64. *Fuerit Lucilius, etc.* Concedo Lucilium fuisse comem, etc.

66. *Græcis intacti.* Græci nullam scripsere satiram : merum Latinorum inventum, et opus est.

- Si foret hoc nostrum fato dilatus in ævum,
 Detereret sibi multa, recideret omne, quod ultra
 70 Perfectum traheretur, et in versu faciendo
 Sæpe caput scaberet, vivos et roderet unguēs.
 Sæpe stylum vertas, iterum quæ digna legi sint
 Scripturus; neque, te ut miretur turba, labores,
 Contentus paucis lectoribus. An tua demens
 75 Vilibus in ludis dictari carmina malis?
 Non ego; nam satis est equitem mihi plaudere, ut audax,
 Contemptis aliis, explosa Arbuscula dixit.
 Men' moveat cimex Pantilius? aut crucier, quod
 Vellicet absentem Demetrius? aut quod ineptus
 80 Fannius Hermogenis lædat conviva Tigelli?
 Plotius, et Varius, Mæcenas, Virgiliusque,
 Valgius, et probet hæc Octavius optimus, atque
 Fuscus; et hæc utinam Viscorum laudet uterque!
 Ambitione relegata, te dicere possum,
 85 Pollio; te, Messala, tuo cum fratre; simulque
 Vos, Bibule et Servi; simul his te, candide Furni;
 Complures alios, doctos ego quos et amicos,
 Prudens prætereo; quibus hæc, sunt qualiacumque,
 Arridere velim; doliturus, si placeant spe
 90 Deterius nostra. Demetri, teque, Tigelli,
 Discipularum inter jubeo plorare cathedras.
 I, puer, atque meo citus hæc subscribe libello.

69. *Detereret.* Detraheret. — *Recideret, etc.* Amputaret omnia supervacanea.

71. *Caput scaberet.* Fricaret, scalperet unguibus. — *Vivos.* Ad vivum demorderet.

72. *Sæpe stylum, etc.* Id est, sæpe mutare et delere debes quæ scripseris, si vells scribere opera quæ iterum atque iterum legantur. Stylus erat acus ferrea, quall nunc utimur in pugillaribus: capite plano, extrema parte acuta: hæc scribebant in cera; illa, scripta delebant, æquata cera et complanata. Hoc vocabatur stylum vertere, seu invertere, utendo capitata ejus parte, ad delendum quod acuminis scriptum erat.

73. *Ludis.* Scholis.

76. *Equitem.* Homines lectos et nobiles. — *Ut audax, etc.* Id quod dixit Arbuscula (mulier in comædiis personam agere solita); quæ quum exploderetur a populo, dixit sibi satis esse, si equitibus probaretur.

78. *Cimex Pantilius.* Id est, Pantilius poeta putidus et ignobilis.

79. *Demetrius.* Ignobilis poeta, ut et Fannius, etc.

80. *Lædat.* Me conviciis vellicet.

82. *Octavius.* Poeta insignis, et historicus.

84. *Ambitione, etc.* Possum te inter illos amicos meos, virosque doctissimos numerare: citra fastum et adulationem, ex rei veritate, o Pollio.

86. *Bibule et servi.* Bibulus e gente Calpurnia, Servius e gente Sulpicia; hi non solum nobilitate, sed etiam doctrinæ laude insignes fuisse videntur. — *Simul his.* Una cum illis. — *Furni.* Fannius, historiarum scriptor, fide et elegantia claruit.

88. *Prudens.* Sciens ac volens.

89. *Arridere velim.* Placere cupio. — *Spe deterius.* Minus quam spero.

90. *Tigelli.* Hermogenes Tigellius, poeta imperitus.

91. *Jubeo plorare, etc.* Ringi, et invidere mihi non ægre video, in ludis vestris litterariis, ubi mulierculæ vos audiunt.

92. *Puer.* Amanuensem aliquem significat, qui scripta et dictata exciperet. — *Subscribe.* Post ceteras satiras, in hoc libello comprehensas, hæc etiam scribe, et aliis adde.

LIBER SECUNDUS.

SATIRA I.

Fingit se cum Trebatio deliberare utrum a scribendis satiris abstineat.

HORATIUS.

Sunt quibus in satira videor nimis acer, et ultra
Legem tendere opus; sine nervis altera, quidquid
Composui, pars esse putat; similesque meorum
Mille die versus deduci posse. Trebati,
5 Quid faciam præscribe.

TREBATIUS. Quiescas.

HORATIUS. Ne faciam, inquis,

Omnino versus?

TREBATIUS. Aio.

HORATIUS. Peream male, si non

Optimum erat: verum nequeo dormire.

TREBATIUS. Ter uncti

Transnanto Tiberim, somno quibus est opus alto,
Irriguumque mero sub noctem corpus habento.
10 Aut, si tantus amor scribendi te rapit, aude
Cæsaris invicti res dicere, multa laborum
Præmia laturus.

HORATIUS. Cupidum, pater optime, vires

Deficiunt: neque enim quivis horrentia pilis
Agmina, nec fracta pereuntes cuspidè Gallos,

15 Aut labentis equo describat vulnera Parthi.

1. *Acer. Asper, severus.* — *Ultra legem.* Progredi ulterius, acerbus scribere, quam lex sinat; ultra modum, et usitatam in vitulis notandis consuetudinem.

3. *Nervis.* Pondere sermonis et sententiarum gravitate.

3. *Pars altera.* Alii homines.

4. *Deduci.* Scribi. Metaphora sumitur a lana, quæ sine labore ducitur e colu. — *Trebati.* C. Trebati Testa vocabatur, vir optimus, et juris scientissimus.

5. *Quiescas.* Auctor tibi sum, ut abstineas penitus a scribendo.

6. *Aio.* Ita censeo. — *Peream, etc.* Sane verum dicis, et præstaret versus omnino non facere: verum hanc unam artem habeo conciliandi mihi somni: vel, quum dormire non possum, in versibus faciendis noctem pono.

7. *Erat.* Pro esset, græco more. —

Ter uncti. Sæpius uncti. Oleum corpori ante natationem illinebant; ut, poris oleo clausis, contra frigus aquæ munitur.

8. *Transnanto.* Utilitur imperativo, quasi legem, aut edictum ferret: facete.

— *Alto.* Profundo.

9. *Sub noctem.* Paulo ante noctem.

12. *Cupidum.* Cupientem res Augusti scribere. — *Pater.* Trebatium sic vocat, honoris causa, ut senlorem et jurisconsultum.

13. *Horrentia.* Hirsuta et horrida. Est pilum hasta brevior, apud Romanos usitata.

14. *Fracta cuspidè.* Sagittæ, quam Galli morientes, e corpore non potuerant evellere, nisi fractam. Tela, cum impetu conjecta, frangi solent.

15. *Describat.* Possit describere.

TREBATIUS.

Attamen et justum poteras et scribere fortem,
Scipiadam ut sapiens Lucilius.

HORATIUS. Haud mihi deero,

Quum res ipsa feret : nisi dextro tempore, Flacci
Verba per attentam non ibunt Cæsaris aurem :

20 Cui male si palpare, recalcitrat undique tutus.

TREBATIUS.

Quanto rectius hoc, quam tristi lædere versu
Pantolabum scurram, Nomentanumque nepotem!
Quum sibi quisque timet, quanquam est intactus, et

HORATIUS.

[odit.

Quid faciam? Saltat Milonius, ut semel icto

25 Accessit fervor capiti, numerusque lucernis :
Castor gaudet equis ; ovo prognatus eodem,
Pugnis. Quot capitem vivunt, totidem studiorum
Millia. Me pedibus delectat claudere verba
Lucili ritu, nostrum melioris utroque.

30 Ille velut fidis arcana sodalibus olim
Credebat libris; neque, si male cesserat, usquam
Decurrens alio, neque si bene : quo fit, ut omnis
Votiva pateat veluti descripta tabella
Vita senis. Sequor hunc, Lucanus an Appulus, anceps
35 (Nam venusinus arat finem sub utrumque colonus,

16. *Attamen, etc.* Esto, non satis habes nervorum ad res bellicas Augusti describendas : posses tamen illius justitiam et animi magnitudinem laudare.

17. *Scipiadam.* Scipionem Africanum minorem. — *Haud mihi deero.* Id equidem faciam.

18. *Quum res ipsa feret.* Quum ipsa hujus rei peragendæ se offeret opportunitas. — *Dextro.* Opportuno.

20. *Palpare.* Aduleris. Palpare proprie est palpo seu vola blande et leniter attrahere. — *Recalcitrat.* Rejiciet adulationem et laudes molestas : ut equi feroces et generosi se duriter et odiose attrahere non patiuntur. — *Undique tutus.* Id est, munitus contra assentationem.

21. *Hoc.* Laudare Cæsarem. — *Tristi.* Molesto, contumelioso.

23. *Quum, etc.* Eo magis abstinere debes a scribendo, quod, quando scribis, sibi omnes timeant, quanquam eos non tangas, et carpas nominatim; teque, ut maledicum et sycophantam, oderint.

24. *Icto.* Percusso vini vaporibus.

25. *Numerus.* Quum geminatus est numerus lucernarum; quum duas, pro una, lucernas videt; id quod ebrius accidit.

26. *Ovo, etc.* Pollux, Castoris frater, eodem ovo, quod Leda pepererat, prognatus.

27. *Studiorum.* Propensionum.

28. *Pedibus claudere verba.* Hoc est, versus facere.

29. *Melioris.* Poetæ præstantioris me et te.

30. *Ille, etc.* Ordo est : ille Lucilius credebat et committebat arcana sua libris et versibus, ut si fuissent fidi sodales sui.

31. *Si male, etc.* Si quid ei adversi accidisset.

32. *Decurrens alio.* Aliunde nullum solatium, quam a libris petens.

33. *Votiva, etc.* Qui morbos, naufragium, aliosve casus effugerant, aut aliquid ex animi sententia gesserant, in votivis, id est, in promissis ex voto tabellis, ea depingi jubebant, et templorum parietibus suspendi. — *Pateat.* Exstat in ejus versibus.

34. *Senis.* Lucilli. — *Sequor hunc, etc.* Ego hunc Lucillum imitor, Horatius anceps, id est, incertus, an sim Lucanus an Apulus.

35. *Colonus.* Aliquando significat agricolam, qui agros colit, aliquando civem,

- Missus ad hoc, pulsus, vetus est ut fama, Sabellis:
 Quo ne per vacuum Romano incurreret hostis;
 Sive quod appula gens, seu quod lucania bellum
 Incuteret violenta). Sed hic stylus haud petet ultro
 40 Quemquam animantem, et me veluti custodiet ensis
 Vagina tectus: quem cur distringere coner,
 Tutus ab infestis latronibus? O pater et rex,
 Jupiter, ut pereat positum rubigine telum,
 Nec quisquam noceat cupido mihi pacis! At ille,
 45 Qui me commoritur (melius non tangere, clamo)
 Flebit, et insignis tota cantabitur urbe.

- Cervius iratus leges minuitur, et urnam;
 Canidia Albuti, quibus est inimica, venenum:
 Grande malum Turius, si quid se iudice certes.
 50 Ut, quo quisque valet, suspectos terreat, utque
 Imperet hoc natura potens, sic collige mecum.
 Dente lupus, cornu taurus petit: unde, nisi intus
 Monstratum? Scævæ vivacem crede nepoti
 Matrem: nil faciet sceleris pia dextera.

TREBATIUS. Mirum!

HORATIUS.

- 55 Ut neque calce lupus quemquam, neque dente petit bos;

ex alia quadam urbe ad aliam incolendam et frequentandam missum; quo sensu hic sumitur.

36. *Missus ad hoc, etc.* Ob hanc causam Venusinorum colonia missa est, ne hostes incurrerent Romanis per regionem vacuum, pulsus scilicet Sabellis. — *Sabellis*. Sabelli, a Sabinis orti, incolebant montes inter Sabinos et Marsos: olim etiam Samnites appellati.

38. *Sive quod, etc.* Sive colonia fuerit missa Venusium, quia Lucani aut Apuli bellum inferrent Romanis, essetque opus hac urbe et colonia, tanquam freno, ad utrosque coercendos. — *Appula gens*. Est Apulia regio Italiae, ad mare Adriaticum prope Calabriam. — *Lucania*. Est regio extrema, sive meridiana Italiae, versus Tyrrhenum mare porrecta, et Apuliae finitima, qua clauditur ab Oriente.

39. *Sed hic stylus*. Hæc carminum ad Lucretii exemplum scribendorum ratio. Redit a diverticulo in viam. — *Ultro*. sponte.

40. *Animantem*. Vivam: neminem insectabor. — *Et me, etc.* Utar ego satire, tantum ad me defendendum.

41. *Quem*. Scilicet ense.

43. *Ut pereat, etc.* Utinam hic ensis meus, depositus et inuillis, rubigine pe-

reat et consumatur! nemo me amantem pacis cogat illum distringere.

45. *Commoritur*. Aggressus fuerit, iram meam provocaverit.

46. *Cantabitur*. Famosis versibus a me describetur, et in omnium erit ore.

47. *Cervius, etc.* Aliquis tum insignis accusator, vel quæstor.

48. *Albuti*. Subaudi filia. — *Venenum*. Subaudi minuitur; insignis, scilicet venefica.

49. *Malum*. Exitium, ruinam fortunaram. — *Turius*. Iudex aliquis improbus et venalis.

50. *Quo*. Quibus armis. — *Ut quo, etc.* Ordo est: mecum collige, id est, concludere, atque intellige quemadmodum quisque illis armis utatur, quibus naturaliter pollet ilisque terreat suspectos, illos unde timet: et quemadmodum natura hoc omnibus instillet imperetque, illud, inquam, ex eo intelliges, quod lupi dentibus feriant, etc.

52. *Nisi intus, etc.* Nisi quod hoc eos interna vis quædam et tacita naturæ vox doceat.

53. *Scævæ*. Scæva luxuriosus et perditus quidam fuit, qui matrem dato veneno necavit, propterea quod ei nimis diu viveret.

Sed mala tollet anum vitiato melle cicuta.
 Ne longum faciam, seu me tranquilla senectus
 Exspectat, seu mors atris circumvolat alis;
 Dives, inops; Romæ, seu fors ita jusserit, exsul,
 60 Quisquis erit vitæ, scribam, color.

TREBATIUS. O puer, ut sis
 Vitalis, metuo, et majorum ne quis amicus
 Frigore te feriat.

HORATIUS. Quid? quum est Lucilius ausus
 Primus in hunc operis componere carmina morem.
 Detrahare et pellem, nitidus qua quisque per ora
 65 Cederet, introrsum turpis; num Lælius, aut qui
 Duxit ab oppressa meritum Carthagine nomen,
 Ingenio offensi? aut læso doliuere Metello,
 Famosisque Lupo cooperto versibus? Atqui
 Primores populi arripuit, populumque tributim;
 70 Scilicet uni æquus virtuti, atque ejus amicis.
 Quin, ubi se a vulgo et scena, in secreta remorant
 Virtus Scipiadæ, et mitis sapientia Læli,
 Nugari cum illo, et discincti ludere, donec
 Decoqueretur olus, soliti. Quidquid sum ego, quamvis
 75 Infra Lucili censum, ingeniumque, tamen me
 Cum magnis vixisse invita fatebitur usque

56. *Vitiato*. Corrupto, venenato.

58. *Circumvolat*. Jam nunc.

60. *Quisquis erit color*. Ater, an albus; prospera vel adversa fortuna: vitæ ratio, et status, quicumque mihi futurus est. — *Scribam*. Satiras faciam. — *Ut sis vitalis*. Ut longa vita fruaris.

61. *Majorum ne quis amicus frigore te feriat*. Ne quis inter tuos nobiliores amicos erga te frigidus fiat, amicitiam denegat, te non jam familiariter excipiat (Mæcenas scilicet).

63. *Primus*. Ennius et Pacuvius ante Lucillum satiras quidem scripserant; at non ita eleganter, et accurate.

64. *Detrahare pellem*. Tollere externam hominum speciem. — *Per ora*. In conspectu hominum.

65. *Cederet*. Pro incederet. — *Lælius*. C. Lælius, sapiens dictus, quem Cicero loquentem facit in sermone de amicitia. — *Aut qui, etc.* Scipio Africanus, minor dictus.

67. *Metello*. Q. Cæcilius Metellus Macedonicus, Scipionis Africani minoris, quem Lucillus colebat, inimicus fuit: unde in illum Lucillus invecus est.

68. *Lupo*. Lentulus Lupus consul fuit, anno U. C. 597, damnatus repetunda-

rum; post damnationem tamen censor factus.

69. *Tributum*. Per singulas tribus, promiscue irruens in quemlibet.

70. *Ejus*. Virtutis.

71. *Et scena*. Ab reipublicæ administratione, et curia, ubi tanquam in theatro personam gravem et seriam gerebant: quam deponebant domi, et intra parietes.

72. *Virtus Scipiadæ*. Græca locutio: pro Scipio vir optimus: *mitis sapientia Læli*; pro Lælius sapientissimus ac mitissimus.

73. *Illo*. Lucilio. — *Discincti*. Soluti curis, et zona, quam Romani solebant deponere domi, aut laxiorem gerere ac solutorem.

74. *Decoqueretur olus*. Donc appareretur cœna; quæ tum erat, etiam inter nobiles, valde frugalis, et magna parte, ex oleribus constans. — *Quidquid sum*. Quantuluscumque sim.

75. *Censum*. Opes. Erat enim Lucillus homo nobilis et locuples.

76. *Cum magnis*. Augusto, Mæcenate et ceteris.

77. *Et fragili, etc.* Et querens, et conata illidere dentes in aliquam fragi-

Invidia; et, fragili quærens illidere dentem,
Offendet solido: nisi quid tu, docte Trebati,
Dissentis.

TREBATIUS. Equidem nihil hinc diffingere possum:
80 Sed tamen ut monitus caveas, ne forte negoti
Incutiat tibi quid sanctarum inscitia legum:
Si mala coniderit in quem quis carmina, jus est
Judiciumque.

HORATIUS. Esto, si quis mala; sed bona si quis
Judice coniderit, laudatur Cæsare; si quis
85 Opprobriis dignum laceraverit, integer ipse.

TREBATIUS.
Solventur risu tabulæ; tu missus abibis.

lem et mollem materiam, in solidam et
duram incidet, sibi que dentes oblædet.

79. *Nihil hinc diffingere possum.*
Fateor me tuis rationibus nihil respon-
dendum habere, vel non possum mu-
tare tuum consilium.

80. *Sed tamen, etc.* Subaudi hoc
tibi denuntio, ut caveas ne, etc.

82. *Mala.* Maledica. — *Jus.* Lex: actio
jure constituta et legibus permessa.

83. *Judicium.* Accusandi in judicio
facultas. — *Esto, etc.* Sit ita sane: va-

leat ea lex in eos, qui mala carmina
scripserint. Ludit in voce *mala*: gal-
lice *de méchants vers*.

85. *Integer ipse.* Quum ipse sit pro-
bus.

86. *Solventur, etc.* Leges, in tabulis
scriptæ, explodentur cum risu, nihil in
ejusmodi poetam valebant, qui dimissus
et absolutus a iudicibus exhibit. — *Tu.* Id
est, poeta quilibet. — *Missus.* Solutus
scelere et periculo.

SATIRA II.

Ofellus quidam, frugalitatem commendans, et varios gulæ errores ac flagitia
vituperans, ab Horatio inducitur.

Quæ virtus et quanta, boni, sit vivere parvo
(Nec meus hic sermo est, sed quæ præcepit Ofellus,
Rusticus, abnormis sapiens, crassaque Minerva),
Discite, non inter lances mensasque nitentes,
5 Quum stupet insanis acies fulgoribus, et quum

1. *Quæ virtus, etc.* O boni, id est,
o amici, discite quæ sit virtus et quanta
parvo contentum esse. — *Vivere parvo.*
Rebus et cibis parvo pretio constantibus.

2. *Nec meus, etc.* Non hic meis verbis
loquor, sed Ofelli, cujus verba et præ-
cepta refero. — *Sed quæ.* Sed verba sunt,
quæ. — *Ofellus.* Dicitur hunc Ofellum
bonis suis spoliatum eo reductum fuisse
ut eos ipsius agros quos possederat, pro
allo coheret.

3. *Abnormis sapiens.* Sapiens ille

quidem, sed non imbutus philosopho-
rum præceptis et regulis; nulli sectæ
addictus. — *Crassaque Minerva.* Do-
ctrina non excultus.

4. *Non inter, etc.* Hoc discite, non
inter vina et mensas opiparas, etc.

5. *Insanis.* Immodicis, vel insanis
homines facientibus. Stulti enim modum
non tenent. — *Quum stupet, etc.* Quum
oculi perstringuntur, et hebescant, ful-
gore insigni vasorum, gemmis, auro et
argento nitentium.

- Acclinis falsis animus meliora recusat;
 Verum hic impransi, mecum disquirite. — Cut hoc?
 — Dicam, si potero. Male verum examinat omnis
 Corruptus iudex. Leporem sectatus, equove
 10 Lassus ab indomito; vel, si romana fatigat
 Militia assuetum græcari, seu pila velox,
 Molliter austerum studio fallente laborem,
 Seu te discus agit, pete cedentem aera disco;
 Quum labor extuderit fastidia, siccus, inanis,
 15 Sperne cibum vilem: nisi hymettia mella falerno
 Ne biberis diluta. Foris est promus, et atrum
 Defendens pisces hiemat mare: cum sale panis
 Latrantem stomachum bene leniet. Unde putas, aut
 Qui partum? Non in caro nidore voluptas
 20 Summa, sed in te ipso est. Tu pulmentaria quære
 Sudando: pinguem vitiis albumque nec ostrea,
 Nec scarus, aut poterit peregrina iuvare lagois.

6. *Acclinis, etc.* Quum animus, inclinat voluptate ad falsa credenda, recusat veriora et meliora audire et credere.

7. *Impransi.* Jejuni et sicci. — *Mecum.* Ofellus loquitur ista omnia, ut dixi. — *Cur hoc?* Cur volo id a vobis impransis disquiri?

8. *Dicam, si potero. Male, etc.* Causam, si potero, asseram: animus scilicet, ciborum copia et iucunditate captus, veluti iudex auro corruptus, male veritatem perscrutatur.

9. *Leporem, etc.* Venandi et equitandi studium pertinet ad militiam romanam, sive ad eas exercitationes quibus corpora ad labores in bello ferendos corroborarentur.

10. *Vel, si, etc.* Ordo et sensus sunt: quod si te nimium fatigat militaris aliqua exercitatio, quæ omnis quidem est laboriosa, sed maxime romana, te inquam, assuetum molliter vivere et commessari, quod Græcorum est; seu te agit, id est, te exercet, delectat pilæ ludus, quæ huc illuc celeriter pellitur, non sine labore, sed quem tamen laborem, studium, hoc est, ludi huius amor fallit molliter, id est, leviorē multo facit, et quasi lares decipit, ne laborem sentiant: seu te discus delectat: esto sane, lude pila, vel disco, atque ita famem collige.

11. *Pete aera disco.* Mille discum per aera, in altum. — *Cedentem.* Dum discus aera trajicit, aer ei cedit. Discus autem est massa ferrea, vel lapidea, vulgo plana et rotunda, quæ per aerem

confligitur ad certum locum et metam, *un palet.*

12. *Quum extuderit, etc.* Quum laboriosæ huiusmodi exercitationes nauseam, quæ ex inertia et satietate oritur, depulerint. — *Siccus.* Qui non bibit, sitiens. — *Inanis.* Vacuo stomacho: jejunus.

13. *Hymettia.* Hymettus, mons Atticæ, ubi flores optimi, et mel exquisitum.

14. *Ne biberis.* Ironia est. — *Foris est promus, etc.* Imo, inquit, adeo cibos delicatos tunc spernes, ut si tuus promus (is dicitur, qui cibos e penu promit) domi non est.

15. *Hiemat.* Hieme inhorrescit, procellis agitur, et inaccensum est.

16. *Latrantem.* Stomachum jejunum et inanem.

17. *Qui partum, etc.* Unde conciliatam et natam putas voluptatem in tam tenui victu, in pane et sale? — *Nidore.* Nidor est proprie fumus ille, quem tostæ carnes emittunt, et odor. — *Caro.* Magni pretii.

18. *Pulmentaria.* Condimenta.

19. *Pinguem vitiis.* Crapula et ingluvie turgidum ac pallidum. — *Ostrea.* Hæc vox pro spondeo ponitur: coalescent enim in unam syllabam duæ postremæ vocales huius dictionis.

20. *Scarus.* Piscis exquisitus, *un sarget.* — *Juvare.* Delectare. — *Lagois.* Piscis, aut avis rara, et peregre advehi solita; sic appellata, ob aliquam cum lepore similitudinem, vel in colore, vel in carnis gustu.

- Vix tamen eripiam, posito pavone, velis quin
 Hoc potius, quam gallina tergere palatum,
 25 Corruptus vanis rerum; quia veneat auro
 Rara avis, et picta pandat spectacula cauda:
 Tanquam ad rem attineat quidquam. Num vesceris ista,
 Quam laudas, pluma? coctove num adest honor idem?
 Carne tamen quamvis distat nihil hac magis illa,
 30 Imparibus formis deceptum te patet. Esto:
 Unde datum sentis, lupus hic tiberinus, an alto
 Captus hiet? pontesne inter jactatus, an amnis
 Ostia sub Tusci? laudas, insane, trilibrem
 Mullum, in singula quem minuas pulmenta necesse est.
 35 Ducit te species, video. Quo pertinet ergo
 Proceros odisse lupos? Quia scilicet illis
 Majorem natura modum dedit, his breve pondus;
 Jejunos raro stomachus vulgaria temnit.
 Porrectum magno magnum spectare catino
 40 Vellem, ait Harpyiis gula digna rapacibus. At vos
 Præsentes, Austri, coquite horum obsonia: quanquam
 Putet aper rhombusque recens, mala copia quando
 Ægrum sollicitat stomachum; quum rapula plenus
 Atque acidas mavult inulas. Necdum omnis abacta
 45 Pauperies epulis regum; nam vilibus ovis,

23. *Eripiam*. Persuadebo, dedocebo te.

24. *Hoc. Pavone*. — *Tergere palatum*. Locutio apta rustico, ut allæ multæ, id est, vesci.

25. *Vanis rerum*. Pro vanis rebus, id est, vana opinione et specie. — *Veneat*. Vendatur. — *Auro*. Majori pretio.

27. *Ad rem*. Ad gustum et saporem.

28. *Pluma*. Pavonis. — *Coctove, etc.* Quando coctus est pavo, estne idem color, eadem species pennarum, quæ vivo erat? neutiquam.

30. *Imparibus formis*. Diversa pavonis et gallinæ forma. — *Esto*. Id est, te forma decipi.

31. *Lupus*. Piscis est marinus ille quidem, sed qui flumina subeat: ita dictus a voracitate, ab oris ingenti rictu et hiatu. Gallice, un loup marin.

32. *Hiet*. Quia pisces, ut capti sunt, hiare et palpitare solent.

33. *Amnis tusci*. Tiberis, qui e Tuscia profuit in mare Tyrrhenum.

34. *Pulmenta, etc.* Frusta. *Mullus* est piscis exquisitus, un mulet ou sar-mulet.

35. *Ducit, etc.* Ejus magnitudo te capit ac delectat. — *Quo pertinet, etc.*

Id est, cur ergo lupos pisces odisti, quum sunt proceri et majores?

37. *Modum, pondus*. Mensuram, magnitudinem.

38. *Vulgaria*. Communes cibos, et quales sunt a natura comparati.

39. *Magnum*. Subaudi piscem, mullum.

40. *Harpyiis, etc.* Erant illæ rapaces quædam deæ; de quibus Virgilium vide, *Æn.* lib. 3. — *Gula*. Homo gulosus, helluo.

41. *Præsentes*. Mels precibus faventes, propitii. — *Coquite*. Putrefacite, corrumpite. — *Austri*. Enim, venti a meridie flantis aura æstuosa est, ac rabida. — *Obsonia*. Cibos. — *Quanquam, etc.* Festiva correctio prioris imprecationis.

42. *Putet*. Sordet, nauseam creat. — *Rhombus*. Piscis est, un turbot. — *Mala*. Nimia. — *Copia*. Scilicet ciborum.

43. *Rapula*. Sunt radices edules et notæ, des raves.

44. *Inulas*. Inula, herba quædam, *Faulnée*.

45. *Vilibus*. Parvi pretii.

Nigrisque est oleis hodie locus. Haud ita pridem
Galloni præconis erat acipensere mensa
Infamis. Quid? tum rhombos minus æquor alebat?

Tutus erat rhombus, tutoque ciconia nido;

50 Donec vos auctor docuit prætorius. Ergo

Si quis nunc mergos suaves edixerit assos,

Parebit pravi docilis romana juvenus.

Sordidus a tenui victu distabit, Ofello

Judice. Nam frustra vitium vitaveris illud,

55 Si te alio pravum detorseris. Avidienus,

Cui canis ex vero ductum cognomen adhæret,

Quinquennes oleas est, et silvestria corna:

Ac, nisi mutatum, parcit defundere vinum; et

Cujus odorem olei nequeas perferre (licebit

60 Ille repotia, natales, aliosve dierum

Festos albatu celebret), cornu ipse bilibri

Caulibus instillat, veteris non parvus aceti.

Quali igitur victu sapiens utetur, et horum

Utrum imitabitur? hac urget lupus, hac canis angit.

65 Mundus erit, qui non offendet sordibus, atque

In neutram partem cultus miser. Hic neque servis,

Albuti senis exemplo, dum munia didit,

46. *Nigris*. Nigrescunt oleæ quum maturescunt.

47. *Galloni, etc.* Ante paucos annos merito vituperatus est Gallonius, quod primus omnium acipenserem piscem, un-
esturgeon, in sua mensa epulandum convivis apposuerit.

48. *Quid, etc.* Quando apponi cœptus est acipenser, nonne in mari quoque erant rhombi, in agris ciconiæ?

50. *Prætorius*. Nonnulli eum Asinium Sempronium Rufum appellant; voluntque dici prætorium joco; quia quum præturam peteret, repulsam tulit, ob ciconias interfectas, et mensæ appositas.

51. *Mergos*. Quamvis natura duos, et ita siccos, ut igne torreri vix queant, *des plongeons*. — *Edixerit*. Quasi pro imperio, ut solent magistratus, dixerit.

52. *Parebit*. Fidem adjunget, illis vescetur. — *Pravi docilis*. Quæ cito prava discit.

53. *Sordidus, etc.* Hoc secundum Ofelli axioma, et præceptum est.

54. *Illud*. Luxum et sumptuosum victum.

55. *Alio*. Ad contrarium vitium, id est, ad sordidum victum. — *Avidienus*. Homo sordidi et immundi victus, ideoque canis merito appellatus.

56. *Ex vero*. Ex morum veritate.

57. *Quinquennes, etc.* Oleas vetu-

state corruptas, ab annis quinque tectas.

— *Est*. Edit. — *Corna*. Sunt fructus silvestres, et cerasorum genere, *des cornouilles*.

58. *Mutatum*. Acidum. — *Parcit*. Cavet, timet. — *Defundere*. Ex amphora in cyathum fundere.

59. *Et cujus, etc.* Et oleum, cujus odorem nequeas perferre, guttatim fudit e cornu, hoc est, vase corneo, duas libras capiente, vetus acetum large effundens. — *Licebit, etc.* Hoc loco idem est, ac licet.

60. *Reposita*. Epulas quæ die nuptiarum sequente fiebant. — *Natales*. Subaudi dies.

61. *Albatus*. Veste alba indutus, qui color lætitiæ convenit: quare in sacrificiis, spectaculis et conviviliis, adhibebatur.

62. *Utrum*. Gallonium, an Avidienum? — *Lupus*. Homo luxuriosus. — *Canis*. Avarus. — *Hac, etc.* Proverbium hoc in eos cadit, qui suspensio sunt animo, duplici periculo urgentur, quo se vertant incerti.

63. *Mundus erit*. Censeo ut sapiens mundo, et medio quodam, inter sordidum sumptuosumque, utatur victu.

64. *Hic*. Sapiens.

67. *Didit, etc.* Dividit.

Sævus erit; nec sic, ut simplex Nævius, unctam
Convivis præbebit aquam; vitium hoc quoque magnum.

70 Accipe nunc, victus tenuis quæ quantaque secum
Afferat. In primis valeas bene: nam, variæ res
Ut noceant homini, credas, memor illius escæ,
Quæ simplex olim tibi sederit. At simul assis
Miscueris elixa, simul conchyliæ turdis,

75 Dulcia se in bilem vertent, stomachoque tumultum
Lenta feret pituita. Vides, ut pallidus omnis
Cœna desurgat dubia? Quin corpus onustum
Hesternis vitis animum quoque prægravat una;
Atque affligit humo divinæ particulam auræ.

80 Alter, ubi dicto citius curata sopori
Membra dedit, vegetus præscripta ad munia surgit.
Hic tamen ad melius poterit transcurrere quondam;
Sive diem festum rediens advexerit annus,
Seu recreare volet tenuatum corpus; ubique

85 Accedent anni, et tractari mollius ætas
Imbecilla volet. Tibi quidnam accedet ad istam,
Quam puer et validus præsumis mollitiem, seu
Dura valetudo inciderit, seu tarda senectus?

Rancidum aprum antiqui laudabant: non quia nasus

90 Illis nullus erat, sed credo, hac mente, quod hospes
Tardius adveniens, vitiatum commodius, quam
Integrum edax dominus consumeret. Hos utinam inter
Heroas natum tellus me prima tulisset!
Das aliquid famæ, quæ, carmine gratior, aurem

68. *Simplex*. Negligens.

70. *Quæ*. Quæ utilitates, commoda.

71. *Valeas*. Hoc affert commodum,
ut bene valeas.

73. *Assis*. Testis carnibus.

74. *Elixa*. Coctas carnes. — *Conchy-*
lia. Ostrea, pisces. — *Turdis*. Avibus.
Turdus, avis notus, *une grive*.

75. *Bilem*. Bilis est humor, siccus et
calidus; pituita, humor frigidus et hu-
midus: unde inter se pugnant, et tu-
multum, id est, bellum intestinum sto-
macho afferunt.

77. *Cœna desurgat*. Surgat de cœna.
— *Dubia*. Ubi convivæ dubitant, quas
gustent ac sumant potissimum dapes;
ita multæ, et variæ sunt.

78. *Vitis*. Intemperantia.

79. *Auræ*. Id est, partem divini spi-
ritus, et ipsius Numinis portionem, ut
putabant.

80. *Alter*. Qui parvus et frugalis est.
— *Dicto citius*. Exiguo tempore, obiter
et quasi aliud agendo. — *Curata*. Cibo

refecta. — *Sopori dedit*, etc. Somno
recreavit.

82. *Ad melius*, etc. Ad lautiozem
victum. Erit ubi vescatur benignus.

84. *Tenuatum*. Labore defatigatum.
— *Ubique*, etc. Et ubi, et quando senex
erit.

87. *Præsumis*. Ante opportunum et
idoneum tempus sumis.

89. *Rancidum*, etc. Commendat fru-
galitatem, ab exemplo majorum. —
Laudabant. Ut indicium frugalitatis:
quia id erat signi, aprum amplius mensæ
appositum fuisse, et frustatum, diuque
comesum.

90. *Hac mente*. Rati esse honestius
illum, quamvis putentem et somesum,
ab hospite consumi, quam integrum et
recentem ab domino.

93. *Tellus prima*. Pro antiqua ætate
ponitur.

94. *Das aliquid famæ*. Quod si te
famæ tuæ cura tangit quæ omni cantu-

- 95 Occupat humanam? grandes rhombi, patinæque,
Grande ferunt una cum damno dedecus. Adde
Iratum patrum, vicinos, te tibi iniquum,
Et frustra mortis cupidum, quum deerit egenti
As, laquei pretium. « Jure, inquis, Thrasius istis
- 100 Jurgatur verbis: ego vectigalia magna,
Divitiasque habeo tribus amplas regibus. » Ergo
Quod superat, non est melius quo insumere possis?
Cur eget indignus quisquam, te divite? quare
Templa ruunt antiqua deum? cur, improbe, caræ
- 105 Non aliquid patriæ tanto emetiris acervo?
Uni nimirum tibi recte semper erunt res?
O magnus posthac inimicis risus! Uterne
Ad casus dubios fidet sibi certius, hic, qui
Pluribus assuerit mentem, corpusque superbum,
- 110 An qui, contentus parvo, metuensque futuri,
In pace, ut sapiens, aptarit idonea bello?
Quo magis his credas, puer hunc ego parvus Ofellum
Integris opibus novi non latius usum,
Quam nunc accisis. Videas metato in agello
- 115 Cum pecore et natis, fortem mercede colonum,
« Non ego, narrantem, temere edi luce profesta
Quidquam, præter olus, fumosæ cum pede pernæ.
Ac mihi, seu longum post tempus venerat hospes,
Sive operum vacuo gratus conviva per imbrem

lena et harmonia gratior, ad hominum aures accidit.

96. *Ferunt.* Afferunt. — *Cum damno.* Cum rei familiaris jactura.

97. *Iniquum.* Displacentem et odiosum.

99. *Laquei pretium.* Quo emas laqueum. — *Thrasius.* Aliquis lautus, et luxui deditus, idemque pauper.

100. *Jurgatur.* A te objurgatur, his verbis reprehenditur, non ego. — *Vectigalia.* Pro censu, latifundis, annuo proventus prædiorum, etc., accipitur ea vox.

101. *Tribus amplas regibus.* Quæ tribus regibus sufficerent.

102. *Quod superat.* Quod tibi superfluum est, illud melius non potes insumere.

103. *Eget.* Est pauper. — *Indignus.* Qui meretur non egere, qui divitis est dignus.

105. *Emetiris.* Ex acervo metiris, decutis, seponis.

104. *Caræ.* Quæ tibi cara debet esse.

107. *Posthac.* Quum tibi res evenient adversæ, tunc risum præbebis

magnum inimicis. — *Uterne?* Uter tandem? legitur etiam *uternum*.

103. *Fidet,* etc. Perfugium in rebus afflictis et miseris certius et paratius habet. — *Hic qui,* etc. Is qui laute semper se tractaverit.

109. *Pluribus.* Rerum abundantiam. — *Superbum.* Lauto cultu victique corpus superbit, ac velut efferatur.

112. *Quo magis,* etc. Videtur hactenus locutus fuisse Ofellus: jam Horatius illi adstipulator, ejusque axiomata confirmat.

113. *Latius,* etc. Largius.

114. *Accisis.* Imminutis. — *Videas.* Quilibet videre et audire potest ita dicentem et narrantem: non ego temere, etc. — *Metato.* Dimenso in certa jugera, ut millibus assignaretur.

116. *Temere.* Facile, passim, sine certa et gravi causa. — *Luce profesta.* Diebus non festis.

117. *Pernæ.* Perna est pars coræ porcine, pedi proximior, juncta ipsi pedi.

119. *Operum vacuo.* Vacanti ab labore, et opere rustico.

- 120 Vicinus, bene erat, non piscibus urbe petitis,
Sed pullo atque hædo : tum pensilis uva secundas
Et nux ornat mensas cum duplici fœu.
Post hoc ludus erat cuppa potare magistra :
Ac venerata Ceres, ut culmo surgeret alto,
- 125 Explicuit vino contractæ seria frontis.
Sæviant, atque novos moveat fortuna tumultus,
Quantum hinc imminuet? quanto aut ego parcius, aut
O pueri, nitiuistis, ut huc novus incola venit? [vos,
Nam propriæ telluris herum natura, neque illum,
- 130 Nec me, nec quemquam statuit. Nos expulit ille;
Illum aut nequities, aut vafri inscitia juris,
Postremo expellet certe vivacior heres.
Nunc ager Umbreni sub nomine, nuper Ofelli
Dictus, erit nulli proprius; sed cedit in usum,
- 135 Nunc mihi, nunc alii. Quocirca vivite fortes,
Fortiaque adversis opponite pectora rebus. »

120. *Bene erat.* Genio videbar indulgere. Abunde mihi erat ad convivium pullus, etc.

121. *Pensilis uva.* Uva passa et siccata. — *Secundas mensas.* In quibus bellaria et fructus apponebantur. Vide oden 4, lib. 4.

122. *Duplici fœu.* Alii intelligunt fœus bifidas seu in duas partes divisas; alii autem explicant fœum duorum generum, id est albam et nigram; alii denique accipiunt *duplici* pro latiore, ingentiore.

123. *Post hoc, etc.* Post illas epulas agrestes et inemptas, non alius nobis ludus magis arridebat, quam potitare, etc.

124. *Venerata.* Culta et rogata : ut culmos grandiores tolleret, messem optimam largiretur.

125. *Explicuit, etc.* Sensus est : pleni spe bona messis uberioris, quam nobis venerata Ceres facere videbatur, ad largius bibendum nos lavitabamus,

et curas ac negotia seria, quæ frontem contrahunt, discullebamur vino; animos exillabamus.

127. *Hino, etc.* Ex his angustiis opibus, ex hac regula, quid mihi poterit auferre, qui parvo contentus sum?

128. *O pueri, etc.* Ex quo novus incola, Umbrenus, agrum meum invasit, an ideo, o servi, ego et vos parcius viximus? — *Nitiuistis.* Pingues et nitidi, lauti fuistis.

129. *Propria.* Ut propria cuique maneat et perpetua quasi possessio. — *Illum.* Umbrenum.

131. *Nequities.* Luxuria, profusi sumptus, vita fragitiosa.

132. *Vivacior.* Dintius vivens.

133. *Nunc ager, etc.* Ille ager, qui non ita pridem ager Ofelli dicebatur, qui nunc Umbreni nomine dicitur, etc.

134. *Nulli proprius.* Nulli perpetuus.

135. *Vivite fortes.* Vivite forti animo adversus fortunæ incommoda.

SATIRA III.

Fuse tractat paradoxum illud stoicorum, Omnes prope homines insanire.

DAMASIPPUS.

Sic raro scribis, ut toto non quater anno
Membranam poscas, scriptorum quæque retexens,

1. *Sic raro.* Raro, et quidem tam raro, ut, etc. — *Scribis.* Scilicet carmina.

2. *Membranam.* Chartam. — *Poscas.* A servulo tibi dari jubeas. — *Scripto-*

Iratus tibi, quod vini somnique benignus,
Nil dignum sermone canas. Quid flet? ab ipsis

- 5 Saturnalibus huc fugisti; sobrius ergo
Dic aliquid dignum promissis : incipe. Nil est?
Culpantur frustra calami, immeritusque laborat
Iratis natus paries dis, atque poetis.

Atqui vultus erat multa et præclara minantis,

- 10 Si vacuum tepido cepisset villula tecto.
Quorsum pertinuit stipare Platona Menandro?
Eupolin, Archilochum, comites educere tantos?
Invidiam placare paras, virtute relicta?
Contemnere, miser. Vitanda est improba Siren
15 Desidia, aut quidquid vita meliore parasti
Ponendum æquo animo.

HORATIUS. Di te, Damasippe, deæque
Verum ob consilium donent tonsore. Sed unde
Tam bene me nosti?

- DAMASIPPUS. Postquam omnis res mea Janum
Ad medium fracta est, aliena negotia curo,
20 Excussus propriis. Olim nam quærere amabam,
Quo vaser ille pedes lavisset Sisyphus ære :
Quid sculptum infabre, quid fustum durius esset :

rum quæque retexens. Omnia, quæ scripsisti, emendans, expoliens.

3. *Iratus tibi.* Egredere te ipsum ferens, quod quum in urbe degeres, ubi vino et somno largius indulgebas, nihil scriberes dignum, quod in publicam lucem ederetur.

4. *Quid flet?* Quorsum evadet ista tua socordia?

5. *Saturnalibus.* Saturnalia, Saturni feria, decembri mense celebrabantur; in his genium curabant. — *Huc. Rus.* — *Fugisti.* Ut in otio et sobrius scriberes, te ab urbe (in qua omnia personabant Græcantium clamoribus) proripulisti.

6. *Nil est.* Subaudi, excusationis tibi. Alii intelligunt *nihil est*, nihil in medium proferens, nihil scribis.

7. *Culpantur, etc.* Frustra calamos accusas, et feris parietem.

8. *Iratis dis.* Quod ad tristem sortem natum est, diis iratis natum esse dicitur.

9. *Atqui, etc.* Tamen mira quædam te scripturum promittebas.

10. *Vacuum.* Otiosum. — *Tepido.* Vel propter cœli clementiam, vel propter focum liberalem.

11. *Stipare, etc.* Congerere libros Platonis et Menandri.

12. *Eupolin.* Qui fuerit, vide satiram 2, lib. II. — *Archilochum.* De illo vide oden 6, Epodon lib.

13. *Invidiam, etc.* An paras superare invidiam, eos qui tibi invident militigare, nihil scribendo, laborem et litteras relinquendo? Aberras tota via: contemnent illi te, qui prius invidebant, etc.

14. *Improba Siren desidia.* Desidia improba ut Sirenes, monstra marina, quæ cantus suavitate nautas in scopulos devocabant.

15. *Quidquid, etc.* Fama quam bonis artibus et studiis collegisti.

17. *Verum.* Sapiens, æquum. — *Tonsore.* Qui longam istam, et philosophicam barbam radat.

18. *Postquam, etc.* Ex quo fortunarum omnium jacturam feci; quam negotia propria jam habeam nulla, curo aliena. — *Janum ad medium.* Erat in foro romano vicus Jani, a Jani bifrontis vel templo vel statua ita dictus: eo conveniebant argentarii et fœneratores.

19. *Fracta est.* Ductur a naufragio metaphorâ.

20. *Olim, etc.* Quum floretet mea res familiaris, veteres statuas et antiqua pocula curiose quærebam, etc.

21. *Sisyphus.* Eoli filius, Corinthi rex, homo mire astutus. — *Ære.* Vase æreo.

22. *Infabre.* Inscite, impolite. — *Fustum durius.* Conflatum ineleganter et aspere.

- Callidus huic signo ponebam millia centum :
 Hortos, egregiasque domos mercarier unus
 25 Cum lucro noram : unde frequentia Mercuriale
 Imposuere mihi cognomen compita.
 HORATIUS. Novi,
 Et morbi miror purgatum te illius.
 DAMASIPPUS. Atqui
 Emovit veterem mire novus; ut solet, in cor
 Trajecto lateris miseri, capitisque dolore :
 30 Ut lethargicus hic quum sit pugil, et medicum urget.

HORATIUS.

Dum ne quid simile huic, esto ut libet.

DAMASIPPUS. O bone, ne te

- Frustrere : insanis et tu, stultique prope omnes,
 Si quid Stertinius veri crepat; unde ego mira
 Descripsi docilis præcepta hæc, tempore quo me
 35 Solatus jussit sapientem pascere barbam,
 Atque a Fabricio non tristem ponte reverti.
 Nam, male re gesta, quum vellem mittere operto
 Me capite in flumen, dexter stetit; et : Cave faxis
 Te quidquam indignum; pudor, inquit, te malus urget,
 40 Insanos qui inter vereare insanus haberi.
 Primum nam inquiram quid sit furere : hoc si erit in te
 Solo, nil verbi, pereas quin fortiter, addam.
 Quem mala stultitia, et quemcumque inscitia veri
 Cæcum agit, insanum Chrysippi porticus et grex

23. *Huic signo.* Statum alicui : certam pecuniæ summam pro incerta et qualibet nominat. — *Ponebam, etc.* Illa æstimabam centum millibus sesterium : quæ summa conficit 20,000 fr.

25. *Unde, etc.* Ideo compita frequentia, id est mercatores, qui solent in compita frequentes convenire, mihi cognomen Mercurialis, id est, a Mercurio dilecti, imposuerant.

26. *Compita.* Loca in urbe, ubi plures viæ coeunt; *carrefour.*

27. *Morbi purgatum.* Græcæ locutio : morbo te isto purgatum. — *Atqui, etc.* Veteri morbo expulso novus successit : olim res meas, nunc alienas curo.

28. *In cor, etc.* Sic aliquando morbus lateris et capitis, solet in stomachum trajici et traduci. *Lethargus* est morbus, qui veterum et somnum pæne inexpugnabilem afferre solet.

31. *Dum ne quid, etc.* Esto ut libet, labora quo libereris morbo, etc. — *O bone, etc.* O amice, rides, et phrenesiam insaniamque mihi objicis, etc.

32. *Frustrere.* Decipias. — *Omnes.* Sabaudi sunt, vel, insanant : aiebant

enim stolti, stultos omnes, id est aliqua vitiosa cupiditate implicatos, insanire.

33. *Stertinius.* Stoicus philosophus. — *Crepat.* Edicit, loquitur. — *Unde.* Ex quo Stertino.

35. *Pascere barbam.* Suasit mihi philosophus ut essem.

36. *Fabricio ponte.* Unde me præcipitare volebam. Pons ille a Fabricio structus fuit, et insulam Tiberinam jungit, ab ea parte, quæ meridiem et montem Tarpelum respicit : ab altera vero parte, quæ Janiculum spectat et campum Martium, est pons Cestius.

37. *Male re gesta.* Amissis fortunis : mercatura non succedente. — *Operto.* Involuto. In luctu caput velabant, maxime si moriendi consilium cepissent, quasi vitam et lucem perosi.

38. *Dexter.* Auspicatus, felix.

39. *Pudor malus.* Vitiosus pudor ob rem male gestam te angit.

42. *Nil verbi, etc.* Non te pluribus verbis deterrebo ne fortiter mortem oppetas.

44. *Chrysippi, etc.* Stolti omnes, quorum dux Chrysippus.

- 45 Autumat. Hæc populos, hæc magnos formula reges,
 Excepto sapiente, tenet. Nunc accipe quare
 Desipiant omnes, æque ac tu, qui tibi nomen
 Insano posuere. Velut silvis, ubi passim
 Palantes error certo de tramite pellit,
- 50 Ille sinistrorsum, hic dextrorsum abit; unus utrique
 Error, sed variis illudit partibus. Hoc te
 Crede modo insanum, nihilo ut sapientior ille,
 Qui te deridet, caudam trahat. Est genus unum
 Stultitiæ, nihilum metuenda timentis; ut ignes,
- 55 Ut rupes, fluviosque in campo obstare queratur:
 Alterum et huic varium, et nihilo sapientius, ignes
 Per medios, fluviosque ruentis. Clamet amica
 Mater, honesta soror, cum cognatis, pater, uxor:
 • Hic fossa est ingens, hic rupes maxima: serva!
- 60 Non magis audierit, quam Fufius ebrius olim,
 Quum Ilionam edormit, Catienis mille ducentis,
 Mater te appello, clamantibus. Huic ego vulgum
 Errori similem cunctum insanire docebo.
- Insanit veteres statuas Damasippus emendo:
- 65 Integer est mentis Damasippi creditor? esto:

45. *Autumat. Insanum putat.* — *Hæc formula, etc.* Hoc axioma stoicæ scholæ, et quasi prætorium edictum, nempe omnes improbos insanire; populum regesque ipsos comprehendit.

49. *Palantes. Vagantes.* — *Certo tramite.* Recto itinere.

50. *Unus, etc.* Errant ambo, licet diversis partibus et itineribus.

52. *Nihilo ut, etc.* Adeo ut nihil te sit sapientior, qui te ridet, similique ac ta ratione caudam trahat, id est, insaniat, ridendus sit. — *Caudam trahat.* Solent enim pueri deridentes nescientibus a tergo caudam suspendere.

53. *Est genus, etc.* Est, inquit, unum genus stultitiæ, eorum qui timent ea quæ non metuenda sunt, qui videre sibi ubique ignes videntur et rupes. Alterum huic varium, id est ab illo diversum, eorum est, qui non timent ea quæ jure sunt metuenda, qui ultro in ignes præcipitant sese, etc.

59. *Serva.* Cave, sorva te.

60. *Fufius, etc.* Actor quidam, qui, quum Ilionæ personam ageret, eamque imitaretur dormientem, ita ut, ad vocem Polydori ipsam incitantis, deberet experisci, adeo præclare et vere dormivit, quod esset ebrius, ut excitari

e somno nunquam potuerit, quamvis Catienus, qui Polydorum agebat, istas voces, *Mater te appello*, clamaret. Tunc spectatores, numero mille et ducenti, cum Catieno succlamarunt: *Mater te appello*.

61. *Ilionam.* Erat Iliona maxima filiarum Priami, uxor Polymnestoris, Thraciæ regis, cui Priamus Polydorum filium alendum clam, ut amico regi et affini, tradiderat initio belli trojani, maris communis aleam veritus. At hunc Polymnestor auri quod a Priamo acceperat, ut Polydorum educaret ac celaret, amore captus, obtruncavit.

62. *Huic ego, etc.* Ego docebo et demonstrabo vulgum omnem insanire, et errare errorem, huic errori similem, id est, errore simili laborare: sic dicimus, *dolere dolorem alterius, gaudium gaudere*.

65. *Integer, etc.* An sanus est is, qui tibi ementi credit? — *Esto, etc.* Finge hoc a me tibi dici; accipe quod nunquam mihi reddas; certe non eris tu insanus, illud si accipias; esses autem profecto si id recusares, et lucrum rejiceres, quod tibi propitius offert Mercurius: ego potius insanirem, qui sic darem tibi. Idem faciunt omnes fere creditores: dant debitoribus quod non

- « Accipe quod nunquam reddas mihi, » si tibi dicam;
 Tune insanus eris, si acceperis? an magis excors
 Rejecta præda quam præsens Mercurius fert?
 — Scribe decem a Nerio. — Non est satis; adde Cicutæ
- 70 Nodosi tabulas centum, mille adde catenas:
 Effugiet tamen hæc sceleratus vincula Proteus.
 Quum rapies in jus malis ridentem alienis,
 Fiet aper, modo avis, modo saxum, et, quum volet, ar-
 Si male rem gerere, insani est; contra, bene sani; [bor.
- 75 Putidius multo cerebrum est, mihi crede, Perilli,
 Dictantis, quod tu nunquam rescribere possis.
 Audire, atque togam jubeo componere, quisquis
 Ambitione mala, aut argenti pallet amore,
 Quisquis luxuria, tristive superstitione,
- 80 Aut alio mentis morbo calet; huc propius me,
 Dum doceo insanire omnes, vos ordine adite.
 Danda est ellebori multo pars maxima avaris:
 Nescio an Anticyram ratio illis destinet omnem.
 Heredes Staberi summam incidere sepulcro;
- 85 Ni sic fecissent, gladiatorum dare centum
 Damnati populo paria, atque epulum, arbitrio Arri,

quam ab illis reddatur; unde multo sunt illis insaniores.

69. *Scribe, etc.* Ostendit debitores non reddere pecuniam ipsis datam, atque adeo insanire creditores a quibus eam accipiunt. *Scribe.* Scilicet te accipiasse. — *Decem.* Subaudi millia sestertiorum (2000 fr.). — *Nerio.* Quodam argentario. — *Non est satis, etc.* Non sufficiat scribere nomen tuum et debitoris in argenteis tabulis: adde, ut res tibi sit tutior, tabulas Cicutæ, alterius argenteis, seu feneratoris periclitissimi, qui mille modis et nodis solet debitores constringere ne elabantur.

71. *Proteus.* Id est, debitor, in varias formas se versans, ut Proteus, deus marinus, Neptuni pastor.

72. *Malis, etc.* Malis, sive maxillis alienis ridere, est intempestive et nequiter ridere.

74. *Si male, etc.* Pergit ostendere creditores stultiores esse debitoribus. Nam, inquit, si stultus est, qui rem domesticam male administrat, qui sua inscitia et negligentia rem perdit, contra vero, si sapit ille qui rem facit; certe multo insanius est Perillus, creditor tuus, qui vendit tibi statuas, hortos, etc.

76. *Rescribere.* Est delere quod scriptum erat.

77. *Audire, etc.* Stertinus hoc, *Horace.*

quasi pro concione diceret, pronuntiat. — *Togam componere.* Scilicet deliens toga et soluta non decet modestos et attentos auditores.

79. *Superstitione.* Cultus est falsus et supervacaneus Numinis: pro falsa religione sæpe usurpatur.

80. *Propius, etc.* Adite me propius, ut quosque appellabo.

82. *Danda est, etc.* Avaros primo insanire docet. *Elleborum* est herba, qua insaniam purgatur; *de Pellerore*: nascebatur in insula Græcæ Anticyra optimum.

84. *Heredes.* Staberius quidam, avarus insignis, idemque ditissimus, jussit ab suis heredibus notari et scribi in marmore quo ejus tumulus tegebatur, quam eorum quisque summam in hereditate cernenda cepisset: quo testatum esset posteris, quam dives obisset.

85. *Ni sic, etc.* Cavet testamentum suo, ut, nisi summam illam suo sepulcro scriberent, damnarentur dare centum paria gladiatorum, etc.

86. *Damnati.* Hac utebantur vulgo formula: *Heres damnas esto dare, etc.* Atque ita sanctissime ac firmissime obligati heredes ad faciendum id, quod testamentum cavebatur, censebantur. — *Paria.* Par gladiatorum, duo gladiatores inter se compositi. — *Epulum.* Hoc quoque observatum in funeribus.

Frumenti quantum metit Africa. « Sive ego prave, Seu recte, hoc volui, ne sis patruus mihi. » Credo Hoc Staberi prudentem animum vidisse.

DAMASIPPUS. Quid ergo

- 90 Sensit, quum summam patrimoni insculpere saxo Heredes voluit?

STERTINIUS. Quoad vixit, credidit ingens Pauperiem vitium, et cavit nihil acrius; ut, si Forte minus locuples uno quadrante perisset, Ipse videretur sibi nequior. Omnis enim res,

- 95 Virtus, fama, decus, divina humanaque pulchris Divitiis parent; quas qui construxerit, ille Clarus erit, fortis, justus.

DAMASIPPUS. Sapiensne?

STERTINIUS. Etiam et rex,

Et quidquid volet. Hoc, veluti virtute paratum, Speravit magnæ laudi fore.

DAMASIPPUS. Quid simile isti

- 100 Græcus Aristippus, qui servos projicere aurum In media jussit Libya, quia tardius irent Propter onus segnes? Uter est insanior horum?

STERTINIUS.

Nil agit exemplum, litem quod lite resolvit. Si quis emat citharas, emptas comportet in unum,

- 105 Nec studio citharæ, nec musæ deditus ulli; Si scalpra, et formas, non sutor; nautica vela, Aversus mercaturis; delirus, et amens Undique dicatur merito. Quid discrepat istis, Qui nummos aurumque recondit, nescius uti

ut in ædibus demortui, aut publice convivium præberetur. — *Arri.* Alicujus prodigi et sumptuosi hominis; qui proinde sumptum esset prolixæ facturus.

87. *Quantum, etc.* Id est, maximam vim frumenti; subaudi largiri populo. — *Sive ego, etc.* Inducitur Staberius loquens, et testamentum condens.

88. *Ne sis patruus mihi.* Noli me reprehendere: patruus, objurgator, vituperator.

89. *Hoc vidisse.* Id eo consilio fecisse. Nempe quod postea subjicit, timuisse ne pejor videretur, si pauper moreretur: speravit magnæ sibi laudi opes fore, ut virtute paratas et industria.

92. *Cavit nihil acrius.* Nullam rem attentius vitavit.

93. *Uno quadrante.* Quadrans est quarta pars assis, uncie tres.

10.

98. *Hoc.* Divitem esse. — *Virtute.* Frugalitate, parcimonia, sapientia.

99. *Quid simile, etc.* Subaudi, fecit? Aliud stultitiae proponit exemplum, in opum contemptu parum moderato.

100. *Aristippus.* Socratis auditor, Cyrene in Libya natus.

102. *Uter, etc.* Staberius, an Aristippus? Certe Staberius videtur insanior, avarus, prodigo, aut uterque æque desipit.

105. *Musæ.* Hoc nomen de musica pariter et qualibet scientia, præsertim vero de poetica dicitur.

106. *Scalpra.* Gladioli sunt sutorii, quibus corium scinditur, *des tranckets.* — *Formas.* Ligneas formas, quas sutores in calceos conficiendos inducunt et immittunt, *des formes.*

107. *Aversus mercaturis.* Abhorrens a mercatura facienda et navigatione.

- 110 *Compositis*, metuensque velut contingere sacrum?
Si quis ad ingentem frumenti semper acervum
Porrectus vigilet cum longo fuste, neque illinc
Audeat esuriens dominus contingere granum,
Ac potius foliis parvus vescatur amaris;
- 115 Si positis intus chii veterisque falerni
Mille cadis, nihil est, ter centum millibus, acre
Potet acetum: age, si et stramentis incubet, unde-
Octoginta annos natus, cui stragula vestis,
Blattarum ac tinearum epulæ, putrescat in arca:
- 120 Nimirum insanus paucis videatur, eo quod
Maxima pars hominum morbo jactatur eodem.
Filius, aut etiam hæc libertus ut ebibat heres,
Dis inimice senex, custodis? ne tibi desit?
Quantulum enim summæ curtabit quisque dierum,
- 125 Ungere si caules oleo meliore, caputque
Cœperis impexa fœdum porrigine? Quare,
Si quidvis satis est, perjuras, surripis, aufers
Undique? Tun' sanus? Populum si cedere saxis
Incipias, servosve tuos, quos ære pararis,
- 130 Insanum te omnes pueri clamentque puellæ:
Quum laqueo uxorem interimis, matremque veneno,
Incolumi capite es? Quid enim? neque tu hoc facis Argis,
Nec ferro, ut demens genitricem occidit Orestes.
An tu reris eum occisa insanisse parente,
- 135 Ac non ante malis dementem actum Furiis, quam
In matris jugulo ferrum tepefecit acutum?
Quin, ex quo est habitus male tutæ mentis Orestes,
Nil sane fecit, quod tu reprehendere possis:
Non Pyladem ferro violare, aususve sororem

110. *Compositis*. Collectis.

112. *Cum longo fuste*. Ad amoven-
das bestiolas.

113. *Esuriens dominus*. Quamvis sit
acervi dominus.

114. *Foliis*. Leguminibus.

115. *Intus*. In cella vinaria.

116. *Nihil est*. Parum est.

117. *Acetum*. Vappam, vinum cor-
ruptum. — *Stramentis*. Palea textili,
matte, paillasse.

118. *Unde-octoginta*. Septuaginta
novem; quasi, uno dempto de octo-
ginta. — *Stragula*. Quæ lecto inster-
nitur, una *couverture*, una *courte-
pointe*, a sternendo dicta: non tam ad
usum, quam ad ornatum comparata.

119. *Blattarum*. Blattæ, ac tinæ,
vermiculi sunt, vestem arrodentes: *mi-
ses*, *teignes*, vers qui rongent les ha-
bits.

122. *Filius*, etc. Hæc omnia custo-
dis, o senex, ut filius tuus bibendo ab-
sumat.

125. *Caput*, etc. Curabant caput
oleo odorato, sive unguentis.

126. *Porrigine*. Est morbus quidam
capitis, quum inter pilos enascuntur
squamulæ quædam; quod impexis fere
accidit.

127. *Si quidvis*, etc. Si tibi exiguum
quidpiam sufficit ad victum.

129. *Ære pararis*. Pecunia emeris.

131. *Uxorem*, etc. Ut ejus dotem
possideas. — *Matrem*. Ut fruaris he-
reditate.

132. *Quid enim?* etc. At enim ita
te excusabis, dicesque hæc non facere
Argis, in Græcia, non uti ferro, ut
Orestes, etc.

135. *Furiis*. Furiæ, sive Eumenides,
Noctis filiæ.

- 140 Electram : tantum maledicit utrique, vocando
Hanc Furiam, hunc aliud, jussit quod splendida billis.
Pauper Opimius argenti positi intus et auri,
Qui Veientanum festis potare diebus
Campana solitus trulla, vappamque profestis,
145 Quondam lethargo grandi est oppressus; ut heres
Jam circum loculos et claves lætus ovansque
Curreret. Hunc medicus multum celer, atque fidelis,
Excitat hoc pacto : mensam poni jubet, atque
Effundi saccos nummorum; accedere plures
150 Ad numerandum. Hominem sic erigit. Addit et illud :
• Ni tua custodis, avidus jam hæc auferet heres. —
Men' vivo? — Ut vivas igitur, vigila : hoc age. — Quid
Deficient inopem venæ te, ni cibus, atque [vis? —
Ingens accedat stomacho fultura ruenti.
155 Tu cessas? agedum, sume hoc ptisanarium oryzæ. —
Quanti emptæ? — Parvo. — Quanti ergo? — Octussibus. —
Quid refert, morbo, an furtis, pereamne rapinis? [Eheu!

DAMASIPPUS.

Quisnam igitur sanus?

STERTINIUS. Qui non stultus.

DAMASIPPUS. Quid avarus?

STERTINIUS.

Stultus, et insanus.

DAMASIPPUS. Quid? si quis non sit avarus,

160 Continuo sanus?

STERTINIUS. Minime.

DAMASIPPUS. Cur, stoice?

STERTINIUS. Dicam.

141. *Aliud.* Allo nomine, allo convicio, quod ira suggessit. — *Splendida.* Flava billis, quæ furorem excitat.

142. *Pauper argenti.* Qui quamvis aurum argentumque intus, id est, domi in arca positum et reconditum haberet, ejus tamen erat pauper, quia illo non utebatur.

143. *Veientanum.* Vinum vile, in agro Etruriæ velentano natum.

144. *Trulla.* Vase scillili, facto in Campania; villi patera. — *Vappam.* Vinum acidum et fugiens.

145. *Lethargo.* Morbus est, quo qui laborant somno gravi et perpetuo obdormunt.

146. *Loculos.* Arcas, sacculos, ubi erant Opimii nummi.

147. *Celer.* Scilicet in consilio capiendo. — *Fidelis.* Sedulus.

148. *Mensam.* In qua numeraret nummos.

150. *Erigit.* E somno lethargico excitat nummorum tinnitu.

152. *Men' vivo?* Verba sunt Opimii: Mene adhuc vivente et superstitute, meos mihi nummos heres auferet? — *Vigila.* Somnum excute. — *Hoc age.* In hoc unum incumbere, attende quid dicam: audin'? — *Quid vis?* Voces Opimii.

153. *Deficient, etc.* Loquitur medicus. — *Inopem.* Languentem et jejunum. — *Venæ.* In quibus sanguis et vires.

154. *Fultura.* Præsidium, robur.

155. *Tu cessas?* Quid cunctaris? — *Ptisanarium, etc.* Ptisanam, seu pulmentem, confectam ex oryza, du ris.

156. *Quanti.* Petit hoc Opimius. — *Parvo.* Respondet medicus. — *Eheu!* etc. Quid refert, inquit Opimius, an peream furtis et rapinis meorum heredum, an morbo, qui curandus sit tot sumptibus, ita ut asses octo in unam ptisanam abeant?

Non est cardiacus, Craterum dixisse putato,
Hic æger: recte est igitur, surgetque? negabit;
Quod latus, aut renes morbo tententur acuto.

Non est perjurus, neque sordidus: immolet æquis

- 165 Hic porcum Laribus. Verum ambitiosus, et audax:
Naviget Anticyram: quid enim differt, barathrone
Dones quidquid habes, an nunquam utare paratis?

Servius Oppidius Canusi duo prædia, dives

Antiquo censu, gnatis divisisse duobus

- 170 Fertur, et hoc moriens pueris dixisse vocatis
Ad lectum: « Postquam te talos, Aule, nucesque
Ferre sinu laxo, donare et ludere vidi;
Te, Tiberi, numerare, cavis abscondere tristem,
Extimui, ne vos ageret vesania discors;

- 175 Tu Nomentanum, tu ne sequere Cicutam.
Quare per divos oratus uterque Penates,
Tu, cave ne minuas; tu, ne majus facias id
Quod satis esse putat pater, et natura coercet.
Præterea, ne vos titillet gloria, jure-

- 180 Jurando obstringam ambo: uter ædilis fueritve
Vestrum prætor, is intestabilis et sacer esto.
In cicere atque faba bona tu perdasque lupinis,

161. *Non est cardiacus.* Non laborat cordis seu stomachi dolore. — *Craterum.* Medicum.

164. *Sordidus.* Avarus. — *Immolet, etc.* Gratias agat diis Laribus, quos propitios expertus est; et ipsis porcum immolet.

165. *Audax.* Temerarius: fortitudinis famam aucupans.

166. *Naviget Anticyram.* Id est, illam insanum esse pronuntio, qui elleboro curandus sit, quod in Anticyra nascitur. — *Barathrone dones.* In largitiones et alios ejusmodi sumptus profundas.

167. *Paratis.* Quæsitis, comparatis.

168. *Canusi.* In urbe Canusina: oppidum est Apuliæ, in Italia, hodie *Canosa*.

169. *Antiquo censu.* Avilis opibus pollens. — *Divisæ.* Divisisse.

171. *Nuces.* Iis vulgo lusitabant pueri.

172. *Sinu laxo.* Incuriosus, negligens. Id dicimur laxo sinu ferre, cujus nullam curam gerimus — *Donare.* Liberalem et prodigum esse.

173. *Tiberi.* Tiberius erat alter filiorum Servii Oppidii. — *Numerare, etc.* Numerare nuces, ossicula, et locis occultis abscondere. — *Tristem.* Sollicitam.

174. *Discors.* Dissimilis.

175. *Nomentanum.* Helluonem et prodigum. — *Cicutam.* Avarum sœneratorem.

176. *Penates.* Idem qui Lares, de quibus paulo ante mentionem fecit vers. 163.

178. *Coercet.* Moderatur, certis finibus definit et continet.

179. *Præterea.* Præterea ego vos id mihi volo, ut jurati promittatis, fore ut nunquam patiamini vos ambitione et gloriæ cupiditate duci.

180. *Ædilis.* Romanus erat magistratus, cui ædium privatarum et publicarum, ludorum, etc., cura mandata.

181. *Intestabilis.* Sic appellatur ille, qui jus non habet condendi testamenti: vel quem nemo adhibere testem potest ob improbitatem, insaniam, etc. — *Sacer.* Exsecrandus, detestabilis.

182. *In cicere, etc.* Hæc ita explicata: Tunc (filiorum alterutrum alloquitur, cui interminatus est ne ædilis, aut prætor esset) bona tua perdas in dividendis elcere, faba, aut lupinis, plebi? — *Faba.* Cicero, lupinos, fabas, et alia legumina id genus, populo distribuebant ædiles in ludis, maxime Florilibus; idem faciebant vulgo candidati, ut populi suffragia ceptarent.

- Latus ut in circo spatiere, aut aheneus ut stes,
 Nudus agris, nudus nummis, insane, paternis?
 185 Scilicet ut plausus, quos fert Agrippa, feras tu,
 Astuta ingenium vulpes imitata leonem?
 Ne quis humasse velit Ajacem, Atrida, vetas cur?
 AGAMEMNON.

Rex sum.

STERTINIUS. Nil ultra quæro plebeius.

- AGAMEMNON. Et æquam
 Rem imperito: ac, si cui videor non justus, inulto
 190 Dicere quæ sentit, permitto.

STERTINIUS. Maxime regum,
 Di tibi dent capta classem deducere Troja.
 Ergo consulere, et mox respondere licebit.

AGAMEMNON.

Consule.

- STERTINIUS. Cur Ajax, heros ab Achille secundus,
 Putrescit, toties servatis clarus Achivis?
 195 Gaudeat ut populus Priami, Priamusque inhumato,
 Per quem tot juvenes patrio caruere sepulcro?

AGAMEMNON.

Mille ovium insanus morti dedit, inclytum Ulyssem,
 Et Menelaum una mecum se occidere clamans.

STERTINIUS.

- Tu quum pro vitula statuis dulcem Aulide natam
 200 Ante aras, spargisque mola caput, improbe, salsa,
 Rectum animi servas?

AGAMEMNON. Quorsum?

STERTINIUS. Insanus quid enim Ajax
 Fecit, quum stravit ferro pecus? abstinuit vim

185. *Agrippa*. Augusti gener, qui, quum esset ædilis anno U. C. 721, splendidissimos ludos atque spectacula edidit.

186. *Ingenium*. Nobilem, generosum. — *Vulpes imitata*. Simillis vulpi æsopiæ, quæ pellem leonis induerat.

187. *Ne quis, etc.* Docet exemplo Agamemnonis, cupidus gloriæ, maxime bellicæ, esse insanos. — *Vetas cur?* Loquitur plebeius: Cur, o Agamemnon, fili Atrei, vetas, etc.

189. *Inulto*. Impune.

192. *Consulere*. Interrogare. Leniori verbo utitur, quia regem alloquitur.

193. *Ab Achille secundus*. Uno Achille inferior.

194. *Putrescit*. Insepultus jacet. — *Achivis*. Græcis.

195. *Gaudeat, etc.* Cur pateris eo insepulto lætari nostros hostes?

196. *Per quem, etc.* Qui tot Trojanos interfecit, et insepultos putrescere coegit.

197. *Ulyssem*. Achillis arma intraverat Ulysses.

199. *Aulide*. Græciæ portus fuit, ad quem quum Græcorum classis, ad bellum trojanum profectura, consisteret silentibus ventis, ac iratis diis, responsum est eos, nisi mactata Iphigenia, placari non posse. — *Natam*. Iphigeniam.

200. *Mola*. Far, sive hordeum erat, tostum, et mixtum sale, quo cultros et victimæ caput spargebant.

201. *Rectum, etc.* Subaudi statim: an sanus es? — *Insanus, etc.* Quid fecit gravioris sceleris Ajax insaniens? occidit gregem; at ab uxore et filio manus violentas abstinuit, id est, in eos non sævit, non in Teucrum, etc.

Uxore et gnato, mala multa precatus Atridis;
Non ille aut Teucrum, aut ipsum violavit Ulyssem.

AGAMEMNON.

- 205 Verum ego, ut hærentes adverso littore naves
Eriperem, prudens placavi sanguine divos.

STERTINIUS.

Nempe tuo, furiose.

AGAMEMNON. Meo, sed non furiosus.

STERTINIUS.

Qui species alias veris, scelerisque tumultu
Permixtas capiet, commotus habebitur; atque

- 210 Stultitiane erret, nihilum distabit, an ira.

Ajax, quum immeritos occidit, desipit, agnos:
Quum prudens scelus ob titulos admittis inanes,
Stas animo? et purum est vitio tibi, quum tumidum est,
Si quis lectica nitidam gestare amet agnam. [cor?

- 215 Huic vestem, ut natæ, paret ancillas, paret aurum;
Pusam aut pusillam appellet, fortique marito
Destinet uxorem; interdicto huic omne adimat jus
Prætor, et ad sanos abeat tutela propinquos.

Quid? si quis natam pro muta devovet agna,
220 Integer est animi? Ne dixeris. Ergo ubi prava
Stultitia, hic summa est insania; qui sceleratus,
Et furiosus erit; quem cepit vitrea fama,
Hunc circumtonuit gaudens Bellona cruentis.

Nunc age, luxuriam et Nomentanum arripe mecum;

203. *Atridis.* Agamemnoni et Melæo.

205. *Adverso.* Inimico et infesto; unde solvere naves nequibant.

206. *Prudens.* Certo, et pio consilio.

208. *Qui species, etc.* Parum Intererit, an isto errore stulto peccet, ut tu, o Agamemnon, an furore et ira, ut Ajax.

209. *Capiet.* Animo concipiet.

212. *Ob titulos, etc.* Ut tibi concilies gloriam patriæ servatæ, ut ambitioni servias. — *Admittis scelus.* Jugulas illam.

213. *Stas animo?* Integer animi es? — *Tumidum.* Ambitiosum.

215. *Paret.* Emat, adhibeat. — *Aurum.* Aurea ornamenta.

216. *Pusam, pusillam.* Nomina blandientia, id est, puellam, filiolam.

217. *Destinet uxorem.* Si illam collocare in matrimonium meditetur. — *Interdicto, etc.* Certe causa justa erit, car prætor insano illi eripiat jus omne, sua nimirum bona administrandi, et civilia obeundi munera.

218. *Tutela.* Horatius hic tutelam pro curatione posuit. *Tutela* enim, proprie est vis ac potestas in capite libero, jure civili data, ad tuendum eum, qui se per ætatem defendere non potest. *Curatio* vero est manus eorum qui puberibus prodigis mente captis ac furiosis, allisque, quod res suas gerere non possent, administratores dabantur ex lege, hique proprie *curatores* dicebantur, alii vero *tutores*.

219. *Devovet.* Armæ destinat.

220. *Ne dixeris.* Certe id non dicet.

221. *Prava stultitia.* Error, cupiditas, scelus quodlibet.

222. *Vitrea.* Fragilis, splendida, instar vitri.

223. *Hunc, etc.* Qui ambitione et bellicæ laudis gloria captus est, illum Bellona reddit attonitum, id est, insanum. — *Gaudens cruentis.* Quæ cruorem amat et cædem. Bellona dea est belli, Martis soror.

224. *Arripe.* Expende, excute.

- 225 Vincit enim stultos ratio insanire nepotes.
Hic simul accepit patrimoni mille talenta,
Edicit, piscator uti, pomarius, auceps,
Unguentarius, ac Tusci turba impia vici;
Cum scurris fartor, cum Velabro omne macellum,
230 Mane domum veniant. Quid tum? venere frequentes;
Verba facit leno: « Quidquid mihi, quidquid et horum
Cuique domi est, id crede tuum, et vel nunc pete, vel
Accipe quid contra juvenis responderit æquus: [cras. »
« In nive lucana dormis ocreatus, ut aprum
235 Cænem ego: tu pisces hiberno ex æquore verris:
Segnis ego, indignus qui tantum possideam: aufer,
Sume tibi decies; tibi tantumdem; tibi triplex. »
Filius Æsopi detractam ex aure Metellæ,
Scilicet ut decies solidum exsorberet, aceto
240 Diluit insignem baccam: qui sanior, ac si
Illud idem in rapidum flumen, jaceretve cloacam?
Quincti progenies Arri, par nobile fratrum,
Nequitia et nugis, pravorum et amore gemellum,
Luscinias soliti impenso prandere coemptas,
245 Quorsum habeant sani? creta, an carbone notandi?
Ædificare casas, plaustello adjungere mures,
Ludere par impar, equitare in arundine longa,

225. Vincit. Plane ostendit. Nepotes. Dissolutos, prodigos.

226. Hic. Mometanus. — Mille talenta. Talentum circiter 5400 fr.

227. Edicit. Palam denuntiat et moneri jubet, ut adsint postridie mane apud se piscatores, etc. — Pomarius. Pomorum venditor. — Unguentarius. Pharmacopola, qui unguenta vendit.

228. Tusci, etc. Cupidinaril, perditi homines, qui vicum Tuscum, la rue Toscane, ita dictum ab Etruscis ibi olim degentibus, habitabant.

229. Scurris. Scurræ, sunt homines dicaces et festivi, qui risum aliis movent, sæpe illiberaliter et putide; un bouffon. — Fartor. Qui farcimina conficit; un charcutier. — Velabro. Velabrum, le Velabre, locus Romæ celebris, ubi erant unguentarii. — Macellum. Locus ubi vendebantur obsonia; le marché.

231. Leno. Mancipiorum venditor.

233. Æquus. Qui cum æquitate rependit pecuniam pro cuiusque labore. Clemens, largus et prodigus.

234. Lucana. Est Lucania regio Italiæ extremæ, prope Calabriam, ad mare Inferum. — Dormis. Tu, o venator.

235. Tu. O piscator.

236. Segnis ego. Et ego Interim se-

gnis sum, et otiosus, te mea causa laborante; nã indignus sum qui sim dives, nisi largior tibi. — Aufer. Accipe.

237. Decies. Subaudi centena sestertium millia (circiter 200,000 fr.). — Tibi. O piscator. — Tibi. Alium quemplam, v. g. unguentarium appellat. — Triplex. Triplum, tertium tantum sume.

238. Filius Æsopi. Actoris nobilissimi.

239. Decies solidum, etc. Ut uno haustu exsorberet decies centena millia solida, id est, integra, plena, sestertiorum: porro ista adverbium decies centies, etc., ponuntur instar nominis neutralis.

240. Diluit. Dissolvit, liquavit. — Baccam. Unionem. — Qui. Quomodo. 241. Illud idem. Eandem hanc pecuniæ summam.

243. Nequitia. Luxurie. — Nugis. Dementia. — Gemellum. Simillimum.

244. Impenso. Magno pretio.

245. Creta, etc. Albo lapillo notamus bona, mala nigro.

246. Ædificare, etc. Ordo est: si quis homo barbatus et prorector statæ delectetur jungendis plaustro muribus, etc., illum certe amentia exagitat. — Plaustello. Exiguo plaustro. — Adjungere mures. Equorum instar.

247. Par impar. Ludus et puerilis et notus, jouer à pair ou non pair.

- Si quem delectet barbatum, amentia verset.
 Si puerilius his ratio esse evincet, amare;
 250 Nec quidquam differre, utrumve in pulvere, trimus
 Quale prius, ludas opus, an meretricis amore
 Sollicitus plores : quæro, faciasne quod olim
 Mutatus Polemon? ponas insignia morbi,
 Fasciolas, cubital, focalia : potus ut ille
 255 Dicitur ex collo furtim carpsisse coronas,
 Postquam est impransi correptus voce magistri?
 Porrigis irato puero quum poma, recusat :
 « Sume, catelle. » Negat. Si non des, optat. Amator
 Exclusus qui distat? agit ubi secum, eat, an non,
 260 Quo rediturus erat non arcessitus, et hæret
 Invisis foribus? « Nec nunc, quum me vocat ultro,
 Accedam? an potius mediter finire dolores?
 Exclusit : revocat : redeam? non, si obsecret. » Ecce
 Servus non paulo sapientior : « O here, quæ res
 265 Nec modum habet, neque consilium, ratione modoque
 Tractari non vult. In amore hæc sunt mala : bellum,
 Pax rursum. Hæc si quis tempestatis prope ritu
 Mobilia, et cæca fluitantia sorte, laboret
 Reddere certa sibi, nihilo plus explicet, ac si
 270 Insanire paret certa ratione, modoque. »
 Quid? quum picenis excerpens semina pomis,

248. *Amentia verset.* Illum agitet stultitia; insanus habeatur profecto.

249. *Si puerilius, etc.* Si ratio evincat esse amorem aliquid magis puerile, quam has puerorum occupationes, nempe casas edificare, etc.

250. *In pulvere.* Ut ludunt pueri, dum casulas edificant, scrobes effodiunt.

251. *Trimus quale prius.* Quale olim iusisti trium annorum puerulus.

254. *Fasciolas.* Fascias aliquando appellabant involucri crurum et femorum. — *Cubital.* Cubitorum, seu brachiorum ornamentum sericum, aureum, etc. — *Focalia.* Collis ornamenta et faucium. — *Ut.* Quemadmodum.

255. *Furtim, etc.* Polemon, floribus coronatus et ebrius, in Xenocrati scholam olim ingressus est, qui tum forte de temperantia diserebat: hujus oratione paulatim victus adolescens, coepit sibi coronas furtim detrahare, sui que poenitere : qui Polemon postea ale mutatus est ut dignus fuerit qui Xenocrati succederet, et philosophiam Athenis doceret, etc.

256. *Impransi.* Sobril.

257. *Porrigis, etc.* Docet insanire amatores, puerorum in morem.

258. *Catelle.* Canicule : vox blandientis.

259. *Exclusus.* Foribus meretricis. — *Qui distat, etc.* An non isti puero similis est? Hic locus est expressus ex Eunucho, terentiana comœdia.

261. *Nec nunc.* Egone, (inquit Phœdria terentianus, Eunuchi act. I, sc. 1), non accedam ad Thaidem? ne nunc quidem quum me ultro accersit?

262. *Dolores.* Quos ex ejus contumeliis patior.

263. *Redeam.* An redibo. — *Si.* Etsi. — *Ecce, etc.* Phœdriam alloquitur Parmeno, servus hero sanior.

265. *Cæca, etc.* Incerto casu contingentia. — *Laboret, etc.* Certis legibus gubernare cogitet.

269. *Nihilo plus, etc.* Non plus proficiet, quam si cum ratione stultus esse velit.

271. *Quum picenis, etc.* Pomorum semina, e pomis educta, ejaculantes primoribus digitis, si triclinii cameram, id est, fornicem, seu lacunar attigissent, bene de suis amoribus augurabantur; sin contra, male. — *Picenis.* Picenus ager est in Italia, ad oram maris Adriatici,

- Gaudes si cameram percusti forte, penes te es?
 Quid? quum balba feris annoso verba palato,
 Edificante casas qui sanior? Adde cruorem
 275 Stultitiæ, atque ignem gladio scrutare. Modo, inquam,
 Hellade percussa Marius, quum præcipitat se,
 Cerritus fuit? an commotæ crimine mentis
 Absolves hominem, et sceleris damnabis eundem,
 Ex more imponens cognata vocabula rebus?
 280 Libertinus erat, qui circum compita siccus
 Lotis mane senex manibus currebat, et: « Unum
 (Quid tam magnum? addens), unum me surpite morti,
 Dis etenim facile est, » orabat; sanus utrisque
 Auribus, atque oculis; mentem, nisi litigiosus,
 285 Exciperet dominus, quum venderet. Hoc quoque vulgus
 Chrysippus ponit fecunda in gente Meneni.
 « Jupiter, ingentes qui das adimisque dolores,
 Mater ait pueri menses jam quinque cubantis,
 Frigida si puerum quartana reliquerit, illo
 290 Mane die, quo tu indicis jejunia, nudus
 In Tiberi stabit. » Casus, medicusve levarit
 Ægrum ex præcipiti, mater delira necabit
 In gelida fixum ripa, febrimque reducet.
 Quone malo mentem concussa? timore deorum.

pomis bonis abundans. — *Semina*. Pomorum grana, *les pepins*.

272. *Penes te es?* Esne mentis compos? — *Percusti*. Percussisti.

273. *Quum balba, etc.* Quum tu senex, ut mulieris gratiam captes, instar pueri balbutiente voce blanditias loqueris et verbis tremulis palatum tuum verberas: quo pacto sanior es puero casualis ædificante?

274. *Cruorem*. Crudelitatem.

275. *Stultitiæ*. Insano amor. *Ignem gladio, etc.* Malum malo cumula. — *Modo*. Nuper.

276. *Hellade, etc.* Marius, Hellade, a qua spernebatur, interfecta, quum se præcipitem ex saxo dedit, nonne insanus fuit?

277. *Cerritus*. Pro *Cereritus*, id est, percussus a Cerere, quæ hominibus insaniam immittere credebatur. — *An commotæ, etc.* An negabis eum insanum esse, et sceleratum tamen vocabis ex more hominum, qui rebus duris et gravioribus molliora imponunt nomina?

280. *Cognata*. Cognationem aliquam inter se habentia, quibus idem sensus est.

281. *Circum compita*. Ubi dii domestici publice colebantur.

283. *Surpiti*. Subripiti.

284. *Nisi litigiosus*. Nisi dominus lites amaret, litem intendi sibi vellet. Venditor enim debebat vitia omnia rei venditæ, præsertim mancipiorum, emptoribus aperire; ni fecisset, mulctabatur, et in eum erat actio.

285. *Hoc Vulgus*. Villem istam superstitionum turbam.

286. *Meneni*. Meneniorum gens, seu familia, fuit apud Romanos secunda et numerosa: in ea quidam olim laboraverant insania, et ipsa vox Menenii similis est atque affinis voci græcæ, quæ insanum significat.

287. *Dolores*. Morbos.

288. *Cubantis*. Lecto affixi et ægro-tantis.

289. *Quartana*. Febris quarto quoque die recurrens: *fièvre quarte*.

290. *Quo tu, etc.* Quo magistratus, vel sacerdotes, jejunium imperabunt aliquod tuo nomine.

291. *In Tiberi stabit*. Scilicet immersus, expiationis causa. — *Levarit, etc.* Si puerum e lubrico et difficili morbo recreaverit.

292. *Mater delira*. Videlicet existimans puerum Jovis beneficio convaluisse, æque voti religione obstrictam.

294. *Quone*. Num quo. — *Timore*

DAMASIPPUS.

- 295 Hæc mihi Stertinius, sapientum octavus, amico
Arma dedit, posthac ne compellarer inultus.
Dixerit insanum qui me, totidem audiet; atque
Respicere ignoto discet pendentia tergo.

HORATIUS.

- Stoice, post damnum sic vendas omnia pluris!
300 Qua me stultitia (quoniam non est genus unum)
Insanire putas? ego nam videor mihi sanus.

DAMASIPPUS.

Quid? caput abscissum demens quum portat Agave
Gnati infelicis, sibi tum furiosa videtur?

HORATIUS.

- Stultum me fateor (liceat concedere veris)
305 Atque etiam insanum: tantum hoc edissere, quo me
Ægrotare putes animi vitio.

DAMASIPPUS. Accipe: primum

- Ædificas, hoc est, longos imitaris, ab imo
Ad summum totus moduli bipedalis, et idem
Corpore majorem rides Turbonis in armis
310 Spiritum et incessum. Qui ridiculus minus illo?
An quodcumque facit Mæcenas, te quoque verum est,
Tanto dissimilem, et tanto certare minorem?
Absentis ranæ pullis vituli pede pressis,
Uuus ubi effugit, matri denarrat, ut ingens
315 Bellua cognatos eliserit. Illa rogare,
«Quantane? num tandem, se inflans, sic magna fuisset?
— Major dimidio. — Num tanto?» Quum magis atque

deorum. Superstitione, quam oritur e nimio metu Numinis.

295. *Octavus.* Septem vulgo numerantur Græcis sapientes.

296. *Arma, etc.* Argumenta, quibus ulciscerer, si quis me stultam compellaret.

297. *Totidem.* Eadem verba ex me audiet.

298. *Pendentia.* Discet adspicere mantem partem, pendentem sibi a tergo quam ignorat, quam non intuetur.

299. *Post damnum, etc.* Siquidem jactaram fortunarum tuarum et naufragium fecisti, hoc a superis bene tibi precor, ut jam in vendendo sis fortunatior, et pluris quam omnes alii merces tuas vendas, lucri plus facias.

302. *Quid? etc.* Sententia est, ideone sanus es, quod tibi sanus videris? sibi videbatur Agave sana quum maxime fureret. — *Agave.* Penthei mater, Cadmi filia, immisso sibi furore a Baccho quem

Pentheus læserat, illi caput amputavit, rata se aprum vel taurum discerpere.

304. *Concedere veris.* Quod verum est fateri.

305. *Edissere.* Narra, expone.

306. *Accipe.* Audi, jam explicabo.

307. *Longos.* Proceros, id est, nobiles, divites, magnos, tu exiguus, etc. — *Ab imo.* A capite ad calcem.

308. *Et idem.* Tu idem tamen rides et Turbonem gladiatorem ingentes animos angusto in corpore versantem.

311. *Verum est.* Aequum est, par est, subaudi facere, te qui tanto et illi dissimilis et tanto inferior, et impar ad certandum cum eo.

315. *Cognatos.* Pullos alios una secum natos, ex eadem ortos matre.

316. *Quantane?* Istud ne abundat. Rogare coepit rana mater, quanta fuisset illa bellua.

317. *Major dimidio.* Respondet pullus. — *Tanto.* Tanto major.

- Se magis inflaret : « Non, si te ruperis, inquit,
Par eris. » Hæc a te non multum abludit imago.
320 Adde poemata nunc, hoc est, oleum adde camino.
Quæ si quis sanus fecit, sanus facis et tu.
Non dico horrendam rabiem.

HORATIUS. Jam desine.

DAMASIPPUS. Cultum

Majorem censu....

HORATIUS. Teneas, Damasippe, tuis te :
O major, tandem parcas, insane, minori.

318. *Ruperis*. Inflando te dirumpas. — *Inquit*. Scilicet pullus.
319. *Abludit*. Abhorret, discrepat.
320. *Adde, etc.* Huc adde quod versus facis : hoc insaniam tuam alit, auget, ut oleum ignem alit.
321. *Rabiem*. Iracundiam furori similem. — *Cultum*. Victum, vestitum, ornatum corporis.
322. *Censu*. Divitiis, re. — *Teneas*. In tuis te vitis contine, mea ne attinge.
324. *O major*. Damasippe, qui maior insanior es, ignosce mihi minus insano.

SATIRA IV.

A Catio quodam, epicureo philosopho, accipit Horatius lepida præcepta de ferculis et re culinaria. In quo epicureos jam ridet, ut priori satira stoicos.

HORATIUS.

Unde, et quo Catius?

CATIUS. Non est mihi tempus aventi
Ponere signa novis præceptis, qualia vincant
Pythagoram, Anytique reum, doctumque Platona.

HORATIUS.

- Peccatum fateor, quum te sic tempore lævo
5 Interpellarim; sed des veniam bonus, oro.
Quod si interciderit tibi nunc aliquid, repetes mox;
Sive est naturæ hoc, sive artis, mirus utroque.

CATIUS.

Quin id erat curæ, quo pacto cuncta tenerem,

1. *Unde*. Subaudi venit. — *Et quo*. Subaudi it. Hæc est vulgaris obvios alloquendi formula. — *Non est, etc.* Non vacat mihi respondere nunc tibi.
2. *Ponere signa præceptis*. Imponere vocabula, id est præcepta verbis describere, litteris mandare. — *Qualia vincant*. Talia ut vincant.
3. *Pythagoram*. Fuit Pythagoras ex insula Samo : in Italiam venit, imperante Numa, philosophus præstantissimus. — *Anyti reum*. Socratem, qui reus factus est, id est, accusatus ab Anyto, Athe-
niensi divite. — *Platona*. Philosophorum longe sapientissimum, cujus exstant scripta egregia.
4. *Peccatum, etc.* Se excusat poeta; formula est urbanitatis. — *Lævo*. Non opportuno.
5. *Quod si, etc.* Quod si quid ex his præceptis, quæ jam animo cupis consignare tibi excidat, elabaturque, illud postea in mentem tibi revocabis : nam vel innata facultate vel arte mirus es et egregie peritus memorandi.
8. *Quin*. Atqui hoc ipsum agebam,

Ut pote res tenues, tenui sermone peractas.

HORATIUS.

10 Ede hominis nomen : simul, an Romanus, an hospes?

CATIUS.

Ipsa memor praecepta canam ; celabitur auctor.

Longa quibus facies ovis erit, illa memento,
Ut succi melioris, et ut magis alba rotundis,
Ponere : namque marem cohibent callosa vitellum.

15 Caule suburbano, qui siccis crevit in agris,
Dulcior ; irriguo nihil est elutius horto.

Si vespertinus subito te oppresserit hospes,
Ne gallina malum responset dura palato,
Doctus eris vivam mixto mersare falerno :

20 Hoc teneram faciet. Pratensibus optima fungis
Natura est : aliis male creditur. Ille salubres
Æstates peraget, qui nigris prandia moris
Finiet, ante gravem quæ legerit arbore solem.
Aufidius forti miscebat mella falerno,

25 Mendose, quoniam vacuis committere venis
Nil, nisi lene, decet. Leni præcordia mulso
Prolueris melius. Si dura morabitur alvus,
Mitulus et viles pellent obstantia conchæ,
Et lapathi brevis herba, sed albo non sine coo.

in eo eram quum mihi occurristi, mecum
id agitabam, quomodo retinere memo-
ria possem omnia illa praecepta.

9. *Tenues. Subtiles. — Peractas. Disputatas.*

10. *Ede. Narra. — Hominis. Tui illius magistri, a quo hæc præclara praecepta didicisti. — Hospes. Externus, non Romanus.*

11. *Ipsa, etc. Scilicet magistri.*

12. *Facies. Forma, figura : ab ovis incipit, a quibus Romani conam ordiebantur.*

13. *Succi melioris. Ut gratioris saporis. — Rotundis. Quam ova rotundæ formæ.*

14. *Ponere. Mensæ apponere. — Callosa. Sub cortice continet germen pulli masculi.*

15. *Caule suburbano, etc. Sensus est : caulis, qui in siccis agris crevit, est dulcior caule suburbano, id est caule qui crevit in paludibus et hortis prope urbem positus.*

16. *Irriguo. Nihil est magis insipidum et saporis languidioris, quam olus quod nascitur in horto, in quo plantæ nonnisi crebra irrigatione crescunt. — Elutius. Flaccidius, insulsus.*

17. *Te oppresserit. Tibi imparato supervenerit.*

18. *Malum. Adverbium est, pro male, incommode. — Responset. Resistat, oblectetur ; ob duritiem ægre dentibus conficiatur.*

19. *Doctus eris. Doceo te jam, et meminoris hanc mergere vino aqua temperato.*

20. *Optima. Salubris et innoxia. — Aliis male creditur. Aliis vesci periculosum est.*

21. *Ille salubres, etc. — Optima per integram æstatem valetudine utetur qui, etc.*

22. *Finiet. Terminabit, claudet. — Gravem. Meridianum, mane decerptis ex arbore.*

23. *Forti. Austero, asperioris saporis.*

24. *Mendose. Prave, perperam.*

25. *Leni mulso. Vino leni cum melle mixto.*

26. *Morabitur. Tardius, ægrius se exonerabit.*

27. *Mitulus. Pisciculus e concharum seu ostreorum genere, une moule. — Viles conchæ. Parvi pretii, facile parabiles.*

28. *Lapathi. Lapathus vocatur etiam rumex, brevibus et acutis foliis ; de Fosseille. — Co. Vino græco, ex insula Co, ad Cariam Asiæ minoris provinciam posita.*

- 30 Lubrica nascentes implent conchyliæ lunæ;
Sed non omne mare est generosæ fertile testæ.
Murice bajano melior lucrina peloris :
Ostrea Circæis, Miseno oriuntur echini,
Pectinibus patulis jactat se molle Tarentum.
- 35 Nec sibi cœnarum quivis temere arroget artem,
Non prius exacta tenui ratione saporum :
Nec satis est cara pisces avertere mensa,
Ignarum quibus est jus aptius, et quibus assis
Languidus in cubitum jam se conviva reponet.
- 40 UMBER, et iligna nutritus glande, rotundas
Curvet aper lances carnem vitantis inertem.
Nam laurens malus est, ulvis et arundine pinguis.
Vinea summittit capreas non semper edules.
Fecundæ leporis sapiens sectabitur armos.
- 45 Piscibus atque avibus quæ natura et foret ætas,
Ante meum nulli patuit quæsita palatum.
Sunt, quorum ingenium nova tantum crustula promittit.
Nequaquam satis in re una consumere curam :

30. *Lubrica, etc.* Conchyliæ, id est, pisces inclusi conchis, implentur et augentur crescente luna. *Lubrica* vocat, quia cœnt alvum et laxant.

31. *Generosæ testæ.* Concharam insignium, quarum putamina imitantur testæ duritiem.

32. *Murice bajano, etc.* Sensus est : peloris lucrina, id est capta in sinu lucrinensi, melior est murice bajano, id est capto in bajano sinu. *Murex* et *peloris* sunt pisciculi ex ostreorum genere. *Bajanus* sinus est prope Bajas in Campania : *lucrinus* verò prope Puteolos in eadem Campania.

33. *Circæis.* Circæi, sive Circelli, urbs Volscorum fuit. Prope hanc urbem est promontorium Circelum, nunc dictum *Monte Circello*. — *Miseno.* Misenus est promontorium Campaniæ in Italia. — *Echini.* Pisces, *des hérissons de mer*.

34. *Pectinibus.* Pectines, *des pétoncles*. — *Tarentum.* Urbs est Italiæ in ea Calabriæ parte quæ olim Messapia dicebatur. — *Molle.* Mollitie et luxu diffluens.

35. *Nec sibi, etc.* Nemo sibi arrogare potest artem, et scientiam cœnæ recte struendæ, nisi prius expenderit saporum omnem rationem, quæ valde subtilis est ac difficilis ad percipiendum.

37. *Cara mensa.* Mensam intellige, in qua pisces in macello venales proponuntur caro pretio emendi. — *Avertere.* Auferre et domum portare.

38. *Quibus est jus aptius.* Ellox

significat, qui ferme aliquo jure condiantur. — *Et quibus, etc.* Et quoniam sint pisces, qui, si assis apponantur convivis, illi se in cubitum denuo erigent, et ad edendum insurgent, licet jam languidi et saturi.

39. *In cubitum.* Convivæ in lectulis strati ad mensam accumbent, corpore leviter in sinistram cubitum inclinato, dextera cibum captantes.

40. *Umbra, etc.* Aper natus in Umbria et quercœa glande nutritus. Umbria, *l'Ombrie*, pars Italiæ; nunc vocatur, *le duché de Spolète*.

41. *Curvat.* Totos apros apponebant, ita ut mirum non sit, si patinæ curvari et rumpi tanto pondere viderentur. — *Vitantis.* Illius qui vitat, qui non amat. — *Inertem.* Insipidam seu mollem.

42. *Laurens.* Aper nutritus in agro laurenti, qui ager est in Latio, prope Ostiam. — *Ulvis.* Ulva, est herba palustris.

43. *Summittit.* Suppeditat. — *Edules.* Aptas ad edendum.

44. *Sapiens.* Cui palatum sapit. — *Sectabitur.* Amabit. — *Armos.* Humeros, tergum, lumbos, *le râble*.

45. *Piscibus atque avibus, etc.* Sensus est : nemo ante me palato exploravit et agnovit qualis esset piscium aviumque natura et bonitas, et qua ætate cujusque caro optime saperet.

48. *Nequaquam satis.* Non satis est.

- Ut si quis solum hoc, mala ne sint vina, laboret;
 50 Quali perfundat pisces securus olivo.
 Massica si cœlo supponas vina sereno,
 Nocturna, si quid crassi est, tenuabitur aura,
 Et decedet odor nervis inimicus : at illa
 Integrum perdunt lino vitiata saporem.
 55 Surrentina vafer qui miscet fœce falerna
 Vina, columbino limum bene colligit ovo :
 Quatenus ima petit, volvens aliena, vitellus.
 Tostis marcentem squillis recreabis, et afra
 Potorem cochlea; nam lactuca innatat acri
 60 Post vinum stomacho; perna magis ac magis hillis
 Flagitat in morsus refici : quin omnia malit,
 Quæcumque immundis fervent allata popinis.
 Est operæ pretium duplicis pernoscere juris
 Naturam. Simplex e dulci constat olivo,
 65 Quod pingui miscere mero muriaque decebit,
 Non alia quam qua byzantia putruit orca.
 Hoc ubi confusum sectis inferbuit herbis,
 Corycioque croco sparsum stetit, insuper addes
 Pressa venafranæ quod bacca remisit olivæ,
 70 Picens cedunt pomis tiburtia succo :

— *In re una.* In una cœnæ et opso-
 riorum parte.

49. *Hoc laboret.* Si hoc curet solum.

50. *Securus.* Negligens.

52. *Tenuabitur.* Defœciabitur, expur-
 gabitur.

53. *Nervis inimicus.* Amittent odo-
 rem graviolem qui nervos offendit.

54. *Lino vitiata.* Si quis ea per co-
 lum sive saccum lineum, Galli appellant
la chausse, liquare tentet ac transmitti-
 tere; sic enim vim suam amittunt, vi-
 tiantur, et corrumpuntur.

55. *Surrentina, etc.* Est Surrentum
 urbs Italiæ in sinu puteolano : *Sorrento*.

57. *Vitellus.* Pars ovi flava, et ro-
 tunda : *le jaune d'un œuf*.

58. *Marcentem.* Saturum et nause-
 antem. — *Squillis.* Squilla, piscis e
 cancrorum genere, *squille*.

59. *Cochlea.* Ostreo quodam elima-
 cum genere; *escargot avec sa coquille*.
 — *Nam lactuca, etc.* Non est utendum
 lactucis quum plenus est vino stoma-
 chus, quia tunc ille in vino acido inco-
 ctus et indigestus natant; magis utendum
 perna, etc.

60. *Hillis.* Lucanicis, botellis, aliis
 id genus factis, et gulæ irritamentis.
Hilla, hilla, sive hilla, hillorum, inte-

stinum est porcinum concisa carne far-
 tum : *andouilles, cervelas*.

61. *Flagitat.* Stomachus, vel con-
 viva. — *In morsus.* Ad novos morsus
 novam orexim concipit. — *Malit.* Quam
 exquisitos cibos.

62. *Quæcumque.* Puta farcimina,
 condituras, tuceta.

63. *Juris.* Condimenti.

64. *Simplex.* Non mixtum jus, et
 unum, ex olivo constat tantum; sin me-
 rum aut muriam oleo admisceas, sed
 compositum jus, multo vero magis si
 addideris herbas, etc.

66. *Non alia.* Non quavis muria,
 sed ea tantum in quaorca ad Byzantium
 capta (est ingens piscis, *orque*) pu-
 truit, diu macerata est. — *Byzantia.*
 Byzantium, *Byzance*, urbs Thraciæ
 vetus fuit, ad Bosphorum sita.

67. *Inferbuit.* Igni impositum ebul-
 lit.

68. *Corycioque croco.* Croco, *du sa-
 fran* : advecto e Coryco, monte Ciliciæ.
 — *Stetit.* Quievit, bullire ac fervere de-
 sinit, vel concrevit.

69. *Quod.* Oleum venafranum. Lib. 2,
 od. 4.

70. *Picens.* Satira superiori, vers.
 271. — *Tiburtia.* In agro tiburtino
 nata.

Nam facie præstant. Venucula convenit ollis.
 Rectius albanam fumo duraveris uvam.
 Hanc ego cum malis, ego sæcem primus, et halec ,
 Primus et invenior piper album, cum sale nigro

75 Incretum, puris circumposuisse catillis.

Immane est vitium dare millia terna macello,
 Angustoque vagos pisces urgere catino.
 Magna movent stomacho fastidia , seu puer unctis
 Tractavit calicem manibus, dum furta ligurit ;

80 Sive gravis veteri crateræ limus adhæsit.

Vilibus in scopis, in mappis, in scohe, quantus
 Consistit sumptus? neglectis, flagitium ingens.

Ten' lapides varios lutulenta radere palma,
 Et tyrias dare circum illota toralia vestes,

85 Oblitum, quanto curam sumptumque minorem

Hæc habeant, tanto reprimi justius illis,
 Quæ nisi divitibus nequeunt contingere mensis?

HORATIUS.

Docte Cati, per amicitiam, divosque rogatus,
 Ducere me auditum, perges quocumque, memento.

90 Nam quamvis referas memori mihi pectore cuncta ,
 Non tamen interpres tantumdem juveris: adde

71. *Facie*. Forma et pulchritudine. — *Venucula*. Venucula est uvæ quoddam genus, in ollas abditur, mellus et servatur. — *Ollis*. Vitreis in ollis racemi sæpe servantur, et florem suum coloremque diu retinent.

76. *Immane*. Commendat artem et ordinem in cœna. — *Dare millia, etc.* Tribus millibus sestertium (600 fr.), emere pisces, e macello, et eos urgere; id est, stipare et alios alios aggerere in angusto catino.

77. *Vagos*. Vel est epithetum commune piscium, vel significat temere disjectos, ac sine lege et ordine in patina positos.

78. *Movement*. Hæc magnum movent fastidium; si quis servus pinguis digitis calicem attractavit, dum obsonia et condimenta furtim degustat ac lambit: si limus non est deterius e veteri cratera. Dicitur cratera, crateræ, et crater, crateris.

81. *Vilibus, etc.* Quam exiguo parari sumptu possunt scopæ, mappæ, scobis, etc., quæ tamen sine flagitiis negligi non possunt. — *Mappis*. Mappæ proprie lintea erant quibus tergebantur manus: mantilla vero, lintea quibus mensa insternebatur. — *Scohe*. Scobis significat ramenta seu partes exiguas

ligni, quæ serra vel lima eraduntur, de la sciure: his pavimenta e marmore et varis lapidibus strata operiebantur ante cœnam, ut vinum aut aquam a convivis, aut ministris, ut sit, humi jactam combiberent.

83. *Ten'*. Non te pudet pavimentum e varis coloris marmore stratum, lutulentæ palmæ ramo verrere? Palmæ ramos pro scopis adhibebant ad verrendum.

84. *Et tyrias, etc.* Et toralia illuta circumdare vestibus tyriis. *Toralia* vocabantur illi panni villosos quibus quotidie lectus sternebatur: *vestes*, quæ stragulæ dicebantur, erant panni elegantiores, quibus in solennibus conviviis iidem sternebantur lecti.

85. *Oblitum quanto, etc.* Sensus est: non cogitantem ea, quæ ad munditiem spectant, quo minorem curam et sumptum requirunt, in eo majorem, si negligantur, reprehensionem incurere, quam si desint illa pretiosissima epularum genera, quæ non nisi in divitum mensis apponi queant.

89. *Auditum*. Ad audiendos illos tuos magistros.

91. *Non tamen, etc.* Non perinde mihi prodesse poteris explicando mihi illa memoriter interpretis more, ac si

Vultum habitumque hominis, quem tu vidisse beatus
 Non magni pendis, quia contigit. At mihi cura
 Non mediocris inest, fontes ut adire remotos,
 95 Atque haurire queam vitæ præcepta beatæ.

ego his auribus ab ipso audiam. — *Adde.* Tuo isti beneficio et sermoni adde aliud beneficium majus, ut frui possim hominis vultu, etc.

92. *Habitus.* Oris, et corporis totius conformationem.

93. *Contigit.* Felici fato evenit tibi

ut eum videres, et audires.

94. *Fontes.* Illum ipsum invisere, a quo, tanquam ex fonte, hæc manarunt præcepta.

95. *Vitæ beatæ.* Sic epicureos ridet, qui beatam vitam in voluptate ponebant et gula.

SATIRA V.

Hæreditatum captatores quibus artibus uterentur, faceto dialogo inter Ulyssem et Tiresiam exponit.

ULYSSES.

Hoc quoque, Tiresia, præter narrata, petenti
 Responde: quibus amissas reparare queam res
 Artibus atque modis? Quid rides?

TIRESIAS. Jamne doloso

Non satis est Ithacam revehi, patriosque penates
 5 Adspicere?

ULYSSES. O nulli quidquam mentite, vides ut
 Nudus inopsque domum redeam, te vate; neque illic
 Aut apotheca procis intacta est, aut pecus. Atqui
 Et genus et virtus, nisi cum re, vilior alga est.

TIRESIAS.

Quando pauperiem, missis ambagibus, horres;
 10 Accipe qua ratione queas ditescere. Turdus,
 Sive aliud privum dabitur tibi, devolet illuc,
 Res ubi magna nitet, domino sene: dulcia poma,
 Et quoscumque feret cultus tibi fundus honores,

1. *Hoc quoque, etc.* Ponitur jam Tiresias, vates thebanus, in campis Elysiis post mortem degens, multa Ulysi prædixisse. — *Præter narrata.* Præter illa quæ jam mihi dixisti: Ulysses jam de aliis rebus consuluerat Tiresiam.

2. *Res.* Fortunas.

3. *Doloso.* Designatur Ulysses talis, qualis erat.

4. *Ithacam.* Insulam in mari Ionio, Ulyssis patriam.

6. *Te vate.* Ut mihi prædixeras. — *Illic.* Domi.

7. *Apotheca.* Cella recondendo vino; *aut cellier.* — *Procis.* Qui, quum nu-

ptias Penelopes ambirent, ejus domum exhauriebant.

8. *Genus.* Nobilitas. — *Cum re.* Cum opibus. — *Alga.* Herba maritima quæ in litus ejicitur: *mousse de mer.*

9. *Quando, etc.* Omitte ambages, video quid velis, horres paupertatem, etc.

10. *Turdus.* Avis nota, una grive.

11. *Privum.* Privatæ, et propriæ dapis. — *Devolet.* A te deferatur in domum locupletem alicujus senis, illi detur dono.

13. *Honores.* Fructus insigniores,

Ante Larem gustet venerabilior Lare dives.

- 15 Qui quamvis perjurus erit, sine gente, cruentus
Sanguine fraterno, fugitivus; ne tamen illi
Tu comes exterior, si postulet, ire recuses.

ULYSSES.

Utne tegam spurco Damæ latus? Haud ita Trojæ
Me gessi, certans semper melioribus.

TIRESIAS. Ergo

- 20 Pauper eris.

ULYSSES. Fortem hoc animum tolerare jubebo;
Et quondam majora tuli. Tu protinus, unde
Divitias, ærisque ruam, dic, augur, acervos.

TIRESIAS.

Dixi equidem, et dico. Captes astutus ubique
Testamenta senum; neu, si vafer unus et alter

- 25 Insidiatorem præroso fugerit hamo,
Aut spem deponas, aut artem illusus omittas.
Magna minorve foro si res certabitur olim,
Vivet uter locuples sine natis, improbus, ultro
Qui meliorem audax vocet in jus, illius esto

- 30 Defensor; fama civem, causaque priorem
Sperne, domi si natus erit, secundave conjux.
• Quinte, puta, aut Publi (gaudent prænomine molles
Auriculæ), tibi me virtus tua fecit amicum:

scilicet primitias, quæ offerri solebant Laribus.

14. *Ante Larem.* Antequam eos diis tuis Laribus, sive domesticis offeras. — *Venerabilior Lare.* Qui tibi debet esse venerabilior quam Lares et omnes dii.

15. *Qui quamvis, etc.* Quantumvis ille improbus homo sit ac perfidus. — *Sine gente.* Sine majoribus, ignobilis. Gens pro familia sumitur sæpe. — *Cruentus, etc.* Fratricida.

16. *Fugitivus.* Quo olim servus fugitivus fuerit.

17. *Comes exterior.* Loco minus honorato, in ima viæ parte ac declivi.

18. *Utne, etc.* Egone alicui Damæ, homini impuro et fædo, tegam latus? Nisi sim comes? Damæ nomen erat commune servis apud Romanos.

19. *Melioribus.* Nobilioribus.

20. *Fortem, etc.* Patiar, pauper ero. — *Animum.* Meum.

21. *Tu protinus.* Tu tamen continuo dic mihi aliquam artem, qua etiam, et extendam acervos pecuniæ.

22. *Æris.* Pecunia primum e corio pecudum certa nota insignito, et in par-

ticulis secto; postea ex ære, demum ex aliis metallis confata est.

23. *Captes.* Captat testamentum qui alicui blanditur, et muneribus, obsequiis insidiatur ut ab eo heres scribatur in testamento.

24. *Præroso, etc.* Ut piscis, qui arrosa esca elabatur piscatori.

25. *Illusus.* Semel deceptus.

27. *Magna minorve, etc.* Ordo est sensus est: si res, id est, si lis aliqua, seu magni, seu levis momenti, disceptabitur in foro aliquando, esto defensor illius qui locuples et sine illis vivet; quamvis improbus sit et ultro contra jus et æquitatem adversarium in jus provocet: sperne illum qui meliore fama et causa utitur, si natum aut secundam conjugem habet.

32. *Quinte, puta, aut Publi, etc.* Divitem autem senem, quem officis tuis capere cupis, ejusmodi verbis blandioribus alloquere: existima, mi Quinte, aut mi Publi, etc. — *Gaudent prænomine molles, etc.* Mollius et suavius ad aures accidere videntur prænomina, quibus familiariter se invicem appellare solent amici atque propinqui.

- Jus anceps novi : causas defendere possum.
- 35 Eripiet quivis oculos citius mihi , quam te
Contemptum cassa nuce pauperet. Hæc mea cura est,
Ne quid tu perdas , neu sis jocus. » Ire domum , atque
Pelliculam curare jube : si cognitor ipse :
Persta atque obdura , seu rubra canicula findet
- 40 Infantes statuas ; seu pingui tentus omaso
Furius hibernas cana nive conspuet Alpes.
« Nonne vides (aliquis cubito stantem prope tangens
Inquiet) ut patiens , ut amicis aptus , ut acer ? »
Plures adnabunt thunni , et cetaria crescent.
- 45 Si cui præterea validus male filius in re
Præclara sublatus aletur , ne manifestum
Cælibis obsequium nudet te , leniter in spem
Adrepe officiosus , ut et scribare secundus
Heres : et , si quis casus puerum egerit Orco ,
- 50 In vacuum venias. Perraro hæc alea fallit.
Qui testamentum tradet tibi cumque legendum ,
Abnuere , et tabulas a te remove memento :
Sic tamen , ut limis rapias , quid prima secundo
Cera velit versu : solus , multisne coheres ,
- 55 Veloci percurrere oculo. Plerumque recoctus

34. *Anceps*. Controversum ac varium.

36. *Cassa*, etc. Quam tibi vel minimam rem eripiat , te fraudet villosa nuce. *Cassa* nux est inanis , vacua.

37. *Jocus*. Ne sis ludibrio tuis adversarius. — *Ire domum*, etc. Jube eum domum ire et tibi corpori recreando securo animo operam dare. — *Pelliculam*. Diminutivum , in amicitie signum , pro , pellem , id est corpus , valetudinem.

38. *Cognitor*, Actor et procurator : item ejus expende , instrue.

39. *Canicula*. Sidus æstivum. *Rubrum* vocat , id est , ardentem , igneam. — *Findet*. Dicuntur æra et lapides calore nimio aut frigore findi et dissilire.

40. *Infantes*. Mutas. — *Seu*, etc. Sive hiems sit , quum Furius poeta , suo abdomine celebris , conspuat cana nive Alpes , id est , describit Alpes nive conspersas. — *Pingui tentus omaso*. Homo obesus. — *Tentus*. Distentus.

42. *Nonne vides*, etc. Verba sunt alicujus alloquantis senem orbem , et illi captatorem Ulyssem commendantis. — *Stantem*. Orbem senem.

43. *Ut acer*. Quam sit Ulysses strenuus , diligens.

44. *Plures*, etc. Ita plures senes alli-

cies. *Cetaria*, (des viviers, des étangs). — *Thunni*. Pisces grandiores et nobiliores ; des thons.

45. *Male validus*. Eger et parum firmus.

46. *In re præclara*. In domo locuplete : in multis opibus. — *Sublatus*. Educatus. — *Ne*, etc. Ne tum insidias deprehendantur , si nullos allos , quam cælibes , id est , uxore carentes , captares.

47. *Nudet*. Prodat , detegat. — *In spem*, etc. Tacito quasi pede , et caute illum demereri stude , ea spe , scilicet , ut et secundus ab ejus filio heres scribaris in ejus testamento.

49. *Egerit Orco*. Ad inferos detruxerit.

50. *Alea*. Ludus , captatio , fraus.

52. *Tabulas*. Testamenti.

53. *Limis*. Oculis obliquis inspicias quid in prima tabula testamenti scriptum sit , an tu in secunda linea sis heres scriptus , et filio coheres additus.

54. *Quid velit*. Quid præferat , quid contineat. — *Prima cera*. Prima tabula et pagina. — *Versu*. Linea.

55. *Plerumque recoctus*, etc. Locus obscurior ; sic explana. Accidit enim aliquando ut scriba recoctus , id est , veterator et callidus , ex quinqueviro ,

Scriba ex quinqueviro corvum deludet hiantem,
Captatorque dabit risus Nasica Corano.

ULYSSES.

Num furis? an prudens ludis me, obscura canendo?

TIRESIAS.

O Laertiade, quidquid dicam, aut erit, aut non :
60 Divinare etenim magnus mihi donat Apollo.

ULYSSES.

Quid tamen ista velit sibi fabula, si licet, ede.

TIRESIAS.

- Tempore quo juvenis Parthis horrendus, ab alto
Demissum genus Ænea, tellure, marique
Magnus erit; forti nubet procera Corano
65 Filia Nasica, metuentis reddere soldum.
Tum gener hoc faciet: tabulas socero dabit, atque
Ut legat, orabit: multum Nasica negatas
Accipiet tandem, et tacitus leget, invenietque
Nil sibi legatum, præter plorare, suisque.
70 Illud ad hæc jubeo: mulier si forte dolosa,
Libertusve senem delirum temperet, illis
Accedas socius; laudes, lauderis ut absens.
Me sene, quod dicam, factum est. Anus improba Thebis
Ex testamento sic est elata: cadaver
75 Unctum oleo largo nudis humeris tulit heres,
Scilicet elabi si posset mortua, credo;
Quod nimium institerat viventi. Cautus adito:
Neu desis operæ, neve immoderatus abundes.
Difficilem et morosum offendet garrulus. Ultro

Id est qui olim quinquevir fuerit, deludat ac frustretur suum captatorem, ut vulpes æsopica delusit corvum, cui caseum frustra hianti surripuit.

56. *Scriba*. Qui acta publica, magistratuum edicta, senatusconsulta, scribit. — *Quinqueviro*. Erant quinqueviri certi homines publice delecti ad aliquod munus publicum levioris momenti administrandum, maxime in municipiis.

58. *Furis*. Furore divino affatus et numine loqueris. — *Prudens*. Sciens ac volens.

59. *O Laertiade*. O Ulysse, filii Laertis. — *Aut erit, etc.* Obscura sunt, ut decet, auguris verba. Sensus hic est: quidquid dicam futurum esse, id fiet; at quidquid dicam non futurum esse, id non fiet.

62. *Juvenis, etc.* Augustus Parthis metuentus.

64. *Forti, etc.* Narrat quo pacto

Nasicam captatorem Coranus deceptor sit.

65. *Soldum*. Integrum æs alienum, quod scilicet Corano, longævo filiae suæ marito, debebat.

69. *Præter plorare*. Græca locutio, qua plorare jubentur, qui miseri, qui decepti sunt.

71. *Temperet*. Regat, gubernet.

73. *Improba*. Vafra, astuta. — *Thebis*. In urbe Bœotiæ.

74. *Ex testamento*. Testamento caverat ut sic ad rogum efferretur.

76. *Scilicet, etc.* Opinor illam anum ideo jussisse, ut heres suus, molestus captator, suum cadaver unctum oleo ferret ad rogum: quo indicaret hominem sibi viæ molestissimum fuisse, ac velle saltem se mortuam illi elabi, quæ viva ejus artes, et insidias effugere non potuerat.

79. *Ultro*. Non siliere jussus: sine gravi causa.

- 80 Non etiam sileas. Davus sis comicus, atque
Stes capite obstipo, multum similis metuenti.
Obsequio grassare; mone, si increbuit aura;
Cautus uti velet carum caput: extrahe turba
Oppositis humeris: aurem substringe loquaci.
- 85 Importunus amat laudari? donec, «Ohe, jam!»
Ad cœlum manibus sublatis, dixerit, urge, et
Crescentem tumidis infla sermonibus utrem.
Quum te servitio longo curaue levarit,
Et certum vigilans: «Quartæ sit partis Ulysses,
- 90 Audieris, heres: — ergo nunc Dama sodalis
Nusquam est? unde mihi tam fortem, tamque fidelem?»
Sparge subinde, et, si paulum potes, illacrimare: est
Gaudia prodentem vultum celare: sepulcrum
Commissum arbitrio sine sordibus exstrue. Funus
- 95 Egregie factum laudet vicinia. Si quis
Forte coheredum senior male tussiet; huic tu
Dic, ex parte tua, seu fundi, sive domus sit
Emptor, gaudentem nummo te addicere.... Sed me
Imperiosa trahit Proserpina. Vive, valeque.

80. *Davus, etc.* Davum illum imitare, qui, dum suas in comœdia partes agit, timide ac reverenter cum hero loquitur. Davus, nomen vulgare servi comici.

81. *Obstipo.* In alterum humerum inflexo, vel in terram prono.

82. *Grassare.* In animum et benevolentiam irrepe. — *Increbuit aura.* Ventus vehementior ingruit.

84. *Substringe.* Sustolle, et manu supposita quasi collige.

85. *Importunus amat, etc.* Sensus est: si, ut homo importunus, a te laudari cupit, cumula et obrue eum tam diu laudibus, donec, sublatis in cœlum manibus, *ohe jam* satis est, dixerit. — *Importunus.* Intempestive molestus.

86. *Manibus sublatis.* Præ gaudio.

87. *Utre.* Hominem vanum, et laudibus fictis inflari docilem. *Uter,* est pellis hircina, *une outre,* quæ vino, oleo, interdum vento, impletur.

88. *Levarit.* Morte sua; tunc enim liberatus eris servilibus illis obsequiis, quibus vivum captabas.

89. *Et certum.* Quum tu non per somnium, sed certo vigilans, audieris clare hæc verba in testamento senis scripta: Ulysses heres sit quartæ partis meorum bonorum; tunc erumpes in hos fletus: Ergo perlit Dama, etc.

91. *Unde.* Mihi parabò, ubi talem inveniam.

92. *Sparge.* Hæc verba identidem repetet, et quasi sparge. — *Est.* Licet, interest, juvat celare et tegere vultum qui proderet, aperire posset gaudia de senis morte suscepta.

94. *Arbitrio.* Tuæ curæ et arbitrio commissum. — *Sordidus.* Avaritia.

96. *Male tussiet.* Ita ut brevis morturus esse judicetur.

97. *Dic, ex parte tua, etc.* Sensus est: huic tu dic te, sive ille fundi, sive domus ex tua hereditatis portione emptor esse velit, gaudentem, id est, prompto paratoque animo ei nummo, id est, vilissimo pretio addicere velle.

99. *Trahit.* Allo me abripit, me a te divellit Proserpina umbrarum domina; imperiosa, quæ imperium in mortuos obtineat.

SATIRA VI.

Otii laudes et vitæ rusticæ.

- Hoc erat in votis : modus agri non ita magnus,
 Hortus ubi, et tecto vicinus jugis aquæ fons,
 Et paulum silvæ super his foret. Auctius atque
 Di melius fecere : bene est. Nihil amplius oro,
 5 Maia nate, nisi ut propria hæc mihi munera faxis.
 Si neque majorem feci ratione mala rem,
 Nec sum factururus vitio culpave minorem :
 Si veneror stultus nihil horum : « O si angulus ille
 Proximus accedat, qui nunc denormat agellum !
 10 O si urnam argenti fors qua mihi monstret, ut illi,
 Thesauro invento, qui mercenarius agrum
 Illum ipsum mercatus aravit, dives amico [oro,
 Hercule ! » Si, quod adest, gratum juvat : hac prece te
 Pingue pecus domino factas, et cetera, præter
 15 Ingenium : utque soles, custos mihi maximus adsis.
 Ergo ubi me in montes et in arcem ex urbe removi,
 Quid prius illustrem satiris, musaque pedestri?
 Nec mala me ambitio perdit, nec plumbeus Auster,
 Autumnusque gravis, Libitinæ quæstus acerbæ.

1. *Hoc erat in votis.* Id unum optaveram. — *Modus.* Mensura, spatium.

2. *Jugis aquæ.* Jugiter fluentis, perennis aquæ.

3. *Super his.* Insuper, præterea; vel super horto, tecto et fonte.

4. *Di melius.* Plura his et meliora mihi quam optabam, superi dederunt.

5. *Maia nate.* Mercuri : est enim Mercurius vatum deus præses, idemque divitiis et lucro præest. — *Propria.* Perpetua et stabilia.

6. *Ratione mala.* Fraude, malis artibus. — *Rem.* Opes.

7. *Vitio culpave.* Nequitia luxuriave.

8. *Veneror.* Venerabundus a diis peto. — *Horum.* Quæ dicturus est, quæ avari et cupidi optare solent.

9. *Denormat.* Inæqualem efficit.

10. *Fors.* Fortuna felix. — *Qua.* Aliubi, aliqua in parte. — *Ut illi.* Ordo est : ut illi mercenario fortuna monstravit, qui, postquam thesaurum invenisset in agro ubi opus faciebat quom esset mercenarius, illum ipsum agrum emit,

et ad se jam pertinentem aravit, totoque thesauro potitus est.

13. *Hercule.* Favere credebatur Hercules ejusmodi lucris inspiratis. — *Si quod, etc.* Si me juvat, id est, delectat, si eo contentus sum, quod adest, quod possideo.

14. *Domino.* Mihi. — *Præter ingenium.* Nam ingenium pingue, hebes et tardum significat.

15. *Utque soles.* Mercurii in se beneficia commemorat. Od. 5, lib. 3.

16. *Arcem.* Rus meum, in edito loco positum, ubi velut in arce ab urbanis curis tutus sum.

17. *Quid, etc.* Quid potius agere me par est, quam scribere satiras, et elaborare in his versibus illustrandis, id est, poliendis, et accurate componendis, qui pedestri et solutæ orationi similes sunt?

18. *Plumbeus.* Qui gravia corpora, tardos homines efficit : insalubris, gravis.

19. *Libitinæ, etc.* Quo tempore plurimum faciunt quæstum illi qui curant funera.

- 20 *Matutine pater, seu Jane libentius audis,*
Unde homines operum primos, vitæque labores
Instituunt (sic dis placitum), tu carminis esto
Principium; Romæ sponsorem me rapis: « Eia,
Ne prior officio quisquam respondeat, urge. »
- 25 *Sive Aquilo radit terras, seu bruma nivalem*
Interiore diem gyro trahit; ire necesse est.
Postmodo, quod mi obsit, clare, certumque locuto,
Luctandum in turba, facienda injuria tardis.
« Quid tibi vis, insane, et quas res agis improbus? ur-
30 *Iratis precibus. Tu pulses omne quod obstat,* [get
Ad Mæcenatem memori si mente recurras. »
Hoc juvat, et melli est, non mentiar. At simul atras
Ventum est Esquilias, aliena negotia centum
Per caput et circa saliunt latus. « Ante secundam
35 *Roscius orabat sibi adesses ad puteal cras.—*
De re communi scribæ magna atque nova te
Orabant hodie meminisses, Quinte, reverti.—
Imprimat his, cura, Mæcenas, signa tabellis. »
Dixeris, « Experiar: — Si vis, potes, » addit et instat.
- 40 *Septimus octavo propior jam fugerit annus,*
Ex quo Mæcenas me cœpit habere suorum
In numero: duntaxat ad hoc, quem tollere rheda
Vellet, iter faciens, et cui concedere nugas

20. *Matutine pater, etc.* O Jane, seu
mayis appellari Matutinus seu Janus. Ja-
nas autem vocabatur Matutinus a Matua
dea, quæ aurora est.

21. *Unde.* A quo.

22. *Carminis.* Descriptionis urbana-
rum occupationum, et molestiarum.

23. *Eia, urge.* O Horati (Janus lo-
qui fingitur), urge et festina, ne quis te
prior officio isto amicitis et urbanitatis
fungatur: cave ne quis te sit officiosior.

24. *Radit terras.* Vellicat, spoliât:
est enim ventus frigidus, et noxius.

25. *Interiore gyro.* Circulo brevior:
nam circulus interior exterioribus minor
est. — *Ire.* Ad spendendum pro amico.

27. *Postmodo, etc.* Postquam ante
prætozem clara voce et certa fide spon-
dendi pro amico, quod mihi damno esse
possit, etc.

29. *Improbus urget iratis precibus.*
Aliquis impatientior ex iis per quos cu-
bito viam mihi feceram, irato pectore
ejusmodi opprobriis me insectatur:
quid vis, etc.

30. *Pulses.* Tu velis vel ausis omnes
in via tibi obstantes pulsare.

32. *Esquilias.* Ubi habitabat Mæce-
nas.—*Atras.* Ob sepulcra quæ ibi erant
plurima.

34. *Per caput, etc.* Omni ex parte
insiliunt. — *Ante, etc.* Ordo est: O
Quincte Horati, inquit aliquis, memine-
ris te oratum a Roscio fuisse, ut sibi
hodie adesses ad puteal ante horam ab
sole orto secundam.

35. *Adesses.* Advocatus ad litem ejus
et causam tua præsentia cohonestandam,
aut testimonio confirmandam.—*Puteal.*
Ea vox significat putei operculum: erat
locus sic dictus Romæ prope curiam,
ubi jus dicebat prætor; alterum quoque
erat puteal, ubi fœneratores convenire
solebant.

36. *De re communi.* Ad omnes scri-
bas pertinente. — *Scribæ.* Quorum unus
erat ipse Horatius.

39. *Dixeris.* Si dixeris.

40. *Septimus, etc.* Id est, parum
abest quia septimus annus elapsus sit:
exit annus septimus, octavus instat. —
Jam fugerit. Pæne est elapsus.

42. *Tollere rheda.* In rhedam suam
admittere, ad iter colloquio levandum.

- Hoc genus : « Hora quota est? Thrax est Gallina Syro
 45 Matutina parum cautos jam frigora mordent; » [par?
 Et quæ rimosa bene deponuntur in aure.
 Per totum hoc tempus, subjectior in diem et horam
 Invidiæ. Noster ludos spectaverat una,
 Luserat in campo, « Fortunæ filius! » omnes.
 50 Frigidus a rostris manat per compita rumor;
 Quicumque obvius est, me consulit. « O bone (nam te
 Scire, deos quoniam propius contingis, oportet),
 Numquid de Dacis audisti? — Nil equidem. — Ut tu
 Semper eris derisor! — At omnes di exagitent me,
 55 Si quidquam. — Quid? militibus promissa Triquetra
 Prædia Cæsar, an est itala tellure daturus? »
 Jurantem me scire nihil mirantur, ut unum
 Scilicet egregii mortalem, altique silenti.
 Perditur hæc inter misero lux, non sine votis :
 60 O rus, quando ego te aspiciam? quandoque licebit
 Nunc veterum libris, nunc somno et inertibus horis,
 Ducere sollicitæ jucunda obliviam vitæ?
 O quando faba, Pythagoræ cognata, simulque
 Uncta satis pingui ponentur oluscula lardo?
 65 O noctes, cœnæque deum! quibus ipse, meique
 Ante Larem proprium vescor, vernasque procaces
 Pasco libatis dapibus! Prout cuique libido est,
 Siccat inæquales calices conviva, solutus

44. *Hoc genus.* Ejusmodi : v. g. ut peleret a me : quota est hora? — *Thrax est, etc.* Num *Gallina* gladiator corporis viribus et agilitate par est gladiatori *Syro*? — *Thrax.* More *Thracum* armatus.

46. *Et quæ rimosa, etc.* Et alla id genus, quæ nihil arcani requirunt, ac garrulis sine periculo possunt committi.

47. *Subjectior.* Magis in dies expositus fui invidiæ.

48. *Noster, etc.* Sententia est: omnes inter se de me immurmurant: noster iste Horatius, homo nostri loci et ordinis, et nostri simillimus, nunc *Fortunæ* filius et beatus, etc.

50. *Frigidus, etc.* Si quis rumor frigidus, id est, parum auspicatus, a rostris et curia primum ortus, in compita et populam spargitur. *Rostra* erant exedrae quædam et suggestus, unde populum alloqui magistratus et alii solebant; *la tribune aux harangues.*

51. *O bone.* O amice, o mi Horati.

52. *Deos.* Augustum, Mæcenatem.

53. *Dacis.* Daci, iidem qui *Getæ*, populi *Scythiæ*; illi bellum meditari di-

cebantur eo tempore. — *Ut tu.* Semperne finges te nihil scire, nosque illudes?

54. *Exagitent.* Perdant.

55. *Si quidquam.* Subaudi scilo, auidivi. — *Quid? etc.* Ordo est: quid? (alius interrogat) an Cæsar in Sicilia an vero in Italia divisurus est prædia, id est, agros militibus promissos? — *Triquetra.* Eadem ac Trinacria, ob tria Siciliæ promontoria.

59. *Hæc inter.* In his nugis et molestis occupationibus. — *Votis.* Rusticæ vitæ desideris.

62. *Ducere obliviam.* Oblivisci.

63. *Pythagoræ cognata.* Quia in fabis putabat animas hominum suæ similes et cognatas reperiri, et in eas transmigrare.

64. *Ponentur.* Apponentur in mensa.

65. *Deum.* Id est, tranquillæ, suaves, divinæ. — *Meique.* Servi.

66. *Larem.* Deos domesticos. — *Vernas.* Servos domi natos.

67. *Libatis.* A me degustatis, vel potius quarum primarias diis libari, id est, consecrari et dedicavi.

68. *Siccat.* Haurit. — *Inæquales.* Alius majores, alius minores.

- Legibus insanis : seu quis capit acria fortis
 70 Pocula, seu modicis humescit lætius. Ergo
 Sermo oritur, non de villis domibusve alienis,
 Nec, male necne Lepos saltet; sed quod magis ad nos
 Pertinet, et nescire malum est, agitamus : utrumne
 Divitiis homines, an sint virtute beati;
 75 Quidve ad amicitias, usus rectumne, trahat nos;
 Et quæ sit natura boni, summumque quid ejus.
 Cervius hæc inter vicinus garrit aniles
 Ex re fabellas. Si quis nam laudat Arelli
 Sollicitas ignarus opes, sic incipit : — Olim
 80 Rusticus urbanum murem mus paupere fertur
 Accepisse cavo, veterem vetus hospes amicum;
 Asper, et attentus quæsitis, ut tamen arcium
 Solveret hospitium animum. Quid multa? neque ille
 Sepositi ciceris, nec longæ invidit avenæ :
 85 Aridum et ore ferens acinum, semesaque lardi
 Frusta dedit, cupiens varia fastidia cœna
 Vincere tangentis male singula dente superbo;
 Quum pater ipse domus, palea porrectus in horna,
 Esset ador, loliumque, dapis meliora relinquens.
 90 Tandem urbanus ad hunc : « Quid te juvat, inquit,
 Prærupti nemoris patientem vivere dorso? [amice,
 Vin' tu homines urbemque feris præponere silvis?
 Carpe viam, mihi crede, comes, terrestria quando
 Mortales animas vivunt sortita, neque ulla est
 95 Aut magno, aut parvo leti fuga. Quo, bone, circa,

69. *Legibus, etc.* Erat in conviviis romanis magister quidam et rex convivi, qui quoties et quantum quisque biberet præcipiebat. — *Acria*. Magna.

70. *Humescit*. Irrigatur, madescit.

71. *Sermo*. Sermo convivalis in cœna rustica.

72. *Lepos*. Saltator ea tempestate celebris.

73. *Usus*. Utilitas. — *Rectum*. Virtus, officium.

74. *Summumque, etc.* Quæ sit boni summa, summum bonum.

77. *Aniles*. Pueriles, fustiles.

78. *Ex re fabellas*. Rei, de qua loquimur, accommodatas. — *Arelli*. Avari cujusdam.

79. *Ignarus*. Non expertus quantis divitiis molestiarum curarumque spinis obstitit sint.

82. *Asper*. Minime delicatus, vitæ asperæ et duræ assuetus. — *Attentus quæsitis*. Res quæsitæ eo attentius servans, quâ majore labore eas comparaverat. — *Ut tamen arcium, etc.* Ita

tamen ut animum parcum laxaret ad hospitem bene excludendum.

84. *Sepositi*. Serrati in aliquo reconditiori cavo. — *Ciceris*. Græca locutio: pro, non illi invidit cicer et avenam. Illi hæc large ac liberaliter apposuit. Est autem cicer pisi genus: un pois chiche.

85. *Acinum*. Granum racemi, un grain de raisin.

86. *Cupiens, etc.* Cupiens ferculorum varietate vincere nauseam moris urbani, qui ea leviter gustabat primoribus dentibus et contemplim.

89. *Esset ador*. Comederet frumenti grana, etc. — *Lolium*. Herba quædam est innascens segetibus, easque corrumpens, de Fibræ.

91. *Dorso*. Clivo.

92. *Feris*. Agrestibus.

93. *Quando, etc.* Quando quidem animalia terrestria morti sunt obnoxia, nec eam summis infimisve licet effugere.

95. *Quo, bone, circa*. Quocirca, quare, o bone, o mi hospes.

Horace.

(L)

- Dum licet, in rebus jucundis vive beatus :
 Vive memor quam sis ævi brevis. » Hæc ubi dicta
 Agrestem pepulere, domo levis exsilit. Inde
 Ambo propositum peragunt iter, urbis aventes
 100 Mœnia nocturni subrepere. Jamque tenebat
 Nox medium cœli spatium, quum ponit uterque
 In locuplete domo vestigia, rubro ubi cocco
 Tincta super lectos canderet vestis eburnos,
 Multaque de magna superessent fercula cœna,
 105 Quæ procul exstructis inerant hesterna canistris.
 Ergo ubi purpurea porrectum in veste locavit
 Agrestem, veluti succinctus cursitat hospes,
 Continuatque dapes, necnon vernaliter ipsis
 Fungitur officiis, prælambens omne quod affert.
 110 Ille cubans gaudet mutata sorte, bonisque
 Rebus agit lætum convivam, quum subito ingens
 Valvarum strepitus lectis excussit utrumque.
 Currere per totum pavidæ conclavæ, magisque
 Exanimes trepidare, simul domus alta molossis
 115 Personuit canibus. Tum rusticus : « Haud mihi vita
 Est opus hac, ait; et valeas : me silva, cavusque
 Tutus ab insidiis tenui solabitur ervo. »

97. *Hæc ubi, etc.* Postquam hæc oratio, hæc voces pepulere, id est, expugnare agrestem murem.

99. *Aventes.* Optantes.

100. *Nocturni.* Nocturno tempore.

102. *Cocco.* Purpura, ostro.

103. *Canderet.* Niteret. — *Vestis.* Stragula, qua lecti sternuntur.

105. *Exstructis.* In altum congestis, ordine dispositis. — *Canistris.* Canistra, sunt corbes in quibus panes et fercula ponuntur.

106. *Porrectum.* Stratum toto corpore.

107. *Veluti succinctus.* Instar servi ad administrandum expeditus et accinctus. — *Hospes.* Mus urbanus. *Hospes*

dicitur tum de eo qui aliquem accipit, tum de eo qui accipitur.

108. *Continuat.* Facit ut aliis succedant. — *Vernaliter.* Ut vernæ solent.

109. *Prælambens.* Prægustans.

110. *Ille.* Mus rusticus. — *Bonisque, etc.* Et fortuna felici fruens, præbet se hilarem.

112. *Lectis.* In quibus ad mensam accumbebant, coegit exsiliare.

113. *Currere, trepidare.* Ambaudî cœperunt.

114. *Simul.* Statim atque. — *Molossis.* Canibus natis in Molossia, Epiri parte.

116. *Valeas.* Absentis, et repudiantis aliquid, ea vox est.

117. *Ervum.* Genus est leguminis.

SATIRA VII.

Inducitur Horatii servus, ipsum, post acceptam dicendi facultatem, graphice ac facete objurgans.

DAVUS.

Jamdudum ausculto, et cupiens tibi dicere servus
Pauca, reformido.

HORATIUS. Davusne ?

DAVUS. Ita; Davus, amicū

Mancipium domino, et frugi, quod sit satis; hoc est,
Ut vitale putes.

HORATIUS. Age, libertate decembri

5 (Quando ita majores voluerunt) utere; narra.

DAVUS.

Pars hominum vitiis gaudet constanter, et urget
Propositum: pars multa natat, modo recta capessens,
Interdum pravis obnoxia. Sæpe notatus

Cum tribus annellis, modo læva Priscus inani,

10 Vixit inæqualis, clavum ut mutaret in horas;

Ædibus ex magnis subito se conderet, unde

Mundior exiret vix libertinus honeste;

Jam mœchus Romæ, jam mallet doctus Athenis

Vivere, Vertumnis, quotquot sunt, natus iniquis.

15 Scurra Volanerius, postquam illi justa chiragra

Contudit articulos, qui pro se tolleret, atque

Mitteret in phimum talos, mercede diurna

1. *Ausculto.* Jampridem te audio, o here, nempe Horatius fingitur servum vel castigare verbis, vel docere.

2. *Reformido.* Impedior metu et reverentia ne te vicissim alloquar, ne malam in partem accipias quæ sum dicturus. — *Davusne?* Tunc loqueris, o Dave? Ego ipse tuus servus, tibi amicus et gratus, et *frugi*, id est temperans, sed quod *satis sit*, id est non immodice, ita ut credere possis me fore *vitalem*, id est non ante diem moriturum esse, vel non nimia abstinencia consumendum.

3. *Decembri.* Hoc mense agebantur Saturnalia: tunc servis licebat loqui et vivere libertus, et quoddam quasi imperium in dominos exercebant.

5. *Narra.* Loquere.

6. *Constanter.* Eadem semper pertinacia. — *Urget propositum.* Perseverat in re semel proposita licet inhonesta.

7. *Natat.* Huc illuc fluctuat, nunc vitio, nunc virtute gaudens.

8. *Notatus.* Visus, deprehensus est.

9. *Tribus.* Annulos plures gestasse luxul, et arrogantis datum. — *Inani.* Sine annulis.

10. *Inæqualis.* Inconstans. — *Clavum.* Vestis erat senatorum et magistratuum quorundam propria.

11. *Unde.* In exiguum casam, ex qua, etc.

12. *Vertumnis, etc.* Id est homo inconstantissimus. — *Iniquus* autem dicitur Vertumnus Prisco, qui prava inconstantia laboraret. *Vertumnus*, antiquissimus Tuscorum deus, in diversas formas se vertens.

13. *Justa.* Quam ob flagitia promeruerat, qua juste multabatur.

14. *Contudit articulos.* Contorsit digitos. — *Tolleret.* Ex alveo lutorio.

17. *Phimum.* Fritillium (væ cornes) in quo tali vel tessere concutebantur, et inde per pyrgum sive turriculam mittebantur in tabulam lusoriam. — *Mer-*

Conductum pavit. Quanto constantior idem

In vitiis, tanto levius miser, ac prior illo,

20 Qui jam contento, jam laxo fune laborat.

HORATIUS.

Non dices hodie quorsum hæc tam putida tendant,
Furcifer?

DAVUS. Ad te, inquam.

HORATIUS. Quo pacto, pessime?

DAVUS. Laudas

Fortunam, et mores antiquæ plebis; et idem,

Si quis ad illa deus subito te agat, usque recuses;

25 Aut quia non sentis, quod clamas, rectius esse,

Aut quia non firmus rectum defendis, et hæres,

Nequidquam cœno cupiens evellere plantam.

Romæ rus optas; absentem rusticus urbem

Tollis ad astra levis. Si nusquam es forte vocatus

30 Ad cœnam, laudas securum olus, ac, velut usquam

Vinctus eas, ita te felicem dicis, amasque

Quod nusquam tibi sit potandum. Jusserit ad se

Mæcenas serum sub lumina prima venire

Convivam; « Nemon' oleum feret ocius? ecquis

35 Audit? » cum magno blateras clamore, fugisque.

Milvius et scurræ, tibi non referenda precati,

Discedunt. Etenim fateor me, dixerit ille,

Duci ventre levem; nasum nidore supinor,

Imbecillus, iners, si quid vis, adde, popino.

cœde, etc. Certo pretio in dies persoluto
conduxit aliquem et nutrit.

19. *Tanto, etc.* Tanto minus miser
quam ille prior, nempe Priscus, qui vi-
tilis modo laxabat ingentes habenas,
modo contrahabat.

21. *Non dices.* O Dave, quid tibi vis,
quo pertinet ista insectatio? quem istis
objurgas?

22. *Furcifer.* Furciferi vocabantur
servi nequam; illi enim ob leve delictum
cogebantur a dominis ignominie magis
quam supplicii causa, circa vicinos fur-
cam in collo ferre, subligatis ad eam
manibus, et prædicare peccatum suum
simulque submonere ceteros ne quid si-
mille admitterent. — *Ad te.* Subaudi
tendunt, spectant.

23. *Antiquæ plebis.* Homines antiqui
erant fere frugales, parci.

24. *Ad illa.* Ad mores antiquos, et
victum parciolem te adigat.

25. *Non sentis.* Non habes persuasum
penitus, et certum.

26. *Hæres.* Nempe in vitiorum cœno,
frustra cupiens emergere.

29. *Levis.* Inconstans.

30. *Velut usquam.* Quasi eo quo vo-
catis invitus et ligatus pergas, quasi fo-
ris cœnare non amares.

31. *Ita.* Si non vocatus es; domi olus
comedens.

32. *Jusserit.* Si jusserit.

33. *Sub lumina prima.* Paulo ante
vesperam, quum astra primum lucere
occiunt, et faces domi accenduntur.

34. *Oleum.* Unguentum ex oleo odo-
rato confectum; eo delibuti cœnabant.
— *Ecquis.* Servorum.

35. *Blateras.* Clamitas. — *Fugis.*
Domo te proripis.

36. *Milvius.* Aliquis parasitus apud
Horatium cum scurris cœnaturus.

37. *Discedunt.* Te domi non cœnante,
tristes, et imprecati multa male, quæ
tibi narrare dispudet, exeunt. — *Ille.*
Unus aliquis, quilibet.

38. *Duci.* Me duci et capi lantis fer-
cullis. — *Supinor.* Attollo nasum, id est,
nasum subrigo ad nidorem, seu fumum,
et odorem obsoniorum.

39. *Si quid vis.* Si quid præterea ve-

- 40 Tu, quum sis quod ego, et fortassis nequior, ultro
Insectere, velut melior? verbisque decoris
Obvolvās vitium? Quid, si me stultior ipso
Quingentis empto drachmis deprenderis? Aufer
Me vultu terrere; manum stomachumque teneto,
45 Dum, quæ Crispini docuit me janitor, edo.
Non sum mœchus, ais. Neque ego, hercule, fur, ubi vasa
Prætereo sapiens argentea. Tolle periculum,
Jam vaga prosiliet frenis natura remotis.
Tune mihi dominus, rerum imperiis hominumque
50 Tot tantisque minor, quem ter vindicta, quaterque
Imposita, haud unquam misera formidine privet?
Adde supra dictis, quod non levius valeat: nam
Sive vicarius est, qui servo paret, uti mos
Vester ait, seu conservus: tibi quid sum ego? nempe
55 Tu, mihi qui imperitas, aliis servis miser, atque
Ducers, ut nervis alienis mobile lignum.
Quisnam igitur liber? Sapiens: sibi qui imperiosus;
Quem neque pauperies, neque mors, neque vincula ter-
Responsare cupidinibus, contemnere honores [rent:
60 Fortis, et in seipso totus, teres atque rotundus:
Externi ne quid valeat per læve morari.
In quem manca ruit semper fortuna. Potesne
Ex his, ut proprium, quid noscere? Quinque talenta
Poscit te mulier, vexat, foribusque repulsum

lis in me dicere, si aliud aliquid vis ob-
ficere. — *Popino*. Qui popinis gaudet,
ganeo, belluo.

40. *Tu insectere*. Quorsum me inse-
ctaberis? quo jure?

42. *Drachmis*. Drachma, monetæ ge-
nus Græcis usitatæ. — *Quingentis drach-*
mis. Circiter 400 fr. — *Aufer*. Parce,
abstine.

45. *Crispini*. Erat ille philosophus.
V. sat. 1, lib. 1, ultimo versu.

47. *Prætereā*. Non surripio. — *Sa-*
piens. Cautus. — *Periculum*. Pœnæ
periculum, metum supplicii.

48. *Vaga*. Freni indocilis; furabor,
indoli obsequar.

50. *Minor*. Me deterior et inferior,
quia tot res tibi hominesque imperant.
— *Vindicta*. Qui nunquam eris liber a
metu et perturbatione quam tibi tam li-
bidines incutiant, etsi ter, quaterque
tangaris vindicta. *Vindicta* est virga
prætoris, qua tangebantur servi, dum
liberi seabant, et manumittebantur ca-
piti imposita.

52. *Quod, etc.* Unum nihilo ceteris le-
vius, ad tuam servitutem demonstrandam.

53. *Vicarius*. Est servi servus: alteri
servo obedire jussus. — *Uti, etc.* Ut lo-
qui soletis, eum, qui a nobis conservus
appellatur, vicarium honestiori vocabulo
nuncupantes.

54. *Nempe tu, etc.* Quum autem tu
dominus mihi imperes, et aliis servias
(vtilis scilicet), nonne sum tuus conser-
vus vel, si mavis, vicarius?

55. *Servis*. Obedis, pares.

56. *Ut nervis*. Ut parvulæ quædam
status et opera lignea, quæ nervis, id
est, funiculis intus latentibus ita moven-
tur; *des marionnettes*.

57. *Sibi qui imperiosus*. Qui in se
ipsum imperium exercet, se ipsum tem-
perat et moderatur.

59. *Responsare*. Resistere. — *Fortis*
contemnere. Qui satis habet fortitudinis
ad contemnendos honores.

60. *Totus; teres*. Instar globi, ex omni
parte in sese collectus et politus.

62. *Manca*. Debilis, inermis.

63. *Ex his, etc.* In his dotibus nam
aliquam agnoscis tuam? — *Quinque ta-*
lenta. Talentum, circiter 5400 fr.

- 65 Perfundit gelida. Rursus vocat. Eripe turpi
Colla jugo. Liber, liber sum, dic, age. Non quis;
Urget enim dominus mentem non lenis, et acres
Subjectat lasso stimulos, versatque negantem.
Vel quum pausiaca torpes, insane, tabella,
- 70 Qui peccas minus atque ego, quum Fulvi, Rutubæque,
Aut Placideiani contento poplite miror
Prælia, rubrica picta, aut carbone: velut si
Revera pugnent, feriant, vitentque moventes
Arma viri. Nequam et cessator Davus: at ipse
- 75 Subtilis veterum iudex et callidus audis.
Nil ego, si ducor libo fumante; tibi ingens
Virtus, atque animus cœnis responsat opimis?
Obsequium ventris mihi perniciosius est. Cur?
Tergo plector enim. Qui tu impunitior, illa,
- 80 Quæ parvo sumi nequeunt, obsonia captas?
Nempe inamarescunt epulæ sine fine petitæ,
Illusique pedes vitiosum ferre recusant
Corpus. An hic peccat, sub noctem qui puer uvam
Furtiva mutat strigili? qui prædia vendit,
- 85 Nil servile, gulæ parens, habet? Adde, quod idem
Non horam tecum esse potes: non otia recte
Ponere, teque ipsum vitas fugitivus, et erro;
Jam vino quærens, jam somno fallere curam:
Frustra; nam comes atra premit, sequiturque fugacem.

HORATIUS.

90 Unde mihi lapidem?

DAVUS. Quorsum est opus?

HORATIUS. Unde sagittas?

DAVUS.

Aut insanit homo, aut versus facit.

65. *Gelida*. Scilicet aqua.66. *Non quis*. Non potes.67. *Dominus*. Amor improbus.68. *Negantem*. Nolentem servire, et sequi.69. *Pausiaca*. Pausas, pictor nobiliss græcus, Apellis æqualis. — *Torpes*. Stupes admirans.70. *Fulvi, Rutubæ, Placideiani*. Trium gladiatorum sunt nomina.71. *Contento poplite*. Extento.76. *Nil ego*. Nihil sum, nihilli sum, nullius pretii. — *Ducor*. Trahor, raptor.77. *Responsat*. Tu contemnere potes cœnas lautas, atque adeo es quantivis pœtii? Ironia: nam significat Horatium dacti quoque opiparis cœnis.78. *Obsequium, etc.* Quum indulgeo gulæ, damnum fero, nam plector loris:

et tu an cares pœna magis quam ego, quum lauta et cara captas fercula?

83. *Sub noctem*. Ne furtum agnoscat. — *Puer*. Servus.84. *Mutat*. Qui strigilem furto ablatam donat pro uva. Est *strigilis* instrumentum, e ferro, ebore, argento, quo sudorem e corpore detergebant, quum balneis utebantur, item quo distringuntur equi, *une étrille*.86. *Tecum esse*. Tibi constare, vel solus esse.87. *Ponere recte*. Utilibus occupationibus et honestis impendere. — *Erraticus*, semper errabundus.88. *Fallere*. Lenire.89. *Comes* illa ipsa cura quam fugia.90. *Lapidem*. Subaudi sumam. — *Quorsum*. Cur lapidem poscis?91. *Aut versus facit*. Quasi genus

HORATIUS. Ocius hinc te

Ni rapis, accedes opera agro nona sabino.

esset insanias, quolibet alio certius et periculosius.

92. *Ni rapis, accedes, etc.* Ni discedis, te mittam nonum operarium ad

servos octo qui faciunt opus in mea villa sabina. — *Opera.* Operarius, opus servile faciens: illi servi rustici erant deterioris et durioris conditionis quam urbani.

SATIRA VIII.

Nasidieni cœnam, cui Fundanius amicus suus interfuerat, lepide describit.

HORATIUS.

Ut Nasidieni juvit te cœna beati?

Nam mihi quærenti convivam dictus here illic

De medio potare die.

FUNDANIUS. Sic, ut mihi nunquam
In vita fuerit melius.

HORATIUS. Da, si grave non est,
5 Quæ prima iratum ventrem placaverit esca.

FUNDANIUS.

In primis lucanus aper; leni fuit Austro
Captus, ut aiebat cœnæ pater. Acria circum
Rapula, lactucæ, radices, qualia lassarum
Pervellunt stomachum; siser, halec, fæcula coa.

10 His ubi sublatis, puer alte cinctus, acernam
Gausape purpureo mensam pertersit, et alter
Sublegit quodcumque jaceret inutile, quodque
Posset cœnantes offendere. Ut attica virgo

1. *Nasidieni.* Nasidienus, eques romanus, homo avarus, qui tamen videri lautus vellet. — *Juvit.* Delectavit: Quomodo apud eum, quam belle cœnavisti? — *Beati.* Divitis, laut.

2. *Quærenti, etc.* Quam quærerem hominem, qui mecum cœnaret, quem vocarem ad cœnam; dictus es heri illico, id est, in domo Nasidieni, etc. — *Here.* Antiquius pro, heri.

3. *De medio die.* A meridie: vulgo sub vesperam cœnabant. — *Sic ut.* Sic mihi illa cœna bene fuit, ut, etc.

4. *Da.* Narra.

6. *Lucanus.* Quia apri in Lucania ob glandis pastum in quercetis sunt admodum optimi. Lucania, pars Italæ, prope Calabriam. — *Leni Austro.* Nam gravi et vehementius fiante carnes putrescunt.

7. *Cœnæ pater.* Convivator, herus, id est Nasidienus.

9. *Pervellunt.* Provocant ad edendum, et stimulant nova fame. — *Siser.* Genus leguminis; *du céleri:* vel, ut alii censent, *du chervi.* — *Halec.* Erat fœx maris ejusdam: *de la saumure d'anchois.* — *Fæcula coa.* Fœx delicatior vini græci ex insula Co: *de la lie du vin de Cos:* seu condimentum ex ea factum.

10. *Sublatis.* E mensa, ut novia ferulis locus esset. — *Puer alte cinctus.* Servus vestem habens altius præcinctam, ut esset expeditior. — *Acernam.* Ex acere arbore factam: *de l'érable.* Et hoc notat Nasidieni sorditatem, quod pro divitiis non habuerit mensam citream aut vermiculatam.

11. *Gausape.* Panno villosa.

12. *Sublegit.* Collegit abstulit. — *Inutile.* Sordidum.

13. *Attica virgo.* Solebant in sacris

Cum sacris Cereris, procedit fuscus Hydaspes

- 15 Cæcuba viua ferens; Alcon, chium maris experts.
Hic herus: « Albanum, Mæcenas, sive falernum
Te magis appositis delectat, habemus utrumque. »

HORATIUS.

Divitias miseras! Sed queis cœnantibus una,
Fundani, pulchre fuerit tibi, nosse laboro.

FUNDANIUS.

- 20 Summus ego, et prope me Viscus Thurinus, et infra
Si memini, Varius: cum Servilio Balatrone
Vibidius, quos Mæcenas adduxerat umbras.
Nomentanus erat super ipsum, Porcius infra,
Ridiculus totas simul absorbere placentas.
25 Nomentanus ad hoc, qui, si quid forte lateret,
Indice monstraret digito. Nam cetera turba,
Nos, inquam, cœnamus aves, conchylia, pisces,
Longe dissimilem noto celantia succum;
Ut vel continuo patuit, quum passeris, atque
30 Ingustata mihi porrexerit ilia rhombi.
Post hoc me docuit melimela rubere, minorem
Ad lunam delecta. Quid hoc intersit, ab ipso
Audieris melius. Tum Vibidius Balatroni:
« Nos, nisi damnose bibimus, moriemur inulti: »

Cereris virgines canistra ferre vultu et gressu ad insignem modestiam composito.

14. *Hydaspes*. Servus, item Alcon.

15. *Maris experts*. Id est, sine aqua marina. In Græcia enim solet vino aqua marina admisceri, ut non facile corrumpatur. Alii autem intelligunt hoc vinum, quod Nasidienus ut chium apponebat, nunquam e Græcia fuisse mari advectum, sed in Italia natum.

16. *Hic*. Tum ita loqui Nasidienus coepit.

17. *Te magis*. Si vinum albanum vel falernum te magis delectat. — *Appositis*. Quam cæcubum et chium, quæ tibi modo jussi apponi.

18. *Divitias, etc.* Plerique hæc ab Horatio dici volunt. *Divitias* autem dicit *miseras*, quia Nasidienus dominus est indignus, qui eas possideat. Alii hæc verba Nasidieno tribuunt, eas res quas cum ostentatione offert, ironice et consulto attennanti.

20. *Summus ego*. In primo lecto, eram in summa parte, in media Viscus Thurinus, in infima parte, Varius.

22. *Umbras*. Umbras in convivio vocabantur illi qui non suo nomine privatis erant invitati, sed amicum aut virum

nobilem comitabantur honoris causa, ut umbra corpus assectatur.

24. *Ridiculus absorbere*. In eo ridiculus, et facetus, quod absorberet uno veluti haustu integras placentas.

25. *Ab hoc*. Subauditur vocatus, appositus a Nasidieno. — *Si quid*. Si quod ferculum exquisitius convivas fugeret.

27. *Nos*. Minus periti ad istas ciborum delicias cognoscendas, cœnabamur, quod occurrebat, pisces, aves.

28. *Longe dissimilem noto, etc.* Saporem habentia longe meliorem quam hactenus noveramus.

29. *Passeris*. Genus est piscis.

30. *Ingustata*. Qualia nunquam antea gustaveram, vel quæ nemo nostrum attigerat, quia saporem hujus ferculi ignorabamus.

31. *Melimela*. Poma quædam mellis saporis. — *Rubere*. Ruborem induere. — *Minorem*. Non plenam, decrescen-tem.

32. *Hoc*. Nempe quod colligantur quum minor est luna.

33. *Vibidius*. Subaudi dixit.

34. *Damnose*. Cum damno Nasidienti: large. — *Morietur inulti*. Non bene nobis erit. Inultum mori, est us-

- 35 Et calices poscit majores. Vertere palior
Tum parochi faciem, nil sic metuentis ut acres
Potores; vel quod maledicunt liberius, vel
Fervida quod subtile exsurdant vina palatum.
Invertunt allifanis vinaria tota
- 40 Vibidius Balatroque, secutis omnibus; imi
Convivæ lecti nihilum nocuere lagenis.
Affertur squillas inter muræna natantes
In patina porrecta. Sub hoc herus: « Hæc gravida, in-
Capta est; deterior post partum carne futura. [quit,
- 45 His mixtum jus est, oleo, quod prima Venafri
Pressit cella, garo de succis piscis iberi,
Vino quinquenni, verum citra mare nato,
Dum coquitur (cocto chium sic convenit, ut non
Hoc magis ullum aliud); pipere albo, non sine aceto,
- 50 Quod methymnæam vitio mutaverit uvam.
Erucas virides, inulas ego primus amaras
Monstravi incoquere: illutos Curtillus echinos,
Ut melius muria, quam testa marina remittit. »
Interea suspensa graves aulæ ruinas
- 55 In patinam fecere, trahentia pulveris atri,
Quantum non Aquilo campanis excitat agris.
Nos majus veriti, postquam nihil esse pericli
Sensimus, erigimur. Rufus, posito capite, ut si
Pilius immaturus obisset, flere. Quis esset

tata locutio Latinis, significans aliud nihil quam miserrimum esse: quia putabant eos esse miseros, qui inulti morerentur. Alii intelligunt hæc verba *moriemur inulti* alludere ad Nasidienī avaritiam, propter pessimum ciborum saporem.

36. *Parochi*. *Parochus* significat hic convivatorem, qui convivium præbet.

38. *Exsurdant*. Surdum faciunt, hebentant.

39. *Invertunt*. Exhaustiunt vinaria poculis allifanis, sticilibus cyathis factis in oppido Samnii Allife, quod est inter Venafrum et Beneventum. *Vinarium* est vas majus, quod œnophorum appellant.

40. *Secutis omnibus; imi convivæ lecti*, etc. Sensus est: Omnes Vibidium et Balatronem imitati sunt, exceptis convivis imo lecto accumbentibus, scilicet Porcio et Nomentano, qui non nocuere lagenis, ut abinentia sua parco cœnæ patri placerent.

42. *Muræna*. Piscis nobilis, une *lamproe*. — *Natantes*. In jussulo. — *Squillas*. Squillæ, sunt pisciculi e cancrorum genere, *des squilles*.

43. *His*, etc. Jus illud in quo videtis natantes squillas, his rebus mixtum et confectum est. Primo ex oleo, etc. *Methymna* est urbs primaria Lesbi, insulæ maris *Ægæi*.

46. *Garum*. Garum erat condimenti seu muris genus quoddam confectum ex intestinis pisciculorum, maxime scombrorum iberorum, sale maceratis, et putrefactis.

51. *Erucas, inulas*. Herbs sunt: *de la roquette, de l'aunée*.

52. *Incoquere*. In jure illo coquere. *Illutos*, id est, non exemptos muria, non detera salsugine, non ablutos aqua fluviali. — *Echinos*. Pisces echinis terrestribus similes.

53. *Testa*. Vel ipsa pisciculorum concha, vel olla in qua macerantur.

54. *Aulæ*. Vela quæ supra mensam erant suspensa: *un dais*.

55. *Pulveris atri*. Subaudi tantum.

57. *Majus*. Ne lacunar ipsum rueret.

58. *Rufus*. Nasidienī est cognomen.

59. *Flere*. Subaudi cœpli. — *Quis esset finis?* An ille finem fendi fecisset? flere profecto pergeret, nisi, etc.

- 60 Finis, ni sapiens sic Nomentanus amicum
Tolleret? « Heu fortuna! quis est crudelior in nos
Te deus? ut semper gaudes illudere rebus
Humanis! » Varius mappa compescere risum
Vix poterat. Balatro, suspendens omnis naso:
65 « Hæc est conditio vivendi, aiebat: eoque
Responsura tuo nunquam est par fama labori.
Tene, ut ego accipiar laute, torquerier omni
Sollicitudine districtum? ne panis adustus,
Ne male conditum jus apponatur, ut omnes
70 Præcincti recte pueri, comptique ministrent?
Adde hos præterea casus; aulæa ruant si,
Ut modo: si patinam pede lapsus frangat agaso.
Sed convivoris, uti ducis, ingenium res
Adversæ nudare solent, celare secundæ. »
75 Nasidienus ad hæc: « Tibi di, quæcumque preceris,
Commoda dent: ita vir bonus es, convivaque comis; »
Et soleas poscit. Tum in lecto quoque videres
Stridere secreta divisos aure susurros.

HORATIUS.

- Nullos his mallem ludos spectasse; sed illa
80 Redde, age, quæ deinceps risisti.

FUNDANIUS. Vibidius, dum

- Quærit de pueris, num sit quoque fracta lagena,
Quod sibi poscenti non dentur pocula, dumque
Ridetur fictis rerum, Balatrone secundo,
Nasidiene, redis mutatæ frontis, ut arte
85 Emendaturus fortunam. Deinde secuti
Mazonomo pueri magno discerpta ferentes
Membra gruis, sparsi sale multo, non sine farre,
Pinguibus et flicis pastum jecur anseris albi,

61. *Tolleret*. Erigeret, solatus esset.

64. *Suspendens, etc.* Omnia in risum
vertens, risum ex omnibus captans.
Lib. 1, sat. 6.

65. *Hæc, etc.* Sic vivitur, ea lege,
ut nimirum adversa multa incidunt.
— *Eoque*. Ideoque nunquam pro me-
rito laudaberis, laudem tuo labore ac
merito semper minorem feres.

69. *Tene, ut ego, etc.* Num est
æquum ut, me excepturus, te torqueas,
etc.

72. *Agaso*. Servus hebes ac stupidus,
instar agasonis, mullonis; un *palefre-
nier*, un *muletier*.

73. *Convivoris*. Ejus qui convivas
accipit. — *Ingenium*. Industriam: ea
nudatur, id est, promitur in adversis,
lalet in secundis rebus.

77. *Soleas*. Crepidas, ut e lecto de-
scenderet: *des pantoufles*. — *Lecto
quoque*. Singulis lectis.

78. *Stridere secreta, etc.* Alterum
in alterius aurem secreto aliquid inau-
surare.

81. *De pueris*. A servis.

83. *Fictis rerum*. Rebus fictis, fa-
bellis, et jocis. — *Secundo*. Urgente,
adjuvante, ut in tragœdiis, actoribus
primarum partium subserviunt actores,
qui secundas ferunt.

84. *Mutatæ frontis*. Fronte mutata
hilarior.

85. *Fortunam*. Fortunam aulæ rui-
nam.

86. *Mazonomo*. Patina sic dicta.

88. *Pastum*. Saginatum.

- Et leporum avulsos, ut multo suavius, armos,
 90 Quam si cum lumbis quis edit. Tum pectore adusto
 Vidimus et merulas poni, et sine clune palumbes:
 Suaves res, si non causas narraret earum, et
 Naturas dominus: quem nos sic fugimus ulti,
 Ut nihil omnino gustaremus; velut illis
 95 Canidia afflasset, pejor serpentibus afris.

91. *Sine clune.* Sine ea parte, quæ si illis cibis afflasset, id est, flatu suo lautior est. et ore venenum præsentissimum addidisset.

92. *Causas.* Originem.

94. *Velut, etc.* Quasi Canidia vene-

EPISTOLARUM

LIBER PRIMUS.

EPISTOLA I.

Ad Mæcenatem.

20, *omissis versibus lyricis*, totum esse in philosophia perdiscenda, quæ frenare cupiditates, et omnia virtuti posthabere docet.

Prima dicte mihi, summa dicende camena,
Spectatum satis, et donatum jam rude, quæris,
Mæcenas, iterum antiquo me includere ludo.

Non eadem est ætas, non mens. Vejanus, armis

5 Herculis ad postem fixis, latet abditus agro,
Ne populum extrema toties exoret arena.

Est mihi purgatam crebro qui personet aurem :

• Solve senescentem mature sanus equum, ne

Peccet ad extremum ridendus, et ilia ducat. •

10 Nunc itaque et versus. et cetera ludicra pono; [sum :
Quid verum atque decens, curo et rogo, et omnis in hoc

1. *Prima dicte mihi, etc.* Mæcenas, quem ego in primo cuiusque generis carmine (odarum, epodon, satirarum) ante omnes alios celebravi. — *Summa dicende camena.* Qui mihi celebrandus es in extremo, quod scripturus sum carmine, scilicet in his epistolis. Camena, ut sæpius musa, pro carmine usurpatur.

2. *Spectatum satis.* Qui satis spectaculo sui : metaphora ducta a gladiatoribus. Poeta autem *spectatur*, quum ars et ingenium in ejus carminibus cognoscitur. — *Donatum rude.* Emeritum. Rudis erat virga, seu bacillum ligneum impolitum : illis gladiatoribus dabatur, qui vacationem, et quasi missionem obtinebant ab arte gladiatoria, post annos certos in ea consumptos; sic ut ad certandum in arena cogi non possent. — *Quæris.* Contendis, cupis.

3. *Antiquo, etc.* Me ad pristinam artem, ad scribendos versus lyricos revocare. *Ludus* (ut hic sumitur) erat locus in quo se gladiatores exercebant, et arma tractare docebantur; vel in quo pugnabant.

4. *Non eadem, etc.* Non sum eadem,

qua eram olim, ætate; non eodem animo. — *Vejanus.* Gladiator celebris.

5. *Herculis, etc.* Ad templi herculei valvas.

6. *Exoret, etc.* Ne si arma jam senior et effatus capiat, supplex a populo vitam deprecetur in extrema parte arenae, in quam retrocedere coactus sit, ab æmulo suo victus, et jam enecandus. — *Extrema arena.* Arena solum erat, in quo gladiatores dimicabant, in extremam ejus partem secedebant missionem petitori.

7. *Est mihi, etc.* Audire mihi videor aliquem, qui me non invitum, sic admoneat : o Horati, equus senescens mature solvendus est a curru. — *Purgatam.* Docilem, attentam. — *Personet aurem.* Per aurem sonet.

8. *Solve.* A curru se junge et remove. — *Sanus.* Si sapias.

9. *Peccet.* Corruat, tardius eat. — *Ilia ducat.* Egredere anhelitum ducat; ut equi senes et fatigati solent.

11. *Omnis, etc.* Id unum studeo et cogito.

- Condo; et compono, quæ mox depromere possim.
 Ac, ne forte roges quo me duce, quo lare tuter;
 Nullius addictus jurare in verba magistri,
 15 Quo me cumque rapit tempestas, deferor hospes.
 Nunc agilis fio, et mensor civilibus undis,
 Virtutis veræ custos, rigidusque satelles;
 Nunc in Aristippi furtim præcepta relabor,
 Et mihi res, non me rebus subjungere conor.
 20 Ut nox longa, quibus somni est pars nulla, diesque
 Lenta videtur opus debentibus; ut piger annus
 Pupillis, quos dura premit custodia matrum;
 Sic mihi tarda fluunt, ingrataque tempora, quæ spem
 Consiliumque morantur agendi gnavigator id, quod
 25 Æque pauperibus prodest, locupletibus æque:
 Æque neglectum pueris senibusque nocebit.
 Restat, ut his ego me ipse regam solerque elementis.
 Non possis oculo quantum contendere Lynceus,
 Non tamen idcirco contempnas lippus inungi:
 30 Nec, quia desperes invicti membra Glyconis,
 Nodosa corpus nolis prohibere chiragra.
 Est quodam prodire tenus, si non datur ultra.
 Fervet avaritia miseroque cupidine pectus;

12. *Condo et compono.* In animo recondo, et mecum meditor. — *Quæ mox depromere possim.* Quibus mox utar ad vitam recte instituendam.

13. *Quo me duce, etc.* Quem philosophiæ auctorem, quam philosophorum sectam et quasi familiam amplectar.

14. *Nullius, etc.* Nulli certo philosopho, vel philosophiæ deditus, et obstrictus, deferor, ad eos accedo, non tanquam civis, aut domesticus, sed tanquam hospes, et externus, ad quoscumque me aut ratio temporum, aut impetus animi tanquam tempestas, rapit.

15. *Nunc agilis, etc.* Nunc immisceo me rebus gerendis, et in civium negotia me interpono.

17. *Virtutis.* Stoici summum bonum in virtute et honestate ponebant, voluptates repudiabant, etc. Unde satellites rigidi virtutis, ut reginæ cujusdam, hic vocantur.

18. *Aristippi.* Sensim abripior mea sponte ad Aristippi effata, otium sector: negotiorum dominus esse conor, non servus.

21. *Opus debentibus.* Mercenariis, qui ad certum opus faciendum conducti sunt.

22. *Pupillis.* Pupillus dicitur, qui orbatus est patre. Porro pupilli sunt in

tutorum fide et cura, aut etiam matrum, quæ illos sæpe durius, quam ipsi tutores, habent, ut filios licentius vivere cupientes ad severam disciplinam revocent.

24. *Id, quod, etc.* Studium sapientiæ, intelligit.

27. *Restat, etc.* Confecto jam ac decurso prope modum vitæ spatio, id unum faciendum mihi restat, ut elementis philosophiæ et rudibus saltem, ac obvis præceptis regam vitam meam, mores componam.

28. *Lynceus.* Unus Argonautarum, qui dicitur oculos habuisse perspicacissimos; ita ut etiam ea, quæ apud inferos gererentur, conspiceret.

30. *Invicti Glyconis.* Videtur Glyco fuisse nobilis athleta, ob corporis robur invictus.

31. *Nodosa.* Quia in digitorum articulis intumescens humor quosdam quasi nodos efficit, quibus eos constringit. — *Chiragra.* Est articulorum dolor in manibus, *la goutte aux mains.*

32. *Est quodam, etc.* Est, licet ad aliquam doctrinæ virtutisque perfectionem prodire et provehi: si, id est, etsi non liceat ulterius, nempe, ad summam ejus absolutionem, et quasi apicem pervenire.

- Sunt verba et voces, quibus hunc lenire dolorem
 35 Possis, et magnam morbi deponere partem.
 Laudis amore tumes; sunt certa piacula, quæ te
 Ter pure lecto poterunt recreare libello.
 Invidus, iracundus, iners, vinosus, amator,
 Nemo adeo ferus est, ut non mitescere possit,
 40 Si modo culturæ patientem commodet aurem.
 Virtus est vitium fugere, et sapientia prima,
 Stultitia caruisse. Vides, quæ maxima credis
 Esse mala, exiguum censum, turpemque repulsam,
 Quanto devites animi, capitisque labore!
 45 Impiger extremos curris mercator ad Indos,
 Per mare pauperiem fugiens, per saxa, per ignes;
 Ne cures ea, quæ stulte miraris, et optas,
 Discere, et audire, et meliori credere non vis?
 Quis circum pagos, et circum compita pugnax,
 50 Magna coronari contemnat Olympia, cui spes,
 Cui sit conditio dulcis sine pulvere palmæ?
 Vilius argentum est auro, virtutibus aurum.
 « O cives, cives, quærenda pecunia primum est,
 Virtus post nummos. » Hæc Janus summus ab imo
 55 Perdocet; hæc recinunt juvenes dictata senesque,
 Lævo suspensi loculos tabulamque lacerto.

34. *Verba et voces.* Philosophiæ præcepta.

36. *Piacula.* Libri philosophici, quorum præceptis æque ac piaculis purgari atque explari potes.

37. *Ter.* Perinet hic numerus ad religionem quamdam. — *Pure.* Quasi sacrum esset philosophiæ studium: at sacra omnia non nisi a puris et integris, caste ac reverenter tractanda. — *Recreare.* Sanare.

39. *Ferus.* Agrestis, ferox.

40. *Culturæ.* Philosophiæ præceptis, quibus animus excolitur.

41. *Virtus est, etc.* Prima pars virtutis est, primus quasi ad eam gradus est, fugere vitia: initium sapientiæ est stultitiam exuere.

42. *Stultitia.* In eo positum præcipue docet, si pluris insaniam bona faciamus quam virtutem; si putemus ea mala esse, quæ non sunt.

43. *Exiguum censum.* Exiguum rei familiaris modum, paupertatem. — *Turpemque repulsam.* Quum is, qui honores petit, repellitur.

45. *Indos.* India est regio Asiæ inter Persidem ab occasu, Tartariam a septentrione, Sinas ab oriente: alluitur fluvii Indo et Gange.

46. *Per ignes.* Æstuosas plagas, vel metaphorice, per media pericula.

47. *Ne cures ea, etc.* Ordo est: non vis discere, et audire præcepta philosophiæ, quibus doceris ea non curare, ea negligere, quæ optas; fugis, et arces omni conatu inopiam, repulsam, etc., ignorantiam vero, stultitiam, etc., non fugis, non emendas studio philosophiæ.

49. *Quis, etc.* Quis est, qui quum sæpe pugnaverit in pagis et in compitis, ibique coronatus fuerit, nolit coronari in ludis Olympicis, totius Græciæ celebrari solitis, si sperat ea se conditione dimicaturum, ut dulcem palmam victoriamque, sine pulvere, id est, sine labore consequatur?

50. *Coronari Olympia.* Græca locutio, id est, per Olympia, inter Olympica certamina.

53. *O cives.* Vulgi vox; ita loquentem populum Horatius inducit.

54. *Virtus, etc.* Subaudi quærenda est. — *Janus summus.* Qui sunt in Jani vico.

55. *Perdocet.* Id est, palam et aperte docet. — *Recinunt.* Sæpe canunt. — *Dictata.* Præcepta, nuntias, effata.

56. *Lævo, etc.* Habentes loculos, id est, sacculum, in quo sunt calculi ad

- Si quadringentis sex, septem millia desunt,
Est animus tibi, sunt mores, et lingua, fidesque;
Plebs eris. At pueri ludentes: « Rex eris, aiunt,
60 Si recte facies. » Hic murus abeneus esto,
Nil conscire sibi, nulla pallescere culpa.
Roscia, dic, sodes, melior lex, an puerorum
Nænia, quæ regnum recte facientibus offert,
Et maribus Curiis, et decantata Camillis?
65 Isne tibi melius suadet, qui rem facias, rem,
Si possis, recte: si non, quocumque modo rem,
Ut propius spectes lacrimosa poemata Pupi?
An qui fortunæ te responsare superbæ
Liberum et erectum præsens hortatur, et optat?
70 Quod si me populus romanus forte roget, cur
Non, ut porticibus, sic judiciis fruor isdem;
Nec sequar aut fugiam, quæ diligit ipse, vel odit;
Olim quod vulpes ægroto cauta leoni
Responddit, referam: « Quia me vestigia terrent,
75 Omnia te adversum spectantia, nulla retrorsum. »
Bellua multorum es caput: nam quid sequar, aut
Pars hominum gestit conducere publica; sunt qui [quem?
Crustis et pomis viduas venentur avaras,

numerandum, et tabulam, seu alveum, plagulam ligneam in qua numerent, vel in qua scripserint nomina debitorum, fœneratiliam pecuniam, etc., suspensam brachio sinistro.

59. *At pueri ludentes, etc.* Pueri contra, quum ludunt, non ditioris, sed ei, qui recte facit, summos in ludo honores deferunt, regem eum appellantes.

60. *Hic murus, etc.* Omissa pecunie congerendæ cura, unam virtutem sectare: in hac una re totius vitæ tum præsidium pone, ut nullius flagitii tibi sis conscius: hæc tua sit arx, hoc propugnaculum contra omnes fortunæ impetus, ut nullam sceleris illius conscientiam suscipias, nihil admittas, quo merito erubescas, et paleas.

61. *Roscia, etc.* Sensus est: dilo, quæso, num lex Roscia, quæ aditum in equestrem ordinem illi aperit, cui sint quadringenta, melior est quam illa puerorum ludentium nœnia, id est, formula, et cantilena, quæ reges eos fore clamitat, qui recte fecerint, olim a Curiis illis et Camillis usurpata, qui dignitates et imperia optimis deferebant.

62. *Maribus.* Generosis.

63. *Rem facias.* Opes colligas.

64. *Recte.* Honestis artibus. — *Quocumque modo.* Jure, vel injuria.

67. *Ut propius, etc.* Ut, quum ditior factus fueris, in primis subselliis locum habeas. — *Lacrimosa, etc.* Tragedias, a Pupio compositas. Tragediæ ad elendam fere commiserationem et lacrimas comparatæ sunt.

68. *An qui, etc.* An ille tibi rectius suadet, qui te hortatur fortunæ casus erecto animo tolerare, etc. — *Responsare.* Resistere.

69. *Erectum.* Fortem, generosum. — *Præsens.* Dexter, opportunus.

71. *Non, ut, etc.* Cur non aliis in locis, quam ille, spatietur ambulem; at alio, quam ille, modo judicem de rebus?

72. *Cauta.* Astata.

73. *Omnia, etc.* Ferarum quæ ad tuam speluncam veniunt, video vestigia, et pedum notas, ita inaratas terræ, ut illas quidem ad te lisse, nullas rediisse appareat, quia sunt a te devorata.

74. *Bellua, etc.* Tu es instar bellum multis capitibus præditæ: tot sententiæ, opinionones ac studia sunt, quot homines. — *Sequar.* Probem, amplectar.

75. *Conducere publica.* Opera publica, v. g. pontes faciendos, colligenda vectigalia, certo pretio constituto, in se recipere.

76. *Crustis.* Villibus munnaculis. Legitur etiam, *frustis.* Crustula porro sunt dulciaria quælibet, cupedim, etc., de l'

- Excipiantque senes, quos in vivaria mittant.
- 80 Multis occulto crescit res scœnore. Verum
 Esto, aliis alios rebus studiisque teneri :
 Iidem eadem possunt horam durare probantes ?
 « Nullus in orbe sinus Balis præluet amœnis, »
 Si dixit dives; lacus et mare sentit amorem
- 85 Festinantis heri, cui si vitiosa libido
 Fecerit auspicium : « Cras ferramenta Teanum
 Tolletis, fabri. » Lectus genialis in aula est;
 Nil ait esse prius, melius nil cœlibe vita :
 Si non est, jurat bene solis esse maritis.
- 90 Quo teneam vultus mutantem Protea nodo ?
 Quid pauper ? ride : mutat cœnacula, lectos,
 Balnea, tonsores; conducto navigio æque
 Nauseat ac locuples, quem ducit priva triremis.
 Si curtatus inæquali tonsore capillos
- 95 Occurri, rides; si forte subucula pexæ
 Trita subest tunicæ, vel si toga dissidet impar,
 Rides. Quid ? mea quum pugnat sententia secum;
 Quod petiit, spernit; repetit quod nuper omisit;
 Æstuat, et vitæ disconvenit ordine toto;

pâtisseris. — Venentur. Earum hereditatem aucupantur.

79. *Excipiantque, etc.* Verbum est insidulis accommodatum. Sententia est : qui senes orbos callide sic deliniant, ut eos compositis obsequiis capiant, ac eorum hereditatem certis artibus consequantur, quemadmodum pisces hamo capiuntur, et in vivaria (loca servandis piscibus capitis idonea, *des réservoirs, des viviers*), mittuntur, ita ut effugere nequeant.

80. *Occulto.* Velito. — *Res.* Pecunia. — *Verum, etc.* Sed esto sane, aliud aliis placeat : non id miror in tanta hominum multitudine, etc.

82. *Iidem eadem possunt, etc.* Num iidem in iisdem, quæ modo probabant, per unam horam perstare vel sibi constare possunt ?

83. *Balis præluet.* Præferendus est : nempe ad ædificandam domum. Balæ, urbs est Campaniæ, ad sinum Puteolanum : prope hanc est lacus Lucrinus.

84. *Amorem.* Injectam subito cupiditatem extruendi amœnis Balis ædificium.

85. *Cui si, etc.* At si herus ille, vitiosam libidinem, et inconstantiam suam consulens, ex eaumat auspicium, ut ex arium cantu et volatu duci solet, eaque illi sudeat alibi domum ædificare : eras, o fabri, o architecti, etc., transportabitis Balis fabrilis instrumenta.

Teanum, urbs est Campaniæ, a littore remotior.

87. *Lectus, etc.* Uxorem duxit. *Lectus genialis* lectus erat nuptialis, qui post Genio consueverat; quia Genius natalitatis hominum præsidebat.

88. *Cœlibe.* Sine uxore.

89. *Bene, etc.* Solos matrimonio junctos, beatos esse.

91. *Quid, etc.* Quid agunt pauperes ? an sunt constantiores divitibus ? — *Cœnacula.* Cœnaculum Romanis erat superior adiam contignatio, quam fere pauperes incolebant.

93. *Nauseat, etc.* Equè fastidit, æ mutat navim conductam, etc. — *Priva.* Propria et sua.

94. *Si curtatus, etc.* Si ego, habens capillos tonsos breviter a tonsore inæquali, id est, qui eos inæqualiter et per sulcos totonderit, occurram tibi, risum movebo, etc.

95. *Subucula.* Vestis intima, indusium. — *Pexæ.* Recentis, villosæ.

96. *Tunicæ.* Est vestis exterior : toga vestis extima. — *Dissidet.* Non sedet æqualiter in humeris, plus hinc pendet, quam illinc.

97. *Rides.* Illorum levitatem.

99. *Æstuat.* Fluctuat, jactatus huc illuc, ut æstus maris. — *Disconvenit.* Non convenit, non constat sibi in tota vitæ ratione.

- 100 Diruit, ædificat, mutat quadrata rotundis.
 Insanire putas solennia me, neque rides,
 Nec medici credis, nec curatoris egere
 A prætore dati, rerum tutela mearum
 Quum sis, et prave sectum stomacheris ob unguem
- 105 De te penditis, te respicientis amici?
 Ad summam, sapiens uno minor est Jove, dives,
 Liber, honoratus, pulcher, rex denique regum;
 Præcipue sanus, nisi quum pituita molesta est.

101. *Solennia, etc.* Solenniter, communi hominum more.

102. *Curatoris.* Dabatur ille insanis a prætore, ut eorum curaret bona, si propinquis carerent.

104. *Prave.* Male, negligenter. — *Sectum ob unguem.* Id est, ob rem levissimam, quæ recedit ab externa elegantia.

106. *Ad summam.* Hoc veluti axiomaticæ præcepta philosophiæ, quæ tradidit hac epistola, concludit. — *Dives.* Quia multis rebus indiget.

107. *Liber.* Qui nullis servit cupiditatibus. — *Honoratus.* Quia veri honores a virtute oriuntur.

108. *Præcipue.* Egregie, præ ceteris. — *Sanus.* Sanitate summa præditus, animi quidem semper, at non item corporis. — *Nisi quum, etc.* Stoici dicebant sapientem in gravissimis morbis et cruciatibus, sanum ac valentem esse: negat hoc Horatius jocando, conceditque animi bona recte tribui sapienti, non item corporis, quæ non sunt in nostra potestate. — *Pituita.* Ista vox est trium syllabarum, quasi, *pituita*; stare aliter quippe non potest in versu, quum prima syllaba longa sit. Pituita, est humor frigidus.

EPISTOLA II.

Ad Lollium.

Homerum philosophis antepont. Hortatur ad sapientiæ studium, ei que a teneris operam dandam esset monet.

- Trojani belli scriptorem, maxime Lolli,
 Dum tu declamas Romæ, Præneste relegi:
 Qui, quid sit pulchrum, quid turpe, quid utile, quid
 Planius, ac melius Chrysippo et Crantore dicit. [non,
 5 Cur ita crediderim, nisi quid te detinet, audi.
 Fabula, qua Paridis propter narratur amorem
 Græcia barbariæ lento collisa duello,

1. *Trojani, etc.* Homerum. — *Lolli.* Quis Lollius fuerit, vide lib. 4 odar. od. 8.

2. *Declamas.* Versus, aut orationes recitas, memoriæ et eloquentiæ excolendæ causa. — *Præneste.* Urbs est in Latio; nunc vocatur *Palestrina*.

3. *Pulchrum.* Honestum.

4. *Chrysippo et Crantore.* Ille inter stoicos celeberrimus: hic inter academi-

cos philosophus, de quibus sæpe dictum antea.

5. *Nisi, etc.* Si vacat tibi audire: nisi te gravior alia moratur occupatio.

6. *Fabula, qua, etc.* Illas poemata compositum ab Homero de Ilii seu Trojæ excidio.

7. *Barbariæ.* Phrygiæ, Troadi. Græci ceteros populos, maxime Phrygas, appellare barbaros solebant. — *Collisa,*

- Stultorum regum, et populorum continet æstus.
 Antenor censet belli præcidere causam:
 10 Quid Paris? ut salvus regnet vivatque beatus,
 Cogi posse negat. Nestor componere lites
 Inter Peliden festinat, et inter Atriden.
 Hunc amor; ira quidem communiter urit utrumque :
 Quidquid delirant reges, plectuntur Achivi.
 15 Seditione, dolis, scelere, atque libidine et ira
 Iliacos intra muros peccatur, et extra.
 Rursus quid virtus, et quid sapientia possit,
 Utile proposuit nobis exemplar Ulyssem :
 Qui domitor Trojæ, multorum providus urbes
 20 Et mores hominum inspexit, latumque per æquor,
 Dum sibi, dum sociis reditum parat, aspera multa
 Pertulit, adversis rerum immersabilis undis.
 Sirenium voces, et Circes pocula nosti :
 Quæ si cum sociis stultus, cupidusque bibisset,
 25 Sub domina meretrice fuisset turpis et excors :
 Vixisset canis immundus, vel amica luto sus.
 Nos numerus sumus, et fruges consumere nati;
 Sponsi Penelopes, nebulones, Alcinoique

etc. Opposita, commisso cum ea bello. Contrita bello decennali, et conflictata. — *Duello.* Bello. Dicebant olim veteres *duis*, pro *bis*: bellum autem, sive duellum duas inter oppositas partes peragitur.

8. *Æstus.* Iram, seditiones. Agamemnon præcipue cum Achille iurgavit.

9. *Antenor, etc.* Unus Priami filiorum, idemque prudentissimus, censet præcidendam esse belli causam, reddendam Græcis Helenam.

10. *Quid Paris?* Subaudi censet. — *Ut salvus, etc.* Adduci et permoveri non potest ut, reddita Helena, salvus regnet et beatus vivat.

11. *Cogi.* Subaudi se. — *Nestor.* Græcus senex sapientissimus.

12. *Peliden.* Achillem, Pelei filium et Thetidis. — *Atriden.* Agamemnonem, filium Atrei.

13. *Hunc.* Agamemnonem. — *Amor.* Briseidis captivæ, quam eripuerat Achilli. — *Communiter.* Ex æquo, pariter. *Utrumque.* Achillem et Agamemnonem.

14. *Delirant.* Peccant, agunt peperam. — *Achivi.* Græci: Græcia dicta est Achæis, ab Achæo quodam, vel Jovis filio, vel Zuthi, qui in ea regione regnavit.

16. *Iliacos.* Trojanos.

18. *Ulyssem.* Fuit Ithacæ insulæ rex,

segitate ac prudentia insignis, qui momentum ingens ad capiendam Trojam attulit.

19. *Providus.* Prudens.

21. *Reditum.* E Phrygia in Ithacam insulam suam.

22. *Immensabilis.* Invictus, insuperabilis adversis rebus.

23. *Sirenium.* Voce blanda, et insidioso cantu prætereuntes deliniebant, et in scopulis pertrahebant. — *Circes.* Erat Circe famosa venefica, quæ certis potionibus homines in belluas vertere dicebatur. Ejus insidias et pocula sapiens Ulysses respuit, quum ad ejus insulam, in ora maritima Italiæ sitam, delatus fuisset tempestate; non item ejus socii, qui ab ea in porcos mutati fuere.

25. *Excors.* Amens, rationis expertus.

27. *Numerus.* Turba inutilis, solo numero, et nomine censendi, non virtute, aut re aliqua bene gesta. — *Nati, etc.* Qui idcirco vivere videmur tantum ut edamus et bibamus.

28. *Sponsi, etc.* Proci. Erat Penelope uxor Ulyssis castissima: quum, bello trojano confecto, domum Ulysses non rediret, non levis erat suspicio eum naufragio periisse. Quare multi ex Ithacæ proceribus Penelopen sibi uxorem expectebant, et Ulyssis bona hoc nomine turpiter dilapidabant. — *Alcinoique, etc.*

- In cute curanda plus æquo operata juvenus ,
 30 Cui pulchrum fuit in medios dormire dies , et
 Ad strepitum citharæ cessatum ducere curam.
 Ut jugulent homines , surgunt de nocte latrones :
 Ut teipsum serves , non expergisceris ? atqui
 Si noles sanus , curres hydropicus ; et , ni
 35 Posces ante diem librum cum lumine , si non
 Intendes animum studiis et rebus honestis ,
 Invidia vel amore vigil torquere . Nam cur ,
 Quæ lædunt oculum , festinas demere ? si quid
 Est animum , differs curandi tempus in annum ?
 40 Dimidium facti , qui cœpit , habet : sapere aude :
 Incipe ; vivendi qui recte prorogat horam ,
 Rusticus expectat dum defluat amnis ; at ille
 Labitur , et labetur in omne volubilis ævum .
 Quæritur argentum , puerisque beata creandis
 45 Uxor , et incultæ pacantur vomere silvæ .
 Quod satis est , cui contingit , hic nihil amplius optet ,
 Non domus , et fundus , non æris acervus et auri
 Ægroto domini deduxit corpore febres ,
 Non animo curas : valeat possessor oportet ,
 50 Si comportatis rebus bene cogitat uti .
 Qui cupit , aut metuit , juvat illum sic domus , aut res ,
 Ut lippum pictæ tabulæ , fomenta podagrum ,
 Auriculas citharæ collecta sorde dolentes .

Sumus juvenus Alcinoi , id est , similes populo Alcinoi : qui rex erat Phæacum in insula Corcyra (nunc *Corfou*) delictis et otio deditus , perinde ac ceteri Phæaces .

29. *Plus æquo*. Plus quam ratio , et cura valetudinis virtutisque patitur . — *Operata*. Occupata , dans operam .

30. *In medios*, etc. Ad meridiem usque .

32. *Cessatum*, etc. Dormitum . Pro vulgari : curam abigere , pellere .

34. *Si noles sanus*, etc. Si nunc , quum bene vales , noles currere , id est vires tuas exercere , in posterum , quum tibi male erit , sicuti hydropicus , curres : medici enim hydropicos multum ambulando et nonnunquam currando valetudini succurrere jubent .

39. *Est animum*. Macerat , exedit .

40. *Dimidium*. Initium , dimidia quasi pars operis est . — *Sapere aude*. Aude , accinge te ad capessendam vitæ sapientis viam .

41. *Prorogat*. Differt .

42. *Rusticus*, etc. Instar rustici facit ,

qui quum ad fluminis ripam objectam eniti constitisset , expectabat dum amnis totus effluisset .

44. *Beata*. Fecunda , seu potius dives , ut sæpe .

45. *Pacantur*. Excoluntur , arantur , mansuescunt .

46. *Quod satis*, etc. Qui habet , quod ad vitam sufficit .

48. *Deduxit*. Depulit . Morbi , curæ , opibus non sanantur et arcentur .

49. *Valeat*. Sanus animo et corpore sit .

50. *Comportatis*. Congestis , quæsitis .

51. *Qui cupit*, etc. Qui aliqua cupiditate prava , vel metu vexatur . — *Juvat ut*, etc. Id est , minime juvat . — *Res*. Opes .

52. *Fomenta*. Remedia sunt , quibus podagræ quidem dolor sovetur et mitigatur (*des fomentations*) ; at morbi causa non tollitur .

53. *Auriculas dolentes*. Aures male se habentes . — *Sorde collecta*. Quæ audiendi facultatem impedit .

- Sincerum est nisi vas, quodcumque infundis, acescit.
 55 Sperne voluptates, nocet empta dolore voluptas.
 Semper avarus eget; certum voto pete finem :
 Invidus alterius macrescit rebus opimis.
 Invidia siculi non invenere tyranni
 Majus tormentum. Qui non moderabitur iræ,
 60 Infectum volet esse, dolor quod suaserit et mens,
 Dum pœnas odio per vim festinat inulto.
 Ira furor brevis est : animum rege, qui nisi paret,
 Imperat; hunc frenis, hunc tu compesce catena.
 Fingit equum tenera docilem cervice magister
 65 Ire viam, quam monstrat eques : venaticus, ex quo
 Tempore cervinam pellem latravit in aula,
 Militat in silvis catulus. Nunc adhibe puro
 Pectore verba, puer; nunc te melioribus offer.
 Quo semel est imbuta recens, servabit odorem
 70 Testa diu. Quod si cessas, aut strenuus anteis,
 Nec tardum opperior, nec præcedentibus insto.

54. *Sincerum, etc.* Nisi vas aliquod mundum est, acescet, fiet acidus liquor in illud fusus; id est, animus vitiosus omnia gaudia corrumpit.

55. *Sperne, etc.* Enumerat vitia, et cupiditates, quibus animus est expurgandus; voluptatem nempe, avaritiam, invidiam, iram, etc. — *Empta dolore.* Ita parva et percepta, ut dolor eam sequatur.

56. *Certum voto, etc.* Certam tibi summam pecuniæ defini et præscribe, qua tua vota et cupiditatem habendi finias, ultra quam nolis ditescere.

57. *Rebus opimis.* Rebus secundis et fortunatis.

58. *Siculi tyranni.* Phalaris, Dionysius, nullum tormentum cruciandis hominibus invenere, quod comparari cum invidia possit.

60. *Infectum.* Irritum, non factum. Volet non accidisse. — *Dolor et mens.* Mens dolore incensa.

61. *Dum, etc.* Dum odium suum inultum esse dolens, properat pœnas acceptas injuriæ per vim et nefas exigere.

64. *Fingit, etc.* Ut equi, canes, etc., mature sunt formandi et instituendi, sic homines, etc.

65. *Ire viam.* Ut viam eat : ut iter ab equite imperatum facile carpat. — *Ex quo, etc.* Postquam catulus venaticus latravit in aula cervum aliquem sœctum, seu pellem cervi tomento sartiæ, discit veros cervos in silvis agitare, et acriter cum illis pugnare.

67. *Adhibe.* Tanquam salutarem suum hauri animo, et imbibe. — *Puro.* Nondum vitis inquinato.

68. *Puer.* Quicumque es puer. — *Melioribus.* Sapientioribus te offer docendum.

70. *Cessas.* Ignavior es ac tardior.

71. *Opperior.* Exspecto. — *Insto.* Non urgeo celeriores, non conor eos antevertere.

EPISTOLA III.

Ad Julium Florum.

Julium Florum de Claudio Nerone et quibusdam suis amicis interrogat : eundem ad sapientiæ studium, et ad redeundum cum fratre in gratiam hortatur.

- Juli Flore, quibus terrarum militet oris
 Claudius Augusti privignus, scire laboro.
 Thracane vos, Hebrusque nivali compede vinctus,
 An freta vicinas inter currentia turres,
 5 An pingues Asiæ campi, collesque morantur?
 Quid studiosa cohors operum struit? hæc quoque curo,
 Quis sibi res gestas Augusti scribere sumit?
 Bella quis et paces longum diffundit in ævum?
 Quid Titius, romana brevi venturus in ora,
 10 Pindarici fontis qui non expalluit haustus,
 Fastidire lacus, et rivos ausus apertos?
 Ut valet? ut meminit nostri? fidibusne latinis
 Thebanos aptare modos studet, auspice Musa?
 An tragica desævit et ampullatur in arte?
 15 Quid mihi Celsus agit? monitus, multumque monendus,
 Privatas ut quærat opes, et tangere vitet

1. *Juli Flore.* Amicus erat Horatii, Claudii comes. — *Quibus oris.* In quibus regionibus.

2. *Claudius.* Cl. Tiberius Nero, natus Livia, quæ postea Augusto nupsit, in Armeniam profectus ut Tigrani regnum restitueret. — *Laboro.* Cupio.

3. *Thracane, etc.* An vos tenet Thracia? — *Hebrus.* Thraciæ fluvius, sæpe glacie constrictus, ac nivibus obsitus, *Fæbre.*

4. *An freta, etc.* An mare angustum interjacens inter vicinas turres, id est Hellespontus inter arces Seston et Abydon.

5. *Morantur.* Tenent.

6. *Studiosa.* Erudita. Sub Augusto litteræ et litterati florebant : itaque in comitatu Neronis multi viri docti numerabantur. — *Hæc quoque, etc.* Id quoque laboro scire, quis vestrum sumat sibi munus scribendarum rerum ab Augusto gestarum.

8. *Longum, etc.* Scriptis mandat, et in consequentes ætates propagat.

9. *Quid Titius, etc.* Poeta lyriens,

brevi ob sua scripta, inquit, celebrandus apud Romanos : qui non dubitavit, non timuit haurire aquam ex illo fonte recondito, ex quo Pindarus hauserat, id est, qui Pindarum ausus est imitari, contempto vulgari poeseos genere, quæ omnibus patens et obvia est, instar fontis publici.

13. *Thebanos, etc.* Versus græcos Pindari (qui oriundus Thebis) accommodare ad lyram latinam, id est, latinis versibus Pindarum imitari. — *Auspice Musa.* Musarum ope et auspicio.

14. *Desævit.* Acri et vehementi stylo utitur. — *Ampullatur.* Utilit verbis sonantioribus, grandioribus, et quasi inflatis, instar ampullarum, quæ sunt vasa turgido ventre, aut bullæ vento tumentes et in aqua summa exstantes.

15. *Celsus.* Nomen poetæ ad quem scribit in hoc eodem libro, epist. 8.

16. *Opes.* Ut versus edat Marte suo, neque aliorum scripta suffunderet ac sublegat, quæ recepit bibliotheca prope templum Apollinis Palatini ab Augusto extracta.

- Scripta, Palatinus quaecumque recepit Apollo;
 Ne, si forte suas repetitum venerit olim
 Grex avium plumas, moveat cornicula risum
- 20 Furtivis nudata coloribus. Ipse quid audes?
 Quæ circumvolitas agilis thyma? Non tibi parvum
 Ingenium, non incultum est, nec turpiter hirtum.
 Seu linguam causis acuis, seu civica jura
 Respondere paras, seu condidis amabile carmen,
- 25 Prima feres hederæ victricis præmia : quod si
 Frigida curarum fomenta relinquere posses,
 Quo te cœlestis sapientia duceret, ires.
 Hoc opus, hoc studium parvi properemus et ampli,
 Si patriæ volumus, si nobis vivere cari.
- 30 Debes hoc etiam rescribere, si tibi curæ,
 Quantæ conveniat, Munatius: an male sarta
 Gratia nequidquam coit, et rescinditur? at vos
 Seu calidus sanguis, seu rerum inscitia vexat
 Indomita cervice feros, ubicumque locorum
- 35 Vivitis, indigni fraternum rumpere fœdus.
 Pascitur in vestrum reditum votiva juvenca.

20. *Furtivis nudata coloribus.* Exuta pulchris pavonis penais, quas suas fecerat cornicula. — *Quid audes?* Quid scribis, moliris?

21. *Thyma.* Poetæ apibus comparentur.

22. *Hirtum.* Hirsutum, hispidum.

23. *Causis.* Forensibus. — *Seu civica, etc.* Sive respondes civibus te consulentibus de jure civili.

24. *Hederæ.* Qua poetæ coronabantur: hedera quippe semper viret: versus autem æternitatem merentur et donant.

25. *Fomenta.* Nutrimenta; alio divitiarum, et ambitionem vocat.

27. *Quo te, etc.* Morem gereres philosophis, et ex ejus præceptis celestibus vitam ageres.

28. *Ampli.* Locupletes, nobiles.

29. *Curæ.* An tantæ tibi curæ est frater tuus Munatius, quantæ esse tibi convenit?

31. *Male sarta gratia.* Amicitia non sincere instaurata.

32. *Coit.* Coalescit, conjungitur.

33. *Calidus sanguis.* Juvenilis ardor et impotentia. — *Ilerum inscitia.* Ignorantia officii.

34. *Indomita cervice.* Ut tauri jugo intacti.

35. *Indigni.* Digni qui inter vos nunquam dissideatis: meliores et honestiores quam quos dissociari, et a se invicem divelli debeat.

36. *Votiva.* Ex voto a me immolanda, quam redieritis incolumes.

EPISTOLA IV.

Ad Albium Tibullum.

Lendat Albium Tibullum, et ut philosophis studio indulgeat, admoneat.

Albi, nostrorum sermonum candide judex,
 Quid nunc te dicam facere in regione pedana?

1. *Albi.* Albius Tibullus poeta in prius tersus et latinus, cujus extant carmina cum Catalli et Propertii versibus vulgo excusa. — *Sermonum.* Antiarum,

in quibus carmina proxime accedunt ad sermonem quotidianum, et colloquia familiaria. — *Candide.* Sincere, aperte.

2. *Pedana.* Prope Padum, Æliis op-

Scribere quod Cassi Parmensis opuscula vincat?

An tacitum silvas inter reptare salubres

5 Curantem quidquid dignum sapiente, bonoque est?

Non tu corpus eras sine pectore. Di tibi formam,

Di tibi divitias dederunt, artemque fruendi.

Quid voveat dulci nutricula majus alumno,

Qui sapere et fari possit quæ sentiat, et cui

10 Gratia, fama, valetudo contingat abunde,

Et mundus victus, non deficiente crumena?

Inter spem curamque, timores inter et iras,

Omnem crede diem tibi diluxisse supremum :

Grata superveniet, quæ non sperabitur, hora.

15 Me pinguem et nitidum bene curata cute vises,

Quum ridere voles, Epicuri de grege porcum.

pidum, in Latie, ubi villam habebat Tibullus.

3. *Scribere*, etc. An dicam, an potum te scribere aliquod carmen, quod superet opera Cassi Parmensis, poetæ nobilis, a Parma (*Parme*) civitate Italiæ, ejus patria, ita dicti?

4. *Reptare*. Deambulare leniter.

6. *Eras*. Pro es, vel, nunquam fulsi.

7. *Dederunt*. Ita multi legunt, penultimamque, ut in ejusmodi præteritis sæpe fit, corripiunt. — *Artem fruendi*. Sapientiam, sine qua inutiles divitiæ sunt, imo noxiæ.

8. *Voveat*. Precetur et votis optet. In

te sunt omnia, quæ optare alumno carissimo nutrix potest.

9. *Fari*. Verbis eloquenter exponere, vel aperire quæ sentiat, id est honestos sensus.

10. *Contingat*. Affluat, suppetat.

11. *Mundus victus*. Ratio vivendi et vescendi frugalis, nec tamen sordida.

14. *Grata superveniet*, etc. Gratior tibi accidet dies postera, quum eam minime expectaveris.

16. *Ridere*. Comessari, genio indulgere. — *Epicuri*, etc. Unum ex epicureis, qui summam voluptatem in corpore lautioribus et largioribus cibis curando ponebant.

EPISTOLA V.

Ad Torquatam.

Torquatam ad cœnam invitat, quam frugalem fore dicit: utendum opibus, genio tantisper indulgendum esse monet.

Si potes archaicis conviva recumbere lectis,
Nec modica cœnare times olus omne patella,
Supremo te sole domi, Torquate, manebo.

1. *Archaicis*. Parum elegantibus, vetusto more et artificio factis. Nonnulli legunt *archiacis*, id est factis a quodam fabro Archia, quem notissimum eo tempore vulgaribus lectis consuecisse fabrum fuisse aiunt. — *Recumbere*. Ad mensam accumbere.

2. *Nec times*. Non abhorres, non fugis. — *Cœnare olus*. Vesci leguminibus. — *Patella*. Patella est exigua patina, diciturque per syncope, pro patinella.

3. *Supremo*. In occasum vergente. — *Manebo*. Expectabo.

- Vina bibes iterum Tauro diffusa, palustres
 5 Inter Minturnas sinuessanumque Petrinum.
 Sin melius quid habes, arcesse, vel imperium fer.
 Jamdudum splendet focus, et tibi munda supellex.
 Mitte leves spes, et certamina divitiarum,
 Et Moschi causam. Cras nato Cæsare festus
 10 Dat ~~ve~~ iam somnumque dies : impune licebit
 Æstivam sermone benigno tendere noctem.
 Quo mihi fortunas, si non conceditur uti?
 Parcus ob heredis curam, nimiumque severus,
 Assidet insano : potare et spargere flores
 15 Incipiam, patiarque vel inconsultus haberi.
 Quid non ebrietas designat? operta recludit,
 Spes jubet esse ratas, in prælia trudit inermem,
 Sollicitis animis onus eximit, addocet artes.
 Fecundi calices quem non fecere disertum?
 20 Contracta quem non in paupertate solutum?
 Hæc ego procurare, et idoneus imperor, et non
 Invitus, ne turpe toral, ne sordida mappa
 Corruget nares; ne non et cantharus et lanx
 Ostendat tibi te; ne fidos inter amicos
 25 Sit qui dicta foras eliminet; ut coeat par

4. *Tauro iterum.* Subaudi consule.

5. *Inter, etc.* Non optimæ notæ vinum suum esse ostendit, quia natum erat in agro minturnensi aut petrino, prope Sinuessam antiqui Latii oppidum, ubi erant vina deteriora.

6. *Arcesse.* Jube illud afferri tecum. — *Imperium.* Proprie : nam cœnæ rex, dominus, pater, appellabatur is, qui alios accipiebat.

8. *Mitte.* Omittit spes quas concipis, lites quas suscipis, et contentiones ad divitias comparandas.

9. *Moschi.* Alunt illum fuisse rethorem, patria Pergamenum, beneficiis accusatum, defensum a Torquato. — *Cras.* Nono kal. octobris; qui est dies 23 septembris. — *Nato Cæsare.* Natalis dies Cæsaris, qui cras recurret, dat nobis facultatem somni longioris, itaque noctem post epulas tendere, id est, protrahere licebit, suavis colloquiis usque in lucem et matutinis horis indulgere somno.

10. *Veniam.* Copiam, potestatem. *Veniam et somnum* posuit, pro, venia somni.

11. *Æstivam.* Calidiorem : ut interdum fit septembri mense.

12. *Quo mihi, etc.* Quorsum mihi expectam fortunas, id est, opes, et alia fortunæ bona?

13. *Parcus, etc.* Qui parce vivit ac duriter, ut heredi suo magnas opes relinquat, ille assidet, id est, non longe abest ab insano.

14. *Spargere flores.* Ita mos erat in conviviis.

15. *Inconsultus.* Minus prudens et consultus.

16. *Designat.* Audet, suscipit, designat et designat animo.

17. *Spes, etc.* Facit ut omnino spes eventura, quæ cupis.

18. *Onus.* Curas. — *Addocet artes.* Artem dicendi docet, poesim, eloquentiam, etc.

19. *Fecundi.* Largi, uberes, vel potius bibentis ingenium secundum redentes.

20. *Contracta.* Angusta. — *Solutum.* Scilicet curis expeditum et liberum.

21. *Hæc ego, etc.* Idoneus sum ad ea quæ dicturus sum, procuranda; hæc mihi vulgo cura imponitur.

22. *Ne non et cantharus, etc.* Ut tam canthari, quam lancis bene detorsæ et politæ splendor imaginem tuam inde repercussam tibi representet.

23. *Dicta.* In convivio quæ fere sunt liberiora. — *Eliminet.* Efferat extra limen, aliis renuntiet. — *Ut coeat.* Ut autem convivæ pares sint.

Jungaturque parî. Butram tibi, Septimiumque,
 Et, nisi cœna prior, potior conviva, Sabinum
 Detinet, assumam : locus est et pluribus umbris ;
 Sed nimis arcta premunt olidæ convivia capræ.
 30 Tu, quotus esse velis, rescribe ; et, rebus omissis,
 Atria servantem postico falle clientem.

27. *Et nisi, etc.* Invitabo etiam Sabinum, nisi prius invitatus ad cœnam ab aliquo fuerit.

28. *Umbris.* Convivis non invitatis, sed invitatos sequentibus.

29. *Sed nimis, etc.* Noli plures tecum adducere, quia olidæ capræ, id est, odor gravis axillarum, qui ex calore nascitur, quum plures in eodem loco sunt stipati, premit convivia, id

est, sentitur maxime in convivis, in quibus arctius accumbitur.

30. *Rebus.* Negotiis.

31. *Atria.* Domus vestibulum, aulam in limine. — *Servantem.* Qui te ibi exspectat, tecum acturus de sua lito. — *Postico.* Per cæcas et remotas in extrema domo fores egredere, et illum effuge. — *Clientem.* Vel Moschum, vel alium quemlibet, cujus causam patronus defendis.

EPISTOLA VI.

Ad Numicium.

Eum esse beatum dicit, qui nihil optet, nihil metuat : felicitatem in sola virtute collocatam esse.

Nil admirari prope res est una, Numici,
 Solaque, quæ possit facere et servare beatum.
 Hunc solem, et stellas, et decedentia certis
 Tempora momentis, sunt qui formidine nulla
 5 Imbuti spectent. Quid censes munera terræ?
 Quid maris extremos Arabas ditantis et Indos?
 Ludicra quid, plausus, et amici dona Quiritis?
 Quo spectanda modo, quo sensu credis et ore?
 Qui timet his adversa, fere miratur eodem,

1. *Nil admirari.* Nullius rei prava cupiditate percelli. — *Numici.* Amicus erat Horatii. Numicia gens Romæ nobilis et patricia fuit.

2. *Hunc solem, etc.* Sensus est : sunt qui spectent res cœlestes, solem, stellas et quatuor anni tempestates certis mensibus ac momentis decedentes, nulla religiosa formidine affecti, perculsi.

3. *Quid censes, etc.* Quomodo spectanda credis munera terræ quæ sunt rebus cœlestibus multo inferiora ?

6. *Quid maris.* Subaudi munera.

Horace.

7. *Ludicra.* Ludos in circo et theatro edi solitos. — *Amici dona Quiritis.* Honores a populo romano delatos. Cives romani dicti sunt *Quirites*, vel a Romulo rege, qui dictus est Quirinus ; vel a Caribus, oppido Sabiaorum, postquam sœdus ictum est inter Tatium, eorum regem, et Romulum.

9. *His adversa.* Contraria his, quæ dixi, nempe honoribus, plausibus. Qui dedecus, repulsam timet. — *Miratur.* Perturbatur. Qui timet, afficitur eodem modo ac ille qui cupit : pavet uterque, is qui timet, ne eveniant quæ timet : is qui cupit, ne non eveniant quæ cupit.

- 10 Quo cupiens, pacto : pavor est utrique molestus,
Improvisa simul species exterreret utrumque.
Gaudeat an doleat, cupiat metuatve, quid ad rem,
Si, quidquid vidit melius, pejusve sua spe,
Defixis oculis, animoque et corpore torpet?
- 15 Insani sapiens nomen ferat, æquus iniqui,
Ultra quam satis est, virtutem si petat ipsam.
I nunc, argentum, et marmor vetus, æraque et artes
Suspice; cum gemmis tyrios mirare colores;
Gaude, quod spectant oculi te mille loquentem;
- 20 Gnavus mane forum, et vespertinus pete tectum,
Ne plus frumenti dotalibus emetat agris
Mucius; indignum, quod sit pejoribus ortus,
Hic tibi sit potius, quam tu mirabilis illi.
Quidquid sub terra est, in apricum proferet ætas;
- 25 Defodiet, condetque nitentia : quum bene notum
Porticus Agrippæ, et via te conspexerit Appi;
Ire tamen restat Numa quo devenit et Ancus.
Si latus, aut renes morbo tentantur acuto,
Quære fugam morbi. Vis recte vivere? quis non?
- 30 Si virtus hoc una potest dare, fortis, omissis,
Hoc age, deliciis. Virtutem verba putas, ut
Lucum ligna? Cave ne portus occupet alter,

13. *Si, quidquid, etc.* Si torpet, si hæret attonitus, si commovetur, quidquid melius aut pejus viderit sua expectatione.

15. *Insani, etc.* Id est, insanus dici homo sapientissimus, et iniquus haberi homo æquissimus possit, nisi moderate et intra certos limites virtutum colat.

17. *I nunc.* Quod si virtus ipsa nisi moderate et animo a perturbatione vacuo appetenda non est, quid censendum de illis qui argentum, statuas et veteri marmore aut ære factas mirantur, optant, etc. — *Argentum.* Scilicet factum, id est vasa argentea. — *Æra.* Statuas et vasa. — *Artes.* Præstantium artificum opera.

18. *Suspice.* Mirare. — *Tyrios colores.* Purpuram.

19. *Loquentem.* Publice dicentem in concione.

20. *Gnavus.* Acer, sedulus. — *Mane forum.* Mane in forum venias, vel ad causas dicendas, vel ad commercium exercendum, vel ad postulandos honores. — *Pete tectum.* Domum te tuam recipe.

21. *Dotalibus.* Quas in dotem accipit, quum uxorem duceret.

22. *Indignum.* Quod indignum sane esset. — *Pejoribus.* Ignobilioribus.

12.

23. *Mirabilis.* Invidendus:

24. *Quidquid, etc.* Quæ latent, in lucem proferentur; quæ eminent, erunt obscura.

26. *Agrippæ.* Agrippa in primis Augusto gratiofus, Jovi et diis omnibus insigne templum posuit, quod Pantheon appellavit: ante illud ingentem porticum et arenam exstruxit, ubi cives honestissimi spatiantur. — *Via Appi.* Appia via, Roma Brundisium usque, ab Applo Cæco, censore, magnifice strata fuit.

27. *Quo, etc.* Ad tumultum, ad inferos. — *Numa, Ancus.* Reges romani.

28. *Si latus, etc.* Quum ægrotas, quæris morbo remedium: laboras malis cupiditatibus; miser es: quære virtutem, quæ una te beatum faciet.

29. *Quis non?* Subaudi hoc vult.

31. *Hoc age.* Stude virtuti: in hoc totus esto: operi manum admove. — *Verba putas.* An vero putas virtutem esse in verbis positam?

32. *Lucum ligna.* Virtus non sunt verba, sicut lucum, id est, silvam diis consecratam solæ arbores non faciunt, sed addita religio loco, etc. — *Occupet.* Prior ad portum appollat.

- Ne cibyratica, ne bithyna negotia perdas.
Mille talenta rotundentur, totidem altera; porro
35 Tertia succedant, et quæ pars quadret acervum.
Scilicet uxorem cum dote, fidemque, et amicos,
Et genus, et formam regina pecunia donat;
Ac bene nummatum decorat Suadela, Venusque.
Mancipiis locuples, eget æris Cappadocum rex :
40 Ne fueris hic tu. Chlamydes Lucullus, ut aiunt,
Si posset centum scenæ præbere rogatus, [bebo,
« Qui possum tot? ait; tamen et quæram, et, quot ha-
Mittam : » post paulo scribit sibi millia quinque
Esse domi chlamydum; partem, vel tolleret omnes.
45 Exilis domus est, ubi non et multa supersunt,
Et dominum fallunt, et prosunt furibus. Ergo,
Si res sola potest facere, et servare beatum,
Hoc primus repetas opus, hoc postremus omittas.
Si fortunatum species et gratia præstat,
50 Mercemur servum, qui dictet nomina, lævum
Qui fodiat latus, et cogat trans poudera dextram
Porrigere : hic multum in Fabia valet, ille Velina;
Cui libet hic fasces dabit, eripietque curule

33. Cibyratica. Cibra est urbs Phrygiæ, vixit et amplius civitatum conventu, nondinisque celebris. Bithynia, *la Bithynie*, est pars Asiæ minoris.

34. Mille talenta. Talentum circiter 5400 fr. — *Rotundentur.* Colligantur, ut summa rotundi numeri efficiatur. — *Altera.* Scilicet mille talenta.

35. Et quæ pars, etc. Et quæ efficit, ut quatuor millia talentorum fiant.

37. Regina. Pecunia in rebus humanis regnum obtinens.

38. Suadela. Eloquentiæ præses dea, Græcis Πυθώ. — *Venus.* Pulchritudo.

39. Mancipiis, etc. Non una re tantum esto dives, ut mancipiis abundat rex Cappadocum indigens pecuniæ. Sed omnibus rebus fac ut locuples sis, ære, mancipiis, etc. *Cappadocia*, minoris Asiæ regio, unde multa manciple Romanam deportari solita. — *Lucullus.* Romanus Imperator, divitiis notissimus. Vixit ævo Ciceronis, a quo laudatur pluribus in orationibus.

40. Chlamydes. Chlamys, vestis ornatio, qua vulgo imperatores seu duces in bello utebantur.

Scenæ. Commodare ad exhibendam aliquam in scena comœdiam.

42. Qui, etc. Quomodo possum tot chlamydes præbere? tot habere me non puto

44. Tolleret. Acciperet is, qui comœdiam edebat.

46. Fallunt. Latent, ignorantur.

47. Res. Pecunia.

48. Hoc postremus, etc. In hoc labore colligendarum opum primus esto.

49. Species. Forma, dignitates.

50. Nomina. Solebant Romani ad captanda populi gratiam et suffragia, obvium quemque suo nomine comiter appellare; in eam rem mercabantur servos, qui omnium fere tenerent nomina, et ea, quum opus esset, suggererent dominis : ille servi *Nomenclatores* dicebantur.

51. Fodiat latus. Admoneat tacta leviter latere sinistro, quod tegebat nomenclator. — *Trans poudera.* Trans rhedas, supra plaustra oneribus et saxis onusta.

52. Porrigere. Ut solent, qui salutant, blandiuntur. — *Hic, etc.* Verba sunt nomenclatoris dominum admonentis, ut aliquem salutet; quia multum auctoritatis habet in tribu Fabia, aut Velina. — *Fabia.* Populus romanus in tribus divisus fuit. Earum tribuum una dicta est Fabia a Fabiis, nobili familia; alia Velina, a lacu Velino, seu Vellia, urbe Italiæ.

53. Fasces. Consulatum aut præturam. — *Ebur curule.* Magistratus majores.

- Cui volet, importunus ebur : frater, pater, adde :
 55 Ut cuique est ætas, ita quemque facetus adopta.
 Si, bene qui cœnat, bene vivit, lucet : eamus,
 Quo ducit gula : piscemur, venemur; ut olim
 Gargilius, qui mane plagas, venabula, servos
 Differtum transire forum populumque jubebat,
 60 Unus ut e multis populo spectante referret
 Emptum mulus aprum; crudi, tumidique lavemur,
 Quid deceat, quid non, obliti : cærite cera
 Digni, remigium vitiosum Ithacensis Ulyssæi,
 Cui potior patria fuit interdicta voluptas.
 65 Si, Mimnermus uti censet, sine amore jocisque
 Nil est jucundum, vivas in amore jocisque.
 Vive, vale : si quid novisti rectius istis,
 Candidus imperti; si non, his utere mecum.

54. *Importunus*. Homo acer, actuosus, pertinax.

55. *Facetus*. Comiter, lepide. — *Adopta*. Vocando filium, fratrem, qui alienus forte ignotusque sit.

56. *Lucet*. Dies est : eamus summo mane.

58. *Gargilius*. Ostentator nescio quis et nepos. — *Plagas*. Sunt retia densiora.

— *Venabula*. Tela venatoria, hastilla.

59. *Differtum*. Plenum hominibus.

60. *Unus multis*. Quia multos mulos secum egerat ille Gorgillius. — *Emptum*. Non venando captum.

61. *Crudi*. Nondum digesto cibo. — *Lavemur*. In balneis.

62. *Deceat*. Honestum sit. — *Cærite* *cera digni*. Digni qui notemur igno-

minia, ut illi qui Cæritum in tabulas referantur. Cærites, Etruriæ populi, quum a Romanis defecissent, ea mulctati fuerunt pœna, ut suffragii ferendi jure privarentur.

63. *Remigium*. Sumus remigium, id est, similes sumus remigibus Ulyssæi, et sociis qui fœdam et vetitam voluptatem præstulerant patriæ; et apud Circen manere, ejus blanditiis capti et præstigiis, quam domum repetere maluerant.

65. *Mimnermus*. Poeta græcus, sexcentis admodum annis ante Horatium scripserat, secta et moribus epicureus.

67. *Istis*. Quæ dixi de summo bono.

68. *Imperti*. Participem me fac, communica. — *Si non*. Si nihil habes melius. — *His*. Sapientiæ præceptis.

EPISTOLA VII.

Ad Mæcenatem.

Excusat se Mæcenati quod ab urbe tamdiu absit; et quum ejus in se beneficia liberalitatemque commendat, tum libertatem beneficiis omnibusque rebus declarat esse præferendam.

Quinque dies tibi pollicitus me rure futurum,
 Sextilem totum mendax desideror. Atqui
 Si me vivere vis, recteque videre valentem,

1. *Rure*. In mea villa.

2. *Sextilem*. Absum per totum mensem augustum, dictus est sextilis, quia

sextus erat a mense martio, a quo annum Romani ducebant : postea in Augusti honorem, augustus est appellatus.

- Quam mihi das ægro, dabis ægrotare timenti,
 5 Mæcenas, veniam : dum ficus prima, calorque
 Designatorem decorat lictoribus atris :
 Dum pueris omnis pater, et matercula pallet,
 Officiosaque sedulitas, et opella forensis
 Adducit febres, et testamenta resignat.
 10 Quod si bruma nives albanis illinet agris,
 Ad mare descendet vates tuus, et sibi parcat,
 Contractusque leget : te, dulcis amice, reviset
 Cum zephyris, si concedes, et hirundine prima.
 Non, quo more piris vesci calaber jubet hospes,
 15 Tu me fecisti locupletem : « Vescere, sodes. —
 Jam satis est. — At tu quantum vis tolle. — Benigne. —
 Non invisâ ferēs pueris munuscula parvis. —
 Tam teneor dono, quam si dimittar onustus. —
 Ut libet : hæc porcis hodie comedenda relinquis. »
 20 Prodigus, et stultus donat quæ spernit et odit.
 Hæc seges ingratos tulit, et feret omnibus annis.
 Vir bonus et sapiens dignis ait esse paratus,
 Nec tamen ignorat, quid distent æra lupinis.

4. *Quam, etc.* Verum dabis mihi hanc veniam et facultatem rusticoandi nunc, quum ægrotare timeo, quam concedis, quum æger sum.

5. *Prima ficus.* Æstatis calor ingravescens, quo ficus primum maturescunt.

6. *Designatorem, etc.* Dum calor et cœli gravitas multos e medio tollit, quorum funera per designatores, et eorum ministros curantur. Est autem designator, is qui funebrem pompam designat, id est, ordinat, componit. — *Lictoribus.* Administri erant, qui designatori præsto adessent, et quos facete vocat lictores designatoris, tanquam allucis publici magistratus.

7. *Pallet.* Metuit, de illorum valetudine anxius.

8. *Sedulitas.* Dilligentiâ in præstandis amicitiae officiis.

9. *Resignat.* Aperit : quod sit morte obita.

10. *Quod si, etc.* Imo, ubi hiems advenerit, nondum tamen redibo Romam, sed in aliquam civitatem maritimam, ubi erit aer temperatior et benignior, me recipiam, ego vates tibi deditus : hic dilligentem valetudinis curam habebō, et domi clausus, tempus legendo fallam, libris vacabo.

11. *Cum zephyris.* Vere primo. — *Hirundine.* Succedunt per hiemem hirun-

dines in calidiora loca : unde redeunt æstate appetente.

12. *Non, quo, etc.* Tu me beasti donis, non levioribus, non piris, quæ, nihil fere pretii habentia, obtrudit rusticus se aduentibus. — *Calaber hospes.* Pro quovis rustico.

13. *Vescere.* Alt Calaber. — *Sodes.* Si placet, quæso.

14. *Benigne.* Utuntur hac voce, qui urbane aliquid recusant.

15. *Non invisâ ferēs, etc.* Si tibi istis non opus, instat Calaber, at ea pueris tuis dabis.

16. *Porcis comedenda relinquis.* Hæc pyra porcis objiciuntur.

17. *Hæc seges, etc.* Ejusmodi dona a stultis et prodigis sparsa nunquam gratos animi sensus protulerunt, nec unquam proferent.

18. *Vir bonus.* Viri probi ac sapientes aliter se gerant : aliunt illi se liberales fore tantum in eos qui suis sint liberalitate digni, nec temere omnia profundunt in quoslibet, magnum inter munera discrimen ponunt, norunt quid minuta et villa distent a magnis, ut a lupinis æra : talis es, o Mæcenas, talem te erga me præstiti, etc. — *Esse paratus.* Græca locutio pro, se paratum esse.

19. *Æra lupinis.* Lupinus, est genus leguminis, quo actores comici uteban-

- Dignum præstabo me etiam pro laude merentis.
- 25 Quod si me noles usquam discedere, reddes
Forte latus, nigros angusta fronte capillos,
Reddes dulce loqui, reddes ridere decorum.
Forte per angustam tenuis nitedula rimam
Repserat in cumeram frumenti, pastaque rursus
- 30 Ire foras pleno tendebat corpore frustra :
Cui mustela procul : « Si vis, ait, effugere isthinc,
Macra cavum repetes arctum, quem macra subisti. »
Hac ego si compellor imagine, cuncta resigño;
Nec somnum plebis laudo satur altitium, nec
- 35 Otia divitiis Arabum liberrima muto.
Sæpe verecundum laudasti : rexque, paterque
Audisti coram, nec verbo parcius absens :
Inspice, si possum donata reponere lætus.
Haud male Telemachus, proles patientis Ulyssæi :
- 40 « Non est aptus equis Ithacæ locus, ut neque planis
Porrectus spatiis, nec multæ prodigus herbæ :
Atride, magis apta tibi tua dona relinquam. »
Parvum parva decent. Mihi jam non regia Roma,
Sed vacuum Tibur placet, aut imbelles Tarentum.
- 45 Strenuus et fortis, causisque Philippus agendis

tur in scena pro vera pecunia, et ære, seu auro.

24. *Pro laude, etc.* Est tmesis seu divisio vocis unius in duas : *laude promerentis*. Faciam ut a te lauder tanquam tua beneficia promerens.

25. *Discedere*. Scilicet a te.

26. *Angusta*. Quod capilli adeo spissi erant, ut frons angusta videretur.

27. *Reddes*. Reddere mihi deberes annos juveniles. — *Ridere, etc.* Risus et jocos decentes : ætati convenientes.

28. *Nitedula*. Mus agrestis.

29. *Cumeram*. Vas vimineum. — *Pasta*. Frumento saturata.

30. *Foras*. E vase exire. — *Frustra*. Quia os cumeræ angustum erat, ipsa saturata et distenta.

31. *Mustela*. Animal muri simile ; une belette.

32. *Macra*. Macilenta, jejuna. — *Cavum*. Locum angustum, cavernulam tnam, unde in cumeram prorepsisti.

33. *Hac ego, etc.* Si ego, hoc exemplo admonetur, si in tuam, Mæcenas, amicitiam adrepsim, ut muneribus a te accipiendis fruerer, cuncta resigño, reddo.

34. *Nec somnum, etc.* Non pauperum frugales cibos et sequacem somnum laudo, postquam exquisitis dapibus saturatus sum, aliter dicturus, si ipse

sobrius fieri cogerer. — *Altitium*. Altifolia sunt ea quæ domi saginantur, et diligentius aluntur, pisces, aves, feræ.

36. *Verecundum*. Modestum in petendo, paucis contentum.

37. *Audisti*. A me appellatus es, rex propter liberalitatem et munificentiam ; pater, propter benevolentiam. — *Coram*. Præsens. — *Nec verbo, etc.* Non parcius de te verba feci absens, non alium te absentem appellavi, quam præsentem.

39. *Telemachus*. Filius fuit Ulyssæi - adierat Menelaum resciturus quid de patre suo factum esset, qui domum, longo post expugnatam Trojam tempore, non redibat : ei Menelaus præter cetera munera, equos dono dabat : recusavit Telemachus quum diceret, Ithacam equis alendis non esse idoneam. Sic Horatius beneficiis, et liberalitate Mæcenatis carere potest, pro sua tenuitate ; at libertate carere non vult nec potest.

42. *Atride*. Menelæi, filii Atrei.

44. *Vacuum*. Tranquillum ; minime, ut Roma, populosum ac tumultuosum. — *Imbelles*. Otiosum, molle. — *Tarentum*. Urbs Italiæ, otio et deliciis affluens, in sinu cognominis, e regione Brundisii.

45. *Philippus*. Orator nobilis, Crasso

- Clarus, ab officiis octavam circiter horam
 Dum redit, atque foro nimium distare Carinas
 Jam grandis natu queritur; conspexit, ut aiunt,
 Adrasum quemdam vacua tonsoris in umbra,
 50 Cultello proprios purgantem leniter ungues.
 « Demetri (puer hic non læve jussa Philippi
 Accipiebat), abi, quære, et refer, unde domo, quis,
 Cujus fortunæ, quo sit patre, quove patrono. »
 It, redit, et narrat Vulteium nomine Menam,
 55 Præconem, tenui censu, sine crimine notum,
 Et properare loco, et cessare, et quærere, et uti,
 Gaudentem parvisque sodalibus, et Lare certo,
 Et ludis, et, post decisa negotia, Campo.
 « Scitari libet ex ipso quodcumque refers: dic
 60 Ad cœnam veniat. » Non sane credere Mena:
 Mirari secum tacitus: quid multa? « Benigne, »
 Respondet. « Neget ille mihi? — Negat improbus, et te
 Negligit, aut horret. » Vulteium mane Philippus
 Vilia vendentem tunicato scruta popello
 65 Occupat, et salvere jubet prior. Ille Philippo
 Excusare laborem, et mercenaria vincla,
 Quod non mane domum venisset, denique quod non
 Providisset eum. « Sic ignovisse putato
 Me tibi, si cœnas hodie mecum. — Ut libet. — Ergo

et Antonio eloquentia proximus, consularis et censorius.

46. *Ab officiis.* Forensibus nimirum. — *Octavam.* Secundam post meridiem. Diem enim in duodecim horas semper dividebant, et sexta in meridiem incidebat.

47. *Carinas.* Carinæ, vicus Romæ quidam erat, *les Carènes*, sic dictus a navium carinis, id est, fundo et infima parte, quia singulæ domus ad carinarum similitudinem erant ædificatæ.

48. *Adrasum.* Leviter tonsum. — *Umbra.* Pergula, officina. *Vacuum* vocat, vel quia solus ibi Menas erat, vel quia solent huc homines vacui et otiosi convenire.

51. *Puer.* Servus. — *Non læve.* Non inepte, sedulo.

52. *Unde domo.* Quanam e domo et familia sit.

53. *Cujus fortunæ.* Pauper, an dives. — *Patrono.* Patroni dicebantur viri nobiles quorum in clientelam et fidem se conferebant tenuiores cives.

55. *Censu.* Opibus, re familiarī.

56. *Properare loco.* Movere se huc et illuc: ultro citroque commeare. —

Cessare. Requiescere, feriarī. — *Quærere, etc.* Rem, nummos, et illis uti.

57. *Gaudentem parvis sodalibus.* Versari solitum cum ejusdem, ac ipso erat, conditionis civibus et amicis. — *Lare.* Domo.

58. *Decisa.* Confecta. — *Campo.* Martio.

60. *Credere.* Subaudi poterat, nempe se ad cœnam vocatum.

61. *Benigne, etc.* Habeo gratiam, excusatum habe me, quæso, respondet ille. Hac voce, ut et ista, *Recte*, utebantur quum denegare quid honeste vellet, ac deprecari.

62. *Mihi.* Inquit Philippus. — *Negat improbus.* Verba Demetrii.

63. *Horret.* Reformidat, rustico pudore.

64. *Tunicato.* Infima plebs notatur: hæc fere tunicata incedebat. — *Scruta.* Viles merces, detrita serraamenta, et multa alia tempore et usu villiora facta.

65. *Occupat.* Antevertit, prævenit.

66. *Vincla.* Occupationes.

68. *Providisset.* Prior salutasset.

69. *Ut libet.* Respondet Mena: adero, siquidem tibi libet.

- 70 Post nonam venies : nunc i, rem strenuus auge.
Ut ventum ad cœnam est, dicenda, tacenda locutus,
Tandem dormitum dimittitur. Hic, ubi sæpe
Occultum visus decurrere piscis ad hamum,
Mane cliens, et jam certus conviva, jubetur
- 75 Rura suburbana indictis comes ire latinis.
Impositus mannis, arvum, cœlumque sabinum
Non cessat laudare: videt, ridetque Philippus;
Et, sibi dum requiem, dum risus undique quærit,
Dum septem donat sestertia, mutua septem
- 80 Promittit, persuadet uti mercetur agellum.
Mercatur: ne te longis ambagibus ultra,
Quam satis est, morer, ex nitido fit rusticus, atque
Sulcos et vineta crepat mera, præparat ulmos,
Immoritur studiis, et amore senescit habendi.
- 85 Verum ubi oves furto, morbo periere capellæ,
Spem mentita seges, bos est enectus arando;
Offensus damnis, media de nocte caballum
Arripit, iratusque Philippi tendit ad ædes.
Quem simul adspexit scabrum intonsumque Philippus:
- 90 « Durus, ait, Vultei, nimis attentusque videris
Esse mihi. — Pol, me miserum, patrone, vocares,
Si velles, inquit, verum mihi dicere nomen.
Quod te per Genium, dextramque, deosque Penates
Obsecro, et obtestor, vitæ me redde priori. »
- 95 Qui simul adspexit, quantum dimissa petitis
Præstent, mature redeat, repetatque relicta.
Metiri se quemque suo modulo ac pede, verum est.

70. *Nonam.* Tertiam a meridie.

71. *Dicenda, etc.* Digna et indigna auditu, fanda et nefanda: *parlant à tort et à travers.*

72. *Dimittitur.* Domum suam, ut crapulam edormitet. — *Hic.* Id est Mena.

73. *Ad hamum.* Ad cœnam, qua, ut piscis hamo, ducebatur et inescabatur.

74. *Cliens.* Saluator, ut clientes solent. — *Certus.* Quotidianus, assiduus.

75. *Rura.* Villam Philippi. — *Indictis latinis.* Subaudi ferilis. Erant ferilæ latinæ, festa quædam toti Latio communia, quæ quotannis indiciebantur a romano consule.

79. *Septem sestertia.* Septem millia sestertium (circa 1400 fr. — *Mutua.* Se mutuo daturum septem millia, quæ olim sibi reddat Vultelus.

82. *Nitido.* Urbano, adraso, tonso, qualis antea erat.

83. *Vineta.* Loca vitibus consita. — *Crepat.* Loquitur, laudat. — *Mera.* Sola.

84. *Studiis.* Agriculturæ. — *Senescit.* Contabescit, cruciatur.

86. *Mentita.* Delusit, minus attulit, quam sperabat.

89. *Simul.* Postquam. — *Scabrum.* Impexum, horridum.

90. *Attentus.* — Ad rem; avarus, lucri cupidus.

91. *Pol.* Per Pollucem.

93. *Quod te.* Quapropter te; ob quod te, etc. — *Genium.* Erat genius deus quidam singulorum hominum custos, etc.

95. *Qui.* Philippus ubi vidit, etc. — *Dimissa.* — Urbana vita, mercenaria negotia. — *Petitis.* Vita rustica.

96. *Præstent.* Quanta potior esset conditio præconis, quam laboriosa agricolæ vita, volo, inquit, repetat primum vitæ genus, cui est aptior.

97. *Suo modulo ac pede.* Sua formula et mensura: *Il faut que chacun se mesure à son aune et se chausse à son pied.* — *Verum.* Equum est, decet.

EPISTOLA VIII.

Ad Celsum Albinovanum.

Se minus mente quam corpore valere : quædam ejus vitia oblique vellicat.

- Celso gaudere et bene rem gerere Albinovano,
 Musa rogata, refer, comiti scribæque Neronis.
 Si quæret, quid agam, dic, multa et pulchra minantem,
 Vivere nec recte, nec suaviter : haud quia grando
 5 Contuderit vites, oleamque momorderit æstus ;
 Nec quia longinquis armentum ægrotet in arvis :
 Sed quia mente minus validus, quam corpore toto,
 Nil audire velim, nil discere, quod levet ægrum ;
 Fidis offendar medicis, irascar amicis,
 10 Cur me funesto properent arcere veterno :
 Quæ nocuere, sequar ; fugiam, quæ profore credam ;
 Romæ Tibur amem ventosus, Tibure Romam.
 Post hæc, ut valeat, quo pacto rem gerat, et se,
 Ut placeat juveni, percontare, utque cohorti.
 15 Si dicet, « Recte ; » primum gaudere, subinde
 Præceptum auriculis hoc instillare memento :
 « Ut tu fortunam, sic nos te, Celse, feremus. »

1. *Celso, etc.* Ordo est. O Musa a me rogata ut Celsum convenias, refer illi et jube illum gaudere ac bene rem gerere.

2. *Comiti.* Comites appellabantur, quia magistratus aut viros principes honoris causa vel necessitatis ergo, sectabantur in provincias, e quibus eorum aula quædam et familia constabat.

3. *Minantem.* Promittentem, agere meditantem.

5. *Contuderit.* Verberaverit, comminuerit.

6. *Longinquis in arvis.* Romanorum enim beatiores armenta in remotis regionibus, præcipue in Lucania et Calabria, ubi erant bona pascua, alere solebant.

9. *Offendar.* Succenseam.

10. *Cur, etc.* Quod a me arcere current veternum : est languor quidam dormiendi necessitatem afferens.

11. *Profore.* Profutura esse.

12. *Tibur.* Oppidum Sabinorum in Italia. — *Ventosus.* Inconstans, levis.

13. *Rem.* Domesticam et familiarem ; suum munus.

14. *Juveni.* Tiberio Neroni. — *Cohorti.* Præcipuis amicis et familiaribus.

15. *Recte.* Scilicet, valeo. — *Gaudere.* Subaudi memento.

16. *Instillare.* Celso in aurem dicere.

17. *Ut tu, etc.* Ut tu eris moderatus in ferenda fortuna, sic ero constans in amicitia tua fovenda, te neglecturus, si me propter superbiam et opes negligas.

EPISTOLA IX.

Ad Claudium Neronem.

Et Septimium commendat.

- Septimius, Claudii, nimirum intelligit unus,
 Quanti me facias : nam quum rogat, et prece cogit
 Scilicet, ut tibi se laudare et tradere coner,
 Dignum mente, domoque legentis honesta Neronis,
 5 Munere quum fungi propioris censet amici;
 Quid possim videt, ac novit me valdius ipso.
 Multa quidem dixi, cur excusatus abirem :
 Sed timui, mea ne finxisse minora putarer,
 Dissimulator opis propriæ, mihi commodus uni.
 10 Sic ego, majoris fugiens opprobria culpæ,
 Frontis ad urbanæ descendi præmia. Quod si
 Depositum laudas, ob amici jussa, pudorem,
 Scribe tui gregis hunc, et fortem crede bonumque.

1. *Claudii, etc.* O Claudii Tiberi Nero, lepide tecum agit Septimius, et solus eximie videtur intelligere quanto sim apud te in loco et pretio, etc.

2. *Prece cogit.* Precibus me expugnat.

3. *Scilicet ut.* Eo nomine ut. — *Se.* Septimium. — *Laudare et tradere.* Commendare.

4. *Dignum, etc.* Se dignum judicans amicitia tua, o Nero. — *Mente.* Mens est sentiendi judicandique ratio. — *Digna legentis.* Viros honestissimos diligentis.

5. *Fungi.* Scilicet me apud te.

6. *Valdius.* Ab adverbio valde, id est, magis, certius.

7. *Excusatus.* Cur me haberet excusatum, ut scribere me non cogeret, ne tibi molestus essem.

8. *Mea ne, etc.* Ne crederer fingere,

ac persuadere illi velle, meam apud te gratiam minorem esse, quam sit.

9. *Opis propriæ.* Gratias, auctoritatis, qua quis multum efficere potest. — *Commodus.* Serviens meis rebus et commodis, amicos negligens.

10. *Culpæ.* Dissimulationis et propriæ utilitatis consecundæ.

11. *Frontis, etc.* Factus sum inverecondior et audacior. Quia urbani homines oris esse perfrictioris solent quam rustici.

12. *Depositum pudorem.* Si meam in scribendo inverecondiam non improbas.

13. *Scribe tui gregis hunc.* Unam cohortis tuæ jube esse Septimium. — *Crede fortem bonumque.* Omnibus, quæ probum virum ac strenuum decent, dotibus præditam.

EPISTOLA X.

Ad Fuscum Aristium.

Urbanæ vitæ et ambitiosæ incommoda, commoda tenuis ac rusticanae describit.

- Urbis amatorem Fuscum salvere jubemus
 Ruris amatores : hac in re scilicet una
 Multum dissimiles, ad cetera pæne gemelli :
 Fraternis animis, quidquid negat alter, et alter;
 5 Annuimus pariter, vetuli notique columbi.
 Tu nidum servas : ego laudo ruris amœni
 Rivos, et musco circumlita saxa, nemusque.
 Quid quæris? vivo et regno, simul ista reliqui
 Quæ vos ad cœlum effertis rumore secundo :
 10 Utque sacerdotis fugitivus, liba recuso;
 Pane egeo, jam mellitis potiore placentis.
 Vivere naturæ si convenienter oportet,
 Ponendæque domo quærenda est area primum,
 Novistine locum potiore rure beato ?
 15 Est ubi plus tepeant hiemes? ubi gratior aura
 Leniat et rabiem Canis, et momenta Leonis,
 Quum semel accepit solem furibundus acutum?
 Est ubi divellat somnos minus invida cura?

1. *Fuscum.* De illo meminit satira 9. libri 1, vers. 61.

2. *Amatores.* Nos.

3. *Gemelli.* Prope tanquam gemelli fratres in ceteris rebus, id est simillimi.

4. *Et alter.* Subaudi negat.

5. *Annuimus.* Assentimur, probamus idem pariter, ut columbi vetuli. — *Noti.* Consuetudine invicem sibi facti noti. Subaudi veluti, sicuti.

6. *Nidum.* Romam, quam sic amas ut columbus nidum.

7. *Musco.* Muscus, de la mousse, quæ viridis quædam lanugo est : adherere solet saxis humentibus. — *Circumlita.* Obducta.

8. *Quid quæris?* Quid plura? Mene interrogas cur mihi rus placeat? — *Regno.* Scilicet in villa, ubi animi mei arbitrio omnia facio. — *Simul.* Statim atque. — *Ista.* Id est, urbanæ vitæ commoda, a vobis laudata.

9. *Rumore secundo.* Faustis acclamationibus, magno plausu.

10. *Utque, etc.* Utque servus in sacerdotis domo nutritus, qui liba et placentas, dulciaria crustula diis oblata, edere consuevit, his saturatus, panem optat quum fugitivus est, sic ego urbem fastidiens rus amo.

12. *Vivere, etc.* Si vita illa beata est, quæ est naturæ humanæ conveniens, nonne rusticoana vita est naturæ convenientior?

13. *Ponendæ.* Extruendæ. — *Area.* Locus patens in quo domus struitur.

14. *Beato.* Reddente beatos, qui rure vivunt.

15. *Est ubi, etc.* Estne locus ubi sit hiems magis tepida et temperata?

16. *Canis.* Sidus est celeste maximos calores afferens : la canicule. — *Momenta.* Horas æstivas, calidissima tempora.

17. *Accepit.* Quia sol Leonem ingreditur. — *Acutum.* Acrem. *Acutus* de calore nimio et de frigore dicitur.

18. *Divellat.* Abrumpat. Ubi curæ somnum minus inturbent?

- Deterius libycis olet, aut nitet herba lapillis?
 20 Purior in vicis aqua tendit rumpere plumbum,
 Quam quæ per pronum trepidat cum murmure rivum?
 Nempe inter varias nutritur silva columnas,
 Laudaturque domus, longos quæ prospicit agros.
 Naturam expellas furca, tamen usque recurret,
 25 Et mala perrumpet furtim fastidia victrix.
 Non, qui sidonio contendere callidus ostro
 Nescit Aquinatem potentia vellera fucum,
 Certius accipiet damnum, propiusve medullis,
 Quam qui non poterit vero distinguere falsum.
 30 Quem res plus nimio delectavere secundæ,
 Mutatæ quatient. Si quid mirabere, pones
 Invitus. Fuge magna: licet sub paupere tecto
 Reges et regum vita præcurrere amicos.
 Cervus equum, pugna melior, communibus herbis
 35 Pellebat, donec minor in certamine longo,
 Imploravit opes hominis, frenumque recepit:
 Sed postquam victor violens discessit ab hoste,
 Non equitem dorso, non frenum depulit ore.
 Sic qui, pauperiem veritus, potiore metallis
 40 Libertate caret, dominum vehet improbus, atque
 Serviet æternum, quia parvo nesciet uti.
 Cui non conveniet sua res, ut calceus olim,
 Si pede major erit, subvertet; si minor, uret.

19. *Deterius, etc.* An ruri herba deterioris est coloris vel odoris, quam gemmæ, et marmora africana? — *Lapillis.* Intellige pavimenta lapillis marmoreis distincta.

20. *In vicis.* In urbe.

21. *Trepidat.* Festinat, decurrit.

22. *Nempe, etc.* Documento est naturam rure delectari, quod vel in ipsa urbe rus amamus, et inter porticus fultas columnis factis e vario, id est, versicolore marmore, seruntur arbores, silva nutritur.

24. *Naturam, etc.* Etsi coneris extinguere communes et genuinos illos, quos indidit nobis natura, sensus; tamen semper redibunt, et superabunt mala fastidia. — *Furca.* Proverbiū genus, expressio proverbialis de rebus, quas vi a nobis repellimus.

26. *Non, qui, etc.* Ordo est: qui mercator nescit contendere callidus, id est, comparare prudenter vellera quæ insciuntur et tinguntur Aquini (in urbe Italici) cum purpura sidonia, id est, cum illa vellerebus quæ tinguntur Sidone (in urbe Phœnicis), etc.

31. *Mutatæ.* In adversas; afflictæ et

perditæ. — *Quatient.* Porturbabunt. — *Mirabere.* Cupies, magni æstimabis. — *Pones.* Relinques, depones.

33. *Reges.* Potentiores. — *Vita præcurrere.* Felicitate vitæ antecire, et vincere.

34. *Melior.* Superior. — *Herbis.* Prato, ubi communiter ante pascebantur. Vide hunc apologum apud Phædrum, IV, 4.

35. *Minor, etc.* Equus inferiorem se in diuturno certamine sentiens.

36. *Opes.* Auxillium. — *Frenum.* Quod ille homo insidens ejus tergo, ori indidit.

37. *Victor.* Equus. — *Violens.* Violentus et impotens; superbus ob reportatam victoriam. — *Hoste.* Cervo.

39. *Metallis.* Auro et argento.

40. *Dominum.* Avaritiam, tanquam sensorem molestum, ægre feret.

41. *Uti.* Contentus esse.

42. *Cui non, etc.* Cui opes sue non congruent, id est, erunt vel ampliores justo, vel angustiores. — *Olim.* Aliquando, ut plurimum.

43. *Subvertet.* Pede inverso dejiciet hominem. — *Uret.* Cruciabit, obidnet.

- Lætus sorte tua vives sapienter, Aristi;
 45 Nec me dimittes incastigatum, ubi plura
 Cogere, quam satis est, ac non cessare videbor.
 Imperat, aut servit collecta pecunia cuique,
 Tortum digna sequi potius, quam ducere, funem.
 Hæc tibi dictabam post fanum putre Vacunæ,
 50 Excepto quod non simul esses, cetera lætus.

44. *Cogere*. Colligere.

48. *Tortum*, etc. Hoc est, quæ debet potius trahi quam trahere, servire potius quam imperare. Ludi genus quoddam apud Romanos erat, in quo unus restim ductans præibat ceteris eundem funem tenentibus et sequentibus.

49. *Dictabam*. Hæc dictabam servo

meo vel scribæ, ut ad te mitterem. — *Putre*. Vetustate obsoletum. — *Vacunæ*. Dea quædam erat, apud Sabinos culta, maxime ab otiosis rusticis et operum vacuis.

50. *Excepto*, etc. Lætus plane, hoc uno excepto, quod mecum non eras. — *Cetera*. Quod ad cetera attinet.

EPISTOLA XI.

Ad Bullatium.

Eum in Asiam profectum monet ad vitam beatam parum interesse, quo quisque loco habitet.

- Quid tibi visa Chios, Bullati, notaque Lesbos?
 Quid concinna Samos? quid Cræsi regia Sardis?
 Smyrna quid, et Colophon? majora minorave fama?
 Cunctane præ Campo, et Tiberino flumine sordent?
 5 An venit in votum attalicis ex urbibus una?
 An Lebedum laudas, odio maris atque viarum? —
 Scis Lebedus quam sit Gabiis desertior atque
 Fidenis vicus: tamen illic vivere vellem,

1. *Quid tibi*. Bullatius, Horatii amicus, in Asiam et Græciam peregre profectus erat: ad eum scribit Horatius, et interrogat quid de variis Græciæ urbibus et insulis sentiat: simulque monet Romam redeat, unde molestiæ alienius vitandæ, et levandi tædii causa discessisset. — *Quid*. Cujusnam pretil, qualis. — *Chios, Lesbos*. Insulæ maris Egæi. *Nota*, id est, nobilis, celeberris.

2. *Samos*. Insula et urbs prope Chiam, Junoni sacra (*Samo*): *concinna* dicitur propter elegantiam ædificiorum.

— *Sardis*. Urbs Lydiæ primaria, in qua rex Cræsus degebat.

3. *Smyrna*. Urbs Ionis; item Colophon: in Asia minori ambæ.

5. *Venit in votum*. A te optatur, Romæ præfertur. — *Attalicis*. Ex his quos Attalus, Pergami rex in Asia minori, obtinuit.

6. *Lebedum*. Est Lebedus Ionis civitas maritima, et infrequens: ibi forte Bullatius æger, ac longa peregrinatione defatigatus, substiterat.

7. *Gabiis*. Parvo oppido inter Romam et Præneste. — *Fidenis*. Oppido Sabinorum.

- Oblitusque meorum, obliviscendus et illis,
 10 Neptunum procul e terra spectare furem. —
 Sed neque, qui Capua Romam petit, imbre, lutoque
 Adpersus, volet in caupona vivere; nec qui
 Frigus collegit, furnos et balnea laudat,
 Ut fortunatam plene præstantia vitam :
 15 Nec, si te validus jactaverit Auster in alto,
 Idcirco navem trans Ægæum mare vendas.
 Incolumi Rhodos, et Mitylene pulchra facit, quod
 Penula solstitio, campestre nivalibus auris,
 Per brumam Tiberis, sextili mense caminus.
 20 Dum licet, et vultum servat fortuna benignum,
 Romæ laudetur Samos, et Chios, et Rhodos absens.
 Tu, quamcumque deus tibi fortunaverit horam,
 Grata sume manu, nec dulcia differ in annum,
 Ut, quocumque loco fueris, vixisse libenter
 25 Te dicas. Nam si ratio et prudentia curas,
 Non locus, effusi late maris arbiter, aufert;
 Cælum, non animum mutant, qui trans mare currunt.
 Strenua nos exercet inertia : navibus atque
 Quadrigis petimus bene vivere. Quod petis, hic est,
 30 Est Ulubris, animus si te non deficit æquus.

9. *Meorum.* Propinquorum, affinium.

11. *Capua.* Fuit urbs clarissima Italiae, quæ cum ipsa Roma de orbis imperio certavit.

12. *Vivere.* Subaudi perpetuo.

13. *Collegit.* Contraxit.

14. *Ut fortunatam, etc.* Tanquam ea, in quibus summa felicitas posita sit.

15. *Nec, si te validus, etc.* Sensus est: nec, in alto jactatus, vendita nave, a reditu in patriam te abstrahi patieris.

17. *Rhodos.* Insula in mari Carpathio, e regione Cilicis, ad meridiem Asiae minoris. — *Mitylene.* Urbs primaria Lesbi.

18. *Panula.* Vestis crassior, qua viatores se muniebant contra frigus et pluviam. — *Solstitio.* Per æstatem. — *Campestre.* Vestis levior, qua juvenes in campo Martio se exercentes, utebantur.

19. *Tiberis.* Natio in Tiberi, qui Romam præterfluit. — *Sextili.* Augusto.

21. *Romæ, etc.* A te Romæ habitante laudetur Samos, etc.

22. *Fortunaverit.* Fortunatam dederit.

23. *Dulcia.* Gaudia.

24. *Libenter.* Suaviter, jucunde.

26. *Non locus, etc.* Locus e quo libere prospici potest late patens mare.

— *Maris arbiter.* In mare quasi dominans.

27. *Cælum.* Cæli aliquam et soli regionem.

28. *Strenua, etc.* Agimus et laboramus plurimum ut nihil agamus. — *Navibus atque quadrigis.* Proverbium, id est, summa contentione: terra marique.

29. *Quod petis.* Beata vita. — *Hic est.* Ubi vivis, ubiabi sis.

30. *Ulubris.* In vico Campanis deserto. — *Æquus.* Rationi obediens, perturbatione vacuus.

EPISTOLA XII.

Ad Iccium.

Tantum dives quisque, quantum rebus utitur.

- Fructibus Agrippæ sicut, quos colligis, Icci,
 Si recte frueris, non est ut copia major
 Ab Jove donari possit tibi. Tolle querelas :
 Pauper enim non est, cui rerum suppetit usus.
- 5 Si ventri bene, si lateri est, pedibusque tuis, nil
 Divitiæ poterunt regales addere majus.
 Si forte in medio positorum abstemius, herbis
 Vivis et urtica, sic vives protinus, ut te
 Confestim liquidus fortunæ rivus inaret :
- 10 Vel quia naturam mutare pecunia nescit,
 Vel quia cuncta putas una virtute minora
 Miramur, si Democriti pecus edit agellos,
 Cultaque, dum peregre est animus sine corpore velox ;
 Quum tu inter scabiem tantam, et contagia lucri,
- 15 Nil parvum sapias, et adhuc sublimia cures :
 Quæ mare compescant causæ ; quid temperet annum ;
 Stellæ sponte sua, jussæne vagentur et errent ;
 Quid premat obscurum lunæ, quid proferat orbem ;

1. *Fructibus Agrippæ, etc.* Agrippa suorum latifundiorum in Sicilia administrationi Iccium præfecerat.

2. *Non est ut.* Nullo modo fieri potest, ut.

3. *Querelas.* De paupertate sua Iccius sæpe querebatur.

4. *Cui rerum, etc.* Qui habet ea quibus uti possit ; cui necessaria præsto sunt.

7. *Si forte, etc.* Sin autem inter illas opea quæ tibi suppetunt, et quæ in medio positæ, id est, in manibus, in prompta sunt, vivis herbis et leguminibus ; abstemius, etc. — *Abstemius.* Frugalis et sobrius ; proprie, vino abstinens ; a verbis abstinere et temetum, quæ vox antiqua vinum significat.

8. *Urtica.* Est urticarum quoddam genus edule.

9. *Fortunæ rivus inaret.* Fortuna te suis donis cumulet. Videtur alludere Horatius ad flumina quæ auri particulasolvebant, ut Pactolus.

10. *Vel quia.* Vel quia naturam hominum non potest mutare pecunia, vel quia, stoicis quum sis, frugalitatem diligis et vitam beatam non in lauto victu et deliciis, sed in una virtute sitam putas, cui cetera posthabenda censes : videtur hæc joco dicere.

12. *Miramur si, etc.* Philosophiæ studium multo magis in te, quam in Democrito admiror. — *Democriti.* Fuit ille philosophus insignis, qui, dum philosophiæ intentus erat, neglexit agros suos adeo ut vicinorum pecora ibi libere pascerentur.

13. *Culta.* Rara exulta, fertiles agros. — *Peregre est.* Quasi absens.

14. *Scabiem tantam.* Tam fœdam ditiæ cupido.

16. *Mare compescant.* Intra terminos suos cohibeant. — *Temperet.* Regat, ordinet.

17. *Jussæ.* Alienæ mota ac jussæ.

18. *Premat.* Abscondat, minuât. — *Proferat.* Promat, illustret, amplifiet.

- Quid velit et possit rerum concordia discors;
 20 Empedocles, an Stertinium deliret acumen.
 Verum, seu pisces, seu porrum et cæpe trucidas,
 Utere Pompeio Grospho, et, si quid petet, ultro
 Defer: nil Grosphus, nisi verum orabit et æquum.
 Vilis amicorum est annona, bonis ubi quid deest.
 25 Ne tamen ignores, quo sit romana loco res:
 Cantaber Agrippæ, Claudii virtute Neronis
 Armenius cecidit; jus imperiumque Phraates
 Cæsaris accepit, genibus minor; aurea fruges
 Italiæ pleno diffudit Copia cornu.

19. *Concordia discors.* Ea quæ in rerum natura inter se pugnant, ad mundum conservandum consentiunt et conspirant.

20. *Empedocles.* Philosophus agri-
 gentinus in Sicilia, et poeta bonus:
 homo pertinacissimæ iracundiæ fuit,
 adeo ut vitam sine inimicis putaret sibi
 nullam esse, itemque arrogantissimæ
 superbiæ, qui ut deus haberetur, in
 Ætænam ardentem insillit, ut, quum nus-
 quam appareret, sublatus in sidera pu-
 taretur. Vide Artem Horatii poeticam,
 sub finem. — *Stertinium.* Philosophus
 stolicus fuit, celebris Horatii tempestate.

21. *Seu pisces, etc.* Seu laute vivis,
 seu parce, ac duriter. — *Trucidas.*
 Ridet clam Pythagoram, qui in fabis
 et porris latere animas hominum dicti-
 tabat.

22. *Utere.* Familiariter utere.

23. *Verum.* Bonum et honestum.

24. *Vilis, etc.* Facile ac parvo sum-
 ptu comparantur amici quum viris bonis
 deest aliquid.

26. *Cantaber.* Cantabri, populi His-
 panicæ, ceciderunt, id est, domiti sunt
 virtute ac fortitudine Agrippæ.

27. *Phraates.* Rex Parthorum, qui
 Augusti amicitiam ultro expetit, ei quæ
 signa Crasso erepta reddidit.

28. *Genibus minor.* Provolutus in
 genua, id est, supplex et humilis.
 — *Aurea.* Beata, felix.

29. *Copia.* Dea abundantis. — *Cornu.*
 Postquam Hercules fluvium Ache-
 loum indutum tauri forma vicit, ei
 cornu detraxit, quod nymphis quum
 dedisset, scaturire floribus ac frugibus
 cœpit.

EPISTOLA XIII.

Ad Vinium Asellam.

Eum admonet, ut in offerendis suis Augusto carminibus rationem temporis
 ac decori habeat.

Ut proficiscentem docui te sæpe, diuque,
 Augusto reddes signata volumina, Vini,
 Si validus, si lætus erit, si denique poscet;

1. *Ut.* Quemadmodum, ad eam ra-
 tionem quam docui.

2. *Signata.* Obdesignata, involuta si-
 gillo meo addito: *bien cachetés.* — *Vi-
 ni.* Vinus iste oriundus erat, ut videretur,

ex pago, ubi Horatius villam ha-
 bebatur.

3. *Validus.* Sanus prospera valetu-
 dine utens. — *Lætus.* Nulla graviore
 cura et sollicitudine districtus.

- Ne studio nostri pecces, odiumque libellis
 5 Sedulus importes, opera vehemente, minister.
 Si te forte meæ gravis uret sarcina chartæ,
 Abjicito potius, quam, quo perferre juberis,
 Clitellas ferus impingas, Asinæque paternum
 Cognomen vertas in risum, et fabula fias.
 10 Viribus uteris per clivos, flumina, lamas.
 Victor propositi simul ac perveneris illuc,
 Sic positum servabis onus, ne forte sub ala
 Fasciculum portes librorum, ut rusticus agnum,
 Ut vinosa glomos furtivæ Pyrrhia lanæ :
 15 Ut cum pileolo soleas conviva tribulis.
 Ne vulgo narres te sudavisse ferendo
 Carmina, quæ possunt oculos auresque morari
 Cæsaris. Oratus multa prece, nitere porro.
 Vade, vale, cave ne titubes, mandataque frangas.

4. *Studio*. Benevolentiam significatione intempestiva, immodica.

5. *Sedulus*. Nimiam diligentiam adhibens. — *Odium importes, etc.* Ne facias ut illi displiceant mei libri. — *Minister*. Dum operam in ea re mihi navas, mandata mea exsequeris.

6. *Uret*. Vexabit : si gravior tibi videtur.

7. *Abjicito, etc.* Relinque potius hanc sarcinam medio in itinere, quam illam rustice et inepte offeras.

8. *Clitellas, etc.* Sarcinam librorum, quasi clitellas instar feri, id est, asini, aut equi fatigati, excutias, eam terræ impingendo et quasi sub onere corruendo : ex eo enim arriperent homines causam tui ridendi, et quum pater-taus vocetur Vinus Asella, dicendi, nihil te alienum a tuo cognomine fecisse, clitellas asini more impingendo.

9. *Fabula*. Jocus, ludibrium.

10. *Lamas*. Lacunas, fossas in agris,

et aquarum receptacula. Hic versus metaphorice accipiendus.

11. *Victor propositi*. Voti compos, itinere absoluto. — *Illuc*. Romam.

12. *Sic*. Ita gestabis ut ne sub ala portes. Vel ista particula sic ostendit gestam aliquem, quo significat Horatius Vinio quomodo gestari ab eo libros velit. En, inquit, vide me, sic pone onus.

14. *Vinosa*. Bibax. — *Glomos*. Sphærules e lana in orbem involuta ; *des pelotons*. Alii legunt *glomus*, e genere neutro *glomus, eris*. — *Furtivæ*. Furto raptæ. — *Pyrrhia*. Nomen ancillæ in quadam comœdia tunc exhiberi popello solita, quod proinde iste Vinus non ignoraret.

15. *Tribulis*. Qui est ex eadem tribu.

17. *Morari*. Tenere, delectare.

18. *Oratus, etc.* Hæc oro te ut observes omnia, et implere porro nitaris.

19. *Mandata*. Subaudi carmina. — *Franges*. Disperdas.

EPISTOLA XIV.

Ad Villicum suum.

Eum carpit, quod urbanam vitam præferat rusticæ, cujus desiderio quare ipse teneatur, ostendit.

- Villice silvarum et mihi me reddentis agelli,
 Quem tu fastidis, habitatum quinque focis, et
 Quinque bonos solitum Variam dimittere patres;
 Certemus, spinas animone ego fortius, an tu
 5 Evellas agro, et melior sit Horatius, an res.
 Me quamvis Lamix pietas et cura moratur,
 Fratrem mœrentis, rapto de fratre dolentis
 Insolabiliter; tamen istuc mens animusque
 Fert, et amat spatiis obstantia rumpere claustra.
 10 Rure ego viventem, tu dicis in urbe beatum.
 Cui placet alterius, sua nimirum est odio sors.
 Stultus uterque locum immeritum causatur inique;
 In culpa est animus, qui se non effugit unquam.
 Tu mediastinus tacita prece rura petebas,
 15 Nunc urbem, et ludos, et balnea villicus optas.
 Me constare mihi scis, et discedere tristem,
 Quandocumque trahunt invisa negotia Romam.
 Non eadem miramur; eo disconvenit inter
 Meque et te: nam, quæ deserta et inhospita tesqua
 20 Credis, amœna vocat, mecum qui sentit, et odit

1. *Villice.* Villicus est qui villæ et servorum opus in ea facientium curam gerit. — *Mihi me reddentis.* Ubi liber, ad me redire et mihi soli vivere soleo.

2. *Habitatum quinque focis.* Habentem quinque domos ubi habitant quinque familiæ.

3. *Variam.* Vicinam in Sabinis opulenta. — *Dimittere.* Ad quoddam Sabinorum commune concilium, negotiorum causa.

4. *Spinæ animo evellere.* Metaphorice dicitur de curis quæ animum pungunt, vel de vitulis quæ animum corripunt.

5. *Res.* Ager, villa.

6. *Lamix.* Alius Lamia, civis nobilitas. — *Pietas.* Fraternalis amor. — *Cura.* Luctus. — *Moratur.* Detinet Romæ.

7. *Rapto de fratre.* Ob mortem fratris sui.

8. *Istuc.* In villam meam.

9. *Fert.* Me animus rapit rus, feror huc totus desiderio et cogitatione. — *Claustra.* Gestio rumpere omnia quæ me Romæ tenent, ne rus evolem.

11. *Cui placet, etc.* Nempe sua sors est illi odiosa, cui placet sors alterius: uterque culpatur et accusatur locum in quo est, qui tamen est immeritus, id est, minime culpam meretur.

14. *Mediastinus.* Quam esses in urbe servus infimæ notæ, tanquam in medio atrio positus.

16. *Constare mihi.* In eadem semper esse sententia.

18. *Non eadem miramur.* Non eodem sensu de hisdem rebus afficimur. — *Eo.* Idcirco, ob id. — *Disconvenit.* Alia sententia est de rure.

19. *Tesqua.* Loca aspera, inculta, hospitibus vacua.

20. *Qui.* Quicumque.

- Quæ tu pulchra vocas. Fornix tibi, et uncta popina
Incutiunt urbis desiderium, video; et quod
Angulus iste feret piper et tus ocus uva;
Nec vicina subest vinum præbere taberna
- 25 Quæ possit tibi; nec vilis tibicina, cujus
Ad strepitum salias terræ gravis: et tamen urges
Jam pridem non tacta ligonibus arva, hovemque
Disjunctum curas, et strictis frondibus explēs.
Addit opus pigro rivus, si decidit imber,
- 30 Multa mole docendus aprico parcere prato.
Nunc, age, quid nostrum concentum dividat, audi.
Quem tenues decuere togæ, nitidique capilli;
Quem nosti bibulum media de luce falerni,
Cœna brevis juvat, et prope rivum somnus in herba:
- 35 Nec luisse pudet, sed non incidere ludum.
Non istic obliquo oculo mea commoda quisquam
Limat: non odio obscuro, morsuque venenat.
Rident vicini glebas et saxa moventem.
Cum servis urbana diaria rodere mavis;
- 40 Horum tu in numerum voto ruis. Invidet usum
Lignorum et pecoris tibi calo argutus, et horti
Optat ephippia bos piger, optat arare caballus.
Quam scit uterque, libens, censebo, exerceat artem.

21. *Uncta*. Pinguis, omnibus obsoniis plena.

22. *Et quod, etc.* Accedit illa, cur auspices urbem, causa, quod ager meus, ut ais, est sterilis, qui citius piper, fus et aliud quidvis ferat, quam vinum. Tu vero uvas præ ceteris fructibus amas.

24. *Subest*. Prope est, vicina est.

26. *Salias*. Saltes incompotitis motibus. — *Urges*. Collis, exerces.

28. *Disjunctum*. Scilicet ab aratro, a jugo. — *Strictis*. Decerptis manu.

30. *Multa mole*. Intellige aggerem, obices, stipites, etc. — *Parcere*. Non nocere. — *Aprico*. Patenti, soli exposito.

31. *Quid, etc.* Cur non concinamus, conveniamus, idem sentiamus?

32. *Quem, etc.* Ego quem olim juvabat, etc. — *Tenues*. E tenui et subtili panno confectæ. — *Nitidi*. Scilicet unguentis.

35. *Luisse*. Genio induluisse olim. — *Incidere*. Finire, abrumpere. — *Lu-*

dum. Nugas, et ludicra ætatis juvenilis studia.

36. *Istic*. Ruri, in villa mea.

37. *Limat*. Oculis obliquis adspicit, ut solent invidi. — *Venenat*. Quasi veneno inficit, maledico dente carpens.

38. *Rident*. Irrident, cavillantur. — *Glebas et saxa moventem*. Me vel colentem arva, vel saxis ea purgantem.

39. *Cum servis, etc.* Tu cum servis urbanis scilicet, mavis ea cibaria consumere, quæ ipsi dantur in singulos dies. — *Diaria*. Victus unius diei. — *Diaria rodere*. Id est, tenuiter vivere.

40. *Voto ruis*. Desiderio raperis.

41. *Lignorum*. Quorum copia in agris largior est. — *Calo*. Servus. — *Argutus*. Vaser, callidus.

42. *Optat, etc.* Sic bos, ut fert fabula, optat equi sortem, equus bovis: ego censeo ut se sua quisque in arte et sorte contineat. — *Ephippia*. Ephippium, est vel ornamentum equi, tapes v. g. quo læsternitur, vel sella ejus dorso ad sedendum commodius imposita.

EPISTOLA XV.

Ad C. Numonium Valam.

Vellam et Salernum valetudinis causa profecturus, quærit ab amico suo Vala, cui hæc regio notissima erat, quæ copia et facultas ibi sit ad laute vivendum.

- Quæ sit hiems Velia, quod cælum, Vala, Salerni,
 Quorum hominum regio, et qualis via : nam mihi Baias
 Musa supervacuas Antonius; et tamen illis
 Me facit invisum, gelida quum perluor unda
 5 Per medium frigus. Sane myrteta relinqui,
 Dictaque cessantem nervis elidere morbum
 Sulphura contemni, vicus gemit, invidus ægris,
 Qui caput et stomachum supponere fontibus audent
 Clusinis, Gabiosque petunt, et frigida rura.
 10 Mutandus locus est, et diversoria nota
 Præteragendus equus. « Quo tendis? non mihi Cumas
 Est iter, aut Baias, » læva stomachosus habena
 Dicet eques : sed equi frenato est auris in ore.
 Major utrum populum frumenti copia pascat;
 15 Collectosne bibant imbres, puteosne perennes

1. *Quæ sit hiems, etc.* Sensus inchoandus est a versu 24. Par est te nobis scribere, me tibi credere, quæ sit hiems Vellæ, etc. — *Vellæ*. Vella et Salernum sunt Italicæ extremæ sive Lucanicæ oppida maritima.

2. *Quorum, etc.* Quibus utentium moribus. — *Nam mihi, etc.* Subaudi dicit esse.

3. *Musa*. Antonius Musa, medicus præstantissimus, Augustum gravi ac periculoso morbo liberaverat. — *Supervacuas*. Mæse valetudini non prodesse. — *Illis*. Balanis aqvis.

4. *Invisum*. Oderunt me Balæ, incolæ Balarum, quod aquas frigidas potiores calidis suis putem.

5. *Per medium frigus*. Hieme. — *Myrteta*. Loca myrtis in littore balano consita. — *Relinqui*. Multum auctoritatis et gratiæ Balis, antea celebrimis ob calidas aquas, Antonius Musa detraxerat.

6. *Dicta*. Quæ dicuntur. — *Cessantem*. Inherentem. — *Elidere*. Depellere.

7. *Sulphura*. Aquas sulphuratas. — *Vi-*

cus. Balanus. — *Invidus*. Offensus, invidens.

8. *Supponere*. Eluebant ægras corporis partes aqvis salubribus, ut hodie fit, quod Galli vocant, *prendre une douche*. — *Audent*. Videtur enim periculumum ablui frigida per hiemem.

9. *Clusinis*. Quorum sunt aquæ frigidæ : Clusium Etruriæ oppidum. — *Gabios*. Urbs parva apud Volcos.

10. *Mutandus locus est*. Ut medicis consilio assentiar, alium locum quam Balanum me petere oportet. — *Nota*. Vei mihi, vel equo, quum olim Balas peterent.

11. *Præteragendus*. Ultra Baias agendus, præter notas tabernas ducendus. — *Quo tendis? etc.* Verba equitis Horatii præteragentis equum et alloquens.

12. *Læva*. Habenas detorquens ad sinistram. — *Stomachosus*. Equo cunctanti et reluctanti succensens.

13. *Auris in ore*. Equus frenum audit, et sentit quo sit eundum.

14. *Major, etc.* Ubi sit major frumenti copia. Vellæ an Salerni.

15. *Collectos*. In cisternis et lacunis.

- Jugis aquæ (nam vina nihil moror illius oræ.
 Rure meo possum quidvis perferre patique :
 Ad mare quum veni, generosum et lene requiro,
 Quod curas abigat, quod cum spe divite manet
 20 In venas animumque meum, quod verba ministret).
 Tractus uter plures lepores, uter educet apros,
 Ultra magis pisces, et echinos æquora celent,
 Pinguis ut inde domum possim, Phæaxque reverti;
 Scribere te nobis, tibi nos accredere par est.
 25 Mænius, ut, rebus maternis atque paternis
 Fortiter absumptis, urbanus cœpit haberi,
 Scurra vagus, non qui certum præsepe teneret;
 Impransus non qui civem dignosceret hoste,
 Quælibet in quemvis opprobria fingere sævus;
 30 Pernicies, et tempestas, barathrumque macelli,
 Quidquid quæsierat, ventri donabat avaro.
 Hic, ubi nequitiae fautoribus et timidis nil
 Aut paulum abstulerat, patinas cœnabat omasi,
 Villis et agninæ, tribus ursis quod satis esset.
 35 Scilicet ut ventres lamna candente nepotum
 Diceret urendos, correctus Bestius. Idem,
 Quidquid erat nactus prædæ majoris, ubi omne
 Verterat in fenum et cinerem : « Non hercule miror,
 Aiebat, si qui comedunt bona, quum sit obeso
 40 Nil melius turdo, nil vulva pulchrius ampla. »

— *Perennes*. Jugiter manantes, fontaneos.

16. *Aquæ*. De aqua satagit Horatius, quia ob morbum oculorum, ea plus uti quam vino, contra morem suum, cogebatur. — *Moror*. Curo.

17. *Quidvis*. Quodlibet vinum; vel pessimo contentus sum.

19. *Cum spe, etc.* Vinum audaces facit, ac bona spe implet.

20. *Verba*. Disertum me faciat.

21. *Tractus*. Ager, regio.

22. *Echinos*. Pisciculi e cancrorum genere, des *hérissons de mer*.

23. *Ut*. Postquam. — *Phæax*. Similis Phæacibus, Corcyræ populis mollibus et voluptariis, id est, obesus et bene habitus.

25. *Rebus*. Opibus.

26. *Fortiter*. Impigre, strenue. — *Urbanus*. Facetus homo, risum movens ad captandas divitum in urbe mensas.

27. *Scurra*. Qui jocos illiberales jactat: un *bouffon, un plaisant*. — *Vagus*. Nulli certæ mensæ addictus. — *Præsepe*. Domum statim et certam, ubi cubaret.

28. *Impransus, etc.* Adeo furiosus, quum jejunos erat, ut in cives, perinde

ac si hostes fuissent, sæviret verbis; neminem internosceret. — *Hoste*. Hostem veteres Latini exterum quemlibet ac peregrinum vocabant.

30. *Barathrum*. Instar voraginis absorbens opsonia.

31. *Quæsierat*. Lucri fecerat sua scurrilitate. — *Avaro*. Insatiabili.

32. *Hic*. Idem ille Mænius. — *Nequitiae*. Scurrilitatis. — *Timidis*. Avaris.

33. *Omasi*. Pecudum intestinis, cibo vilissimo.

34. *Agninæ*. Subaudi carnis. — *Tribus, etc.* Id est, tantum ex illis cibis devorans quantum suffecisset tribus ursis alendis.

35. *Lamna candente*. Fuisse videtur hæc voracium servorum pona, ut ventri ferro ardenti stigma ureretur.

36. *Correctus Bestius*. Alii legunt *corrector*.⁴ Sensus est: intemperantiæ objurgator ut Bestius. Severus autem morum censor fuerat Bestius.

38. *Verterat in fenum*. Ad nihilum rodegerat, absumperat.

39. *Obeso*. Pingui.

40. *Turdo*. Turdus avis nota, una *grive*. — *Vulva*. Suilla, scilicet, una

Nimirum hic ego sum; nam tuta et parvula laudo,
 Quum res deficiunt, satis inter villia fortis:
 Verum, ubi quid melius contingit et unctius, idem
 Vos sapere et solos aio bene vivere, quorum
 45 Conspicitur nitidis fundata pecunia villis.

panse de truie : ventre et mamillis por-
 cæ, mensarum tunc delictis.

41. *Hic ego, etc.* Talis sum : Mæno
 simillimus. — *Tuta et parvula.* Cenas
 frugales, quæ non sunt obnoxie invi-
 diæ, quæ fortunas non dilapidant.

43. *Unctius.* Lautius.

45. *Nitidis.* Fructuosus, proventus
 certos referentibus. — *Funda.* Tuto col-
 locata : census in prædiis et agris fun-
 datus, est certior et tutior.

EPISTOLA XVI.

Ad Quinctium.

Agri sui formam, situm, commoda Quinctio describit : monet eum subinde ut vir
 esse bonus quam dici, malit : quis vir sit bonus, fuisse docet.

Ne perconteris, fundus meus, optime Quincti,
 Arvo pascat herum, an baccis opulentet olivæ,
 Pomisne et pratis, an amicta vitibus ulmo :
 Scribetur tibi forma loquaciter, et situs agri.
 5 Continui montes, nisi dissocientur opaca
 Valle; sed ut veniens dextrum latus adspiciat sol,
 Lævum discedens curru fugiente vaporet.
 Temperiem laudes. Quid, si rubicunda benigne
 Corna vepres et pruna ferant? si quercus et ilex
 10 Multa fruge pecus, multa dominum juvet umbra?
 Dicas adductum propius frondere Tarentum.
 Fons etiam rivo dare nomen idoneus, ut nec

1. *Quincti.* Quinctius ille, ut appa-
 ret, Hirpinus est, ad quem exstat od. 8
 lib. 2.

2. *Arvo pascat.* Frumento in agris
 collecto alat.

3. *Amicta.* Adjunguntur ulmis vites,
 ut consistent : et his vites quasi amictun-
 tur, id est, induuntur.

4. *Loquaciter.* Fuisse.

5. *Continui.* Illum ambirent omni ex
 parte montes, nisi tamen essent disjun-
 cti et separati vallo umbrosa, cujus dex-
 trum latus sol oriens collustrat.

7. *Vaporet.* Sub solis enim occasu
 aer secum trahere solet vapores, quibus
 silvæ et montes obducuntur.

8. *Laudes.* Laudare jure possis : cælo
 utilis ita temperato, ut merito eam ob

rem laudari debeat. — *Quid? si, etc.*
 Id est, quid dixeris, si addiderim, etc.
 — *Benigne.* Large.

9. *Corna.* Fructus exigui sunt cerasis
 paulo minores, des cornouilles. —
Ilex. Est species quercus, yeuse.

10. *Fruge.* Glando. — *Juuet.* Foveat,
 delectet.

11. *Tarentum.* Porro est urbs in Ca-
 labria, Italiæ extrema parte, ad meri-
 diem, non procul Brundusio.

12. *Idoneus dare.* Græce pro : qui
 det. — *Nomen rivo.* Tam largiter fluens,
 ut aqua sua rivum faciat, eumque no-
 bilem et suo appellatum certo nomine :
Digentiam alibi vocat. — *Ut nec, etc.*
 Adeo ut Hebrus, Thracis fluvius, non
 sit frigidior et purior.

- Frigidior Thracam, nec purior ambiat Hebrus,
Infirmo capiti fluit utilis, utilis alvo.
- 15 Hæ latebræ dulces, etiam, si credis, amœnæ
Incolumem tibi me præstant septembribus horis.
Tu recte vivis, si curas esse quod audis.
Jactamus jampridem omnis te Roma beatum :
Sed vereor, ne cui de te plus, quam tibi, credas :
- 20 Neve putes alium sapiente, bonoque beatum :
Neu, si te populus sanum, recteque valentem
Dicitet, occultam febrem sub tempus edendi
Dissimules, donec manibus tremor incidat unctis.
Stultorum incurata pudor malus ulcera celat.
- 25 Si quis bella tibi terra pugnata marique
Dicat, et his verbis vacuas permulceat aures
« Tene magis saluum populus velit, an populum tu,
Servet in ambiguo, qui consulit, et tibi, et urbi,
Jupiter; » Augusti laudes agnoscere possis.
- 30 Quum pateris sapiens, emendatusque vocari,
Respondesne tuo, dic, sodes, nomine? — Nempe
Vir bonus et prudens dici delector ego, ac tu. —
Qui dedit hoc hodie, cras, si volet, auferet : ut si
Detulerit fasces indigno, detrahet idem.
- 35 Pone; meum est, inquit. Pono, tristisque recedo.
Idem si clamet furem, neget esse pudicum,
Contendat laqueo collum pressisse paternum :
Mordear opprobriis falsis, mutemque colores?

13. *Thracam.* Thraciam : quæ pars est Europæ supra Macedoniam.

14. *Infirmo capiti.* Utilis ad leniendos capitis dolores.

16. *Septembribus.* Quum autumnus affert morbos.

17. *Quod audis.* Quod diceris esse; nempe si talis sis, qualem te fama testatur.

19. *Tibi.* Tuae conscientiae judicio ac testimonio.

20. *Alium sapiente.* Alium a sapiente, alium ac eum qui vir sapiens bonusque sit.

22. *Sub.* Paulo ante.

23. *Unctis.* Ob tractatos cibos; quia sæpe veteres ad comedendum digitis utebantur.

24. *Incurata.* Quibus nihil adhibent curationis et medicinae; quia, vitioso pudore ducti, ea celant ac dissimulant.

25. *Tibi pugnata.* A te esse pugnata, falso gesta, dicat.

26. *Vacuas.* Apertas adulationi.

27. *Tene magis, etc.* Hæc Varius de Augusto scripserat. Hoc loco igitur Ho-

rattius et Augusti laudes et Varii simul versus celebrat.

28. *Servet in ambiguo.* Sinat esse in ambiguo.

29. *Possis.* Certe hæc verba non tibi convenire, sed Augusto, facile agnosces.

30. *Sapiens.* Te sapientem vocari: græca imitatio.

31. *Tuo nomine.* Quasi tibi hoc proprie dicatur, et non alteri.

33. *Qui dedit hoc, etc.* Qui tibi hoc præclarum sapientis et probi nomen hodie dedit, tam facile cras auferet, quam imperia et magistratus, etc.

34. *Fasces.* Consulatum, præturam, honores.

35. *Meum est.* Voces populi: deponere, inquiet populus, viri probi nomen; nam tua fama est mei juris et arbitrii.

36. *Idem si, etc.* Si idem populus me furem, impudicum, parricidam esse criminetur.

38. *Mordear.* An cruciari debeo, etc. — *Colores.* Vultum: an expallescam? an erubescam? nentiquam sane: quia non sum mihi conscius istorum scelerum.

- Falsus honor juvat, et mendax infamia terret, [quis?
 40 Quem, nisi mendosum, et medicandum? vir bonus est
 Qui consulta patrum, qui leges juraque servat;
 Quo multæ magnæque secantur iudice lites;
 Quo responsore, et quo causæ teste tenentur?
 Sed videt hunc omnis domus et vicinia tota
 45 Introrsum turpem, speciosum pelle decora.
 Nec furtum feci, nec fugi, si mihi dicat
 Servus: — Habes pretium; loris non ureris, aio. —
 Non hominem occidi: — Non pasces in cruce corvos. —
 Sum bonus, et frugi: — Renuit, negitatque Sabellus.
 50 Cautus enim metuit foveam lupo, accipiterque
 Suspectos laqueos, et opertum milvius hamum.
 Oderunt peccare boni virtutis amore:
 Tu nihil admittes in te formidine pœnæ.
 Sit spes fallendi, miscebis sacra profanis.
 55 Nam de mille fabæ modiis quum surripis unum,
 Damnum est, non facinus mihi pacto lenius isto.
 Vir bonus, omne forum quem spectat, et omne tribunal,
 Quandocumque deos vel porco, vel bove placat:
 « Jane pater, » clare, clare quum dixit, « Apollo, »
 60 Labra movet, metuens audiri: « Pulchra Laverna,
 Da mihi fallere: da justum, sanctumque videri:
 Noctem peccatis, et fraudibus objice nubem. »
 Qui melior servo, qui liberior sit avarus,
 In triviis fixum quum se dimittit ob assem,

40. *Mendosum*. Vitiosum. — *Medicandum*. Vitii sanandum. Alii legunt *mendacem*, id est mendacii amatorem, vel falso de rebus judicantem.

41. *Qui, etc.* Falsam viri boni et eumentiam definitionem hic affert: veram, extrema epistola. — *Consulta patrum*. Senatusconsulta, curiæ decreta.

42. *Secantur*. Finiuntur, deciduntur

43. *Responsore*. Responsum de lite aliqua, de qua consultus est, dante. — *Tenantur*. Obtinentur, vincuntur.

44. *Introrsum, etc.* Domesticis vitii et libidinibus infamem. — *Pelle decora*. Specie virtutis et honestatis.

45. *Nec furtum, etc.* Ostendit exemplo vitiosi servi, eos dicendos non esse probos, qui pœnæ metu, non amore virtutis, a vitio se abinent.

47. *Ureris*. Verberaris.

49. *Negitatque*. Et sæpius negat. — *Sabellus*. Ego Horatius, cui domus apud Sabinos, in qua regione tam sæpe commorabatur, ut se prope Sabellum factum esse dicat.

50. *Cautus, etc.* Quamvis lupo a

præda se absteineat metu foveæ, non tamen idcirco meretur laudem, etc.

51. *Opertum*. Escæ obductum. — *Milvius*. Ad piscium genus pertinet.

53. *Admittes*. Sceleris committas.

54. *Sit spes, etc.* Si speres fore ut fallas, id est, lateas, non detegaris. — *Miscebis sacra profanis*. Quidquid suadet libido, facies.

55. *Damnum, etc.* Mihi damnum est lenius ferendum, quia est lenius, at facinus tuum nihilo lenius est: nam omnia peccata sunt æqualia: ita stoici, quos hic Horatius sequitur.

57. *Vir bonus, etc.* Bonus opinione vulgi, non reipsa: qui nempe nihil sceleris non admittat, si speret clam fore.

59. *Clare*. Clara voce, ut ab omnibus audiat.

60. *Labra movet*. Musitat. — *Laverna*. Latronum præses dea.

61. *Fallere*. Latere.

63. *Qui melior, etc.* Non video quare ratione avarus dici possit melior servo, etc.

64. *In triviis*. Trivium, via carre-

- 65 Non video; nam qui cupiet, metuet quoque; porro
 Qui metuens vivit, liber mihi non erit unquam.
 Perdidit arma, locum virtutis deseruit, qui
 Semper in agenda festinat et obruitur re.
 Vendere quum possis captivum, occidere noli;
 70 Serviet utiliter: sine pascat durus, aretque;
 Naviget, ac mediis hiemet mercator in undis;
 Annonæ prosit; portet frumenta, penusque.
 Vir bonus et sapiens audebit dicere: « Pentheu,
 Rector Thebarum, quid me perferre, patique [rem,
 75 Indignum coges? — Adimam bona. — Nempe pecus,
 Lectos, argentum? tollas licet. — In manicis, et
 Compedibus, sævo te sub custode, tenebo. —
 Ipse deus, simul atque volam, me solvet. » Opinor,
 Hoc sentit: Moriar. Mors ultima linea rerum est.

four. — Fixum, etc. Pueri, ut præter-
 euntes illudant, solent inter viæ silices
 interdum figere assem, quem avarus
 quum colligere tentat, ridetur.

65. *Nam qui, etc.* Qui pecuniæ cu-
 piditate laborat, cruciabitur ejusdem
 amittendæ metu: porro qui vivit in
 metu, eum liberum non putabo.

67. *Perdidit arma, etc.* Id est, ille
 non est recensendus inter homines pro-
 bos et virtute præditos, qui avarus est.

70. *Sine. Patere. — Durus. Labo-
 riosus.*

72. *Penusque.* Est penus, id omne
 quod vescantur homines.

73. *Vir bonus, etc.* Jam desinit, quis

vere dicendus sit vir bonus, nempe qui
 humana omnia, vitamque ipsam con-
 temnit. — *Pentheu.* Fuit rex Thebarum;
 homo ferus, et in hospites crudelis, qui
 Bacchum captivum tenuit. Hunc locum
 imitatus est Horatius ex Euripidis tra-
 gœdia cui nomen *Bacchæ*.

76. *Licet.* Per me licet hæc auferas.

78. *Ipse deus, etc.* Quum mihi li-
 buerit, deus me solvet tuis vinculis.

79. *Ultima linea rerum.* Rerum hu-
 manarum finis. Metaphora ducta a circo
 vel stadio, cum quo humana sæpe vita
 comparatur: in eo locus ubi cursus de-
 sinit, vocabatur linea, quia ducta linea
 designabatur.

EPISTOLA XVII.

Ad Scævam.

Eum monet, qua ratione potentiorum amicitia colenda sint.

- Quamvis, Scæva, satis per te tibi consulis, et scis
 Quo tandem pacto deceat majoribus uti,
 Disce, docendus adhuc, quæ censet amicus: ut si
 Cæcus iter monstrare velit. Tamen adspice, si quid
 5 Et nos, quod cures proprium fecisse, loquamur.

1. *Per te, etc.* Sine alterius consilio
 vitam regere tuam prudenter potes.

2. *Majoribus uti.* Vivere cum viris te
 didicis, potentioribus.

Horace.

3. *Amicus.* Horatius. — *Ut si.*
 Quasi si.

5. *Proprium, etc.* In propriam tuam
 utilitatem vertere.

- Si te grata quies, et primam somnus in horam
Delectat; si te pulvis, strepitusque rotarum,
Si lædit caupona, Ferentinum ire jubebo.
Nam neque divitibus contingunt gaudia solis;
10 Nec vixit male, qui natus moriensque fefellit.
Si prodesse tuis, pauloque benignius ipsum
Te tractare voles, accedes siccus ad unctum.
• Si pranderet olus patienter, regibus uti
Nolet Aristippus. — Si sciret regibus uti,
15 Fastidiret olus, qui me notat. • Utrius horum
Verba probes et facta, doce: vel junior audi,
Cur sit Aristippi potior sententia; namque
Mordacem cynicum sic eludebat, ut aiunt:
• Scurror ego ipse mihi, populo tu: rectius hoc, et
20 Splendidius multo est; equus ut me portet, alat rex,
Officium facio: tu poscis vilia rerum,
Dante minor; quamvis fers te nullius egentem. •
Omnis Aristippum decuit color, et status, et res,
Tentantem majora, fere præsentibus æquum.
25 Contra, quem duplici panno patientia velat,
Mirabor, vitæ via si conversa decebit.
Alter purpureum non expectabit amictum;
Quidlibet indutus celeberrima per loca vadet,
Personamque feret non inconcinnus utramque.

6. *Primam*. Usque ad primam diel horam, id est, ortum solis.

8. *Caupona*. Clamores inconditi, rixæ, quibus cauponæ personant, ut in urbe fit. — *Ferentinum*. Oppidum infrequens Italiæ.

9. *Nam neque, etc.* Non enim soli divites vitam felicem et beatam degunt.

10. *Fefellit*. Latuit, obscurus et ignotus fuit.

11. *Prodesse tuis*. Tuorum commodis inservire. — *Benignius*. Lautius.

12. *Siccus*. Pauper, jejunos. — *Unctum*. Divitem, sumptuosum.

13. *Si pranderet, etc.* Hæc verba sunt Diogenis ad Aristippum, quibus illi exprobrabat, quod mensas regum, id est divitum, captaret.

14. *Si sciret, etc.* Hæc respondet Aristippus ad Diogenem.

16. *Doce*. Dic, quæso. — *Vel junior audi*. Aut si dubitas quæ ait eligenda, audi. — *Audi, cur, etc.* Patere ut te doceam cur, etc.

18. *Cynicum*. Philosophi quidam cynici vocati sunt a græca voce, *κυνικός*; quæ caninum significat, quia insignis erat eorum impudentia et obrectandi libido, qua omnes mordere, ut canes, vi-

debantur. In his præcipuus Diogenes fuit. — *Eludebat*. Refellebat, ridebat.

19. *Scurror*. Scurram ago: risus moveo, assentator sum. — *Mihi*. In meam rem et utilitatem, nempe ut mihi dives det equum, quo portet, dapes lautas, quibus alar, etc. — *Populo*. Ut populo placeas, ad inanem plausum captandum.

21. *Officium facio*. Fungor omni urbanitatis officio et munere: honeste peto ea quibus egeo.

22. *Dante minor*. Inferior eo quidat; danti quodam modo subjectus.

23. *Color*. Vitæ ratio, conditio. — *Res*. Opes, census.

24. *Tentantem majora*. Nitebatur ille quidem ad commodissima quæque si posset.

26. *Contra, etc.* Contra vero ego mirabor si Diogenes decore, cum dignitate, et sapienter tulerit vitæ conditionem conversam, id est, dissimilem illi quam instituit, si, ut aiunt, abundare sciat, et egere. — *Quem, etc.* Diogenes qui pallium quo solo erat amictus, contra frigoris vim, duplicabat.

27. *Alter*. Aristippus.

29. *Utramque*. Pauperis, tenui cum veste; divitis, cum purpurea.

- 30 Alter Mileti textam cane pejus et angue
Vitabit chlamydem; morietur frigore, si non
Rettuleris pannum: refer, et sine vivat ineptus.
Res gerere, et captos ostendere civibus hostes,
Attingit solium Jovis et cœlestia tentat:
- 35 Principibus placuisse viris, non ultima laus est.
Non cuivis homini contingit adire Corinthum.
Sedit, qui timuit ne non succederet; esto.
Quid? qui pervenit, fecitne viriliter? atqui
Hic est, aut nusquam, quod quærimus. Hic onus horret,
- 40 Ut parvis animis, et parvo corpore majus:
Hic subit, et perfert. Aut virtus nomen inane est,
Aut decus et pretium recte petit experiens vir.
Coram rege suo de paupertate tacentes,
Plus poscente ferent: distat, sumasne pudenter,
- 45 An rapias. Atqui rerum caput hoc erat, hic fons.
« Indotata mihi soror est, pauperula mater,
Et fundus nec vendibilis, nec pascere firmus, »
Qui dicit, clamat: « Victum date. » Succinit alter,
« Et mihi dividuo findetur munere quadra. »
- 50 Sed, tacitus pasci si posset corvus, haberet

30. *Alter. Diogenes.* — *Mileti textam.* Mileti, Asiæ urbs in qua panni eximii texebantur. — *Cane pejus, etc.* Proverbium, id est, vehementius quam fugeret anguem vel canem: canem rabidum aut iratum intellige.

32. *Refer.* Id est, reddas igitur illi pannum.

33. *Res gerere.* Domi militiæque præclare gesta. — *Captos ostendere.* Id est, triumphi.

35. *Principibus.* Id est potentioribus, nobilioribus.

36. *Adire Corinthum.* Est proverbium notissimum. Nemo urbem illam opulentissimam sine magnis sumptibus adire et frequentare poterat. Alii intelligunt *adire* sine periculo, navi inoffensa. Corinthus autem est urbs, olim amplissima, nunc exigua in faucibus Isthmi Peloponnesiaci.

37. *Sedit.* Cessavit, non tentavit. — *Qui timuit, etc.* Qui timuit ne non placeret viris principibus, quævit, periculum facere noluit.

38. *Pervenit.* Placuit; voti compos factus est.

39. *Hic est.* Id agitur, id quæritur uter laude dignior sit, is qui principum amicitiam prudenter colit, an ille qui eam fugit. — *Hic onus horret.* Alius rei suscipiendæ molestiam refugit.

41. *Hic subit et perfert.* Alius rem strenue aggreditur et peragit.

42. *Experiens.* Qui rem tam difficilem, quam difficilis est amicitia principum, experiri et tentare audet, qui voti compos sit.

43. *Rege suo.* Divite quem colunt.

44. *Plus poscente, etc.* Plura obtinebunt et auferent ab suo rege, quam is qui aperte poscat, seque pauperem esse clamitet. — *Pudenter.* Honestè et veracunde.

45. *Rapias.* Extorqueas importunis precibus. — *Rerum caput, etc.* In hoc vertitur ars illa, de qua hic agimus. — *Erat.* Pro est.

47. *Pascere firmus.* Qui non firmos et constantes proventus quibus pascar, effert, sed modo secundus est, modo sterilis. Qui non sufficit ad me alendum.

48. *Qui dicit, etc.* Qui sic cum suo rege queritur, habeo sororem nubilem, sed carentem dote, etc. *Quadra*, ut hic sumitur, est genus quoddam placente aut panis, qui quatuor in partes leviter in extrema superficie divisus erat.

50. *Corvus.* Fingit Æsopus corvum gesilentem, quod caseum repetisset, ab avibus supervenientibus, orta de caseo rixa mulctatum et parte daplis spoliatum falso.

- Plus dapis, et rixæ multo minus, invidiæque.
 Brundisium comes, aut Surrentum ductus amœnum,
 Qui queritur salebras, et acerbum frigus, et imbres,
 Aut cistam effractam, et subducta viatica plorat,
 55 Nota refert meretricis acumina, sæpe catellam,
 Sæpe periscelidem raptam sibi flentis; uti mox
 Nulla fides damnis, verisque doloribus adsit.
 Nec, semel irrisus, triviis attollere curat
 Fracto crure planum; licet illi plurima manet
 60 Lacrima, per sanctum juratus dicat Osirim:
 « Credite, non ludo; crudeles, tollite claudum. —
 Quære peregrinum, » vicinia rauca reclamat.

52. *Brundisium*. Urbem in Calabria ad mare: nunc *Brindes*. — *Surrentum*. In Campania ad sinum Puteolanum (*Sorrento*). — *Comes*. Qui divitem aliquem colit, assectatur, comitatur.

54. *Cistam*. Arculam. — *Subducta*. Furto rapta.

55. *Nota refert, etc.* Imitatur astutias argutæ meretricis, quæ multa se perdidisse ait, ut aliquid nummorum ab amatore auferat. — *Catellam*. Parvam catenam, monile.

56. *Periscelidem*. Ornamentum pedis circum crura, vel tæniam qua crus ligatur aut ornatur. — *Uti*. Adeo ut. — *Mox*. In posterum, postea.

58. *Nec semel, etc.* Nemo magis credit illis querulis et petentibus, quam alicui plano, id est, impostori et mendicabulo, qui mentiatur sibi crus esse fractum, et erigi se roget.

59. *Manet*. Emanet, fluat.

60. *Osirim*. Deus fuit Ægyptiorum, etiam Romæ cultus, cum Iside uxore sua.

61. *Non ludo*. Non jocor, serio loquor. — *Tollite*. Erigite, deportate.

62. *Peregrinum*. Id est, hominem cui sis ignotus; quales sunt hospites et peregrini, nos enim technas tuas novimus, inquit vicini.

EPISTOLA XVIII.

Ad Lollium.

Quomodo colenda sit, maxime cum viris principibus, amicitia, ac tranquillitas animi comparanda.

- Si bene te novi, metues, liberrime Lolli,
 Scurrantis speciem præbere, professus amicum.
 Ut matrona meretrici dispar erit, atque
 Discolor, infido scurra distabit amicus.
 5 Est huic diversum vitio vitium prope majus:
 Asperitas agrestis et inconcinna gravisque,
 Quæ se commendat tonsa cute, dentibus atris,

1. *Metues*. Cavebis. — *Liberrime*. Qui libertatem in vivendo et sentiendo deamas.

2. *Scurrantis*. Illiberaliter adulantis. — *Professus amicum*. Quando te alicujus amicum esse profiteris, quando cum eo, ut cum amico, agis.

3. *Matrona*. Muller proba et honesta; mater familias.

4. *Discolor*. Dissimilis.

5. *Huic vitio*. Scurrilitati, ineptæ adulationi.

6. *Gravis*. Molesta, incommoda.

7. *Se commendat*. Se conspiciendam

- Dum vult libertas mera dici, veraque virtus.**
Virtus est medium vitiorum, et utrinque reductum.
- 10 **Alter, in obsequium plus æquo pronus, et imi**
Derisor lecti, sic nutum divitis horret,
Sic iterat voces, et verba cadentia tollit,
Ut puerum sævo credas dictata magistro
Reddere, vel partes mimum tractare secundas.
- 15 **Alter rixatur de lana sæpe caprina;**
Propugnat nugis armatus: « Scilicet, ut non
Sit mihi prima fides; et vere quod placet, ut non
Acritur elatrem, pretium ætas altera sordet. »
Ambigitur quid enim? Castor sciat an Dolichos plus?
- 20 **Brundisium Minuci melius via ducat an Appi?**
Quem damnosa venus, quem præceps alea nudat,
Gloria quem supra vires et vestit, et ungit:
Quem tenet argenti sitis importuna, famesque,
Quem paupertatis pudor, et fuga, dives amicus
- 25 **Sæpe decem vitiis instructor, odit et horret;**
Aut, si non odit, regit; ac, veluti pia mater,
Plus quam se sapere, et virtutibus esse priorem
Vult; et ait prope vera: « Meæ (contendere noli)
Stultitiam patiuntur opes: tibi parvula res est:

præbet. — *Tonsa cute.* More agrestium, qui non utebantur novacula.

9. *Utrinque, etc.* Ab utroque extremo defectu et excessu remotum.

10. *Alter.* Qui scurrilliter assentatur.

11. *Imi lecti.* Eorum, qui sunt in infimis lectis ad mensam, ac profunde ignobiliores. — *Derisor.* Qui alios illudendo risum capiat. — *Horret.* Plenus verecundiæ observat.

12. *Cadentia.* Verba ex ore divitis quasi temere excidentia, dicta sine ullo certo consilio. — *Tollit.* Id est, excipit, laudat, notari ab aliis, tanquam egregie et mire dicta, jubet.

14. *Reddere.* Recitare. — *Vel partes, etc.* In actoribus comædiarum erat actor quidam præcipuus, qui primariam fabulæ personam agebat, alii qui alias: isti hoc servabant, cavebantque ne tanta contentione agerent, loquerentur, quanta primus actor, sive primarum partium. — *Mimum.* Histrionem, scurram, qui actoris gestus et verba imitatur.

15. *Alter.* Agrestis et inurbanus. — *De lana caprina.* Id est, de nihilo, de re villissima.

16. *Propugnat.* Pro nugis pugnat, quasi res armis ageretur. — *Ut non, etc.* Egone, inquit agrestis ille, patiar

ut non uni mihi præ ceteris credatur, si quid dixerò?

18. *Pretium ætas altera sordet.* Non hoc velim, etsi mihi offeratur tantum vitæ quantum hactenus.

19. *Castor an Dolichos.* Erant illius temporis nobiles gladiatores. — *Plus sciat.* In sua arte sit peritior.

20. *Minuci via.* A. L. Minucio strata et ornata. — *Appi via.* Via Appia, una e viciis publicis celeberrima, pertinebat a Roma usque Brundisium.

21. *Quem, etc.* Ordo est: sæpe amicus dives odit ac fugit amicum tenuiorem qui opes damnosa et fœda libidine aut alea dilapidat, etc. Licet ipse dives sit decies villosior et sceleratior amico illo tenuiori cliente suo.

22. *Gloria.* Vana ostentatio.

24. *Pudor et fuga.* Subaudi tenet.

26. *Regit.* Monitis prudentibus quasi gubernat instruitque, et quidem veris: noli, inquit, mecum certare sumptibus, luxu, etc. — *Veluti pia mater.* Subaudi optare solet ut liberi se ipsa sint meliores, ita dives, etc.

28. *Ait prope vera.* Non omnino vera, sed fere vera, et certo quodam sensu. — *Contendere noli.* Mihi dicere crede, atque mecum certare noli.

- 30 *Arcta* decet sanum comitem toga; desine mecum
Certare. » *Entrapelus*, cuicumque nocere volebat,
Vestimenta dabat pretiosa: beatus enim jam
Cum pulchris tunicis sumet nova consilia et spes;
Dormiet in lucem; scorto postponet honestum
- 35 Officium; nummos alienos pascet; ad imum
Thrax erit, aut olitoris aget mercede caballum.
Arcanum neque tu scrutaberis illius unquam;
Commissumque teges, et vino tortus, et ira.
Nec tua laudabis studia, aut aliena reprendes:
- 40 Nec, quum venari volet ille, poemata panges.
Gratia sic fratrum geminorum, *Amphionis*, atque
Zethi, dissiluit; donec suspecta severo
Conticuit lyra. Fraternis cecisisse putatur
Moribus *Amphion*: tu cede potentis amici
- 45 Lenibus imperiis; quotiesque educet in agros
Ætolis onerata plagis jumenta, canesque,
Surge, et inhumanæ senium deponere camenæ,
Cœnes ut pariter pulmenta laboribus empta.
Romanis solenne viris opus, utile famæ,
- 50 Vitæque, et membris; præsertim quum valeas, et
Vel cursu superare canem, vel viribus aprum
Possis. Adde, virilia quod speciosius arma
Non est qui tractet. Scis quo clamore coronæ
Prælia sustineas campestria: denique sævam
- 55 Militiam puer, et cantabrica bella tulisti

30. *Arcta toga*. Quam pauperiores gestabant. — *Comitem*. Comes hoc in loco appellatur qui censetur in familia divitis, qui eum associatur officii et honoris causa.

31. *Entrapelus*. Forte nomen fictum est. *Entrapelus* etiam dictus est *Voluminus* quidam, amicus *Ciceronis*, cui cognomen *Entrapeli*, ob sales et urbanitatem, fuerat inditum.

32. *Beatus*. Eleganter vestitus, lautus ac dives.

33. *Pascet*. Angebit fœneratorum pecuniam, usuras illis pendendo, et illi crescet res alienum. — *Ad imum*. Denique.

34. *Thrax*. Gladiator. — *Aget, etc.* Erit agaso: equum olitoris certo pretio ducendum in macellum, sumet.

35. *Illius*. Potentis amici.

36. *Tortus*. Quamvis ebrius et iratus.

37. *Studia*. Occupationes, exercitationes.

38. *Ille*. Amicus dives. — *Panges*. Facies.

39. *Gratia dissiluit*. Dissiata est

concordia et amicitia. — *Amphionis*. *Amphion* et *Zethus*, *Jovis* ex *Antiope* filii, dissimillimis studiis fuere; hic agriculturam, ille musicam et musas coluit.

42. *Donec, etc.* Donec lyram deponit *Amphion* quæ fratri severo suspecta et odiosa.

43. *Cecisisse*. Obsecutus esse; in gratiam fratris musicam intermisisse.

44. *Ætolis plagis*. Plagæ sunt retia densiora et arctioribus maculis distincta.

45. *Senium*. Tœdium, molestiam, id est, musas venatori odiosas.

46. *Pulmenta*. Carnes ferinas.

47. *Solenne, etc.* Quod est opus usitatum Romanis.

48. *Virilia arma*. Fortia, quibus viri militares utuntur. — *Speciosus*. Majori cum dignitate et decore.

49. *Clamore coronæ*. Plausu populi circumstantis undique in orbem.

50. *Campestria*. Exercitationes et ludica certamina in campo Martio fieri solita.

51. *Puer*. In tenera ætate. — *Can-*

- Sub duce, qui templis Parthorum signa refixit
 Et nunc, si quid abest, italisch adjudicat armis.
 Ac, ne te retrahas, et inexcusabilis abstes,
 Quamvis nil extra numerum fecisse, modumque
- 60 Curas, interdum nugaris rure paterno.
 Partitur lintres exercitus: actia pugna,
 Te duce, per pueros hostili more refertur.
 Adversarius est frater: lacus, Adria: donec
 Alterutrum velox victoria fronde coronet.
- 65 Consentire suis studiis qui crediderit te,
 Fautor utroque tuum laudabit pollice ludum.
 Protinus ut moneam (si quid monitoris eges tu),
 Quid de quoque viro, et cui dicas, sæpe videto.
 Percontatorem fugito; nam garrulus idem est;
- 70 Nec retinent patulæ commissa fideliter aures,
 Et semel emissum volat irrevocabile verbum.
 Qualem commendes, etiam atque etiam adspice; ne mox
 Incutiant aliena tibi peccata pudorem.
 Fallimur, et quondam non dignum tradimus. Ergo,
- 75 Quem sua culpa premet, deceptus omitte tueri;
 Ut penitus notum, si tentent crimina, serves,
 Tuterisque tuo fidentem præsidio: qui
 Dente theonino quum circumroditur, ecquid
 Ad te post paulo ventura pericula sentis?
- 80 Nam tua res agitur, paries quum proximus ardet;

fabrica. Cantabri sunt Hispaniæ populi.
 Vide oden 1, libr. 2.

56. *Sub duce.* Augustus. — *Refixit.*
 Revulsit. Vide oden 15, libr. 4.

57. *Abest.* Vincendum restat. — *Adjudicat.* Quasi lata sententia Romanis attribuit et adjungit.

58. *Retrahas.* Ne ab amico potenti discedas, te removeas, et eum deseras venari volentem, aut ludicro alicui spectaculo et exercitationi indulgere.

59. *Quamvis, etc.* Quamvis omnia apte et concinne agere soleas. — *Extra numerum.* Metaphora sumitur a saltantibus aut canentibus.

62. *Refertur.* Id est, repræsentatur coram te, per tuos servos, pugna commissa inter Augustum et Antonium ad Actium, Eprii promontorium: lintres qui sunt in villis lacu, dividuntur, quasi duo essent navales exercitus, etc.

63. *Adversarius, etc.* Tuus frater locum tenet adversarii, seu Antonii.

64. *Fronde.* Laureæ.

65. *Consentire, etc.* Sententia est: si vis istas ludicras, quæ tibi placent, exercitationes ab amico probari, tu

illius quoque occupationes, v. g. venationem, etc., proba, neque te retrahe ab illo, quum venatur, etc. — *Suis studiis.* Illis quæ amat, quæ studet.

66. *Pollice.* Quum Romani favellant alicui gladiatori generoso in arena certant, favorem significabant ambos pollices premendo. Contra vero, si cui essent infensi, si quem occidi juberent, alterum pollicem vertebant.

67. *Protinus.* Præterea, statim, deinceps: ut monere porro te pergam.

69. *Percontatorem.* Curiose de omnibus interrogantem.

70. *Patulæ.* Quæ clausæ non sunt, ut arcanum retineant. — *Commissa.* Arcana sibi credita: arcanum cum fide non servant.

74. *Tradimus.* Commendamus.

75. *Tueri.* Illi favere, qui reus sit.

76. *Ut penitus, etc.* Ut alium, quem probe noris, accusatum defendas.

78. *Qui dente, etc.* Qui innocens cum maledico dente carpitur, an non vides te quoque periclitari, te brevi idem periculum aditarum? — *Theonino.* Theon fuit poeta græcus, famosus obtrektor.

- Et neglecta solent incendia sumere vires.
 Dulcis inexpertis cultura potentis amici;
 Expertus metuit. Tu, dum tua navis in alto est,
 Hoc age, ne mutata retrorsum te ferat aura.
- 85 Oderunt hilarem tristes, tristemque jocosī;
 Sedatum celeres, agilem gnavamque remissi,
 Potiores bibuli media de luce falerni
 Oderunt porrecta negantem pocula, quamvis
 Nocturnos jures te formidare vapores.
 Deme supercilio nubem; plerumque modestus
- 90 Occupat obscuri speciem, taciturnus acerbi.
 Inter cuncta leges, et percontabere doctos,
 Qua ratione queas traducere leniter ævum;
 Ne te semper inops agitet vexetque cupido,
 Ne pavor, et rerum mediocriter utilium spes;
- 95 Virtutem doctrina paret, naturave donet;
 Quid minuat curas; quid te tibi reddat amicum;
 Quid pure tranqillet; honos, an dulce lucellum;
 An secretum iter, et fallentis semita vitæ.
- Me quoties reficit gelidus Digentia rivus,
 100 Quem Mandela bibit, rugosus frigore pagus,
 Quid sentire putas? quid credis, amice, precari?
 Sit mihi, quod nunc est, etiam minus; ut mihi vivam
 Quod superest ævi, si quid superesse volunt di:
 Sit bona librorum, et provisæ frugis in annum
- 105 Copia; ne fluitem dubiæ spe pendulus horæ.
 Hæc satis est orare Jovem, quæ donat et aufert;
 Det vitam, det opes; æquum mi animum ipse parabo.

83. *In alto est.* Dum favet tibi fortuna, dum secundo vento proveheris.

87. *Sedatum.* Placidum, moderatum. — *Celeres.* Alacrioris ingenii homines.

— *Remissi.* Qui vires non intendunt.

88. *Vapores.* Vini fumos qui somnum auferunt, caput excruciant.

89. *Nubem.* Tristitiam, quæ frontem contrahit, removelque.

90. *Occupat, etc.* Qui modestus est plus æquo et gravis, obtinet speciem obscuri, id est, videtur obscurus, hoc est, tectus, astutus, morosus existimatur.

91. *Inter cuncta leges.* Ante omnia leges philosophorum libros, vel inter cuncta præcepta eliges.

93. *Inops cupido.* Avaritia quæ semper eget, tam illa quæ habet, quam quæ non habet.

96. *Amicum, etc.* Quid sit in quo acquiescas, placeas tibi, teque ames: quid genio tuo et indoli maxime conveniat.

97. *Tranqillet.* Tranquillitatem animi sinceram tibi afferat.

98. *Secretum iter.* Id est, vitæ ratio secreta et ab negotiis disjuncta. — *Fallentis.* Ignotæ, obscuræ, latentis.

99. *Digentia.* Rivalus per agrum Horatii serpens, prope Mandelam pagum septentrioni expositum in colle, unde frigus, quo rugosa et contracta sunt corpora.

105. *Ne fluitem, etc.* Ne de dubia futuri temporis sorte pertarber.

107. *Æquum.* Equabilem, rebus presentibus contentum.

EPISTOLA XIX.

Ad Mæcenatem.

Poetas eo carpit, quod aliorum pravi esse imitatores gestiant; ear sua carmina non ita quibusdam placeant, docet.

- Prisco si credis, Mæcenas docte, Cratino,
 Nulla placere diu, nec vivere carmina possunt,
 Quæ scribuntur aquæ potoribus: ut male sanos
 Adscripsit Liber Satyris Faunisque poetas,
 5 Vina fere dulces oluerunt mane Camenæ.
 Laudibus arguitur vini vinosus Homerus;
 Ennius ipse pater nunquam, nisi potus, ad arma
 Prosiluit dicenda. « Forum, putealque Libonis
 Mandabo siccis; adimam cantare severis. »
 0 Hoc simul edixit, non cessavere poetæ
 Nocturno certare mero, putere diurno.
 Quid? si quis vultu torvo ferus, et pede nudo,
 Exiguæque togæ simulet textore Catonem,
 Virtutemne repræsentet, moresque Catonis?
 15 Rupit Hyarbitam Timagenis æmula lingua,
 Dum studet urbanus, tenditque disertus haberi.
 Decipit exemplar vitiis imitabile. Quod si

1. *Cratino.* Fuit ille atheniensis poeta, veteris comædiæ scriptor celebris.

2. *Vivere.* Durare ad posteros.

3. *Ut, etc.* Ex quo Bacchus poetas in suam fidem et tutelam recepit, et annumeravit inter Satyros et Faunos, deos agrestes, Bacchi comites. — *Male sanos.* Poetico furore correptos.

4. *Camenæ.* Versus dulces et boni vinum vulgo mane potatum olent, id est, ab eo scripti sunt, qui matutino vino prolutus fuerit.

6. *Arguitur.* Deprehenditur, convinctur esse vinosus, quia vinum sæpe laudat.

7. *Ennius.* Poeta latinus antiquissimus, natus Rudis in Calabria, anno U. C. 514. — *Arma.* Descripsit enim bellum punicum secundum.

8. *Mandabo, etc.* Res forenses et sedem prætoris a Libone in foro collocatam, dabo regenda jejunis hominibus. — *Siccis.* Haud vinum hibentibus. — *Adimam cantare.* Vetabo ne cantent, versus faciant. — *Severis.* Sobriis.

10. *Edixit.* Cratinus videlicet, vel Ennius.

11. *Putore.* Fetere.

12. *Quid? etc.* Negat poetas, etsi exemplo Cratini, Ennii et Homeri poetas boni sint, esse tamen poetas bonos, ut illi sunt: sicut qui vultum atrocem Catonis Uticensis et vestem simularet, non idcirco virtutum ejus compos esset. — *Pede nudo.* Solebat Cato in publicum prodire sine calcels.

13. *Textore.* Pro textura seu texta veste.

15. *Rupit.* Timagenes, æmulus Jarbythæ, sive Hyarbitæ, fuit in causa cur Jarbythas disrumperetur præ invidia, dum Timagenis dicacitatem et eloquentiam æmulari studet. — *Timagenis.* Ferunt illum Timagenem fuisse rhetoricum seu sophistam alexandrinum, Jarbytham ejus æmulum.

16. *Urbanus.* Faceto eloquens, ut mauris plaisant, un railleur.

17. *Decipit, etc.* Exemplar aliquod, in quo sunt vitia, quæ quis imitari possit, eum in fraudem inducit, non virtutes imitantem.

- Pallerem casu, biberent exsangue cuminum.
O imitatores, servum pecus, ut mihi sæpe
- 20 Bilem, sæpe jocus vestri movere tumultus!
Liberam per vacuum posui vestigia princeps,
Non aliena meo pressi pede. Qui sibi fidit,
Dux regit examen. Parios ego primus iambos
Ostendi Latio, numeros animosque secutus
- 25 Archilochi, non res, et agentia verba Lycamben.
Ac, ne me foliis ideo brevioribus ornes,
Quod timui mutare modos, et carminis artem,
Temperat Archilochi musam pede mascula Sappho,
Temperat Alcæus: sed rebus, et ordine dispar;
- 30 Nec socerum quærit, quem versibus oblinat atris:
Nec sponsæ laqueum famoso carmine nectit.
Hunc ego non alio dictum prius ore, Latinis
Vulgavi fidicen. Juvat immemorata ferentem
Ingenuis oculisque legi, manibusque teneri.
- 35 Scire velis, mea cur ingratus opuscula lector
Laudet, ametque domi, premat extra limen iniquus?
Non ego ventosæ plebis suffragia venor
Impensis cœnarum, et tritæ munere vestis.
Non ego, nobilium scriptorum auditor et ultor,
- 40 Grammaticas ambire tribus et pulpita dignor.

18. *Casu*. Non dedita opera, sed sortio. — *Biberent*. Mei imitatores. — *Cuminum*. Herba quædam est, cujus succus facit exsangues et pallidos. *Du cumin*.

19. *Servum pecus*. Qui servilem in modum alios sequimini.

20. *Bilem*. Stomachum, iram. — *Tumultus*. Vestra trepidatio, contentio.

21. *Vacuum*. Locum subaudi; per campos nullius adhuc pede tactos. — *Princeps*. Primus.

22. *Regit examen*. Non dubitavit se aliorum ducem profiteri. Metaph. ab apibus ducta. — *Parios*. Inventos primum in Græcia ab Archilochi nato in insula Paro: est ea in Egeæ mari.

23. *Animos*. Poeticos spiritus.

24. *Res*. Argumenta quæ tractavit Archilochus. — *Agentia*. Adigentia ad laqueum. Vide lib. epod. od. 7.

25. *Foliis brevioribus*. Minore corona: ne me parcius laudandum putes.

26. *Timui*. Nolui. — *Modos*. Pedes versus iambici.

27. *Temperat, etc.* Ita scripsi versus iambicos exemplo Archilochi, ut eos temperaverim admixtis versibus sapphicis et alcaicis. — *Mascula*. Fortis et virilis animi, carminisque.

28. *Sed rebus, etc.* Sed Alcæus meus, id est, versus alcaici a me scripti, dissimiles sunt versibus Archilochi, quod spectat materiam et rerum dispositionem.

29. *Nec socerum*. Ut Archilochus Lycamben. — *Oblinat*. Dedecoret.

30. *Sponsæ, etc.* Nec adigit sponsam (ut Archilochus Neobulen) nectere sibi laqueum et se suspendere, furentem ob famosum carmen in se scriptum.

31. *Hunc*. Iambicum versum.

32. *Fidicen*. Poeta lyricus. — *Immemorata, etc.* Canentem versus non antea dictos a quoquam et memoratos.

33. *Ingenuis oculis*. Hominum cultiorum oculis.

34. *Premat*. Vituperet foris, extra suam domum.

35. *Ventosæ*. Inconstantiæ.

36. *Impensis cœnarum*. Pecuniam cœnis impendendo.

37. *Ultor*. Defensor.

38. *Tribus*. Proprie erant populi romani partes 35, quas candidati ambiebant, ad captanda suffragia. Hinc per metaphoram dicit *grammaticas tribus* pro grammaticorum collegia. — *Pulpita*. Ludos litterarios.

Hinc illæ lacrimæ. « Spissis indigna theatris
Scripta pudet recitare, et nugis addere pondus, »
Si dixi : « Rides, ait; et Jovis auribus ista
Servas : fidis enim manare poetica mella
45 Te solum, tibi pulcher. » Ad hæc ego naribus uti
Formido; et, luctantis acuto ne secer ungui :
« Displicet iste locus, » clamo, et diludia posco.
Ludus enim genuit trepidum certamen, et iram;
Ira truces inimicitias et funebre bellum.

41. *Lacrimæ.* Hinc fila grammaticorum invidia et indignatio. — *Spissis, etc.* Ordo est : si dixi : Pudet me recitare mea carmina, quippe indigna quæ recitentur in theatro coram frequenti corona, etc.

43. *Ait.* Scilicet aliquis e tribu grammatica. — *Jovis.* Id est, Augusti.

44. *Fidis.* Confidis, tibi persuades. — *Manare.* Edere, effundere : active hic ponitur.

45. *Tibi pulcher.* Tuo judicio poeta

bonus. Suum enim cuique pulchrum. — *Naribus uti.* Irridere hominem, qui hæc mihi dicit, parco.

47. *Diludia.* Erant dies quidam gladiatoribus dari soliti, ut ab ludo et certamine gladiatorio vacarent, viresque otio reficerent.

48. *Ludus, etc.* Ex ludicra contentione rixa sæpe gravior oritur, e rixa, ira, etc.

49. *Funebre.* Funestum.

EPISTOLA XX.

Ad librum suum.

Librum ipse suum exire cupientem compellat, et quædam lectoribus resonanda mandat.

Vertumnum Janumque, liber, spectare videris :
Scilicet ut prostes Sosiorum pumice mundus :
Odisti claves, et grata sigilla pudico :
Paucis ostendi gemis, et communia laudas,
5 Non ita nutritus. Fuge, quo discedere gestis :
Non erit emissio reditus tibi. « Quid miser egi ?
Quid volui ? » dices; ubi quis te læserit. Et scis
In breve te cogi, plenus quum languet amator.

1. *Vertumnus, etc.* Erat Vertumni templum et statua, ut etiam Jani, prope forum Romanum; qui locus ob hominum frequentiam quum celebraretur, ibi suas tabernas et pilas bibliopolæ habebant.

2. *Prostes.* Venalis exponere. — *Sosiorum.* Sosii erant bibliopolæ tum inclyti. — *Pumice.* Chartam pollebant pumice, et complanabant, maxime membranam.

3. *Claves et sigilla.* Id est, capsulas obseratas et sigillatas in quibus scripta ab auctore servabantur. — *Pudico.* Quæ verecundis libris placent.

4. *Communia.* Publica, scilicet ut legaris ab omnibus.

5. *Non ita, etc.* Quamvis non ita fueris apud me educatus et institutus : sum enim paucorum hominum.

8. *In breve te cogi.* Complicavi et

- Quod si non odio peccantis desipit augur,
 10 Carus erit Romæ, donec te deserat ætas.
 Contrectatus ubi manibus sordescere vulgi
 Cœperis, aut tineas pasces taciturnus inertes,
 Aut fugies Uticam, aut unctus mitteris Ilerdam.
 Ridebit monitor non exauditus; ut ille
 15 Qui male parentem in rupes protrusit asellum
 Iratus. Quis enim invitum servare laboret?
 Hoc quoque te manet, ut pueros elementa docentem
 Occupet extremis in vicis balba senectus.
 Quum tibi sol tepidus plures admoverit aures,
 20 Me libertino natum patre, et in tenui re
 Majores pennas nido extendisse loqueris:
 Ut, quantum generi demas, virtutibus addas.
 Me primis urbis belli placuisse domique,
 Corporis exigui, præcanum, solibus aptum,
 25 Irasci celerem, tamen ut placibilis essem.
 Forte meum si quis te percontabitur ævum,
 Me quater undenos sciat implevisse decembres,
 Collegam Lepidum quo duxit Lollius anno.

convolvi. — *Plenus*. Tui fastidiosus lector, tui satur.

9. *Quod si, etc.* Quod si ego, qui tibi peccanti, ut augur, futura mala denuntio, non desipio, id est, non fallor odio tui qui peccas graviter, quum exire gestis.

10. *Ætas*. Juventus: donec eris novus et recens.

12. *Tineas pasces*. Eris præda et esca tinearum, ut rebus neglectis evenit. — *Taciturnus*. Quia nemo te leget; cum libris quasi colloquimur.

13. *Fugies*. Mitteris Uticam, Africæ urbem. — *Unctus*. Involucrum pingulum mercium fies. Legitur etiam unctus, id est, ad fascem aliquem tegendum adhibebris. — *Ilerdam*. Urbs est Hispaniæ.

14. *Monitor*. Ego qui te jam admoneo.

15. *Male parentem*. Ire quo jubebatur, et obedire nolentem.

17. *Te manet*. Tibi est eventurum. — *Elementa*. Litteras.

18. *Occupet, etc.* Ut senes balbi te occupent, et in aliquo ludo litterario doceas pueros elementa. Alii autem in-

telligunt, donec senectus te opprimat. — *Extremis in vicis*. Ubi scholæ ignobiles et magistri.

19. *Sol tepidus*. His horis, quibus solis calor est mittor; die in occasum inclinate. — *Aures*. Auditores, pueros litteras discentes, vel alios qui audire te velint.

20. *Libertino*. Filio liberti: libertas est servus donatus libertate.

21. *Majores, etc.* Ultra nidum pennas protulisse: longius a nido evolasse.

22. *Ut, quantum, etc.* Itaque compensabis generis mei ignobilitatem, eruditionis et virtutis meæ commendatione.

23. *Primis, etc.* Viris clarissimis in bello et pace, ut Augusto, Mæcenati, etc., probatum fuisse.

24. *Præcanum*. Canos ante tempus crines gerentem. — *Solibus aptum*. Libenter apricari, hoc est, ad solem consistere solitum.

27. *Quater undenos*. Annos 44 natum fuisse, consulibus Lollio et Lepido, qui annus incidit in ann. U. C. 733.

28. *Quo Lollius anno*. Anno quo Marcus Lollius accepit collegam et socium consulatus Q. Æmiliū Lepidum.

LIBER SECUNDUS.

EPISTOLA I.

Ad Augustum.

Ab Augusti laudibus, cui scribit hanc epistolam, ad laudes poetarum delabitur : ait recentiores nihil concedere veteribus : Græcos præluxisse Romanis : horum quædam peccata perstringit : ad extremum hortatur Augustum, ut eos fovere ac tæsti pergat, maxime præstantiores, qui res ipsius præclare gestas possint scribere pro dignitate.

Quum tot sustineas et tanta negotia solus,
Res italas armis tuteris, moribus ornes,
Legibus emendes, in publica commoda peccem,
Si longo sermone morer tua tempora, Cæsar.

5 Romulus, et Liber pater, et cum Castore Pollux,
Post ingentia facta, deorum in templa recepti,
Dum terras hominumque colunt genus, aspera bella
Componunt, agros assignant, oppida condunt,
Ploravere suis non respondere favorem

10 Speratum meritis. Diram qui contudit hydram,
Notaque fatali portenta labore subegit,
Comperit invidiam supremo fine domari.
Urit enim fulgore suo, qui prægravat artes
Infra se positas : extinctus amabitur idem.

15 Præsenti tibi maturos largimur honores,
Jurandasque tuum per nomen ponimus aras,
Nil oriturum alias, nil ortum tale fatentes.
Sed tuus hic populus, sapiens et justus in uno,

4. *Morer, etc.* Te occupatum distineam.

5. *Liber.* Bacchus, ita dictus, quia curis animum liberat.

7. *Colunt.* Excolunt, ornant, tuentur.

8. *Componunt.* Finiunt. — *Assignant.* Colendos.

9. *Favorem.* Famam, gloriam.

10. *Qui.* Hercules.

11. *Portenta.* Monstra. — *Fatali.* Jupiter edixerat, ut, si prius nasceretur Eurystheus, rex Mycenarum, quam Hercules, imperaret Herculi pro arbitrio; fecit Juno, ut prior Eurystheus in lucem ederetur.

12. *Fine.* Morte. Illi mortuo invideri decessum est.

13. *Urit, etc.* Ordo est : qui enim prægravat, id est, deprimit artes infra se positas, id est, artifices inferiores, deteriores, illos suo splendore, nominis sui fama urit, id est, male habet, cruciat, accendit ad invidiam.

15. *Præsenti, etc.* Viventi, superstiti. — *Maturos.* Tempestivos in vita.

16. *Jurandas, etc.* Exstruimus aras ad quas per tuum nomen juremus. *Aram ponere* et per ejus cui posita sit, nomen jurare, deorum immortalium honor est : is Augusto viventis delatus est a Romanis.

17. *Nil.* Nullum talem qualis tu es.

18. *Tuus.* Romanus. — *In uno.* In ea re una, quod te romanis et græcis ducibus anteferat.

- Te nostris ducibus, te Graiis anteferendo,
 20 Cetera nequaquam simili ratione, modoque
 Æstimat; et, nisi quæ terris semota, suisque
 Temporibus defuncta videt, fastidit et odit;
 Sic fautor veterum, ut tabulas peccare vetantes,
 Quas bis quinque viri sanxerunt, fœdera regum,
 25 Vel Gabiis, vel cum rigidis æquata Sabinis,
 Pontificum libros, annosa volumina vatum,
 Dictitet Albano Musas in monte locutas.
 Si, quia Græcorum sunt antiquissima quæque
 Scripta vel optima, romani pensantur eadem
 30 Scriptores trutina, non est quod multa loquamur:
 Nil intra est oleam, nil extra est in nuce duri.
 Venimus ad summum fortunæ; pingimus, atque
 Psallimus, et luctamur Achivis doctius unctis.
 Si meliora dies, ut vina, poemata reddit,
 35 Scire velim pretium chartis quotus arroget annus.
 Scriptor abhinc annos centum qui decidit, inter
 Perfectos, veteresque referri debet, an inter
 Viles, atque novos? excludat jurgia finis. —
 Est vetus atque probus, centum qui perficit annos. —
 40 Quid? qui deperiit minor uno mense, vel anno,
 Inter quos referendus erit? veteresne poetas,

21. *Terris semota.* Mortua, et sua ætate perfuncta.

23. *Sic, etc.* Ita veteribus omnibus poetis oratoribusque favens, ut dictitet Musas ipsas composuisse et pronuntiasse duodecim tabulas, etc. Quæ a Musis sunt, ea perfecta esse putantur et omnibus numeris absoluta. — *Tabulas.* Leges Romanorum in duodecim tabulis scriptas. — *Peccare vetantes.* Proponendo pœnas peccantibus.

24. *Sanxerunt.* Observandas esse a populo romano decreverunt; auctoritate sua ratas esse jusserunt.

25. *Vel Gabiis, etc.* Regum romanorum fœdera æquata, id est, ex æquo constituta et composita vel cum Gabiis a Tarquinio Superbo, vel cum Sabinis a Romulo. Gabii populi erant et urbs Italiæ non procul Roma in Latio. — *Rigidis.* Severis, parcis, frugi.

26. *Libros.* Qui artem sacrificandi, ritus augurales, continent. — *Annosa volumina vatum.* Carmina sibyllina et alla antiquitus a vatibus edita.

27. *Albano monte.* Erat ille in Italia prope Albam, quasi fuisset ille Italiæ Parnassus, et eo Musæ, relictis Græciæ montibus, secessissent.

28. *Si, quia, etc.* Si romani scri-

ptores eadem pensantur trutina, eodem modo æstimantur, atque Græci, apud quos vel optima, id est, longe optima sunt ea scripta, quæ sunt antiquissima; non est cur pluribus disputemus.

30. *Trutina.* Libra.

31. *Nil intra, etc.* Proverbii genus quod in eos cadit, qui aut negant quæ perspicue vera sunt, aut alunt quæ perspicue sunt falsa.

33. *Unctis.* Athletæ corpus suum oleo ungebant ad vires firmandas, et habiles artus faciendos; vel etiam ut æmulis pugilibus facilius elaberentur; nudi enim pugnabant.

34. *Dies.* Diuturnitas, vetustas.

35. *Arroget.* Acquirat, vindicet.

36. *Decidit.* Oblit centum abhinc annis.

38. *Excludat, etc.* Statnamus aliquem finem ac terminum, certum nempe annorum numerum, qui lites finiat.

39. *Est vetus.* Responsio est alicujus censoris et critici quem interrogare flagitur Horatius.

40. *Qui deperiit minor, etc.* Sensus est: si cui ad hunc annorum numerum mensis unus, aut etiam annus defuerit.

An quos et præsens et postera respuet ætas? —
Iste quidem veteres inter ponetur honeste,
Qui vel mense brevi vel toto est junior anno. —

- 45 Utor permissio, caudæque pilos ut equinæ
Paulatim vello, et demo unum, demo etiam unum;
Dum cadat, elusus ratione ruentis acervi;
Qui redit ad fastos, et virtutem æstimat annis,
Miraturque nihil, nisi quod Libitina sacravit.
- 50 Ennius, et sapiens, et fortis, et alter Homerus,
Ut critici dicunt, leviter curare videtur,
Quo promissa cadant et somnia pythagorea.
Nævius in manibus non est, et mentibus hæret
Pæne recens: adeo sanctum est vetus omne poema!
- 55 Ambigitur quoties, uter utro sit prior, aufert
Pacuvius docti famam senis, Accius alti;
Dicitur Afrani toga convenisse Menandro;
Plautus ad exemplar Siculi properare Epicharmi;
Vincere Cæcilius gravitate, Terentius arte.
- 60 Hos ediscit, et hos arcto stipata theatro
Spectat Roma potens; habet hos numeratque poetas

43. *Iste quidem.* Verba censoris.

45. *Permissio.* Permittis unum mensem, aut annum demere, idque nihil referre ais; accipio quod das, et vello paulatim ac demo unum, item unum, et alios deinceps, ut si ex equina cauda pilos evellerem: donec acervus ille, id est, numerus centum annorum, definitus ad bonitatem poematis, exhaustus ac ruat, ut ille eludatur, id est, falsitatis coarguatur, qui ad vetustatem annorum in fastis notari solitorum recurrit, etc. *Fasti* erant libri in quibus notabantur nomina consulum initio cuiusque anni præfixa, et alla quæ toto deinde anno gererentur.

49. *Libitina sacravit.* Mors sacram et inviolabile fecit.

50. *Ennius, etc.* Sententia est: non tanti faciendum esse Ennium, quem tamen critici fortem, sapientem et Homerum esse alterum affirmant. — *Sapiens.* Doctus. — *Fortis.* Altiori spiritu exurgens.

51. *Critici.* Ita vocantur grammatici qui de scriptoribus et scriptis judicant. *Leviter curare.* Securus esse de laude sua.

52. *Somnia pythagorea.* Ennius, ex Pythagoræ doctrina, fingit, in primo libro *Annalium*, animam Homeri suum corpus intrare, et sibi eandem famæ immortalitatem proficetur.

54. *Nævius.* Poeta vetus latinus qui vixit circa an. U. C. 520.

55. *Ambigitur, etc.* Ostendit quanto in honore essent veteres poetas. — *Aufert.* Obtinet.

56. *Pacuvius.* Enni Nepos: tragœdias scripsit non inconcinne, ut erant tempora. — *Alti.* Gravis, elati in scribendo. — *Accius.* Tragœdiarum scriptor; inter ejus fabulas insignis ea fuit cui nomen *Atreus*.

57. *Afrani toga.* Quia togatas comœdias scripsit: ita vocabantur illæ quarum erat argumentum latinum et personæ palliatæ vero dicebantur quarum argumentum et personæ e Græcis erant sumptæ. — *Convenisse Menandro.* Id est, scripsit comœdias non indignas Menandro, poeta græco celeberrimo.

58. *Plautus.* Vetus poeta comicus apud Latinos. — *Properare ad exemplar.* Prope assequi. — *Epicharmi.* Fuit ille poeta græcus, Syracusanus.

59. *Cæcilius.* Poeta comicus, Mediolanensis, æqualis fere Terentii: vixit uterque circa annum ab U. C. 590. — *Vincere.* Primas tenere. — *Gravitate.* Pondere sententiarum movendis affectibus.

60. *Arcto.* Quia pleno, ob multitudinem spectantium.

61. *Spectat.* Fabulas ab illis compositas, et in theatro exhibitas.

- Ad nostrum tempus Livi scriptoris ab ævo.
Interdum vulgus rectum videt; est ubi peccat.
Si veteres ita miratur laudatque poetas,
65 Ut nihil anteferat, nihil illis comparet, errat.
Si quædam nimis antique, si pleraque dure
Dicere credit eos, ignave multa fatetur;
Et sapit, et mecum facit, et Jove judicat æquo.
Non equidem insector, delendaque carmina Livi
70 Esse reor, memini quæ plagosum mihi parvo
Orbiliun dictare; sed emendata videri,
Pulchraque, et exactis minimum distantia, miror.
Inter quæ verbum emicuit si forte decorum, et
Si versus paulo concinnior unus et alter,
75 Injuste totum ducit, venditque poema.
Indignor quidquam reprehendi, non quia crasse
Compositum illepidè putetur, sed quia nuper;
Nec veniam antiquis, sed honorem, et præmia posci.
Recte necne crocum floresque perambulet Attæ
80 Fabula, si dubitem, clament periisse pudorem
Cuncti pæne patres, ea quum reprehendere coner
Quæ gravis Æsopus, quæ doctus Roscius egit:
Vel quia nil rectum, nisi quod placuit sibi, ducunt;
Vel quia turpe putant parere minoribus; et, quæ
85 Imberbes didicere, senes perdenda fateri.
Jam saliare Numæ carmen qui laudat, et illud

62. *Livi.* Livius Andronicus primus Romæ fabulam docuit, id est, exhibuit comœdiam, anno antequam Ennius nasceretur, ab U. C. 514.

63. *Videt.* Judicat. — *Est ubi peccat.* Interdum errat.

66. *Antique.* Obsolete.

67. *Ignave.* Humiliter, negligenter. — *Fatetur.* Ordo est: si fatetur populus eos multa ignave dicere.

68. *Sapit.* Recte judicat. — *Mecum facit.* Item sentit ac ego. — *Æquo.* Probante.

69. *Non equidem, etc.* Neque vero hæc eo dico, quod insectari dedita opera et carpere velim carmina Livii Andronici.

70. *Plagosum.* Pueros erudiendos sibi traditos acerbè tractantem, in plagis infligendis multum et immitem.

71. *Orbiliun.* Horatii præceptorem: Horatius meminerat plagarum quas puer acceperat.

72. *Inter quæ.* Quibus in Livii carminibus.

75. *Ducit.* Producit, ostentat. — *Ven-*

dit. Vendit; laudat: qui merces aliis vendunt, eas vulgo laudant.

76. *Indignor.* Equo animo ferre non possum. — *Crasse.* Inelegantè.

79. *Recte, etc.* Si ego dubitare me dicam, an comœdia quædam ab J. Quintio Atta veteri poeta scripta mereatur necne in theatro recitari, quod croco sit conspersum et floribus; statim senes omnes clamabunt me esse impudentissimum, etc. — *Attæ.* Is eam ob rem ita vocatus fuerat, quod esset *atta*, id est, villosis pedibus, et quod extremis insistens plantis ambularet: hoc enim ea vox sonat, ad quam alludit Horatius hoc verbo, *perambulet*.

82. *Æsopus, Roscius.* Actores nobilissimi.

83. *Ducunt.* Existimant, nempe senes.

84. *Minoribus.* Junioribus concedere, quos se inferiores putant, et fateri ea esse perdenda, quæ olim didicerant, quum essent imberbes.

86. *Saliare carmen.* Quod Salii, Martis sacerdotes a Numa Pompilio instituti, saliendo cantabant, vetus erat cantilena et obsoleta.

- Quod mecum ignorat, solus vult scire videri;
 Ingeniis non ille favet, plauditque sepultis;
 Nostra sed impugnat, nos, nostraque lividus odit.
- 90 Quod si tam Græcis novitas invisa fuisset,
 Quam nobis, quid nunc esset vetus? aut quid haberet,
 Quod legeret, tereretque viritum publicus usus?
 Ut primum positis nugari Græcia bellis
 Cœpit, et in vitium fortuna labier æqua,
- 95 Nunc athletarum studiis, nunc arsit equorum;
 Marmoris, aut eboris fabros, aut æris amavit;
 Suspendit picta vultum mentemque tabella;
 Nunc tibicinibus, nunc est gavisus tragœdis:
 Sub nutrice puella velut si luderet infans,
- 100 Quod cupide petiit, mature plena reliquit.
 Quid placet aut odio est, quod non mutabile credas?
 Hoc paces habuere bonæ, ventique secundi.
 Romæ dulce diu fuit et solenne, reclusa
 Mane domo vigilare, clienti promere jura,
- 105 Cautos nominibus certis expendere nummos,
 Majores audire, minori dicere, per quæ
 Crescere res posset, minui damnosa libido.
 Mutavit mentem populus levis, et calet uno
 Scribendi studio: pueri, patresque severi
- 110 Fronde comas vincti cœnant, et carmina dictant.
 Ipse ego, qui nullos me affirmo scribere versus,
 Invenior Parthis mendacior; et, prius orto

87. *Quod, etc.* Quod æque ac ego, nescit: erat enim valde obscurum.

88. *Sepultis.* Hominibus ingeniosis mortuis: non id facit ut suam veteribus dignitatem et famam asserat, sed quia recentioribus invidet.

89. *Lividus.* Nobis invidus.

92. *Tereretque, etc.* Quod, dum legitur publice a singulis, usu ipso celebraretur ac tereretur.

93. *Nugari.* Levioribus artibus operam dare, ut picturæ statuarum, etc. Unde orta sit poesis, quam Romæ frequens, quam utilis, docere incipit.

94. *Vitium.* Otium, luxum. — *Æqua.* Prospera.

95. *Nunc, etc.* Delectata est gladiatorum spectaculis, curulibus certaminibus.

97. *Suspendit.* Adspexit et mirata est suspensis oculis et animis.

99. *Sub nutrice, etc.* Instar puellæ infantis, quæ ludo indulgens, mox satia relinquere solet quod vehementer petierat.

102. *Hoc.* Varietatem illarum levio-

rum artium. — *Bonæ.* Salutares. — *Venti secundi.* Prospera fortuna.

103. *Reclusa.* Aperta.

104. *Promere.* Explicare. De clientibus et patronis alias dictum.

105. *Cautos.* Datos fidis debitoribus, et certa cautione accepta. — *Nominibus.* Ex eo quod fœneratores eorum quibus pecunias credebant, nomina referrent in argentario tabulas, et in suos libros, factum est ut nominis appellatio ad omnem pactionem et contractum pertineret.

106. *Majores.* Seniores. — *Minori.* Junioribus; eos præceptis utilibus instituere.

107. *Res.* Subaudi familiaris; opes.

108. *Calet.* Flagrat cupiditate scribendi.

110. *Fronde.* Hedera, vel lauro, unde fiebant poetis coronæ.

112. *Parthis.* Sæpe fidem Romanis datam fręerant, ut Crassus et Antonius experti fuerat: iidem tum acerrime pugnabant, quum fugam maxime simu-

- Sole, vigil calamum, et chartas, et scrinia posco.
 Navem agere ignarus navis timet: abrotonum ægro
 115 Non audet, nisi qui didicit, dare; quod medicorum est,
 Promittunt medici; tractant fabrilla fabri:
 Scribimus indocti doctique poemata passim.
 Hic error tamen, et levis hæc insania, quantas
 Virtutes habeat, sic collige: vatis avarus
 120 Non temere est animus; versus amat, hoc studet unum:
 Detrimenda, fugas servorum, incendia ridet;
 Non fraudem socio, puerove incogitat ullam
 Pupillo; vivit siliquis et pane secundo;
 Militiæ quamquam piger et malus, utilis urbi,
 125 Si das hoc, parvis quoque rebus magna juvari:
 Os tenerum pueri, balbumque poeta figurat;
 Torquet ab obscenis jam nunc sermonibus aurem;
 Mox etiam pectus præceptis format amicis,
 Asperitatis et invidiæ corrector, et iræ;
 130 Recte facta refert; orientia tempora notis
 Instruit exemplis; inopem solatur et ægrum.
 Castis cum pueris ignara puella mariti
 Disceret unde preces, vatem ni Musa dedisset?
 Poscit opem chorus, et præsentia numina sentit;
 135 Cœlestes implorat aquas docta prece blandus,
 Avertit morbos, metuenda pericula pellit;
 Impetrat et pacem, et locupletem frugibus annum.
 Carmine di superi placantur, carmine Manes.

larent. — *Prius*, etc. Ante solem ortum.

113. *Scrinia*. Capsulam, loculos, ubi libri reponerentur et res ad scribendum necessariae.

114. *Navis*. Navigationis, artis nauticæ. — *Abrotonum*. Herba est medica: de *Faurone*. Pro quolibet pharmaco ponitur.

119. *Virtutes*. Commoda. — *Sic collige*. Ex sequentibus argumentare.

120. *Non temere*. Non facile, non vulgo.

121. *Ridet*. Pro nihilo putat, parvi facit.

122. *Incogitat*. Machinatur.

123. *Siliquis*. Leguminibus. Siliquæ propriæ sunt olerum involucria et folliculi, *la gousse des légumes*. — *Secundo*. Cibario crassiori, cui admixtum fursur: farinæ flos, ab omni fursure purgatus, siligo, vel similago, et pollen dicitur.

124. *Utilis*. Licet ad militiam parum sit idoneus, quia segnis et timidus est, idem tamen est civitati utilis.

125. *Si das*. Si concedis res parvas esse adjumento maximis. — *Magna*. Rel-

publicæ administrationem et decus e rebus parvis efflorescere.

126. *Os*. Vocem et pronuntiationem format fingitque.

127. *Torquet*. Detorquet, avocat. — *Jam nunc*. Jam in tenera ætate.

128. *Amicis*. Utilibus et honestis.

129. *Asperitatis*. Feritatis, incultioris et asperioris vitæ.

130. *Recte*, etc. Res a summis viris bene fortiterque gestas narrat. — *Orientia*. Præsentia et nascentia tempora docet instruitque præteritis exemplis, quæ notoria sunt.

133. *Vatem*. Poetam.

134. *Chorus*. Intelligit turbam puerorum ac puellarum, quæ in publicis calamitatibus, item post exactum seculum et per urbem et in templa procedebat certos hymnos concinens, etc. — *Sentit*. Exorat deos, ac faventes illos experitur.

135. *Cœlestes aquas*. Pluvias, quæ decidunt e cœlo, seu ex aere. — *Docta prece*. Scilicet, et e sacrorum ritibus composita.

138. *Manes*. Dii inferorum, mortuorum animæ.

- Agricolæ prisci, fortes, parvoque beati,
 140 Condita post frumenta, levantes tempore festo
 Corpus, et ipsum animum spe finis dura ferentem,
 Cum sociis operum, pueris, et conjuge fida,
 Tellurem porco, Silvanum lacte piabant,
 Floribus et vino Genium memorem brevis ævi.
 145 Fescennina per hunc iuventa licentia morem
 Versibus alternis opprobria rustica fudit,
 Libertasque recurrentes accepta per annos
 Lusit amabiliter; donec jam sævus apertam
 In rabiem verti cœpit jocus, et per honestas
 150 Ire domos impune minax. Doluere cruento
 Dente lacessiti; fuit intactis quoque cura
 Conditione super communi: quin etiam lex,
 Pœnaque lata, malo quæ nollet carmine quemquam
 Describi. Vertere modum, formidine fustis,
 155 Ad bene dicendum, delectandumque redacti.
 Græcia capta ferum victorem cepit, et artes
 Intulit agresti Latio: sic horridus ille
 Defluxit numerus saturnius, et grave virus
 Munditiæ pepulere: sed in longum tamen ævum
 160 Manserunt, hodieque manent vestigia ruris.
 Serus enim græcis admovit acumina chartis,

139. *Beati.* Contenti.

140. *Condita.* Collecta. percepta post messem. — *Levantes.* Recreantes.

141. *Dura.* Labores agriculturæ.

142. *Porco.* Sic, quæ telluri immolabatur; sus enim fecunditate sua terræ ubertatem adumbrat. — *Silvanum.* Silvarum et pastorum deum. — *Piabant.* Pium et propitium reddebant; explabant et luebant hoc sacrificio, si quid in eum peccatum foret.

144. *Genium.* Genius apud veteres erat deus vitæ singulorum præses, qui cum ipsis gigneretur una et moreretur.

145. *Per hunc, etc.* Ex ea rusticorum consuetudine, qui post messem operam soluti genio indulgebant, orta est licentia et libertas dicendi alterno carmine convicia quædam rustica, quotannis certo tempore recurrentes. Vocatur hæc licentia *Fescennina* ab Fescennia, oppido Etruriæ, unde ista rustica convicia sunt allata.

147. *Recurrentes per annos.* Scilicet quotannis. — *Accepta.* Jucunda.

148. *Sævus jocus.* Acerba maledicendi cupiditas.

150. *Cruento dente.* Malediculis carminibus.

151. *Intactis.* Non lacessitis cura fuit commune periculum avertere.

153. *Malo.* Maledico, famoso.

154. *Vertere modum.* Rationem scribendi mutare, *ils changèrent de style, de ton.* — *Formidine fustis.* — Quo scilicet cæsi fuissent usque ad necem. Ea pœna fustuarium dicebatur et in duodecim tabulis scribebatur.

155. *Ad bene, etc.* Qui maledicere antea solebant.

156. *Victorem.* Romanos *feros* vocat, id est, indoctos adhuc et bonarum litterarum rudes. — *Cepit.* Vicit litterarum voluptate.

157. *Sic, etc.* Cœpit obsolescere ac vilesceere poesis illa inculta, versus et numeri impoliti qui olim, regnante in Italia Saturno, floruerant. Et sermo mundus elegansque expulit gravem, virulentum et barbarum qui hactenus viguerat. *Virus,* idem ac venenum, ponitur pro quolibet odore gravi, qualibet asperitate et pravitate.

158. *Saturnius.* Qui, Saturno regnante, in Italia vigeat.

160. *Ruris.* Rusticæ poësis et incultæ.

161. *Serus enim, etc.* Sero populus romanus intendit animum, adhibuit ingenii faugitates Græcorum scriptis.

- Et post punica bella quietus, quærere cœpit
 Quid Sophocles, et Thespis, et Æschylus utile ferrent.
 Tentavit quoque, rem si digne vertere posset;
 165 Et placuit sibi, natura sublimis et acer.
 Nam spirat tragicum satis, et feliciter audet;
 Sed turpem putat inscite, metuitque lituram.
 Creditur, ex medio quia res arcessit, habere
 Sudoris minimum; sed habet comœdia tanto
 170 Plus oneris, quanto veniæ minus. Adspice, Plautus
 Quo pacto partes tutetur amantis ephebi;
 Ut patris attenti, lenonis ut insidiosi;
 Quantus sit Dossennus edacibus in parasitis
 Quam non adstricto percurrat pulpita socco.
 175 Gestit enim nummum in loculos demittere; post hoc
 Securus cadat, an recto stet fabula talo.
 Quem tulit ad scenam ventoso gloria curru
 Exanimat lentus spectator, sedulus inflat.
 Sic leve, sic parvum est, animum quod laudis avarum
 180 Subruit aut reficit. Valeat res ludicra, si me
 Palma negata macrum, donata reducit opimum.
 Sæpe etiam audacem fugat hoc terretque poetam,
 Quod numero plures, virtute et honore minores,

162. *Punica bella*. Quæ contra Pœnos, id est, Carthaginienses, gesta sunt bella, tria numerantur.—*Quietus*. Pace fruens.

163. *Sophocles*. Fuit scriptor tragicarum græcarum, ut Thespis et Æschylus.

164. *Rem*. Græcos versus in latinum sermonem.

166. *Spirat, etc.* Spiritus tragicos habet, res tragicas commode cogitat effertque, multa feliciter invenit ac ingeniose, sed erubescit scripta sua emendare; inducere ac delere timet, quæ semel exaravit.

168. *Creditur, etc.* Ordo est: creditur comœdia minimum habere difficultatis ac laboris, quia res, id est, sua argumenta sumit e medio, id est e communi et quotidiana vita.

171. *Quo pacto*. Scilicet quam male.—*Ephebi*. Adolescentis.—*Partes tutetur*. Id est, personam exhibeat, mores effingat.

172. *Attenti*. Avari.

173. *Quantus*. Ironice dictum.—*Dossennus*. Poeta, quem Horatius culpæ videtur, quod tantum parasitis in scenam proferat.

174. *Quam non, etc.* Quam laxo et dissoluto socco theatrum perambulet. Vestis non adstricta, discincta, temere suens, indicium est hominis negligens-

tis: *soccus* erat cruris indumentum, sive calceus humilior, quo utebantur actores comœdiarum: *cothurnus*, grandior et sublimior, quo tragicarum: *pulpitum*, locus editior in theatro, ubi symphoniaci versabantur: pro toto theatro sumitur.

175. *Gestit, etc.* Iste Dossennus poeta comicus id unum studet, ut lucrum faciat; sollicitus non est an cadat, an stet, id est, utrum probetur sua comœdia, an explodatur.

176. *Recto talo*. Firmo quasi pede. Si enim talum invertatur, hominem subverti et cadere necesse est.

177. *Quem tulit, etc.* Qui scribit fabulas gloriæ captandæ causa, is unum spectatorem consulit spectatque: eo laugente et fastidioso morietur: laudante ac erecto, triumphat.

179. *Avarum*. Cupidum.

180. *Reficit*. Erigit, ascendit.—*Res ludicra*. Scenica. Comœdiæ pereant omnes, etc.

181. *Opimum*. Obesum, id est, ovantem, lætum.

182. *Audacem*. Qui in scribendo felix et strenuus sit.—*Fugat*. A scribendo deterret.

183. *Quod numero, etc.* Quod ex illis qui ad spectandum conveniunt pars multo maxima, dignitate inferior, inductum

- Indocti, stolidique, et depugnare parati,
185 Si discordet eques, media inter carmina poscunt
 Aut ursum, aut pugiles: his nam plebecula gaudet.
 Verum equitis quoque jam migravit ab aure voluptas
 Omnis ad incertos oculos, et gaudia vana.
 Quattuor aut plures aulæa premuntur in horas,
190 Dum fugiunt equitum turmæ, peditumque catervæ;
 Mox trahitur manibus regum fortuna retortis;
 Esseda festinant, pilenta, petorrita, naves;
 Captivum portatur ebur, captiva Corinthus.
 Si foret in terris, rideret Democritus, seu
195 Diversum confusa genus panthera camelo,
 Sive elephas albus vulgi converteret ora.
 Spectaret populum ludis attentius ipsis,
 Ut sibi præbentem mimo spectacula plura:
 Scriptores autem narrare putaret asello
200 Fabellam surdo: nam quæ pervincere voces
 Evaluere sonum, referunt quem nostra theatra?
 Garganum mugire putes nemus, aut mare Tuscum,
 Tanto cum strepitu ludi spectantur, et artes,
 Divitiæque peregrinæ; quibus oblitus actor,
205 Quum stetit in scena, concurrat dextera lævæ.—

vulgus et stolidum, in media comœdia sæpe poscat spectaculum aliquod, et certamen ferarum aut athletarum, paratum etiam ad arma et verbera venire, si equites et nobiliores spectatores, qui sunt pauciores, discordent, id est, respuant id quod vulgus petit, malint spectare comœdiam quam ursos aut pugiles.

187. Verum, etc. Verum et ipsi quoque equites jam delectantur magis videndis spectaculis, quam audiendis comœdiis et tragœdiis.

188. Incertos. Dubios quo se vertant, ob magnam rerum contemplandarum varietatem.

189. Quattuor, etc. Id est, comœdia per horas quatuor aut plures durat: quamdiu scilicet aulæa strata jacent. — *Premuntur.* Manent depressa, demissa (ut mos, dum fabulæ agebantur). Aulæa enim apud veteres non, sicut nunc, quum ludus incipit, sursum tollebantur, sed ex summo ad imum deprimebantur.

190. Fugiunt. Dum hostes fugientes in theatro exhibentur.

192. Esseda, pilenta, petorrita. Sunt gallica et belgica vehiculorum genera, quibus in pompa triumphali capit reges reginæque, vel spolia vehebantur.

193. Portatur. Nempe in theatro ad pompam et spectaculum. — *Captivum*

ebur. Intellige variam supellectilem ex ebore factam, vel simulacrum urbis capte ex ebore factum. — *Captiva Corinthus.* Vel effigies Corinthi a Mummio expugnata, vel vasa et statua æris corinthii.

Democritus. Fuit philosophus insignis, qui ex omnibus ridendi causam captabat, ut Heraclitus fletit.

195. Diversum confusa, etc. Panthera cujus genus confunditur cum genere diverso cameli, id est, *camelopardalis, una girafe.* — Dictator Cæsar primus Romanis camelopardalem ostendit in ludis circensibus.

197. Spectaret populum, etc. Democritus attentius, quam ipsos ludos, spectaret populum, majus sibi, quam minimum aliquem, spectaculum præbentem.

201. Evaluere. Valent, possunt. — *Sonum.* Strepitum et clamores populi.

202. Garganum mugire. Est Garganus mons Apuliæ, silvoscus, ubi ventorum fremitus et arborum stridor est vehementior.

203. Artes. Opera veterum artificum, v. g. picturæ; æra.

204. Oblitus Indutus, inquinatus potius quam ornatus: oblinere quippe est luto vel fœcibus commaculare.

205. Scena. Sat. I. lib. 2. — *Concurrit, etc.* Planditur.

Dixit adhuc aliquid?—Nil sane.—Quid placet ergo?—
Lana tarentino violas imitata veneno.

- Ac ne forte putes, me, quæ facere ipse recusem,
Quum recte tractent alii, laudare maligne :
- 210 Ille per extentum funem mihi posse videtur
Ire poeta, meum qui pectus inaniter angit,
Irritat, mulcet, falsis terroribus implet,
Ut magus; et modo me Thebis, modo ponit Athenis.
Verum age, et his qui se lectori credere malunt,
- 215 Quam spectatoris fastidia ferre superbi,
Curam redde brevem, si munus Apolline dignum
Vis complere libris, et vatibus addere calcar,
Ut studio majore petant Helicon virentem.
Multa quidem nobis facimus mala sæpe poetæ
- 220 (Ut vineta egomet cædam mea): quum tibi librum
Sollicito damus, aut fesso; quum lædimur, unum
Si quis amicorum est ausus reprehendere versum,
Quum loca jam recitata revolvimus irrevocati;
Quum lamentamur, non apparere labores
- 225 Nostros, et tenui deducta poemata filo;
Quum speramus eo rem venturam, ut, simul atque
Carmina rescieris nos fingere, commodus ultro
Arcessas, et egere vetes, et scribere cogas.
Sed tamen est operæ pretium cognoscere quales

206. *Quid placet?* Cur spectatores plaudunt?

207. *Lana, etc.* Vestis purpurea violacei coloris, tincta in urbe Italiæ Tarento. Od. 23, lib. 1. — *Veneno.* Colore, succo.

208. *Ac ne, etc.* Noli arbitrari me tragicos poetas parce laudare, quia tragedias non scribo quas illi recte tractant.

210. *Ille, etc.* Poeta tragicops.

211. *Inaniter.* In argumentis fictis et nihil ad me spectantibus. — *Angit.* Movet, perturbat.

213. *Magus.* Præstigiator, qui arte magica homines ex uno loco in alium transfert. — *Thebis, Athenis.* Od. 6, lib. 1.

214. *Verum age, etc.* Quamvis tragici poetæ artem magnam et arduam profiteantur, noli, o Cæsar, illos non dignari tua cura, qui malunt odas et alia id genus carmina scribere legenda et placitura lectori placido, quam tragedias spectandas a fastidioso spectatore.

216. *Redde.* Impende: debitam illis curam tribue, brevem, ob tuas graviores occupationes. — *Munus, etc.* Biblio-

thecam a te edificatam et consecratam Apollini.

217. *Calcar.* Stimulos, animos.

218. *Helicon.* Od. 11, lib. 1.

219. *Multa mala.* Intellige ea, quæ poetæ importune, inepte et præpostere faciunt.

220. *Ut vineta, etc.* Ut ipsos quoque poetas qui lectoribus magis quam spectatoribus placere amant, vituperem: vel, ut me quoque accusem, qui agam id quod in aliis reprehendo: alienas vires cedere, hostile facinus est.

221. *Sollicito.* Occupato.

223. *Revolvimus.* Repetimus. — *Irrevocati.* Non rogati ea iterum recitare.

224. *Non apparere, etc.* Non intelligi quantum laboraverimus, quam sint delicata et subtilia, quæ scripsimus, poemata. — *Tenui filo.* Locutio ducta a tela subtiliter texta.

227. *Commodus.* Benignus, liberalis.

228. *Egere vetes.* Opibus augeas: des nummos.

229. *Sed tamen, etc.* Quamvis importuni tibi simus nos poetæ, o Cæsar, neque si quid scribimus, continuo putare debeamus fore ut nos arcessas, et

- 230 *Ædituos* habeat belli spectata domique
Virtus, indigno non committenda poetæ.
Gratus Alexandro regi magno fuit ille
Chœrilus, incultis qui versibus et male natis
Rettulit acceptos, regale nomisma, philippos.
- 235 Sed veluti tractata notam labemque remittunt
Atramenta, fere scriptores carmine fœdo
Splendida facta linunt. Idem rex ille, poema
Qui tam ridiculum, tam care prodigus emit,
Edicto vetuit, ne quis se, præter Apellem,
- 240 Pingeret, aut alius Lysippo duceret æra
Fortis Alexandri vultum simulantia. Quod si
Judicium subtile videndis artibus, illud
Ad libros, et ad hæc Musarum dona vocares,
Bœotum in crasso jurares aere natum.
- 245 At neque dedecorant tua de se judicia, atque
Munera, quæ multa dantis cum laude tulerunt,
Dilecti tibi Virgilius Variusque poetæ,
Nec magis expressi vultus per athenæa signa,
Quam per vatis opus, mores animique virorum
- 250 Clarorum apparent: nec sermones ego mallet
Repentes per humum, quam res componere gestas,
Terrarumque situs, et flumina dicere, et arces
Montibus impositas, et barbara regna, tuisque
Auspiciis totum confecta duella per orbem,
- 255 Claustraque custodem pacis cohibentia Janum,
Et formidatam Parthis, te principe, Romam;

jubeas versus facere; tamen eos non debet negligere, qui tuas res præclare domi et militiæ gestas possint conservare scribendo, ut æditui templa servant, etc.

230. *Ædituos*. *Æditui* proprie sunt curatores et custodes ædis vel templi aliqujus. Poetas Horatius ædituos vocat, quod in templo Apollinis sæpe versarentur.

234: *Rettulit*, etc. Id est, qui Chœrilus ob inculta carmina donatus est nummis Philippi effigie signatis; eos suis versibus acceptos rettulit: *acceptum* aliquid alicui *referre*, est aliquid beneficium illi debere: fateri se aliquid ab eo accepisse.

235. *Remittunt*. Allinunt manibus tangentium.

236. *Fere*. Plerumque.

237. *Linunt*. Deterunt, commaculant.

239. *Apellem*. Pictorem eximium, patria Coam; vixit Alexandri temporibus.

240. *Alius Lysippo*. Bœotiae autem in-

signis statuarius. — *Duceret*. Excuderet statuas ex ære.

241. *Quod si*. Sententia est: si comparares Alexandrum judicantem de tabulis pictis et statuis cum Alexandro judicante de versibus, diceres illum imperitum in æstimandis versibus et tam stupidum quam sunt Bœotii. Bœotiae autem incolæ tardo ingenio famosi erant.

245. *At neque*, etc. Non dedecorant tua de se judicia, imo laudi tibi et honori sunt, dum tales sunt revera, quales esse illos præclare judicasti: ornant tua munera, quia dignis fuisse collata ostendunt.

250. *Nec sermones*, etc. Ego vero non profecto mallet satiras et epistolas, ut facio, humili stylo et repenti scribere, quam tuas res gestas herolco carmine componere.

253. *Barbara regna*. Victorias de regibus et populis barbaris.

254. *Duella*. Bella finita et sublata.

255. *Claustraque*. Et portas templi Jani a te clausas.

- Si, quantum cuperem, possem quoque. Sed neque par-
Carmen majestas recipit tua; nec meus audet [vum
Rem tentare pudor, quam vires ferre recusent.
- 260 Sedulitas autem stulte, quem diligit, urget :
Præcipue quum se numeris commendat, et arte :
Discit enim citius, meminitque libentius illud
Quod quis deridet, quam quod probat et veneratur
Nil moror officium, quod me gravat; ac neque ficto
- 265 In pejus vultu proponi cereus usquam,
Nec prave factis decorari versibus opto :
Ne rubeam pingui donatus munere, et una
Cum scriptore meo, capsâ porrectus aperta,
Deferar in vicum vendentem tus et odores,
- 270 Et piper, et quidquid chartis amicitur ineptis.

257. Si quantum, etc. Si facultas et eloquentia voluntati responderet.

258. Recepit. Admittit, patitur.

260. Sedulitas, etc. Sensus est : qui, studio et amore alicujus, bene mereri de illo laborat, eum laudando, si id prave faciat, amicum urget, id est, gravat, vexat, onerat potius quam ornat.

264. Nil moror officium, etc. Non curo istam sedulitatem, quæ mihi molestâ est; ut ego non vultu depravato in cæra effingi et proponi, ita nec prave factis versibus celebrari volo.

267. Rubeam. Pudore afficiar. — Pingui. Crasso, inerudito. — Una, etc. In eodem enim libro est nomen scriptoris et ejus qui scribitur seu laudatur.

268. Capsa. Cista, arca. — Porrectus. Instar cadaveris.

269. In vicum. Scilicet Romæ. — Vendentem tus et odores. Ubi tas et odores venduntur. — Ineptis. Quæ, quia ineptias suas his chartis mandavit malas poeta, mercibus amicitandis id est involvendis inserviunt.

EPISTOLA II.

Ad Julium Florum.

Excusat se amico suo querenti, quod nec epistolam nec ea, quæ promiserat, carmina misisset, varias afferens rationes, cur in scribendis versibus negligentior sit. Addit se jam in ea ætate esse, ut cogitare potius debeat de moribus recte componendis et extirpandis cupiditatibus, quam de versibus pangendis. Finit nonnulla ad sapienter vivendum præcepta exponendo.

Flore, bono claroque fidelis amice Neroni,
Si quis forte velit puerum tibi vendere, natum
Tibure, vel Gabiis, et tecum sic agat : « Hic et

1. Flore. Ad eundem exstat epistola lib. 1 tertia. — Neroni. Claudio Tiberio Neroni, qui Augusto successit.

2. Puerum. Servum.

3. Tibure, etc. Tibur, Gabii, sunt Italicæ urbes, de quibus sæpe jam dictum. — Agat. Loquatur, paciscatur.

- Candidus, et talos a vertice pulcher ad imos,
 5 Fiet, eritque tuus nummorum millibus octo :
 Verna ministeriis ad nutus aptus heriles,
 Litterulis græcis imbutus, idoneus arti
 Cuilibet; argilla quidvis imitaberis uda.
 Quin etiam canet indoctum, sed dulce bibenti.
 10 Multa fidem promissa levant, ubi plenius æquo
 Laudat venales, qui vult extrudere, merces.
 Res urget me nulla; meo sum pauper in ære.
 Nemo hoc mangonum faceret tibi; non temere a me
 Quivis ferret idem: semel hic cessavit, et, ut sit,
 15 In scalis latuit metuens pendentis habenæ.
 Des nummos, excepta nihil te si fuga lædat: •
 Ille ferat pretium, pœnæ securus, opinor.
 Prudens emisti vitiosum; dicta tibi est lex:
 Insequeris tamen hunc, et lite moraris iniqua.
 20 Dixi me pigrum proficiscenti tibi, dixi
 Talibus officiis prope mancum, ne mea sævus
 Jurgares, ad te quod epistola nulla veniret.
 Quid tum profeci, mecum facientia jura
 Si tamen attentas? quereris super hoc etiam, quod

4. *Candidus*. Scilicet corpore. Laudat candidum corporis colorem, quia ex Æthiopia quoque servi arcescebantur.

5. *Millibus octo*. Nummos sestertios intelligit, circiter 1600 fr.

6. *Verna, etc.* Verba sunt venditoris: Est, inquit, puer iste verna, id est, servus domi meæ natus, aptus ad quodlibet ministerium obeundum heri nutu et arbitrio.

7. *Græcis*. Romani græcas litteras discabant, ut Galli linguam germanicam aut italicam, unde cariora erant mancipia quæ græce scirent.

8. *Argilla, etc.* Fingi tam facile ac flecti potest, quam argilla uda, ex qua scutilla vasa fiunt.

9. *Indoctrum*. Indocte, parum musice, ea tamen voce quæ tibi epulanti non insuavis esse videatur.

10. *Multa, etc.* Pergit venditor: Scio, inquit, iis venditoribus non facile credi, qui multa et mira de suis mercibus promittunt ac prædicant, quo facillius nimirum eas extrudant, id est, vendant, distrahant: ego non is sum, etc. — *Levant*. Mincunt, abrogant venditori: faciunt ne tam facile credatur. — *Plenius æquo*. Plus justo.

12. *Res nulla*. Nulla necessitas, non res alienum. — *Meo sum pauper in*

ære. Non quidem dives sum, sed, quod meum est, habeo.

13. *Nemo hoc mangonum, etc.* Certe non allus mango tam candide, quam ego, vitia vendendi mancipii tibi aperiret.

14. *Ferret*. Obtineret, extorqueret, nempe ut tam levi pretio mancipium ejusmodi venderem.

15. *Habenæ*. Scuticæ, lori. Metu habenæ, de peur des étrivières. — *Pendentis*. Ut haberent servi pœnam ob oculos semper positam, si quid delinquerent, in ædium scalis erant appensa lora, et scuticæ, quibus statim cederentur.

16. *Excepta*. Hunc servum affirmavit omni vitio carere præterquam quod semel fugit.

17. *Ille, etc.* Loquitur jam Horatius.

20. *Dixi, etc.* O Flore, puta me similem isti venditori: dixi tibi, me esse in scribendo pigrum, et ad hæc urbanitatis officia ineptum.

21. *Sævus*. Nimum irascens.

23. *Quid tum, etc.* Vitium tibi meum candide aperiendo. — *Jura*. Quæ quum pœnæ et objurgationis securum esse volunt, qui rei cujuspiam et contractus vitia aperit contrahenti, ementi, etc., hæc jura pro me stant, mihi favent.

24. *Attentas*. Vis labefactare, oppugnare. — *Super*. Præterea hoc queris.

Horace.

- 25 *Expectata tibi non mittam carmina mendax.*
Luculli miles collecta viatica multis
Ærumnis, lassus dum noctu stertit, ad assem
Perdiderat : post hoc vehemens lupus, et sibi et hosti
Iratus pariter, jejunis dentibus acer,
- 30 *Præsidium regale loco dejecit, ut aiunt,*
Summe munito, et multarum divite rerum.
Clarus ob id factum, donis ornatur honestis ;
Accipit et bis dena super sestertia nummum.
Fortē sub hoc tempus castellum evertere prætor
- 35 *Nescio quod cupiens, hortari cœpit eundem*
Verbis, quæ timido quoque possent addere mentem :
« I bone, quo virtus tua te vocat ; i pede fausto,
Grandia laturus meritorum præmia. Quid stas ? »
Post hæc ille catus, quantumvis rusticus : « Ibit,
- 40 *Ibit eo, quo vis, qui zonam perdidit, » inquit.*
Romæ nutriri mihi contigit, atque doceri,
Iratus Graiis quantum nocuisset Achilles.
Adjecere bonæ paulo plus artis Athenæ ;
Scilicet ut possem curvo dignoscere rectum,
- 45 *Atque inter silvas Academi quærere verum.*
Dura sed amovere loco me tempora grato,
Civilisque rudem belli tulit æstus in arma,
Cæsaris Augusti non responsura lacertis.
Unde simul primum me dimisere Philippi,

26. *Luculli.* Vixit eodem quo Cicero, Pompeius, etc., tempore : bellum cum Mithridate, Ponti in Asia rege, gessit, et cum Tigraue. — *Viatica.* Pecuniam dari solitam militibus ad iter conficiendum, et emendas res necessarias.

27. *Ad assem.* Usque ad ultimum teruncium, nihil ut superesset.

28. *Lupus.* Instar lupi famelic.

30. *Præsidium.* Milites in arce quandam ad ejus præsidium relictos.

31. *Donis honestis.* Dona militaria intellige, coronas scilicet, torques, phaleras.

33. *Bis dena, etc.* Viginti millia sestertium (circiter 4000 fr.).

34. *Sub hoc, etc.* Paulo post. — *Prætor.* Ductor exercitus.

36. *Addere mentem.* Animos erigere, accendere.

37. *Bone.* Vox blandientis est.

39. *Ille catus.* Miles ille Luculli, quamvis rusticus, tamen vaser et prudens.

40. *Zonam.* Id est crumenam, quia in zonis crumenas solebant gestare.

42. *Iratus quantum, etc.* Discere

14.

Homeri poemata : Ilias maxime continet damna per Achillis iram Græcis importata, quum ille, Agamemnoni ob ereptam Briseidem iufensus, a bello abstinuit.

43. *Adjecere, etc.* Bonas artes, philosophiam scilicet, Athenis didici : Vide Horatii vitam in libri limine.

44. *Curvo rectum.* Bonum a malo.

45. *Academi.* Fuit Academicus athensensis civis ; erat illi suburbana villa pulcherrimis arboribus consita, quam philosophiam studiosis donavit : hinc dicti sunt Academici, et gymnasia litteratarumque scholæ, academiarum.

46. *Dura tempora.* Bella civilia inter Octavianum et Cæsaris percussores ; Brutus Horatium ad militiam pertraxit.

47. *Rudem.* Militiam imperitum. — *Æstus belli civilis.* Ducitur a mari metaphora.

48. *Lacertis.* Viribus.

49. *Unde, etc.* Quo e civili bello statim ut dimissus sum post prælium philippense, commissum ad Philippum urbem Thessaliæ, in campis pharsalicis, ubi victus est Brutus et Cassius exercitus.

- 50 Decisis humilem pennis, inopemque paterni
Et laris, et fundi, paupertas impulit audax
Ut versus facerem. Sed, quod non desit, habentem,
Quæ poterunt unquam satis expurgare cicutæ,
Ni melius dormire putem, quam scribere versus?
- 55 Singula de nobis anni prædantur euntes:
Eripuere jocos, venerem, convivias, ludum;
Tendunt extorquere poemata. Quid faciam vis?
Denique non omnes eadem mirantur, amantque:
Carminibus tu gaudes; hic delectatur iambis;
- 60 Ille bioneis sermonibus, et sale nigro.
Tres mihi convivæ prope dissentire videntur,
Poscentes vario multum diversa palato.
Quid dem? quid non dem? Renuis tu, quod jubet alter;
Quod petis, id sane est invisum acidumque duobus.
- 65 Præter cetera, me Romæne poemata censes
Scribere posse, inter tot curas totque labores?
Hic sponsum vocat, hic auditum scripta, relictis
Omnibus officiis. Cubat hic in colle Quirini,
Hic extremo in Aventino; visendus uterque.
- 70 Intervalla vides humane commoda. — Verum
Puræ sunt plateæ, nihil ut meditantibus obstet. —
Festinat calidus mulis gerulisque redemptor;
Torquet nunc lapidem, nunc ingens machina tignum;
Tristia robustis luctantur funera plaustis:
- 75 Hac rabiosa fugit canis, hac lutulenta ruit sus.
I nunc, et versus tecum meditare canoros.

50. *Decisis, etc.* Amissa dignitate et opibus.

52. *Quod non desit.* Habentem quod sufficiat, quod mihi deesse nollim.

53. *Cicutæ.* Herba est frigidissima, quæ ad sanandam insaniam adhibebatur, et idonea ad nimium sanguinis calorem extinguendum.

55. *Singula, etc.* Alia ratio cur non scribat, quia senior est. — *Euntes.* Effluentes, prætereuntes.

57. *Tendunt extorquere poemata.* Scribendi carminis facultate me privatum eunt.

58. *Denique.* Alia ratio, nempe fastidium hominum, qui alii alia carmina probant, adamantique.

59. *Carminibus.* Nempe lyrico vel epico.

60. *Bioneis sermonibus.* Intellige satiras acerbissimas quas scripsisse dicitur Blon, poeta græcus. — *Sale nigro.* Salibus amaris et jocis.

61. *Tres mihi, etc.* Videor mihi habere tres convivæ diversi plane gustus, quibus satisfacere nequeam.

65. *Præter cetera, etc.* Ratio quarta cur non scribat: petita nempe ab urbanis negotiis.

67. *Sponsum vocat.* Ad respondendum pro se, ad fidejubendum. Spondere pro aliquo, *cautionner quelqu'un, répondre pour lui.* — *Auditum, etc.* Ad audienda, quæ amicis recitat, carmina.

68. *Cubat hic, etc.* Alius quidam ægrotat proci in colle Quirinali, alius in extrema parte montis Aventini. Duo isti montes admodum disjuncti sunt.

70. *Humane, etc.* Belle commoda, ironice, id est, perquam incommoda.

71. *Puræ, etc.* An liberæ et patentes plateæ sunt? Neutiquam sane.

72. *Calidus.* Præceps, trepidus. — *Gerulis.* Bajulis. — *Redemptor.* Operis alienus conductor, qui id faciendum certo pretio in se recipit: un *entrepreneur.*

73. *Torquet.* Torquendo attollit. — *Tignum.* Trabem.

Scriptorum chorus omnis amat nemus, et fugit urbes,
Rite cliens Bacchi, somno gaudentis et umbra.

Tu me inter strepitus nocturnos atque diurnos

80 Vis canere, et contracta sequi vestigia vatū?

Ingenium, sibi quod vacuas desumpsit Athenas,

Et studiis annos septem dedit, insenuitque

Libris et curis, statua taciturnius exit

Plerumque, et risu populum quatit. Hic ego, rerum

85 Fluctibus in mediis et tempestatibus urbis,

Verba lyræ motura sonum connectere digner?

Frater erat Romæ consulti rhetor, ut alter

Alterius sermone meros audiret honores,

Gracchus ut hic illi foret, huic ut Mucius ille.

90 Qui minus argutos vexat furor iste poetas?

Carmina compono, hic elegos, mirabile visu,

Cælatumque novem Musis opus! Adspice primum

Quanto cum fastu, quanto molimine circum

Spectemus vacuum romanis vatibus ædem.

95 Mox etiam, si forte vacas, sequere, et procul audi

Quid ferat, et quare sibi neclat uterque coronam.

Cædimur, et totidem plagis consumimus hostem,

Lento Samnites ad lumina prima duello.

78. *Cliens Bacchi.* In Bacchi tutela omnes poætæ sunt constituti.

80. *Contracta.* Angusta, difficilis, impressa in locis arctis et reductis, non in vils publicis et locis patentibus.

81. *Ingenium, etc.* Aliquando contingit, ut homo ingeniosus, qui, ut studeret facilius humanioribus litteris, secessit Athenas, urbem vacuum et tranquillam, postquam ibi per annos septem libris impalluit, parum tamen in otio tanto proficiat, imo hinc redeat statua taciturnior et infantior, populoque risum præbeat. Quoniam igitur pacto ego inter tot fluctus curarum et negotiorum verus facerem lyricos?

82. *Insenuit.* Maxima contentione iacubuit.

86. *Digner?* Dignum putem? operæ pretium esse credam?

87. *Frater, etc.* Rhetor quidam Romæ fuit frater jurisconsulti: alter alteri sic adulabatur, ut nihil audiret ab altero, quam nomina merum honorem significantia, honorificentissima: hic jurisconsultus illum vocabat Gracchum (orator præstantissimus fuerat); ille rhetor vocabat hunc fratrem suum Q. Mucium Scaevolam, quia olim Mucius Scaevola optimus jurisconsultus erat: an

sunt poætæ seniores? Quinta ratio; Vatū ineptiæ et adulatio putida, quæ se invicem prosequuntur ac mulcent.

90. *Argutos.* Ingeniosos, elegantes.

91. *Carmina.* Scilicet lyrica. — *Hic elegos.* Alius elegias. — *Mirabile visu, etc.* Subaudi statim exclamant amici poætæ, opus a me scriptum esse admirabile, et a novem Musis elaboratum.

93. *Molimine.* Fastu, ambitiosa indignatione: avec mépris, indignation, dédain.

94. *Vatibus.* Scriptis Romanorum poëtarum. — *Ædem.* Apollinis Palatini, prope quam exstructa est ab Augusto bibliotheca.

95. *Vacas.* Si otiosus es, si nihil aliud habes, quod te detineat. — *Sequere.* Subaudi poetas, in ædem. — *Procul.* Sæpe vox ea significat præ oculis, cunius.

96. *Ferat.* Dicat.

98. *Samnites.* Sic vocabantur gladiatores quidam ad pompam et voluptatem tantum comparati, qui se simulatis et compositis petebant vulneribus. — *Lento.* In longum producto. — *Ad prima lumina.* Tempore vespertino, quo prima lumina accenduntur.

- Discedo Alcæus puncto illius : ille meo quis ?
 100 Quis, nisi Callimachus ? si plus adposcere visus,
 Fit Mimnermus, et optivo cognomine crescit.
 Multa fero, ut placem genus irritabile vatum,
 Quum scribo, et supplex populi suffragia capto :
 Idem, finitis studiis, et mente recepta,
 105 Obturem patulas impune legentibus aures.
 Ridentur mala qui componunt carmina : verum
 Gaudent scribentes, et se venerantur, et ultro,
 Si taceas, laudant, quidquid scripsere, beati.
 At qui legitimum cupiet fecisse poema,
 110 Cum tabulis animum censoris sumet honesti ;
 Audebit quæcumque parum splendoris habebunt,
 Et sine pondere erunt, et honore indigna ferentur,
 Verba movere loco, quamvis invita recedant,
 Et versentur adhuc intra penetralia Vestæ :
 115 Obscurata diu populo bonus eruet, atque
 Proferet in lucem speciosa vocabula rerum,
 Quæ priscis memorata Catonibus, atque Cethegis,
 Nunc situs informis premit, et deserta vetustas.
 Adsciscet nova, quæ genitor produxerit usus.
 120 Vehemens, et liquidus, puroque simillimus amni,
 Fundet opes, Latiumque beabit divite lingua.

99. *Discedo, etc.* Ille, unus aliquis poeta, me suo puncto, id est, suffragio (quia veteres suffragia ferebant missis in cistam tabellis, quæ certo punctorum numero notatæ erant) vocat, et parem dicit Alcæo poetæ græco lyrico nobilissimo. At ille qui a me appellatur ? certe Callimachus, aut si ne istud quidem nomen, ea laus, ipsi satisfacit, voco illum Mimnermum, et hoc illi, quod optavit, cognomento. — *Puncto.* In comitiis ita ferebantur aliquando suffragia, ut unum punctum illius, quem eligebant, nomini inscriberent. *Alcæus, Callimachus, Mimnermus,* tres sunt poetæ græci.

101. *Crescit.* Metaphora sumitur ab illis qui adoptantur in alienam familiam, qui suo nomini fere addebant eorum nomen a quibus adoptabantur, eoque crescebant.

102. *Multa, etc.* Ordo est : quando versus facio, multa perfero, audio vates patienter quum sua mihi recitant scripta, ut placatos habeam illos ; sunt enim ad iracundiam fere proniores, etc.

104. *Finitis studiis.* Carminum scribendorum studio deposito.

107. *Gaudens.* Sibi placeat.

108. *Beati.* Se ipsi, et versibus suis contenti.

109. *Legitimum.* Ad omnes boni poematis leges exactum, perfectum.

110. *Cum tabulis.* In quibus poematum scriptum.

114. *Et versentur adhuc, etc.* Et adhuc, tanquam in ædium Vestæ penetralibus, intacta et inviolabilia lateant, id est, adhuc intacta in scriptoris scrinio servantur.

115. *Eruet.* In lucem proferet benigne ac liberaliter prisca verba, et ab usu popularis atque quotidiani sermonis remota, ideoque obscura et obsoleta.

117. *Quæ, etc.* Quæ quum olim a Catone et Cethego, nobilibus Romanis, usurparentur, nunc jacent addita in situ, id est, ignota sunt et antiquata.

119. *Adsciscet.* Frequentabit, finget, novabit.

120. *Vehemens.* Anapæstus pro spondeo est initio versus. Ita Virg. hexametrum incipit : *Fluviorum rex Eridanus.*

121. *Fundet opes.* Per opes intellige verborum sententiarumque copiam atque ubertatem. — *Beabit.* Ornabit, augebit.

- Luxuriantia compescet ; nimis aspera sano
 Lævabit cultu ; virtute carentia tollet :
 Ludentis speciem dabit, et torquebitur ; ut qui
 125 Nunc Satyrum, nunc agrestem Cyclopa movetur.
 Prætulerim scriptor delirus inersque videri,
 Dum mea delectent mala me, vel denique fallant,
 Quam sapere, et ringi. Fuit haud ignobilis Argis,
 Qui se credebat miros audire tragædos,
 130 In vacuo lætus sessor, plausorque theatro ;
 Cetera qui vitæ servaret munia recto
 More, bonus sane vicinus, amabilis hospes,
 Comis in uxorem ; posset qui ignoscere servis,
 Et signo læso non insanire lagenæ ;
 135 Posset qui rupem et puteum vitare patentem.
 Hic, ubi cognatorum opibus curisque reffectus,
 Expulit elleboro morbum bilemque meraco,
 Et redit ad sese : « Pol me occidistis, amici,
 Non servastis, ait, cui sic extorta voluptas,
 140 Et demptus per vim mentis gratissimus error. »
 Nimirum sapere est abjectis utile nugis,
 Et tempestivum pueris concedere ludum ;
 Ac non verba sequi fidibus modulanda latinis ;
 Sed veræ numerosque modosque ediscere vitæ.
 145 Quocirca mecum loquor hæc, tacitusque recorder :
 « Si tibi nulla sitim finiret copia lymphæ,

122. *Luxuriantia*. Abundantia et uberiora circumcidet.

123. *Lævabit*. Poliet, reddet lævia ; ita tamen ut nervos et robur nimio illo cultu ornatoque non adimat : et cultus ille seu color ait sanus, id est prudens, aptus.

124. *Ludentis, etc.* Similis erit homini parum laboriose scribenti ; negliger scribere videbitur, et multum laboris tamen insumet.

125. *Satyrum, Cyclopa*. Duo saltationis genera. — *Movetur*. Saltat.

126. *Prætulerim*. Malim tamen. — *Iners*. Ineptus, sine arte.

127. *Mala*. Carmina male composita. — *Fallant*. Lateant.

128. *Sapere*. Ornate scribere. — *Ringi*. Vexare me, et macerare ut recte scribam. Ringi proprie dicuntur canes, quum irritati diducunt os, quasi morsuri. — *Fuit, etc.* Ostendit exemplo ignoscendum esse malis poetis, qui sibi male placent, sique carituri sint magna voluptate, si dedoceantur.

130. *Vacuo*. Ubi nulli actores essent.

131. *Munia*. Officia et munera.

134. *Et signo læso, etc.* Qui posset non furere in servos, si furtivos vini haustus ex læso lagenæ sigillo animadverteret.

136. *Refectus*. Curatus et recreatus a morbo, quo mens illius et phantasia laborabat, dum se actores ibi putaret audire ubi nulli essent.

137. *Meraco*. Puro et mero elleboro. Hac herba curabantur amentes.

138. *Redit ad sese*. Sanam mentem recuperavit. — *Pol*. Per Pollucem. Romanorum jurandi formula.

140. *Per vim*. Viribus pharmacorum.

141. *Nimirum, etc.* Ordo est : nempe nunc mihi est utile sapere, operam dare veræ virtuti et sapientiæ, abjectis versibus et ejusmodi nugis, et hoc relinquere pueris, quorum ætati ludus iste est tempestivus, conveniens.

143. *Sequi*. Sectari, querere.

144. *Numerosque modosque*. Id est optimam regulam. Metaphora ducta a musica. — *Veræ vitæ*. Sapientiæ, quam docet recto vivendi rationem.

146. *Lymphæ*. Aquæ.

- Narrares medicis. Quod, quanto plura parasti,
Tanto plura cupis, nulline faterier audes?
Si vulnus tibi, monstrata radice vel herba,
150 Non fieret levius, fugeres, radice vel herba
Proficiente nihil, curarier. Audieras, cui
Rem di donarent, illi decedere pravam
Stultitiam; et, quum sis nihilo sapientior, ex quo
Plenior es, tamen uteris monitoribus isdem?
155 At si divitiæ prudentem reddere possent,
Si cupidum timidumque minus te, nempe ruberes,
Viveret in terris te si quis avarior uno.
Si proprium est, quod quis libra mercatur et ære,
Quædam, si credis consultis, mancipat usus:
160 Qui te pascit ager, tuus est; et villicus Orbi,
Dum segetes occat, tibi mox frumenta daturas,
Te dominum sentit. Das nummos; accipis uvam,
Pullos, ova, cadum temeti: nempe modo isto
Paulatim mercaris agrum, fortasse trecentis,
165 Aut etiam supra, nummorum millibus emptum.
Quid refert, vivas numerato nuper, an olim?
Emptor Aricini quondam, Veientis et arvi,
Emptum cœnat olus, quamvis aliter putat: emptis
Sub noctem gelidam lignis calefactat ahenum:
170 Sed vocat usque suum, qua populus adsita certis
Limitibus vicina refugit jurgia; tanquam

147. *Narrares.* — Aperires, medicos consuleres. — *Plura parasti.* Plures opes comparasti.

150. *Fieret levius.* Non curaretur. — *Fugeres.* Nolles, omitteres.

151. *Audieras, etc.* Ita quippe vulgus loquitur, et putat, eos qui opes a superis accipiant, stultitia liberari et sapere.

154. *Plenior.* Ditior. — *Monitoribus isdem.* Opulentia laudatoribus.

156. *Ruberes.* Tibi turpe putares esse.

158. *Proprium est.* Ad eum censetur pertinere, est ejus dominus. — *Quod quis, etc.* Quod ab aliquo emptum est. Quum res aliqua emebatur, pretium illius seu pecunia, quæ primis temporibus erat ærea, non numerabatur, ut fere nunc fit, sed appendebatur libra seu trutina.

159. *Quædam, etc.* Contra, res quædam (si jurisconsultis credis) usus proprias facit; evadunt usu ipso tuæ, tanquam si esses illarum dominus.

160. *Tuus est.* Tanquam tuo agro frueris. — *Orbi.* Romani alicujus divitis, qui suo fundo villicum præfecit.

161. *Occat.* Occare, *herser*, est semen sparsum terra operire fractis glebis.

162. *Te, etc.* Perinde dat illas fruges tibi, ac si esses fundi dominus æque ac Orbus.

163. *Temeti.* Vini.

164. *Trecentis.* Sestertis majoribus, quæ valent (60,000 fr.).

166. *Quid refert, etc.* Sensus est: quid refert, utrum pro frugibus quibus vesceris, nuper an olim pecuniam numeraveris?

167. *Emptor, etc.* Qui olim emit arvum aliquod prope Ariciam (est oppidum in via Appia), qui prope Velos (urbem Volscorum præcipuam), cœnat emptia legumina, quamvis ea putet esse propria et sua: emptitilis lignis oliam suam vespere calefacit: dum enim arvum illud emit, emit quoque fruges ab illo post orituras.

170. *Sed, etc.* Vocat arvum illud tamen suum usque ad eam agri partem in qua plantata in limite populus arbor, dirimit lites quæ oriri possent de agri limitibus cum vicino.

171. *Tanquam.* Quasi vero.

- Sit proprium quidquam, puncto quod mobilis horæ,
Nunc prece, nunc pretio, nunc vi, nunc sorte suprema
Permutet dominos, et cedat in altera jura.
- 175 Sic, quia perpetuus nulli datur usus, et heres
Heredem alterius, velut unda supervenit undam;
Quid vici prosunt, aut horrea? quidve Calabris
Saltibus adjecti Lucani, si metit Orcus
Grandia cum parvis, non exorabilis auro?
- 180 Gemmas, marmor, ebur, tyrrhena sigilla, tabellas,
Argentum, vestes gætulo murice tinctas,
Sunt qui non habeant; est qui non curat habere.
Cur alter fratrum cessare, et ludere, et ungi
Præferat Herodis palmetis pinguibus; alter,
- 185 Dives et importunus, ad umbram, lucis ab ortu
Silvestrem flammis et ferro mitiget agrum;
Scit Genius, natale comes qui temperat astrum,
Naturæ deus humanæ, mortalis in unum-
quodque caput, vultu mutabilis, albus et ater.
- 190 Utar, et ex modico, quantum res poscet, acervo
Tollam; nec metuam quid de me judicet heres,
Quod non plura datis invenerit. Et tamen idem
Scire volam, quantum simplex hilarisque nepoti
Discrepet, et quantum discordet parcus avaro.
- 195 Distat enim, spargas tua prodigus, an neque sumptum

173. *Prece.* Donatione; damna enim rogantibus. — *Sorte suprema.* Morte.

174. *In altera jura.* In alterius potestatem et dominium.

176. *Supervenit.* Tradit, propellit.

177. *Vici.* Villæ magnæ, pagi totî, latifundia. — *Calabris.* Calabria et Lucania sunt in extrema Italiæ parte, prope Siciliam, et pascuis abundant.

178. *Orcus.* Pluto, mors.

179. *Grandia, etc.* Nobiles cum ignobilibus.

180. *Sigilla.* Parva signa, statuas exiguas et elegantes, e Tuscia. — *Tabellas.* Picturas.

181. *Argentum.* Vasa argentea. — *Gætulo.* Afro. Gætulia, pars Africæ.

183. *Cur alter, etc.* Quonam pacto sit, ut e duobus sæpe fratribus unus ferriari mallit, quam Herodis regnum possidere, alter misere sit avarus, et labori deditus? — *Fratrum.* Terentii quædam comœdia inscribitur Ἀδελφοὶ *Adelphi*, hoc est, *fratres*. In ea inducuntur fratres duo moribus dissimilibus, Demea et Micio. Huc Horatius respexit hoc loco. — *Ungi.* Accumbebant ad mensam unguentis delibuti.

184. *Palmetis.* Judæam significat, palmis abundantem: ejus rex Herodes.

185. *Importunus.* Improbe et irrequieto labore se macerans ac defatigans. — *Ad umbram.* Ab ortu lucis usque ad noctem.

186. *Silvestrem flammis, etc.* Incultum et rude solum igne et aratro excolat: igne exuruntur v. g. silices et herbæ steriles: *defrictæ uno terre.*

187. *Scit Genius, etc.* Hoc scit Genius, deus qui comes nobis adjunctus et vitæ moderator, temperat vim nostri astri natalis, si infaustum sit.

188. *Mortalis, etc.* Qui moritur cum unoquoque nostrum.

189. *Albus et ater.* Felix et adversus, propitius idem et infensus.

190. *Utar.* Partis bonis fruar, et ex acervo sumam, etc.

192. *Non plura datis.* Non plura illis quam a me illi dantur, vel quam dono accepi.

193. *Simplex.* Qui candide et sine furo, jucunde vivit. — *Nepoti.* Prodigio.

- Invitus facias, neque plura parare labores;
 Ac potius, puer ut festis Quinquatribus, olim
 Exiguo gratoque fruaris tempore raptim.
 Pauperies immunda domus procul absit. Ego, utrum
 200 Nave ferar magna, an parva, ferar unus et idem.
 Non agimur tumidis velis aquilone secundo:
 Non tamen adversis ætatem ducimus austris.
 Viribus, ingenio, specie, virtute, loco, re,
 Extremi primorum, extremis usque priores.
 205 « Non es avarus; abi: quid? cetera jam simul isto
 Cum vitio fugere? caret tibi pectus inani
 Ambitione? caret mortis formidine, et ira?
 Somnia, terrores magicos, miracula, sagas,
 Nocturnos lemures portentaque thessala rides?
 210 Natales grate numeras? ignoscis amicis?
 Lenior et melior sis accedente senecta?
 Quid te exempta juvat spinis de pluribus una?
 Vivere si recte nescis, decede peritis.
 Lusisti satis, edisti satis, atque bibisti:
 215 Tempus abire tibi est, ne potum largius æquo
 Rideat et pulset lasciva decentius ætas. »

197. *Quinquatribus*. Quinquatria sive Quinquatrus erant quinque dies Minervæ festi, per quos pueri feriabantur.

200. *Unus, etc.* Sive magnis opibus utar, sive exiguis, animum æquum retinebo, non extollar, nec deprimar.

202. *Austris*. Auster, ventus a meridie flans, ater et procellosus.

203. *Specie*. Externo rerum habitu. — *Loco*. Gradu et conditione. — *Re*. Opibus.

205. *Non es, etc.* At, inquiet mihi aliquis: O Horati, satis intelligo te avarum non esse: bene est; at num ceteris omnibus vitis cares?

208. *Miracula*. Prodigia quædam quibus

terretur vulgus. — *Sagas*. Præstigiatrices veneficæ: *des sorcières*.

209. *Lemures*. Larvas nocturnas et umbras. — *Thessala*. Res prodigiosas, quas magi suis incantamentis edunt. In Thessalia magi erant frequentes.

210. *Grate*. Nimirum non dolens te senem fieri, plures a te dies natales numerari.

212. *Spinis*. Vitilis.

213. *Vivere si, etc.* Si nescis vivere sapienter, locum relinque illis qui te sapientius vivunt.

216. *Pulset*. Verberet. — *Lasciva decentius ætas*. Pueri et juvenes, quos magis quam senes decent ludi.

DE ARTE POETICA

LIBER.

AD PISONES.

Ordo et synopsis totius operis.

- I. Primo materiam, et partes poematis, earumque inter sese consensionem explicat a versu 1 ad 46.
- II. Elocutionem, seu verborum versuumque rationem expendit a versu 46 ad 119.
- III. Agit de personis, quæ inducuntur loquentes in carmine dramatico, a 119 ad 136.
- IV. De moribus ætati cuilibet ac personæ idoneis disserit ad versum 189.
- V. De tragœdia et comœdia seorsum disputat a 189 ad 309.
- VI. Congerit præcepta quædam artis poeticæ, et ad formandum alendumque docet valere in primis naturam, artem, laborem, et accurati censoris iudicium a versu 309 ad finem.

Humano capiti cervicem pictor equinam
Jungere si velit, et varias inducere plumas,
Undique collatis membris, ut turpiter atrum
Desinat in piscem mulier formosa superne,
5 Spectatum admissi risum teneatis amici?
Credite, Pisones, isti tabulæ fore librum
Persimilem, cujus, velut ægri somnia, vanæ
Finguntur species, ut nec pes, nec caput uni
Reddatur formæ. — Pictoribus atque poetis
10 Quidlibet audendi semper fuit æqua potestas. —
Scimus, et hanc veniam petimusque damusque vicissim;
Sed non ut placidis coeant immitia, non ut

1. *Humano, etc.* Sensus est: si pictor formam aliquam ex hominum et variorum animalium membris ridicule componere velit, num, quæso, amici, admissi ad spectandum ejusmodi monstruosam speciem, a risu vobis temperare possentis?

3. *Collatis.* Undique corrogatis, et e variis animalibus velut comportatis et collectis. — *Ut.* Ita ut.

6. *Pisones.* L. Calp. Piso, ex gente nobilissima ortus, ejusque duo filii, magnæ spei adolescentes, ad quos scripta est hæc epistola.

7. *Cujus, etc.* Cujus partes similes

erunt illis monstris et figuris, speciebusque ridiculis et inter se non coherentibus, quæ somnianti ægroto observantur: ita ut nec pes, id est, pars extrema, reddatur, id est, congruat, eidem formæ et imaginî: eandem formam efficiant.

9. *Pictoribus, etc.* At enim, inquiet aliquis, pictores, ut poetas, facultatem habent fingendi et scribendi quidquid libuerit; scio, respondet Horatius, et fateor, hanc illis dari veniam, sed ea tamen lege, ut ne monstra fingant, ut ne conjungantur animalia placida cum feris, v. g. agni cum tigribus, aves cum anguibus.

Serpentes avibus gementur, tigris agni.

Inceptis gravibus plerumque, et magna professis

15. Purpureus, late qui splendeat, unus et alter
Assuitur pannus, quum lucus et ara Dianæ,
Et properantis aquæ per amœnos ambitus agros,
Aut flumen Rhenum, aut pluvius describitur arcus:
Sed nunc non erat his locus: et fortasse cupressum
20. Scis simulare; quid hoc, si fractis enatat expses
Navibus, ære dato qui pingitur? Amphora cœpit
Institui: currente rota, cur urceus exit?
Denique sit quodvis simplex duntaxat et unum.

Maxima pars vatum, pater et juvenes patre digni,

25. Decipimur specie recti: brevis esse laboro,
Obscurus fio; sectantem lævia, nervi
Deficiunt, animique; professus grandia, turget;
Serpit humi, tutus nimium, timidusque procellæ.
Qui variare cupit rem prodigialiter unam,
30. Delphinum silvis appingit, fluctibus aprum.
In vitium ducit culpæ fuga, si caret arte.
Æmilium circa ludum faber imus et unguis
Exprimet, et molles imitabitur ære capillos;
Infelix operis summa, quia ponere totum

15. *Inceptis gravibus.* Initium poematis est aliquando magnificum; sed postea inanes quædam descriptiones ad propositum nihil pertinentes attextuntur, et ut panni purpurei vesti assuuntur.

16. *Ara Dianæ.* Erat celebris Dianæ ara in Aricino nemore.

18. *Rhenus.* Rhenus ingens fluvius Galliam inter et Germaniam fuit: *le Rhin.* — *Arcus.* Iris pluviam fere denuntiat, nec nisi roscida in nube ac stillante apparet.

19. *Sed his, etc.* Sed hæc prorsus aliena sunt ab instituto, et nequaquam in loco posita. — *Et fortasse, etc.* Tu similis es illis imperitis pictoribus, qui opprime callent arbores simulare, id est imitari, pingere.

20. *Quid hoc, si, etc.* Sed quod illud pertinet (scilicet arbores pingere posse), si pictor mercedem accepit ut alicujus naufragium in tabula adumbraret?

21. *Amphora, etc.* Metaphora ducta a formandis vasis fictilibus. Sensus est: tam poema erat inceptum splendide et magnifice, vas aliquod magnum moliri ac fingere videbatur; mox abis ad minutas descriptiones, quæ sunt instar urceolorum præ ingenti amphora: debas institutam amphoram, poema

bene cœptum ad finem usque eodem stylo, veluti rota currente perducere.

22. *Rota.* Utuntur figuli rota in fictilibus quasi torno fabricandis. — *Urceus.* Vasculum exiguum.

23. *Sit quodvis.* Quodlibet poema unum quiddam sit: ejus partes omnes in unum veluti coalescant corpus. Hoc primum artis præceptum. Alterum subjungit de modo componendi singulas partes.

24. *Pater.* L. Piso.

26. *Sectantem lævia.* Volentem uti ratione lævi, polita. — *Nervi.* Vires. — *Animi.* Spiritus, oratio vehemens.

28. *Serpit humi, etc.* Qui non audet altiora et sublimiora tangere, humo vel humilitati affixus manet.

29. *Qui variare, etc.* Qui oblectare cupit maxima et inaudita rerum varietate, is interdum delabitur ad res non minus absurdas, quam si delphinum piscem in silvis ludentem describeret, etc.

31. *In vitium, etc.* Culpæ fuga ducit eum in vitium, qui non utitur arte et prudentia.

32. *Æmilium, etc.* Est quidam faber ærarius, qui imam habet seu ultimam tabernam, ex his quæ sunt circa ludum gladiatorium Æmilii. — *Imus.* Alii legunt unus, id est quidam vel præ ceteris.

- 35 Nesciet. Hunc ego me, si quid componere curem,
Non magis esse velim, quam pravo vivere naso,
Spectandum nigris oculis, nigroque capillo.
Sumite materiam vestris, qui scribitis, æquam
Viribus, et versate diu quid ferre recusent,
40 Quid valeant humeri. Cui lecta potenter erit res,
Nec facundia deseret hunc, nec lucidus ordo.
Ordinis hæc virtus erit et venus, aut ego fallor,
Ut jam nunc dicat jam nunc debentia dici,
Pleraque differat, et præsens in tempus omittat.
45 Hoc amet, hoc spernat promissi carminis auctor.
In verbis etiam tenuis, cautusque serendis,
Dixeris egregie, notum si callida verbum
Reddiderit junctura novum. Si forte necesse est
Indiciis monstrare recentibus abdita rerum,
50 Fingere cinctutis non exaudita Cethegis
Continget, dabiturque licentia sumpta pudenter;
Et nova fictaque nuper habebunt verba fidem, si
Græco fonte cadant, parce detorta. Quid autem?
Cæcilio Plautoque dabit Romanus, ademptum
55 Virgilio Varioque? Ego cur acquirere pauca
Si possum, invideor, quum lingua Catonis et Enni
Sermonem patrium ditaverit, et nova rerum

34. *Summa.* L'ensemble. — *Ponere.* Conficere.

35. *Hunc.* Isti fabro similem.

36. *Pravo.* Deformi.

37. *Nigris oculis.* Oculi nigri et crines apud Romanos in pretio erant.

39. *Versate.* Considerate, cogitate.

40. *Potenter.* Accommodata potestati, viribus et facultati scriptoris: *seu les forces.*

42. *Virtus.* Præcipua dos. — *Venus.* Gratia, dignitas.

44. *Præsens.* Aptum, conveniens.

45. *Amet.* Sumat tractandum, in hoc moretur, aliud probet, aliud rejiciat.

46. *In verbis.* Primum præceptum elocutionem spectans. seu verba et versus. — *Tenuis.* Parcus, modestus. — *Cautus.* Prudens, subtilis. — *Serendis.* Novandis, fingendis, et quasi producendis, ut fruges salone gignuntur.

47. *Dixeris, etc.* Ea voce uti poteris commode, quam nova et ingeniosa junctura reddet veluti novam, licet constet e notis et antiquis vocabulis.

48. *Si forte, etc.* Si fuerit necesse verbum aliquod recens procreare ad rem aliquam significandam.

49. *Indiciis.* Vocabulis quæ sunt re-

rum signa. — *Abdita rerum.* Res abditas et ignotas veteribus.

50. *Fingere, etc.* Si est opus fingere quasdam voces non auditas, ignoratas priscis Romanis etiam disertissimis, qualis erat M. Cornelius Cethegus, quem laudat Cicero in Bruto. — *Cinctutis.* Vox vetus, pro cinctis, sive indutis cinctu qui erat priscorum Romanorum vestis.

51. *Continget.* Fieri hoc poterit, licebit uti verbis ejusmodi factis: continget fabricari nova vocabula. — *Pudenter.* Parce, verecunde.

52. *Habebunt fidem.* Valebunt, probabuntur, auctoritatem obtinebunt, si e græca lingua derivata sint, et modico deflexa.

53. *Quid autem, etc.* Cur Romani dabunt et concedent Cæcilio et Plauto, veteribus poetis comicis, aliquid, quod negent Virgilio et Vario?

54. *Acquirere, etc.* Paucis verbis augere et ditare linguam latinam.

55. *Invideor.* Præ invidia vector, cum molesto feror? — *Catonis.* Duo fuerunt Catones, alter senior, sive Censorius; alter ejus nepos, Ulicensis dictus: de utroque facta in Odis mentio. — *Enni.* Ennius poeta latinus vetus fuit, de quo dictum prima hujus libri epistola.

Nomina protulerit? Licuit, semperque licebit
Signatum præsentem nota producere nomen.

- 60 Ut silvæ foliis pronos mutantur in annos,
Prima cadunt; ita verborum vetus interit ætas,
Et juvenum ritu florent modo nata, vigentque.
Debemur morti nos, nostraque: sive receptus
Terra Neptunus classes aquilonibus arcet,
- 65 Regis opus; sterilisve diu palus, aptaque remis,
Vicinas urbes alit, et grave sentit aratrum;
Seu cursum mutavit iniquum frugibus amnis,
Doctus iter melius; mortalia facta peribunt;
Nedum sermonum stet honos, et gratia vivax.
- 70 Multa renascentur, quæ jam cecidere, cadentque,
Quæ nunc sunt in honore, vocabula, si volet usus,
Quem penes arbitrium est, et jus, et norma loquendi.
Res gestæ regumque ducumque, et tristia bella,
Quo scribi possent numero, monstravit Homerus.
- 75 Versibus impariter junctis querimonia primum,
Post etiam inclusa est voti sententia compos.
Quis tamen exiguos elegos emisit auctor,
Grammatici certant, et adhuc sub iudice lis est.
Archilochum proprio rabies armavit iambo:
- 80 Hunc socci cepere pedem, grandesque cothurni,

59. *Signatum*. Recens veluti cusum proferre et usurpare, ut recentem nummum: vocem quam usus præsens comprobatur.

60. *Ut silvæ, etc.* Ordo est ac sententia: quando silvæ mutantur foliis, seu amittunt folia, singulis annis pronis, et in finem vergentibus, id est, autumno exeunte.

61. *Prima cadunt*. Folia, quæ prima nata sunt, cadunt ante alia.

63. *Sive receptus, etc.* Ostendit obliter omnia esse morti obnoxia, etiam opera maxima et regalia; quorum tria hic delibatur ab Augusto perfecta. Illic agitur de Portu Julio in Lucrino lacu ab Agrippa facto.

64. *Neptunus*. Maro. — *Classes aquilonibus arcet*. Inversa constructio pro, aquilones a classibus arcet.

65. *Regis opus*. Regale opus: tanti sumptus, ut nemo alius id efficere posset, nisi cui regis imperatorisve essent opes. — *Palus*. Pomptina palus sive Pomptina, in Latio, inter fluvios Asturam et Amasenum, per curam Augusti exsiccata.

67. *Amnis*. Tiberis qui, quum sæpe exundans agros vicinos, ipsiusque urbis partem mergeret, ab Augusto derivatus est in aliam partem, et priorem alveum

deserere coactus, mollioribusque objectis repressus.

69. *Nedum*. Multo certe minus.

71. *Usus*. Loquendi consuetudo.

73. *Quem penes, etc.* Qui iura sermoni et leges pro imperio arbitrioque ponit.

74. *Quo*. Nempe versu heroico et grandiori, qualis vulgo hexameter.

75. *Versibus, etc.* Querelæ seu res lugubres inclusæ primum sunt versu elegiaco, mox etiam sententia, id est, argumentum, seu res lætæ et prosperæ, quæ nos voti compotes faciunt.

77. *Quis, etc.* Ordo est: tamen adhuc certant inter se grammatici, et nondum definita hæc atque dijudicata lis est, quis primus auctor et inventor elegiæ fuerit. — *Exiguos*. Tam ob versus impares, quam quod carmina elegiaca breviora esse solent.

79. *Proprio*. Quem invenit, et quo usus est in Lycamben, cujus filiam Neobulem uxorem expetebat, sed ab ea repulsus, tam amarus in eundem iambos scripsit, ut ipsum coegerit laqueo vitam finire.

80. *Hunc*. *etc.* Iambum pedem et versum sumpsere sibi comœdiæ et tragœdiæ. Socci sunt humiliores calcei quibus utebantur actores comœdiarum;

- Alternis aptum sermonibus, et populares
 Vincentem strepitus, et natum rebus agendis.
 Musa dedit fidibus divos, puerosque deorum,
 Et pugilem victorem, et equum certamine primum,
 85 Et juvenum curas, et libera vina referre.
 Descriptas servare vices operumque colores,
 Cur ego, si nequeo ignoroque, poeta salutor?
 Cur nescire, pudens prave, quam discere, malo?
 Versibus exponi tragicis res comica non vult.
 90 Indignatur item privatis, ac prope socco
 Dignis carminibus narrari cœna Thyestæ.
 Singula quæque locum teneant sortita decenter.
 Interdum tamen et vocem comœdia tollit;
 Iratusque Chremes tumido delitigat ore;
 95 Et tragicus plerumque dolet sermone pedestri.
 Telephus et Peleus, quum pauper et exsul uterque,
 Projicit ampullas et sesquipedalia verba,
 Si curat cor spectantis tetigisse querela.

Cothurni altiores, quos tragœdi inducunt.

81. *Alternis, etc.* Quia mutuis colloquiis est idoneus, et pronuntiari facile atque audiri ob gravitatem quamdam potest in theatro, ubi strepitus ingens.

82. *Natum rebus agendis.* Aptius ad acta hominum verbis describenda.

83. *Musa, etc.* Musæ voluerunt ut referrentur, seu canerentur fidibus, id est, versu lyrico, divorum laudes et heroum, qui sunt deorum filii, victoris pugilum, curæ ludicræ juvenum, bacchicæ cantilenæ liberiores.

84. *Pugilem.* Vocabantur pugiles il qui pugnis et cæstibus certabant, seque dejicere alter alterum nitabantur in certaminibus Olympicis. — *Primum.* Ceteris celeriore in curuli certamine.

85. *Libera vina.* Vel vina quæ animam a curis liberant, vel computationes in quibus convivæ liberius genio indulgent.

86. *Vices, etc.* Ordo est: si ego nequeo et nescio servare istam carminum varietatem ab Musis et usu ipso præscriptam, ita ut unumquodque opus et argumentum suo colore adumbrem, id est, suo exponam carmine, cur poeta dicor?

87. *Pudens prave.* Male et perperam verecundus.

88. *Non vult.* Non debet.

89. *Privatis.* Nihil altum et heroicum sonantibus, sed sermoni propioribus et

humillioris argumenti. — *Prope socco dignis.* Ad argumenta, quæ in comœdia tractantur, prope accedentibus.

91. *Cœna Thyestæ.* Argumentum tragicum, qualis est cœna Thyestæ, cui suus filius epulandus appositus est.

92. *Vocem tollit.* Grandiori stylo et versibus sonantioribus utitur.

93. *Chremes.* Senex in comœdia terentiana. — *Delitigat.* Acriter litigat, et in filium furit. Vide actum 5 *Heautontimorumeni* Terentii.

94. *Pedestri.* Versibus iambicis humillioribus et negligentius factis, quales a comicis fere usurpantur. Hoc probat exemplis Telephi et Pelei.

95. *Telephus.* Rex Mysiæ fuit, qui, quum transitum Græcis Trojam petentibus negasset, ab Achille vulneratus est, regnoque pulsus, mox tamen veniam a Græcis potens restitutus, et rubigine, quam ex Achillis hasta eraserat, sanatus est. — *Peleus.* Peleus Achilles pater, ab Eaco suo parente ob fratrem interfectum, exulare est iussus.

97. *Projicit.* Abjicit, non utitur ampullatis et sonantibus, longis et magnificis verbis, si vult auditores ad commiserationem suis versibus querulis movere. — *Ampullas.* Ampulla proprie est vas angusto collo, sed ventre capaciore et turgido: hinc translate dicuntur ampullæ verba turgida, ventosa, magnifica. — *Sesquipedalia verba.* Longiora.

- Non satis est pulchra esse poemata, dulcia suntu,
 100 Et quocumque volent animum auditoris agunto.
 Ut ridentibus arrident, ita flentibus adsunt
 Humani vultus. Si vis me flere, dolendum est
 Primum ipsi tibi; tunc tua me infortunia lædent,
 Telephe, vel Peleu : male si mandata loqueris,
 105 Aut dormitabo, aut ridebo. Tristia mœstum
 Vultum verba decent; iratum, plena minarum;
 Ludentem, lasciva; severum, seria dictu.
 Format enim natura prius nos intus ad omnem
 Fortunarum habitum : juvat, aut impellit ad iram;
 110 Aut ad humum mœrore gravi deducit, et angit :
 Post effert animi motus interprete lingua.
 Si dicentis erunt fortunis absona dicta,
 Romani tollent equites peditesque cachinnum.
 Intererit multum Davusne loquatur, an heros,
 115 Maturusne senex, an adhuc florente juventa
 Fervidus, an matrona potens, an sedula nutrix,
 Mercatorne vagus, cultorne virentis agelli,
 Colchus, an Assyrius, Thebis nutritus, an Argis.
 Aut famam sequere, aut sibi convenientia finge,
 120 Scriptor. Honoratum si forte reponis Achillem;
 Impiger, iracundus, inexorabilis, acer,

99. *Pulchra*. Pulchre et eleganter scripta, ad regulam exacta. — *Dulcia*. Miserationem moventia.

101. *Adsunt*. Reddunt se statim similes. Legunt alii *adflent*. Sententia est, nos in aliorum animis facile motum excitaturos quem ipsi prius in nobis effecerimus.

104. *Mandata*. Impositos tibi et mandatos ad recitandum versus. — *Male*. Ab inepto poeta.

107. *Lasciva*. Jocosa, ludicra : enjoints, badins.

108. *Format enim, etc.* Ostendit cur verba sint affectibus accommodanda. Natura enim animo nostro prius, id est a primo ejus ortu inserit animi affectiones quæ vim suam in omni fortunæ statu, conditione et mutatione exerunt.

109. *Juvat*. Suaviter sensus afficit.

110. *Ad humum deducit*. Affligit, prosternit.

112. *Si dicentis erunt, etc.* Si verba non respondebant fortunæ et conditioni ejus qui loquitur.

113. *Equites peditesque*. Culti homines et inculiti; omnes ac singuli.

114. *Davusne*. Servus aliquis vaser et perfidus.

116. *Nutrix*. Mulier cui parvulorum cura demandata est. Tales quoque vocabantur mulieres feminis principibus ad honorem, consilium, et custodiam appositæ : des suivantes, des confidentes.

118. *Colchus*. Colchis est Asiæ regio ad Pontum Euxinum, barbara et veneni ferax. Assyrii sunt in eadem Asia ad meridiem, molles et voluptatibus dediti. Thebani in ea Græciæ parte sunt, ubi ær crassior homines tardiores et hebetiores facit. Argivi, in Peloponneso, generosi habebantur, et ambitiosi. — *Assyrius*. Od. 4, lib. 3. — *Thebis*. Od. 3, lib. 4. — *Argis*. Od. 6, lib. 1.

119. *Aut famam, etc.* O scriptor, o poeta, si quam personam representas fama notam, sequere illa quæ vulgo de ipsa dicuntur, illam exhibe talem, qualem fuisse fama prædicat : si singis novam personam, et ignotam, cura ut quæ de illa singis, consentiant sibi, et convenient.

120. *Honoratum*. Illustrem, jam carminibus celebratum. — *Reponis*. Ab Homero alisque dictum, exhibes iterum, in scenam inducis. — *Achillem*. Lib. 1, od. 5, 7, 9, 13. Lib. 4, od. 4.

- Jura neget sibi nata, nihil non arroget armis.
 Sit Medea ferox invictaque, flebilis Ino,
 Pêrſidus Ixion, Io vaga, triftis Oreftes.
- 125 Si quid inexpertum ſcenæ committis, et audes
 Perſonam formare novam, ſervetur ad imum,
 Qualis ab incepto proceſſerit, et ſibi conſtet.
 Difficile eſt proprie communia dicere: tuque
 Rectius iliacum carmen deducis in actus,
- 130 Quam ſi proferres ignota indictaque primus.
 Publica materies privati juris erit, ſi
 Nec circa vilem pătulumque moraberis orbem,
 Nec verbum verbo curabis reddere, fidus
 Interpres; nec deſilies imitator in arctum,
- 135 Unde pedem referre pudor vetet, aut operis lex.
 Nec ſic incipies, ut ſcriptor cyclicus olim:
 « Fortunam Priami cantabo, et nobile bellum. »
 Quid dignum tanto feret hic promiſſor hiatu?
 Parturiunt montes, nſcetur ridiculus muſ.

122. *Jura, etc.* Affirmet leges non ſibi eſſe factas et impoſitas, ſed aliis: ſe legibus hominum ceterorum ſolutum dicat. — *Nihil non, etc.* Omnia ſe conſequi per vim et arma poſſe putet.

123. *Medea.* Od. 3, Epod. et App. c. 19. — *Ino.* Cadmi filia, Athamantis uxor fuit, quæ, maritum furioſum fugiens, una cum filio ſuo in mare ſe præcipitavit.

124. *Ixion.* Uxoris ſum patrem per fraudem interemit. — *Io.* Inachi primi Argivorum regis filia, quam Jupiter in vaccam mutaſſe fertur: eadem, cœſtro ab Junone immiſſo agitata, multas orbis regiones peragravit, ac tandem in Egyptum venit, ubi culta eſt pro dea. App. c. 10 et 19. — *Oreſtes.* Agamemnonis filius, matrem Clytæmneſtram interemit, ac furis agitatus eſt. V. App. c. 16.

125. *Inexpertum.* Ea vox paſſivam hic ſignificationem habet, intentatum; perſonam novam, a te primum inventam.

126. *Ad imum.* Uſque ad finem poematis.

127. *Incepto.* Initio. — *Sibi conſtet.* Sit ſemper idem, a ſuis moribus non recedens.

128. *Difficile eſt, etc.* Hortatur poetas ad trita et nota argumenta tractanda: quia, inquit, plus eſt in iſis tractandis difficultatis et gloriæ, quam vulgo creditur, ſi quis ea proprio quodam ac peculiari modo tractare velit, tuque commodius ſeceris, quicumque tragiædram meditaris, ſi tibi ſumas ar-

gumentum ex Homeri Iliade notiſſima, quam ſi ſinglas aliud ignotum et indictum, id eſt, non dictum, non tractatum ab aliis. Porro publicum et commune argumentum privati juris ac proprium officies, ſi non hæreas in vili orbe et cyclo, etc.

132. *Orbem.* Erat apud Græcos liber quidam omnium fabularum ſeriem quamdam uſque ad Ulyſſis reditum in patriam, complectens paucis verbis et ſine ornatu. Hinc librum vocabant *κύκλον*, quaſi *orbem* ſeu *circulum poeſticum*, qui omnia contineret argumenta carminum.

133. *Nec verbum, etc.* Si quem imitarius, v. g. Homerum non interpretis ritu, exſcribes omnia ſic, ut verbum græcum, v. g. latino reddas: neque etiam (dum illum quem imitaris, veluti totidem paſſibus ſequeris) deducti te patieris in aliquem anguſtum difficilemque locum, unde regredi ſine pudore non poſſis, nec vero debeas, ſi legem tibi a te ipſo impoſitam, et operis totius ſilum iſtitutumque iter ſequaris.

136. *Scriptor cyclicus.* Poeta qui ex illo libro, quem *Epicum orbem* ſive *Cyclum* appellatum fuiſſe diximus, poematis ſul ſumpſerat argumentum: vel, circumforaneus ſcriptor, qui in circulis ſua carmina recitaret.

138. *Feret.* Afferet, producet. — *Hiatu.* Tam magnificis promiſſis, exordio tam ſplendido.

139. *Parturiunt, etc.* Nota *Æſopi fabula*.

- 140 Quanto rectius hic, qui nil molitur inepte!
 • Dic mihi, Musa, virum, captæ post tempora Trojæ,
 Qui mores hominum multorum vidit et urbes. •
 Non fumum ex fulgore, sed ex fumo dare lucem
 Cogitat, ut speciosa dehinc miracula promat,
- 145 Antiphaten, Scyllamque, et cum Cyclope Charybdin.
 Nec reditum Diomedis ab interitu Meleagri,
 Nec gemino bellum trojanum orditur ab ovo.
 Semper ad eventum festinat, et in medias res,
 Non secus ac notas, auditorem rapit; et, quæ
- 150 Desperat tractata nitescere posse, relinquit.
 Atque ita mentitur, sic veris falsa remiscet,
 Primo ne medium, medio ne discrepet imum.
 Tu, quid ego et populus mecum desideret, audi.
 Si plausoris eges aulæa manentis, et usque
- 155 Sessuri, donec cantor, • Vos plaudite, • dicat:
 Ætatis cujusque notandi sunt tibi mores,
 Mobilibusque decor naturis dandus et annis.
 Reddere qui voces jam scit puer, et pede certo
 Signat humum, gestit paribus colludere, et iram
- 160 Colligit ac ponit temere, et mutatur in horas.

140. *Hic.* Homerus.

141. *Dic mihi, Musa, virum, etc.* En tres primi Odysseæ versus latinis numeris ab Horatio sed non ad verbum expressi. — *Virum.* Ulyssem.

143. *Non fumum, etc.* Non id agit Homerus ut splendida exordia præponat poemati, daturus deinde fumum, id est, descensus ad res humiles et viles narrandas; sed ex fumo, post exordium obscurum, vulgare, meditatur grandia et splendida subtexere.

145. *Antiphaten.* Fuit Antiphates Læstrygenum rex, homines vorare solitus. quem vix effugit Ulysses præcis navigii retinaculis. — *Scyllam.* Monstrum marinum canibus succinctum. *Charybdis* vero monstrum alterum fuit seu vorago tetra in freto Siculo e regione Scyllæ. — *Cyclope.* Polyphemo, qui tres Ulyssis socios devoravit, et ab eo inebriatus occæcatusque est: de quo fuse Homerus.

146. *Nec reditum, etc.* Non accersit longe poematis exordium, ut ille poeta qui narraturus Diomedis reditum in patriam, incipit ab Meleagri interitu, qui frater fuit Tydel, ex quo Diomedes natus.

147. *Nec gemino, etc.* Fingunt poetæ Clytemnestram, et Helenam, quæ

causa fuit belli trojani, natas fuisse ex ovo uno.

148. *Ad eventum.* Ad rerum finem. — *Et in medias res, etc.* Et omissa rerum antecedentium narratione, quasi jam notæ essent, rapit statim auditorem in medias res.

150. *Relinquit.* Omittit penitus ac silet ea quæ ornari non possunt, quæ minime lectorem moveant aut delectent.

151. *Mentitur.* Ingeniose fingit.

154. *Si plausoris, etc.* Si expetis spectatorem qui plausu tuam fabulam, id est, tragediam vel comœdiam approbet, qui maneat, id est, expectet, donec aulæa sive peristromata, quibus ornari scena solet, tollantur ea finita, qui eo usque sedeant, non ante exsurgat abeatque, quam aliquis actor, seu præco dimittens spectatores, eos solenni voce ac formula compellet, Plaudite. — *Aulæa.* Vide eplst. I. lib. 2.

157. *Mobilibus naturis.* Hominum ingenilis et studiis, quæ cum ætate et annis mutantur. — *Decor dandus.* Tribuendum est id quod decet et convenit.

158. *Reddere, etc.* Puer qui jam articulate loquitur, ac firma humi ponere vestigia per ætatem potest.

159. *Paribus.* Cum æqualibus.

160. *Iram colligit ac ponit.* Repente irascitur ac facile placatur.

- Imberbis juvenis, tandem custode remoto,
 Gaudet equis, canibusque, et aprici gramine campi,
 Cereus in vitium flecti, monitoribus asper,
 Utilium tardus provisor, prodigus æris,
 165 Sublimis, cupidusque, et amata relinquere pernix.
 Conversis studiis, ætas, animusque virilis
 Quærit opes et amicitias, inservit honori;
 Commisisse cavet, quod mox mutare labore.
 Multa senem circumveniunt incommoda; vel quod
 170 Quærit, et inventis miser abstinet, ac timet uti;
 Vel quod res omnes timide, gelideque ministrat,
 Dilator, spe longus, iners, avidusque futuri,
 Difficilis, querulus, laudator temporis acti
 Se puero, censor castigatoremque minorum.
 175 Multa ferunt anni venientes comoda secum,
 Multa recedentes adimunt. Ne forte seniles
 Mandentur juveni partes, pueroque viriles,
 Semper in adjunctis ævoque morabimur aptis.
 Aut agitur res in scenis, aut acta refertur.
 180 Segnius irritant animos demissa per aurem,
 Quam quæ sunt oculis subjecta fidelibus, et quæ
 Ipse sibi tradit spectator: non tamen intus
 Digna geri promes in scenam; multaque tolles
 Ex oculis, quæ mox narret facundia præsens.

161. *Custode.* Moderatore, pædagogo.

162. *Canibus.* Venatione. — *Campi.* In campo Martio sub urbis mœnia juvenes exercebantur cursu, saltu, disco.

163. *Cereus.* Facilis, mollis instar cereæ.

164. *Utilium, etc.* Tarde providens et comparans ea quæ utilia sint ipsi futura. — *Prodigus æris.* In sumptum prodigus.

165. *Sublimis.* Elatus, arrogans. — *Pernix.* Celer.

166. *Conversis.* Mutatis, dissimilibus. — *Studiis.* Propensionibus, curis, occupationibus, consiliis.

168. *Cavet.* Timet, fugit: cavet ne quid faciat cujus poenitere possit, quod infectum et mutatum velit.

170. *Quærit.* Subaudi opes.

171. *Ministrat.* Administrat, gerit.

172. *Spe longus.* Suas spes in longum ducens, raro desperans. — *Iners.* Ob virium defectionem rebus gerendis minus aptus. — *Avidusque futuri.* Vitæ longioris cupidus.

173. *Difficilis.* Morosus. — *Querulus.* Assiduo de sorte sua querens.

174. *Se puero.* Temporis pristini

quod actum est, ac præteritum quod fluxit, quum esset ipse puer. — *Minorum.* Juniorum, qui minorem suam ætatem habent.

175. *Anni venientes.* Crescentes, juveniles. Anni autem venire dicebantur usque ad ætatem virilem, inde recedere.

177. *Mandentur.* Affingantur. — *Partes.* Personas, mores.

178. *Semper in adjunctis, etc.* Semper eorum, quæ cuique ætati adjuncta et apta sunt, id est conveniunt, rationem habebimus.

179. *Aut agitur, etc.* Aliquæ res et actiones in theatro exhibentur et aguntur, aliquæ narrantur tantum gestæ ab aliis extra scenam. Plus movent illæ quæ videntur, segnius quæ audiuntur: non tamen exhibendæ sunt actiones quædam tetræ atque immanes; sunt enim illæ digniores quæ intus, clam et post scenam gerantur.

181. *Fidelibus.* Qui rem fideliter exhibent.

182. *Sibi tradit.* Videndo: non accipit ab aliis, audiendo.

184. *Facundia præsens.* Persona in scenam prodians, vox præsentis actoris.

- 185 Ne pueros coram populo Medea trucidet ;
 Aut humana palam coquat exta nefarius Atreus :
 Aut in avem Progne vertatur, Cadmus in anguem.
 Quodcumque ostendis mihi sic, incredulus odi.
 Neve minor, neu sit quinto productior actu
- 190 Fabula, quæ posci vult, et spectata reponi.
 Nec deus intersit, nisi dignus vindice nodus
 Inciderit ; nec quarta loqui persona laboret.
 Actoris partes chorus officiumque virile
 Defendat ; neu quid medios intercinat actus,
- 195 Quod non proposito conducat et hæreat apte.
 Ille bonis faveatque et consilietur amicis,
 Et regat iratos, et amet peccare timentes ;
 Ille dapes laudet mensæ brevis, ille salubrem
 Justitiam, legesque, et apertis otia portis ;
- 200 Ille tegat commissa, deosque precetur, et oret,
 Ut redeat miseris, abeat fortuna superbis.
 Tibia non, ut nunc, orichalco vincta, tubæque
 Æmula, sed tenuis simplexque, foramine paucò
 Adspirare, et adesse choris erat utilis, atque
- 205 Nondum spissa nimis complere sedilia flatu,
 Quo sane populus numerabilis, utpote parvus,

185. *Pueros.* Medea filios duos, quos ex Jasone susceperat, coram ipso interfecit.

186. *Extæ. Viscera.* — *Humana.* Filiorum fratris Thyestæ.

187. *Progne.* Quæ quum Ityn filium Tereo marito suo comedendum apposuisset, in hirundinem est mutata. — *Cadmus.* Senio confectus in draconem mutatus est.

188. *Incredulus odi.* Quæcumque hunc in modum exhibes, aversor et odio habeo.

190. *Reponi.* Iterum exhiberi, quamvis jam spectata fuerit.

191. *Intersit.* In scenam inducatur, et per machinam aliquam e cælo descendat. — *Nisi, etc.* Nisi occurrat aliqua actio difficilis quæ solvi et explicari non possit, quin vindex, interpret, et quasi servator deus accedat : qui fabulam quasi perituram servet, vindicet in libertatem, nodo et vinculo soluto.

192. *Quarta.* Tres tantum personæ loquantur in singulis scenis.

193. *Actoris, etc.* Chorus locum et partes unius actoris tueatur et obtineat, sit instar personæ gravis, honestæ, virilis et cordatæ, neque inter actus aliquid canat, quod toti fabulæ non appositum sit, quod alienum sit ab argumento. — *Chorus.* Erat hominum multitudo,

virorum ac mulierum quæ intererat scenæ, et in actionem tragicam se interponebat.

196. *Bonis faveat.* Laudet homines probos. — *Consilietur.* Dei consilium.

197. *Peccare, etc.* Viros innocentes a peccato abhorrentes. Alii legunt : *pacare timentes*, id est flectere superbos.

198. *Brevis.* Frugalis et parcus ; vel victus tenuis qui brevi tempore sumitur.

199. *Otia.* Subaudi amet, laudet. pacem commendat quæ secures patentibus urbium portis cives præstat.

200. *Tegat.* Ne prodatur, ne aperiat arcana sibi credita.

201. *Fortuna.* Felix nempe et secunda.

202. *Tibia, etc.* Non olim erat tibia, ut est nunc, vincta et ornata circulis quibusdam ex orichalco factis ; non erat ingens et tubæ par, sed tenuis erat ac ejusmodi ut adspirare, seu canere, et juvare chorum posset, audiri per sedilia in quibus erant spectatores non nimis spissi et frequentes, atque adeo numerari faciles. — *Orichalco.* Orichalcum est æris genus quoddam splendidum, et auri fulgorem imitans.

203. *Quo.* In quem locum, ad quæ sedilia. — *Numerabilis.* Populus adeo paucus ut facile posset numerari.

- Et frugi, castusque, verecundusque coibat.
 Postquam cœpit agros extendere victor, et urbem
 Latior amplecti murus, vinoque diurno
- 210 Placari Genius festis impune diebus,
 Accessit numerisque modisque licentia major.
 Indoctus quid enim saperet, liberque laborum,
 Rusticus urbano confusus, turpis honesto?
 Sic priscæ motumque et luxuriam addidit arti
- 215 Tibicen, traxitque vagus per pulpita vestem.
 Sic etiam fidibus voces crevere severis,
 Et tulit eloquium insolitum facundia præceps,
 Utiliumque sagax rerum, et divina futuri,
 Sortilegis non discrepuit sententia Delphis.
- 220 Carmine qui tragico vilem certavit ob hircum,
 Mox etiam agrestes Satyros nudavit, et asper
 Incolumi gravitate jocum tentavit; eo quod
 Illecebris erat et grata novitate morandus
 Spectator, functusque sacris, et potus, et exlex.

207. *Frugi*. Probus. — *Coibat*. Conveniebat, confinebat.

208. *Victor*. Romanus.

210. *Placari, etc.* Postquam cœptum est vino indulgeri, potari de die liberius, impune et sine legum metu. — *Genium*. Deum putabant esse vitæ singulorum hominum præsidem, amantem voluptatis et deliciarum, quia illis maxime fovetur vita; illum placari et conciliari vino et comessionibus; unde genio indulgere, est capere dulcia, obsequi animo. — *Impune*. Aliis enim diebus, quam festis, non licebat de die convivia celebrare, sed tantum sub vesperam.

211. *Numeris*. Versibus. — *Modis*. Cantui, musicæ.

212. *Saperet*. Quem tenere modum posset? an se modeste ac sapienter poterat gerere multitudo conflata ex rusticis, etc.

214. *Motum*. Gestus incompositos, saltationem. — *Luxuriam*. Ornatum elegantiores et supervacaneum, sumptus, copiam et luxum in ornandis tibiis, in vestiendis histrionibus, etc.

215. *Traxit*. Cum longa veste, per pulpita, id est, scenam et locum in ea destinatum histrionibus vagatus et spatiatum est.

216. *Fidibus, etc.* Citharis quoque antea gravibus ac severis additæ sunt chordæ, ac voces novæ; ut foramina fuerunt addita tibiis.

217. *Et tulit, etc.* Facundia seu oratio, quæ olim erat modeste eloquens, jam præceps et incitata protulit, attulit

novam eloquentiam; sonantior et ambitiosior facta est.

218. *Divina*. Præsaga. Futura prædicens.

219. *Sortilegis non discrepuit, etc.* Non discrepuit (ob vehementius dicendi genus et obscuritatem) ab oraculis et vaticiniis quæ Delphis edebantur. — *Delphis*. Delphi urbs Phocidis in Græcia, ubi templum Apollinis celeberrimum.

220. *Carmine, etc.* Id est, qui primus scripsit et invenit tragœdiam. *Hircus* enim, sive ut alii volunt, uter factus hircino e corio, vino plenus, erat præmium illorum, qui tragœdias scriberent. Hinc natum tragœdiæ nomen a τράγος, hircus, et ᾠδή, cantus, carmen, cantilena.

221. *Mox, etc.* Non ita multo post inventam tragœdiam, adhibuit ejus inventor inter actus singulos et nudavit, sem nudos introduxit Satyros, seu ridiculas quasdam personas instar Satirorum et aliorum ejusmodi agrestiorum deorum compositas, quæ risum moverent et asperitatem seriæ ac severi carminis exhiberent: ita tamen ut sua maneret incolumis et salva esset tragœdiæ gravitas. — *Et asper, etc.* Et quum esset ipse asper, id est, ejus carmen et tragœdia essent seriæ et severa, tentavit illis sales et suavitatem aspergere, etc.

224. *Functus sacris*. Defunctus sacriticis. — *Potus*. Epulatus, ebrius. — *Exlex*. Sine lege; erat enim magna in illis diebus festis licentia.

- 225 Verum ita risores, ita commendare dicaces
 Conveniet Satyros, ita vertere seria ludo,
 Ne quicumque deus, quicumque adhibebitur heros,
 Regali conspectus in auro nuper et ostro,
 Migret in obscuras humili sermone tabernas,
 230 Aut, dum vitat humum, nubes et inania caplet.
 Effutire leves indigna tragoedia versus,
 Ut festis matrona moveri jussa diebus,
 Intererit Satyris paulum pudibunda protervis.
 Non ego inornata et dominantia nomina solum
 235 Verbaque, Pisones, Satyrorum scriptor amabo;
 Nec sic enitar tragico differre colori,
 Ut nihil intersit, Davusne loquatur, et audax
 Pythias, emuncto lucrata Simone talentum,
 An custos, famulusque dei Silenus alumni.
 240 Ex noto fictum carmen sequar, ut sibi quisvis
 Speret idem; sudet multum, frustraue laboret
 Ausus idem: tantum series, juncturaque pollet!
 Tantum de medio sumptis accedit honoris!
 Silvius deducti caveant, me iudice, Fauni,
 245 Ne, velut innati triviis ac pæne forenses,
 Aut nimium teneris juvenentur versibus unquam,
 Aut immunda crepent ignominiosaque dicta.

225. *Verum, etc.* Tamen ita decebit commendare Satyros et seriis admiscere ludicra, ne vel deus vel heros aliquis, in scenam productus, et modo regali magnificentia conspectus, descendat ad humilliora dicta, qualia in obscuris tabernis audiuntur.

231. *Effutire, etc.* Tragoedia, indigna quæ versus leves effutiat, ac temere petulanterque garriat. Sententia est, raro Satyros in tragoedia esse admiscendos.

232. *Jussa.* Vulgo puellæ in religiosa festorum dierum hilaritate saltare jubebantur; Interdum matronæ per pontifices delectæ, ut in festis Cybeles.

233. *Intererit Satyris.* Immisceretur Satyris, versabitur inter Satyros.

234. *Inornata.* Non elegantiore significatione usurpata. — *Dominantia.* Propria, quibus ullitur vulgaris sermo.

235. *Satyrorum scriptor.* Si Satyros scriberem.

236. *Nec sic, etc.* Neque tamen in isto carmine quod Satyros vulgo vocant, sic adhibeo sermonem a tragico sermone differentem et quasi discolorum, ut idem sit sermo actorum omnium et personarum comœdiarum, et eodem modo in ea loquatur deus aliquis, v. g. Sile-

nus Bacchi custos, ac Davus, nempe servus comicus, aut Pythias, ancilla comica, quæ talentum dolo abstulerit ab hero suo Simone. *Emungere aliquem argento* est locutio terentiana, pro, auferre et extorquere per fallaciam.

240. *Ex noto.* Id potius observabo in istis Satyris et jocis componendis, ut e rebus et actionibus notis et vulgaribus fingam carmen, ita quidem ut quisvis speret se idem facile fingere posse.

242. *Tantum series juncturaque pollet.* Tam multum a rebus bene dispositis et scite inter se junctis laus scriptoris pendet.

243. *Tantum de medio, etc.* Tam multum valet ars qua rebus vulgaribus paratur honor, id est pulchritudo, elegantia.

244. *Silvis, etc.* Quum agrestes personæ in scenam inducentur, velut e silvis deductæ, caveant ne tanquam urbani scurræ, in mediis trivis ac foribati lasciviant, et excultis versibus ac politulis juveniliter garriant. — *Fauni.* Od. 13, lib. 3.

247. *Crepent.* Loquantur, ore putido proferant. — *Ignominiosa.* Contumeliosa.

- Offenduntur enim, quibus est equus, et pater, et res;
 Nec, si quid fricti ciceris probat et nucis emptor,
 250 *Æquis accipiunt animis, donantve corona.*
Syllaba longa brevi subjecta vocatur iambus,
Pes citus; unde etiam trimetris accrescere jussit
Nomen iambeis, quum senos redderet ictus,
 255 *Primus ad extremum similis sibi. Non ita pridem,*
Tardior ut paulo graviorque veniret ad aures,
Spondeos stabiles in jura paterna recepit
Commodus et patiens; non ut de sede secunda
Cederet aut quarta socialiter. Hic et in Acci
Nobilibus trimetris apparet rarus, et Enni
 260 *In scenam missos magno cum pondere versus,*
Aut operæ celeris nimium, curaque carentis,
Aut ignoratæ premit artis crimine turpi.
Non quivis videt immodulata poemata iudex;
Et data romanis venia est indigna poetis.
 265 *Idcircone vager, scribamque licenter? An omnes*
Visuiros peccata putem mea, tutus et intra
Spem veniæ cautus? Vitavi denique culpam,
Non laudem merui. Vos, exemplaria græca

248. *Quibus est equus, etc.* Equites romani, nobiles et locupletes.

249. *Ciceris.* Est cicer leguminis genus, quo pauperes vescuntur.

250. *Æquis animis accipiunt.* Patienter audiunt.

251. *Subjecta.* Postposita

252. *Unde etiam, etc.* Eo quod iambus citus et celer sit, factum est ut versus iambel, licet senos ictus reddant, sex pedibus constant, tamen trimetri nominentur quasi tres tantum mensuras habeant, et duo pedes iambi pro una censeantur mensura. — *Accrescere.* Addi, imponi.

253. *Senos ictus.* Quum versus metiebantur Romani et audiebant eorum pedes singulos, pedum plausu ictuque aut micantibus sonantibusque digitis numerabant.

254. *Primus ad, etc.* Olim pes iambus a prima parte versus, usque ad extremam erat similis sibi, nempe unus et idem iambus: totus versus constabat e meris pedibus iambis: at non ita pridem recepit instar benigni et commodi hospitalis in jura paterna, in sedes quas a patre et inventore suo acceptas tenebat, spondeos stabiles, id est, graviores, non ita citos, nempe ut plus haberet gravitatis, ut tardius et lentius pronuntiaretur: non ita tamen admisit spondeum, ut de secunda sede, aut quarta cederet; ut eas

socio et hospiti suo concederet, sed illas sibi retinuit.

256. *Stabiles.* Equabiliter nixos ac firmos, iambus veluti claudus est, et altera syllaba impar, constans nempe brevi et longa.

258. *Hic.* Pes iambus. — *Acci.* Accius et Ennius veteres poetæ latini, in scribendo negligentiores.

260. *Magno cum pondere.* Spondeos tardioribus.

261. *Aut operæ celeris, etc.* Aut alimæ festinationis ac negligentis, aut artis poeticæ ignorantis.

263. *Immodulata.* Suis pedibus modulisque carentia: sans nombre et sans cadence.

264. *Venia indigna.* Qua digni non erant.

265. *Vager.* Scilicet ab artis præceptis. — *An omnes, etc.* An sciam omnes peccata mea visuiros, et tamen non accuratius scribam, tutus et securus, quia mihi spes est veniæ?

267. *Vitavi, etc.* Si tamen non licenter scribam, culpam certe, id est reprehensionem, effugiam, non idcirco laudem et præmium merebor.

268. *Vos, etc.* At vos, Pisones, nolite illa poetarum romanorum licentia uti, sed contra græcos scriptores usque et usque legite.

Nocturna versate manu, versate diurna.

- 270 At vestri proavi plautinos et numeros et
Laudavere sales, nimium patienter utrumque,
Ne dicam stulte, mirati; si modo ego, et vos
Scimus inurbanum lepido seponere dicto,
Legitimumque sonum digitis callemus et aure.
- 275 Ignotum tragicæ genus invenisse camenæ
Dicitur, et plaustriis vexisse poemata Thespis
Qui canerent agerentque, peruncti fœcibus ora.
Post hunc, personæ pallæque repertor honestæ
Æschylus, et modicis instravit pulpita tignis,
- 280 Et docuit magnumque loqui, nitique cothurno.
Successit vetus his comœdia, non sine multa
Laude; sed in vitium libertas excidit, et vim
Dignam lege regi. Lex est accepta, chorusque
Turpiter obticuit, sublato jure nocendi.
- 285 Nil intentatum nostri liquere poetæ;
Nec minimum meruere decus, vestigia græca
Ausi deserere, et celebrare domestica facta,
Vel qui prætextas, vel qui docuere togatas.
Nec virtute foret clarisque potentius armis,
- 290 Quam lingua, Latium, si non offenderet unum-
quemque poetarum limæ labor et mora. Vos, o
Pompilius sanguis, carmen reprehendite, quod non

270. *Plautinos*. Epist. 1, lib. 2.

271. *Utrumque mirati*. Numeros Plauti seu versus; sales seu jocos lilliberales.

272. *Si modo, etc.* Siquidem ego et vos, o Pisones, scimus scurriles facetias ab lepidis et honestis distinguere, et metiri versus eorumque numeros deprehendere.

275. *Ignotum, etc.* Thespis poeta græcus dicitur primus invenisse camenam seu carmen tragicum antea ignotum: tragœdiæ inventor fuit, et imposuit plaustriis homines rusticos recitantes poemata et agentes, qui larvæ loco sibi vultum perungebant vindemiæ fœcibus, lib. 1. Epist. 1.

278. *Post hunc, etc.* Post Thespim, Æschylus, poeta græcus, invenit et dedit suis actoribus personam, seu larvam, unam masquæ, et pallam seu longiorem vestem, honestam; *une robe traînante*: idem theatrum exstruxit et tignis imposuit, cothurnos addidit et grandiora verba.

281. *Successit, etc.* Post Thespim et Æschylum, poetæ, omissis tragicis argumentis, contulerunt se ad hominum vitia nominatum et palam carpenda, et

in scenam inducenda. Hoc fecit comœdia vetus: de qua vide satiram 4, lib. 1.

282. *In vitium, etc.* Vitiosa evasit licentia dicendi, et in maledicendi consuetudinem delapsa est, tanta cum procacitate et violentia, ut eam comprimendam esse legibus homines putaverint.

284. *Turpiter obticuit*. Quippe sublatus est. — *Jure*. Potestate, facultate.

285. *Nil intentatum, etc.* Nostri poetæ græcarum et aliarum fabularum genera tentaverunt.

286. *Vestigia, etc.* Postquam imitari Græcos desierunt, et romanas res celebrare verbis cœperunt.

288. *Prætextas*. Latinas fabulas et tragœdias in quibus agunt nobiles personæ et herolice. — *Docuere*. Egere, scripsere. — *Togatas*. Fabulas latinas in quibus plebeis erant personæ, ideoque comœdias.

289. *Virtute*. Bellica.

290. *Lingua*. Eloquentia. — *Si non offenderet*. Nisi poetas plerosque omnes deterreret labor.

291. *Limæ*. Limandi carminis et polendi.

292. *Pompilius sanguis*. O Pisones, qui originem ducitis a Numa Pompilio.

- Multa dies et multa litura coercuit, atque
Præsectum decies non castigavit ad unguem.
- 295 Ingenium misera quia fortunatius arte
Credit, et excludit sanos Helicone poetas
Democritus, bona pars non unguis ponere curat.
Non barbam; secreta petit loca, balnea vitat.
Nanciscetur enim pretium nomenque poetæ,
- 300 Si tribus Anticyris caput insanabile nunquam
Tonsori Licino commiserit. O ego lævus,
Qui purgo bilem sub verni temporis horam!
Non alius faceret meliora poemata; verum
Nil tanti est. Ergo fungar vice cotis, acutum
- 305 Reddere quæ ferrum valet, exsors ipsa secandi:
Munus et officium, nil scribens ipse, docebo;
Unde parentur opes; quid alat, formetque poetam:
Quid deceat, quid non; quo virtus, quo ferat error.
Scribendi recte sapere est et principium et fons.
- 310 Rem tibi socraticæ poterunt ostendere chartæ,
Verbaque provisam rem non invita sequentur.
Qui didicit patriæ quid debeat, et quid amicis,
Quo sit amore parens, quo frater amandus et hospes,
Quod sit conscripti, quod iudicis officium, quæ
- 315 Partes in bellum missi ducis; ille profecto
Reddere personæ scit convenientia cuique.
Respicere exemplar vitæ morumque jubebo

293. *Coercuit*. Emendavit, correxit.

294. *Præsectum*, etc. Ita ut illud carmen præsectum decies, *dix fois rogné*, sit castigatum *ad unguem*, id est perfectissime. Metaphora ducta a statuariis, qui opus, quod lævigant et exponunt, ne quid asperitatis in eo remaneat, unguibus percurrunt et explorant.

295. *Ingenium*. Quia dixit Democritus poetas ingenio magis, quam arte, fieri et valere, et negat eos poetas esse satis bonos, qui non tantisper insanient: hinc fit ut magna pars vatum, tanquam si essent insani, barbam non tondeant, non secent unguis, fugiant hominum consortia. — *Misera*. Invalida.

296. *Helicone*. Mons Boeotiae fuit in Græcia Musis sacer.

297. *Democritus*. Philosophus græcus, Abderæ natus, qui omnia solebat ridere, ut omnia desebat Heraclitus, alter philosophus. Ep. 12, lib. 1.

298. *Balnea vitat*. Vel ne sordes illyiæque deponat: vel, quia in balnea solent homines undique convenire.

300. *Si tribus Anticyris*, etc. Caput, cui sanando vix sufficeret elleborum vel in tribus insulis Anticyris natum, si tres

essent insulæ. Anticyra est insula in mari Egeio notissima. Ibi frequens nascebatur elleborum, quo purgantur furiosi et insani.

301. *Licino*. Licinus tonsor adeo Augusto carus fuit, ut in senatum ab eo sit cooptatus. — *O ego lævus*. Næ ego sum parum prudens qui, etc.

304. *Nil tanti est*. Poetæ nomen non tanti facio.

306. *Munus et officium*. Scilicet recte scribendi.

307. *Opes*. Scilicet poeticæ, copia, ubertas.

308. *Virtus*. Ars, doctrina, severum studium. — *Error*. Inscitia, temeritas.

309. *Sapere*. Sapientia, mens recta et sapiens, fons est et principium bene scribendi.

310. *Rem*. Præcepta morum, sententias suppeditebilit philosophia. — *Socraticæ*. Od. 15, lib. 3.

311. *Verbaque*, etc. Ubi materiam scribendi recte provisam et comparatas habueris, verba ipsa et locutiones offerent se sponte.

314. *Conscripti*. Senatoris.

317. *Respicere*, etc. Præcipio illud

- Doctum imitatore, et veras hinc ducere voces.
 Interdum speciosa locis morataque recte
 320 Fabula, nullius veneris, sine pondere et arte,
 Valdius oblectat populum, meliusque moratur,
 Quam versus inopes rerum, nugæque canoræ.
 Graiis ingenium, Graiis dedit ore rotundo
 Musa loqui, præter laudem, nullius avaris.
 325 Romani pueri longis rationibus assem
 Discunt in partes centum diducere. «Dicat
 Filius Albini, si de quincunce remota est
 Uncia, quid superat? poteras dixisse?—Triens.—Eu!
 Rem poteris servare tuam. Redit uncia, quid sit?—
 330 Semis.» An, hæc animos ærugo et cura peculi
 Quum semel imbuerit, speramus carmina fingi
 Posse linenda cedro, et lævi servanda cupresso?
 Aut prodesse volunt, aut delectare poetæ,
 Aut simul et jucunda et idonea dicere vitæ.
 335 Quidquid præcipies, esto brevis, ut cito dicta
 Percipiant animi dociles, teneantque fideles.
 Omne supervacuum pleno de pectore manat.
 Ficta voluptatis causa sint proxima veris;
 Nec, quodcumque volet, poscat sibi fabula credi;
 340 Neu pransæ Lamiae vivum puerum extrahat alvo.
 Centuriæ seniorum agitant expertia frugis;

in primis ut poeta imitetur accurate mores et vitam hominum quotidianam, ac proinde illam respiciat et cognoscere studeat, et inde veras imagines effingat.

319. *Speciosa locis.* Conspicua et iocuples sententiis et rebus quas tractat. — *Morataque recte.* In qua recte et vere expressi sunt mores hominum.

320. *Nullius veneris.* Carens elegantia. — *Sine pondere.* Nullius momenti, vel carens sonantibus et numerosis versibus.

323. *Ore rotundo.* Eleganter, ornate, numero.

324. *Præter laudem, nullius avaris.* Cupidis, avidis nullus rei, nisi laudis.

325. *Longis rationibus.* Implexis supputationibus.

327. *Albini.* Cujusdam fœneratoris. — *Quincunce.* De quinque uncis.

328. *Superat?* Superest, remanet? — *Poteras dixisse?* An posses, potes respondere? — *Triens.* Tertia pars assis quatuor uncias. As in duodecim partes sive uncias dividebatur. — *Eu!* Hoc sic dicit qui filium Albini interrogasse agebatur. Estque græca vocula, cu significans, *belle, euge; præclare dicis.*

329. *Rem.* Opes. — *Redit.* Addatur quincunci.

Horace.

330. *Semis.* Sex uncias, media pars assis. — *Ærugo.* Proprie est vitium et rubigo æris. Avaritia hic significatur. — *Peculi.* Pecuniæ. Est proprie peculium, pecunia quædam proprio labore parta, præsertim a servo vel filio familias.

332. *Cedro.* Oleo cedrino, quia cedri succus et oleum cariem arcet. — *Cupresso.* Scrinio cupressino, quia cupressus blattas et tineas arcet. — *Lævi.* Lævigato.

337. *Manat.* Effluit, excidit. Omnia, quæ sunt supervacua, non influunt in pectus jam plenum et exsatiatum. Metaphora ducta a vase pleno, in quod nihil amplius infundi potest.

338. *Ficta, etc.* Quæ delectationis causa finguntur, debent esse vero similia, neque fabula seu poeta petere debet a spectatore ut credat sibi dicenti, quodcumque libuerit, quamlibet sit incredibile. Erant *Lamiae* monstra quædam, mulierum specie, quæ pueros blanditiis allectos vorare credebantur. *Lamia, una sorcière.*

341. *Centuriæ.* Sensus est: senes improbant carmina inutilia, non morata: at juvenes, equites (dicti *Rhamnes* vel *Rhamnenses* sub Romulo) aspernantur gravia et severa.

Celsi prætereunt austera poemata Rhamnes.
Omne tulit punctum, qui miscuit utile dulci,
Lectorem delectando pariterque monendo.

- 345 Hic meret æra liber Sosiis, hic et mare transit,
Et longum noto scriptori prorogat ævum.

Sunt delicta tamen, quibus ignovisse velimus.
Nam neque chorda sonum reddit quem vult manus et
Poscentique gravem persæpe remittit acutum; [mens,
350 Nec semper feriet, quodcumque minabitur arcus.
Verum, ubi plura nitent in carmine, non ego paucis
Offendar maculis; quas aut incuria fudit,
Aut humana parum cavit natura. Quid ergo est?
Ut scriptor si peccat idem librarius usque,

- 355 Quamvis est monitus, venia caret; ut citharædus
Ridetur, chorda qui semper oberrat eadem :
Sic mihi, qui multum cessat, sit Chœrilus ille,
Quem bis terve bonum cum risu miror; et idem
Indignor, quandoque bonus dormitat Homerus.

- 360 Verum opere in longo fas est obrepere somnum.
Ut pictura, poesis erit, quæ, si propius stes,
Te capiet magis, et quædam, si longius abstes.
Hæc amat obscurum, volet hæc sub luce videri,
Judicis argutum quæ non formidat acumen ;

- 365 Hæc placuit semel, hæc decies repetita placebit.

O major juvenum, quamvis et voce paterna
Fingeris ad rectum, et per te sapis, hoc tibi dictum
Tolle memor; certis medium et tolerabile rebus
Recte concedi. Consultus juris, et actor

- 370 Causarum mediocris, abest virtute disert

342. *Celsi*. Elati, arrogantes. — *Prætereunt*. Nil morantur, nil curant.

343. *Punctum*. Judices olim suffragia sua notabant punctis in tabella scriptis : itaque *ferre omne punctum*, est, omnibus suffragiis probari : auferre, promereri omnium approbationem.

345. *Meret, etc.* Talis liber promeretur æra, pecuniam Sosiis (erant illi biblipolæ insignes), illos dilatat.

346. *Prorogat ævum*. Nam præstantes poetas etiam mortui vivunt.

347. *Velimus*. Oportet, æquum est.

350. *Minabitur*. Promittet.

353. *Quid ergo?* Quænam ergo servanda est in eo regula?

354. *Ut scriptor, etc.* Quemadmodum non ignoscimus librario scriptori, id est, illi qui manu libros describit, si semper eadem in re peccat, licet monitus, etc.; sic poeta qui multum cessat, id est, peccat, negligentior est, mihi sit Chœrilus, a me comparatur Chœrilo illi malo

poetæ, quem miror, si his terve commode scribat.

357. *Chærilus*. Poeta malus, cui nummum aureum dabat Alexander, si bonum scripsisset versus; colaphum, si malum : colaphis enectus perillæ fertur.

359. *Quandoque*. Quodcumque, quotiescumque. — *Bonus*. Præstantissimi ingenii poeta.

361. *Ut pictura, etc.* Est similis picturæ poesis; alia eminus, alia comitatus placet.

366. *O major*. O Pisonum ætate provecior.

367. *Ad rectum*. Ad perfectam poetice laudem informaris.

368. *Tolle*. Tene memoria hoc præceptum. — *Certis, etc.* In quibusdam artibus mediocritatem tolerari.

370. *Abest, etc.* Ab eloquentia Messalæ oratoris, ea tempestate disertissimi, longe abest, distat.

- Messalæ, nec scit quantum Casselius Aulus;
Sed tamen in pretio est. Mediocribus esse poetis
Non homines, non di, non concessere columnæ.
Ut gratas inter mensas symphonia discors,
375 Et crassum unguentum, et sardo cum melle papaver,
Offendunt, poterat duci quia cœna sine istis;
Sic animis natum inventumque poema juvandis,
Si paulum a summo discessit, vergit ad imum.
Ludere qui nescit, campestribus abstinet armis,
380 Indoctusque pilæ, discive, trochive, quiescit,
Ne spissæ risum tollant impune coronæ:
Qui nescit, versus tamen audet fingere! — Quidni?
Liber et ingenuus, præsertim census equestrem
Summam nummorum, vitioque remotus ab omni. —
385 Tu nihil invita dices faciesve Minerva:
Id tibi iudicium est, ea mens. Si quid tamen olim
Scripseris, in Metii descendat iudicis aures,
Et patris, et nostras, nonumque prematur in annum,
Membranis intus positis. Delere licebit
390 Quod non edideris; nescit vox missa reverti.
Silvestres homines sacer, interpretisque deorum,
Cædibus et victu fœdo deterruit Orpheus,

371. *Aulus.* Aulus Cassellus, juris-consultus doctissimus.

373. *Di.* Apollo, Musæ. — *Columnæ.* Librarium pilæ ad quas librorum venalium nomina prostabant.

374. *Discors.* Male concinens.

375. *Crassum.* Obtusi et mali odoris, pingue, et adipatum: caput ungebant sibi convivæ unguento subtili, aquæ instar rosacæ. — *Sardo.* Amaro: quia erant in Sardinia herbæ amarissimæ, unde apes mel conficiebant asperum et amarum.

376. *Duci.* Producti, grata esse.

377. *Juvandis.* Delectandis.

378. *Summo.* Perfecto. — *Imum.* Deterrimum.

379. *Campestribus armis.* Disco, hasta, etc., quibus in campo Martio sæ juvenes Romani exercebant.

380. *Trochi.* Trochus ad ludum puerilem est excogitatus.

381. *Coronæ.* Spectatores densi, in orbem et coronam circumstantes. — *Impune.* Merito.

382. *Quidni?* Est objectio. Cur ego, inquiet aliquis imperitus, versus non faciam, præsertim quum sim liber, ingenuus, id est, ortus et liberis parentibus; et census, id est, compertus in censu et censorum lustratione, habere summam

equestrem, quæ in eo requiritur, scilicet qui eques rom. esse velit, nempe quadraginta millium æris (circiter 80,000 fr.).

385. *Tu nihil, etc.* Responsio est. Alii sane licere sibi putent scribere, modo sint liberi, ingenui, prohi; at tu hoc satis esse ne crede; opus est ad id quoque genio quodam peculiari, faveat oportet Minerva præses artium, qua invita tibi sum auctor nihil ut facias et mollaris.

386. *Id tibi, etc.* Scio te satis esse consultum ut id faciendum tibi putes quod suadeo: qua es mente et prudentia, id facies: tamen si quid scripseris, fac illud audiat expendatque tanquam iudex. — *Metii.* Erat is criticus emunctus naris. Sat. 10, lib. 1.

388. *Prematur.* Servetur, lateat.

389. *Intus.* In scrinio, in penetralibus.

390. *Edideris.* Vulgaveris, in lucem edideris. — *Vox missa.* Carmen editum.

391. *Silvestres.* Feros, in silvis degentes, nondum extractis urbibus.

392. *Fædo.* Glandibus constante, etc. — *Orpheus.* Is musicus et poeta insignis fuit, genere Thrax, Callopes et Apollinis filius. — *Deterruit.* Abduxit, averlit.

- Dictus ob hoc lenire tigres rabidosque leones;
 Dictus et Amphion, thebanæ conditor arcis,
 395 Saxa movere sono testudinis, et prece blanda
 Ducere quo vellet. Fuit hæc sapientia quondam,
 Publica privatis discernere, sacra profanis,
 Concubitu prohibere vago, dare jura maritis,
 Oppida moliri, leges incidere ligno:
 400 Sic honor et nomen divinis vatibus, atque
 Carminibus venit. Post hos insignis Homerus,
 Tyrtæusque mares animos in martia bella
 Versibus exacuit; dictæ per carmina sortes,
 Et vitæ monstrata via est; et gratia regum
 405 Pieriis tentata modis, ludusque repertus,
 Et longorum operum finis: ne forte pudori
 Sit tibi Musa lyræ solers, et cantor Apollo.
 Natura fieret laudabile carmen, an arte,
 Quæsitum est. Ego nec studium sine divite vena,
 410 Nec rude quid possit video ingenium; alterius sic
 Altera poscit opem res, et conjurat amice.
 Qui studet optatam cursu contingere metam,
 Multa tulit fecitque puer, sudavit et alsit;
 Abstinuit venere et vino. Qui Pythia cantat
 415 Tibicen, didicit prius, extimuitque magistrum.
 Nunc satis est dixisse: « Ego mira poemata pango;
 Occupet extremum scabies; mihi turpe relinqui est,

394. *Dictus, etc.* Narrant quoque Amphionem exstruxisse Thebas saxis lyræ motis, ita ut aliis alla se sponte superponerent: fuit ille Jovis et Antiope filius, vates et musicus præstantissimus.

396. *Sapientia, etc.* In eo consistebat omnis olim philosophia, nempe ut publica bona a privatis dividerentur, ut sacra a profanis distinguerentur, etc.; hoc autem vates facitabant, unde erant in pretio, quasi homines divini et sapientes.

399. *Incidere. Insculpere. — Ligno. Ligneis tabulis.*

402. *Tyrtæus.* Fuit poeta atheniensis, luscus et claudus, qui dux Lacedæmonis bellum contra Messenios gerentibus oraculo datus, ita suis versibus militum animos accendit, ut insignem de hoste victoriam retulerint. — *Mares.* Viriles, generosos.

403. *Sortes.* Oracula versibus ab Apolline reddita fuerunt.

404. *Via, etc.* Moralis philosophiæ præcepta versibus conscripta sunt.

405. *Pieriis.* Od. 2, lib. 4. — *Tentata.* Quæsitæ, collecta.

406. *Finis.* Reperta fuit oblectatio post longos labores, fessos animos poetico ludo, comœdiis cantilenisque recreando. — *Ne forte, etc.* Te hortatus sum, o major Pisonum, ut in poeticam incumberes, ne forte te pudeat musæ. — *Lyræ solers.* Lyræ peritæ. — *Cantor Apollo.* Qui arti canendi præest.

409. *Quæsitum est.* Hæc agitata est inter peritos controversia, num plus ad bonum carmen faciendum valeret ars quam natura. — *Vena.* Ingenio benigno et locuplete.

410. *Alterius.* Naturæ ars, artis natura opem postulat.

411. *Conjurat.* Conspirat ad laudem carminis.

412. *Qui studet, etc.* Qui in ludia Olympicis cupit alios cursu vincere, et ad metam primus pervenire, et quæ adhuc esset puer, multa tulit, etc.

414. *Pythia.* Proprie carmina in honorem Apollinis qui serpentem Pythonem occiderat: præterea Pythia vocabantur quædam cantica in choris comœdiarum usitata.

417. *Occupet, etc.* Proverbum quoddam a pueris ductum, scabiem impre-

Et, quod non didici, sane nescire fateri. »

- Ut præco ad merces turbam qui cogit emendas,
 420 Assentatores jubet ad lucrum ire poeta,
 Dives agris, dives positus in fœnore nummis.
 Si vero est, unctum qui recte ponere possit,
 Et spondere levi pro paupere, et eripere atris
 Litibus implicitum; mirabor, si sciet inter-
 425 noscere mendacem verumque beatus amicum.
 Tu seu donaris, seu quid donare voles cui,
 Nolito ad versus tibi factos ducere plenum
 Lætitiæ; clamabit enim: « Pulchre, bene, recte! »
 Pallescet super his; etiam stillabit amicis
 430 Ex oculis rorem; saliet, tundet pede terram.
 Ut, qui conducti plorant in funere, dicunt
 Et faciunt prope plura dolentibus ex animo; sic
 Derisor vero plus laudatore movetur.
 Reges dicuntur multis urgere culullis,
 435 Et torquere mero, quem perspexisse laborant,
 An sit amicitia dignus: si carmina condēs,
 Nunquam te fallant animi sub vulpe latentes.
 Quintilio si quid recitares: « Corrige, sodes,
 Hoc, aiebat, et hoc. » Melius te posse negares,
 440 Bis terque expertum frustra: delere jubebat,

cantibus ei, qui ultimus ad metam pervenerit.

419. *Ut præco, etc.* Ordo est: poeta dives agris et nummis fœnori datis, jubet ad se venire domum suam assentatores quibus laudet venditetque sua carmina, lucro et præmio illis, id si faciant, proposito: ut præco evocat populum ad auctionem et ad emendas cum lucro merces.

421. *Si vero est, etc.* Sin autem est ille poeta satis dives et liberalis, ut lauto convivio possit illos assentatores excipere, vadem se offerre pro paupere, cujus pauperis levis et suspecta est fides, etc., mirabor si possit mendacem adulatorem ab vero distinguere.

422. *Unctum.* Lautum obsonium, splendidum convivium. — *Recte.* Cum magno apparatu, ut decet liberalem convivatorem. — *Ponere.* Mensis apponere, convivis offerre.

423. *Atris.* Misere vexantibus. Alii legunt *arctis*.

426. *Donaris.* Si quid muneris deris alicui, aut dare volueris.

427. *Ad versus, etc.* Ad audiendos versus a te compositos. — *Plenum, etc.* Ob munus a te acceptum.

429. *Pallescet, etc.* Ad hæc carmina

tua rapi se in admirationem finget, et pæne a sensibus abduci, quo tempore pallet vultus, etc.

430. *Roem.* Lacrimulas præ gaudio. — *Tundet, etc.* Exsillet, saltabit.

431. *Conducti.* Romani habebant certos homines in funeribus qui pretio plorarent, et gemitus miserabiles edoerent, maxime mulieres, quas præfæcas appellabant.

432. *Dolentibus, etc.* Quam qui vere dolent.

433. *Derisor.* Assentator. — *Movetur.* Laudat, probat.

434. *Urgere, etc.* Multis cyathis seu poculis invitare, et quasi tormentum seu questionem illis adhibere quos velint scire an sint amicitia sua digni; quippe quum vino maduerint, facile eorum delegant indolem, ebrius enim celare nihil solet. — *Culullis.* Cululli, fictiles sunt calices: urceoli, pocula.

437. *Sub vulpe.* Sub astutæ vulpis pellicula, sub callido pectore.

438. *Quintilio.* Erat ille Quintillus Varus poeta eximius et censor sincerus: ejus mortem desiet, lib. 1, od. 20. — *Sodes.* Oro te, quæso.

439. *Posse.* Scribere.

Et male tornatos incudi reddere versus.

Si defendere delictum, quam vertere, malles,
Nullum ultra verbum, aut operam sumebat inanem,
Quin sine rivali teque et tua solus amares.

445 Vir bonus et prudens versus reprehendet inertes,
Culpabit duos, incompitis allinet atrum

Transverso calamo signum, ambitiosa recidet
Ornamenta, parum claris lucem dare coget,
Arguet ambigue dictum, mutanda notabit;

450 Fiet Aristarchus; non dicet: « Cur ego amicum

Offendam in nugis? » Hæ nugæ seria ducent
In mala derisum semel exceptumque sinistre.
Ut mala quem scabies, aut morbus regius urget,
Aut fanaticus error, et iracunda Diana;

455 Vesanum tetigisse timent fugiuntque poetam,
Qui sapiunt; agitant pueri, incautique sequuntur.
Hic, dum sublimes versus ructatur et errat,
Si, veluti merulis intentus decedit auceps
In puteum foveamve, licet, « Succurrite, » longum

460 Clamet, « Io cives! » non sit qui tollere curet.

Si quis curet opem ferre et demittere funem,
« Qui scis an prudens huc se dejecerit, atque
Servari nolit? » dicam, sicutique poetæ
Narrabo interitum. Deus immortalis haberi

465 Dum cupit Empedocles, ardentem frigidus Ætnam

441. *Male tornatos*. Impolitos, infabre factos. — *Incudi reddere*. Metaphora ducta ab artifice qui ferrum male elaboratum incudi rursus imponit.

442. *Defendere*. Excusare.

444. *Rivali*. Emulo. Nemo enim reperitur qui deformes et male tornatos versus amet.

447. *Signum*. Litram. — *Ambitiosa*. Plus pompæ ac splendoris, quam rei et veritatis habentia.

450. *Aristarchus*. Fuit grammaticus clarissimus et acerrimus, qui in eo maxime operam posuit, ut germanos Homeri versus e spurilis, qui in ejus opera irreperant, distingueret. — *Nec dicet, etc.* Non castigabit poetam lenius, aut illius delicta dissimulabit; ne amicum offendant in nugis: hæc enim delicta non sunt adeo levia, et in vera mala poetam deceptum ducent, quum eam semel deriseris assentando, nec recto, utque verum et candidum amicum decet, cum eo egeris.

453. *Ut mala, etc.* Ordo est: omnes sapiunt, fugiant vesanum poetam, nam, non secus atque illum, quem

scabies inquinat. — *Morbus regius*. Icterus vocant, sive auriginem: Gallice, *la jaunisse*.

454. *Fanaticus*. Vocabantur fanatici qui a Diana seu Iona percussii credebantur dementia, quæ illos huc illuc errantes ageret et vagos; dicebantur ab Iuna, lunatici: fanatici vero, ab fanis seu templis quorum in foribus vulgo stabant, aut stipem ab hominibus petiituri, aut diis supplicaturi.

456. *Agitant*. Instant. — *Incauti*. Parum sibi caventes ab impetu quem furiosus facere possit.

457. *Hic*. Poeta vesanus. — *Dum sublimes, etc.* Dum versus iudicio suo egregios et sublimes, quia sublato in cælum vultu, erecto capite, buccis tumidis crepat illos ac fundit, errans temere huc illuc, si decedit in puteum vel foveam, ut auceps merulis capiendis intentus, etc.

462. *Qui scis an, etc.* Quomodo scio an se dejecerit ultro, sponte sua, et non velit perire?

463. *Siculi poeta*. Scilicet Empedocles, agrigentini philosophi et poetæ.

Insiluit. Sit jus, liceatque perire poetis.
 Invitum qui servat, idem facit occidenti.
 Nec semel hoc fecit; nec, si retractus erit, jam
 Fiet homo, et ponet famosæ mortis amorem.

- 470 Nec satis apparet, cur versus facit : utrum
 Minxerit in patrios cineres, an triste bidental
 Moverit incestus : certe fuit, ac velut ursus,
 Objectos cavæ valuit si frangere clathros,
 Indoctum doctumque fugat recitator acerbus.
 475 Quem vero arripuit, tenet occiditque legendo,
 Non missura cutem, nisi plena cruoris, hirudo.

467. *Idem, etc.* Idem facit atque ille qui eum occideret. Hellenismus.

468. *Hoc fecit.* Ille poeta deiecit se in foveam

469. *Homo.* Fiet sanior et cautior. — *Famosæ.* Ex qua sibi, ut Empedocles, gloriam et immortalitatem quærit.

470. *Nec satis.* Horatius allam rationem affert, cur ei succurrendum non sit : quia forte ille poeticus furor in poenam scelerum ipsi est immissus, v. g. quod paternum sepulcrum et cineres dissipaverit ac violaverit, quod bidental calcarit : est autem *bidental* locus lectus fulmine, qui apud veteres Romanos erat religiosus sacerque fiebat, ara exstructa

et peracto sacrificio ex ovibus bidentibus, unde nomen ductum : eum porro locum nefas erat ingredi vel calcare.

471. *Incestus.* Implus, flegitiosus.

473. *Clavæ clathros.* Les barreaux de sa loge.

474. *Acerbus.* Importunus, pertinax.

475. *Arripuit.* Veluti per vim ad se recitantem audiendum perpulit.

476. *Non missura cutem, etc.* Ut hirudo, quæ cutem non prius dimittit, quam cruorem multum plena ebiberit ; sic importunus poeta non prius auditorem dimiserit, quam omnes versus recitaverit. — *Hirudo.* Sanguisuga, una sanguis.

FINIS.

INDEX ALPHABETICUS.

ODÆ.

	Pages		Pages
Æli, III, xii,	92	Lupis, <i>Ep.</i> iv,	141
Æquam, II, iii,	47	Lydia, I, vii,	12
Altera, <i>Ep.</i> xi,	152	Mæcenæ, I, i,	1
Angustam, III, ii,	71	Mala, <i>Ep.</i> ix,	150
At o, <i>Ep.</i> v,	142	Martiis, III, vii,	84
Bacchum, II, xvi,	66	Mercuri facunde, I, ix,	14
Beatus, <i>Ep.</i> ii,	136	Mercuri, nam te, III, viii,	85
Cœlo supinas, III, xvii,	96	Montium, III, xvi,	96
Cœlo tonantem, III, v,	79	Motum, II, i,	44
Cur me, II, xiv,	62	Musis, I, xxi,	30
Delicta, III, vi,	82	Natis, I, xxii,	31
Descende, III, iv,	76	Ne forte, IV, viii,	124
Dianam, I, xviii,	27	Nolis, II, ix,	55
Diffugere, IV, vi,	121	Non ebur, II, xv,	64
Dive, IV, v,	119	Non semper, II, vi,	51
Divis, IV, iv,	117	Non usitata, II, xvii,	67
Donarem, IV, vii,	123	Nullam, I, xvi,	25
Eheu fugaces, II, xi,	58	Nullus, II, ii,	46
Est mihi, IV, x,	127	Nunc est, I, xxxi,	41
Et thure, I, xxx,	40	O Diva, I, xxix,	38
Exegi, III, xxiv,	108	Odi, III, i,	69
Faune, III, xiii,	93	O fons, III, ix,	87
Festo, III, xxii,	105	O formosus, IV, ix,	127
Herculis, III, x,	88	O matre, I, xiv,	22
Horrida, <i>Ep.</i> x,	151	O nata, III, xv,	95
Ibis, <i>Ep.</i> i,	135	O navis, I, xii,	19
Icci beatis, I, xxiv,	34	O sæpe, II, v,	50
Ille et nefasto, II, x	56	Otium, II, xiii,	60
Impios, III, xxi,	102	O Venus, I, xxv,	35
Inclusam, III, xi,	89	Parcus, I, xxviii,	37
Intactis, III, xviii,	97	Parentis, <i>Ep.</i> iii,	140
Integer, I, xix,	28	Pastor, I, xiii,	20
Jamjam, <i>Ep.</i> xii,	135	Persicos, I, xxxii,	43
Jam pauca, II, xii,	59	Phœbe, <i>Ep.</i> xiv,	158
Jam satis, I, ii,	3	Phœbus, IV, xiiii,	132
Jam veris, IV, xi,	128	Pindarum, IV, i,	110
Justum, III, iii,	73	Poscimus, I, xxvii,	36
Laudabunt, I, vi,	10	Quæ cura, IV, xii,	130

Qualem, IV, III,	114	Rectius, II, VII,	53
Quando, <i>Ep.</i> VIII,	148	Scriberis, I, V,	9
Quantum, III, XIV,	93	Septimi, II, IV,	49
Quem tu, IV, II,	113	Sic te, I, III,	6
Quem virum, I, XI,	46	Solvitur, I, IV,	8
Quid bellicosus, II, VIII,	54	Te maris, I, XXIII,	32
Quid dedicatum, I, XXVI,	35	Tu ne, I, X,	15
Quid immerentes, <i>Ep.</i> VI,	146	Tyrrhena, III, XXIII,	106
Quid obseratis, <i>Ep.</i> XIII,	157	Velox, I, XV,	24
Quis desiderio, I, XX,	29	Vides, I, VIII,	13
Quo me, III, XIX,	100	Vile, I, XVII,	26
Quo, quo, <i>Ep.</i> VII,	147	Vixi, III, XX,	101

SATIRÆ.

Ambubajarum, I, II,	167	Olim, I, VIII,	192
Egressum, I, V,	180	Omnibus, I, III,	168
Eupolis, I, IV,	174	Proscripti, I, VII,	191
Hoc erat, II, VI,	238	Quæ virtus, II, II,	207
Hoc quoque, II, V,	233	Qui sit, I, I,	162
Ibam, I, IX,	195	Sic raro, II, III,	213
Jamdudum, II, VIII,	243	Sunt quibus, II, I,	203
Nempe, I, X,	198	Unde et quo, II, IV,	228
Non quia, I, VII,	185	Ut Nasidieni, II, VII	247

EPISTOLÆ.

Albi, I, IV,	262	Quinque, I, VII,	268
Celso, VIII,	273	Quum tot, II, I,	301
Flore, II, II,	312	Septimus, I, IV,	274
Fructibus, I, XII,	279	Si bene, I, XVIII,	292
Juli, I, III,	261	Si potes, I, V,	263
Ne percuncteris, I, XVI,	286	Trojani, I, II,	257
Nil admirari, I, VI,	265	Urbis, I, X,	275
Prima, I, I,	252	Ut proficiscentem, I, XIII,	280
Prisco, I, XIX,	297	Vertumnum, I, XX,	299
Quæ sit, I, XV,	284	Villice, I, XIV,	282
Quamvis, I, XVII,	289		
Quid tibi, I, XI,	277	ARS POETICA,	323



INDEX CHRONOLOGICUS

ODARUM

OSTENDENS QUO QUÆQUE ANNO SCRIPTA FUERIT.

Id ostendi satis commode non potest, quin exponatur breviter ea pars romanæ historiæ, in quam Horatii vita incidit. Nihil ferme scripsit ante annum ætatis 21, qui fuit urbis conditæ 710, Octaviæ Cæsaris 19. Ab eo igitur anno ducimus initium.

Anno urbis conditæ dccx, Horatii 21. Cæsar interfectus est in senatu a conjuratis. Eodem anno Tiberis exundans partem urbis evertit; icta fulminibus crebris templa; et alia id genus prodigia contingere, quæ describit Horatius od. 2 libri primi, *Jam satis, etc.*

Anno urbis conditæ dccxiv, Horatii 25. Reversus Romam Octavius quum ab Antonio dissideret, pax inter utrumque componitur Brundisii per communes amicos, eo Roma profectos. Eorum unus Mæcenas fuit, quem Horatius est comitatus, ut narrat satira 5, lib. 1. Per idem tempus Pacorus, Orodis, Parthorum regis, filius, magnas clades Romanis intulit in Syria. De illo meminit od. 6, lib. iii.

Anno urbis conditæ dccxvi, Horatii 27. Bellum in Sicilia gestum est, magno apparatu, inter Sex. Pompeium et Octavium. Ad hoc non leve momentum attulit Menas, sive Menodorus, Pompeii libertus ditissimus et audacissimus, qui cum parte classis defecit ad Cæsarem: idem tamen, sequenti anno, rediit ad Pompeium: ac paucis post mensibus iterum Cæsari se adjunxit. In eum est ode 4 libri epodon, *Lupis et agnis, etc.*, circa hoc tempus scripta. Quo eodem tempore scriptam apparet oden 7 ejusdem libri, *Quo, quo scelesti ruitis, etc.*, in qua bellum civile detestatur.

Anno urbis conditæ dccxviii, Horatii 29. Victus ab Octavio consiliis et fortitudine Agrippæ, in freto Siculo, Sex. Pompeius, ad Antonium fugit, a quo post paulo interfectus est. Marcus Antonius a Parthis varie est victus: Parthorum rex Phraates erat, cujus mentionem facit od. 2, lib. ii. Ad hoc tempus pertinet od. 5, lib. ii. *O sæpe mecum, etc.* Item 5 libri i qua laudat Agrippam, *Scriberis Vario, etc.*

Anno urbis conditæ dccxxii, Horatii 33. Antonius, Octavia repudiata, Cæsaris sorore, bellum indicit Cæsari, qui confestim in Epirum cum expedita classe advolat. Referri ad hunc annum possunt ode 1 libri Epodon, *Ibis Liburnis, etc.*, et *Alteram jam, etc.*

Anno urbis conditæ dccxxiii, Horatii 34. Commisso navali

prælio ad Actium in sinu Ambracio, fugientem cum suis navibus Cleopatram secutus Antonius victoriam Cæsari facilem concessit. Hanc victoriam celebrat vates, ode penultima libri 1, *Nunc est bibendum, etc.*, et 8 libri epodon, *Quando repostum, etc.*

Anno urbis conditæ dccxxvi, Horatii 37. Octavius, extinctis anno 724 Antonio et Cleopatra, redacto in ordinem Lepido, clauso Jano, triplici triumpho et aliis honoribus affectus, templum hoc anno Apollini, cujus præsidio tot res præclare gestas in primis tribuebat, in Palatio dedicavit; addiditque insignem in vicina porticu bibliothecam. De hoc templo meminit Horatius, ode 25 libri primi, *Quid dedicatum, etc.*

Anno urbis conditæ dccxxvii, Horatii 38. Octavius Cæsar, quum nomen Augusti à senatu delatum accepisset, venit in Gallias cum exercitu, transiturus inde in Britanniam, ut eam armis perdomaret: sed Britanni, missis ad eum legatis in Galliam, pacem oraverunt. Ad hunc annum pertinet ode 28, lib. 1, *O diva gratum, etc.*

Anno urbis conditæ dccxxviii, Horatii 39. Augustus in Hispaniam venit, ubi Cantabri et Astures rebellabant. Victi hostes, hoc et sequenti anno, terra marique: sed Augustus ex nimio labore morbum contraxit, anno 729, Romamque subinde repetens, bellum C. Antistio et Carisio absolvendum reliquit. His annis scriptæ sunt od. 4, lib. 11, *Septimi Gades, etc.*, et 8 ejusdem libri, *Quid bellicosus Cantaber, etc.* Item 10 libri 11, *Herculis ritu, etc.* Nec non 7 ejusdem libri, *Martiis cælebs, etc.*

Anno urbis conditæ dccxxx, Horatii 41. Ælius Largus ab Augusto missus in Arabiam, exercitum eo duxit. Circa hoc tempus fuit scripta ode 23 libri 1, *Icci beatis, etc.*

Anno urbis conditæ dccxxxi, Horatii 42. Tiridates, ante annos septem rex creatus a Parthis (pulso ab illis in exilium Phraate ipsorum legitimo rege, ob ejus sævitiam), Romam venit, supplicium ab Augusto petiturus contra eundem Phraatem, qui restitutus in regnum a Scythis fuerat. De Parthis, et eorum domesticis seditionibus, Horatius sæpe meminit, ut ode 20 libri 1, *Musis amicus, etc.*, et 2 lib. 11, *Nullus argento, etc.*, et aliis passim. Eodem anno Augustus sibi substituit L. Sestium consulem, ad quem scribitur ode 4 libri 1, *Solvitur acris hiems, etc.*

Anno urbis conditæ dccxxii, Horatii 43. Fannius Cæpio et Licinius Muræna, quum in Augustum conspirassent, supplicio affecti sunt. Murenæ frater erat Proculeius; de quo agit libri 11 ode 2. Ad eundem Licinium scriptam esse oden ejusdem libri 7, *Rectius vives, Licini, etc.*, quidam volunt.

Anno urbis conditæ dccxxxiii, Horatii 44. Consul creatus est cum Q. Æmilio Lepido M. Lollius: quem Horatius laudat ode 8 libri 11, *Ne forte credas, etc.*

Anno urbis conditæ dccxxxiv, Horatii 45. Phraates, rex Parthorum, ab Augusto pacem rogavit, et illi romana signa, r

captivis, ultro restituit. Hanc victoriam incruentam, quam sola nominis sui fama retulerat Augustus, celebrat vates, ode 5 libri 3. *Cælo tonantem, etc.*

Anno urbis conditæ dccxxxv, Horatii 46. Eunti Athenas Virgilio bene precatur amicus vates, ode 3 lib. 1, *Sic te diva potens Cypri, etc.*

Anno urbis conditæ dccxxxvi, Horatii 47. De Cantabris ab Agrippa domitis mentio est in ode 7 lib. iii, *Martiis cælebs, etc.* Laudat Agrippam, od. 5 lib. 1, et alias passim.

Anno urbis conditæ dccxxxvii, Horatii 48. Ludi sæculares Romæ, Augusti jussu, celebrati sunt insigni pompa. Exstat edita tunc temporis ode horâtiana, quæ sæculare carmen inscribitur, *Phæbe silvarumque, etc.* Non multo ante scriptæ sunt etiam ode 18 libri i, *Dianam teneræ, etc.*, et 5 libri iv, *Dive, quem proles, etc.*

Anno urbis conditæ dccxxxix, Horatii 50. Rhæti et Vindelici, ad Alpium radices positi, quum crebris incursionibus Italiam vexarent, a Druſo et Tiberio, per Augustum huç missis, magna clade non semel affecti sunt. Eosdem Rhætos et Vindelicos, ac vicinos aliquot Germaniæ populos, Drusus debellavit anno 742. Laudes utriusque prosequitur Horatius, ode 3, lib. iv, *Qualem ministrum, etc.*, sed Drusi præcipue in hac ode 3, Tiberii vero in ode 1 ejusdem libri, *Quæ cura patrum, etc.*

Anno urbis conditæ dccxli, Horatii 52. Augustus Romam e Galliis rediit. Eum diutius pro suorum votis morantem, urget vates, ode 4 libri iv, *Divis orte bonis, etc.* Ejusdem reditum ac victoriam, ludis et varia lætitiæ publicæ significatione, celebravit Julius Antonius prætor, Marci Antonii Triumviri filius, hortatusque Horatium erat, ut in idem argumentum versus scriberet: cui respondet Horatius, ode 1 libri iv. *Pindarum quisquis, etc.* Circa idem tempus editam quoque fuisse apparet oden ultimam libri iv. *Phæbus volentem, etc.*, quæ laudes Augusti complectitur.

Anno urbis conditæ dccxlii, Horatii 57. Mortui Romæ sunt Mæcenas et Horatius, et in Esquiliis sepulti.

Aliæ Odæ, quarum nulla nominatim facta mentio est in hoc indice, aut quo scriptæ sint anno incertum est, aut ex aliqua earum vocula fieri conjectura facile potest, ad quem annum sint referendæ.

NOV 7 - 1941

